

IOANNIS  
DE GVEVARA

FLORICORVM REGVLARIVM  
VINORVM

DE INTERIORI SENSU

LIBRI VBI



Ex Typographia Iacobi Mascardi, MDCCLII.

FLORICORVM REGVLARIVM





S E R E N I S S I M O

FRANCISCO MARIAE

S E C V N D O

VRBANI DVCI SEXTO.

Ioannes de Gueuara.



P RVDENTER excogitatum consilium apud veteres extimabatur (Serrenissime Princeps) ad instituendos optimos mores, virum aliquem bonitate conspicuum nobis eligendum esse, ac semper ante oculos habendum, vt sic tanquam illo spectante,

viueremus, & omnia tanquam illo vidente faceremus. Hoc & à Zenone primò desumptum comperimus, & ab Epicuro præceptum fuisse tradit Seneca ad Lucillum, monens & ipse: Aliquem habeat animus, quem vereatur, cuius auctoritate etiam secretum suum sanctius faciat. Quod profectò (si licet moralia ad speculationem quandoque transferre) non abs re mihi dictum putauì, cum superioribus annis tractationes quasdam instituerem de interiori sensu ex his, quæ vel tecum agendo, vel cum disertissimis aulæ tuæ familiaribus coram Celsitudine tua nonnunquam disserui. Etenim si cogitatus etiam, & secreta, quæ non proferuntur, ad similem conspectum emendantur, vt ait Seneca; Quam correctionem

tionem, prout à me ipſo adhiberi poterat, non ſperarem,  
te veluti præſentem conſtituens, ac legentem, vel au-  
dientem, quæ de interiori ſenſu intimè ſentio? Quod ſi  
arduū, ac periculofum magis, quàm tutum ſit, coram  
ſenſatiſſimo viro omnium ſcientiarum cognitione re-  
ferro, de ſenſu, quem natura condens, interius recondi-  
dit, propriam ferre ſententiam: à ſuſcepto tamen conſi-  
lio me non deterruit; Cum & Platonem ſciamus de na-  
tura prolaturum, quæ ſenſerat, non modo Timæum,  
quem maximè verebatur, quaſi interlocutorem in Dia-  
logo de ipſa natura inſtituiſſe, ſed & ſub illius nomine,  
doctrinam tradidiſſe, ac Timæum, ipſum opus cogno-  
miniſſe. Fortè (reor) vt illo ſpectante, in ſuæ mentis  
conſpectu, accuratius, quæ ſcripturus erat diſponeret.  
Et vt mittam Eſchinem Corocididem nunquam melius  
locutum fuiſſe, aut oraſſe, quàm cum Philippum Re-  
gem Macedonum adeſſe intelligeret: nihil planè lima-  
tius Ariſtotelem edidiſſe comperimus eo quod de mun-  
do ad Alexandrum opus inſcripſit. Sed num ego id co-  
gitans, Celſitudinemq. tuam mihi ante oculos in quali-  
bet nota exaranda conſtituens; mihi tantum conſulere  
ſtudiui; An etiam tibi hoc pacto melius rependendum  
eſſe quod debui? Cui enim primitias pullulantis in me  
olim Philoſophiæ dicare maluerim, quàm Celſitudini  
tuæ, quæ tunc mihi hiſcemet ſpeculationibus vacare tri-  
buit, cum apud tuam eandem Celſitudinem detinerer,  
& à qua innumeris, ac præſtantiſſimis honoribus auctus,  
quidquid ad propagandam propriam Religionem in tua  
ditione optaueram, cumulatiſſimè ſemper obtinui? Ita  
vt non minus erga Religionem pietas, quàm erga me ip-  
ſum

sum benignitas tibi tua animum meum semper deuinxerit. Quid si hoc ipsum ex proprio genere tibi debeam, utpote ex Gueuaræ familia, quam semper maximis fauoribus, summaque beneuolentia es profecutus? Nam & in Italia Francisco Bouinensium Ducis germano equite Hierosolymitano familiarissimè vsus es; & in Hispania apud Regem Philippum Secundum, Ognatensium Comite, alijsque eiusdem familiæ consanguineis meis. Te igitur Serenissime Dux cum has tractationes, & quæstiones ederem, animo semper inspexi, ut scribenti mihi, tua veneratione consularem: nunc editas tibi dico, ac mitto, ut grati animi signum aliquod, vel perexiguum darem, & ut quantum apud me valeat auctoritas tua, quidque partum in me sit, concepta tantum præsentia tua, ipse inspicias, ac maxima tua benignitate & prudentia corrigas, correctumq. tanquam omni ex parte tuum libenter accipias. Vale. Romæ Pridie Idus Augusti MDCXXII.

Imprimatur, si videbitur Reuerendissimo P. M. Sacri Pal. Apost.

*P. Episcopus de Curia Vicesgerens.*

**M** Andante Reuerendissimo Patre Sacri Palatij Magistro . Ego Michael Angelus Tontus Sacrae Theologiae, & V. L. Doctor diligenter perlegi opus hoc de Interiori Sensu in tres libros distinctum, Auctore Reuerendissimo Patre Ioanne de Guevara Clericorum Regularium Minorum Praeposito Generali: & cum nihil in eo reperiri, quod vel minimum Catholicae fidei, aut moribus officiat; imo ob variam eruditionem, & insignem doctrinam in eo contentam, non paruum asserre possit Reipublicae litterariae, & commodum, & incrementum, dignum publica luce existimo. Romae die 24. Iunij 1622.

*Michael Angelus Tontus.*

*Imprimatur,*  
Fr. Gregorius Donatus Rom. Mag. & Reuerendiss. P. F. Hyacinthi  
Petronij Rom. S. Pal. Apost. Mag. Socius, Ord. Praed.

# INDEX TRACTATIONVM,

## ET CAPITVM

### LIBRI PRIMII.

In quo ea continentur, quæ ad essentialem, & indiuidualem constitutionem sensus interioris pertinent.

#### P R A E F A T I O.

#### TRACTATIO PRIMA

De Existentia Sensus Interioris.



*N* qua vocis acceptione, hic sumatur sensus interior.

Cap. 1.

pag. 4

*Qua ratione negari, aut in dubium reuocari possit existentia sensus interioris.* Cap. 2.

6

*Sensum interiorem constituendum esse in cunctis animantibus, eumque ex communi ipsorum natura,*

*deprehendi.* Cap. 3.

9

*Ex peculiari quoque vniuscuiusque illorum natura, eundem sensum in animantibus deprehendi.* Cap. 4.

14

*Soluitur ex dictis, omnis ratio dubitandi de existentia sensus interioris, superius adducta.* Cap. 5.

19

---

#### TRACTATIO SECVNDA

De obiecto adæquato Sensus Interioris.

**E***NS* ut sic, nullo modo pertinere ad rationem huius obiecti.

Cap. 1.

26

*Excluduntur etiam à ratione huius obiecti passionis entis, unitas, & veritas.* Cap. 2.

29

✱ 4

Ex-

# I N D E X.

<i>Explicatur, &amp; expeditur Bonitas. Cap. 3.</i>	32
<i>Excluditur tandem ipsa quoque Bonitas. Cap. 4.</i>	35
<i>Satisfit argumentis in oppositum. Cap. 5.</i>	39
<i>Excluduntur omnes substantia, item &amp; accidentia immaterialia. Cap. 6.</i>	48
<i>Comprahenduntur in ratione huius obiecti, accidentia de predicamento quantitatis. Cap. 7.</i>	50
<i>Examinantur, &amp; excluduntur relationes. Cap. 8.</i>	55
<i>Quae species qualitatis pertineant ad rationem huius obiecti. Cap. 9.</i>	56
<i>Reliqua accidentia rationem eiusdem obiecti participantia. Cap. 10.</i>	60

---

## T R A C T A T I O T E R T I A

De modo, quo explicatum obiectum constituitur perceptibile ab interiori sensu.

<b>S</b> <i>Upponitur &amp; commemoratur modus, quo obiecta sunt perceptibilia à sensibus externis, per emissionem Specierum. Cap. 1.</i>	64
<i>Obiecta intrinseca nonnisi per species impressas, intus posse representari, ut ab interiori sensu dignoscantur. Cap. 2.</i>	67
<i>Per quas species impressas, &amp; qua via fiat huiusmodi obiectorum interna representatio. Cap. 3.</i>	72
<i>Quo item pacto per species impressas constituentur perceptibilia obiecta intrinseca. Cap. 4.</i>	83
<i>Singula obiecta per suas species, non autem per alienas, posse representari. Cap. 5.</i>	94

---

## T R A C T A T I O Q U A R T A

De Actibus, seu sensationibus sensus interioris.

<b>Q</b> <i>Vid sit sensatio interna. Cap. 1.</i>	97
<i>In quonam proprie consistat formalis representatio obiecti, &amp; ratio</i>	

# I N D E X.

<i>&amp; ratio imaginis in sensatione interna . Cap. 2.</i>	109
<i>Qua ratione sensatio interna dicatur actus vitalis , &amp; attingentia obiecti . Cap. 3.</i>	121
<i>Sensationem internam, per se &amp; non per viam aliquam interiectam, à potentia manare . Cap. 4.</i>	135
<i>Quotuplex sit sensatio interna . Cap. 5.</i>	145
<i>De interna sensatione obiectorum presentium, qua dicitur sensatio sensus communis . Cap. 6.</i>	150
<i>De interna sensatione obiectorum absentium, &amp; non existentium . Cap. 7.</i>	158
<i>Quæ nam interna sensatio propriè dicatur imaginatio . Cap. 8.</i>	169
<i>Quæ item interna sensatio propriè dicenda sit extimatio . Cap. 9.</i>	177
<i>Quæ tandem sensatio interna dicatur memoria actualis sensus interioris, seu actus memoriæ sensitivæ . Cap. 10.</i>	187
<i>Quo pacto sensationes internæ dicantur procedere per modum apprehensionis iudicij ac discursus . Cap. 11.</i>	194
<i>Explicantur indicia, &amp; solvantur argumenta, quibus probari videtur, in sensationibus internis quandoque verum ac proprium reperiri discursum . Cap. 12.</i>	203

## T R A C T A T I O   Q V I N T A

De communi quidditate, & essentia, sensus interioris  
in vniuersum.

<b>S</b> <i>Ensuum internam essentialiter esse quid à substantia sentientis distinctum, passionemq. animæ sensitivæ . Cap. 1.</i>	214
<i>Sensuum internam essentialiter esse facultatem corpoream, vitalem, cognoscitivam . Cap. 2.</i>	222
<i>Sensuum internam essentialiter, proprium, ac reconditum organum, in animalibus postulare . Cap. 3.</i>	227
<i>Sensuum internam essentialiter ultimo constitui per ordinem ad actus &amp; obiecta supra explicata, sub una quadam &amp; communi ratione . Cap. 4.</i>	230

Quanam

# INDEX.

<i>Quanam definitio sensus interioris ex prædictis omnibus colligatur.</i>	233
<i>Cap. 5.</i>	
<i>Quem gradum perfectionis essentialis obtineat sensus interior, inter ceteras facultates cognoscimus.</i>	236
<i>Cap. 6.</i>	

## TRACTATIO SEXTA

De diuersitate specifica sub communi ratione, & quidditate sensus interioris.

<b>E</b> X cognitione plurium, vel pauciorum sensibilibus, nullam colligi diuersitatem specificam sensus interioris.	Cap. 1.	245
Examinantur aliæ rationes diuersitatis, ex quibus pariter nulla colligitur talis specificatio.	Cap. 2.	251
Adducuntur tandem rationes quadam diuersitatis, ex quibus variæ constituuntur species sensus interioris.	Cap. 3.	255
Quæ differentia perfectionis essentialis inter unum, & alium sensum interiorem, iuxta prædictas diuersitates specificas, reperiatur.	Cap. 4.	266

## TRACTATIO SEPTIMA

De ratione, ac diuersitate numerica, seu indiuiduali sensus interioris.

<b>P</b> lures numero sensus interiores in eodem animali à plerisque Philosophis constitui.	Cap. 1.	270
In eodem animali, nonnisi unicum sensum dari internum à parte rei.	Cap. 2.	273
Eadem unitas numerica sensus interioris probatur de mente Aristotelis.	Cap. 3.	280
Satisfit obiectionibus contrarijs.	Cap. 4.	285
Differentiam indiuidualem sensus interioris, quandoque maiorem, vel minorem perfectionem illius includere.	Cap. 5.	288



INDEX TRACTATIONVM,  
ET CAPITVM  
LIBRI SECVNDI.

In quo ea continentur, quæ ad accidentalem constitutionem sensus interioris pertinent.

P R A E F A T I O.

TRACTATIO PRIMA

De propria sede, & organo sensus interioris in vnoquaque animali.

<b>Q</b> Vibus rationibus videatur sensum internorem perfectorum animalium in corde esse locandum. Cap. 1.	296
Sensum internorem perfectorum animalium, in cerebro tanquam in propria sede locari. Cap. 2.	301
Descriptio cerebri prout in homine, alijsq. nonnullis perfectis animalibus. Cap. 3.	312
In qua potissimum cerebri parte, interior sensus resideat. Cap. 4.	315
Quodnam organum cerebro respondeat in imperfectis animalibus. Cap. 5.	321

---

TRACTATIO SECVNDA

De varietate accidentium, ac dispositionum, quæ in organo sensus interioris reperiuntur.

<b>E</b> Numerantur accidentia, ac variae dispositiones cerebri, & in diuersa genera distribuuntur. Cap. 1.	324
De apta magnitudine ac figura cerebri, eiusq. partium subtilitate. Cap. 2.	326
De	

# I N D E X.

<i>De apta dispositione, ac temperamento primarum qualitatum in cerebro . Cap. 3.</i>	332
<i>De apta dispositione secundarum qualitatum in cerebro. Cap. 4.</i>	341
<i>Easdem dispositiones cerebri deferuire ad aptitudinem cuiusque sensationis internæ . Cap. 5.</i>	346
<i>Easdem quoque dispositiones deferuire ad aptitudinem operationum intellectus in homine . Cap. 6.</i>	354

---

## T R A C T A T I O   T E R T I A

*De dispositionibus aliarum partium animalis, quæ cum cerebri dispositionibus concurrunt.*

<b>D</b> <i>E dispositionibus capitis vniuersi, ac præsertim partium, quæ sunt circa cerebrum . Cap. 1.</i>	367
<i>De cordis dispositione, in quantum consensum habet cum cerebro . Cap. 2.</i>	371
<i>De dispositione Iecoris ac sanguinis . Cap. 3.</i>	373
<i>De requisita dispositione ventriculi, aliarumq. partium cerebro respondentium . Cap. 4.</i>	375

---

## T R A C T A T I O   Q U A R T A

*De causis extrinsecè alterantibus, ac modificantibus dispositiones cerebri.*

<b>D</b> <i>E aere, terra, situ, &amp; aspectu locorum . Cap. 1.</i>	380
<i>De influxu astrorum atque cælorum . Cap. 2.</i>	387
<i>De alimento, ac nutritione . Cap. 3.</i>	389
<i>De medicamentis, alijsq. contingentibus, quia cerebri dispositionem immutant . Cap. 4.</i>	393
<i>De corporis, animiq. exercitationibus, ac quiete . Cap. 5.</i>	395

# I N D E X.

## TRACTATIO QUINTA De Passionibus, & habitibus naturalibus sensus interioris.

<b>D</b> ari in interiori sensu Passiones quasdam, & habitus inditos à natura. Cap. 1.	399
De naturali sagacitate, seu perspicacitate sensus interioris. Cap. 2.	407
De naturali prudentia, solertia, & calliditate. Cap. 3.	410
De hebetudine, ac ruditate. Cap. 4.	415
De fatuitate, stultitia, insania, atque delirio. Cap. 5.	419
De somno, & vigilia. Cap. 6.	429

---

## TRACTATIO SEXTA De habitibus acquisitis sensus interioris, eorumque causis proximis, ac remotis.

<b>P</b> roter habitus naturales, dari etiam in interiori sensu plures habitus acquisitos. Cap. 1.	437
Quo pacto experientia, & exercitatio in interiori sensu habitus generentur, siue ab animalibus acquirantur. Cap. 2.	441
Quo item pacto studium, doctrina, & magistri dicantur concurrere ad productionem habitus. Cap. 3.	444
Qua ratione in interiori sensu, per passiones appetitiuæ partis possint habitus generari. Cap. 4.	447
De necessitudine ac familiaritate, qua diuersi habitus acquiruntur. Cap. 5.	450
De statu, & professione, ubi etiam de legibus, & fortuna. Cap. 6.	452

# I N D E X.

## T R A C T A T I O S E P T I M A

De effectibus habitus, & operationes sensus  
interioris consequentibus.

D	De motione appetitus sensitui. Cap. 1.	454
	De directione potentie motiue. Cap. 2.	461
	De variatione fetus. Cap. 3.	467
	De productione specierum intelligibilium in homine. Cap. 4.	475

## I N D E X Q V A E S T I O N V M, L I B R I T E R T I I.

In quo variae Quaestiones problematice, ad sensum inter-  
iorem pertinentes, discutiuntur.

### P R A E F A T I O.

Q	Questio 1. Quomodo ingeniosus viris accidat aliquando, ut quod discutiendum acceperint, post quietem, vel ali- quam temporis moram, absque prout industria facilius consequantur.	485
	Quaestio 2. Cur ingeniosi multa quandoque in somnis excogitata in- ueniant, quae vigilando vix post diuturnam cogitationem attingere potuissent.	487
	Quaestio 3. Cur interrogatus quis de re aliqua, quam nunquam ad- huc excogitauit, se tamen scire, & expositorum illi promittat.	489
	Quaestio 4. Cur sapius inepti & insipientes, integris sensibus beneq. applicatis, multa tamen non recte discernant exterius.	491
	Quaestio 5. Cur exercitati, facilius memoria mandare, & retinere, valeant, quam qui memoriam non defatigarunt.	494
	Quaestio 6. Cur apud personas, quas magnificimus, quod melius ver- ba facere conamur, eo deterius loquimur.	495

*Quae*

- Quaestio 7. Cur qui sermone parum dissimili à patrio loquuntur, facilius patria loquela obliuiscuntur, quàm si longè diuerso idiomate vterentur.* 497
- Quaestio 8. Quo pacto pleraque memoriter recitantes, sicut & fidibus pulsantes & canentes, quod agunt non omnino attendant, sed aliò mentem possint diuertere.* 499
- Quaestio 9. Cur memoria quandoque facilius reddat, quæ olim, quàm quæ nuper apprehendit.* 502
- Quaestio 10. Cur qui in speculabilibus multum perficiunt, in moralibus, & agibilibus magna ex parte deficiunt.* 504
- Quaestio 11. Cur vni à natura detur memoria rerum, alteri verò memoria verborum prestare.* 508
- Quaestio 12. Cur de moralibus interrogatus vir eximie doctus, non ita statim respondere debet, nec potest, sicut si de naturalibus.* 510
- Quaestio 13. Cur inter vespendum, studiosis viris egregia sese offerant excogitata: quæ tamen si paululum protrahantur, euanescent.* 512
- Quaestio 14. Cur quæ memoria tenentur, & recitari quotidie consueverunt, deterius à nonnullis pronuncientur.* 513
- Quaestio 15. Cur celeberrimis Astrologis, Poetis, ac Pictoribus frequentius contingat aliquid esse admixtum dementiae.* 514
- Quaestio 16. Cur summa prudentia viri in rebus maximis occupati, libenter in facetijs detineantur.* 516
- Quaestio 17. Cur facilius homines se oblitos esse, quæ memoria exciderant, non autem se ignorare, quod non percipere, fateantur.* 518
- Quaestio 18. Qua ratione idem pulchrum, non omnibus pulchrum, sed aliter alijs appareat.* 519
- Quaestio 19. Qua ratione pulchritudo, non modo visum, sed quandoque alios sensus commoueat, & appetitum præ alijs obiectis alliciat.* 522
- Quaestio 20. Cur in memoria, quæ poscuntur, non statim suggerantur; alia verò etiam nobis nolentibus, in medium semper profiliant.* 524
- Quaestio 21. Cur viuidiore, & acriore ingenio præditi, minus ieiunium ferant.* 526
- Quaestio 22. Quid est, quod cæcos intellectu pollere, frequentius experiamur.* 528

Quæ-

# I N D E X.


- Quaestio 23. Cur sanguinei colloquendo, malencolici verò secum cogitando, magis proficiant.* 530
- Quaestio 24. Cur qui sublimi intelligentia pollent, tactu etiam valeant exquisitissimo.* 531
- Quaestio 25. Cur declamatores orando, sapissimè cantilenam quandam efficiant.* 534
- Quaestio 26. Cur mane facilius proprio Marte verba componimus, aut philosophamur; sero autem aptius aliorum scripta intelligimus, aut interpretamur.* 535
- Quaestio 27. Cur acutè responsa vel dictèria illico in promptu, potius quàm diu cogitando, obueniant.* 536
- Quaestio 28. Quo pacto nonnulli dormiendo surgant, ambulent, multaq. faciant opera vigilantium.* 538
- Quaestio 29. Qua ratione nonnulli, id quod apprimè capiunt, exprimere minus aut nullatenus valeant.* 540
- Quaestio 30. Cur qui Ecstasim patiuntur, multa sese videre aut audire existiment, qua nullo pacto vident, vel audiunt.* 543



# DE INTERIORI SENSV LIBER PRIMVS

In quo ea continentur, quæ ad essentialem, & indiuidualem constitutionem illius pertinent.

## P R A E F A T I O.

NTER Philosophicas contemplationes, quæ aciem nostræ mentis euehere maximè solent ad res subtilissimas, ac præstantissimas intuentes; ea sanè magnopere extimari debet, quæ circa primariam, ac reconditam facultatem, qua animalia cuncta cognoscunt, ac sentiunt, profunda peruestigatione versatur. Quippe cum ex ea pendeat, non modo exacta scientia, quam habemus de sensationibus omnibus, appetitionibus, ac motionibus animalium: Verum & notitia modi, quo mens nostra incorporea cum sit, corporea cum facultate communicet, ac ità in homine, omnium animalium diuinissimo, sit ei naturaliter colligata, vt absque ipsa operari nequeat, & sic tam distantes naturæ in vnum conueniant ad constituendum adæquatum principium humanæ cognitionis. Etenim anima corpori sociata, siue terrena cogitet, siue cœlestia contempletur, siue seipsam, aut conditorem suum, vel alias res immateriales pro arbitrio apprehendere, ac indagare conetur, interiori sensu simul corporearum

3. de anima  
cap. 20.

Plutarch. lib. 4.  
de placitis Philo-  
soph. cap. 11.

De diuin. no-  
min. c. 7.

Lib. 1. confess.  
cap. 8.

Lib. 2. magnor.  
moral. c. 18.

corporearum rerum phantasmata ministrante, id opus consequitur. Cum oporteat (inquit Philosophus) intelligentem, phantasmata speculari. Quare sensum hunc in homine, speculum dixerim, vnde visibilium, ac sensibilem omnium, quæ in tam lato mundi campo dispersa sunt, imagines congregatæ, ac multipliciter congestæ, & copulatæ, ad mentis oculos reflectuntur. Nisi potius quis librum nuncupauerit, in quo intellectus cuncta quasi descripta intueretur, ac legit; vbi species omnium rerum corporearum tanquam caractheres in membrana scriptoria, vt Stoici aiebant, visuntur impressæ; Ex quo earundem rerum vocabula tanquam ex Dictionario depromuntur: Vnde micant rationes abstractæ, ac signa spiritualium rerum. Et ex quo licet scientias omnes tanquam ex promptuario rationum, veraciumq. cognitionum thesauro colligere. Vt hinc meritò magnus ille Areopagita postquam à diuina sapientia animos vim ratiocinandi habere asseruisset, statim addiderit: Quin etiã si quis dixerit sensus ipsos, sapientiæ quandam esse particulam, & vestigium, is non aberrabit. Quod potissimum de interiori sensu verificatur, cum in eo longe clarius diuina sapientia per species innumerabilium rerum corporearum eluceat. Quæ omnia, & similia cum aliquando contemplaretur D. Augustinus, secum agens intus in ingenti aula (vt ipse inquit) memoriæ suæ, multa. illi super hæc oboriretur admiratio, statim ait: Et eunt homines admirari alta montium, & ingentes fluctus maris, & latissimos lapsus fluminum, & Oceani ambitum, & gyros syderum, & relinquunt se ipsos, nec mirantur! Quasi nimirum in hac parte philosophiæ, quæ ad interiorem hominem spectat, non eadem esset iucunditas, maiorq. dignitas, atque vtilitas, nec maius putandum esset miraculum, omnia illa, & alia quam plura intus in homine tanquam in speculo, ineffabili quadam virtute representari, vel ad exprimendam opificis potestatem, tanquam in compendioso libello recondi. Sed fortasse relinquunt homines se ipsos, nec mirantur: nam sese cognoscere, licet suauissimum, difficillimum tamen est, quemadmodum quidam dixere sapientes, vt refert Aristoteles.

Etenim



Etenim animus ad habendum se ipsum angustus est, ut idem Augustinus paulò ante adnotauerat. Quoniam vero, quæ simul tota nequaquam valent comprehendì, secundum partes facilius innotescunt: ex tot, tamq. varijs animi viribus, ac facultatibus, hanc mihi sensus interioris seorsum fusè in his tribus libris pertractandam assumpsi. Quam, etsi non intratam Disertissimi scriptores, cum veteres, tum neoterici reliquerunt: nemo tamen ex professo, prout à multis desiderabatur; nec sicut de potentia intellectiua, externisq. sensibus, ita de illa copiosè, ac distinctè adhuc loquutus est. Arduum sanè opus, ac difficillimum, sensum à sensibus remotum, ac tam reconditum explorare, vberiusque, ac luculentius de illo agere, quò minus de eodem ab alijs fuerit pertractatum. Sed ut verbis utar Ciceronis. Non est cur eorum, qui se studio Philosophiæ dediderunt, spes infringatur, aut languescat industria; Nam, inquit, neque id ipsum, quod est optimum, desperandum est, & in præsentibus magna sunt ea, quæ sunt optimis proxima, vel optima, dixerim, imitantur. Quare ex Peripateticæ doctrinæ fontibus hausta principia extendendo, proprium me sensum quoad reliqua intus interrogando (cum sibi natura interrogata respondeat, nec longè tendat, ut se inuenire præualeat, ait Cassiodorus) susceptum institutum aggrediar. Primumq. hunc librum de ijs, quæ ad essentialem, ac indiuidualem constitutionem huius facultatis pertinent instituiam, quem sicut, & Secundum in Tractationes, easq. in Capita distribuam, quò distinctius quæ tradenda sunt methodo doctrinæ teneantur; cum Tertium, non nisi problemáticas ac varias quæstiones, earumq. solutiones, quæ ex eadem doctrina consequentur, completi statuerim. Quod si in his omnibus aliquid noui, ac veri attigerim, dilucideque, Deo dante, explicuerim, ad suam ipsius auctricem sapientiam, affluentemq. bonitatem, cuius luce vniuscuiusque ignorationis tenebræ discutiuntur, & illuminantur mentes hominum, referendum exopto.

*De perfecto Oratore ad Brutum circa initium.*

*In Præfat. lib. de anima.*

# TRACTATIO PRIMA

## De Existentia Sensus Interioris.

2. Pof. l. i.



**V**NIVSCVIVS QVE rei naturam indagando, primo, An illa sit, quærendum esse cum Aristotele sentiunt omnes Philosophi; non modo, vt si non satis constet, id ante omnia planum fiat, ne in incertum vagari videatur oratio: sed vt existentia scientifico more ex principijs, causisq. naturalibus, & effectibus cognita, exactius, ac facilius deinceps innotescat essentia. Quapropter sensus interioris naturam in presentibus inquirendo, vt consueta philosophantium progrediamur via, primam hanc Tractationem de illius existentia instituendam putauimus, vbi paucis de significatione vocis explicatis, mox ad eam ex principijs naturalibus deducendam, & ab experientia comprobendam perueniemus.

*In qua vocis acceptione hic sumatur sensus interior.*

*Cap. I.*

In Prefat. lib.  
de anima.



**A**NTE QVAM rem aggrediamur expetitam, oportet prius, vt ait Cassiodorus, nominum similitudines, quasi ramos obuantes abscindere, ne sentitam disputationis nostræ; vocabulorum consonantium sylua, vmbrosis imaginibus videatur intextere. Hoc itaque nomen, sensus interior, secundum communem loquendi modum, multas pati posset acceptiones, ex vtraque planè, qua constat particula: Nam primò sumi posset pro intima, & occulta hominum sententia, consilio, aut intentione; eo pacto, quo Tacitus, abditos Principis sensus, & si quid occultius parat, exquirere, illicitū ait. Et Cydippe Acôtio apud Ouidiū scripsit, sensus sum tibi fassa meos: nā & sensus variā animi passionē potest significare, & interior non secus

Lit. s.

Epist. 20.

secus ac abditus ad connotandum quod exterius, ac palam non innotescit, apponitur, siue arte, siue natura lateat. Vnde Seneca. ò vita fallax (inquit) abditos sensus geris, intendens quàm diuersi sint sensus hominum interius ab eo, quod exterius praeferunt. Deinde verò sumi posset sensus interior pro sensu verborum, aut scripturae, qui non statim prima facie se se offert; sed latere videtur ambagibus, alienisq; significationibus inuolutus. Vnde & penetrari dicitur sensus verborum reconditus quasi intus latens, & interiores litterae apud Cicronem vocantur, quae scrutatione indigent, *lib. 3. de nat. Deorum.* ut iuxta verum, ac reconditum sensum capiantur. Denique pro alijs etiam vsurpari posset sensus interior, quae cum inutile, tum longum esset exactius recensere.

Naturales tamen Philosophi propria significatione praedictam vocem complexam sumpserunt ad significandam facultatem quandam sensitivam animalis proprio, & interiori organo affixam, qua ipsum animal interius obiecta imaginatur, ac sentit. Quaeque pariter modo primum sensitivum, modo sensus communis, modo phantasia, seu imaginatiua, alijsque nominibus nuncupatur, ut videre est apud Platonem, & Aristotelem, aliosque Philosophos pluribus in locis, vel certè ad exprimenda diuersa eiusdem facultatis munera, vel ad connotandas plures species, in quas eius natura in communi sumpta distinguitur, ut suo loco explicabitur.

Dicitur autem sensus, quia sensibilia percipit, sensitivaeque animae propria passio est, eiusque cognitionis proximum quoddam principium: in quibus convenit cum sensu exteriori. Dicitur verò internus non quia intrinsecus sit animali; nam hoc pacto etiam quinque sensus externi intrinseci dicerentur, sicut omnes qualitates intrinsecè dicuntur inherere suis subiectis; sed quia talis potentia est valdè recondita, eiusque organum nulla ex parte extrinsecus patet, nec proinde immutatur immediatè ab obiectis externis per species, quas illa emittunt, quemadmodum immutantur quinque vulgati sensus: propterea nuncupati externi, nempe quòd exterius ipsorum organa pateant, exteriusque ad ex-

cipiendas obiectorum imagines sint expositi. Rursumque dicitur internus, seu interior; nam animal hoc sensu suos interiores motus appetitus sensitui, coeterorumque sensuū, quas ab intus dirigit functiones cognoscit, atque discernit, vt infra patebit. Quibus sic explicatis, sub hac & non alia vocis acceptione de sensu interiori nobis erit agendum.

*Qua ratione negari, aut in dubium reuocari possit existentia sensus interioris. CAP. II.*



**L**X Priscis Philosophis non defuerunt, qui naturam, ac varietatem sensuum in quouis animalium genere exponentes nullam commemorarunt vim animæ sensitivam, quæ intrinsecus præsideret, similique ferè modo, quo sensus externi in obiectorum perceptione afficeretur. Nam Stoici, quantum ex Plutarcho sparsim, ac intercisè colligi potest, quinque dumtaxat enumerauerunt sensus, qui à nobis cognominantur externi, nempe visus, auditus, odoratus, gustus, & tactus, eosque à Principe parte animæ, quam rationationem appellant, enasci; ac instar polypi acetabulorum per corpus extendi dixerunt. Illud pariter addentes, positis operationibus prædictorum sensuum, fieri quidem intrinsecus in Dijs, & hominibus, (vt inquant) visa illa, quæ à Græcis phantasmata vocantur, non tamen in coeteris, seu in ratione minime participantibus.

Alij verò tametsi memoriam aliquando, aut imaginationem commemorent, illam nihilominus non videntur distinguere à parte discursiua, vel quia rationem aliquam concedebant in brutis, vt Diogenes, & Pythagora, vel quia solum de hominibus loquebantur. Sed quidquid sit de placitis antiquorum, illud nobis videndum est, qua ratione forsitan ducti, vel ipsi tunc sensum interiorem ponere, & cum coeteris sensibus connumerare omiserint, vel alij tunc eundem negare, ac de medio tollere probabiliter possent; vt hac ratione perpenſa, solidaque minus reperta, deinceps quo  
fun-

*lib. 4. de placitis  
Philosophor. cap.  
10. & 21.*

*Ibid. cap. 11.*

*Abud Plutar.  
lib. 5. cap. 20.*

fundamento, qui rectius sunt philosophati illum constituent,  
clarius innotescat.

Ratio itaque dubitandi de existentia sensus interioris, illumque pariter negandi, ea forsitan esse potest. Nam vel huiusmodi potentia ponitur in animali sumpto in genere, tanquam proprietas quædam, ut aiunt, quarti prædicabilis, quæ omnibus suis speciebus semper, ac solis debeat competere, vel ponitur ut accidentalis perfectio quibusdam tantummodo conueniens speciebus animalium, non vero omnibus. At neutrum videtur necessario verificari, igitur ponenda non est talis facultas in animali.

Primum non videtur verificari; nam multa sunt animalia, in quibus nec vestigium apparet sensus interni, ut sunt Conchylia, & belluæ omnes ad saxa natiuis testibus adhaerentes, Cocleæ, siue terrestres, siue marinæ, Lumbrici, ac vermes vniuersi, cunctaque, quæ secta viuunt, ac vix tactum, & gustum, ut vescantur, & coalescant, ostendunt. Accedit quia in Embrione, quem anima sensitiua viuere, omnes concedunt, similiter, & in Mola, ex cunctis facultatibus sensitiuis, non nisi tactus adesse conspicitur, absque vilo inditio alterius sensus, siue interioris, siue exterioris. Vnde Aristoteles docet, aliqua animalia habere omnes sensus, <sup>2. de anima text. 23.</sup> alia verò quosdam, quædam verò vnum maximè necessarium tactum. Ac rursus apertè fatetur, quibusdam quidem animantibus nec imaginationem inesse: Non igitur sensus <sup>ibid. text. 32.</sup> interior cunctis competit animantibus tanquam proprietas ipsius animalis in genere. Præterea id ipsum coroboratur, quoniam si sensus aliquis interior necessario concedendus esset cuilibet animali, maximè huiusmodi esset virtus memoratiua, qua animalia moueantur ad quærenda, vel subterfugienda multa, quæ hætenus perceperunt, ne quod rursus cupiant, aut renuant ad tuendam, alendamque vitam ignorent. Veruntamen experientia clarè demonstrat, pleraque animantia esse, quæ memoria omnino carent ex propria constitutione suæ naturæ: à sensu enim, ut alibi ait Aristoteles, <sup>1. metaph. ca. 1.</sup> quibusdam innascitur memoria, quibusdam verò non inna-

*Galen. lib. 3. de  
sensu. Arist. de me-  
mor. & remin.  
cap. 1.*

scitur; quibus autem memoria non innascitur; hæc & imaginatione, & extimatione pariter carere necesse est; quandoquidem vis, quæ imaginatur, seu pars animæ imaginatiua, quæcumque ea sit hæc eadem recordari videtur, ait Galenus, sumpsitque ex Aristotele, qui actum memorandi, seu memoriam actualem ad eam partem, idest potentiam animæ docet pertinere, ad quam pertinet imaginatio. Et extimatio semper inuoluit aliquid imaginationis, & memoriæ, seu cognitionem aliquam absentium obiectorum. Igitur nec memoria, nec alius interior sensus necessariò concedendus est cuilibet animali.

*3. de Hist. ani-  
mal. cap. 1. &  
seq.*

Secundū pariter videri posset, nō necessariò verificari; nam licet in plurimis coeterorum animalium, quæ perfectiorem naturam, & organizationem adepta sunt, vestigia quædam appareant internarum cognitionum, ac morum animi humani, vt exquisitè Aristoteles adnotauit; adeo vt illa non nisi ad internorum sensuum participationem communi sententia referantur. Nihilominus tamen si huiusmodi vestigia, & operationes articulatim, ac minutius expendantur, nullo admissio sensu interiori, commode intelligi possunt oriri à solo instinctu naturæ, quo potentiæ executivæ ad diuersa opera applicantur. Vnde Algazelus, & Auicenna in brutis aiunt; instinctum naturæ esse loco inquisitionis, & S. Thomas eosdem Auctores citans, conformiter docet; aliqua animalia percipere bonum, & conueniens, & nocuum solo instinctu naturæ, cum tamen vltra illum admittant sensum internum ad alia munera in animalibus obeunda, quæ forsitan eiusdem, aut minoris notæ, & conditionis putantur. Semel igitur dicatur ad omnia illa, animal moueri instinctu naturæ, ac satellitio sensuum externorum, & sic nullus erit necessarius sensus internus. Sed sicut Aristoteles putat, muscas non habere memoriam, etiam si illæ ad loca distantia moueantur, ac pulsæ redeant importunè: nimirum quia vehementi appetitu, ac naturali instinctu pluries in idem eas ferri contingit: Ita similiter, & reliquæ actiones brutorum absque memoria, alioue sensu interiori, per instinctum naturæ.

*Opus. 43. quod  
est de potentis  
anima cap. 4.*

turæ, ac sensus externos procedere putabuntur. Nam quod attinet ad hominem omnia ea munera, quæ sensibus internis tribui solent, facillè per intellectum obiri posse intelliguntur, aut etiam immediatè per ipsam animam intellectuam, vt colligi videtur ex verbis quibusdam Platonis in Thæreteto, vbi postquam ad singula genera sensibilibus percipienda, singula organa externa deseruire posuisset, nullum tamen proprium organum in homine, his, & illis dixit, accommodari; sed ipsam potius per se ipsam animam communionem in omnibus iudicare. Nam, inquit, videtur anima quædam, per se ipsam animaduertere, nonnulla per corporis vires apprehendere. At hæc omnia pro ratione dubitandi adducta, nec profectò subsistere, nec veraciter concludere constabit inferius, cum non modo illis experientia manifestè in pluribus aduersetur, sed illata quoque multa falsò ex antecedentibus inferantur.

*In Thæreteto post medium.*

*Sensum interiorem constituendum esse in cunctis animantibus, cumque ex communi ipsorum natura deprehendi. CAP. III.*



Alteris igitur omisiss, stabiendum est cum communi omnium Philosophorum sententia, præter sensus externos, sensum aliquem internum inesse cunctis animantibus, siue ille simplex, & vnica facultas, in se sit à parte rei, siue pro obiectorum varietate, munerumque distinctione multiplex, vt infra examinabitur.

Id quod expressè, ac disertè primo tradidit Plato tum in alijs libris, vt notat Galenus, tum in Thæreteto, vbi post multa argumenta, quibus ostenderat vna quædam vi animæ nos percipere, ac discernere quæcumque per visum, auditum, olfactum, gustum, & tactum ingeruntur, atque etiam illis communia; nequis putaret hanc vim esse mentem seu rationem, inquit: statim natis hominibus, atque brutis naturalem huiusmodi facultatem adesse, qua passionem per corpus

*Gal. 7. de placitis Hippocratis, & Platonis. c. 12. Plato in Thæreteto post medium ultimum, ea qua docuerat initio.*



manantes in animam, sentiunt, cum ratiocinatio non nisi post longa curricula temporis adueniat quibus cōpetit: Vocat autem hanc facultatem sensum absolutē, nam quos sensus, quinque alij vocant, ipse organa quinque sensus, appellari vult, vt rectē adnotauit ibidem Ficinius quatenus omnes in vnum confluunt, varias passiones corporis eidem sensui intus representando.

Deinde idem ab Aristotele proditum esse constat, tum alibi, vt simul cum probationibus afferemus, tum præcipue primo Metaphisicæ cap. 1. & 2. de anima tex. 20. & 138. & lib. 3. tex. 31. & 57. vbi docet sensum, imaginationem, & appetitum omnibus animalibus esse communia. Et certe neminem vnquam apertē, ac positiuē hoc videtur negasse, quamuis aliquot vetustiores Philosophi, vt notauimus de illo agere omnino prætermiserint, ac de natura, distinctione, & subiecto illius plerique etiam recentiores diffideant.

A necessitate autem naturæ animalis, & ab experientia, rationem auspicando existentiam sensus interioris probare possumus. Primò, nam ad perfectionem, & conseruationem naturæ cuiusque animalis non sufficit, vt cuncta obiecta, quæ sub sensum externum illius cadunt animal absolutē cognoscat, nisi simul ea valeat aliquo modo distinguere, vnumque ab alio materialiter saltem discernere, vt album à dulci, sonum ab odore, tactile à comestibili, & similia, vt notat Aristoteles. Qui autem inter duo discernit, vtrumque debet cognoscere, vt idem Philosophus probat ibidem; sed quilibet sensus exterior in animali circa proprium sensibile tantummodo occupatur, nec potest visus quæ ad olfactum, vel auditum pertinent iudicare, ergo distincta in illo assignari debet potentia quæ omnia, & singula externorum sensuum, obiecta communi quadam ipsorum participatione percipiat, ac intus residens tamquam extimator, & arbiter inter ea, discernendo, apte diuidet; Quo argumento videtur vsus fuisse Plato loco citato cū multis adiectis interlocutionibus ait, ex eo, quod quæ per auditum eadem per visum sentiri non possint; per aliud quidpiam de alterutris, ac de vtriufque

2. de anima tex.

18

tex. 146.



que simul esse iudicandum. Et Aristoteles, enumeratis functionibus proprijs sensuum externorum, ex eo concludit esse communem quandam potentiam, qua animal, & quod videt, & audit, sentit, quia valet discernere, alia quidem esse dulcia ab albis, nec gustu, nec visu, nec ambobus sensibus operando, sed quadam communi particula omnium sensoriorum. Id quod etiam ipse alibi docet, & præclare Diuus Gregorius Nissenus exequitur, sicut & alij disertissimi Auctores permulti.

*cap. 2. de somno, & vigilia.*

*Arist. de sensu, & sensib. cap. 8. in fine*

*Niss. lib. de vitiis, animæ c. 1.*

Secundo idem probatur, quia ad vitam animalis traducendam non modo requiritur cognitio extrinsecorum omnium sensibilium in eorum præsentia pro ut habetur per sensum externum, sed etiam in absentia antequam voluptas, vel dolor ab illis præsentialem inferatur, ut ea vel ad salutem, & iucunditatem appetat, ac perquirat, vel ad molestiam, & noxam evitandam renuat, atque diffugiat. Siquidem omnis actio, & motus animalis sequitur apprehensionem sensus, & quædam animalia motu progressivo, quædam verò alio motu sibi victum comparare, ac necessaria querere, vel contraria etiam remota diffugere constar, vitæque suæ per apprehensionem absentium obiectorum hoc pacto consulere. At hæc apprehensio pertinere non potest ad aliquem ex quinque vulgatis sensibus, cum illi non nisi præsentialem innotentur à suis obiectis, ut experientia constat; ergo constituenda est in animali alia quædam interna facultas animæ sensitivæ, quæ sensibilia obiecta extrinseca præfato modo dignoscat, sitque illi proximum principium prædictarum cognitionum.

Tertio nam præter obiecta iam dicta siue præsentia, siue absentia, quæ singulis externis sensibus assignantur, alia sunt, quæ ab animali omnino dignosci ipsa ipsius expostulat naturæ necessitas; cuiusmodi sunt ipsorummet sensuum externorum sensationes, quibus bene, vel male afficitur animal, proindeque ab illo necessario discernendæ; & motus omnes appetitus sensitivi, quibus famulari debent cæteræ facultates animales, ut assequi valeat natura, quod postulat,

lat, ac vitare quod renuit, ipsis prius motibus perceptis ad diuersa inclinantibus. Sed nequit sensus exterior prædicta percipere, quia visus verbi gratia, neque percipit famem, aut sitim ventriculi, neque cordis amorem, vel odium, sicut nec nares olfacere, aut linguam gustare, imo nec semet actu videre, & sic de cæteris; cum quilibet sensus exterior nõ nisi circa proprium sensibile, à quo immutatur absque vlla reflexione versetur, vt præclarè explicat S. Thomas. Ergo alia assignari debet facultas, qua huiusmodi sensationes, & motus animal in se ipso percipiat, quæque intus tamquam in centro ad eorum simulacra excipienda, ac varietatem discernendam præsideat. quod perspicue Aristoteles expressit, cum, non visu quidem (inquit) animal videre, hoc est cognoscere quod videt, sed communi potentia, & particula omnium sensoriorum.

Quarto Probatur, quia ad operationem ipsorummet sensuum externorum virtus aliqua interna requiritur, à qua, tamquam ex communi fonte quilibet ipsorum, vim competentem, ac proportionatam recipiat, ne plus, vel minus, quàm par est, exerceri valeat. At hoc fieri non potest nisi simul adsit intrinsecus communis sensationum ipsarum, singularumque circumstantiarum cognitio, ne cæca prouidentia, eis necessaria suppeditari, vel improvida, aut inopportuna virtute succurri contingeret; Ergo dari debet in animali interior aliqua facultas cognoscitiua, vt pro vniuscuiusque sensus externi opportunitate vis ipsis ad operandum proportio nata suo veluti arbitrio impertiatur: Quæ profectò facultas siue eadè sit cū potestate mittendi spiritus animales ad sensus externos, applicandique eorū sensoria ad sentiendum, siue ab illa diuersa, & à parte rei distincta, tamquam potentia cognoscitiua à loco motiua, omnino tamen hæc duo principia simul debent esse interius coniuncta in eadem parte animalis, nam ab utroque tamquam ab integro, & adæquato principio suæ applicationis in operando dependet quilibet sensus externus: Vnde Aristoteles sensuum (inquit) principium ab eadem parte est animalibus, à qua motus cum nequeant

*2. par. quest. 78.  
art. 4.*

*Cap. 2. de somno,  
& vigil.*

*De somno, & vigil.  
cap. 3.*

queant sentire absque motu, & moueri sine robore; robur autem sensibus per spiritus communicetur, vt ipsemet alibi docet. Quapropter dum in dormientibus per euaporationem alimenti sursum ascendente obstruuntur meatus, per quos prædicti spiritus animales ad sensoria mittebantur, statim desinunt operari sensus externi, vt idem Aristoteles fusè prosequitur, qui propterea adhuc alibi docet: propriorum sensoriorum (nempe sensuum externorum) vnum aliquod esse commune sensorium, in quod eos, qui secundum actum sensus, necessarium est obuiare, hoc est conuenire. Vbi per commune sensorium intelligit sedem sensus interioris, ad quam, tanquam ad centrum vndique confluunt rerum imaginæ, proprijs sensorijs exceptæ in actu sentiendi sensuum externorum, modo, quo infra explicabitur. Quare sensus externi dum actu sentiunt, illuc dicuntur conuenire, vnde per nervos, & meatus, vim sentiendi accipiunt, & quò suas sensationes per propria simulacra transfundunt.

Hinc autem alia oritur necessitas ponendi sensum internum, nimirum ad regimen, tum ipsorum sensuum externorum, tum cæterarum quoque omnium facultatum animalis. Siquidem inter cunctas facultates illius, certus debet reperiri ordo, ac proportio, talisque subalternatio, vt ad aliquam deueniatur potentiam, à qua primò cæteræ in suis operationibus aliquo modo regantur; & inde tota animalis, suarumque operationum directio sumat initium, vnde cuiusque dependet applicatio, atque cognitio. Verùm nullus est sensus exterior, à quo talis oriri possit applicatio, atque cognitio; quia vt diximus, nullus eorum est, qui possit suas, vel aliorum sensationes, ac motus appetitus sensitiui percipere. Igitur alia in animali dari debet facultas cognoscitiua interius præsidens, ad quam tanquam ad communem terminum, omnes motus animalis, & apprehensiones externorum sensuum referantur, vt pro opportunitate, facultates à quibus procedunt, cum opus fuerit, vel ritè ad operandum applicet, vel omnino ab operatione compescat. Vnde Aristoteles, animalia phantasijs, ac memorijs dixit viuere, quia nempe

2. de partib. ani.  
mal. c. 20.

Cab. 4. de som.  
no, & vigilia.

De vita, & mor.  
to cap. 4.

2. Metaph. c. 1.

hu-

huiusmodi cognitionibus ceteræ facultates reguntur in suis operationibus, & gubernantur. Quare etiam Themistius, interiorē sensum constituens, iudici assimilāt intus pro tribunali sedenti, vt & iudicium de singulis promat, & pro iure, quæ sunt agenda, decernat.

Demum prædicta omnia vnico argumento recapitulantes, idem probare possumus, quia præter actus, ac sensationes cuiusque sensus externi, aliæ sunt cognitiones necessariò cōcedendæ in animali, tum circa eadem obiecta sensuum externorum, modo, quo sensus externi nequaquam possunt procedere, vt discernendo vnum ab alio, vel ea in absentia quoque percipiendo: tum circa alia obiecta, quæ nullo modo cadere possunt sub sensum externum, vt supra explicauimus: Sed actiones quæcumque reduci non possunt ad vnum principium, vt inquit S. Thomas, requirunt in animali diuersas potentias, à quibus immediatè procedant: siquidem anima non est immediatè operatiua, sicut nec vlla substantia, vt est communis Peripateticorum sententia. Ergo necessariò constituenda erit in animali, præter sensum externum, distincta quædam potentia cognoscitiua, quæ circa descripta obiecta, quo diximus modo, sit proximum principium operandi ipsius animæ sensitiuæ, & hanc potentiam vocamus sensum internum.

1.2. q. 78. art. 4.

Arist. de sensu,  
de sensu c. 4.  
et saepe alibi.

*Ex peculiari quoque vniuscuiusque illorum natura eundem sensum in animantibus deprehendi. Cap. IV.*



**P**OSTQUAM de existentia sensus interioris quantum ex communi animalium natura, functionumque suarum necessitate colligi potest, iam satis constiterit: eandem nunc in singulis animalium generibus ex peculiaribus eorum rationibus probandam esse putauimus. Quamobrem à digniori fumentes initium, præclarum adest primo in hominum genere huius existentiae argumentum, si phantasinatum, seu  
inter-

internarum sensationum necessitatem consideremus, ad ipsas quoque intellectus operationes naturaliter obeundas. Hic enim cum ex vi suæ conditionis, & consortio animæ rationalis cum corpore, nihil in hac vita percipere, nihilque attingere naturaliter valeat, quod pariter aliquo modo non fuerit in sensu, aut ad similitudinem eorum, quæ sensibus percipiuntur effinctum: imo cum non nisi simul cum viribus, cognitionibusque corporeis suas operationes edere queat, ut anima simul, & corpus in homine, tanquam vnum totum ex utraque parte compositum, iugiter operetur; Nequaquam solo ministerio sensuum externorum, qui ab obiectis tantummodo in præsentia immutantur, hæc munera obire, suasque intellectiones, prout opus est, cum libuerit elicere posset, nisi per sensum interiorem, cooperationem assiduam sortiretur cognitionis corporeæ etiam in absentia obiectorum. Alioquin intellectus humanus, vel non nisi id, quod sensu exteriori actu percipitur, intelligere, vel sine aliquo concursu facultatis organicæ, aut corporeo instrumento, assiduè, & ut plurimum operaretur in corpore, quod est falsum. Nam ut docet Aristoteles; nunquam sine phantasmate intelligit anima, & paulo inferius ait, qui non sentit aliquid, nihil utique addiscet, nec intelliget, & cum speculetur, necesse est simul phantasma aliquod speculari.

3. de anima text.  
tu 31. 38. et 39

Rursus idem sensus in homine satis superque probatur experientia, & obseruatione nostrarum imaginationum, recordationumque sensibilium obiectorum; quandoquidem, nisi spontè sensum nobis ipsi adimamus, negare non possumus interdum sensibilia remota à sensibus externis, ita nobis obijci, ac si præsentia essent, externisq. sensibus tunc actu oblata, adeo ut non satis homo quandoque aduertat, si exteriori aliquo sensu, an interiori conceptu ea ipsa, quæ imaginatur, percipiat, ut egregiè Diuus Augustinus declarat. Nam inquit, voluntas illa, quæ hac, atque illac fert, & refert aciem formandam, si ad interiorem phantasiam tota confluxerit, atque ad eam, quæ intus cernitur, imaginem penitus conuerterit, tanta offenditur similitudo speciei corporalis

11. de Trinitat.  
cap. 4.

ralis expressa ex memoria, vt nec ipsa ratio discernere sinatur, vtrum foris corpus ipsum videatur, an intras tale aliquid cogitetur. Et ex eodem genere affectionis subiungit esse illud, quo in somnis per imagines illudimur, dum animi acies varijs imaginibus sensibilibus rerum formatur, tanquam si verè ipsa sensibilia extrinsecus sentiantur. Vnde mouentur etiam plerique, dum dormiunt, multaue faciunt opera vigilantium, non tamen sine imaginibus: inquit Philosophus.

*De sensu, c. vi.  
gilia c. 3.*

Quæ sanè cognitiones ab intellectu tantum, ac spirituali hominum facultate oriri nullo modo probatur, cum intellectus, vel solum circa spiritualia, & vniuersalia occupetur, vel si particularia quoque sensata cognoscat, diuersimodè per talem cognitionem hominem immutari contingat. Siquidem quæ mente discurrendo percipimus, numquam exteriori sensu percepta putamus, sicut frequenter ea quæ imaginatione apprehendimus. Constat enim obseruanti, fieri in nobis circa res sensatas duplicem apprehensionem interiorem; vnâ, sensationi exteriori persimilem, quam propterea ex inaduer-tentia circumstantiarum sæpe cum illa confundimus: alteram verò longè diuersam, quæ celeri motione percurrentis, abstractè tantum obiecta pertingit: quia ipsam rem, non prout exteriori sensui obijcitur, sed secundum diuersas formalitates, quas includit, distincta quadam ratione perpendit. Sæpe namque experimur, nos circa sensibile aliquod obiectum interius versari, & vna quidem apprehensione illud tanquam ante oculos firmiter tenere, eodemque pacto totum simul cernere; alia vero apprehensione, seu cognitione, nunc calorem illius, nunc magnitudinem, nunc figuram, vel pulchritudinem, nunc singularitatem, vel communem naturam, quam participat, contemplari. Per quam cognitionem, si obseruetur, non exprimuntur imagines omnino similes ijs, quæ oculis videmus, sicut per præcedentem quæ immobiliter perseverat, representando semper idem obiectum, tanquam intentionaliter depictum. Cum enim sensus exterior non percipiat colorem, sed coloratum, imago, quæ de colore

Iure etiam singulari præcisè formatur, valdè diuersa est ab ea, quam de eodem obiecto, quasi materialiter per visum habemus. Quamobrem candor hic in abstractio, non concipitur omnino vt candidum, sed tanquam aliquid illius, cui præcisè nihil simile oculis videmus. Quod si contingat, nihil præcisè in obiecto considerari, sed tantum apprehendi hoc album simpliciter, tunc vel fit per priorem duntaxat apprehensionem sensationi externæ persimilem, vel si simul concurrat alia apprehensio spiritualis, illa erit etiam abstracta quædam representatio talis individui ad modum naturæ communis. Cum igitur intellectus nonnisi per huiusmodi apprehensiones intelligat, modo semper abstractio, quamuis circa singularia versetur, remanet, vt primæ illæ apprehensiones superius explicatæ, ad aliam interiorem facultatem cognoscitiuam ipso iure pertineant, quam diximus vocari sensum internum.

Præterea sæpe obseruamus, multa ante conspectum, imaginationis nostræ versari, tam in vigilia, quàm in somnis, quæ non ita se habere, quemadmodum obijciuntur, alia quadam cognitione tenemus, qua etiam visa, approbamus, & improbamus, non secus, ac iudicio peritorum tabulam pictam: Sed non potest vtrique simul cognitio tam diuersa ab eadem oriri potentia: Ergo per aliam facultatem obiecta intus representantur tanquam ante sensus externos; per aliam verò de illis fertur iudicium si vera sint an falsa, atque approbantur, si placent, vel improbantur. Quam obseruationem proprio exemplo confirmat, & explicat Augustinus inquires: Cum arcum pulchrè, ac æqualiter intortum, quem vidi Carthagine, animo reuoluo; res quædam menti nuntiata per oculos, memoriæque transfusa, imaginarium conspectum facit; sed aliud mente conspicio, secundum quod mihi opus illud placet, vnde etiam si displiceret, corrigerem. Itaque de istis secundum illam iudicamus, & illam cernimus rationalis mentis intuitu: ista verò aut præsentia sensu corporis tangimus, aut imagines absentium fixas in memoria recordamur, aut ex earum simili-

*lib. 9. de Trinit.  
cap. 6.*



ditudine talia fingimus, qualia nos ipsi si vellemus, atque possemus, etiam opere moliremur. Hæc ille, qui propterea tandem concludit; aliter nos animo imagines corporum, aut per corpus corpora videre; aliter autem rationes, artemque ineffabiliter pulchram talium figurarum super aciem mentis simplici intelligentia capere.

Deinde si ad genus brutorum, quæ inter perfecta animalia computantur, ad probandam existentiam sensus interioris animum conuertamus; tot, ac tales in his belluis licebit motiones obseruare, quæ non modo minime ab exteriori aliquo sensu, sed nec ab interiori duntaxat absque rationis aliqua participatione dirigi vnquam posse, ex antiquis nonnulli existimarent, vt videre est apud Plutarchum, tum propter morum sagacitatem, quam in pluribus actionibus ipsæ ostendunt simul cum prudentia, vel stultitia, ( vt inquit Aristoteles ) fortitudine, vel ignauia, clementia, vel acerbitate, & reliquis habitibus generis eiusdem; tum propter memoriam, quam simul præferunt, dum ad loca distantia ad repetendas suas commoditates, vel ad vlciscendas iniurias, iterum, atque iterum se se mouent. Et quod etiam disciplinabilia se se reddunt, vt quæ more hominum saltare, aut voces emittere assuescunt. Ita vt hoc genus brutorum magnam videatur referre vitæ humanæ similitudinem, sensumque illorum habere quodammodo intelligentiæ rationem, vt testatur idem Philosophus. Non ergo in illis de existentia sensus interioris remanet amplius ambigendi locus.

Denique nec desunt indicia, & obseruationes ad hunc ipsum sensum probandum in imperfectissimis quoque animantibus, vt in omni, vel infimo reptilium genere, sicut, & adhærescentium saxi marinis. Etenim illa paulatim, reptando, hæc autem tamen affixa scopulis, testarum quadam laxatione, aut strictiori adhæsione; sicut alia, concarum apertione, & resecatione, escam querunt, quam expetunt; arcant, vel fugiunt quod abhorrent, adhuc sibi iniuria non illata; propriæque sustentationi, & conserua-

tioni

*de stultitia animal.*

*9. de hist. animal. cap. 1.*

*9. de hist. animal. c. 9.*



tioni hoc pacto incumbunt. Quod certè exequi non valerent, nisi per sensum aliquem interiore, & proprium, appetitum materialiter dignoscerent, & apprehensionem, quandam retinerent absentium obiectorum. Vnde Aristoteles de Spongia, quam vix sensum aliquem habere creditur, notat, quòd multò difficilius abstrahatur, nisi clanculum agatur, vt referunt auulfores: esseque alias, quæ adhærere solent, & quoties libuerit absolui, vt genus quoddam eius, quam Vrticam vocamus. Ex quibus certè, non tantum arguitur sensus exterior, sed etiam interior, quo auulfores eludunt, ne capiantur, & ad loca distantia expetenda, diriguntur quando mutantur. Accedit quòd inter tactile tantum, ac etiam gustabile, hæc pariter animalia debent discernere; Quare nisi sensu aliquo ditarentur interno, vel non vno, eodemque sensu, vtraque illa cognoscerent, inter quæ tenerentur discernere: vel eam cum cæteris tactilibus absolutè omnino confunderent, vitæque suæ nullo modo consulerent, quod est contra naturæ communem, & vniuersalem prouidentiam.

lib. 1. de hist.  
animal. c. 2.

*Soluitur ex dictis omnis ratio dubitandi de existentia  
sensus interioris superius adducta.*

## CAP. V.



Eliquum est, vt ex dictis, formalem solutionem difficultatum pro ratione dubitandi in principio adducta colligamus. Ad primam igitur difficultatem, seu probationem assumpti argumenti ex imperfectis animantibus, in quibus vestigium non apparet sensus interni, respondetur, solum id aliquo modo verificari de organo huius potentiae, prout ab alijs distincto, non autem de operationibus, cum hæc præferri non desint, vt iam supra paulò ante commonuimus. Nec propterea denegandum esse,

huiusmodi potentiam his animantibus, quod organum distinctum habere non videantur, quemadmodum cœtera animantia perfectâ; siquidem ipsa eorum imperfectio hoc admittit propter paucitatem internarum functionum, quas tenentur exercere, ac dispositionem, quam iuxta naturam in tali subiecto possunt habere. Alioquin adhuc in his animalibus aliquid proportionale cerebro concedendum esse, queminadmodum in eisdem aliquid proportionale cordi omnino concedunt omnes cum Aristotele; quamvis neutrum horum sensibiliter, vel in accuratissima dissectione, quandoque conspiciatur; idque eadem prorsus ratione, qua pisces nullum continere membrum auditus, olfactusue manifestum, ait idem Aristoteles, audire tamen illos, atque olfacere palam esse; quod in specie de Delphinis asseuerat. Præterea si ob carentiam distinctionis in organo his denegandus esset sensus interior, ob eandem denegandus esset cunctis animantibus etiam tactus, saltē in organis, quæ ad functiones aliorum sensuum pariter deputantur: sed lingua, verbi gratia, secundum eandem partem tangibilia sentit, & saporem, ut notat etiam Aristoteles. Igitur argumentum in contrarium probat plusquam intendit, ac propterea nihil contra existentiam sensus interioris concludit.

Quod autem de Embrione dicitur non nisi tactu cum pollere, intelligendum est secundum exercitium, non verò secundum potentiam, quæ licet ociosa maneat etiam post perfectum in utero phœtum, quo ad reliquorum sensuum functiones, quia tunc ille adhuc non audit, nec videt, nec odorat, nec gustat: præsertim cum tunc nequaquam ore, sed aliunde nutriatur; non tamen per hoc tam Embrioni, quam infantulis præter tactum, sensus aliquis secundum potentiam deest, in quibus certē si contingeret pituitam aliquam ad palatum, ac linguam deferri, gustus etiam quo ad exercitium probaretur.

De Mola verò maior est difficultas, cum in illa nec organum, nec operatio alterius sensus appareat præterquam tactus, quem etiam in ea non nulli negarunt, asserentes Molam non

*lib. 4. de partibus animal. c. 5.*

*lib. 4. de hist. animal. c. 8. & lib. 2. de partibus animal. c. 10.*

*2. de anima text. 112.*

non nisi vita vegetatiua vivere. Sed. distinguendum primo est de Mola exquisita, & non exquisita: quia non exquisita, cum tantum sit humor quidam durus in utero genitus, qui etiam in virginibus non nunquam expetitur, nullam habet facultatem sensitiuam, imo nec vegetatiuam. At Mola, quam vocant exquisitam, licet sit caro præter naturam in utero genita ex imperfectis, & vitiatis feminibus orta, omnino tamen est animal, vt Philosophi, ac Medici communiter sentiunt, quantumuis imperfectum, ac in determinatum, vt aiunt, propter ablatam formationem humanam ex vitio, & imperfectione feminum. Et hoc ipso quod ex se moueatur, ac tangat, voluptati, ac dolori obnoxia esse debet; proindeque appetitum vterius participare, qui sanè esse non potest absque vlla imaginatione saltem imperfectissima, & confusa, vt ex Aristotele supra retulimus.

3. de anima tex.

16.

Quod verò nec gustum videatur habere quemadmodum cœtera animalia, vt per se valeant nutriri, ac sustentari, quia videlicet non habet partem, qua cibis recipiatur, vt commune est omnibus animalibus, teste Aristotele. Hoc quoque incertum est, ac saltem ab intentu naturæ animalis omnino alienum; Quare aliquid ori proportionale fortasse reperitur in Mola, quo suapte natura alimentum attraheretur, ac per cœteras partes distribueretur, si diutius ei extra, vterum vivere aliunde permitteretur: siquidem in necessarijs nunquam deficere potest natura. Sed vt ait Plinius, cum gustatus omnibus animalibus in sit, non omnia eodem modo aluntur; alia enim cibum dentibus, alia vnguibus, alia rostri aduncitate carpunt, alia datitudine viuunt, alia acumine excuant, alia sugunt, alia lambunt, sorbent, mandunt, vorant. Vel sicut vniuersaliter in monstris multa cernuntur, & concedantur inesse præter naturam, multa que experiuntur, abesse, quibus tamen ius naturæ quoad exigentiam, seu proprietatem potentie non propterea violatur: ita nequaquam tollitur proprium esse pariter gustum huic animali, etiamsi per accidens talis potentia ex indispositione materiæ aliquo pacto, quoad exercitium impediatur. Num quod affertur ex

lib. 1. de hist. animal. cap. 2.

lib. 10. naturæ historia c. 71.

Aristotele de animantibus, quæ solo tactu docet pollere, intelligendū est de tactu largo modo sumpto, prout etiā gustū comprehendit. Nā 2. de anima tex. 27. postquā dixisset, omnia animalia habere vnū ex sensibus tactū, statim subiungit. Adhuc autem & alimēti sensum habere, quem tactum quendam denominat. Vnde saporem, vnum quoddam esse inquit tangibilem, quia siccis, & humidis, & calidis, & frigidis, ( quæ sunt qualitates tangibiles ) omnia aluntur, & hinc, ait, fames est concupiscentia calidi, & sicci; sitis autem, frigidi, & humidi; sapor verò vt condimentum quoddam. Quibus congruunt quæ idem Philosophus docet 2. lib. de partibus animalium cap. 10. loquendo de gustu cum ait, Est enim hic etiam sensus quasi tactus quidam. Et de sensu, & sensil. cap. 2. Gustatiuum verò species quædam tactus est. Nec Aristoteles vnquam negat, omnem imaginationem, etiam exilem, & quasi inchoatam quibusdam animantibus imperfectis, sed tantum imaginationem perfectam, quæ cum memoria in perfectioribus animalibus coniuncta est, ac loco ratiocinationis, de qua loquebatur, deseruit, vt exponit S. Thomas in 2. de anima tex. 56. nam duplicem imaginationem distinguit, determinatam vnā, ac propriam perfectiorum animalium; in determinatam alteram omnibus communem. Et hoc sensu Philosophus tex. 20. eiusdem libri dixerat, quæcunque sensum habent, imaginationem quoque habere.

Ad corroborationem vero eiusdem probationis, nempe quod memoria non omnibus competat animantibus, & per consequens nec alia virtus interior sensitiva; Respondetur hoc totum in rigore verificari de memoria actuali, imaginatione, & extimatione secundum perfectiones, ac formalitates, quas huiusmodi sensationes includunt in animantibus perfectis, vt sigillatim de illis agendo inferius patebit. Alioquin ex hoc non inferri omnem obiectorum absentium cognitionem à sua constitutione naturæ imperfectis animantibus denegari, cum & vermes ad loca distantia moueantur, & alia imperfectissima animalia, vt quæ testa interfecta sunt suis

suis motibus ciantur ad alimentum, quod adhuc non gustant  
 comparandum, vel malum antequam inferatur vitandum, ut  
 supra dictum est. Vnde colligitur præter sensationes ex-  
 ternas, quæ non nisi in præsentia obiectorum eliciuntur, in-  
 his quoque animantibus dari cognitionem aliquam inter-  
 nam circa absentia, ad quæ mouentur, & à quibus auertun-  
 tur; principiumque huius cognitionis vocamus sensum in-  
 ternum, quamuis non sit eiusdem perfectionis cum sensu in-  
 teriori, qui & formalem actum memoriæ, & imaginationis,  
 & extimationis valet exprimere; nam hoc non est nisi per-  
 fectius, vel imperfectius, ac diuersimode circa eadem obie-  
 cta absentia, vel præsentia operari. Imo Aristoteles, qui sæpe  
 de imaginatione loquitur secundum plures formalitates, ac  
 præstantias, quas illa in perfectis animalibus sortitur; & ad  
 eandem vim imaginatricem actum memoriæ pertinere con-  
 cedit; ipsemet alias imaginationem cunctis animantibus in-  
 differenter attribuit, hoc ipso, quod animalia sint, volu-  
 ptatemque, ac dolorem cum appetitu participant, ut patet  
 3. de anima tex. 56. & sequenti. In quo omnes postea  
 philosophi conuenerunt, nam appetitus, seu desiderium  
 animalis cum tendat in absens, ad quod certè sensus ex-  
 terior non potest pertingere, non nisi imaginatione ducetur,  
 ne in incognitum, ut appetitus naturalis inanimatorum, fe-  
 ratur. Quocirca notandus est locus Aristotelis 2. de anima  
 tex. 20. ubi loquendo de imperfectissimis animantibus, quæ  
 adhuc secta viuunt, docet, quod sensum, & motum vtraque  
 partium habet. Deinde subiungit: si autem sensum, & ima-  
 ginationem, & appetitum, ubi enim sensus est, & dolor, &  
 voluptas consequitur, ubi autem hæc sunt, ex necessitate,  
 & desiderium est.

Ad secundam autem difficultatem, seu probationem prin-  
 cipalis argumenti, nimirum quod operationes, quæ interio-  
 ri sensui communiter tribuuntur, per instinctum naturæ in-  
 brutis obiri commodè possint: Respondetur, instinctum na-  
 turæ dupliciter sumi apud Philosophos; primò enim forma-  
 liter, & absolute sumitur pro inclinatione, seu propensione

illa, quæ in vnoquoque animali circa hæc, vel alia obiecta peculiariter reperitur, orta ex tali, vel tali organizatione, ac dispositione qualitatũ ipsius animalis tanquam quid consequens naturam illius. Vnde iuxta varietatem dispositionum naturalium, quæ in diuersis speciebus animalium reperiuntur, varios quoque in illis experimur instinctus. Secundo verò quia talis inclinatio semper elicitur, præuia aliqua cognitione obiecti, ad quod dicit propensionem, ad differentiam appetitus naturalis rerum insensatarum, quæ nulla cognitione feruntur in terminum, vt graua deorsum, ac leuia sursum; hinc fit, vt rursus instinctus naturæ sumatur copulatiu, tam pro inclinatione prædicta, quam pro cognitione, qua illa ducitur in obiectum. Quæ cognitio aut est solius sensus interioris, aut non est sine illo, quippe cum appetitus non moueatur immediatè absque aliqua imaginatione, seu apprehensione interna ultra omnem sensationem externam. Quare si instinctus naturæ sumatur primo modo, certum est, nequaquam ad illum reduci posse plures, ac plures actiones brutorum animalium, quæ ex se formaliter manare debent ab aliqua potentia cognoscentia interiori, vt est discernere album à dulci, absentium signa percipere, multaque addiscere, ac memoria tenere, & similia quæ in Psittacis, equis, & canibus, alijsque licet obseruare. Si verò instinctus naturæ secundo modo sumatur, cum comprehendat potius, quam excludat sensum internum, non est inficiandum si ab Algazelo, & Auicenna ponatur in brutis loco inquisitionis, eoque dicat S. Thomas percipi conueniens, & nociuum. Nam certè sensus interior obiecta appetitui immediatè, ac materialiter representat, & inclinatio naturalis dum fertur in simile, vel sibi conueniens, & auertitur à contrario, vtrumque videtur cum sensu discernere, quod sano modo intelligendum est, vt suo loco explicabitur.

Nec propterea quòd Aristoteles, muscas carere memoria dixerit, etiam si ad comestibilia redeant, rectè inde sequitur, cæteras quoque animalium functiones absque memoria, alioue sensu interiori exerceri commodè posse per instinctum

*etum naturæ.* Quoniam si pro suo munere non omnia animalia, nec semper requirunt formalem memoriam, requirunt tamen illam confusè quasi aliquid phantasie, seu imaginationis, quod requiritur ad sentiendum etiam exterius: & ideo sicut sentire, ita etiam imaginatione vti omnibus brutis est commune, ut optime explicant etiam nonnulli recentiores.

SHAR. pri. 1009.  
mus. disp. 2. sect.  
6. 24. 40.

Deinde incertum quoque est, muscas carere memoria, eo quòd pulsæ, redeant: nam etiamsi percussione, aut expulsiōis meminerint, superare possent memoria delectationis obiecti, ac vehementia appetitus, omnem doloris, ac percussione metum incussum, & sic eas iterum, atque iterum in idem ferri, atque conari, non ex defectu memoriæ vnius, sed ex abundantia cognitionis, ac recordationis alterius.

Ad illud postremò, quod intellectus in homine munia subeat, quæ internis sensibus communiter tribuuntur, satis patere potest solutio ex dictis de necessitate phantasmatum, & obseruatione nostrarum imaginationum in ipsis quoque intellectualibus operationibus obeundis.

Quòd si Plato in Theæteto animam intellectuam in homine per se ipsam communionem omnium dixerit iudicare, nullo proprio organo his, & illis accomodato, nihil tollit in eius sententia de adminiculo organicæ potestatis sensus interioris, quem ut cap. præcedenti retulimus, & Galenus, ac Marsilius Ficinus exponunt, expressè concesserat: sed solum innuit potentiam intellectuam addictam non esse organo aliquo corporeo omnibus accomodato, cum de corporibus sensibilibus, & formas sensibiles, & rationes abstractas considerat; dixerat enim hominem non solum vocem, & colorem, ac similia dignoscere; sed etiam esse, & non esse istorum, similitudinem, ac dissimilitudinem, par, & impar, & alia, quæ, ut patet sunt merè rationes abstractæ. His igitur, & illis, nempe rationibus abstractis, & formis materialibus, nullum dixit proprium, & commune organum accomodari, sed animam intellectuam per se ipsam communionem omnium, seu conuenientiam singularium in abstractis iudicare;

alia



alia, verò nempe sensibilia materiali modo concepta per corporis vires apprehendere.

## TRACTATIO SECVNDA

### De Obiecto adæquato sensus interioris.



**A**D inuestigandam naturam, & quidditatem huius potentia, quam inesse animalibus perceptum, probatumque iam est, primo loco se se offert eius obiectum, in ordine ad quod adæquatè sumptum (vt commune est omnibus potētis iuxta doctrinam Aristotelis) desumere debet propriam speciem. Et quamvis præcedēti tractatione non nihil de ijs, quæ ab huiusmodi potentia cognoscitiua percipiuntur, tactum, insinuatumque sit ex incidenti, suo tamen hoc loco seorsum, ac distinctè, omnia, quæ sub ratione huius adæquati obiecti cadere possent, peruestigare opus est, finesque illius à natura præscriptos describere; quod per singula rerum genera discurrendo præstare conabimur.

*a. de anima sex.*  
33.

*Ens vt sic nullo modo pertinere ad rationem huius obiecti.*

#### C A P. I.



**V**T autem ordinatè exordiamur, nihilq. intactum relinquamus, aliquid in primis de ente vt sic dicendum occurrit: num scilicet per sensum internum aliquo modo dignoscatur. Agimus enim hic de sensu interiori secundū totam latitudinem perfectionis, quam potest habere saltem in aliquo animali, vt in homine omnium perfectissimo.

Et



Et quidem videri fortasse alicui posset etiam bruta animalia quodammodo ens vt sic, posse apprehendere, cum illis non sit denegandum absque abstractione, cognoscere quasi per confusam quandam apprehensionem, hoc esse aliquid, non autem nihil, seu prout distinguitur à nihilo: Quod sanè contingere videbitur quotiescumque accidentia specialia ipsius rei sensatæ propter aliquod impedimentum, sensui non innotescunt; vt cum quis adesse sentit aliquid, nihil videns, aut audiens, nihilque prorsus determinatum exteriori aliquo sensu percipiens, vnde sciat quidnam illud sit secundum proprias differentias. Nam id ipsum fortasse sepe accidit brutis, vt cum canem, aut equum arrectis auribus, suspensoque gressu videmus subsistere, ac varijs sensibus exterius explorare, quod secundum quidpiam illis innotuit, aut secundum exilem quandam entitatem ipsi cõfuse intus apprehendunt.

Afferendum tamen est, sensum nullo modo posse ens vt sic sua cognitione percipere. Nam quamuis ex parte modi recte videatur hoc procedere, explicando huiusmodi cognitionem quasi in concreto, & materialiter prout versatur circa aliquod particulare in confuso; nihilominus ex parte ipsius obiecti maximam inuoluit repugnantiam. Etenim hoc aliquid, si rectè consideretur, non est aliud nisi purus gradus entitatis contractus in indiuiduo; & vt sic cognitio illius necessariò inuoluit præcisionem, qua in ipso singulari, tantum consideratur ratio illa communis analoga tanquam natura vniuersalis contracta per differentiam indiuidualem, secluis omnibus alijs prædicatis. Nequit autem sensus rationes communes & vniuersales percipere, vel per abstractionem, aut præcisionem sicut intellectus cognoscere, iuxta doctrinam Aristotelis, cõterorumque omnium Philosophorum. Nam vt docet S. Thomas, cum obiectum cuiuslibet sensitiuæ potentiæ, sit forma prout in materia corporali existit, & huiusmodi materia sit principiũ indiuiduationis, omnis potentia sensitiuæ partis, particulare tantũ, seu singulare constituetur cognoscitiua. Cum igitur non detur singulare aliquid sensibile in rerum natura, quod

2. de ANIMA  
122.69.

1. par. q. 85.  
ART. 2.

quod non fit huius, vel illius naturæ sensibilis in indiuiduo, ita percipi non potest, nisi cum varietate accidentium sensibilium, per quam constituitur talis naturæ, & iuxta quam sensus diuersimodè ab illa immutatur secundum proprias differentias.

Nec datur casus, in quo sensus aliquid verè dicatur percipere absque vlla differentia indiuiduali sensibilis accidentis; nā vel hoc homo putat ex deceptione intellectus, iudicādo se aliquid sensu percepisse, quod prorsus nullo modo percipit: vel si aliqua ex parte percipit, & ignorat, quid illud sit; non ignorat illud, secundum omnia accidentia, vel prædicata, sed tantū secundum aliqua. Nam si v. g. ignorat, an illud aliquid sit album, vel potius flauum; non ignorat esse coloratū, quandoquidem sensus circa proprium sensibile secundum rationem communem nō potest errare, vt Aristoteles animaduertit. Similiter & si non percipit esse coloratum, cognoscit tamen esse tangibile, vel quantum, & sic de singulis: ita vt nullo modo possit formare conceptum alicuius entitatis, nisi simul cum aliqua differentia sensibili, qua illa entitas constituitur talis, & per quam sensui innotescat, saltem secundum rationem communem rei visibilis, aut tangibilis &c. Quod si à multitudine prædicatorum, ac circumstantiarum, quas non percipit, nescit homo illud aliquid determinatè, ac distinctè denominare; Hoc non tollit per aliquod accidēs particulare, ac sensibile ei innotuisse ipsum aliquid, quod percipit. Ex quo colligitur, bruta animantia quandoque sistere quidem quasi suspensa, non tamen percipiendo aliquid vt sic, sed inquirendo vltiores differentias percepti sensibilis, vel pertinentes ad eundem sensum, vel alios exteriores, vt si vocem audierint, attendendo quamnam vox illa sit, vel quid aliud secum portet coeterorum sensibilium: nam quidquid sit, semper ad aliquem sensum refertur secundum rationem eius obiecti, non autem entis vt sic.

Ex his autē vltius patet, sensum interiorē nō modo multo minus ens rationis quā ens, vt sic posse percipere, sed nec simile quidpiā ex se posse conficere. Nam ens rationis cū for-

maliter nihil sit, sed tantum effingatur ab intellectu, per nullam speciem corpoream potest representari: Cumque nihil ei simile in rerum natura possit effingi, etiam per species rerum sensibilium, absque præcisione aliqua vel comparatione, proculdubio id pariter sentientis facultatis omnino vires effugiet, Quod si sensus concurrat in homine cum intellectu ad conficiendum chimæras, imo ad effingendam naturam vniuersalem, quæ concipitur quandoque ad modum cuiusdam sensibilis realis, quamuis in se sit ens rationis; semper tamen id, quod terminat eius cognitionem sensituiam, sunt ipsa sensibilia particularia, quæ vel quoquo modo copulantur, vt cum ex illis efformatur figura Hircocerui: vel ita simul ab intellectu intimas rerum naturas penetrando percipiuntur, vt ex illis abstrahat quasdam formalitates communes, quæ comparatæ ad ipsamet sensibilia particularia, dicuntur prædicata vniuersalia. Quare huiusmodi entia non nisi fundamentaliter dicuntur ab ipso sensu per imaginationem dignosci, quatenus hæc versatur circa singularia, in quorum conuenientia vniuersales abstractiones fundantur, & quorum similitudines, seu species in se gerit, ac variè potest pro arbitrio copulare, vt inde intellectus formaliter vniuersalia ipsa, & chimæras, quas effingit, intelligat.

*Excluduntur etiam à ratione huius obiecti passionēs entis,  
vntas, & veritas. (ap. 11.*

**D**E passionibus verò entis nulla remanet controuersia, si præcisè, & abstracè sumantur, idque propter eandem rationem, qua diximus, ens vt sic ab interiori sensu non posse dignosci: si tamen materialiter loquamur de vno, vero, & bono, prout sunt à parte rei; cum hæc transcendentia identificentur cū entitatibus singularibus diuerforum generum idem erit iudicium, si dicatur, sensum internum cognoscere vnum, vel non cognoscere, ac si dicatur cognoscere, vel non cognoscere talem entitatem in particulari, quæ vna, vera, & bo-

bona est. Verum autem quando cognoscit aliquod singulare, cognoscat illud vt vnum, aut verum, & bonum, sicut cognoscit, vt album, aut quantum, etiam si modo concreto loquamur absque formali & expressa reduplicatione, dubium esse potest.

Et quidē vt ab vno incipiamus, si vnitas in rigore sumatur prout dicit negationem pluralitatis, certum est, illam affirmari, aut negari non posse de aliquo subiecto à sensu interiori præsertim in brutis, cum vix id efficiat, & assequatur intellectus. Quoniam verò aliud interdum est, quod huiusmodi attributa formaliter significant: aliud verò, quod per illa à nobis explicari intenditur ( Nam estò per vnitatem formaliter significetur negatio; à nobis tamen per illam intelligitur, & explicatur positiua quædam perfectio rei; quemadmodum similis alia per simplicitatē, quæ formaliter dicit negationem compositionis ) Videri posset alicui sensum internum etiam in brutis percipere. v. g. lapidem vt vnum, non quidem reduplicatiuē, quia inuolueret abstractionem, sed absolutē, & in concreto, apprehendendo illum quasi affectum tali proprietate, eo modo, quo apprehendit ipsummet esse album: tum vel maximē quia vt infra dicemus, de numero negari non potest, bruta cognoscere plura discreta, plures sonos, plures sapores, & similia. Ergo pariter vnum, à quo plura condistinguuntur; nam contrariorum, vt docet Aristoteles, eadem est disciplina: & numerus componitur ex pluribus vnitatibus.

Veruntamen probabilius censendū est, sensum interiorem non percipere vnitatem transcendentalem, de qua loquimur, nisi priuatiuē, quatenus dum percipit vnum, non percipit plura, eo modo, quo etiam dicitur audiri silentium, aut tenebras videri, dum non videtur lumen, aut non auditur sonus. Idque probatur ex eo, nam licet per negationem pluralitatis significetur à nobis positiua quædam perfectio rei, cum hæc sit omnino identificata cum ipsa re, nequit percipi à potentia sensitua, quæ nullo modo valet abstrahere, ac præscindere, sicut intellectus. In quo dispar est ratio de  
albo

albo; siquidem cum albedo sit per se qualitas sensibilis distincta à subiecto, optimè potest simul terminare cognitionem sensus, qui diuersimodè per illam immutatur. Quod autem arguitur à paritate ex numero, qui sensu percipitur, tantum procedit de vnitare quantitatiua, de qua inferius erit agendum; nam re vera sensus cognoscit vnum continuu, quemadmodum plura discreta; at hic sermo est de vnitare transcendentali, quæ valde diuersa est, vt per se patet.

De veritate autem transcendentali, similiter, ac de vnitare philosophandum est. Hæc enim veritas, per quam ens denominatur verum tanquam per propriam passionem, in duobus consistit. Primo in realitate ipsius entitatis, quæ dicitur vera, & sic nullo modo distinguitur ab ente. Deinde in adæquatione, seu conformitate, quam habet vel potest habere cum conceptu cognoscentis. Qua ratione dicitur verum aurum, quod non modo putatur aurum, sed ita est, vt concipitur. E contra vero dicitur falsum id, quod aliud est quàm concipitur; licet aptitudine, omne ens sit verum, si quando apprehendatur, secundum realitatem, quam habet. Vnde S. Thomas inquit, veritatem inueniri in re, secundum quod habet esse conformabile intellectui. Et D. Augustinus ait verum esse, quod ita se habet, vt cognitori videtur, si velit, possitq. cognoscere. Quod si loquamur de conformitate respectu cognitionis diuinæ, quodlibet ens semper actu est verum.

Cum igitur verum semper connotet præfatam adæquationem, qua conformatur conceptui, & huiusmodi connotationi, imò & ipsa conformitas, formaliter sit ens rationis, aperè sequitur, verum vt verum, nullo pacto attingi posse à sensu interiori, sed tantum ab intellectu, cuius est huiusmodi formalitates abstrahere, ac distinctè percipere. Idemque dicendum est de veritate cognitionis, quæ consistit in ipso actu cognitionis cum connotatione obiecti ita se habentis, sicut per actum representatur. Nam licet huiusmodi veritas etiam in cognitione sensitiua reperiatur; non tamen percipitur absque intellectus reflexione, qua in ipso actu cognitionis sensitiuæ, talem conformitatem aduertit. Præterquam  
quod

1. par. quest. 16.  
art. 5.

lib. 2. soliloq. c.  
5. tom. 1.

quod propria, & speciali ratione, veritas solum reperitur in iudicijs, seu compositionibus, ac diuisionibus intellectus.

*Explicatur, & expenditur Bonitas Cap. IIII.*



DE Bono, seu bonitate adhuc difficilior sese offert speculatio: dupliciter enim bonum accipi potest, primo simpliciter, quatenus aliquid in se ipso bonum est. Secundo verò prout alteri bonum est; vt habetur ex Augustino; Et

sub vtraque formalitate expositum, examinandum est: num ab interiori sensu dignoscatur. Formalis itaque ratio boni primo modo accepti, non est aliud, nisi integritas, & perfectio quædam rei in suo esse, vt sæpe docet S. Thomas. Idem enim est (inquit) perfectum, ac bonum hoc genere bonitatis. Quandoquidem si alicui rei desit quidquam ex his, quæ ad eius integritatem in suo genere pertinent, ex illius defectu, dicitur, & est absolutè mala. Perfectio autem hæc in primis concipi non potest à nobis absque negatione, vt per se patet, nec aliter illam exprimit Aristoteles cum dicit, perfectum est, cui nihil deest. Deinde concipi non potest absque præcisa cognitione ipsius generis, in ordine ad quod res dicitur integra, & perfecta. Nam quod cognoscitur integrari suis prædicatis essentialibus, supponitur præcognosci secundum essentiam; imo cognitio integritatis, & perfectionis indiuidui, semper inuoluit enumerationem partium, & comparisonem illarum ad requisita communia in tali specie, vel genere.

Ratio verò formalis boni secundo modo accepti, est conuenientia quædam, ratione cuius habet res quòd sit appetibilis. Vnde est illud Philosophi. Bonum est, quod omnia expetunt. Hæc autè bonitas, seu conuenientia concipitur à nobis, & explicatur tanquam perfectio rei, siue distincta, siue indistincta ab ipsa re, cū connotatione naturalis cuiusdam connectionis respectu illius, cui dicitur conueniens; vt v.g. quando virtus dicitur bona hominibus, de formali significatur perfectio

*lib. 8. de Trinitate cap. 3.*

*1. par. quest. 1.*

*3. met. cap. 10.*

*1. Ethic. c. 1.*

ctio ipsius virtutis, connotando connexionem, quam habet cum humana natura, seu inclinationem, quam natura habet ad illam. Quare propriè loquendo talis perfectio, dicitur perfectio respectiua. Ex quo plerique sumpserunt, huiusmodi bonitatem in relatione consistere. Idem igitur est cognoscere aliquòd esse bonum hoc genere bonitatis, ac cognoscere conuenientiam, seu perfectionem respectiuam illius, & naturalem connexionem, quam habet cum eo, cui dicitur conuenire.

Et quidem si loquamur de cognitione distincta, vt quæ forma quælibet à suo subiecto discernitur, & secundum propria, & essentialia prædicata concipitur: nulli dubium est, bonum sub vtraque, vel alterutra formalitate sumptum, ab interiori sensu nequaquam dignosci: cum solius intellectus sit, huiusmodi formalitates præscindere, ac distinctè concipere. Si vero sermo sit de cognitione confusa, vt quæ forma sensibilis apprehenditur in subiecto, vel cum subiecto per modum vnius concreti, vt albedo in albo, vel calor in calido: sic multis non videtur deneganda cognitio boni sub formali ratione bonitatis, siue absolutæ, siue relatæ, cuiuslibet sensui interiori etiam brutorum animantium. Quandoquidem hæc in primis versantur circa sua obiecta, sicuti sunt, integra, ac perfecta: ac proinde in se absolutè bona. Secundo quia nisi aptè cognoscerent, quæ sibi bona sunt, vel mala, salutaria, vel noxia, facillimè interirent, ac certis non vescerentur alimentis, nec sibi tam prouidè opitulari, aut consulere viderentur. Patet enim huiusmodi animantia, aliqua alimenta ad propriam, & quotidianam nutritionem impensa auaritate querere, alia respuere statim vt vident, vel olfaciunt, non quidem propter colorem, vel odorem, cum ab eisdem iuxta positis non auertantur: neque propter saporem, cum adhuc non gustauerint; ergo propter disconuenientiam, quam apprehendunt in obiecto respectu suæ naturæ, aut dispositionis, vel etiam alterius sensus, licet eodem sensu id experta non fuerint. Tertio deinde, quia videmus eadem animantia, multa ad tuendam sanitatem, non ad



gustum demulcendum comedere, vt Canes, qui sumbricis infestantur, cum herbam tritici comedunt, & agrestes, herba quadam commesa, vomitant; aut cum Testudo post viperam, cunilam edit, ne intereat, & similia, quæ ab Aristotele disertissime traduntur. Quarto nam alie aliis beluas quarunt, in quas naturali quadam affinitate, vel amicitia secum concepta feruntur. Vt Cornus in Vulpim, Merula in Turturem, Vulpis in serpentem: Cornix in Ardeolam &c. contra verò eadem, vel alie ab alijs auertuntur, dimicantq. si occurrant ad inuicem, vt Coluus cum Tauro, & Asino: Cornix cum Noctua; Leo cum Iapò: Cernario Aquila cum Dracone; &c. vt idem Philosophus, & Plinius referunt. Quandoque etiam sibi, hatisq. cauent, necnulla adhuc accepta iniuria, ad pugnam, vel defensionem se parant, aut vna cum prole, se in fugam conuertunt. Vnde Echinus terrestris, seu Ericium, quid insidiarum presensiens, spinis suis clauditur, atque in sua atma se colligit, vt præclare notat M. Ambrosius: Et Ichneumo Aegypti, vbi Aspidem anguem suum hostem aspexerit, socios vocat, & limo obducto, contra ictus, morsusque sese loricat. Necnon, & Mustela, quoties dimicatura est cum serpente, ritam comedit, cuius odor infestus serpentibus est, ait Aristoteles. Quod certè non faciunt propter indecentiam coloris, vel sicutur, vt notat S. Thomas; sed propter contrarietatem naturæ, inimicitiam, ac disconuenientiam, quam in illis apprehendunt. Quinto insuper, narrat idem ait, aues colligunt paleas, non quia delectant sensum, sed quia utiles sunt ad nidificandum, fouendisq. pullis deseruiunt: ergo bonum vtile verè à brutis per sensum internum discernitur, nec solai conuenientia, aut disconuenientia actualis, quæ in sentiendi exporitur, ab illis percipitur (nimirum, quæ in delectatione, vel horrore cuiusque sensus constituitur, iuxta proportionem, vel improporcionem, quam sensibile habet cum sensu,) sed etiam conuenientia, vel disconuenientia obiecti remoti, quæ in utilitate, & commoditate, vel in opposito illius consistit.

lib. 9. de Histor.  
animal. cap. 5.

Arist. lib. eth. c. 1  
Plin. natur. hist.  
lib. 10. c. 4. & 74

In Hexameron.

Eod. lib. 9. c. 6.

1. p. 9. 78. art. 4.



Præterea, & vltimò, quia negari non potest in brutis dari communes passiones amoris, & odij, timoris, & spei, gaudij, & tristitiæ, & id genus alia, quæ cum actus quidam sint eliciti ab appetitu sensitivo, necessariò supponunt præexistentem cognitionem sensitivam, qua proponatur ipsum obiectum amabile, aut odibile. Cumq; non ametur, nec appetatur, nisi bonum sub ratione boni; nec respiciatur, nisi malum sub ratione mali: Hinc certè videtur inferri etiam prærequisitam cognitionem sensitivam interiorem attingere ipsam rationem boni, aut mali, sub qua obiectum ab appetitu amatur, aut odio habetur.

*Excluditur tandem ipsa quoque Bonitas. Cap. IV.*



**D**ICENDVM tamen erit, sensum internum percipere rem bonam, siue primo, siue secundo modo sumptam; non quidem formaliter elicendo cognitionem bonitatis illius; siue distinctè; siue confusè; sed absolute, & materialiter concipiendo rem ipsam, quæ in se est integra, vel conueniens per species sensatas, quas habet de illa; ita vt postea appetitus sensitivus feratur in illam, non quia cognita est formaliter, vt bona, sed quia id, quod proponitur, secundum se est illi bonum, ad quod dicit naturalem inclinationem.

Hæc conclusio sumi potest ex doctrina D. Thomæ 1. 2. q. 1. art. 2. vbi docet, bruta tendere quidem in finem apprehensum, non tamen cognoscere rationem finis, sed quasi ab alio acta, vel ducta, in ipsum ferri: Per finem autem in proposito S. Doctor, idem quod bonum, seu obiectum appetitus intelligit, sicut ait. præced. vtrumque dixerat constituere obiectum voluntatis. Est quæ Aristotelis 1. Ethic. cap. 7. vbi vniuersumque bonum, inquit, esse ipsum finem; cuius gratia operatur. Et 2. Physic. text. 34. vbi docet, finem, & bonum idem esse; abstrahendo scilicet à fine vltimo, vel intermediò, proximo, vel remoto, vt statim ipsemet inferius distinguit

loco primo citato. Et libi. de motu animalium cap. 3. docet, bonum, quod mouet, esse tale inquantum grãtia huius aliud, & inquantum est finis aliorum, quæ alterius gratia existunt. Quare licet ratio finis referatur ad media, vel ad appetitum elicatum gratia sui, & ratio boni ad id, cui dicitur esse bonum: nihilominus quia à parte rei sunt idem, & conueniunt in esse motiuum, ac terminatiuum appetitus, qui simul trahitur, ac terminatur ab obiecto, tanquam à proprio fine, & à proprio bono, & verè appetitur finis, sicut appetitur bonum, nec bonitas causat, nisi in genere causæ finalis: Hinc est, vt iuxta doctrinam, qua appetitus dicitur ferri in finem non cognita ratione finis, dici etiam possit ferri in bonum, non cognita ratione boni, cum vtraque ratio pariter sit motiua, ac terminatiua in ipso obiecto, quod allicit appetitum secundum esse reale, quod habet identificatum cum illo.

Ratione verò probatur primo, nam bonitas formalis, de qua loquimur siue absoluta, siue relata, cum non sit, quid à parte rei distinctum ab ipsa re bona: sed cum ipsa realiter identificata, ac supra entitatem rei tantum connotans integritatem suæ naturæ, vel respectum transcendentalem ad aliud, cui dicitur conuenire: nequit aliquo modo concipi absque abstractione intellectus, cuius est intimos gradus entitatis, & attributa præscindere, eosq. distinctè, vel confusè attingere secundum rationem formalem, quam de se dicunt, siue absolutam, siue respectiuam. Nam quæcumque sub aliqua formalitate, vel respectu concipiuntur, siue distinctè, siue confusè, duplicem conceptum obiectiuum inuoluunt saltem materialiter, nempe formæ, seu respectus, & subiecti, quod sub illo concipitur: & ubi nulla suppetit realis distinctio inter formam, & subiectum, necessario intercedere debet præcisio rationis. Vnde sicut concipere non possumus parietem album absque conceptu obiectiuo albedinis, & parietis, saltem confusè, quia vtrumque in cognitione ipsius elucet: ita concipi non potest alimentum, verbi gratia, vtile, vel salutare, absque conceptu obiectiuo alimenti, & bonitatis

tatis illius, quæ cum realiter non distinguatur ab illo, seu ab accidentibus illius, quemadmodum albedo distinguitur à pariete, sed tantum addat, verbi gratia, supra entitatem saporis, cæterorumq. accidentium, respectum quandam, transcendentalem, seu relationem indistinctam congruentiæ, quam dicit ad naturam animalis, constituere non potest diuersum conceptum obiectuum absque præcisione aliqua intellectus, seu abstractione, qua idem ad alia relatum, diuersimode obijciatur, denominatione extrinseca veluti distincta perfectione indutum.

Secundo probatur, quia conuenientiæ, vel disconuenientiæ vnius respectu alterius, siue constituatur in relatione, siue in ipsa entitate respectiua rei conuenientis: formaliter, ac distinctè cognosci non potest, absque cognitione vtriusque correlatiui, eorumq. respectus per collationem, quod est opus solius intellectus. Ergo remanet, vt ab interiori sensu, solum dignoscatur materialiter; quod idem est, ac simpliciter entitatem ipsam conuenientem, vel disconuenientem cognosci, non sub ratione conuenientiæ, aut disconuenientiæ, quemadmodum coloratum sub ratione albedinis, vel nigredinis; sed absolutè, vt talis entitas, vel tale obiectum secundum species sensatas, quæ habentur de illo; licet in illo realiter includatur respectus conuenientiæ, aut disconuenientiæ prædictæ, eo modo, quo genus, & differentia, omnisq. gradus metaphysicus includitur in quolibet sensibili, & tamen non per hoc percipitur à sensu tanquam aliqua forma ipsius concreti sensibilibis, sub qua saltem confuse concipiatur.

Tertio probatur, nam ex triplici genere amabilem, seu bonorum, quod assignat Aristoteles, nempe honestum, iucundum, & utile; certum est, honestum quocumque modo sumptum, omnem sensum penitus latere: utile verò vt utile non cognosci, nec appeti, nisi tanquam medium ordinatum ad finem, quod proprium est naturæ rationalis: nam quæ ratione carent, ait S. Thomas, cum non cognoscant rationem finis, nihil in finem ordinare possunt, ac proinde nec

*8. Ethic. c. 2.*

*1, 2. q. 1. art. 2.*

aliquid tanquam ex se ad illum ordinatum concipere: Iucundum denique non cognosci ab aliquo animali nisi quoad effectum sensibilis iucunditatis, aut voluptatis, quam causat in sensu, & propter quam analogicè dicitur iucundum, sicut pharmacum dicitur sanum. Iucunditas enim non reperitur formaliter in obiecto, sed tantum in sensu tanquam perfectio sensationis cuiusdam, quæ circa obiectum sibi conueniens versatur; quare in obiecto ipso iucunditas non est, nisi tanquam in causa, licet ab intellectu abstrahatur, & concipiatur tanquam forma actualis distincta, per quam iucundum delectetur. In causa autem, seu prout obiectum, causa est, potens iucunditatem asserre, & hac ratione congruere naturæ, omnem facultatem sensitivam præterire, nemo ignorat. Relinquitur ergo, ut nullum bonum sub ratione suæ formalis bonitatis ab interiori sensu dignoscatur, sed tantum sub materiali entitate suorum sensibilibus accidentium, in quibus bonitas ipsa formalis fundatur, vel cum quibus identificatur.

Quarto probatur; nam si bonitas aliquo modo perciperetur simul cum ipsa re bona, ut albedo cum albo per modum vnius concreti; utique illa per aliquam speciem deberet representari, vel propriam, vel alienam: sed non per propriam, quia hæc non potest à gradu entitatis realiter distincto, vel à relatione secundum dici, prout est bonitas, produci, & in sensum emitti: Nec per alienam, quia nimirum, quod per alienam speciem dignoscitur, percipitur ad instar alterius, tantumq. intellectui conceditur per comparisonem, ut infra explicabitur: Ergo bonitas per nullam speciem sensui representaretur. Id quod experientia pariter confirmari posset, qua observamus, nullam in nobis fieri determinatam, ac propriam imaginem cum cogitamus de bonitate, aut etiam de bono hoc, vel illo; præter sensibilibus accidentium, quæ ita faciunt subiectum à nostro intellectu denominari.

Quod autem aiunt nonnulli, bonitatem formalem, amicitiam, & inimicitiam, cæteraq. huiusmodi representari  
per

per species insensatas, non euacuat difficultatem; nam de illis adhuc queri posset, num de foris adueniant, sicut sensatae tamquam à proprijs formis, quas representant emissa, ac productae: an verò intrus ab eadem potentia sensitua, perficiantur, & quasi ex ipsis speciebus sensatis eliciantur; sicut species intelligibiles ex phantasmatibus. Et primum inuolueret eandem repugnantiam ex parte causae insufficientis ad producendam distinctam imaginem. Secundum verò nimis superq. tribueret sensui, nec absque comparatione, aut abtractione aliqua intercedente contingeret.

Illud vero, quod docet S. Thomas, bruta animalia percipere huiusmodi intentiones, solum naturali quodam instinctu; idem videtur significare, ac perceptionem illam materiale, quam explicuimus; alioquin non excluderet à tali cognitione collationem, per quam formaliter dicit homines attingere huiusmodi intentiones. Nec per instinctum perceptiuum, aliquid potest intelligere diuersum à potentia interius cognoscitiua modo naturali per species intentionales, quas ipse saepe admittit. Difficile tamen est, quod ait, sensum internum, qui in hominibus ad distinctionem extimatiuae brutorum, vocatur cogitatiua, per collationem quandam praedictas intentiones inuenire, ideoque denominari rationem particularem, quòd collatiua sit intentionum indiuidualium, sicut ratio intellectiua intentionum vniuersalium. Sed haec de re infra nobis redibit sermo, cum de sensationibus, quae procedunt per modum discursus, & comparationis seorsum vberius disseremus.

*Opusc. 43. quod  
est de pot. nris  
animae cap. 4.*

*Tract. 4. c. 11.*

*Satisfit argumentis in oppositum. Cap. V.*



MOD, vt difficultatibus iam supra in oppositum suadentibus occurramus, ac figillatim iuxta traditam doctrinam singula experimenta contingere intelligantur, obseruandum primum est, talem vnique alimento à natura inditum esse saporem, vt regulariter loquendo, ac citra vitium

fufcipientis organi, vel corruptæ conditionis, id fingulis animantibus rectè fapiat, ac libenter ab ore ventriculi amplectatur, quod propriæ naturæ pro tempore, & opportunitate congruit, vel ad fufultationem vitæ, vel ad medelam alteratæ difpofitionis. Vnde, vt inquit Galenus. Ideo animantes ad familiaria nutrimenta à nullo doctæ, fed à natura impulfe accedunt, quia quod familiare eft, dicitur tale fecundum fimilitudinem corporis, quod ex ipfo nutritur; nutriens autem, ac fimile corpori nutriendo, familiare eft, & fuauē. Quapropter recenter natis, nihil fuauius, nihilq. falubrius lacte, quod natura illis ad nutrimentum præparauit. Et vt idem Galenus alibi dixerat: cibaria quidam facultatem quampiam habent in fe ipsis admixtam, cui aut purgare, aut aliud quidpiam agere, fit naturale. Quare multa fub ratione cibi ab animantibus conquisita, ac deſumpta; verè illis deferviunt ad medelam. Multaq. etiam quandoque fapiunt, ac profunt, quæ hactenus ftomacum facere, & obefſe conſueuerunt, dum altera dominaretur humorum difpofitio, qualitatūq. temperies. Quod licet maxime locum habere videatur in brutis, in quibus guſtus, & appetitus, præſcriptis à natura legibus, penitus frenatur; non rarò tamen in hominibus etiam experientia comprobatur, tam paruulis, quàm adultis optimam corporis conſtitutionem, ac temperiem adeptis; qui vt ait Galenus, tum naturales, tum animales virtutes inculpatas habent. Siquidem qui temperatiſſimus eſt, edit, inquit, bibitq. moderatè, nec ei limitanda ſunt cibaria, cum nihil noxiū, aut ſuperfluum appetat, vt alibi dixerat. Quamuis, vt plurimum, ad hoc vitium cupiditatis in hominibus excreuerit, vt intemperanter ſæpe ad diuerſa rapiantur, inſatiabili voluptatum concupiſcentia ducti. Nam vt ait Ariſtoteles, quia, homo ingenio cogitationeq. plurimum valet, voluptates, & felicitatem rimatur maxime atque perpenſat.

Deinde obſeruandum eſt, appetitum ſenſitiuum non tantum ferri in propria, & expreſſa oblectamenta ſenſuum externorum, ad quæ etiam reuocantur omnes commoditates,

& an-

*Lib. de conſuetudin. cap. 2.*

*de alimentorum facultatib. lib. 1. cap. 1.*

*lib. 2. de temperantia cap. 1.*

*ſect. 29. Probium. quæſt. 7.*

& annexa illorum, sed pariter in ea obiecta, cum quibus animal naturalem habet sympathiam, seu latentem quandam consensum, ut aiunt Philosophi: Nam hæc pariter semper aliquo modo delectant, vel quidem sensum aliquem externum tenuiter, ac suboscure, vel saltem internum per combinationem quandam plurium qualitatum ad diuersos sensus exteriores pertinentium, quæ simul coniunctæ, sua proportionem, veluti vocum diuersarum concentus, ipsi naturæ congruunt, ac sentienti potentiæ adæquantur. Idemque obseruari potest ex opposito per antipathiam, seu latentem dissensum in auersione vnius ab altero. Etenim considerandus est concursus diuersorum accidentium, eorumque specierum, & connexio illarum in ipsa representatione interna. In qua sæpe accidentia, quæ per se singula, ac seorsum sumpta, nullam efficiunt motionem, coniuncta cum alijs, talem constituunt combinationem, quæ interius representata, maxime valet ad alterum oppositum excitare. Ut perspicuum esse potest in recta, vel praua partium, colorumque dispositione, in qua pulchritudo, vel deformitas consistit, alijsque accidentium aggregatis, quæ gratam veluti, aut molestam efficiunt combinationem.

Quibus positis, ad primam difficultatem præcedenti cap. adductam responderetur, sensum interiorem cognoscere integritatem, & perfectionem essentialem suorum obiectorum, materialiter, & identicè; hoc est quatenus cognoscit eorum sensibilem entitatem, cum qua talis integritas, vel perfectio est idem in re, sicut genus, & differentia; non tamen aliquo modo formaliter secundum rationem integritatis, seu perfectionis, quam tantummodo intellectum attingere posse probauimus.

Ad secundam verò, ac tertiam simul, dicimus, bruta animalia cibos quidem sibi proportionatos discernere, & appetere, non tamen sub ratione conuenientiæ, aut salubritatis, sed sub ratione sensibilibus accidentium, præsertim saporis, ad quem dicunt naturalem inclinationem, modo quo explicauimus.



Quod si huiusmodi animalia adhuc non experta saporem, in cibos quosdam ferantur, & ab alijs auertantur, hoc saepe provenit ex connexionione specierum aliorum accidentium, quæ in præsentia offeruntur, cum specie saporis quam intus ipsa in memoria retinent. Etenim quia cum tali, vel simili colore, figura, & odore, iucundum, aut molestum saporem hæcenus perceperunt: quasi in eadem ipsa rursus ac simul de nouo feruntur, aut ab eis auertuntur. Cum autem nunquam prorsus, nec de re tali, nec de simili præhabita cognitione iucunditatis, aut molestiæ mouentur animalia ad prosecutionem, vel fugam illius, tunc ipsa moueri dicendum est per sympathiam, aut antipathiam, quam habent ad naturam, representatam secundum alia sensibilia accidentia, quæ pariter semper aliquo modo sensum aliquem delectant, aut infestant. Vt pulchritudo pomi nunquam gustari, quæ allicit appetitum infantis, ac deformitas monstri effincti, quæ bruta, puerosque deterret, nulla incussa molestia, aut dolore. Contingit enim quandoque animal à cibo allici, solum propter gratum odorem, aut colorem, cum quo postea veluti casu experitur saporem, & sic per oppositum, solo colore, aut figura auerti ab his, quæ postea noxam, aut dolorem solent inferre. Vnde homines etiam si operentur per intellectum, abhorrent quandoque cibaria quadam, statim ac vident, vel olfaciunt, nulla saporis præhabita cognitione. Quod si causam quæras, nec ipsi sciunt eum abhorreant, quidque in illis displiceat, sed tantum naturali quadam auersione se ab illis remoueri sentiunt. Simili ergo ratione intelligi potest, auerti bruta animantia à suis contrarijs absque cognitione prauitatis obiecti, aut disconuenientia illius respectu suæ naturæ: præsertim cum talis disconuenientia nunquam fuerit experientia comprobata.

Ad quartam respondetur, bestias amicè, vel hostiliter inter se agere, non quia ipse ad inuicem se conuenire, vel discere parè apprehendant sub ratione amicitia, vel inimicitia; sed quia sensibiles vniuscuiusque qualitates, & actiones, alteri placent, vel displicent; suntque propterea ipsis ratio amandi,



amandi, vel odio habendi, voluptas, aut dolor, seu molestia; non autem amicitia, vel inimicitia ab illis apprehensa. Similia enim, alio non obstante, ut plurimum placent; e contra verò valde dissimilia, ac discrepantia displicent. Et tamen eiusdem generis, ac inter se omnino convenientia bruta, causa cibi, aut veneris, quotidie dissident, persequunturq. sese inuicem, quæ cum alijs alterius speciei, & dissimilibus valde, quandoque familiariter degunt, & inter se coeunt; ut in Africa contingere narrat Plinius, aquarum inopia ad paucos anines congregantibus se feris. Insuper inescutabilis penè est sensibilibus qualitatibus, cæterorumq. accidentium, & combinationum eorum cum sensibus in singulis animantibus proportio, vel improportio, ad oblectamentum, aut horrorem in ipsis causandam. Nulla namque alia apparente causa amicitiae naturalis, Cerui, sibilo & cantu hominum alliciuntur, & capiuntur, ut notat Aristoteles. Delphini etiam sibilantem hominem festiuis saltibus prosequuntur, mulcenturq. symphoniarum cantu, & præcipuè hydrauli sono, ac pueros maxime amant. Leones verò absque alia inimicitia, gallinaceorum cantum, cristasq. abhorrent. Bubula rubeum colorem in quouis subiecto magnopere insectantur; eodemq. colore Elephantès ad iram, & ad bellandum excitantur, qui ut ait Plinius, argenteis phaleris maximè gaudent. Pàiones inuidi sunt, & ornatus, ac pollicuræ studiosi, ut docet Aristoteles. Pavonemq. in Leucadia, virginem adamasse, & in portum illius interiisse; sicut & anserem, puerum amavisse apud Atheneum testatur Clearchus. Vrsi denique, Leones, Tigres, Lupi ceruarij, aliaq. efferatissima animalia nunc Florentiæ asseruata, simul ad pugnam congressa, solo cartacei coloratiq. monstri conspectu frenantur, timoreq. correpta, in propria latibula reuertuntur. Quid igitur mirum si cætera quoque animantia amorem, vel odium exerceant, timorem, vel iram subeant, alijsq. passionibus afficiantur propter colorem, figuram, odorem, sonum vocis, vel alias qualitates, combinationesq. occultas, sibi per modum recipientis congruentes, vel contrarias,

*Naturalis hist.  
lib. 8. cap. 10.*

*Arist. de histori.  
animal. lib. 9.  
cap. 5.*

*Plin. lib. 9. c. 8.  
Athenens lib. 13  
prope finem.  
Plin. lib. 8. c. 16.*

*lib. 8. c. 5.*

*lib. 1. hist. animal.  
cap. 1.*

*Athenens ibid.*

trarias, absque cognitione naturalis amicitiae, vel inimicitiae, congruentiae, vel contrarietatis, nisi materialiter in quantum pertinent ad sensum, quod est cognoscere molestationem, vel delectationem, quam infert obiectum praesens?

Ad quintum respondetur, Aues colligere paleas, non quia formaliter ipsae cognoscant utilitatem illarum ad nidificandum (sic enim daretur in illis collatio propriè dicta, & electio mediorum ad finem, quae in brutis non sunt admit-  
*s. p. q. 78. art. 4.*  
 tendenda, ut docet ipsemet S. Thomas,) sed quia veles suat ad nidificandum, (inquit ipse.) hoc est, quia à parte rei tales sunt, ut secundum se representatae, tunc appetitui congruant propter propensionem, quae tunc in natura viget respectu nidi, cuius species connexae excitantur ab ipsis paleis apprehensis tanquam partibus illius, ubi quiescere consueverunt. Quare talis cognitio est complexa quaedam apprehensio palarum nidi, ac propriae commoditatis. Et appetitus in utrumque simul tendit confuse, eo modo, quo simul feruntur in viam, ac terminum, quod pergunt omnia bruta animalia, absque cognitione medij, ut medium est ad finem. Quis enim dicat belluas cognoscere hoc esse optimum medium ad consequendum talem finem, vel hac recta linea brevius perueniri ad terminum, quam alia curua, & obliqua? ita ut cum Epicureis asserat, Asino quoque manifestum esse, duo latera cuiuslibet trianguli, reliquo esse maiora; ut refert Proclus in vigesimam primi Euclydis. Et nihilominus constat, ut illi aiebant, ~~quod~~ herba in altero laterum extremo posita, Asinum pabulum expetendo, vnam latas peragrarè, non autem duo. Sicut & canem recta linea omnino pergere ad praeueniendam vulpem, quam insequitur. Et Draconem pectoris impulsu arborem excutere, in cuius altis ramis Aquilarum pulli nido asseruantur, ut concussionis vi, illi in praedam decidunt. Imò si vera narrat Plinius eisdem pullis serpentem, qui vocatur Parias ita insidiari, ut videns se propter altitudinem accedere non posse trahat ad se ventum, & venenum emittat, ut aer infectus ad pullos deductus, illos occidat. Aquilam autem, ut huic malo occurrat nido suo  
 inadi-

inædificare lapidem, qui vocatur Gagates, eumq. semper in illa parte locare, quæ est contra ventum, & istum lapidem, venenum expellere, ne ad pullos accedat.

Dicendum itaque erit vniuersaliter, & consentaneè loquendo de omni ordinatione mediorum ad finem, quam experimur in brutis: Appetitum illorum ferri quidem in suum finem, seu obiectum finale apprehensum, non tamen sub ratione finis, vt docet S. Thomas: similiter & in media, <sup>1. 2. q. 1. art. 2.</sup> non tamen sub ratione medij, cognoscendo hoc, vel illud esse medium ad assequendum talem finem, & sub hac formalitate illud prosequendo, sed materialiter tendendo in obiectum finale, simul apprehendere ipsum medium potius tanquam obiectum inchoatum, seu tanquam principium finis inatenti, propter connexionem specierum vtriusque; Nam formaliter loquendo, quæ ratione carent, ait S. Thomas, <sup>S. Tho. ibid.</sup> quasi ab alio acta, vel ducta in finem tendunt, sicut sagitta. Quandoquidem tota irrationalis natura comparatur ad Deum, sicut instrumentum ad agens principale. Quæ omnia clarius patebunt ex infra dicendis.

*Tract. 4. c. 2.*

Ad vltimum verò, quod afferebatur de passionibus amoris, & odij, respondendum est, motiones illas appetitus sensitui, non supponere formalem representationem bonitatis, aut malitiæ; sed tantum materiale cognitionem obiecti boni, vel mali, quod vt intentionaliter approximatum, de se causat prosecutionem, vel fugam. Imaginatio enim, & intellectus, vt ait Aristoteles, rerum habent virtutem; nam, inquit, aliquo modo forma intellecta calidi, aut frigidi, aut iucundi, aut terribilis: talis quidem est, qualis quidem, & rerum vnaquæque: quapropter, & horrent, & timent, intelligentes solum. Etenim quemadmodum res insensibiles alias fugiunt, alias verò prosequuntur per sympathiam, vel antipathiam quâdo realiter illis appropinquantur, seu ad inuicem applicantur, vt Cucumis, quæ supposito in vase oleo, recitatur; supposita vero aqua, ad illam extenditur; Et ferrum, quod ab vno genere, vel ab vna facie magnetis trahitur, ab alia verò abigitur, ac repellitur: ita per præsentiam inten-

*de motu animal. c. 1.*

*Micron. Fract. de symp. & antip. c. 9. Andreas Cesalpini lib. 3. Peripateticorum quest. cap. 5.*

intentionalem, dum obiectum per speciem sui vicariam appropinquatur potentiae sensitivae; si amicum sit, amplectitur ab appetitu; sin verò inimicum, ab eodem rejicitur. Quod satis intelligitur fieri in brutis nullo praeiudicio, aut cognitione bonitatis formalis, & malitiae obiecti, seu amicitiae, & inimicitiae ipsius. Quod si bonitas semper dicatur ratio appetendi: profectò id intelligitur materialiter respectu sensus: formaliter verò respectu intellectus. Nam bonitas materialiter apprehensa sufficit ad determinationem appetitus elicitum; ut illam amore potius, quam odio prosequatur in parte sensitiva; nam re vera talis cognitio delectat per adaequationem obiecti, etiamsi ipsa convenientia, & adaequatio formaliter non dignoscatur. In parte verò rationali ad hoc, ut moveatur voluntas ad odium, vel amorem, requiritur etiam apprehensio formalis malitiae, aut bonitatis obiecti; tum quia sicut voluntas praecise amat, vel odit unam formalitatem sine alia in obiecto; ut virtutem, aut vitium; ita intellectus, quo ducitur, similiter debet ipsas formalitates praescindere; tum etiam quia voluntas rationalis non oblectatur materiali praesentia, aut causatione obiecti, sed convenientia illius siue remoti, siue praesentis; ideoque ferri non potest in ipsum obiectum, nisi praeiua cognitione formalis bonitatis, seu convenientiae, qua allicitur ad amorem. Quoniam verò denominatio sumitur à principaliori, ideoque cum dicitur, bonitas est ratio appetendi, ut plurimum intelligitur de bonitate formali, quamvis haec à sensu, nullo modo percipiatur, sed solùm ab intellectu.

Rursumq. idem potest explicari, nam ubi reperitur convenientia unius respectu alterius, ut verbi gratia, in similibus, id quod à parte rei operatur, dum unum attrahit aliud; siue sit per materiale attractionem, ut quia magnes dicitur attrahere similem, & affinem sibi ferrum; siue sit per attractionem intentionalem, qua simile cognitum, seu sensatum allicit sibi similem cognoscentem; Omnino tamen, quod attrahit, & operatur, non est ipsa similitudo formalis, nec relatio similitudinis praedicamentalis, sed fundamentum reale illius,

illius, nempe natura illa similis materialiter sumpta, vt omnes concedunt. Ergo ad huiusmodi motionem respectu appetitus elicit, ac sensitiui, nullo modo requiritur, cognitio similitudinis formalis, quæ in relatione, vel abstractione intellectus consistit; sed tantum similitudinis fundamentalis, quæ in ipsa natura rei similis, & accidentibus illius consistit: & quæ materialiter etiam moueret, si materialiter simul applicaretur ad illam, iuxta suam virtutem, & sympathiam, vel capacitatem subiecti; quia motuum quocumque modo moueat, semper est ipsum idem simile, non autem relatio similitudinis illius.

Quod totum non abs re fuerit, alijs quibusdam exemplis confirmare, ac declarare. Nostis enim temporibus in Hispania contigisse fertur, duos gemellos infantes, nobilissimis parentibus adeo similes natos, vt sæpe omnes deciperentur, putantes vnum esse alterum. Ex qua similitudine ipsi se mutuo tanto amore prosequabantur, vt non modo interdum crebris amplexibus, alijsq. obsequijs, & blanditijs, id significarent; verum cum simul noctu occuberent, nudi non nisi inuicem amplexi quiescerent: vnde ita alterius ad alterum caro adhærebat, vt manè quotidie, eorum latus ac femora, nutricis manu, vnguento, vel oleo madefacta, paulatim ex industria disungi oporteret. Eadem igitur natura similis, ac sensibilis, quæ per attractionem adhærebat, dum realiter applicaretur, alliciebat secundum esse cognitum, & appetebatur amore ab altero simili. E contra verò sanguinem Aegithi, & Flori, misceri non posse dicitur, vt refert Aristoteles, quos idem odium inter se exercere affirmat. Similiter nota est fuga Agnorum viso procul tantummodo Lupo, & vt nonnulli testantur etiam tympana ex agnino corio confecta dissoluuntur, concussio tantum tympano e corio Lupi confecto. Aues insuper omnes Aquilam diuertunt, ac vitant, etiam nonnisi à longe conspectam, maximoq. odio habent, præsertim Ardeola, Sitta, Trochilus, Vultur, & Olor, quia carnuiora est, inuida; & famelica, vt passim inquit Aristoteles. Et mirum est, quod tradit Aelianus, & Plinius

lib. 9. de hist. animal. cap. 1.

Hieron. Praefat. de symmat. & antip. c. 1.

Aristot. eod. lib. cap. 1. & 34.

Ael. lib. 9. c. 22.

con.

Plin. lib. 10. natural. hist. c. 3.

confirmat: videlicet, non modo præsentem, & viuentem, reginam auium Aquilam, cæteras omnes volucres extimescere, atque eius exhorrire conspectum, sed & pennas eiusdem, si quis cum aliarum pennis commiscuerit, incorruptas atque integras manere; alias verò cum illis communitatem non ferentes, putrescere. Ex quibus licet similiter argumentari, idem esse quod repræsentatum causat fugam, & applicatum secundum quasdam proprias qualitates, causat dissolutionem, aut corruptionem; Cumque dissolutio illa, aut corruptio causari non possit à malitia, seu disconuenientia formali ipsius obiecti nisi secundum realem entitatem accidentium, cum quibus materialiter identificatur; planè sequitur, id, quod repræsentatum causat fugam, non esse ipsam disconuenientiam formalem, sed potius naturam realem, ac materialem ex se disconuenientem.

Atque ex his dictis, facile etiam erit euadere alias difficultates, alijsq. experimentis satisfacere; quæ in contrarium, bonitatem obiecti à sensu interiori aliquando percipi, viderentur probare. Satisq. sit, de his tribus tantum passionibus entis habuisse sermonem; nam reliqua transcendentiæ potius extimanda sunt synonymina, quam passionibus. Quamobrem S. Thomas loquendo de proprietatibus entis, de his tantum agit quem sequuntur ferè omnes scholastici.

2. par. q. 3. 11.  
c. 16.

*Excluduntur omnes substantiæ, item & Accidentia immaterialia. Cap. VI.*



T vltcrius procedendo iuxta metaphysicorum seriem, de substantia, & accidenti in tota latitudine, vel de ente increato, & creato, sequeretur agendum: sed commodius in proposito breuitatem sectando, iam de substantia, & accidente immateriali simul, mox verò de substantia, & accidente corporeo, seorsum agendum erit, nam si qua alia super-

superfunt, in his tractandis à ratione huius obiecti implicite excludemus.

Genus igitur omne immaterialium rerum, siue substantiarum, siue accidentium, cuiusvis sensitivæ potentia caput excedere, communi satis consensu fatentur Auctores. Quippe cum sensitiva omnis potestas, corporea sit in quolibet animali, nihilque corporeum attingere possit aliquid spirituale, siue accidens illud sit, siue substantia. Quod in specie de attingentia secundum cognitionem, ex eo probatur. Nam omnis potentia cognoscitiva materialis, cognoscit per immutationem sui organi à proprio cognoscibili, nimirum recepta ab eo similitudine, tanquam forma ipsius, ut præclare docet S. Thomas. At materiale organum nequit aliquo modo per similitudinem rei immaterialis immutari, quia nullum accidens spirituale recipi potest in subiecto corporeo, à quo sequeretur dependere per inhaerentiam in esse & conservari supra virtutem entis materialis; Ergo nulla potentia cognoscitiva materialis, immateriale obiectum potest aliquo modo cognoscere. Quod rursus ex eodem D. Thomâ facile corroboratur; nam inter potentiam cognoscitivam, & obiectum, semper requiritur aliqua proportio tanquam actui ad passivum, & perfectionis ad perfectibile. Cumque inter potentiam cognoscitivam materialem, & obiecta spiritualia, nulla talis proportio reperiatur: hinc est huiusmodi obiecta ab illa nequaquam percipi posse.

Iam verò rerum corporearum, seu materialium genus uniuersum in substantiam corpoream, & accidens corporeum diuidendo: certum planè est, substantiam quamvis materialem, siue nudam, siue accidentibus conuersitam, siue completam, siue incompletam, & partialem, aut modum aliquem illius, sensum omnino fugere; ut communis fert omnium opinio. Id quod vulgari argumento facile suaderetur ab ignorantia, quæ adhuc in hominibus extat de huiusmodi rebus, nisi peculiari applicatione, & reflexione intellectus post longum discursum, earum ipsi

D

cogni-

1. 2. 3. 87. Art. 3.

ad 3. et 9. 88.

Art. 1. ad 2.

loc. cit. cir. ad 9.



cognitionem aliquam consequantur. Deinde probatur experientia in vino, & hostia consecrata, in quibus nihil sensus aduertit de transubstantiatione, ac defectu prioris substantiæ naturalis: neq. absimilem hostiam illam indicat, ab eo, quod erat prius. Verum à priori fortasse adhuc probari non erit difficile. Nam substantia quælibet cum ex se non sit immediatè operatiua præsertim in alienum subiectum, seclusa ab omni accidenti, nullam potest producere, & immittere speciem, vel similitudinem, quæ fecundata potentia sensitua, exprimat propriam sensationem ipsius.

*Comprehenduntur in ratione huius obiecti accidentia  
de prædicamento quantitatis.*

*Cap. VII.*



**ACCIDENTIVM** verò materialium per multa sunt, quæ sensum prætereunt, nullis unquam venit in dubium; alia verò, quæ interiorius, exterioriusque sentiri superuacaneum esset, rationibus, ac experientijs comprobare; alia tandem, de quibus hæsitari non ir-

rationabiliter potest. Quoniam, verò tot sunt accidentia materialia, ut vix possint enumerari, de potioribus, duntaxat, ac notioribus secundum species suas, ac de quibus peculiaris difficultas sese offert, aliquid videtur examinandum.

Et primò, ut à prædicamento quantitatis exordiamur: de magnitudine, quæ inter sensibilia communia ab Aristotele numeratur, dici potest, non satis constare, an ab interiori sensu omnino discernatur. Etenim quæ magna, vel parua, sensus diiudicat, vel apprehendit, ea talia se exhibent propter adiunctam præsentiam localem, per quam actu partes distant inter se, habentque dimensionem, & extensionem in ordine ad locum, unde magnitudo con-

stituta



stituta in loco indivisibiliter per præsentiam definitivam, nullo sensu percipi potest, ut Corpus Christi Domini in Eucharistia: non ergo forma illa, quæ postulat huiusmodi extensionem partium extra partes secundum triplicem dimensionem, ac dicitur magnitudo: sed potius præsentia, per quam partes actu extenduntur, est quæ percipitur à sensu. Corroboratur difficultas; nam quantitas, etiam physicè loquendo, explicatur à nobis per exigentiam quandam actualis ac localis extensionis, sine qua saltem de potentia absoluta corpus reperiri potest. Hæc autem exigentia nimis est à sensu remota, & potius videtur colligi per discursum intellectus, sicut linea, & superficies, quæ per abstractionem solius longitudinis, vel longitudinis, finis, & latitudinis absque profunditate, constituuntur species diversæ in prædicamento quantitatis, cum physicè hæc seorsum distincta non reperiuntur.

Nihilominus dicendum est, magnitudinem existentem in rebus in natura secundum ordinem naturalem; hoc est cum præsentia locali, quam postulat, verè, ac propriè discerni à sensu interiori. Id quod probatur primò experientia, sensuum exteriorum visus, & tactus, imò, & reliquorum, à quibus, vel ipsa magnitudo, vel alia obiecta per species à magnitudine modificatas percipiuntur: quia cum omnia sensibilia, sint in magnitudine, sic, & non aliter possunt immutari; unde saltem imperfectè ab omnibus sensibus exterioribus percipiuntur. Multò ergo melius à sensu interiori, qui eorum capax existit, & iudex. Deinde probatur, nam quod se magnum, vel parvum exhibet, formaliter est tale propter magnitudinem; res autem cognoscitur sicuti est. Quod si ad hunc effectum naturalom requiratur amplius præsentia localis, tanquam conditio, siue qua illæ partes actu non possent distare; nihilominus ipsæ partes corporis distantes, ut quod, & quæ sub sensum cadunt affecta qualitatibus; ita ut visibiles sint cum colore, tangibiles cum asperitate, aut lenitate, & similibus, verè sunt partes magnitudinis, non autem præsentie locali.

lis, quæ se habet, vt quo, respectu extensionis, quàm sensu experimur. Quod autem explicetur à nobis quantitas per hoc, quod est habere partes extra partes in ordine ad se, & postulare tantum hoc in ordine ad locum, non facit ad rem, quia vt sic metaphysicè explicatur eius essentia; non autem physicè ea ratione, quæ sub sensum cadit. Nec enim requiritur, vt sensui secundum prima prædicata essentialia, & non aliter innotescat. Quod pariter de lineâ, & superficie dici potest, quæ si præcisè à sensu non discernuntur quemadmodum ab intellectu, prout carent alijs dimensionibus, & constituuntur species diuersæ, omnino tamen materialiter loquendo, prout longitudinem, vel etiam latitudinem habent; à sensu percipiuntur.

Huc etiam reduci possunt propinquitas, & distantia, quæ (abstrahendo à punctis fixis spatij imaginarij, in quibus verè, & radicaliter fundantur,) prout secundum communem conceptionem hominum in quantitate medij constituuntur, absque dubio à sensu interiori discernuntur; nam ea dicuntur distare, inter quæ magnum est medium interpositum; contra verò, propinqua vocantur, quorum intercapedo, seu corpus aut spatium interiectum, paruum putatur. Qui igitur quantitatem maiorem, aut minorem ipsius medij valet discernere, distantiam quoque, vel propinquitatem percipiet.

De tempore verò, quod est alia species quantitatis continuæ, similiter dubitari potest, an percipiatur à sensu interiori; siquidem videtur forma, valdè occulta, & vix ab intellectu perceptibilis, itaut proinde dixerit D. Augustinus. Nihil tempore esse familiarius, nihilq. explicatu difficilius. Nam, inquit, si nullus interroget, scimus quid sit; si quis verò interroget, vix possumus explicare. Cum igitur iuxta definitionem Aristotelis, tempus sit numerus motus secundum prius, & posterius, haud quaquam absque collatione ipsarum partium motus, & maxima reflexione intellectus, id percipi posse videtur. Addunt tamen aliqui, si fortè percipiatur, id esse secundum realitatem, quam tempus communem habet cum motu.

Verum

Verum tempus licet simul cum motu sentiri, & non aliter experiatur, verè tamen, ac propriè à sensu interiori percipi posse existimamus cum Aristotele 4. Physic. tex. 98. & de memor. & reminif. cap. 1. & 2. Vt enim de magnitudine dicebamus: quod sensu dignoscitur, necesse non est secundum omnia, & singula prædicata essentialia discerni, sed sufficit, vt per aliquid, vel secundum aliquid innotescat. Cum igitur tempus sit vera duratio, & extensio partium motus, seu forma, per quam ipsæ partes extenduntur in ordine ad successionem ad non coexistendum simul, sed vna post aliam: negari non potest, ipsum percipi simul cum eisdem partibus motus; eo modo, quo simul cum colore percipitur extensio magnitudinis illius, quamvis exactam, & essentialem cognitionem magnitudinis secundum omnia prædicata, vix intellectus, vt ita dicam, consequatur. Et confirmari potest ex eo; Nam alioqui non discerneretur motus, magis, vel minus extensus, seu plus, aut minus durans saltem materialiter, absque collatione, & consequenter, nec tarditas, aut velocitas, quæ in eodem motu esse possunt. Nam idem motus, si diu duret, dicitur tardus; si verò parum, dicitur velox. Signum est igitur, sensum, qui tarditatem, aut velocitatem discernit in motu, durationem quoque illius maiorem, vel minorem agnoscere. Ratio vero à priori est, quia diuersimodè immutatur sensus à motu, iuxta diuersitatem extensionis illius, quæ dicitur tempus. Quod autem tempus simul cum motu à sensu percipiatur, non tollit veram cognitionem illius, sicut nec ex eo, quod figura nonnisi, cum quantitate apprehendatur, tollitur, figuram simpliciter à sensu apprehendi; Et vtriusque ratio est, quia huiusmodi accidentia sunt essentialiter modi, qui absque re, cuius sunt modi, sicut nec esse, ita nec percipi valent; valent tamen, rectè cognosci cum ipsa re, quam modificant, secundum realitatem distinctam ex natura rei, quam includunt, dum sunt in illa.

Post quantitatem continuam aliquid etiam de quantitate discreta subtexere necesse est. Nam cum verum sit,

Ser. 3. o. problem.  
9. o.

Plutarch. de so-  
lar. animal.

2. de anima tex.  
o. 4. & de sensu,  
& sensib. c. 1.

quod Aristoteles scriptum reliquit, nempe numerare homini-  
rantum, ex animalibus competere; consequenter videretur  
dicendum, illi etiam soli datum esse, numerum, & quantita-  
tem discretam percipere, idque non ab aliquo sensu, quem  
communem habet cum brutis, sed à ratione sibi vindicare.  
Contra tamen est, non solum, quod belluas, plura, vel pau-  
ciora percipere, ipsa experientia docet, sed quod numerare  
pariter ipsæ nonnullis ex indicijs videantur; vt boues, quæ  
Suis regium hortum rigabant portatilibus haustris, nec su-  
pra centum id genus vasa portare vnquam sunt passæ; sub-  
sistentes vbi constitutum quotidie numerum absoluissent,  
neque amplius progredientes, quasi accuratè summam con-  
cepissent, & in memoria conseruassent, vt refert Plutarchus.  
Quamobrem distinctione, hic vtendum est, dicendumque,  
numerum dupliciter cognosci; vel scilicet recensendo vnita-  
tes vnā post aliam, nouamq. vnitatem priori numero ad-  
dendo; & hunc modum numerandi ex sententia Aristotelis,  
solis certè hominibus competere: Vel solum percipiendo  
plura discreta, vt verbi gratia, plures lapides, plures voces,  
vel sonos, odores, vel sapores &c. quæ certè numerum fa-  
ciunt: Et hoc pacto, dubium non esse, numerum ab interiori-  
bus, exterioribusq. etiam brutorum sensibus apprehendi, vt  
patet ex doctrina eiusdem Aristotelis, qui numerum inter  
sensibilia communia enumerat. Loquimur autem hic de  
numero quantitatiuo, seu quantitate discreta. Nam licet  
sensus non percipiat quantitatem, nisi affectam alijs acci-  
dentibus sensibilibus: tamen quando percipit plures res alio-  
rum prædicamentorum, vt plures qualitates, ac plures mo-  
tus: non percipit eas, vt plures, nisi pluralitate quantitati-  
ua, qua illæ determinantur, & constituuntur plures perce-  
ptibiles à sensu. Qui sanè, nec vnum, aut plures motus di-  
scerneret, nisi fierent in tempore, nec vnum colorem ab alijs  
distinctum apprehenderet, nisi esset in diuersa quantitate  
extensus, atque receptus. Alioqui numerus transcenden-  
talis, qui est proprius, & intrinsecus ipsis rebus quantumuis  
sensibilibus, nullo modo percipi potest à sensu. Nam vni-  
tates,

## TRACT. II. CAP. VIII. 55

tates, ex quibus conflatur, non sunt differentiarum sensibiles,  
& ex natura rei distinctae, sed gradus, siue passionis entitatis  
praeclarae per intellectum, secus ac unitates quantitativae quae  
in continuitate magnitudinis, vel temporis constituuntur.

*Examinantur, & excluduntur Relationes.*  
(ap. VIII.)



**P**ORRO de Relationibus valde incerta res pos-  
set existimari. Abstrahendo enim à relatione  
secundum esse, ac praedicamentali, vel tantum  
transcendentali secundum dici; non videtur  
posse negari, sensum internum, quandoque ap-  
prehendere in ipsis rebus habitudinem unius ad aliam.  
Nam etiam à brutis animantibus partes cognoscuntur in or-  
dine ad totum, ut verbi gratia, membra ad corpus, cum  
visu manu tantummodo, apprehendunt illam tanquam par-  
tem hominis. Et instrumenta saepe discernuntur, cum or-  
dine ad opus, ad quod ordinantur, ut cum bellator equus,  
audito tympanorum strepitu, tubarumq. clangore, aut viso  
armorum apparatu, bellum praesentit, iniensq. ad pugnam,  
vel cursum se parat: Vel cum idem canes faciunt, dum ve-  
nantium instrumenta praeparari conspiciunt. Ex quibus for-  
tasse Philosophus intulit, aliqua animalia, non modo strepen-  
di, verum etiam significandi differentias posse dignoscere.  
Discernere, autem strepitus, ac diuersa significata illorum,  
est cognoscere plura cum habitudine ad alia. Omnino in-  
super certissimum est, bruta discernere tum vocem huma-  
nam, tum etiam huius, vel illius hominis esse, etiam si illum  
non videant: interdum etiam, & vocum significata perci-  
pere, ut cum Erus per proprium nomen absens apprehendi-  
tur à canibus, qui etiam se ipsos hoc, vel illo nomine signi-  
ficari ab hominibus sentiunt. Cognoscunt ergo in vocibus  
habitudinem ad significatum, in instrumentis ad opus, & in  
partibus ad totum.

*Arist. 9. de hist.  
animal. c. 3.*

Veruntamen consentaneum, ac probabilius erit, hic eodem pacto philosophari, ac supra de bonitate, seu conuenientia vnius rei respectu alterius, cum eadem sit ratio vtriusque difficultatis, eademq. expositio experimentorum in contrarium. Nam habitudo vnius rei ad aliam, siue identificata cum ipsa re, siue distincta tanquam modus ab ipsa, nulla intentionali similitudine, nec propria, nec aliena representari potest sensui interiori, vt per applicationem eiusdem discursus supra facti patere potest, & magis infra patebit, cum species, quas vocant insensatas, nullo pacto dari conspiciemus. Similiter allata experimenta vnico, & eodem principio soluantur. Dicimus enim, bruta illa, videndo partem, simul apprehendere totum, non quidem cognoscendo habitudinem partis ad totum, sed per species connexas totius, quas retinent, ad modum vnius, simul elicere vtriusque cognitionem; nempe totius absentis, & partis praesentis. Itemq. simul cognoscere apparatus, & venationem, aut bellum; vocem humanam, & ipsum hominem vociferantem, seu vocem, & significatum vocis, quod haecenus cognouit, & cuius species excitantur à speciebus vocis connexis cum illis: Significatum autem non percipitur, vt significatum, ab ipso sensu, sed tantum materialiter, vt hoc, vel illud sensibile est, per proprias species coniunctas cum speciebus signi rei significantis; Nam significationem formaliter solus intellectus potest attingere.

*Quae species qualitatis pertineant ad rationem huius  
obiecti. Cap. IX.*



**P**AVCA de qualitatibus erunt discutiendae. Nam primò certum est, neque genus potentiae, quae est primum operandi principium, & vocatur ab Aristotele naturalis potentia, & impotentia, dummodo non sit simul passibilis qualitas: neque habituum, aut dispositionum genus vniuersum

nersum ab interiori sensu posse cognosci, propter eandem rationem de alijs adductam: tum ab experientia, tum quia de illis propriam similitudinem non habemus, & alienam: per quam nos huiusmodi qualitates cognoscimus, non nisi intellectui conceditur deferuire, qui solus vnusquodque alterius potest concipere.

Excipitur tamen qualitas, seu similitudo expressa obiecti cuiusque sensus exterioris, quæ iuxta aliquorum sententiam est ipsamet cognitio sensus externi expressa per actionem grammaticalem, & simplicem resultantiam; iuxta aliorum verò est terminus cognitionis, & actionis predicamentalis. Nam quouis modo producat, omnino secundum utrorumque sententiam datur huiusmodi qualitas expressa representatiua obiecti, quæ dicitur sensatio formalis externa, & pertinet ad genus dispositionis in predicamento qualitatibus, ut rectè probant aliqui ex professo; & ab interiori sensu aptè dignoscitur, ut supra explicuimus, præsertim ex doctrina Aristotelis, ac D. Thomæ. Quod fieri intelligitur per nouam similitudinem productam in sensu interiori, vel per modificationem similitudinis emissæ ab obiecto, ut sequenti tractatione explicabitur.

Idemq. dicendum est de actualibus passionibus appetitus sensitiui, amoris & odij, oblectationis & iracundiæ; gaudij ac tristitiæ, timoris ac spei, &c. de quibus eadem prorsus est philosophandi ratio. Nam siue producantur tanquam termini per actionem interiectam, siue per simplicem resultantiam ab appetitu; rectè ponuntur in genere dispositionis, cum sint pariter affectiones potentie in ordine ad obiectum, ac disponant ipsam potentiam ad facilius operandum. Ex ipsis namque generantur habitus quemadmodum per alias dispositiones propriè dictas. Et ut docet D. Augustinus, ipsæ sunt omnium vitiorum, & virtutum quasi quædam principia, & communis materia. Negari autem non potest, huiusmodi passiones ab animalibus sentiri, & iuxta eas ipsorum varias potentias moueri: nam verè metu contrariorum fugiunt bruta, cauentque sibi à quibus possunt; fame, ac siti ad pascua,

son-

*Soncin. 9. met.*

*q. 2. ad 4.*

*Arist. de form.*

*Et uigib. cap. 3.*

*S. Tho. 1. 2. q.*

*78. art. 4.*

*Lib. de spiritali*

*Et anima cap. 4.*



fontesque trahuntur; ira in hostem seuiunt, ac inuehuntur: amore alia prosequuntur: & proprijs oblectationibus, ac fruitionibus quiescunt, & gaudent. Quæ omnia nonnisi ductu cognitionis possent efficere, dirigendo scilicet potentias executiuas, iuxta motuum cognitum ipsius appetitus. Cumque huiusmodi cognitio morionis appetitus, intrinsecè non pertineat ad sensum aliquem exteriorem, remanet vt pertineat ad interiorem, à quo & cæteræ potentie disponuntur, & ordinantur ad finem ab appetitu naturaliter intentum. Quapropter, quiescentibus sensibus externis, absque vsu rationis variis in somno percipimus huiusmodi appetitus motiones, propter quas plura machinatur sensus interior; Mouenturq. quidam dum dormiunt, & faciunt multa, quæ vigilantium sunt, ait Arist. Imò & somnabuli ex his ad nonnulla querenda, vel subterfugienda, & euitanda, absque rationis aduertentia surgunt, & ambulant (vt de quodam amico suo, qui ad gallinarum locum profectus fuerat, scribit Philoponus,) solo impulsu appetitus, ac ductu sensus interni, qui iuxta passionem appetitus quam sentit, potentiam motiuam in suis operationibus, regit, ac dirigit. Quamuis huiusmodi passiones ac motus multo perfectius in vigilia discernantur. Experimur insuper, non secus ac doloris, vel delectationis extrinsecæ, interius nos formare, ac retinere imaginem amoris, aut auersionis, tristitiæ aut gaudij, ex corporali aliqua causa exorti, sicut & reliquorum affectuum, ac passionum. Tandem ratio à priori id ipsum confirmat; nam cum animal, vt animal moneri debeat iuxta legem, seu inclinationem appetitus naturalis ad prosequenda, vel respuenda obiecta, necessariò etiam, vt animal, dignoscere ipsum oportet legem, quam sequatur in suis operationibus. De qua lege Paulus scribens ad Romanos: video, inquit, aliam legem in membris meis repugnantem legi mentis meæ. Vbi Glosa, legem vocat inclinationem, quæ ducit membra tanquam ligata; nam lex dicitur à ligando. Quoniam verò inclinatio appetitus sensitiui per phòmitem peccati saepe opponitur rationi: idcirco dicitur legi mentis repugnare in homine,

*De somno &  
vigil. cap. 3.*

*Philop. in lib. 5.  
Arist. de gener.  
animal. 2. 1.*

*Rom. 7.*

mine, in quo utraque lex reperitur coniuncta. Vnde etiam Aristoteles ait, quod in contrarias partes incontinentium appetitiones feruntur, eo quod aliquid in ipsis insit, quod pugnet resistatque rationi. Cognoscit ergo homo, ut animal est, propriam inclinationem appetitus, quam ut tale sapientissime sequitur, & nulla adhibita ratione, ad aliqua potius, quam ad alia, se sentit esse procliuem. Imo, ut ait idem Aristoteles, Præcipiente intellectu, & dicente fugere aliquid aut persequi, non mouetur, sed secundum concupiscentiam agit. Quibus congruunt etiam verba Pauli: Quod odi malum, illud facio: iam non ego operor illud, sed quod habitat in me peccatum.

Deinde tertium genus qualitatis secundum Aristotelem comprehendens omnes passibiles, seu sensibiles qualitates, & passiones, quæ ab illis essentialiter non differunt: ut pallor ex timore, vel rubedo ex verecundia; certissimum est ab interiori sensu aptius, ac distinctius, quam ab exterioribus cognosci, quod nulla indiget probatione. Idemque de figura pronunciandum est, quæ in quarto genere ponitur. Nam & ab eodem Aristotele inter sensibilia communia numeratur, & in specie, visu, ac tactu perfecte cognosci, experientia constat, licet cæteris sensibus non item, ut Aristoteles etiam aduertit: sensus autem interior omnia, & singula percipit, quæ ab exterioribus sensibus percipiuntur.

Cæterum raritas, ac densitas, asperitas, ac lenitas, durities, ac mollicies, & similia, quæ, an sint qualitates, dubitari solet; & ab Aristotele potius partium positiones, vocantur, proculdubio ab interiori sensu discernuntur, sicut ab exterioribus nonnullis, de quibus nulla potest esse controuersia.

*Reliqua Accidentia rationem eiusdem obiecti participantia. Cap. X.*



**SEQUITUR** agendum de Actione prædicamentali, quæ in genere sumpta, nulli dubium est, ab interiori sensu planè dignosci. Loquimur autem de Actione, quæ non modò sit corporæ, sed etiam successiua, quæque eandem habeat realitatem cum motu; nam actiones instantaneæ, & quæ propriè dicuntur mutationes, imperceptibiles sunt ab aliquo sensu, vt generationes, & corruptiones substantiales, productio luminis, aut specièrum intentionalium, & multo minus emanationes per simplicem resultantiam, nulla interiecta via: Constat autem hoc, quia præter motus locales, & motus alterationis successiua, qui sanè passim percipiuntur à pluribus sensibus exterioribus, (Vnde motus sæpè ab Aristotele inter sensibilia communia computatur) nulla est actio, quæ à nobis absque intellectus aduertentia, ac reflexione percipiatur; E contra verò quæcumque exterioribus sensibus innotescunt, interiori similiter innotescere necesse est. Quamobrem non modò in presentia simul operando cum sensibus externis, plures actiones interius sentimus; verum etiam in absentia per solam imaginationem interdum plures motus locales, pluresq. alterationes, & intentiones, aut remissiones sensibilium qualitatum colorum, odorum, sonorum, saporum, ac tangibilium nobis ipsi inspicere, aut sentire videmur.

De passione autem prædicamentali, nihil est dicendum, cum non nisi per nostram considerationem ab actione distinguatur, ac metaphysicè diuersam sortiatur essentiam, quæ à parte rei, ac physicè idem omninò est cum illa.

Huc tamen spectat Quies, quæ si sumatur formaliter, prout est priuatio motus, & actionis, seu passionis; sub sensum cadere non potest, vt ex se patet. Si verò sumatur materialiter

erialiter p<sup>ro</sup> consistentia, ac permanentia rei, eodem modo se habentis quoad locum, vel alterationem sensibilem; certum est ab interiori, exterioribusq. sensibus sentiri absque ulla relatione ad motum; nam idem est, ac cognoscere ipsam rem absque motu; ac proinde iure inter sensibilia communia ab Aristotele computatur: quoniam ut idem alibi docet, extrema semper circa idem susceptibile videntur fieri, & eiusdem passiones esse. Cum igitur quies extremum sit motui oppositum, ubi fit sensatio motus, & quietis pariter fieri debet, modo explicato.

z. de animat. 64.  
De somno & vig. cap. 1.

De Vbi, & Quando, vnum sufficeret, aded intrinseca, & occulta esse accidentia, ut vix ab intellectu post diuturnum, & prolixum discursum dignosci valeant: sed relicto Vbi distinctè, ac formaliter sumpto, prout est forma, qua res intrinsecè, ac formaliter constituitur præsens in spatio imaginario loci, tanquam aliquid, ut sic à sensibus penitus remotum: Quoniam confusè, ac materialiter sumi etiam potest simul cum loco materiali, aut locato, tamquam differentia locali, qua vnus locus, vel vnum locatum distat, vel non distat ab alio: sic non est eius cognitio omninò deneganda brutis, quorum pleraque non modo loca materialia, & quæ sunt in illis dignoscunt apertè, sed discernunt propinqua à remotis, & hoc quod est esse hic, vel ibi, aut alibi. Nam, & Ciconiæ nidos eosdem repetunt, & Hyrundines, quæ abeunt hybernis mensibus. Vnde Cecina Volaterranus comprehensas in Urbem secum auferens, victoriæ nuncias amicis mittebat in eundem nidum remeantes. Eodemq. modo columbas fuisse in rebus magnis internuncias, testatur Plinius. Et Elianus aues Mennonias autumno adueniente, illium gregatim aduolare tradit, vocariq. idcirco Mennonias, quod recta ad Mennonis sepulchrum proficiscantur. Idemque exemplificari posset de Canibus, Equis, Vulpibus, alijsque quadrupedibus, quæ ad loca distantia repetenda quotidie monentur. Vnde satis conuincitur, belluas simul cum loco materiali, ut stabulo, nido, vel alio conceptaculo, imò simul cum ipsis rebus locatis, Vbi pariter, seu præsentiam localem, possi-

Apud Plinium  
lib. 10. 4. 23. 24.  
& 37.

Ad lib. 5. c. 1.

positionemque locorum confusè percipere. Nam diuersimodè immutatur sensus à loco, aut locato cum hac, aut illa præsentia, in qua fundatur propinquitas, vel distantia ab alijs locis, aut rebus immobilibus, quamuis distinctè non percipiat ipsam rationem formalem diuersitatis. Et sicut ex eo, quod diuersimodè immutetur sensus à motu cum hac, aut illa duratione, qua extenduntur partes illius secundum prius, & posterius; conceditur animal, confusè percipere ipsam durationem, quæ dicitur tempus: ita similiter ex eo, quod diuersimodè immutetur idem sensus à rebus permanentibus cum hac, aut illa præsentia locali, qua distant, vel appropinquantur inter se; concedendum est, animal confusè etiam percipere ipsum Vbi, siuè præsentiam, alioqui non moueretur ad illam.

De Quando verò similis est difficultas, similisq. ratio distinguendi. Nam si sumatur distinctè, ac formaliter, prout est forma, seu duratio, qua res constituuntur in hoc, aut illo spatio temporis imaginarij; nulli dubium est, ipsum Quando, sensum omnem penitus præterire. Nam licet tempus, prout est extensio partium motus, ac species quantitatis, aliquo modo percipiatur à sensu, tamen prout est duratio eiusdem motus, qua ille constituitur in hac aut illa differentia temporis imaginarij, nullo modo percipi potest. Etenim hoc, quod est prius, & posterius, ac magis, vel minus durare, siuè loquamur de rebus successiuis, siuè permanentibus, semper inuoluit collationem, ac præcisionem, quæ sunt propria intellectus. Nec dici potest, durationem rerum permanentium apprehendi tanquam permanentiam illarum in esse, vt simile quidpià dicebamus de Quietē. Nam si huiusmodi permanentia sumatur in ordine ad existentiam, maiore difficultatem, ac repugnantiam inuoluit. Siquidem cum non detur vnquam existentia rei absque tali permanentia, sicut res datur absque motu, vel Quietē: talis permanentia discerni non posset ab existentia, nisi per præcisionem aliquam, & ordinem ad tempus imaginarium, prout supra existentiam, connotat præsentiam in tali, & non alia differentia temporis imaginarij.

Si verò

Si verò ipsum Quando sumatur confusè, & materialiter simul cum re durante, prout magis, vel minus durat, prius, aut posterius: eo modo quo percipitur magnitudo, magis vel minus extensa, & cum ordine materiali suarum partium, prout primæ distant ab ultimis, non quippe conferendo magnitudinem, aut partes illius vnâ cum altera, sed diuersimodè tantum illas apprehendendo: Sic inquam, cognitio ipsius Quando, non est deneganda sensui. Nam, & motus, & res permanentes diuersimodè ipsum sensum afficiunt, magis, aut minus durando, vel prius, aut postea, quamuis ratio diuersitatis formaliter non innotescat. Diuersa enim fit apprehensio sensitiua itineris vnus diei, ac breuioris valdè, vt vnus horæ; vel animalis, ad annum viuents, aut ad horam; similiter diuersimodè apprehenditur præsens, atque præteritum, vel futurum. Quare, inquit Aristoteles: Est enim præsentis quidem sensus, futuri verò spes, facti autem memoria. Præterea norunt quoque bruta plures opportunitates, temporum, vt quando oporteat ipsa discedere, aut redire, vt dicebamus de auibus, quæ abeunt hybernis mensibus: quando oporteat escam querere, aut cubitum ire, vt interdiu, vel noctu: quando oporteat cibum recondere, ac cellas promptuarias facere, vt de formicis, & apibus narrat Philosophus, qui præfagite etiam apes, concedit, & hyemem, & imbres. Et similia quamplura possent adduci. Quæ licet immediate non arguant, nisi cognitionem temporis extrinseci respectu rerum permanentium: nihilominus conuincunt, etiam ipsas res permanentes concipi tanquam coexistentes cum ipsis motibus, cum quibus materialiter, & in confuso apprehenduntur durare, vt per diem, aut horam, quod est confusè percipere durationem.

In reliquis autem duobus prædicamentis, nimirum Situs, & Habere, cum nihil ab alijs prædicamentis diuersum contingatur, non est cur imminoremur: quæ enim ibi collocantur, potius ad prædicamentum Relationis aliquo modo reuocari possunt. Quæ verò reductiuè pertinent ad singula prædicamenta, eadem ratione expendenda sunt, atque supra dicta, quæ

*De mem. & remin. cap. 1.*

*De Hist. anim. lib. 9. c. 38. et 40.*

quæ directè in illis continentur, cum similis sit vtrorumque natura, ac philosophandi ratio, atque ex iactis fundamentis facilè sit, consimiles difficultates dissolvere.

## TRACTATIO TERTIA

De modo, quo explicatum obiectum,  
constituitur perceptibile ab in-  
teriori sensu.



ONSTITVTO obiecto adequato huius potentiaë, assignandus est modus, quo ipsum constitutatur perceptibile à tali potentia, præsertim cum sapius, & vt plurimum distet ab illa, imo quandoque nec existat in rerum natura. Et quamuis hunc modum explicare etiam quisquam posset ex parte potentiaë, sumendo ipsum, prout est id, quo potentia operatur, & attingit obiectum; Placuit tamen hic sub proposita formalitate de illo differere ad distinctionem alterius modi, qui magis propriè se tenet ex parte potentiaë, seu operationis illius, dum circa propositum obiectum versatur, ac de quo suo loco dicitur.

*Supponitur, & commemoratur modus, quo obiecta fiunt perceptibilia a sensibus externis per emissionem specierum. Cap. I.*



PROPTER affinitatem autem, & mutua-  
dependentiam, quam sensus interior habet  
cum externis, præmittendus hic erit modus,  
quo obiecta ab externis sensibus constituuntur  
sensibilia, vt facilius deinceps, quæ de inte-  
riori dicenda sunt stabiliamus. Quamuis igitur non desue-  
runt



runt Philosophi, qui obiecta in debita distantia proposita, sensibus externis absque vilo alio interueniente, satis esse perceptibilia, crediderint, vt Plotinus, Porphyrius, & Galenus. Quibus adstipulantur etiam nonnulli Peripatetici. Nihilominus communioem, & verioem supponimus fuisse sententiam; Nullum obiectum percipi posse à sensu exteriori, nisi emissã prius ab obiecto qualitate aliqua, quæ sit eius quædam species intentionalis, imago, vel simulacrum, & qua mediante in sensorio impressa fiat sensatio. Ita enim cum Leucippo, ac Democrito antiquissimis Philosophis primo senserunt omnes eorundem sectatores; deinde Epicurus Atheniensis; Rursus Plato, & cum Aristotele 2. de anima ferè omnes ceteri Philosophi, præsertim Peripatetici circa textum 121. & 124. vbi vniuersaliter ait Philosophus, omnem sensum esse susceptiuum formarum sine materia, hoc appellans nomine ipsas species intentionales, quia verè sunt formæ accidentales de genere dispositionis in prædicamento qualitatis, quæ sine materia manant ab obiectis, ac diffunduntur, & recipiuntur primò in corpore intermedio, si quod intercipitur, ac deinde in sensorio: Eo modo, quo lumen sine materia procedit à corpore luminoso, ac diffunditur per totum diaphanum, in cuius materia subieciatur. Estq. doctrina sanctorum Anselmi, Damasceni, Augustini, Thomæ Aquinatis, & Bonauenturæ.

Et ratio suadet, quia obiectum præsens, etiamsi distet à sensu, aliquid in eo operatur, immutando potentiam, quæ sine dubio ad illius præsentiam aliter se habet, quam prius; idque non à se ipsa, cum ex se quælibet potentia denudata, sit omni actu, quem potest per immutationem recipere ad præsentiam obiecti. At agens, dum distat, non nisi per contactum saltem mediatum, nempe per aliquid sui debet operari, vt ignis per calorem, quia non datur actio simpliciter in distans; ergo obiectum dum distat, per aliquid sui debet agere in potentiam ad hoc, vt illa immutetur, propriamque sensationem eliciat; idque aliud esse non potest, nisi qualitas aliqua de genere dispositionis per medium diffusa,

Plotin. *Enneade*  
4. lib. 1.

Porph. in lib. de  
sensu.

Gal. lib. 7. de do-  
cretis Hipp. &  
Plat. cap. 6.

In Thier. post  
mod.

fusa, quæ tanquam vicaria obiecti ad potentiam immutandam vsque perueniat, & in sensorio imprimatur, vt per vsum illius, eiusdem obiecti sensatio exprimitur. Est enim potentia aliquid incomplexum, ac indeterminatum ad suas functiones obeundas, seu ad suos actus secundos eliciendos, vt aiunt Philosophi, ac proinde necessario per simulacra obiectorum in sensorio impressa compleri debet, & constitui in actu primo ad sentiendum; vnde rectè dicitur specie fecundari, compleri, ac determinari, vt huius potius, quam illius sensationem edat. Atque hoc modo obiecta, quæ extrinseca sunt, ac sæpè etiam distantia, percipi valent ab omnibus sensibus externis, nulla admissa, aut requisita radorum immissione ab oculis; vt nonnulli cum Platone, Empedocle, Galeno, & alijs existimabant, quod suo loco satis ostendunt Authores pro nostra sententia citari.

Nec inepte idem confirmari obiter potest experientia Thelescopij, seu inspicilli, cuius beneficio nostris temporibus patefacta sunt Medicæ sydera, aliaq. in cœlo tot sæculis latentia Lumina à Galilæo Galilæi expertissimo viro: cum ea, omnia, quæ, in quantum licet philosophari, non nisi per tenuitatem specierum ortam ex distantia, & paruitate stellarum occultabantur, condensatione, & multiplicatione earundem specierum in densiori diaphano, vitro scilicet facta, innotescant; accedente etiam vtriusque vitri concavitate, in cuius centro magis vniuntur species, efficacioresq. redduntur in repræsentando, sicut radij solares in calefaciendo, vt patet in cavitare phialæ, vel alterius globosi vasculi generis eiusdem, vbi fit etiam combustio. Quod si conuerso Thelescopio, & maiori vitro ad oculum applicato, res propinquæ appareant minores, tanquam distantiores; id etiam specierum existentiam confirmat. Nam illæ, paruo prius alterius vitri circulo exceptæ, dum postea per longitudinem fistulæ ad maiorem circulum, vbi oculus applicatur, deferuntur, minorem efficiunt angulum in oculo, minoratumq. proinde obiectum (vt ita dicam) repræsentant, ac si longius

gius valdè distaret. Quæ omnia, nisi species admitterentur, nullo alio modo contingere, aut probari possent.

Mitto eam, quæ de speculo afferri solet experientiam, vt constet oculum, mediante sui specie ad se reflexa, se ipsum inspicere: similiter quæ de sono, & odore afferuntur, flante vento ex aduerso, vt probetur tunc vtrumque ad sensum non nisi intentionalibus speciebus posse pertingere; cum hæc, & alia de natura huiusmodi specierum iam satis explorata, ac probata suis locis reperiantur apud Scriptores, sufficiantq. commemorata dumtaxat, vt teneatur ex parte obiecti sensuum externorum modus, quo ipsum sit ab illis perceptibile; cum ex hoc constare debeat, quæ de interiori mox subtexere, ac statuere consentaneum erit.

*Obiecta extrinseca non nisi per species impressas intus posse representari, ut ab interiori sensu dignoscantur. Cap. II.*



VONIAM inter ea, quæ ab interiori sensu dignoscuntur, aliqua ex genere suo dicuntur extrinseca, vt colores, odores, & cætera obiecta sensuum externorum: alia vero intrinseca, vt sensationes ipsæ, seu actus eorundem sensuum, & motus appetitus sensitivi; distinctè, ac seorsum de illis agendum est, tanquam de duobus generibus obiectorum, vt modus, quo sunt perceptibilia, clarius elucescat. Dicuntur autem extrinseca omnia obiecta sensuum externorum, non quod singula extrinseca, sint animali (nam color, verbi gratia, magnitudo, & figura animalis, aut partis illius, qua ab eodem certè percipiuntur, intrinseca sunt illi accidentia) sed tum, quia ex genere suo huiusmodi accidentia, vt sensibilia sunt, in alieno supposito reperiri possunt, & frequentius reperiuntur; tum etiam, quia semper ab extrinseco, seu per

medium extrinsecum eorum cognitio, proprium sumit initium, vnde prius ab exteriori, quàm ab interiori sensu senti contingit.

*In Theæteto post  
med. et inferius.*

Hæc itaque obiecta extrinseca ab interiori sensu non nisi per species impressas ad illum emissas posse dignosci, communis est Philosophorum, & vera sententia, quam primo docuit Plato in Theæteto, vbi loquendo de interiori, & communi sensorio: In hoc, ait, quidquid eorum, quæ aut videmus, aut audimus, aut ipsi excogitamus, ac meminisse cupimus, insinuantes ipsum sensibus, intelligentisque, veluti annulis signantes exprimimus; quodque signatum fuerit, meminimus, & scimus, quoad figura permanet. Rursumque idem Plato passim signacula funditus organo insidentia, ac rerum simulacra, quibus diuersæ promuntur cognitiones, commemorat. Similia deinde tradidit Aristoteles dicens per motum sensus, imprimi velut figuram, quandam sensibilis, sicut sigillantes annulis, cuius passionis, ait habitum esse memoriam, quod patenti discursu toto eodem capite prosequitur, & nullis æstimatur peculiaribus probationibus indigere. Quare Diuus Augustinus loquendo de sensibilibus obiectis, quatenus per sensus exteriores in memoriam traiciuntur: Istæ quippe res (inquit) non intromittuntur ad eam, sed ipsarum solæ imagines, quæ mira celeritate capiuntur, & miris tantquam cellis reponuntur, & mirabiliter recordando proferuntur: iuxta illud Aristotelis. Non enim lapis in anima est, sed forma.

*De mem. & reminisc. c. 2.*

*Lib. 10. Conf.  
c. 9.*

*3. de anima text.  
39.*

Et planè ratio, qua id suadetur, ferè est eadem, ac de simulacris externis. Non enim sensus interior, sicut nec exterior quispiam à semetipso immutari posset ad præsentiam obiecti, & aliter se habere, quàm in absentia, nihil ab eo patiendi, seu recipiendo; cum ex se potentia cognoscitiua denudata sit omni actu, ac per illam præsentiam constituatur in actu primo ad sentiendum. Rursus, quia experientia planum est, ad præsentiam sensibilis obiecti hætenus incogniti, nouam nos imaginem  
intus

intus recipere, & efformare, eamq. retinere cessante pariter operatione sensuum externorum, quorum ministerio haufimus, vt notat D. Augustinus. Deinde cum eiusdem obiecti recordamur idem percipere, ac si de nouo iterum nobis ipsamet similitudo per sensus externos obijceretur. 10. conf. ff. c. p.

Nonnulla tamen hic obstare alicui videbuntur. Vnum, est, multitudo specierum, quæ diuersis sensibus exterioribus hauriuntur, nam ex cum disparata sint, simul nec obijci, nec asseruari posse absque confusione videntur, si in commune sensorium intus permeare, ac tamquam ad centrum, vndique confluere debeant; quod secus esset si externis dumtaxat sensibus rerum simulacra exciperentur. Secundum verò est, quia semel intromissa, & asseruata imagine, in sensu interiori, semper obiectum illius repræsentaretur quousque oblitteraretur ipsa imago impressa; cumque plures, ac plures imagines simul retinerentur, sequeretur, innumerales ferè simul repræsentationes obiectorum, ac proinde sensationes fieri, quòd est contra experientiam, ac doctrinam Aristotelis docentis, duo simul sentiri non posse, nec vno, nec duplici sensu. Tercio deinde obstare videtur communis natura ipsarum specierum intentionalium, quæ cum dependeant in fieri, & conseruari ab obiectis, sicut lumen à corpore luminoso, non possent, ipsis absentibus, vel amplius non existentibus, tamdiu in cerebro perseuerare. Accedit, nam siue huiusmodi species recipiantur in substantia cerebri, siue in spiritibus: cum hi fluant assidue, & illa subinde continuata nutritione mutetur in dies, non apparet vbi species ipsæ ad quinquaginta, & octoginta annos, post quos recordamur, valeant asseruari. Quarto denique, difficile videtur, quomodo species colorum, quæ non diffunduntur, nec producuntur, nisi in diaphano illuminato, permeare possint intus per neruos opacos ab oculis ad cerebrum protensos, in ipsoq. tenebricoso cerebro asseruari.

Sed ijs difficultatibus occurrendo, ad primam dicendum est, eam esse huiusmodi similitudinum proprietatem, & conditionem, vt siue eiusdem metaphysicæ speciei illa sint, siue

*De sensu, & sensu c. v.*

diuerſæ, ac etiam genere diſparatæ: vt ſimilitudo odoris, & coloris: nullam inter ſe contrarietatem exercere, aut admittere. Quapropter ſicut in eodem aere intermedio illæ recipiuntur abſque diſcrepantia, vſque dum ſingulæ ad propria ſenſoria ſe recipiant: ita vltèrius eadẽ, vel ſimiles vſque ad cerebrum permeare, ac ibi ſimul permanere poterunt abſque repugnantia. Vnde nulla pariter confuſio ſequitur, quæ non in ſola multitudine, ſed in multitudine rerum inter ſe diſſidentium, vel abſque debita diſpoſitione, & ordine, inuenitur. Sufficenter autem in prædictis ordo ſeruetur, dum accidentium ſenſibilium quantumuis diuerſorum ſimilitudines intentionales in communi ſenſorio abſque diſſidio imprimuntur.

Ad ſecundam verò reſpondetur, ad ſenſationem eliciendam non ſufficere ſolam ſpeciei impreſſionem, & receptionem; ſed adhuc requiri uſum actiui, & conatum potentiæ ſenſitiuæ, quo eliciatur ſpecies expreſſa, in qua propriè conſtituitur ſenſatio, & repræſentatio, vt ſuo loco dicemus, & ſumitur ex Ariſtotele, qui viſionem ait eſſe uſum viſus: & ipſum audire, eſſe uſum auditus; & ſic de ſingulis. Quare D. Auguſtinus ad viſionem, docet, non ſufficere imaginem rei impreſſam, niſi adſit etiam intentio intuentis, & voluntas ſenſum adhibentis. Quod exactius infra explicabitur. Quoniam verò nequit animal plura ſimul per modum plurium, diſtinctè, ac perfectè intendere, ac proinde pluribus ſimul vtî imaginibus, hinc eſt, conſequenter Ariſtotelem dixiſſe in eodem inſtanti non poſſe ſimul duo ſentiri. Ex qua veritate ſano modo explicata, vt inferius præſtabitur, magis vtique corroboretur quod diximus. Nam ſi plura ſimul non poſſunt ſentiri, & ex alio capite conſtat, ſimul plures imagines ad ſenſum deferri, planè conſequitur, ſenſationes non fieri per ſolam ſpecierum impreſſionem, ſeu receptionem, aut retentionem. Nulla ergo ratione in propoſito ſequeretur, ſenſum internum ſemper cognoscere obiecta, quorum ſpecies retinet, dum non ſemper illis vtatur, nec ſimul; ſed ſeorſum, ac ſucceſſiuè abſque confuſione, vna poſt aliam.

Vbi

*De ſomnijs c. 2.*

*Lib. 11. de Trinitate. c. 1. & 2.*

*2. Top. cap. 4.  
Et de ſenſu, &  
ſenſibili cap. 8.  
Lib. 3. q. 5.*

Vbi congruunt verba quædam Augustini dicentis: In tenebris, atque in silentio, dum habito in memoria mea, profero si volo, colores, & discerno inter album & nigrum, & inter quos alios volo; nec incurrunt soni, atque perturbant, quod per oculos haustum considero, cum & ipsi ibi sint, & quasi seorsum repositi lateant. Nam & ipsos posco, si placet, atque adsunt illico. Et quiescente lingua, ac silente gutture, tanto quantum volo; imaginesq. illæ colorum, quæ nihilominus ibi sunt, non se interponunt, neque interrumpunt, cum thesaurus alius retractatur, qui influxit ab auribus. hæc ille.

Ad tertiam verò difficultatem, negandum est ad communem naturam specierum pertinere, ut pendeant in fieri, & conseruari ab obiectis, cum id tantum verificetur de speciebus sensuum externorum, qui propterea non nisi præsentia valent percipere. Nam simulacra impressa sensus interioris, cum immediatè non producantur ab obiectis, quorum sunt simulacra, sed à sensibus, aut sensationibus externis, vel ab eodem interno per suas præcedentes sensationes, & imaginationes; hinc est, ut tanquam à nobiliori causa producta per actum vitalem, non tam faciliè evanescant; sed diu conseruentur ad eliciendas nouas sensationes in absentia obiectorum. Neque substantia cerebri, in qua species asseruantur tam faciliè permutatur per calorem naturalem omnià dissoluentem, & nutritionem rescipientem; cum ipsa substantia cerebri ex se frigidissima sit, naturaque consistens. Quod si secundum partem quandoque rescitur, nihil obstat, qualitatem illam speciei in ipsam quoque transfundi, ac propagari, sicut calor ab vna parte continui alteri communicatur, & sic posse diutius asseruari.

Ad quartam, & vltimam difficultatem respondetur, non esse eandem speciem illam, per quam oculus; atque illam, per quam sensus interior colorata cognoscit; proindeq. speciem, per quam sensus interior percipit colorem, non requirere medium illustratum, quemadmodum illa, quæ per diaphanum defertur ad oculos, quæ omnia clarius mox infra patebunt.



*Per quas species impressas, & qua via fiat huiusmodi  
obiectorum interna representatio.*

*Cap. III.*



*TraB. 4. c. 2.*

NON loquimur hic de representatione formali, qua obiectum propriè, ac formaliter vltimò attingitur à potentia, & quæ se tenet ex parte ipsius potentiae, prout est actus illius; nam idem est, per quod obiectum formaliter representatur, & per quod formaliter percipitur, vt infra explicabitur: sed tantum sermo est de representatione ex parte obiecti, prout effectiue se præbet perceptibile à facultate cognoscitiua, hoc vel illo modo. Cumque iam determinatum sit hoc fieri per species intentionales impressas, sequitur inuestigandum, per quas species impressas huiusmodi oblatio, seu representatio fiat. Quod certè non omnino apud Auctores definitum esse comperimus; vel enim indistinctè loquuntur, vel pro vtraque parte dubitari non improbabiler potest, vtrum consentaneè in eorum doctrina, loquendo, dicendum sit, easdem species ad externa sensoria ab obiectis emissas, peracta ibi sensatione, ad internum quodque sensorium peruenire, vt quæ ibi residet facultati, eadem representent obiecta sensata; An verò aliæ ad hoc munus deputentur imagines per externas ipsas sensationes productæ. In puro autem sistendo discursu, quamuis expeditior se ostendat primus dicendi modus, verò similior tamen apparet secundus. Etenim quæ ab obiectis immediatè species emanant, ab illis dependent in fieri, & conseruari, tanquam lumen à corpore luminoso; ex hoc enim, & non aliunde prouenit, sensum exteriorem nō nisi in præsentia, sua obiecta percipere; quia scilicet non nisi in eorum præsentia excipit, ac retinet imagines, quæ amoto principio, à quo manarunt, & conseruantur, statim euanescent. At cum species, per quas obiecta sensui interiori representantur, diu absque  
illis

illis in sensorio perseverent, planè sequitur, alias esse ab illis valdè diuersas.

Confirmatur idipsum, quia si species illæ non ita ab obiectis conseruari, necessariò postularent, non esset cur externum sensorium in absentia obiecti diutius aliquando ipsas species non retineret: sed videmus perseverante obiecto extrinseco in præsentia, perseverare species in sensorio externo; deficiente verò, statim deficere, & ipsas species repræsentantes; igitur omnino dependent ab illis, secus ac species, quæ mittuntur ad sensum interiorem diu perseverantes in cerebro, etiam amoto obiecto.

Præterea vnus oculus in alterius oculo se videt tanquam in speculo, quod non nisi per reflexionem imaginis ad inspicientem fieri potest; remittit ergo imaginem oculus ad oculum inspicientis, potius quàm illam ad sensum interiorem, transfundat.

Ex quibus concluditur per sensationes externas, alias ab illis produci similitudines, prioribus quidem similes, & ad genus dispositionis pariter pertinentes, omnino tamen specie diuersas, ac nobilioris naturæ, vt quæ ad cerebrum permeare, & ibi interiori sensui obiecta ab exterioribus sensata repræsentare debeant, quousque pro arbitrio sensus illis vratur: diu quoque in sensorio absque vsu ipsius facultatis perseverando, vt cum opus fuerit, eisdem animal rursus vratur, pristinatorumq. obiectorum, cum libuerit, recordetur.

In quò verò subiecto huiusmodi similitudines producantur, & per quod medium, seu qua via ad cerebrum deferantur, remanet explicandum. Et quidem, vt ait Augustinus, cum constet, rerum sensatarum imagines interius ingestas fuisse, nescimus propè quinam sint secreti, atque ineffabiles illi sinus memoriæ, quæ hæc omnia recipit recordanda, & quibus foribus intrant ad eam. Nec satis se communiter declarant Scriptores in re tam occulta, quid sentiant, cum vniuersaliter dicunt ab externis ad internum sensorium, hanc specierum fieri lationem, quamuis alibi idem Augustinus hæc omnia per spiritus animales fieri non

obscurè

*lib. 10. confess.  
cap. 8.*

*lib. de spiritibus  
anima c. 23. 30. 3*

obscurè insinuet, cum ait, quandam spiritualement naturam, esse in nobis, vbi corporalium rerum similitudines, aut formantur, aut formatae ingeruntur. Sed vt paulatim à notioribus discurrendo, ignotiora tēte mus, certum in primis videtur totam, quam inter internum, & externa sensoria, experitur communicationem animalem, per neruos, ac spiritus animales tantummodo intercedere. Nam, vt saepe Galenus admonuit, per eos cerebrum, & sensum, & motum cæteris impertitur partibus animalis. Ex quo primò sequitur inferendum, in neruis pariter, aut spiritibus animalibus proculdubio hanc similitudinum fieri debere productionem, vt per eos interius deferantur.

Vtrum verò immediatè producantur in substantia neruū vbi proximior est, & contigua sensorijs externis, & per eam diffundantur vsque ad cerebrum; an verò in spiritibus animalibus, qui per eundem neruum à cerebro ad sensoria externa, & ab his ad cerebrum continuato ductu feruntur, ac iugi, & expedito veluti famulatu permeando discurrunt: hoc inquam in quæstionem pro vtra que parte satis probabiliter euocatur. Suadet autem ex parte neruorum ea potissimum ratio; nam interior eorum substantia, quæ veluti medulla quædam duobus orbicularim obuoluitur mēbranulis, quamuis durior, simillima tamen est substantiæ, seu medullæ cerebri, à qua ortum habet, vt docet Galenus: etenim, inquit ille, substantiarum, & facultatum proprietates sibi similes habent. Maxime autem videtur congruere species per eandem, vel simillimam substantiam intus deferri, per quam ibi asseruantur. E contra vero spiritus animales, quamuis intelligerentur per neruos permeare, & species facili ratione in cerebrum inferre; cum tamen ipsi longè dissimilis sint naturæ, & adhuc in cerebro versentur, sequeretur eos, vel species in dissimilem cerebri substantiam transfundere, ipsis ibidem manentibus, ac perseuerantibus, cum non detur transitus accidentis à subiecto in subiectum; vel sequeretur, quemadmodum illas hauserunt in neruis, conseruare in cerebro; cum nulla sit causa corruptionis illarum tam cito per ingressum

lib. 7. de plac.  
Hipp. & Plat.  
cap. 3.

lib. 8. de ossib.  
par. ante med.  
& 7. de placit.  
Hipp. & Plat.  
post med.

ingressum in cerebrum: quod pariter est impossibile, cum species in subiecto tam tenui alterabili, & corruptibili, diu conseruari non possent, quemadmodum conseruantur de facto. Congruentius ergo videtur existimandum, huiusmodi species in neruis produci, ac per neruos ad cerebrum deferri, cui ipsi similem substantiam sunt adepti, quàm illas in spiritibus animalibus ponere, qui sunt substantiæ valde diuersæ, totque inconuenientia in se intelligerentur admittere.

Ex alio verò capite non videtur, per neruum, qui solidioris, ac densioris naturæ est, tam cito perferri posse species ad internum sensorium, sicut per spiritum animale, qui rarioris, ac subtilissimæ substantiæ cum sit in cerebro elaboratæ ex arterialis sanguinis, spirituumq. vitalium portione, accommodatius censetur vehiculum velocissimæ transfusionis imaginum prædictarum. Item sensorij nerui, vt vocant, quamuis ad quatuor particularia sensoria demittantur, visus nimirum, auditus, olfactus, & gustus; imo & ad plures corporis partes, vbi tactus viget, diffusa, ac propagata sobole se extendant; nihilominus negari non potest, complures etiam esse per totius corporis habitum partes, sensu quidem tactus polentes, neruis tamen expertes. Non ergo inde species tactus per neruos ad intra transfunduntur. Cumquæ spiritus animales vltra neruos progrediantur, & per musculos, & cutim pariter insinuentur, facilius intelligeretur, ipsos huius lationis fore propria subiecta, & instrumenta.

Verum huiusmodi congruentias, ac difficultates pro vtraque parte allatas, nec vnum, nec alterum omnino conuincere, aut suadere existimamus; quare si dicamus species illas ab externis sensorijs ad internum simul per neruos, ac spiritus animales deferri, vtriusque opinionis fortasse incommoda, ac difficultates vitabimus.

Non enim obstat ex parte neruorum, illos esse densioris substantiæ, vt afferebatur, cum densitas materiæ ex se nullo modo retardet motum alterationis, quando non adest qualitas.

litas contraria in subiecto. Hinc namque videmus æque cito lumen diffundi per quæcumque corpora diaphana , vt per aerem rarum , & aquam densam , densissimumq. cristallum , eo quod nulla sit in illis qualitas lumini contraria . Eodem igitur pacto cum species illæ , quæ diffunduntur , nullum habeant contrarium , æquè cito per subiectum ac medium rarioris , aut densioris substantiæ diffundi poterunt .

Quod autem dicitur de partibus, quæ nervis carent, sensu tamen pollent, verum est in rigore loquendo; nam cutis in qualibet particula si tangatur, sentit; & tamen non in qualibet particulam nervus inseritur. Verum hoc non obstat, quia non dicimus, tactum, ac reliquas sensationes fieri in nervis, sed in sensorijs, quibus coniuncti sunt nervi, per quos postea sensationum simulacra ad cerebrum transfunduntur; quapropter non in omnibus, ac singulis partibus sensorij reperiri debent nervi, sed sufficit, vt aliquibus tantum coniungantur. Nam sensatio extenditur per totum organum sensus, vel partem illius, ita vt semper perveniat ad locum, vbi est nervus. Quoniam verò cutis vniuersalis est sensorium tactus, observandum est quòd Galenus aduertit, illam scilicet eiusdem sensus gratia propagines habere nervorum tenues, raras, & ægrè conspicuas instar araneæ cuiusdam filorum. Quod & arborum, & plantarum folijs licuisset exemplificari, in quibus mira, ac subtilissima ramusculorum apparet propago. Deinde musculosam quandam, ac tenuem substantiam cuti subesse, multas nervorum fibras in se ipsam recipientem, à qua cutis separari non potest, nam planè cum ea coaluit. Vnde cutis ex carne, & nervo constare dicitur; labia verò ex cute, & musculo constari, vt alterum ne dixeris (ait Galenus,) sed utrumque simul naturaliter congestum. Præterea notandum est, musculos, musculorumque ac nervorum fibras, tendones, ac si quæ sunt alia nervosa, ac sensitiua instrumenta, semper cum nervis coniungi, ac per nervos virtutem motivam, ac sensitivam à cerebro participare, vt passim demonstrat Galenus.

*Lib. 9. de usu  
par. non longe à  
fine.*

Galenus. Vbi pariter obseruatur ad has prædictas tantum partes, quæ neruose sunt substantiæ, & ad peculiaria sensoria, sensorios neruos à cerebro demitti, non autem ad alias; proindeq. has tantummodo sensum obtinere. Ex quibus constare potest solertissimè naturam prouidisse, vt partes omnes animalis, quas sensu pollere congruebat, neruos haberent coniunctos, per quos & vim sensitiuam à cerebro participare, & speciem sensationis ad ipsum transfundere possent. Nam sexaginta nerui ex cerebro prodeuntes, eorumq. discisse soboles, omnes in peculiaria quatuor sensoria, vel in musculos, fibras, aut cutim desinunt: atque ex musculis postea tendones, eiusdemq. ferè substantiæ propter motum arbitrarium ad ligamenta, & articulos protenduntur: vt in accurata dissectione haud negociosum est conueniri. Rectè igitur nerui, latores peractæ sensationis, seu imaginis, ac similitudinis illius, existimantur.

Ratio verò potissima, seu congruentia, qua id censetur affirmandum, eadem ferè est, quam supra insinuauimus, quia nimirum persimilem neruus naturam, ac dispositionem habet cum cerebro, saltem de medullari loquendo, vt exposuimus. Si igitur dispositio cerebri apta est ad excipiendas, ac diu retinendas huiusmodi imagines, eadem ratione in transitu ad easdem excipiendas, apta erit dispositio nerui. Etenim substantiarum, ac facultatum proprietates sibi similes habent, aiebat Galenus, qui mox subiungens, neruos sensorios (nempe qui instrumentis sensorijs immittuntur) molliores esse alijs, qui particulas mouent; concludit, prouidè hoc naturam fuisse fabricatam, quoniam sensus non est absque hoc, quod quoquo modo afficiantur nerui: affici verò aliter non possent per sensum, nisi qualitate aliqua per sensationem producta, quam speciem, vel similitudinem illius vocamus.

Quod autem simul spiritus animales eadem qualitate afficiantur, ac tanquam medium deseruiant ad lationem harum specierum, probatur. Nam alioquin solus neruus hoc munus non potest obire, vt patet in deliquio, aut alio

*Lib. 7. de placif.  
Hippoc. & Plat.  
propè finem, &  
& lib. 1. de usu  
part. circa med.  
& lib. 16. non  
longe à princi-  
pio.*

*Lib. 7. de pl. cit.  
post med.*

symptomate, in quo nervis omnibus illeſis, & expeditis, per quandam euacuationem ſpirituum, aut impedimentum, communicationis illorum cum cerebro, ſenſus internus nullam percipit externam ſenſationem. Ergo ſpecies, quando in cerebrum feruntur per vtrumque medium, & non per alterum tantum, diſſunduntur.

Quo circa obſeruandum eſt, per Apoplexiam, ſoporem, lethargum, morbum comitiale, ac ſimiles affectiones, hominem priuari ſenſu, quandoque & motu: idque ob pituitæ in ventriculis cerebri coaceruatæ multitudinem, vel alterius craſſi, ac viſcidi humoris, vt docet Galenus. Atqui non alio modo humor huiusmodi in cerebro actiones ſenſitiuas, & motus arbitrarios impedire poteſt, præſertim repente (vt in Apoplexia, & morbo comitali accidere conſuevit) niſi obſtruendo in ventriculis circa ortum neruorum meatus, per quos ſpiritus animales infra mittuntur, & comunicant cum ſenſu exteriori, vt planè teſtatur, & explicat Galenus. Ergo indicium eſt, ſpiritus animales, æquè ad nervos ad ſenſationem externam, & internam in præſentia obiecti concurrere, ac requiri, & ſicut per nervos, ita per ſpiritus quoque peractæ ſenſationis, ſpeciem ad cerebrum tranſmitti. Vnde Galenus ibidem ſubneſcit, animam in cerebri corpore ſedem obtinere, atque in ipſo, & rationis vim, & ſenſibilem imaginum memoriam reſidere, ac primum ipſius animæ instrumentum, tum in ſenſibilibus actionibus omnibus, tum in his, quæ à conſilio, & voluntate prodeunt, ſpiritum eſſe, qui in ipſius ventriculis continetur. Quod ſi ſpiritus ſenſationum externarum imagines ad cerebrum non deferret in præcipua ſenſatione, prout eſt interna, nullatenus præcipuum, aut primum ſe oſtenderet animæ instrumentum.

Dicet tamen aliquis, ſpiritum concurrere quidem, ac requiri ad ſenſationem externam; & hac media, ad ſenſationem internam in præſentia obiecti; non tamen ad ſenſationem ſpeciei peractæ ſenſationis, atque in caſu propoſito Apoplexiæ, vel morbi comitalis, hominem non ſentire; non  
quia

*Lib. 6. de ſym-  
ptom. cauſ. cap.  
vlt. & 3. de lo-  
cis affectus c. 7.*

*In principio cap.  
citari de locis  
affectus.*



quia imago sensationis intus nequit inferri, crasso humore spiritus meatum in cerebri ventriculis obstruente; nam alioqui inferri posset, per neruum; sed quia verè sensatio externa non efficitur, deficientibus spiritibus, qui vt primum animæ instrumentum requirebantur, & à cerebro foris amplius tunc non mittuntur.

Sed occurrendum primò est per eiusmodi, vel per similem affectionem, verbì gratia, per morbum comitiale, non euacuari, nec exinaniri spiritum, qui est in neruo à cerebro vsque ad sensorium externum, quamuis alij de nouo ex cerebro non demittantur: ac propterea non impediri sensationem externam ob spirituum defectum, Et tamen constat, statim ac humor ille cœperit meatus obstruere, ac cerebrum infestare; amplius hominem non sentire, quæ geruntur extrinsecus, vt notat Galenus, nec postea recordari, aut consequi, quid factum sit. Ergo id totum contingit ex impedimento communicationis cum cerebro, quæ medijs spiritibus exercetur, simulacra rerum ad sensum ibi residentem, perferentibus.

Verùm, vt proposita difficultati exactius occurramus, aperiendum seorsum est, vtrum in huiusmodi affectionibus nulla fiat sensatio externa, at propterea sensus internus non percipiat, quæ sunt extrinsecus, nec eorum quomodolibet recorderetur, an potius fiat aliqua sensatio externa; non tamen satis percipiatur à sensu interiori, aut memoriæ teneatur. Qua certè in re, si Doctorum auctoritatem iuxta verborum generalium vim expendamus, primum serè omnes opinari existimabimus; si verò ex eorundem doctrina minutius discurrendo, ac generalia axiomata distinguendo; causam quorundam experimentorum quæramus, Secundum tanquam probabilius consequenter eos concessuros fuisse dicemus, si licuisset interrogare. Scio enim Aristotelem, sensationem aliquam externam in somno fieri, aliquando negasse; tamen experientia constat, non tantum à somnabilis externè multa discerni, vt ipsemet Aristoteles alias concedit, sed etiam à reliquis dormientibus pleraque exteriora

*Lib. de somn. &  
vig. cap. 2.*

*Lib. 5. de gener.  
anim. cap. 2.*

rora dignosci. Accidit enim dormientibus nonnullis, & voces, & verba in somno audire, eisq. respondere, licet ipsi circumstantias non percipiant, & cum euigilant, somnium fuisse arbitrentur, quæ præcesserunt, & quorum recordantur. Alijs vero accidit, vt frigus vehementer sentiant, sindonemque, vel stragulum discernant, quod ad se trahunt, vt cooperiantur; Alijs, vt tactu delectentur, tangibiliaque saltem in genere percipiant, vt qui æreum quidpiam in manu tenens, putat nummum se habere aureum. Hæc, & similia licebit in dormientibus considerare, quæ planè ab Aristotele, vt vidimus, non negantur; nam rursus concedit quibusdam in somno sentire aliquo modo, & sonos, & lumen, & saporem, & tactum, languidè tamen, inquit, ac veluti procul. Alibi denique ait: In dormiendo parui motus magni videntur esse: arbitratur enim fulgura cadere, ac tonitrua fieri, cum parvus sonus in auribus fit, & melle, & dulcibus saporibus perfrui, minima pituita defluente: & ambulare per ignem, & calefieri vehementer, cum parvus calor circa quasdam partes fit. Ex quibus haud dubiè dixeris Aristotelem, primo loco loquutum fuisse de sensatione perfecta, ac distincta, non autem de obrusa, & confusa, quæ saltem in prædictis non potest negari. Eodem pacto scio Galenum dixisse eum, qui morbo comitiali laborat, neque videre, neque audire, neque vllò sensu quicquam percipere: & nihilominus constat quandoque nonnulla tactu discernere, præsertim si nimis sensibilia sint. Nam membra, dolorem ex industria incussum aufugiunt, olfactus odoribus quibusdam recreatur; Strepitus per aures laborantem deterrēt, & similia. Ex quibus putandum est de perfectis etiam tantummodo sensationibus loquutum fuisse Galenum.

Dicimus ergo in prædictis casibus, quando adhuc sufficiens spiritus in nervis, ac sensorijs externis continetur, fieri quidem posse aliquam sensationem externam imperfectam, tamen, ob defectum sensus interioris, attentionem, & vires nullatenus adhibentis, sicut cum quis, aliud intendens, apertis oculis prætereuntem ante conspectum nō dicitur videre:

nec

*De somnijs cap.  
ult. prope finem.*

*De divinat. per  
somnia. cap. 1.*

*3. de locis affect.  
cap. 7.*

nec strepitum apertis auribus audire. Non quia verè prætereuntem non videat, aut strepitum non audiat, sed quia, satius aliud contuens, vel audiens, hæc imperfectè, aut vix videatur percipere, cum non sit ad singula sensus; vnde prouenit, vt non recordetur se vidisse, aut audiuisse. Suadet autem hoc, præter experimentorum obseruationem, ratio ipsa, qua non videtur negandum, fieri posse sensationem externam, vbi potentia in organo disposito manet cum debito concursu spirituum, vt contingit in somno, ac similibus casibus. Siquidem nihil aliud desideratur; nam concursus cerebri non requiritur simpliciter, sed tantum propter spiritus, qui ab eo debent manare; cum igitur adsint spiritus, sufficiens ex se constituitur virtus sensitiua. Quoniam verò spiritus ob eorum tenuitatem per vsum, & calorem deperduntur; hinc est non nisi paucas, & imperfectas valde huiusmodi sensationes fieri, quotiescumque meatus cerebri, per quos spiritus tanquam à fonte promanant, obstruuntur. Accidit autem sensum internum non aduertere sensationes externas, nec earum postea recordari; quia species peractæ sensationis, nequeunt per spiritus animales, quibus ingressus interdicitur, inferri. Quod si dicas inferri posse per nervos, concedimus quidem, imò de facto ita ex parte contingere arbitramur; sed considerandum est, paruum ac debilem per solos nervos specie affectos, fieri posse impressionem in cerebro, vbi tunc cætera simulacra cum vaporibus & humoribus infestantibus, acriter tumultuantur; atque hinc etiam causari obliuionem. Quapropter cum in somno per vapores obruuntur meatus prædicti, ne spiritus liberè egrediantur, & ingrediantur in cerebrum, ac dormiens quispiam ab alio fortiter vocatus expergiscitur; proculdubio vox seu species illius, per neruum tantum fertur ad cerebrum, nec alioquin sensus internus somnum posset discutere. Quoniam vero non per quamlibet vocem, contingit hoc fieri, sed per validam tantum, aut vehementem aliud sensibile: indicium est, tenuiter species imprimi per solum neruum translatas.

Atque ex hoc obiter supradicta licebit confirmare . Nam cum quis præfato modo expergiscitur, prius est aurem audire , vel tactum sentire, quam species illius intus transire ad excitandum sensum interiorem , qui supponebatur in somno circa externa non operari . Vel igitur sensus interior etiam in somno cum exteriori , aliquo modo concurrit : Vel nihil obstat quominus in somno , vel morbis prædictis fiat interdum sensatio externa, non concurrente sensu interiori ob impedimentum ingressus specierum in cerebrum per spiritus , quorum meatus, vt diximus, obstruuntur .

Tandem ex dictis facile est , difficultates in principio positas contra spiritus animales euacuare . Non enim sequeretur transitus à subiecto in subiectum , cum species in spiritibus perseverarent , quamvis cerebrum eisdem afficeretur , quæadmodum crystallus afficitur lumine ad illum per aerem transmissio, illuminato adhuc perseverante ipso aere . Nec sequeretur, species diu conseruari non posse ; nam semel illis imbuta substantia cerebri, corruptio spirituum nihil aut parum obstaret . Imo ex hoc puto prouenire differentiam , quam sæpe numero experimur maximam in interna obiectorum representatione . Vt cum obiecta, quorum recenter imagines hâuimus, viuacius longè, & efficacius nobis repræsentantur, quàm quæ post aliquod tempus memoriæ offeruntur . Siquidem quamdiu perseverant illi spiritus, qui à peracta sensatione externa fuerant specie imbuti, concurrunt conseruando intentionem speciei, quæ reperitur transfusa in cerebro , vt efficaciter repræsentet ; corruptis autem spiritibus illis, vel ab eisdem specie aboleta propter alterabilem naturam illorum , remissius agit species, quæ in cerebri substantia perseverat . Atque ex hoc etiam postremò intelligitur cur qui spiritibus vehementer abundant, non modo externè sentiant magis, verum, & internè apprehendant intentius, ac diutius recordentur . Cæterum cum diximus , sensum & motum transmitti à cerebro per spiritus animales , ac per eosdem imagines rerum intus transfundi ; non est intelligendum secundum eorum substantiam , quasi spiritus

spiritus secundum se mouerentur sursum, ac deorsum tanquam vehiculi facultatis animalis, ac specierum intentionali-um; sed intelligendum est per ipsos spiritus animales in cerebro, & in nervis contentos, sicut per neruorum substantiã, ad initar solis radios per aerem aut vitrum, facultatem animalẽ à cerebro ad vniuersum corpus diffundi, ac species intentionales à peculiaribus sensorijs ad ipsum cerebrum temporis momento deferri. Quamuis spiritus etiam secundum suam substantiam sæpe fluant ac desfluant, quod non est tantopere attendendum. Alioquin vt docet Galenus. Nequaquam voluntas digitum longissimè distantem statim posset mouere, nullo intercepto temporis spatio inter actum volendi, & ipsum digiti motum; nec tam cito à cerebro ad digitum substantia corporea posset confluere, sicut confluit qualitas illa absque contrario. Quod idem patet esse dicendum de latione specierum ab externis ad intra, quã momento fit cum simul externo internoq. sensu sentiamus.

2. de placit. Hipp.  
poet. & Plat.  
cap. 5.

*Quo item pacto per species impressas constituentur perceptibilia obiecta intrinseca. Cap. IV.*



**T**ABILITO modo, quo constituuntur perceptibilia obiecta extrinseca, simile quidpiam stabiliendum sequitur de obiectis intrinsecis iuxta distinctionem supra factam in principio, videndumq. est, an hæc pariter per species im-

pressas, vel alia ratione ex parte ipsorum obiectorum interiori sensui percipienda repræsententur.

Atque in primis occurrunt actus proprii sensuum externorum, seu sensationes, quæ & species expressæ illorum vocari consueuerunt. Quas certè superuacaneum videtur per proprias species impressas debere repræsentari, cum hoc ipso, quod sensus exterior cogniti obiecti propriam similitudinem intus transmittat, satis aduertere possit sensus interior exteriorem tunc operari. Deinde, quia obseruatione constat nullam interius nos formare imaginem visionis, verbi gratia,

vt visio est aliquid ab obiecto viso distinctum, sed tantum ipsius obiecti cogniti per illam, vel actus alicuius corporalis, per quem sensus adhibetur dum sentit extrinseca; unde quælibet sensatio per se sumpta, concipitur ab intellectu tanquam aliquid abstractum, vel ad instar alterius, & in ordine ad aliud, quatenus scimus esse id, per quod formaliter à sensu attingitur obiectum extrinsecum. Nec aliter nobis representatur visio, quæ fit à potentia visiva, quàm intellectio, quæ fit à potentia intellectiva; cuius planè cognitionis spiritalis nullam habemus propriam imaginem.

Ex alio verò capite videtur negari non posse dandam esse aliquam nouam, ac distinctam speciem sensationis iam factæ, vel modificationem speciei per illam emissæ, representantis quidem obiectum extrinsecum, sed vt sensatum, & cognitum per talem sensum externum. Fundamentum est; nam quocumque modo sensus interior aduertat exteriorem operari circa tale obiectum, aliquid refunditur in obiectum totale illius cognitionis. Aliud enim est cognoscere tale obiectum simpliciter, aliud verò est cognoscere illud, vt sensatum. Quemadmodum igitur ex parte obiecti cogniti, aliquid refunditur de nouo per illam formalitatem, sub qua cognoscitur; ita ex parte speciei, per quam cognoscitur hoc totum, aliquid debet correspondere prædictæ formalitati, vel tanquam noua species priori coniuncta, vel tanquã modificatio illius, qua simul representetur obiectũ, illudq. tali sensu sensatũ. Adde, nonnullas esse sensationes externas, quæ nunquam distinctè obiectum extrinsecum exprimere videntur, vt dolor, ac delectatio, cum ab aliqua intrinseca causa proveniunt, vt in morbis quibũsdam, corporis partem infestantibus, nocturnisq. illusionibus voluptate afficientibus, & similibus contingere solet. Et tamen in se sensationes distinctissimè ab interiori sensu percipiuntur, ac memoriæ tenentur; Quod planè absque illarum proprijs imaginibus fieri non posset.

Pro solutione tamen susceptæ quæstionis obseruandum, primò est, sensationes externas sicut, & quascũq; alias imagines intètionales expressas, nunquã à nobis sentiri, aut directè

cognosci, vt imagines sunt, seu prout intellectus eas denominat imagines per translationem à veris imaginibus. Quia sensus interior nihil aduertit in sensorio externo, quando fit ibi sensatio, quod rationem habeat imaginis obiecti sensati. Siquidem nec in pupilla discernit aliquid simile obiecto viso, nec in faucibus simile aliquid sapor, aut in cute simile ei, quod manibus contrectatur: sed tantum aduertit passionem, seu motum, & affectionem, quæ ibi fit, & qua mediante percipit obiectum, quod est extrinsecus. Quamobrem nec species impressæ, quæ nullo modo ab aliquo sensu dignoscuntur, nec species expressæ dicuntur imagines ex eo, quod quasi prius cognitæ, propter similitudinem ducant nos in cognitionem obiecti, sed alia ratione infra commodius explicanda; Nam à parte rei nulla talis similitudo reperitur inter visionem, & rem visam, vt est color, & figura, & sic de cæteris, quæ non nisi vt sunt, noscerentur, ac proinde dissimiles, & vt tales non possent obiecta in se ipsis referre.

Ex quo secundo notandum sequitur, sensationes externas non prius cognosci à sensu interiori, quàm cognoscantur obiecta, quæ per ipsas representantur, sed simul prout sunt motus ad illa, seu affectiones corporis, quibus illa percipiuntur, vt obseruanti patebit, & clarius adhuc infra explicabitur.

His positis, dicendum est, sensationes sensuum externorum per eandem speciem impressam interiori sensui cognoscendas representari, per quam representantur obiecta ab eisdem sensata. Suaderetur autem primò: Nam obiectum extrinsecum apprehendi, vel imaginari non potest abstractum, ac separatum à sensatione externa, per quam eius imaginem tenemus, quia siue dum actu sentitur extrinsecus, siue postea; semper visibile offertur nobis, vel tanquam actu, vel hætenus visum. Nam etiam, quod per imaginationem fingitur videri, apprehenditur tanquam si verè actu oculis inspiceretur. E contra verò similiter sensatio externa non potest per imaginationem abstrahi, vel apprehendi sine obiecto cognito per illam; quia nec fingere possumus auditio-



nem absque sonò , aut olfactionem sine odore , & sic per singula discurrendo . Signum est igitur , vtrumque per eandem speciem impressam intus offerri , ac representari ; alioquin vnum sine altero posset interius dignosci , ac figurari , sicut cætera omnia , quæ per diuersas species impressas quantumuis coniunctas representantur , vt odor , & color , vel sapor , & quantitas eiusdem subiecti , & similia , quorum imagines non semper incurrunt , dum aliæ pertractantur .

Deinde hoc idem confirmatur ; nam tanta est coniunctio inter sensationem externam , & obiectum per illam sensatum in modo , quo sensui interiori obijciuntur , vt vnicus ex eis conceptus obiectiuus componatur ; nam quoties imaginamur , vel etiam fingimus obiectum aliquod extrinsecum , simul videmur illud sensu aliquo externo percipere , etiam si nolimus de ipsa perceptione cogitare . Ex quo sæpe fit , vt commemorato tantum obiecto , sensorium illius proprium , & caro sponte moueatur , vt guttur ad emittendam saliuam per commemorationem saporis , quem tunc sibi videtur percipere , vel tactus ad coadunandos spiritus animales , vbi tangibile , de quo cogitatur , esset excipiendum , & quod tunc simul sibi videtur sentire . Vnde inquit Augustinus : Memini me audisse à quodam , quod tam expressam , & quasi solidam speciem foeminei corporis in cogitando cernere soleret , vt ei se quasi misceri sentiens , etiam genitalibus fluere . Et sic huiusmodi imaginationibus , in externis quoque sensorijs interdum homo delectatur ; interdum verò molestatur iuxta proportionem obiecti representati . Quod certè non contingeret , nisi presentatio sensationis , ac sensati fieret per modum vnus , ac per vnicam speciem impressam correspondentem vnico conceptui obiectiuo , quem de vtroque in interiori sensu habemus , ac vnico conceptui formali , quem , vtrumque simul sentiendo , elicimus . Nam cognoscere nunc obiectum præcisè secundum se ; nunc verò sensationem externam , per quam percipitur ; nunc denique vtrumque simul pro arbitrio , opus est solius intellectus .

Tertio probatur ; nam species impressa , per quam sensus  
interior

interior extrinseca obiecta debet percipere, producitur à sensatione externa, qua ipsamet obiecta sentiuntur, vel fuerunt sensata: siquidem non est à quo alio agente formaliter huiusmodi species impressa producat. At natura speciei intentionalis est, vt referat potentiae, in cuius sensorio imprimitur id, à quo fuit producta, & emissa; ergo huiusmodi species impressa producta, & emissa à sensatione externa, non potest non ipsamet sensationem interius aliquo modo referre. Cumq. sensatio externa essentialiter sit imago expressa obiecti extrinseci, qua formaliter illud à sensu externo dignoscitur, sequitur vt per eandem speciem impressam à sensatione externa productam, simul sensatio ipsa, & obiectum sensatum intrinsecus repraesentetur, & obijciatur. Et quoniam sensatio externa hoc ipso, quod essentialiter est imago expressa obiecti, essentialiter ex se non est nisi id, quo percipitur ipsum obiectum, cum obiectum quocumque modo accipitur, semper sit, id quod repraesentatur, siue intrinsecus, siue extrinsecus; hinc est, vt obiectum semper repraesentetur directè, ac formaliter; sensatio verò extrinseca tanquam in obliquo, & veluti materialiter; quia repraesentatur sicuti est, nempe tanquam id, quo; & simul cum obiecto, quod repraesentatur formaliter, ac principaliter, vt quod. Veluti cum quis intuetur aliquod obiectum in speculo, simul intuetur illud directè tanquam id, quod; & speculum tanquam id, quo, vel in quo repraesentatur, & elucet obiectum: Nam obiectum extrinsecum, sicuti in speculo repraesentatur potentiae visivae, ita in visione externa tanquam in speculo repraesentatur sensui interiori. Hoc tamen discrimine, quod speculum licet per eundem actum, non, tamen per eandem speciem impressam, ac obiectum percipitur, sicut sensatio externa, & obiectum illius, propter rationem dictam; Et species impressa, per quam videtur obiectum, in speculo reflectitur, & non producitur à speculo, sicut à visione externa producitur illa, per quam in ipsa obiectum, quod elucet, sentitur interius.

Diximus insuper, mediante efficientia huiusmodi speciei

impressæ, directè, & formaliter nobis repræsentari obiectum; materialiter autem illius sensationem externam: nam licet vtrumque repræsentetur, vt vidimus; id tamen, quod directè terminat, & specificat ipsam internam cognitionem, vtriusque, non est sensatio externa, sed obiectum cognitum per illam, quatenus iuxta obiecti varietatem variæ constituuntur cognitiones, & repræsentationes formaliter, & essentialiter diuersæ, vt cognitio, & repræsentatio albi, vel nigri. Indiferens enim est visio secundum se ad formam, albi, vel nigri referendam: quapropter specificari, ac determinari debet tanquam materia per formam obiecti, ad hoc vt essentialiter sit hæc, & non alia visio. Ac proinde quando repræsentatur sensatio externa, solum repræsentatur, prout quid sustinens, ac referens formam obiecti; Quod est materialiter tantum concipi, ac repræsentari, non autem formaliter, sicut repræsentatur obiectum.

Ad rationes itaque in oppositum dubitandi, facilè ex dictis patebit solutio; nam pro vna parte respondendum est, sensum interiore non advertere operationem sensus externi per solam intromissionem speciei impressæ repræsentantis obiectum absque aliqua repræsentatione ipsius sensationis externæ, quæ per eandem speciem impressam simul perficiatur; nam licet solum obiectum extrinsecum repræsentetur formaliter, vt quod; omnino tamen sensatio externa, in qua ipsum elucet, & ex qua imago transfunditur interius, repræsentatur, vt quo. Vnde de sua memoria proloquutus, subiungit Augustinus; & noui quid, ex quo sensu corporis impressum sit mihi. Est enim considerare in qualibet sensatione, seu specie expressa, id quod ipsa est secundum se; & id, quod repræsentat in se, vt monet Aristoteles: nam utroque modo cognoscitur ab anima. Et licet quidem secundum id, quod repræsentat in se, non discernatur ab obiecto repræsentato (sicut qui non vidit Coriscum, vt Coriscum,) sed concipiatur prout est vnum, & idem cum illo. Quemadmodum in tabula (inquit Aristoteles) pictum animal, & animal est, & imago. Et idem, & vnum ipsum est ambo, quamuis

10. confess. c. 9.

Cap. 2. de mem.  
& remin.

quamuis esse non idem amborum: secundum tamen id, quod ipsa est in se, confusè, aut materialiter saltem cognoscitur, prout quidam motus ibi factus, seu speculamentum, ait Aristoteles, aut prout phantasma videtur adesse, quo scilicet actualiter obiectum percipitur. Quare non obstat, nullam nos formare imaginem expressam distinctam, ac formaliter representatiuam sensationis externæ, ut imago obiecti est, ad hoc, ut dicamus representari, prout secundum se est, veluti motus quidam ad obiectum, seu materialiter, ut id, quo illud percipitur; Et hoc per eandem speciem impressam, per quam representatur obiectum formaliter, ut quod. Sicut per eandem speciem coloris, qui est in inspicillis, representatur, ut quod, obiectum extrinsecum, cui putatur inesse color, & representantur, ut quo ipsa inspicilla, quibus cernit facultas, ac sentit se adiuuari, absque eo, quod illa represententur, ut viridia, aut rotunda, vel alterius figuræ, & coloris.

Pro altera verò parte negandum est, ad cognitionem obiecti, ut sensati sensatione extrinseca, duplicem speciem impressam requiri, cum vnica tantum sufficiat, ex eo quod nunquam, nisi ut tale possit representari, ut vidimus. Ad quod nec modificatio eiusdem speciei requiritur, nam modificatio supponeret speciem iam productam, & emissam ex se representantem solum obiectum, id quod falsum esset; tum quia species hoc ipso, quod manasset ex sensatione extrinseca, necessario illam aliquo modo simul representaret; tum etiam quia gratis fingeretur, idem semper ab eodem, simul produci, & modificari; cum ad vniuniformem, & vnicum effectum sufficiat vnica productio. Non ergo species impressa ab externa sensatione producta, indiget noua modificatione ad representandum interius cum obiecto eandem sensationem, quam ex se semper representat coniunctam cum illo.

Nec verum est, quod in confirmationem assertur, nempe per delectationem, & dolorem, quando ab intrinseca causa procedunt, nullum nobis proprium obiectum representari, sed

sed tantum ipsas sensationes extrinsecas per proprias species interius sentiri. Quod ut aptius teneatur, fusius aliquantulum erit explicandum. Etenim dolor, & delectatio siue ab intrinseca, siue ab extrinseca causa procedant, nunquam sine interuentu primarum, ac sensibilibus qualitatibus poterunt exerceri. Omnis enim dolor formaliter, & immediatè, vel à sola temperatura disconuenienti, vel etiam à solutione continui tanquam à duobus obiectis pari discrimine, æqualiterq. tactum lædentibus, proficiscitur; ut docet Auicenna cum Galeno, qui etiam dissolutionem unitatis explicat intrinsecus fieri, vel per corruptionem, vel per distensionem, vel per compressionem alicuius partis; non tamen absque aliqua distemperantia qualitatibus, quæ cum repletionem corrumpente, distendente, aut comprimente contristat. Per oppositum verò voluptatē omnem ab optima constitutione naturæ sentientis, & operantis cum sua unitate circa conuenientissimum obiectum formaliter, & immediatè oriri, probatur ex Aristotele, qui postquam dixisset, in vnoquoque sensu, voluptatem esse: addit, constat autem, & maxime, tamen cum sensus est præstantissimus, & circa tale operatur; atque cum talia sunt, ipsum sensibile, & id, quod sentit, erit semper voluptas. Et rursus ibidem præstabilissimam in omni genere, ac iucundissimam vocat operationem eius, quod optimè dispositum est ad id, quod est præstabilissimum eorum, quæ ipsi obijciuntur. At obiecta sensibilia tactus formaliter constituuntur conuenientia, ac præstabilissima per dispositionem aptam primarum, aliarumq. sensibilibus qualitatibus: ergo non datur voluptas, neque ab intrinseca, neque ab extrinseca causa, quæ non sit perceptiua alicuius sibi proportionatæ qualitatis obiecti: Sicut e contra dolor, qui dissolutionem continui, ac intemperantiam qualitatibus non sentiat.

Confirmatur, ac declaratur hoc magis, quia nunquam dolorem, aut voluptatem ab intrinseca causa experimur absque aliquo fluxu humoris interius permeantis, aut vaporis, quibus proximè sensorij temperamentum immutatur: accedentibus

*Auicenna in 2. p.  
doctr. 2. cap. 19.  
& Galen. 4. de  
causis sympto-  
matum. & 2. de  
locis affectis, &  
lib. de elementis  
secundum Hip-  
pocrat. mentem,  
& commentar.  
2. in lib. eiusdem  
de victus ratio-  
ne in morbis ac-  
cutis.  
Lib. 10. ethico-  
rum cap. 4.*

dentibus etiã spirituum incurſionibus calorem excitantibus, & augmentibus in ea parte, vbi dolor, vel delectatio exercetur. Vnde Hippocrates loquendo de humani corporis dolore ab intrinſeca cauſa: dolet, inquit, cum humorum quidpiam, aut minus, aut amplius fuerit, vel ab alijs ſeorſum, conſtiterit, nec omnibus ſit contemperatum. Et paulò inferius addit. Rurſusq. ſi intro euacuetur, ſedemq. mutet, & ab alijs ſecernatur, duplicem dolorem inferet, & vnde egreſſus eſt, & vbi redundat. Igitur, ſiue prauis humoris influxus, vel irruens eius vapor, corporis partem infeſtet, vt plerumque in omni capitis dolore, & vniuerſaliter in Hiſchiade coxendico morbo, Podagra, & Arthritide, ſeu morbo articulari contingere, docet Galenus: ſiue placidus ſanguis, aut ſpermatis motio ex redundantia, neruſculos, arteriasq. circum obſiſtentes demulceat: ſiue ſola qualitatũ temperies voluptatem, aut dolorem efficiat; omnino tamen ſenſibile, ac tangibile aliquid interius fluens, ac vicens, mordensque, vel oblectans non obſcurè ſentitur: diſcerniturq. tum ſanguinis, & humoris motio, aut repletio, tum eius qualitatis ſenſibilis inſenſio, aut remiſſio. Ideoque Ariſtoteles vniuerſaliter loquendo, mutationem, ait, eſſe omnium dulciſſimum in voluptate, ſecundum Poetam. Et Galenus loquendo de dolore colico, inquit: vitreo quodam humore frigidiffimo aliquando ſibi viſum eſſe talem in ſe ipſo ſenſiſſe dolorem, ac ſi terebro perforarentur inteſtina. Atque hinc rurſus experimur calorem, & frigiditatem, dolorem, aut voluptatem augere, vel minuere. Iuxta quæ Galenus, bilioſus, inquit, ſanguis multæ caliditatis ſenſum, ægroto exhibet, & calefacientibus impositis exacerbatur, quemadmodum rurſus à frigidis relaxatur.

Contingit autem ſenſum interiorem magis percipere ſenſationem voluptatis, aut doloris ex prædictis cauſis exortam, quàm obiecta ipſa, quæ dolore, aut voluptate afficiunt. Sicut cum externe magnis caloribus æſtuati, leuem auram tantillum excipiendo, quam maximè recreamur, voluptatemq. percipimus, vix aduertendo contactũ ſpirantis aeris, quo

*Lib. de nat. humana 168, 20.*

*Lib. 2. & 10. de compoſit. medicamentorũ per loca.*

*7. ethic. c. 14.*

*2. de loc. affect. cap. 5.*

*10. de compoſit. medicament. per loca.*

quo corpus refrigeratur . Quod certè prouenit, quia huiusmodi obiecta, vt plurimum non sunt simplices qualitates, quæ seorsum discernantur, vt frigus, vel calor exterius; sed consistunt in quadam proportionē, vel impropotionē temperamenti, quæ obscurius, ac difficilius innotescit cognitionē distincta . Nihilominus tamen, quemadmodum in armonia, licet id, quod præcipuè delectat, non dicantur ipsæ voces, vel soni singuli per se sumpti; sed concentus eorum, qui, quid sit, fortasse vix percipitur ab intellectu; & hoc non tollit plura esse obiecta partialia, concurrunt sub formalitate resultantis concentus, ac verè sentiuntur à nobis: ita quamuis obiectum, cui tribuitur delectare, vel dolore afficere, sit ipsum tangibile conueniens, vel disconueniens tactui; quod vt quid compositum est, difficile discernitur; plures tamen sunt qualitates sensibiles occurrentes ad temperamentum illius, quarum singulæ sentiuntur, sicut voces ab auribus, licet non singulis tribuatur delectare, vel dolore afficere . Quod si per vnicam qualitatem tanta fiat interius exuperantia, vt ea sola, pars aliqua infestetur; distinctè profectò, vt patet, obiectum cum sensatione discernitur . Nam vt docet Aristoteles, simile calidum, & frigidum, aut durum, & molle non sentimus, sed exuperantias . Concluditur ergo, nec obiectum extrinsecum sine sensatione extrinseca, nec ipsam sensationem sine obiecto vnquam potentiæ interiori sensus representari; ac proinde vtrumque ab illo concipi per eandem speciem impressam .

Ceterum inquirendum remanet de actibus appetitus sensitui, quo pacto etiam ipsi represententur . Et sanè proprias species non emittere, ea fortasse ratio suadet, quod cum illos contemplamur, semper ad instar alterius concipimus . Amor enim, vel odium quando in mentem occurrunt, vel representantur sub specie vocis, qua huiusmodi actus proferuntur, vel sub forma literarum, quibus eadem nomina inscribuntur, vel denique sub alia confusa, & quasi incerta specie, vbi mens obtutum figere nequit, quia firmiter tenere non valet cuius rei ab exterioribus sensibus perceptæ amor similis



similis constituatur: qui alias per propriam similitudinem intellectui non innotescit. Cum itaque res cæteræ, vt obiecta sensuum externorum, quæ per proprias species sensui interiori representantur, ab intellectu pariter distinctæ, ac propriè concipiuntur; indicium est, huiusmodi actus, qui secus concipiuntur, non per proprias, sed per alienas species, vel alia ratione representari.

At oppositum asserere, alia nos cogit ratio eaq. manifesta. Quandoquidem discursus factus non militat, nisi aduersus representationem abstractam ac præcisam, vt cum intellectus non considerat propriam inclinationem affectus, & appetitus, quam materialiter sentit, ac percipit interius; sed tantum contemplatur amorem, vt sic; Quod est præcisè sibi representare naturam vniuersalem illius, cuius certè propriam speciem habere non potest, quemadmodum neque obiectorum ad sensus exteriores pertinentium. Nam eodem pacto dum præcisè consideramus candorem in se, quantitatem, vel motum, hæc omnia nobis offeruntur, sicut res spirituales per alienas species ad instar alterius, & in ordine ad aliud, vt verbi gratia quatenus candor est forma candidi; & rursus ipsam formam diuersimodè effingimus ad similitudinem alterius, & sic de cæteris.

Quod si loquamur de cognitione materiali, quam homo habet de proprio amore sensuali, de gaudio, seu fruitione intrinseca, qua delectatur appetitus; de odio, & auersione, quam sustinet; de metu, & animi angustia, quam patitur, & similibus: quis neget horum omnium actuum, ac passionum, proprias nos interius formare imagines, cum in præsentia actu sunt in nobis huiusmodi motiones, rursusque cum eisdem postea recordamur? Non enim alioquin iracundiæ feruorem, concupiscentiæ faces, desiderij inhiatus, ac timoris conuulsiones & anxietates, tanta cum expressione sentiremus, nec dum ea ipsa recoluntur, tam vehementer nos de nouo afficerent, ac si rursus actu appetitus eadem pateretur. Vnde obseruat D. Augustinus, interdum homi-

*Lib. 11. de Tri-  
nit. cap. 4.*

ritos,

ritos, etiam eiusmodi repente voces edidisse, quasi re vera in medijs talibus actionibus, siue passionibus versarentur. Mitto quos in somnis imaginamur motus appetitus, vix à veris discrepantes, qui tamen cum expergiscimur, euanescent. Cum igitur ex his liquidò constet, dari in sensu interiori proprias species expressas prædictorum actuum, seu passionum; apertè etiam constare debet, hoc fieri, median-  
tibus speciebus impressis ab eisdem actibus emissis: quando-  
quidem sine illis elici nequeunt expressæ, præsertim propriæ, repræsentantes obiecta prout sunt, & vt in proposito continere dictum est.

*Singula obiecta per suas species, non autem per alienas  
posse repræsentari. Cap. V.*



VM in superioribus stabilitum sit, multa ab interiori sensu perceptibilia non esse, quia proprias species ad illum emittere non valent, quibus connaturali modo concipiantur; inquirendum hic est; Vtrum alio modo, perceptibilia sint; nempe per species alienas, sicut vniuersalia ab intellectu concipiuntur per species particularium, & spiritualia per species corporalium.

Quod certè affirmare aliquibus non videtur improbabile, loquendo semper de rebus corporeis, & præsertim de ijs, quæ inter se naturalem quandam affinitatem videntur habere. Quid enim obstat (inquiunt) vt simile in simili elucere non possit, vel causa aliqua in effectum, aut effectus in causam, & id genus alia? Confirmant, quia si verè potest sensus hominis interior circa singularia discurre, vt est doctrina D. Thomæ infra suo loco explicanda; verè potest vnum ex alio inferre, ac proinde ex vnius specie aliud quippiam, quod non nouerat agnoscere.

Verè tamen putandum est, vnumquodque à sensu interiori non nisi per propriam speciem posse dignosci. Idque  
bre-

breuissimè, & efficaciter ex eo probatur; nam quod per alienam speciem cognoscitur, concipitur ad instar alterius, & cum ordine ad illud; ita vt simul percipiatur similitudo quædam, vel analogia inter ipsa duo; ac insuper id, quod ita cognoscitur non esse illud, vel omnino tale, quale sese offert per speciem; alioquin non esset vera cognitio, sed deceptio. At hæc omnia fieri absque intellectu non probatur, propter formalem collationem, & reflexionem, quas inuoluunt. Siquidem dari non potest collatio, neque reflexio in sensu, vt cum cōmuni Philosophorum assensu docuit Proclus, & probat S. Thomas, magisque suo loco inferius constabit: Ergo remanet vt præfato modo, obiecta ab interiori sensu nullatenus cognoscantur. Rursus probatur, quia species propria vnius obiecti, per quam deuenimus in cognitionem alterius, non est species impressa, sed imago expressa, quæ & phantasma sensus interioris nuncupatur: hanc enim imaginem intellectus speculatur, vt docet Aristoteles, & ad instar obiecti per ipsam repræsentati, vniuersalia, ac spiritualia concipit, simul intelligendo non esse talia prout sibi repræsentantur. Siquidem intelligit vnum tanquam aliud, & non esse illud. Quapropter si sensus interior simili modo obiecta posset percipere, primo fieret, vt sua propria phantasmata specularetur per alia phantasmata, quod est, actum ipsius per actum cognosci ab eadem potētia in eodem tempore quamdiu durat, quod non tantum esset concedere in sensu veram, ac propriam reflexionem: sed perfectiori modo, quam in intellectu; qui tunc dicitur reflecti, cum elicitam à se prius cognitionem, qua rectè in obiectum tenderat, postea in se ipsum reuertens, illam contemplatur tanquam præteritam per speciē relictam: sensus autem internus contemplaretur cognitionem præsentem, quam eodem tempore elicit. Quod si dicatur, eandem sensationem esse posse cognitionem sui ipsius directè, & absque reflexione; etiam hoc erit falsum, quia nulla intellectio creata primò, ac directè, esse potest sui intellectio, vt docet S. Thomas, ergo multò minus sensatio, quæ materialis est cognitio. Tandem

*In 1. sent. vi.  
distin. 17. q. 1.  
art. 5. ad 3.*

*3. de anima 1. x.  
38. c. 39.*

*2. 2. q. 87 art. 3.*

fieret comparatio inter obiectum propriè repræsentatum, & aliud apprehensum ad modum istius. Quæ omnia, omnem sensus virtutem longè superant, atque excellent.

Ad fundamentum in contrarium respondetur; quidquid in alio elucet propter naturalem affinitatem, aut similitudinem, non aliter cognosci, quam vel per illationem, inferendo vnum ex alio, vt causam ex effectu, aut effectum ex causa; vel per formalem cognitionem relationis, vt similitudinis illorum; quæ omnia pertinent ad intellectum. Quod si materialiter illa concipiantur per modum vnius etiam à sensu interiori; id intelligitur fieri per connexionem specierum, vtrumque simul apprehendendo, ita vt vnum quodque illorum per propriam speciem repræsentetur.

Ad confirmationem, negandum est, id quod de nouo cognoscitur in conclusione, cognosci per eandem speciem antecedentis, (quidquid sit de veritate illius opinionis) Nam vis illationis, quæ de vno nos ducit in cognitionem alterius, non fundatur in vnitare speciei impressæ, aut expressæ repræsentantis vtrumque: sed in connexionem naturali vtriusque obiecti, nempe illius, quod præcognoscebatur, & eius, quod de nouo intellectus consequitur; quoniam verò naturali connexioni obiectorum correspondet

etiam connexio specierum illorum; hinc est, ex vna propositionis obiectiuæ specie, quam tenebamus

in antecedenti, excitari aliam connexam

consequentis, quæ nouam nobis pro-

positionem obiectiuam exhibet,

quod est vnumquodque per

suam speciem repræ-

sentari.

## TRACTATIO QVART A

De Actibus, seu sensationibus sensus  
interioris .

**P**OST obiectum, eiusq. modum, quo constituitur perceptibile, ad actus peruestigandos accedere necesse est, per quos immediatius potentia specificanda, ac essentialiter dignoscenda erit iuxta doctrinam Aristotelis. Actus enim (ait ille) priores sunt potentijs secundum rationem, ac propterea prius dicendum, est (inquit) quid sit sentire, vel intelligere, quàm quid sit sensitivum, aut intellectivum, quorum adhuc prius obiecta oportet considerasse. Peruestigatis igitur obiectis, de natura hic internarum sensationum, seu de huiusmodi actibus in communi, statimq. de multiplicitate, ac varietate illorum sequitur inuestigandum, vt gradatim ac ordinatè incedendo, clarius ac distinctius veritas in omnibus patefcat.

2 de anima text.  
33.

*Quid sit sensatio interna. Cap. I.*

**S**ICVT in rerum natura dari proprias, ac veras sensationes sensus interioris, nemo ferè unquam negavit, planumq. sit omnibus ex his, quæ dicta sunt supra in principio; ita quid sit ipsum sentire interius, seu interna sensatio, formaliter loquendo, non satis apud omnes constat Auctores. Multi enim vniuersaliter de omni sensatione astruunt, illam esse quoddam pati, quod in receptione speciei ab obiecto constituunt, vt infra commodius explicabitur. Alij verò efficientiam quandam sensibus, ac quibuscumque potentijs cognoscitiuis in actu cognitionis tribuentes, vehementer

G diffi-

diffident, inquirendo, num ipsa cognitio formaliter sit actio, seu operatio potentiae cognoscitivae de praedicamento actionis; an verò qualitas resultans ex eadem potentia ad modum actionis, nulla via interiecta, sed per simplicem emanationem; ac tandem sit quidem qualitas representatiua obiecti, expressa tamen per propriam actionem respectu cuius habeat rationem termini: Non enim per alia genera vagando, entitas cognitionis esset indaganda, cum alioquin omnes conueniant in conceptu illo confuso, nimirum quod est illam esse attingentiam quandam, & representatione obiecti.

Omissis autem ijs, quae vel ad quaestionem valde genericam spectare videntur, vel ad doctrinae complementum, apud plures Recentiores ex professo reperiuntur extensa; Stabiliscendum primò est, in actu sensationis internae necessario interuenire qualitatem quandam de genere dispositionis, quae sit formalis imago, ac representatio obiecti. Hæc doctrina est D. Thomae docentis in actibus sensuum interno, rum dari aliquid proportionale verbo mentis; quod est in intellectu species expressa. Idemq. in terminis asserunt ferè omnes Thomistae, & consequenter à paritate id ipsum asserere debet quisquis productionem verbi in intellectione concedit cum Augustino, Anselmo, ac cæteris communiter Doctorebus, ac sanctis Patribus. Vnde est illud Anselmi. Quamcumque rem mens, siue per corporis imaginationem, siue per rationem cupit veraciter cogitare, eius utique similitudinem quantum valet in sua ipsa cogitatione, conatur exprimere, quod quanto verius facit, tantò rem ipsam verius cogitat. Quod tanè Augustinus exemplificare non destitit; ait enim inter alia: Alexandriam cum eloqui volo, quam nunquam vidi, præsto est apud me phantasma eius; Cum enim à multis audissem, & credidissem magnam esse illam Urbem, sicut mihi narrari potuit, finxi animo meo imaginem eius, quam potui, & hoc est apud me verbum eius. Quam tamen imaginem, si ex animo meo præferre possem ad oculos hominum, qui Alexandriam nouerunt, profectò, aut omnes dicerent, non est ipsa, aut si dicerent, ipsa est, multum mirarer &c.

Hæc

1. p. q. 85. art. 2.  
ad 3. Et Quod-  
libet. 3. artic. 9.  
ad 2.

Capreo. in 1. disp.  
27. q. 2.  
Hervæ. tract. de  
verbo q. 2. art.  
1. & 2.

Caiet. 1. p. q. 27.  
art. 1. ad 4. du-  
bium.

Ferraz. 1. contra  
gen. cap. 13. &  
4. c. 13.

In Monologio  
exp. 31.  
2. de Trinit. c. 5.

Hæc ille, qui rursus expresse docet in actu recordationis, & phantasiæ, cum animus cogitat speciem visî corporis, duas ibi similitudines interuenire, nempe similitudinem corporis, quam memoria tenet, & quæ ex ea inde exprimitur, vt formetur acies recordantis.

Ratione verò probatur; nam per sensationem internam, sicut per quamlibet cognitionem, fit assimilatio quædam, cognitoris cum cognito, vt communis est Philosophorum, consensus cum Aristotele, qui idcirco, inquit, animam entia quodammodo esse omnia; aut enim sunt sensibilia, ea quæ sunt, aut intelligibilia: est autem scientia quidem (scilicet in actu) scibilia quodammodo, sensus autem sensibilia. Et supra dixerat, potentiam intellectiuam esse quodammodo intelligibilia, sed non antequam intelligat, sicut tabula, in qua nihil adhuc actu est depictum. Quod etiam spectat illud Augustini: tunc fore perfectam Dei similitudinem in mente hominis, cum fuerit perfecta Dei cognitio, & clara visio, iuxta illud: Cum apparuerit, similes ei erimus, quia videbimus eum sicuti est. Quia videmus nunc per speculum in ænigmate, aiebat Paulus: tunc autem facie ad faciem. Et hic reuelata facie gloriam Dei speculantes, in eandem imaginem transformamur, ait idem Apostolus, quem locum ibid. citat Augustinus. At huiusmodi assimilatio cognitoris cum cognito, qua dicuntur fieri vnum in ipso actu cognoscendi, fundari non potest nisi in forma aliqua, seu imagine expressa, qua actu interius referatur, seu repræsentetur obiectum tanquam in speculo, vt ipsemet Aristoteles ibidem subnectit, modum explicans, quo scientia dicatur esse scibilia, sensus autem sensibilia. (Necesse enim est (inquit) aut ipsas res, aut formas esse: ipsas autem non; non enim lapis in anima est, sed forma.) Ergo in actu sensationis internæ, sicut in cæteris cognitionibus, verè datur in cognoscente talis imago, qua veluti indutus cognitor, assimilatur obiecto, & hæc erit formalis repræsentatio illius.

Quod autem hæc forma, seu species expressa, sit in ge-

12. de Trinit.  
cap. 3.

3. de anima tex.  
37.

3. de anima  
tex. 15.

14. de Trinit.  
cap. 17.  
Prima Iohn. 3.

1. Cor. 13.

2. Corin. 3.

3. de anima  
tex. 35.



nerē dispositionis de prædicamento qualitatis ; patet apertè ex communi Doctorum sententia , quia bene , vel male subiectum afficit , ac disponit ad operandum . Nam hominis opera nulla sunt , ait Augustinus , quæ non prius dicantur in corde . Vnde scriptum est , inquit . Initium omnis operis verbum . Quæ licet de verbo mentis principaliter intelligantur ; eandem tamen rationem habent in eo , quod verbo responder in sensu interiori , ac sine quo verbum mentis non exprimitur , quia intellectus non nisi species expressas sensus interioris , seu phantasmata speculatur . Deinde , quia talis forma , quæ verbo responder , adeo est facile mobilis à subiecto , vt statim genita euanescat , vt notat idem Augustinus his verbis : Cum autem cogitantis acies auersa inde fuerit , atque id , quod in memoria cernebatur , destiterit intueri , nihil formæ , quæ impressa erat , in eadem acie remanebit . Igitur huiusmodi forma verè , ac propriè est dispositio de prædicamento qualitatis .

Inquirendum verò sequitur vtrum sensatio , formaliter constituatur in huiusmodi qualitate expressa ; an verò in actione aliqua , per quam ipsa producat . Quod quidem magnopere agitur apud Scriptotes , tã Philosophos , quam Theologos , agendo de intellectione . Nam quod nonnulli contendebant , sensationem quamlibet , omnemq. cognitionem , formaliter esse veram , ac propriam actionem , per quam nihil producat ; & hoc esse de ratione cuiuslibet actionis immanentis ; iam communiter reiectum est , tum quia constat in cognitione produci speciem expressam , quam modo explicauimus ; tum etiam , quia repugnat dari actionem in rerum natura sine termino , ad quem omnis actio essentialiter ordinatur . Tantum ergo alij probabiliter asserunt , cognitionem formaliter constitui quidem in actione , eam tamen esse productionem Verbi , seu explicatæ qualitatis , quæ dicitur species expressa , & ita sentire videtur S. Thomas pluribus in locis , quæ sequuntur nonnulli Thomistæ . Idq. sumunt ex cōmuni modo loquendi , & conceptu omnium Philosophorum , qui cognitionē quālibet vocant actionem

2<sup>o</sup>. de Trinit.  
cap. 12.  
Ecc. 1. 33.

Lib. 1. de Trin.  
cap. 3.

S. Thom. q. 4. de  
veritate art. 2.  
et 1. p. q. 34. ar. 1  
Bagn. 1. p. q. 27.  
ar. 1. dub. 2. et 3.

nem

nem immanentem, eamq. condistinguunt ab actione transeunte in prædicamento actionis. Deinde confirmant ex Aristotele, qui intellectionem sæpe vocat actionem; & rursus constituit felicitatem in contemplatione, quæ est intellectio, cum prius dixisset felicitatem non esse qualitatem. Addunt aliqui Theologi, quod si cognoscere, aut appetere formaliter non esset ipsa productio qualitatis, sed qualitas producta; posset Deus se solo producere illam qualitatem, in lapide; nam quidquid efficienter producit cum causa secunda, se solo potest producere, ac proinde posset constituere lapidem formaliter intelligentem, & appetentem, quod est absurdum, & ab omnibus rejicitur.

Multo tamen probabilius censendum est, sensationem, internam, omnemq. aliam cognitionem formaliter constitui in ipsamet qualitate producta, quæ dicitur species expressa: quidquid sit de distinctione productionis ab ipsa. Ita sentit Scotus, & eius sectatores communiter, diciturq. communis sententia Thomistarum. Et probari potest ex Aristotele lib. 3. de anima; nam text. 18. docens quomodo intellectus fiat omnia in actu, quo ipsa intelligit, nempe per assimilationem, ut supra explicauimus; tex. 20. addit idem esse scientiam, secundum actum cum re ipsa, quam percipit. Cum igitur identitas, de qua loquitur, sit penes similitudinem cum obiecto; similitudo verò non in actione productiua, sed in ipso verbo producto inueniatur; sequitur Aristotelem per scientiam secundum actum, quæ est intellectio, intelligere ipsum verbum mentis scientificum, quod idem sit cum scibili per similitudinem. Deinde, nam textu 28. docet sentire, & intelligere non esse propriè motus, ea scilicet ratione, quia ipse motum definierat, actum imperfecti, seu entis in potentia, prout in potentia: sed potius esse actus entis perfecti: ac si diceret, formaliter non consistere in fieri, sed esse formas in facto esse, nempe qualitates, quæ dicuntur species expressæ; per quas tamen subiectum dicitur moueri lato modo, & alia specie motus, quemadmodum per quamlibet formam, quam de nouo acquirit, quia per illam aliter se

*Lib. 3. de anima  
cap. 4. c. 12.  
Met. tex. 19.  
10. ethic. c. 7.  
10. eth. c. 5.*

*Scot. in 2. dist. 3.  
q. 6. Et quodlib.  
13. art. 6.  
Gaudau, quodlib.  
lib. 1. q. 3.  
Ochā q. 2. Genuas.  
de Nettijs, agens de cōcursu  
potentiæ ad notitiam.  
Gabr. in 1. dist. 3.  
q. 2.  
Duran. etiam in 1. distin. 27.  
q. 2.  
Capreol. in 2. dist. 1. q. 2. art. 3.  
ad 12.  
Ferrar. 2. contra gent. c. 9.  
Hervæ. quodlib. 2. q. 8.  
Cicci. 1. p. q. 79. art. 2.  
Sancin. 9. met. q. 21.  
Iauell. ibid. q. 7.  
Rada cōtron. 7.*

*S. Tho. 1. 2. q. 18. art. 1.* habet. Et in hunc sensum S. Thomas interpretatur prædictum locum Aristotelis. Confirmatur, nam tex. 38. ait, sensum secundum actum, esse formam sensibilem, secundum quam formam dixerat, cognoscens fieri vnum cum cognito: Itaque sentit actum cognitionis esse talem formam, seu qualitatem expressam, in qua cognitor conuenit cum obiecto per similitudinem. Item 2. de anima tex. 57. sic ait, speculari enim fit habens scientiam, quod quidem, aut non est alterari (in ipsum enim additio est, & in actum) aut alterum genus alterationis est. Si ergo scientia apud Aristotelem esset actio, per quam fit talis additio, nempe qualitatis expressæ, diceretur vera, & propria alteratio. Rursus tex. 59. docet, sensitiuum habere sicut scientiam ipsum sentire, quod secundum actum, est similiter dici; atque speculari. Si igitur scientia secundum actum, speculari, ac sentire apud Aristotelem non essent qualitates, sed actiones, non dicerentur haberi, sed esse ipsum fieri formarum, quæ postea habentur tanquam similitudines expressæ obiectorum, nec scientia diceretur esse quodammodo scibilia tex. 37. propter similitudinem. Nam forma seu verbum, & non actio, per quam producit, assimilatur scibili. Quare tex. 62. concludit sensitiuum in potentia esse tale, quale iam actu est obiectum sensibile; quando verò passum est (per receptionem scilicet speciei, aut verbi) tunc assimilatum esse, & esse quale illud, nempe obiectum sensibile. Cumq. Aristoteles in Cathegoria non nisi per formam, qua res dicuntur quales, definiat qualitatem, apertè sequitur imaginem illam, seu formam productam, per quam sensitiuum in actu assimilatur scibili, & in qua consistit ipsum sentire, in eius doctrina, non esse nisi qualitatem.

Tandem præclarū testimonium Aristotelis habetur lib. 3. de anima tex. 39. vbi Philosophus postquam dixisset: qui non sentit aliquid, nihil utique addiscent, nec intelliget; & cum speculetur, necesse est simul phantasma aliquod speculari, statim addit, phantasmata autem velut sensibilia sunt. Et vt paulò inferius patet ex contextu, sensuq. verborum:

per phantasmata intelligit sensationes phantastici, seu sensus interioris. Quærit enim in fine eiusdem textus, vtrum phantasmata sint primæ intellectiões, vel in quo differant. Cum itaque conditiones, quæ de phantasmatibus ab illo explicantur, non actionibus, sed speciebus expressis tantummodo possint conuenire, vt hoc, quod est ipsis sensibilibus assimiliari, seu esse tanquam sensibilia, planè sequitur phantasmata, seu sensationes internas, non in actionibus, sed in speciebus ipsis expressis consistere in doctrina Aristotelis.

Ex Patribus autem disertissimè hanc opinionem docuit Anselmus inquit: Negari nulla ratione potest, cum mens sua cogitatione nasci, imo ipsam cogitationem sui, esse imaginem ad sui similitudinem tanquam ex impressione formatam. Deinde Augustinus passim notitiam veracem in interiori verbo constituit: Et rursus, vox ( inquit ) & sonus, index est cogitationis, verbum vero ipsa cogitatio. Quod tandem clarius alibi confirmat exemplo adducto de imaginatione Carthagini, inquit: Ipsa enim phantasia eius in memoria mea, verbum eius non sonus iste trisyllabus, cum Carthago nominatur; vel etiam cum tacitè nomen ipsum, per spatia temporum cogitatur, sed illud, quod in animo meo cerno, cum hoc trisyllabum voce profero, vel antequam proferam.

*In Monolog. c. 31.*

*9. de Trinit. c. 7.*

*Serm. de nativitate. Ioan. Baptistæ.*

*Lib. 8. de Trinit. cap. 6.*

Ratione vero probatur primò, cognitionem formaliter constitui non posse in actione productiva verbi, seu speciei expressæ ( si qua talis actio distincta daretur ) Nam obiectum non percipitur antequam repræsentetur; repræsentatur autem per verbum, seu imaginem expressam: ergo non percipitur per expressionem ipsam, seu productionem verbi, quæ est ante Verbum. Maior est per se nota, quia non antea, sed tunc verè dicimur aliquid percipere, & imaginari, cum illud intus quasi ante oculos habemus. Minor verò probatur; nam idipsum est, per quod obiectum repræsentatur, & per quod ultimò, & formaliter potentia vnitur cum illo, eique assimilatur, quodque immediatam, & essentialem

dicat habitudinem ad ipsum representatum tanquam formalis attingentia illius; sed hoc aliud esse non potest, nisi imago ipsa expressiva obiecti, ut clarius infra patebit: Ergo in illo priori saltem naturæ, quando imago est in fieri, & adhuc non expressa, nec representari potest, nec percipi obiectum. Confirmatur, & declaratur magis: Nam sicut Cæsar, verbi gratia, non representatur, nec percipitur per actum, quo statuarius saxum cadendo, statuam sculpsit; sed per ipsam sculptam iam statuam, in qua eius elucet similitudo: Ita quodlibet obiectum non representatur sensui interiori, nec percipitur per productionem imaginis, antequam intelligatur expressa imago, sed per illam in facto esse, qua postea, veluti indutus sensus interior adhaeret, & assimilatur obiecto, in quod fertur. Quamvis exemplum non conveniat in eo, quod statua non nisi, ut cognita ducat in cognitionem, Cæsaris; imago verò intentionalis, etiam si non cognoscatur in se, tamen sit ratio cognoscendi obiectum.

Deinde probatur, cognitionem internam formaliter consistere in ipso Verbo interiori. Nam loquutio externa signum est loquutionis, seu cognitionis internæ, iuxta illud Augustini. Verbum quod foris sonat, signum est verbi; quod intus lucet, cui magis verbi competit nomen. Unde apud Græcos λόγος, sermonem, & rationem significat. At sonus verborum, seu loquutio externa formaliter non significat actionem, & productionem, qua generatur verbum interius: sed potius ipsam verbum, aut plura verba interius prolata: Ergo loquutio, seu cognitio interna, non est actio productiva verbi, sed ipsum verbum, quod interius proferitur. Corroboratur, nam præsertim ex doctrina Aristotelis loquutiones, seu cognitiones internæ sunt similitudines rerum cognitarum, eodem pacto, quo ea, quæ sunt in voce, notæ dicuntur ipsarum cognitionum, seu passionum, quæ sunt in animo. Unde quia res à nobis conceptas in mediū afferre non possumus, substituuntur verba loco conceptuum. Cum igitur esse similitudines rerum cognitarum, ac foris notari per ea, quæ sunt in voce; non actionibus, aut productionibus

ver-

15. de Trinit.  
c. 11.

1. Periberm, c. 1.

verborum, sed ipsis dumtaxat competat verbis internis; sequitur nec tales actiones, sed ipsa verba interiorius prolata, constituere loquutiones, seu cognitiones internas.

Dicet tamen aliquis, loquutionem in genere sumi posse, vel pro collectione plurium syllabarum, aut verborum sibi succedentium, ex quibus oratio, & sermo constituitur: vel pro ipso actu dicendi, & verba proferendi. Vnde qui loquitur, dicitur verba facere. Ac in prima quidem acceptione, loquutionem internam esse ipsa verba interiorius prolata; In secunda verò, esse ipsam productionem verborum.

Sed si attentius res consideretur, quamvis per intellectum prima facie concipiatur tanquam quid aliud prolatio verbi, seu actus dicendi verbum, ab ipso verbo, quod dicitur, & profertur: Nihilominus à parte rei, ea non reperiuntur distincta, neque in loquutione interna, neque in externa; Nam agendo de loquutione externa, sicut ipsum dicere, ac verba facere, ita verba ipsa prolata necessariò semper important significationem. Non enim vox, neque omnis emissio vocis, est dicere, aut verbum; neque motus labiorum, & linguæ; neque etiam si adsit in voce dearticulatio, ut in Plutacis, sed amplius requiritur significatio interioris conceptus. Nam hoc vno præstamus, vel maximè feris (ait Cicero) quod colloquimur inter nos, & exprimere dicendo sensa possumus. At huiusmodi expressio, & significatio non nisi in ipsa successiva, ac veluti artificiosa prolatione vocis consistit, dum una vox post aliam quasi artificiosè emittitur diuersimodè ad placitum; sicut etiam nutus, qui consistit in fieri, ac successivè, & ad placitum significat. Siquidem, eodem pacto illa auribus, iste oculis exhibetur ad perferendam his, quibus loquimur, notitiam rei significatæ: Et ut per signa corporalia, etiam corporis sensibus, verbum, quod mente gerimus innotescat: ait Augustinus; Ergo verbum, non est aliquid ab ipsa prolatione vocis, seu dictione distinctum, quamvis concipiatur, ut terminus illius. Nec obstat phrasis illa Latina, qua dicimur verba facere, aut proferre; nam etiam est alia, qua idem significamus per hoc, quod est verbo

*2. de oratore.*

*15. de Trinit.  
6. 10.*

verbo dicere, aut exprimere, seu verbis differere, vt videre est apud Ciceronem epist. 186. idemq. est sententijs dicere, vt ad Atticum lib. 4. & iuxta illud Centurionis Matth. 8. Dic verbo, & sanabitur puer &c. quamuis ibi verbum inuoluit etiam voluntatem. In quibus loquutionibus verbum sumi videtur tanquam instrumentum dictionis, & non tanquam terminus productus per illam. Quamuis igitur modò concipiatur vt terminus, modò verò, vt instrumentum dictionis, neutrum tamen est verum, vt ex dictis iam patet, cum sit ipsa vocis dearticulata ac significatiua prolatio, quæ dicitur etiam Dictio.

Quod si loquamur de ipso dicere interiori, multò minus erit à verbo distinctum; nam dicere, etiam in opinione illorum, qui arbitrantur esse actionem, apprehenditur tanquam motus significatiuus, & re vera apud omnes communiter idem est interius, seu mente dicere, quod cogitare, vel cogitatio. Cogitatio autem inuoluit significationem rei conceptæ, quæ cogitatur. Vnde est illud Sapientiæ: Dixerunt apud se cogitantes non rectè. Vbi Augustinus: Exposuit (inquit) quid sit, dixerunt apud se, cum addidit, cogitantes, & huic simile est (subiungit) in Euangelio Matthæi: Quod illi Scribæ cum audissent à Domino dictum; Remittuntur tibi peccata tua, dixerunt intra se: hic blasphematur. Dicere enim illorum erat cogitare, ac significare blasphemiam, quam falso ei tribuebant. Quare sequitur, & cum vidisset Iesus cogitationes eorum, dixit: Vt quid cogitatis mala in cordibus vestris; Illud ergo dicere, erat cogitare, ac significare hæc mala. Habemus itaque idem esse dicere, & cogitare, & vtrumque significationem includere. At significatio non competit actioni, qua producit species illa expressa, seu similitudo, sed potius ipsi similitudini, vt probatum est: ergo dicere, cogitare mente, seu internè loqui, & concipere, idem sunt à parte rei cum ipsis conceptibus, ac speciebus expressis, seu verbis prolati, prout concipiuntur in fieri ad modum verarum, ac realium actionum.

Denique ratio à priori totius conclusionis vnica, & breuissima

*Sapient. c. 2.*

*15. de Trinit.  
cap. 10.*

*Matth. c. 9.*



uissima est. Nam per hoc animal cognoscit, ac sentit, per quod formaliter obiectum attingit; attingit autem illud formaliter per speciem expressam: Ergo per eandem cognoscit, ac sentit. Minor probatur primò, nam species expressa hoc ipso, quod imago est, necessariò inuoluit representationem formalem prototypi; quòd est obiectum, & ad quod dicit essentialem respectum; sed idem est à parte rei formaliter sibi representare obiectum, ac illud secundum cognitionem, attingere: ergo species expressa est id, per quod obiectum representatur, & formaliter attingitur. Confirmatur, quia nisi per imaginem expressam, formaliter animal attingeret, ac sibi representaret obiectum, nullus esset effectus formalis imaginis, ut imago est, nec per illam potentia vniretur, & assimilaretur obiecto. Vnde frustra diceretur imago, & absque fundamento, quandoquidem ut talis, nec cognosceretur in se, nec esset ratio cognoscendi aliud.

Ad primum verò fundamentum asserentium, cognitionem esse actionem productiuam imaginis expressæ, respondetur cum Scoto, cognitiones omnes ab Aristotele, ac reliquis auctoribus sæpe vocari actiones immanentes, non quia veræ actiones sint, sed propter similitudinem, quam habent cum actionibus propriè dictis. Quæ similitudo suo loco infra explicabitur.

In 1. dist. 3. q. 6.

Cap. 3. huius  
Tract.

Ad confirmationem respondendum est, Aristotelem dixisse, neque felicitàtem, neque virtutis operationes esse qualitates eo modo, quo voluptas non est ex qualitatibus. Quod sanè in eius doctrina verificari non potest, nisi de qualitatibus permanentibus, quæ sunt difficile mobiles à subiecto, ac stabile, ut perfectum semper quodam esse includunt. Respondebat enim Philosophis, qui dicebant, voluptatem non esse bonam, quia indefinita est suscipiens magis, & minus, & in motione imperfecta est. Bonum verò definitum esse, ac semper eodem modo perfectum. Ait autem idem in iustitia, & in reliquis virtutibus euenire, ut & iustè, & temperanter, magis, & minus agamus: & nihilominus hæ bonæ sunt. Imò subiungit, etiam sanitas, quæ definita est, admittit, ut esse

20. ethic. c. 3.

magis

10. ethic. 4.

magis, ac minus possit. Postea verò concludit voluptatem esse aliquid, quod afficit sensum in operationem tamquam finis super exorients, perinde atque venustas ijs, qui in flore ætatis constituti sunt, quousq; sensibile vel intelligibile, & id quod iudicat, vel contemplatur, tale fuerit, quale esse debet. Quæ omnia non nisi de qualitate possunt verificari. Rursus, quia ibidem negat voluptatem esse generationem aliquam, aut motionem, aut aliquid, quod non sit totum simul: sed ait esse sensum cum bene affectus est erga optimum eorum, quæ illi obijciuntur, quippe cum (inquit) & visiones, & auditiones esse iucundas dicamus.

Ex his igitur rectè philosophando, quæ ab ipsomet dicta notauimus, dicendum est, Aristotelem non negasse fœlicitatem esse simpliciter qualitatem, sed talem dumtaxat, qualem negat esse voluptatem, vt explicuimus; Nam re vera, neque fœlicitas, neque voluptas ex se est qualitas permanens, aut mera qualitas, vt ita dicamus, sine virtuali quadam ratione operationis, quatenus vtraque sic afficiat subiectum, vt faciat illud tendere in obiectum, & actu operans denominari. Quod si Aristoteles fœlicitatem in contemplatione constituat, & contemplationem sæpe numero intellectus operationem appellet, intelligendum est iuxta sensum explicatum, quo nos etiam frequenter loquuti sumus, & vt distinguatur opus virtutis, siue intellectus ab habitu illius, vt ex doctrina eiusdem Philosophi inferius tradita, licet colligere.

Cap. 6. eiusdem  
lib. 10. ethic.

Ad argumentum verò illorum Theologorum respondetur, negando sequelam, nam adhuc si cognitio constituitur in qualitate, eodem modo remanet impossibile, vt lapis etiam supernaturaliter possit

illam participare, vt infra  
explicabitur.

Cap. 3. huius  
TRACTATUS.

*In quo nam propriè consistat formalis representatio obiecti, & ratio imaginis in sensatione interna. Cap. II.*



X his, qui speciem expressam admittunt, nemo vnquam negavit, illam esse qualitatem representatiuam obiecti; non parum tamen diffident in explicanda ipsa representatione in quo præcisè consistat, & quomodo fiat. Etenim vitaliter sibi representare obiectum, ex vno capite, idem videtur, quod illud per cognitionem attingere; ex alio verò capite representatio quidem imagini, non autem attingentia videtur competere. Quamobrem, qui sensationem constituunt in actione productiua imaginis; vel asserunt representationem distinguere ab attingentia, ac representationem propriè fieri per speciem expressam tanquam per imaginem depictam ex se referentem obiectum: attingentiam verò, seu cognitionem formalem in ipsa expressione imaginis, & actione consistere: vel vtrumque simul comprehendendo, inquirunt, sicut passum attingitur ab agente, verbi gratia, per calefactionem, & calorem productum in illosita obiectum attingi secundum cognitionem, ac representari per actum cognitionis simul, & imaginem productam per illum tanquam per terminum actionis.

At primus dicendi modus non potest subsistere, quia vt supra ostendimus, si prius attingeretur obiectum per cognitionem, quàm representaretur, superuacanea omnino esset representatio, quæ tantum ponitur, vt obiectum cognoscatur.

Secundus verò, maximam improprietatem, ac disparitatem inuoluit, cum supponat representationem formalem obiecti consistere etiam in actione, qua eius imago producit, quia vel eadem representatio constitueretur ex rebus diuersorum prædicamentorum, nempe ex actione, & qualitate,

tate; vel esset duplex representatio formalis, vna in fieri, altera verò in facto esse, quod & falsum est, & exemplo adducto omnino repugnat; nam passum, proximè & realiter attingitur per calorem productum in genere causæ formalis, & per calefactionem in genere causæ efficientis. Obiectum autem cognitum, formaliter quidem exprimitur, seu representatur per imaginem eius productam; per actionem, verò productiuam imaginis, non nisi efficienter ac remotè satis, & improprie deberet representari.

Deinde retorqueri posset idem exemplum in contrarium. Nam sicut constituere calidum formaliter, non pendet nisi ab ipsa qualitate caloris; licet enim efficienter, ac remotè dicatur etiam pendere ab actione calefactiua, qua calor fuit productus, vel conseruatur; formaliter tamen, & proximè non pendet nisi à calore; ita constituere obiectum representatum, seu in conspectu interiori cognoscentis positum, tantum pendere potest formaliter ab ipsa qualitate imaginis productæ, quamuis imago ipsa per actionem distinctam produceretur, sicut calor per calefactionem.

*Capr. in 1. dist.  
27. q. 2.  
Ferrat. 1. cont.  
gen. c. 53. & lib.  
4. cap. 13.  
Chiet. 1. par. q.  
27. art. 1.  
Torres ibid. di-  
sp. 1. 3. & 5.*

Rursus autem ex his, qui supponunt, huiusmodi representationem formaliter tantum fieri per imaginem productam; Alij existimant prius imaginem terminare cognitionem per se immediatè, ac deinde tanquam quid cognitum sub ratione imaginis, vltèrius nos ducere in cognitionem obiecti principalis, quemadmodum pictura, vel statua. Alij verò arbitrantur imaginem ipsam non cognosci in se, perficere tamen representationem obiecti tanquam terminum cognitionis, seu esse id, per quod obiectum cognitum, cum sit absens, videtur esse præsens, & in conspectu ponitur, quod est representari.

Et quidem, imaginem ipsam in se cognosci, & vt cognitam vltèrius nobis representare obiectum, ea potissimum ratio suadet, quia realis cognitio, realem ac præsentem terminum debet habere, quem inspiciat: sed obiectum principale sæpe est fictitium, & chimera, sapissimè verò, & vt plurimum abest, ergo non semper rationem termini posset habere,

habere, atque adeo nec cum fictitium est, vel absens posset cognosci, quod est contra experientiam. Quare dicendum videtur, interiorem cognitionem proximè, & réaliter terminari in præsentem imaginem, quæ postea ut cognita nobis repræsentet obiectum, licet à parte rei, per eundem actum cognoscatur imago, & id cuius est imago, iuxta doctrinam Aristotelis cap. 2. de mem. & reminisc.

Accedit modus loquendi omnium Philosophorum, qui species expressas cõmuni consensu vocant imagines, id quod valde improprie diceretur, nisi ad modum imaginis nos ducerent in cognitionem obiecti, nempe tanquam prius cognitæ. Alioquin si sufficeret aliquo modo esse rationem cognoscendi, omnia instrumenta, & media, quæ deferuiunt ad cognitionem, dicerentur imagines.

Dicendum tamen primò est, speciem expressam, in qua sensationem constituimus, non repræsentare obiectum secundum rationem imaginis, quæ prius cognoscatur, neque illam, ut imago est, à nobis vnquam sentiri. Id, quod, si non esset aliud argumentum, sola experientiæ simplici observatione sufficientissimè probaretur: quandoquidem dum circa aliquid imaginatione versamur; nullam intus imaginem inuenimur, ad cuius similitudinem postea obiectum concipiamus, sed immediatè, ac directè cognitio tantum tendit in id quod principaliter nobis repræsentatur, illudque simpliciter percipimus, prout est, vel putamus esse, aut fore cum suis circumstantiis à parte rei, ac si oculis idem pariter spectaremus, ut sibi contingere aiebat Augustinus, dum intus in memoria spatiis tam ingentibus montes, & fluctus, & flumina, & sydera, & Oceanum, quod credebat, quasi foris videret.

*Lib. 10. confess.  
cap. 8.*

Quod si vtrumque simul, imago scilicet, & obiectum principale, repræsentaretur, licet per eundem actum formalem, omnino tamen duæ rationes obiectivæ deberent actum ipsum terminare; nempe speciei, ut imago est, & obiecti principalis in se, ac proinde satis discernenter ab inuicem, quia siue per eundem, siue per diuersum actum, nunquam latere potest

potest cognitorem id, quod sub peculiari ratione cognoscit. Hinc autem est, vt cum nobis aliquid magnum, prout est in se, vt verbi gratia, mare, terrarum orbis, nubila, cœlum, & simile quidpiam vastum, & grande per imaginem paruæ icuncula, aut picturæ repræsentatur, simul nos intueamur paruum, & apprehendamus magnum ex cognitione præhabita. At in proposito intus nos non percipimus paruum, vt paruum, sed vnico, ac simplici intuitu potentia fertur in magnum. Ergo nullo modo dicendum est, imaginem præcognosci.

Confirmatur, quia tota ratio repræsentationis obiecti, quæ reperitur in imagine prius cognita, fundatur in similitudine aliqua, quam ipsa includit respectu illius secundum nonnulla prædicata, in quibus conueniunt, vt in figura, colore, aut magnitudine, & alijs, quæ de vtroque cognoscuntur tanquam communia. Sed neque colorem, neque magnitudinem, neque figuram, neque locum, neque aliud quidpiam imaginis interioris cognoscimus; ergo non adest fundamentum, vt talis imago esse possit ratio aliud cognoscendi, vt prius cognita.

Deinde probatur, quia si imago ipsa aliquo modo in repræsentatione obiecti præcognosceretur, vel esset duplex, ac distinctus conceptus obiectiuus imaginis, & obiecti; vel esset vnus compositus ex imagine, & obiecto. At omnes Philosophi conueniunt in hoc, quod est asserere, conceptum obiectiuum non esse aliud, quàm ipsum obiectum cognitum, & repræsentatum per conceptum formalem; imaginem verò expressam, esse potius conceptum formalem, seu verbum, & vltima forma mentis, vel intrinsecus, & formalis terminus conceptionis; ergo dicendum est, imaginem expressam in repræsentatione obiecti, nullam habere rationem conceptus obiectiuus, ac proinde, vt imaginem ab anima non præcognosci.

Rursus probatur, nam Deus quamuis eminenter contineat in se perfectionem omnium creaturarum, eas tamen non cognoscit in se ipso tanquam in imagine, sed immediatè fertur

fertur in illas tanquam in conceptum obiectiuum. Vnde Scotus, Ocham, Durand. & alij dicunt, ideas in mente diuina esse ipsasmet creaturas obiectiuè in ea existentes, & ceteri Theologi, qui dicunt ipsam essentiam diuinam esse ideam omnium creaturarum, explicant eam, non prout ducit in cognitionem illarum, sed prout imitabilis est ab illis tanquam exemplar; vt videre est apud D. Thomam; multò ergo minus creaturæ percipiunt obiecta in suis intrinsecis imaginibus tanquam prius cognitis.

Uterius id ipsum probatur, quia si ad repræsentationem obiecti supponeretur eius imago, vt cognita; prius intelligeretur producta imago, quam cognitio, & contemplatio illius, quæ in illam, & in obiectum tenderet, ac prius verbum mentis, quàm intellectio. Hoc autem falsum est in communi omnium opinione: nam vel cognitio constituitur in actione immanente nullius termini productiua absque vlla imagine expressa, & sic malè supponeretur imago producta; Vel cognitio constituitur in actione productiua verbi, seu imaginis; & sic falsò supponeretur imago producta ante productionem: Vel cognitio constituitur in ipsa imagine producta: & sic falsò desideraretur cognitio postquam illa iam intelligeretur producta, & constituta in ipsa imagine; Vel tandem cognitio constituitur in productione imaginis simul, & in imagine producta: & sic pariter falsum esset, his positis adhuc non intelligi cognitionem.

Item si imago præsupponeretur cognita in repræsentatione obiecti; vel cognitio imaginis à parte rei diuersa esset à cognitione, & repræsentatione obiecti; vel esset eadem. Si esset diuersa, vtrique differret non tantum numero, sed etiam specie; nam altera esset cognitio intuitiua, altera, verò abstractiua; & vna saltem esse posset sine altera, sicut res omnes realiter, & essentialiter diuersæ; quod in proposito repugnat; quia de ratione imaginis esset referre obiectum, & de ratione repræsentationis obiecti, actu manare à cognitione imaginis. Si autem esset eadem, terminari deberet, si non ab vno, saltem per modum vnus; sed non

Scot. in 1. distin.  
33. q. 1. §. ad  
iñ.  
Ocham in 1. dist.  
33. q. 5. c. 1. ab.  
q. 5. art. 2. n. 1. 2.  
Durand. in 1.  
dist. 36. q. 3.  
1. par. q. 13. art.  
2. c. 1. ab. ibid.



potest cognitio rerum, tam distantium terminari per modum vnus; alio enim modo terminat cognitionem qualitas intentionalis absque magnitudine, figura, colore, odore, & sapore; quam res quælibet sensibilis, cum qua nullam habet conuenientiam in ijs, quæ sub sensum cadunt; sed tantum in prædicatis abstractis, quæ non nisi ab intellectu percipiuntur: ergo non potest vnica cognitione simul cognosci obiectum sensibile, & imago intentionalis illius.

Tandem illa simplex, vel duplex cognitio, quæ supponeret ipsam imaginem productam: vel esset actio, vel qualitas: non actio, quia vt talis deberet esse productiua alicuius termini, & hic esset verbum verbi, productum scilicet per cognitionem verbi, seu imaginis expressæ, & obiecti principalis. Non qualitas, quia esset qualitas qualitatis, & formalis representatio imaginis, quæ est formalis representatio obiecti. Et si semel concedatur qualitas, quæ absque actione propriè dicta attingat obiectum, frustra multiplicarentur tot entia absque necessitate, cum dici posset, ipsammet imaginem productam, esse qualitatem representantem, & attingentem obiectum.

Vnus autem superesset dicendi modus, vt si quis diceret, imaginem expressam esse ipsam attingentiam, & representationem obiecti, vt cognitam per se ipsam, hoc ipso, quod est ratio cognoscendi aliud, & formalis cognitio. Sicut præsentia localis, quæ ita est ratio locandi aliud, vt ipsa per se ipsam constituatur in loco. Et hoc pacto secundum vnâ considerationem imago haberet rationem obiecti immediati representantis obiectum principale; secundum aliam verò, haberet rationem attingentiæ, & cognitionis eiusdem obiecti principalis. Sed hic modus dicendi omnino repugnat; nam forma, vel actus quilibet creatus non nisi per alium actum potest cognosci; alioquin si se per se ipsum cognosceret, essentialiter, ac semper cognosceret. Quemadmodum enim non sine se, ita nec sine sui cognitione posset existere, identificaretque sibi suiipsius cognitionem, quod soli Deo potest competere. Deinde non daretur

tur cognitio reflexa, nam quælibet cognitio cognosceretur per se ipsam, & sensus externi perciperent suas sensationes: Quod non minus falsum, quàm inauditum est. Nec par est ratio de præsentia locali; tum quia esse hic, vel alibi, & ibi aliud cõstituere, non est perfectio simpliciter, quemadmodum esse cognitionem sui ipsius, & alterius. Tum etiam quia, esse accidens, per quod subiectum est hic, & non alibi, non potest intelligi absque eo, quod ipsum accidens sit ibidem ubi subiectum præsens constituit, & sic ipsum ulterius non est ibi constituendum per aliud. At cognitio, seu representatio obiecti, potest intelligi absque eo, quod simul sit cognitio sui ipsius. Cum itaque imago obiecti expressa, nec per se ipsam, nec per aliam sensationem, ut imago est, possit cognosci, remanet, ut non, ut cognita, sed alia via nobis repræsentet obiectum. Diximus, nec per aliam sensationem, quia in sensu etiam interiori non datur cognitio reflexa, quæ solius intellectus est, utpotè, qui potentia est immaterialis, nulloq. organo quanto & extenso alligatus. Ex quo deduxit Philoponus, si sensus cõuerteret sese ad suam sensationem dignoscendam, incorporum eum futurum, separabilem, & sempiternum. Eodemq. argumento usum in Charmide Platonem fuisse comperimus, cum nullum sensum sui ipsius esse probaret: quoniam magnitudinem, & multitudinem vim suam habere ad se ipsa impossibile est, solamq. scientiam quandam esse posse, quæ sui, & aliorum scientia sit. Deinde diximus (ut imago est) nam ut sensatio est, & actus quo tendimus in obiectum, negari non potest ab animali simul materialiter aduerri, cum per illam obiectum repræsentatur, ut docet idem Aristoteles, & nos ex mente illius hætenus explicauimus.

2. de anima  
tex. 136. vel  
138.

Post medium.

Lib. de mem. &  
remm. cap. 2.

Dicendum igitur est secundo, repræsentationem formalem obiecti in sensu interiori, si sumatur ex parte ipsius obiecti tanquam effectus formalis constituens obiectum repræsentatum, consistere in apparentia illa, qua intus lucet, & apparet obiectū: si verò sumatur ex parte causæ formalis repræsentantis, consistere in ipsa sensatione, seu specie expressa quatenus per eā formaliter obiectū, siue sit absens, siue præsens, quasi in

conspēctū ponitur, ac sistitur. In prima parte huius cōclusio-  
nis, si consideretur, nulla potest esse controuersia: nam siue  
obiectū sistatur quasi præsens, cū sit absens cum circumstan-  
tijs concomitantibus præsentiā, vt cū quis imaginatur ob-  
iectū hic, quod est alibi; siue è contra, appræhēdatur, vt absens,  
quod est præsens; siue referatur, & exprimat̃ cū circumstan-  
tijs propinquitatis, ac distantix, quas verè habet à parte rei;  
Omnino tamen, id, per quod intelligimus; obiectū formaliter  
constitui repræsētatū, est apparentia illa, qua vel videtur, &  
apprēhenditur cum circumstantijs, quas non habet; vel reue-  
latur, sicuti est. Etenim à parte rei loquendo, obiectū quando  
cognoscitur, & repræsētat̃, nec mouetur, nec mutatur, nec  
apparendo, vel terminando cognitionē, aliquid realiter ope-  
ratur; ac proinde nec constituitur repræsētat̃ per aliud,  
quàm per ipsam apparentiam explicatā tanquam per actum  
realem, cum in illo nō sit nisi denominatio extrinseca, & ens  
rationis cum fundamento in re, quatenus verè obijcitur, seu  
apparet, & percipitur per entitatem realem cognitionis, quia  
sumpta ex parte cognoscentis, dicitur attingentia, & perce-  
ptio; sumpta verò ex parte cogniti, dicitur apparentia, seu  
obiectio, & propositio obiecti, qua in conspēctū sese offeren-  
do, ponitur. Ex quo sumpserunt Philosophi, conceptum  
obiectiuum nihil esse à parte rei distinctum ab ipsa re, quæ  
obijcitur; conceptumq. formalem esse ipsam cognitionem,  
qua obiectum concipitur, vt supra paulò ante retulimus.

Secunda verò pars conclusionis probatur; nam sensatio est  
per quam formaliter potentia obiectū attingit, seu vsque ad  
obiectum pertingit, dum apprēhendit illud; sed nō dicitur il-  
lud attingere formaliter, aut apprēhendere, nisi in quantū ali-  
quo modo tenet per formā illius, quam sibi sistit præsētem.  
Ergo formalis repræsētatio obiecti consistit in ipsa sensatio-  
ne, quatenus per eā formam obiecti quasi reuera præsens te-  
netur, seu ante conspēctū ponitur cum sua propinquitate, vel  
distantia, ceterisq. conditionibus, cū quibus apprēhenditur.

Deinde probatur; nam id quod nobis intus lucet, seu repræ-  
sentatur dum contemplamur, internoq. sensu aliquid intue-  
mur,

mur, est ipsum obiectum, quod immediatè, & obiectiuè terminat cognitionem cum suis circumstantijs, sicuti est à parte rei, nulla obstante distantia, vel propinquitate, magnitudine, vel paruitate, vt dictum est; sed repræsentari terminando cognitionem, nulla est passio realis, aut operatio eiusdem obiecti, quod propterea tandiù lucet, seu videri licet, quamdiù potentia per speciem expressam, seu sensationem intendit in illud; Ergo tota ratio repræsentationis consistit in ipsa cognitione, prout est forma intentionalis, qua realis forma obiecti exprimitur, & ante conspectum cognoscentis apponitur.

Ex quibus tandem intelligitur, in quo nam ratio imaginis, quæ de interna sensatione dicitur, formaliter consistit. Cum enim huiusmodi sensatio non aliter obiectum repræsentet, seu præsens intus constituat, quàm referendo formam illius per similitudinem eius, quam intentionaliter participat virtute speciei impressæ, à qua simul, & à potentia oritur, non secus ac imago se habet respectu ipsius obiecti, quatenus nimirum refert, ac exprimit ipsum tanquam similitudo formalis, & intentionalis illius.

Quod si vterius quæras in quo nam consistat huiusmodi similitudo obiecti participata per speciem expressam, cum nec species impressa, nec expressa in se ipsis cognoscantur, quemadmodum cognosci debent imagines ad hoc, vt similitudines dicantur prototypi. Respondetur huiusmodi species dici similitudines, & imagines per attributionem, tum quia sunt aliquid obiecti, similem naturam participans, vt explicari potest in specie coloris, & cæterorum obiectorum simplicium; tum etiam quia siue in actu, siue in habitu, repræsentationes sunt obiectorum modo explicato; ac dum potentia ab ipsis informatur, videtur quodammodo obiectum induere, non secus ac si indueretur persona, alterius effigiem referente, quia tunc obiectum in ipsa elucet, & vnusquisque id quod cogitat, in mente sibi videtur gestare: Vnde apud Hebræos idem nomen דָּאָר, Dauar, & rem, & verbum significat.

Quamobrem non alia ratione dictum est ab Aristotele, in actu cognitionis, cognitorem fieri quodammodo ipsum, cognitum, nempe per assimilationem, ut sensitiuum sensibile, & quod scire potest, ipsum scibile; nisi quia licet realiter ad inuicem non attingantur, vel ad alterius figuram, seu formam efformetur, & aliud; nihilominus (ut diximus) per speciem expressam actu cognitor conformatur cum cognito, eandem illius formam intentionaliter gestans in animo, quam ipsum in esse habet realiter. Sicut speculum, quod eandem videtur habere, quam refert imaginem, cum imago illa sit ipsa forma realis obiecti, quam in speculo intuemur mediante inuisibili similitudine intentionaliter ibi incidente, & inde reflexa. Vnde non aliter in sensu, quam in speculo res ipsas sensibiles, prout sunt in se, nulla earum præcognita similitudine, quam habemus, intus cognoscimus. Secus ac res spirituales, quæ prout in se ipsis sunt, à nobis in hac vita apprehendi non possunt, sed tantum ad instar rerum corporearum tanquam in figura prius cognita. Quapropter dicitur ad Corinthios: Videmus nunc per speculum in ænigmate; Quia licet non nisi per interuentum, & cooperationem sensus, phantasmata ministrantis, intellectus spiritualia contempletur; illa tamen non elucet in ipso sensu, quemadmodum sensibilia, veluti in speculo, sed in ænigmate, hoc est in figura ipsorum sensibilibus, quatenus apprehenduntur ad modum ipsorum. Quoniam verò etiam per apprehensionem obiecti ad instar alterius, fit quædam conformatio mediata cognitoris cum cognito; recte spiritualia in ænigmate per speculum dicuntur videri, non autem in speculo, sicut sensibilia, quæ immediatè per proprias imagines in sensu elucet tanquam in speculo. Quamobrem in formis sensibilibus, intelligibilia sunt, & quæ in abstractione dicuntur, ait Aristoteles. Et Cicero, in perceptione rerum abstractarum, eandem conformationem, & assimilationem, admittens, Tangi, inquit, demonstratiuè non possunt, cerni tamen animo, atque intelligi possunt; Quarum rerum nullum subest quasi corpus, est tamen quædam conformatio

3. de Anima  
lex. 28.

2. Corin. 13.

3. de Anima  
lex. 39.

Lib. Topicorum.

tio insignita, & impressa intelligentia, quam (ait) notionem voco.

Absolutè tamen loquendo, conformatio ac similitudo, de qua loquimur non reperitur nisi inter cognitorem, & cognitum, cognitione immediata, vt est cognitio sensibilibum in hac vita, quorum habemus proprias species, ac etiam cognitio rerum spiritualium in vita futura, cum eas videre licebit, prout sunt in se ipsis. Nam perfecta similitudo, dicit perfectam cognitionem, cuiusmodi est cognitio immediata præsertim intuitiua. Vnde Ioannes de similitudine, 1. Ioan. 3. quia videbimus eum sicuti est. Quem locum citant Augustinus, & alij, cum beatitudinem nostram in clara Dei visione, qua perficitur similitudo Filiorum Dei, constituunt. Aug. 1. de Trin. cap. 8. Quò etiam spectat illud aliud Augustini; Imago, quæ renouatur in spiritu mentis in agnitione Dei, non exterius, sed interius de die in diem, ipsa perficietur visione, quæ tunc erit post iudicium facie ad faciem; nunc autem proficit per speculum in ænigmate. Propter cuius perfectionem dictum intelligendum est, similes ei erimus, quoniam videbimus eum sicuti est. Ex quibus satis apparet vbi in sensatione interna, vel qualibet alia cognitione, tota ratio imaginis, ac similitudinis constituitur, vt dum de re iam constat, cum cæteris loquamur.

Ad fundamentum ergo oppositæ sententiæ respondetur, nullam requiri præsentiam termini in cognitione interna, tum quia cognoscere obiectum, non est illud producere, vel aliquo modo agere, & operari; nam verè obiectum nihil immutatur dum percipitur, ac terminat cognitionem; & vt sic non est propriè operari in distans, contra illud Aristotelis, 7. Physic. c. 2. text. 10. vbi vult, agens, & passum debere esse simul, ac se inuicem tangere. Tum etiam, nam alioquin res absentes non possent percipi cum suis circumstantijs, vt cum Oceanum concipimus cum sua magnitudine, distantia, motu, ac cæteris accidentibus; nisi fortè illas postea per cognitionem reflexam nosceremus, quod est contra experientiam, qua vnico in-

tuitu, ac directè ea omnia à nobis comprehenditiam constat. Causa verò, cur sensus externi requirant præsentiam obiecti, est quodammodo per accidens; nimirum quia aliter ab illis excipi non possent propria simulacra, quæ pendunt in fieri, & conseruari ab eisdem obiectis. Alioquin, cum supernaturaliter Deus producit se solo imaginem, quam naturaliter produceret cum obiecto, eamq. constituit in sensorio sentientis, verè fit sensatio talis obiecti, nihilq. obstat eius absentia.

Sed vt omninò euertatur fundamentum eiusdem sententiae, retorqueri potest idem argumentum. Nam si per imaginem præsentem, proximè & obiectiuè terminantem sensationem, deueniremus in cognitionem obiecti principalis, adhuc etiam concederetur cognitio rei absentis, & operatio in distans; siquidem obiectum non semper adest vbi potentia, nec saluari posset ratio imaginis ità explicata, nisi distinctè etiam cognosceretur obiectum principale absens, quod per ipsam repræsentatur, & ad quod dicit essentialem habitudinem similitudinis tanquam ad correlatiuum.

Quod si dicatur semper cognosci rem absentem tanquam præsentem in imagine, esset contra experientiam, quia non solum sensus internus percipit realem præsentiam, & absentiam obiectorum, sed etiam cum imaginamur pro arbitrio aditare aliquid, quod abest, vel abesse, quod adest, secundum etiam maiorem, aut minorem propinquitatem, ac distantiam, semper diuersimodè immutatur.

Quod autem attinet ad proprietatem significationis per nomen imaginis: certum est, illud non omnino competere speciei expressæ, aut impressæ, neque aliter arbitratos communiter fuisse Philosophos, qui utique non in toto rigore, sed per attributionem quandam dumtaxat huiusmodi species vocauerunt imagines. Quare sicut non obstat, species ipsas, nullam habere figuram, quantitatem, & colorem, quemadmodum habent veræ imagines, vt & ipsæ tales dicantur; ita neque ad hoc obstat debet, illas non esse rationes cognoscendi, vt cognitæ, sed alio modo, vt explicatum



tum est. Nec denique eadem est ratio de speciebus, ac de cæteris instrumentis, vel alijs, quæ deferuiunt ad cognoscendum. Nam hæc nullo fundamento dicerentur imagines, quia non modificant intrinsecè cognitorem secundum aliquam similitudinem, quæ in eo recepta, statim ille cognitum in se videatur gestare, tanquam aqua, vel speculum id, quod ibi quasi figuratum elucet.

*Qua ratione sensatio interna dicatur actus vitalis, & attingentia obiecti.*

*Cap. III.*



ONSTITUTA sensatione interna in qualitate, quæ dicitur species expressa, eaq. explicata secundum rationem imaginis, ac formalis repræsentationis obiecti; similiter ipsamet hic explicanda erit secundum rationem actus vitalis, & attingentia eiusdem

obiecti; Siquidem hæc omnia prædicata, nec pauciora adæquatam eius quidditatem censentur præscribere. Verum, quid commune qualitati cum actu, seu actione vitali? aut quid commune imagini cum attingentia, & perceptione obiecti? Valde namque, magisque dissitas condiciones, quàm quæ in vnius constitutione naturæ possint cōcurrere, huiusmodi prædicata videntur exprimere; cum & formas diuersorum prædicamentorum denotent, & sub vno, eodemq. genere, impossibiles differentias complectantur, operatiuæ nimirum qualitatis, ac passiuæ, vt per se patet ex terminis. Quare vt singula distinctius innotescant, de efficientia, seu actiuitate prius, ex qua sensatio actus & attingentia denominatur; ac deinceps de vitalitate illius differendum erit.

Porro, qui de sensu in vniuersum loquendo, dixerunt, ipsum sentire non esse nisi quoddam pati, implicite omnem efficientiam sensationis internæ de medio abstulerunt. Hi autem

*At. Alber. in 2. par. summa ac homine, trakt. de sensib. anima. Aegid. q. 1. de cognitione Angelorum. Venetus in summa de anima cap. 10. Niphus de sensu agente. Arist. 2. de anima. tex. 51. & sequen. ibidem tex. 59.*

autem fuere Magnus Albertus, Aegidius, Venetus, Niphus, & alij. Potestq. eorum sententia comprobari, primò auctoritate Aristotelis, qui docet, sensum accidere in eo, quod est moueri aliquid, & pati. Deinde actiua operationis sensus, esse extra, vt visibile, audibile, & reliqua sensibilibus. Intellexit ergo sensum, tantum pati. Ratione verò probatur, quia sentire, est percipere rem, quæ sub sensum cadit; cum autem hoc fiat per emanationem specierum ab illa, & receptionem earum in potentia, relinquitur ipsum sentire, non esse aliud intrinsecè ex parte potentiae, quàm in se habere, & sustentare imaginem receptam.

Confirmatur; nam sæpe fit sensatio renitente sensu, qui potius conatur in oppositum, & tamen sentit, quia non, potest non recipere species ab obiecto approximato, in quod nullo modo ex se fertur. Vt cum animal inuitum, dolorem sentit, audit, odorat, palpat, vel gustat, quod displicet; Indicium est ergo, animal non agendo, sed patièdo sentire; alioqui suos actus cohiberet, obiectumq. sibi disconueniens, quamuis approximatum non sentiret.

*Phyloph. in textum 121 secundum libri de anima.*

*S. Tho. 1. par. q. 56. art. 1. & q. 79. art. 3.*

*Scot. 2. de anima q. 12.*

*Greg. in 1. dist. 3. q. 1.*

*Capr. in 3. dist. 14. q. 1. & in 2. dist. 3. q. 2.*

*Ferrar. lib. 2. con. gen. c. 83.*

Ceteri verò omnes, qui rectius sunt Philosophati, sensationem internam, omnemq. aliam cognitionem, efficienter docent à sua potentia manare, tanquam actus, qui ab eadem oriatur potentia, in qua recipitur, & manet; ideoque cognitiones, & appetitus omnes, communiter actus immanentes appellari. Ita Phyloponus, S. Thomas, Scotus, & alij quamplures, licet ex his, alij putent sensationem, esse ipsam causationem causæ efficientis, nempe actionem prædicamentalem, qua efficienter producitur imago obiecti; Alij verò, vt diximus, putent esse imaginem ipsam efficienter productam per simplicem resultantiam, quod ad susceptam quæstionem parum, aut nihil conducit.

Probatur autem primò ex Aristotele 2. de anima tex. 37. vbi docet, animam similiter esse causam alterationis sensus, seu sensationis, & augmentationis, & nutritionis animalis. Quæ certè non nisi efficienter procedunt ab anima. Deinde eodem lib. tex. 138. vnum, eundemq. docet esse actum sensi-

sensibilis, & sensus, quando actu aliquid sentitur: nam, datur auditum habere, & non audire, & habere sonum, & non sonare: cum autem (inquit) operatur potens audire, & sonat potens sonare, tunc secundum actum auditus fit simul, & secundum actum sonus. Et textu sequenti concludit: sonatiui igitur actus, sonus est, aut sonatio, auditui autem, auditus, aut auditio. Eandemq. rationem subiungit esse in alijs sensibus, ac sensibilibus. Quapropter tex. 156. sensus, inquit, aut potentia, aut actus est, ut visus, aut visio. Et tex. 161. loquens de imaginatione ait: multa est secundum ipsam, & facere, & pati. Quod Simplicius sic interpretatur, ac si dicat, sensum huiusmodi internum, non solum patiando, ac suscipiendo, videlicet rerum simulacra impressa, sed agendo quoque, & actum suæ cognitionis promendo, sentire.

Item lib. de memor. & reminisc. cap. 2. in primis agens, memoria, inquit, speculatur, & sentit hanc passionem, nempe phantasmatis; statim verò id ipsum declarans quomodo fiat, postquam dixisset phantasma considerari posse, vel secundum se, prout phantasma, aut speculamentum quoddam est; vel in ordine ad obiectum in quantum alterius imago, & memoriale est; subiungit: Quare & cum agit, motus ipsius si in quantum secundum se est, sic sentit anima ipsum, ut phantasma aliquod videatur adesse; si autem in quantum alterius, ut imaginem speculatur; nimirum per considerationem intellectus. Omnino igitur quocumque modo hoc fiat, sentit Philosophus ibi efficientiam animæ, aut phantasmatis intercedere.

Præterea lib. de somno & vig. cap. 1. ait: Agere autem, sensu propriè, & simpliciter, impossibile esse dormientem simul. & lib. de somnijs cap. 1. visionem ait esse usum visus; & audire, usum auditus; & omnino sentire, usum cuiuscunque sensus. Per usum autem sensuum, absque dubio significatur efficientia, quæ ab animali adhibetur per sensus, vel qua animal per sensus operatur. Quamobrem idem Philosophus de sensu, & sensili cap. 2. coarguit Democritum asserentem, visionem esse ipsam imaginem emissam ab obiecto  
in ocu-

in oculis receptam, illudque repræsentantem; Nam hoc modo nulla esset ratio cur etiam specula, & alia, in quibus apparent simulacra, non viderent. Et propè finem eiusdem capitis; sensibile enim, inquit, facit agere sensum.

Tandem idem Philosophus 7. Ethicorum cap. 12. & 13. voluptatem docet esse operationem sensus absque impedimento, non quidem operationem, quæ sit generatio, aut productio alicuius rei in ipsa natura animalis, sed operationem, quæ supponat naturam cum habitu constitutam ad operandum, eamque consequatur tanquam finis, nihil ulterius producendo. Vnde illam, inquit, consistere, cum sit usus naturæ sentientis, cuius est perfectio formalis, ut ipsemet exponit lib. 10. cap. 4. eiusdem operis. ubi pariter sensum omnem dicit esse operationem quandam, cuius perfectio tanquam pullulans pulchritudo, est voluptas.

Habemus igitur de mente Aristotelis, pati quidem sensum recipiendo imagines ab obiecto, ipsamque, quæ deinde elicitur, cognitionem; non tamen sine propria efficientia, dum scilicet specie in se impressa utitur ad exprimendam, seu promendam ipsam cognitionem.

*Lib. 9. de Trin.  
cap. 7.*

Quod totum paucis, ac præclarè explicat Augustinus, dicens: Conceptam rerum notitiam tanquam verbum apud nos habemus, & dicendo, intus gignimus, nec à nobis nascendo, discedit. Vbi per generationem innuitur actiuitas potentiae, & per non discessum, inmanentia actionis.

Ratione verò probatur primo; nam sensatio interna non est species ab obiecto impressa, neque receptio illius, siquidem dantur hæc in potentia absque actuali sensatione, ac dum vnum, aut nihil sentit animal, innumerabilium simul retinet specierum copiam, atque thesaurum. Est igitur aliquid aliud, per quod, ut diximus, actu in potentia repræsentatur obiectum. Sed hoc aliud ab aliqua causa debet efficienter procedere, nec potest ab obiecto, quia sæpe non est, vel non adest, vel ignobilius est; nec tantum ab anima, quia non est immediatè operatiua; nec ab appetitu, vel alia facultate, quia tunc facultates, quæ non sunt cognoscitiuæ, sentirent;

tirent; nec tandem à specie ipsa impressa, quæ valde ignobilior est. Ergo remanet, vt ab eadem efficienter procedat potentia, à qua postea sustentatur, & quam denominat sensum in actu; licet in hac efficientia simul concurrat anima, secundum quandam formalitatem influxus vitæ, inferius explicandam, ac pariter species impressa tanquam forma, quædam instrumentaria.

Corroboratur, nam quod iuxta inclinationem naturalem appetitus ex tot tantisq. obiectis, quæ per propria simulacra intus recondita possent cognosci, actu non nisi certa, quædam sentiantur; aliaq. similia falsò per artificiosam veluti copulationem specierum effingantur; non est pati tantum aliquid ab obiecto, quia frequentius obiectum non est, vel non adest; neque est pati tantum ab ipsis speciebus impressis, quia semper eadem pateremur, eademq. sentiremus donec species obiectorum, iuxta inclinationem appetitus manerent; neque est pati ab appetitu sensitivo, aut voluntate rationali immediatè; quandoquidem voluntas, vel appetitus ex se nesciret, quas species copularet ad repræsentandum obiectum, ad quod naturalem habet inclinationem. Quod si demum per se copularentur ex sympathia plures, ac plures simul, quasi in diuersa agmina copularentur; & adhuc nulla esset ratio, cur potius hæ, quàm aliæ sensationem elicerent, cum æque omnes potentiam informarent. Dicendum est igitur, tunc sensum pati à se ipso, propriaq. efficientia, vti hac vel illa specie impressa, iuxta opportunitatem, appetitus ad eliciendam hanc, vel illam sensationem, quæ dicitur species expressa: & hanc esse connexionem potentiæ appetitiuæ cum cognoscitiua, vt appetitus sequatur cognitionem; hæc autem adaptetur appetitui, vt iuxta inclinationem, & propensionem illius, obiecta disquirat. Id, quod absque propria efficientia, potentia cognoscitiua obire non posset; nam vnum voluntas concupiret, & aliud cognitio cogeretur appprehendere, si potentia cognoscitiua ab obiectis, vel ab alio suas ipsius pateretur cognitiones.

Quod idem non abs re fuerit argumento ducto ab efficientia,

cientia, & libertate humanæ voluntatis iterum confirmare. Etenim quoad hoc, eadem est philosophandi ratio de omnibus potentijs appetitiuis, & cognoscitiuis, vt nempe propria, vel aliena efficacitate in sua obiecta ferri dicantur; cuius æque pariter non immutent, nec attingant ipsa obiecta, nisi per quendam respectum, qui dicitur secundum esse volitum, vel cognitum; denominationem tantummodo importans rationis, fundatam in terminatione obiectiua illius respectus, aut inclinationis. Si igitur constabit voluntatem humanam effectiue concurrere ad suos actus, idem pronuntiandum erit de reliquis huiusmodi potentijs appetitiuis, & cognoscitiuis.

Probatum autem, voluntatem ita concurrere ad suos actus, vt posse velle, & non velle; sit posse agere, & non agere; nam alioqui non intelligeretur libera, & indifferens, cum ad solam receptionem non possit esse indifferentia. Id, quod suadetur primo ex communi conceptione, & modo loquendi Philosophorum moralium, qui semper intellexerunt voluntatem eatenus esse liberam, & habere dominium suorum actuum; quatenus potestatem habet studiosè, vel turpiter agendi, non solum per externos actus, sed præcipuè per suos ipsos internos, qui sunt velle, & nolle hoc, aut illud obiectum. Deinde ita etiam probatur, quia omnis potentia receptiua debet habere aliquam potentiam actiuam à qua, & cuius virtute, seu efficacitate recipiat suam formam. Hanc autem potentiam effectricem, necesse est, nobiliorem & potentioorem esse, quàm illa, in quam agit, saltem in eo genere, in quo ad inuicem opponuntur, quantò nobilior, & potentius est agere, quàm pati. Assignanda ergo esset aliqua potentia creata, quæ agat in voluntatem, & in illa producat volitionem tanquam potentior, ac nobilior causa. Cumque certum sit, nullam esse potentiam creatam formaliter liberam, præter voluntatem angelicam, & humanam: eiusmodi potentia consequenter esset verè necessaria, ac necessariò ageret in voluntatem, tanquam causa nobilior, & potentior; & voluntas illi subiecta esset, tanquam ea, quæ  
solum

solum patitur, & recipit ab influxu illius formam productam. Ex necessitate igitur voluntas reciperet actus suos; neque ipsa posset determinare arbitrio suo suam causam agentem, ut agat, vel non agat in ipsam, cum illa necessario ageret, ac tanquam potentior, agendo, voluntatem ipsam suo influxu moueret, ut non posset voluntas non recipere, ac necessitatem pati; unde tota libertas periret. Ut itaque in voluntate saluetur libertas, necesse est ei actiuitatem circa proprios actus tribuere, ut hac ratione in eius potestate sit eos elicere, vel non elicere, cum ad meram receptionem, talis indifferens potestas, sui suorumque actuum domina, intelligi non possit. Semel autem admissa actiuitate in voluntate, idem sequitur pronunciandum de ceteris eiusmodi potentijs cognoscitiuis, & appetitiuis, ut supra dictum est, ac facile recte philosophanti patebit.

Denique idem probatur in homine, nam sensus interior & appetitus animalis in eo, propter coniunctionem, & radiationem, quam habent cum anima rationali, eleuantur interdum à Deo ad supernaturaliter operandum modo sibi proportionato per habitus infusos ad moderandas passiones, quæ solent hominem in id, quod dissonum est, rationi vehementer inclinare, & ad facilius adherendum, & cogitandum de bono supernaturali, iuxta illud Psalmistæ. Cor meum, & caro mea exultauerunt in Deum viuum. Quod experimur quotidie contingere in viris perfectis, & perfectissime omnium contingit in Beatissima Virgine, ut communis est Theologorum doctrina. Sed habitus ordinantur ad operationem eiusdem potentie, in qua ponuntur; non verò alterius, quia non disponunt subiectum ad recipiendum operationem extraneam, sed potius ad intrinsecè operandum. Ergo sensus interior, & appetitus sensitivus actiue, & operatiuo modo circa sua obiecta versantur per appetitum elicatum, ac sensationem.

Verum, quæ dicta sunt, licet rectè probent actiuitatem potentie sensus interioris, qua concurrir ad sensationem elicendam, non tamen propterea probant actiuitatem eiusdem



dem sensationis, supposito, quod non sit actio prædicamentalis, seu ipsa efficientia, & causatio agentis, sed qualitas de genere dispositionis, vt supra dictum est. Idcirco postquam constiterit sensationem internam effectiuè à suo sensu procedere tanquam à potentia actiua; vltèrius indagandum est, num ipsa quoque sensatio effectiuè concurrat ad attingendum obiectum, vt verè actus cognoscitiuus, & propria attingentia obiecti possit denominari. Qua in re, qui putant sensationem formaliter in actione consistere, consequenter nullam habere videntur difficultatem; nam actio est ipsa effectio efficientis, quæ sicut efficienter dependet ab illo, ita efficienter concurrat cum illo tanquam via ad attingendum effectum in passo. Si ergo sensatio est actio effectiuè procedens à sentiente, effectiuè pariter concurreret cum illo ad attingendum sensibile, seu obiectum sensatum.

Re tamen verius considerata, siue sensatio sit actio, siue qualitas in rigore loquendo, nunquam reperiemus à parte rei sensationem effectiuè obiectum attingere, cū nullum obiectum cognitionis, aut appetitus, aliquid patiat ab illis, sed tantum extrinsecè denominetur cognitum, vel concupitum per nostram considerationem fundatam in realitate cognitionis, vel appetitus tendentis in illud, tanquam ad terminum actionis. Hæc autem tendentia non est nisi respectus quidam secundum dici, identificatus cum ipsa cognitione, vel appetitu cui essentialiter conuenit, hoc ipso, quod cognitio, vel appetitus est: sicut essentialiter conuenit subiecto respicere formam, hoc ipso, quod subiectum est. Vanum est igitur constituere cognitionem in actione prædicamentali, vt magis propriè dicatur attingentia obiecti, cum quidquid sit ipsa cognitio, non nisi analogicè dicatur obiectum attingere. Quod si tunc verè diceretur influxus, & causatio efficientis, ac proinde verè actus agentis; hoc totum verificaretur quidem de cognitione respectu imaginis per illam productæ, non autem respectu obiecti cogniti; & sic ad propositum parum referret. Ea enim dicitur actio, qua verè agens tendit in terminum, cumque attingit, per  
quam

quam pariter terminus dependet ab illo, cum omnis actio à parte rei simul sit passio, causa<sup>tie</sup> agentis, ac dependentia termini secundum diuersas considerationes. Non igitur eatenus cognitio diceretur attingentia obiecti, quia esset actio productiua cuiusdam qualitatis prorsus ab obiecto ipso discreta, sed quatenus terminaretur in obiectum, quod aliquo modo penderet ab agente per illam. Cumque hæc terminatio, ac dependentia obiecti simul, ac tendentia cognitionis in ipsum, dicantur penes respectum supra explicatum, quo cognitor ferri videtur in cognitum; tota cognitionis actiuitas, & attingentia sumenda erit ex ipsomet respectu, per quem tanquam per prædicatum essentiale cognitio adharere videtur obiecto, seu ad illud vsque pertinere, & sic constituere vnum cognitorem cum cognito.

Dicendum est itaque speciem expressam, seu potius expressiuam obiecti, in qua sensationem constituimus, rectè dici posse actum cognoscitiuum, & attingentiam obiecti, ac potiori iure, quam actio, si qua daretur, productiua illius. Hanc conclusionem supponunt omnes Auctores, qui sensationem, omnemque aliam cognitionem, quam in verbo mentis, vel specie expressa constituunt, actum vocant potentie cognoscitiue, & attingentiam obiecti. Probatum autem vnica ratione; nam eo modo, quo obiectum, vt obiectum cognitionis est, attingi valet à potentia, immediatè attingitur per ipsam speciem expressam, sicut passum attingitur immediatè à potentia calefactiua, per calefactionem. Obiectum enim, vt vidimus, attingi non potest à potentia cognoscitiua, nisi per tendentiam illam, seu respectum secundum dici, per quem potentia actu conatur, & fertur in ipsum, tanquam qui iacula mittit ad scopum, ad quod realiter non pertingit, & per quem, ipsum obiectum denominatur actu perceptum, vel sensatum, aut cognitori repræsentatum. At respectus eiusmodi, seu intrinseca, & immediata tendentia, non est nisi prædicatum quoddam essentiale imaginis expressæ identificatum cum illa, quæ hoc ipso, quod similitudo est obiecti, &

ratio, qua formaliter, & immediatè potentia adhæret obiecto, & vnitur cum illo, est tendentia eiusdem erga illud, seu id, per quod vltimo potentia fertur in illud, & per quod dicitur obiectum repræsentatum: Ergo non nisi per speciem expressam eo modo, quo potest, immediatè attingitur obiectum à potentia cognoscitiua, ac proinde rectè species expressa dicitur attingentia obiecti, & actus cognoscitiuus. Qua denominatione ita propriè denominari non posset actio productiua eiusdem speciei; nam licet secundum se esset verè actus talis potentia, non tamen esset cognoscitiuus. Siquidem actus specificantur per terminos proprios reales, & intrinsecos; terminus autem, qui realiter, & intrinsecè terminaret illam actionem, non esset cognitus, ac proinde constituere non posset actum ipsum essentialiter cognoscitiuum. Quare solum diceretur cognoscitiuus extrinsecè, impropriè, & remotè, prout esset productio qualitatis, qua cognitor sibi repræsentat, & cognoscit obiectum. Præterea huiusmodi actioni non conueniret essentialiter esse tendentiam, qua immediatè potentia fertur in obiectum cognitum, sicut potentia calefactiua per calefactionem in passum; sed tantum extrinsecè, ac remotè, sicut conuenit actui cedendi marmur ad effingendam statuam, tendere in obiectum per illam repræsentandum. Et ideo nulla est euasio ijs, qui dicunt obiectum attingi simul per actionem, & speciem productam per illam, sicut passum attingitur per calefactionem, & calorem productum in illo; Nam licet in diuerso genere causæ, verè tamen & calefactio, & calor productus, immediatè passum attingunt, in eoque recipiuntur; obiectum verò eo modo, quo attingi potest, non nisi à specie producta attingitur.

Congruentiæ verò, quibus non immeritò sensatio hæc, omnisq. cognitio, qualitas cum sit, vocetur plerumq. actus, & actio, fundantur, cum in explicata ratione attingentiæ, quam essentialiter includit; tum in similitudine veræ actionis, quam veluti imitatur, vt supra diximus ex Scoto, quia videlicet est ipse conatus potentia immediatè, & efficienter ab eo

ab eo productus nulla alia intermedia via, non secus, ac actio ut statim probabitur: & quia tamdiu durat, quamdiu obiectum actu attingitur, seu cognoscitur, & non aueritur acies cognoscentis, ut loquitur Augustinus, quemadmodum, veræ actiones tamdiu sunt, quamdiu agens actu influit, & operatur. Vnde semper cognitio pendet in fieri, & conservari ab ipsa potentia cognoscitiva, sicut actio ab agente.

Postremò ulterius dicendum est, sensationem internam communiter, ac meritò vocari actum vitalem, quia immediatè procedit à substantia vitali, seu à principio vitæ, quod est anima sensitiva in animali, quæ simul cum suis potentijs influit, & cooperatur in omne opus vitæ, vitaliter se exercendo, ad differentiam substantiarum non vitalium, quæ non ita sunt principia suarum actionum, sed emortua quodammodo se habent non se mouendo ad illas, nec immediatè influendo, sed merè sustentando in se, seu in composito qualitates actiuas, quæ sunt illis proxima ratio operandi, ut substantia ignis calefacientis per calorem, vel aquæ per frigiditatem frigefacientis. Quapropter huiusmodi principia non vitalia potius denominatiuè dicuntur agere denominatione sumpta à suis proximis rationibus agendi, quas sustinent. Ut cum lapis dicitur ex se deorsum moueri propter grauitatem, quam habet; non autem propter formam substantialem, qua lapis constituitur. Secus igitur animal cum sentit, non se habet tanquam inanime quoddam, sustentando tantum in sensorio potentiam sensitivam, sed immediatè concurrit cum illa ad sensationem eliciendam, cui tribuit vitalitatem, sicut potentia sensitiva tribuit esse talem operationem vitæ, & non aliam.

Vbi obseruandum est obiter, quòd sicut concursus causæ primæ, & vniuersalis contrahitur, ac determinatur formaliter ad esse talem per concursum causæ secundæ; ita etiam, suo modo influxus substantiæ vitalis determinatur per concursum peculiarium potentiarum, ut sit hic, vel ille actus vitæ secundum speciem potentiæ cooperantis, verbi gratia, ut sit volitio, sensatio, vel intellectio. Sicut etiam voluntas

dum liberè vitur suis habitibus tam naturalibus, quàm supernaturalibus, diuerfos elicit actus pro diuersitate habituum concurrentium, ac specificantium amorem, vel odium &c. Ex quo fit, vt sicut non reperitur actio vitalis, quæ non sit aut nutritio, aut generatio, aut appetitus, aut sensatio, & sic de singulis iuxta distinctionem potentie cooperantis; ita non datur nutritio, verbi gratia, quæ non sit actus vitalis, nec appetitus, aut sensatio, quæ pariter non sit actus vitalis. Ac denique; nam hoc ipsum est viuere in actu secundo, nempe simul cum aliqua ex his potentijs operari, ac opus vite exercere, amando, sentiendo, appetendo, vel intelligendo &c. Quapropter de perfectissimo actu vitali hominis, ac supernaturali, in quo beatitudo nostra formalis constituitur, & per quem perpetuò viuatur, Veritas dixit ad Patrem: Hæc est autem vita æterna, vt cognoscant te solum Deum, verum, & quem misisti Iesum Christum. Et vita contemplatiua, in qua Gentiles Philosophi humanam, ac naturalem, foelicitatem constituunt, non est aliud formaliter, quàm ipsa cognitio, & contemplatio veritatis, vt patet, tum ex Cicero- ne citato etiam ab Augustino in libris de Trinit. tum etiam ex Aristotele, qui pariter hætenus dixerat, viuere propriè, & præcipuè nihil aliud esse, quam sentire, vel intelligere. Et quidem si vita non est aliud, quàm naturalis coexistentia, & consortium animæ, & corporis cum quo est vnita, vt nonnulli definiunt: iure, & quidem optimo, illud proprijsimè dicendum erit opus vite, ad quod vtrumque ex æquo, suo modo concurrat, vt est sensatio, vel intellectio. Quocirca ab vniuersa postmodum antiquitate accepimus, sensum communionem quandam esse animæ cum corpore circa res externas: animamq. ipsam ad opus eiusmodi vires suggerere, corpus verò instrumenta præstare. Id, quod sano modo intelligendum est iuxta superius explicata.

Et confirmari vltimò potest ex doctrina Diui Thomæ, omniumque Theologorum, ac Philosophorum asserentium cum Aristotele, propterea motus etiam necessarios tam sensus, quàm appetitus. ( vt in pueris, amentibus, brutis,

2040. 17.

Ex fine Dislegi  
Hortentij.

Lib. 14. de Tri-  
nit. cap. 19.

Lib. 10. Ethic.  
cap. 7.

Lib. 9. Ethic. c. 9.

Cicero lib. 2. de  
vita c. 7.

2. 2. 9. 8. 17. 2.

1. Ethic. c. 2.

brutis , & ijs , qui ex improuiso operantur absque electione ) dicendos esse voluntarios , seu spontaneos latè loquendo , quia procedunt à principio intrinseco operantis cum cognitione , siue cognoscat per idem principium , siue per aliud , vt constat ex definitione voluntarij , quam ipsemet Aristoteles tradiderat . Vtitur autem in ea Aristoteles *3. ethic. c. 2.* nomine *ἐκούσιον* , quod est compositum ex propositione , *ἐκ* , quæ significat , a , seu , ab , aut , ex , & substantiuo , *ἐκούσια* , quod substantiam denotat . Vnde *ἐκούσιον* , idem est ac ( a substantia . ) Quamobrem à Latinis vsurpatur pro voluntario , seu spontaneo , quod certè est illud , quod procedit à principio intrinseco cognoscentis , vt est eius substantia . Idè est igitur apud Aristotelem cognitionem animalis , vel similem actionem immanentem ex se , & natura sua esse voluntariam , ac ex se procedere à principio intrinseco vitali , & substantiali cognoscente . Nec obstat substantiam communiter non esse immediatè operatiuam : cum enim dicamus animam operari non posse sine naturalibus instrumentis potentiarum , ac sensoriorum quibus vtitur , simul cooperando , & influendo cum potentijs ad actus vitæ ; omnes difficultates , quæ in contrarium faciunt , facile euaduntur , vt cuique rectè philosophanti patebit .

Ad fundamenta igitur prioris sententiæ , omnem sensationis actiuitatem , & efficientiam tollentis , respondetur primò , quod attinet ad auctoritatem Aristotelis in eo capite , Philosophum tantum conferre sensum cum obiectis extrinsecis , dum ab illis verè mouetur , ac recipiendo simulacra , patitur ; id quod non tollit eundem sensum simul secundum aliam rationem agere . Neque hoc negat Aristoteles ; imo potius affirmat quotiescumque iuxta talem formalitatem de sensu ei sermo inciderit , vt ex locis supra allegatis planum relinquitur . Quod autem hac tantum ratione , & non alia , dicat sensum pati , manifestè probatur ex alio textu , in quo eadem ferè , clarius tamen reperiendo , postquam dixisset , sensum esse id , quod est susceptiuum formarum sine materia , nempe specierum intentionalium , addit : ea ,

*Lib. 2. de anima  
tex. 51. & 59.  
Ibidè tex. 121.*

ratione sensum vniuscuiusque ab habente odorem , aut saporem, aut sonum pati, non autem in quantum vnumquodque illorum dicitur .

Deinde ad rationem patet solutio ex dictis ; nam res non cadunt formaliter sub sensum per receptionem specierum ab illis, sed per expressionem similitudinum, ac sensationum earum . Quare contingit species obiecti recipi in oculo , & obiectum non videri, vt in dormientibus apertis oculis , vel in his , qui aliò sunt mente distracti, aut extasim patiuntur ; Species enim impressæ , vt sæpe diximus, se habent per modum habitus ad complendam, & fœcundandam potentiam , non autem per modum actus , & attingentiæ, qua repræsentetur obiectum .

Ad confirmationem verò, concessio antecedenti, neganda est consequentia ; Aliud est enim omnino pro arbitrio sentire , vel non sentire ; aliud verò actiuè ad sensationem concurrere ; quia necessitas operandi non tollit actiuitatem potentia operantis , vt in calore, verbi gratia , qui necessariò , & actiuè calefacit . Dicimus ergo posse hominem sensus exteriores non exponere , vel non applicare ; semel tamen eos expositos in debita propinquitate , & cum sufficienti attentione animi aliò virtutem sensitiuam non diuertentis , ne necessario operari . Quod certè , vt dicebamus, actiuitatem sensus non aufert, sicut necessitas amandi summum bonum saltem quoad specificationem , actiuitatem voluntatis non minuit , quotiescumque voluntas fertur in il-

lud, sed potius plerumque intentionem actus augmentat. Et necessitas descendendi deorsum

non aufert à mole graui actiuum descensum, nec actiuam productionem impulsus, si ruens aliud corpus impellat .



*Sensationem internam per se, & non per viam aliquam interiectam, à potentia manare.*

*Cap. IV.*



**H**ACTENUS iuxta sermonis opportunitatem vix, aut leuiter aliquid insinuatum est de productione verbi, seu speciei expressæ, in qua sensationem internam constituimus, cum eius exactior peruestigatio non minus necessaria, censeatur ad perfectam explicationem ipsius quidditatis productæ, quam ad seorsum internoscendam connexionem, ac distinctionem, quam habet sensatio cum sua causa efficienti, quod hic erit præstandum.

Auctores igitur, qui putant, sensationem formaliter in actione consistere, siue productiua, siue non productiua termini, consequenter affirmant, illam nulla alia interiecta via à facultate vitali procedere, vt commune est cuique actioni, quæ vt actio est, includit actualem, & immediatam dependentiam ab agente, in quo nulla esse potest controuersia.

Alij verò, cum quibus sensationem internam & intellectionem constituimus in verbo, seu qualitate imaginis expressæ, non eodem modo philosophantur. Nam quidam, ex eis, speciem expressam asserunt produci per actionem distinctam ab illa ex natura rei. Cateri autem non nisi per simplicem resultantiam identificatam cum ipsa entitate speciei productæ, eo modo, quo actiones propriè dictæ producuntur ab agentibus, relationes à fundamento, & similia.

Primum philosophandi modum tuentur nonnulli doctissimi recentiores. Probant autem primò; nam actus cognitionis non includunt essentialem, & immutabilem dependentiam à suis potentijs, cum nulla res creata ab alijs realiter distincta, tantam habeat dependentiam ab aliqua creatura, vt non possit à solo Deo fieri sine adminiculo, vel con-

*SNAY. 2. 10. met.  
disp. 48. scilicet. 2.  
n. 12.  
V. 1. q. in 1. 2. D.  
Tho. 9. 3. disp. 9.  
c. 7.*

fortio illius. Quod si idem actus cognitionis à solo Deo potest produci, dependentia, qua de facto ipse dependet à potentia, non est de essentia, & entitate ipsius, ac proinde, necessario erit modus ex natura rei distinctus ab ipso, & propria causalitas potentiae de prædicamento actionis.

Secundo probant; nam eadem qualitas cognitionis, sicut & amoris duobus modis potest produci; nimirum modo naturali, ut pendeat à facultate vitali, & à specie impressa, vel etiam ab habitu aliquo acquisito, aut infuso; & modo supernaturali, ita ut tantum producat, & pendeat à Deo, & à facultate vitali, supplente ipso Deo vicem speciei impressae, & cuiuscumque habitus: sed hoc fieri non posset, si qualitas cognitionis per se ipsam immediatè produceretur; nam variato principio producente, ipsam quoque formam immediatè productam, vel producendam variari necesse est. Ergo potius dicendum videtur, qualitatem cognitionis, media aliqua actione produci.

Tertio idem probari potest; nam operationes immanentes cognoscendi, & appetendi, non modo fieri posse in nobis à solo Deo de potentia absoluta, nihil nobis ad eas cooperantibus, docent plures Theologi cum Scoto: sed Nominales, ita etiam nunc de facto fieri affirmant operationem beatitudinis, seu claram Dei visionem in beatis; Quod certè verificari non posset si actiones ipsae immanentes includerent actualem, & immediatam dependentiam à facultatibus, & principiis vitalibus in genere causae efficientis.

Postremò hoc idem confirmatur; nam gratia præueniens, quam Deus operatur in nobis sine nobis, ut docent Augustinus, Gregorius Magnus, Anselm. & alij Patres; communiter exponitur esse sanctam quandam cogitationem, quae & vocatio dici solet, iuxta quam etiam Deus operatur in nobis velle, & perficere, ut ait Apostolus ad Philippenses, quem Augustinus interpretatur. Ergo de facto non semper cognitiones, & volitiones procedunt à principio, & potentia vitali; ac proinde cum procedunt, procedere debent per actionem interiectam, ac dependentiam illis omnino accidentalem.

Nihilo-

Scot. in 3. dist.  
13. 5. ad 3. q.  
Ochā in 1. dist.  
1. q. 2. concl. 2.  
Gabr. ibid. q. 2.  
art. 2. concl. 4.  
Maior. in 3. dist.  
fin. 14. q. 2.  
Marfil. in 3. q.  
10. art. 2.  
Socin. p. anet. q.  
20. & 21.  
Vega lib. 6. in  
Conc. Trid. c. 8.  
Aug. epist. 105.  
Greg. Mag. 10.  
moral. cap. 10.  
vel 12.  
Ansel. in 1. Cor.  
23.  
Ad Philipp. 2.  
Lib. 1. ad sim-  
plician. q. 2.

Nihilominus opposita sententia probabilior nobis videtur, & communior apud recentiores Philosophos, nempe qualitatē ipsam, per quam formaliter sentimus, & cognoscimus, per suam entitatem proximè pendere à facultate; & principio vitali in genere causæ efficientis, nulla intermedia actione, seu productione ex natura rei distincta. Probatur autem primò, quia nihil essentialiter alicui convenire potest per aliquid à se ex natura rei distinctum, ut per se est evidens, & principium in Philosophia; sed dependere à potentia, & principio vitali, essentialiter convenit sensationi interinæ, & cuilibet cognitioni, ut supra probatum est; & ab ad- *Cap. precedenti.* uci sarijs, ut plurimum conceditur; ergo sensatio sicut quælibet alia cognitio non dependet à potentia, & à principio vitali per aliquid à se ex natura rei distinctum.

Responderi posset, dependentiam à facultate, & principio vitali, quæ essentialiter convenit cognitioni, non esse dependentiam actualem, qua actu pendet ab illis, prout existens est, sed tantum esse exigentiam quandam naturalem ipsius, ut pendeat à tali principio, & facultate, quamvis actu pendeat per accidens à se distinctum ex natura rei; Quod est dependere quidem essentialiter, sed mediate. Queniammodum dependentia, qua omnis creatura essentialiter à Deo dependet, non est dependentia actualis, qua creatura actu, & immediatè producit, vel conseruatur (nam sicut per accidens quælibet creatura actu existit in rerum natura; ita per accidentalem viam, suum esse actuale à Deo debet recipere, nempe per creationem, aut conseruationem) sed est illa dependentia, qua omnis creatura sine hac, sine alia via necessario omnino dependere debet à creatore, quod prædicatum convenit creaturæ actu existenti, & non existenti. Quare optimè videtur saluari essentialē dependentiam cognitionis à facultate, & principio vitali, quamvis per viam interiectam ab illis dependeat.

Sed contra est primò; nam si dependentia, qua actualis cognitio immediatè dependet à cognoscente, non esset pariter de essentia illius, prout existentis (quod est proximè depen-

dependere per suam substantiam ) sed potius conueniret illi  
tanquam accidens distinctum; eodem modo esset variabilis,  
quo variabilis est dependentia actualis, qua actu eadem  
creatura dependet à creatore, quæ modo est creatio, modò  
verò conseruatio ( quamuis in valde probabili opinione, nec  
conseruatio distinguatur ex natura rei à creatione, nec vtra-  
que via, vt sic à nobis concepta à creatura. ) Ex hoc autem  
vltcrius fieret, quod variabilis etiam esset causa cognosciti-  
ua, seu cognitor, manente eadem numero cognitione. Si-  
quidem non esset eadem ratio, ac de inuariabilitate causæ  
primæ respectu creaturæ. Etenim creatura ex eo dependere  
non potest nisi à solo Deo, quamuis proximè dependeat per  
accidens interiectum, quia non reperitur in rerum natura,  
alia causa præter Deum, à qua absolutè dependere possit.  
Quare si plures essent Dij, vel entia à se, ( vt falsò, & impie  
arbitrantur Gentiles ) indifferens esset creatura non solum  
ad procedendum per hanc, vel illam dependentiam actua-  
lem, sed etiam ab hoc, vel ab illo Deo, seu causa creante, &  
conseruante: quia de se creatura, vt talis est, non postulat  
nisi esse ab alio creante, & conseruante, quodcumque illud  
sit. At cognitio cum ex se, & natura specifica sua, non tan-  
tum ab vno cognitore possit procedere, sed à pluribus eius-  
dem saltem speciei, si semel concedatur, variari posse de-  
pendentiam proximam, & actualement eiusdem numero cogni-  
tionis, eadem ratione sequitur variari etiam posse causam,  
ipsam cognoscentem, seu cognitorem eo modo, quo cum  
calor productus à sole, vel ab vno igne conseruatur ab alio  
igne, non modo variatur calefactio, sed ipse quoque cale-  
factor. Quod argumentum maiorem vim habet in sententia  
eorundem aduersariorum, qui dicunt cognitionem non  
variari, nec numero, variato principio producente, & via,  
per quam ipsa ab eo dependet. Sequeretur enim cogniti-  
onem productam ab intellectu Angelico conseruari posse in  
se ab intellectu humano, vel saltem vnum hominem intel-  
ligere posse per cognitionem alterius hominis de potentia  
absoluta, transferente Deo, cognitionem productam ab  
vno,

vno, vt conseruetur ab alio. Quod est absurdum.

Secundo idem effugium præcluditur, & impugnatur; nani si dependentia à sua potentia, & principio vitali, quæ est de essentia cognitionis, tantum intelligeretur secundum exigentiam naturalem, qua cognitio essentialiter postulat conatum potentia, & substantia vitalis; non autem secundum actuale, & immediatam connexionem suæ substantia cum ipsa potentia, & principio vitali: Sequeretur de facto posse Deum se solo qualitatem cognitionis producere, vel conseruare cum omnibus absurdis ab eisdem aduersarijs contra talem positionem relatis. Sequela verò manifestè probatur, tum ratione vniuersali, qua se solo Deus potest produ- *v. a. q. eadem di-  
st. ut. 9. c. 5.* cere quicquid de facto producit cum causa secunda concurrente per actionem distinctam ex natura rei; tum in specie, quia non destrueretur essentia cognitionis sic explicata; semper enim maneret in cognitione eadem inuiolata exigentia, qua essentialiter postularet suum principium naturale, quemamodum manet in quantitate Corporis Christi exigentia essentialis ad habendam extensionem naturalem, quam non habet in Sacramento Eucharistia, & quam alibi retinet mediante alia præsentia locali. Vt igitur iure dicamus implicare contradictionem, cognitionem fieri, vel conseruari absque sua facultate, & principio vitali, explicanda est dependentia essentialis illius non modo secundum exigentiam prædictam, sed etiam secundum immediatam connexionem, quam substantia cognitionis includit cum suo principio naturali: ita vt intelligi non possit cognitio actualis, quin actu, & proximè dependeat à sua facultate, & substantia vitali.

Nec item effugiet, qui dixerit, cognitioni actuali essentialiter quidem conuenire talem dependentiam actuale, atamen mediante actione distincta. Nam implicat contradictionem, aliquid essentialiter actu alicui conuenire, & conuenire per aliquid à se ex natura rei distinctum, vt supra in prima ac principali probatione assumpsimus. Si igitur huic cognitioni, vt existens est, essentialiter conuenit actu procedere

dere à suo principio, & potentia vitali, ipsa processio non potest esse aliquid ex natura rei distinctum ab illa. Alio in ex vno capite id per quod actu, & proximè cognitio dependeret, esset via interiecta, ac proinde sine tali via accidentali non daretur huiusmodi actualis dependentia. Ex alio verò capite, necessariò daretur sine illa; nam hoc ipso, quod huiusmodi actualis dependentia esset prædicatum essentialè, cognitionis actualis, non posset non verificari de suo subiecto actu existente. Quare magis consequenter loquitur, qui negat prædictam dependentiam essentialè cognitionis à potentia, cum asserat pendere per veram actionem distinctam, quàm qui eandem concedit, asserens vtrumque saluari, eo quod cognitio non sine concursu facultatis, & substantiæ vitalis potest procedere, quamvis per viam ex natura rei distinctam procedat. Quod certè idem est, ac constituere talem concursum simpliciter de necessitate, & essentia, seu entitate cognitionis, quæ sine illo nec de potentia absoluta intelligi, aut existere possit; cum tamen ex alio capite constituitur accidens à parte rei distinctum à cognitione tanquam via, seu actio prædicamentalis à termino.

Vlterius ergo alia ratione probatur conclusio; nam de essentia cuiusque cognitionis, & amoris est, vt per illam immediatè animal tendat, ac feratur in obiectum; ac de cognitione hoc est peculiare, vt per illam homo attendere dicatur ad rem cognitam. Attentio autem manifestè indicat conatum eius, qui attendit, vt aduersarij etiam concedunt; ergo non potest per alium conatum, seu distinctam efficientiam procedere; sed eadem attentio, prout essentialiter denotat operationem cognoscentis, dicitur conatus illius; prout verò denotat attingentiam obiecti, dicitur formalis cognitio. Implicat enim conatum per alium conatum procedere, & attentionem non esse ipsum conatum, seu egressum potentiæ, quo concipimus cognoscentem ferri, ac tendere in obiectum.

Nec alia ratione actio prædicamentalis est ipsa efficientia agentis, & attingentia effectus per se ipsam immediatè producta;

ducta; ad cuius similitudinem & proportionem, cognitiones omnes, & volitiones dicuntur actiones grammaticales, quamvis in se sint meræ qualitates. Quia videlicet pari modo includunt essentialem, & actualem dependentiam à causa efficiente, ipsamque constituunt formaliter tendentem. Vnde videntur quodammodo eminenter continere conditiones, & proprietates actionum, ac proinde eminenter vocari posse actiones.

Tertio non minus perspicuè probatur conclusio; nam tota ratio ponendi vias, ac dependentias distinctas à terminis, est, quod termini ita dependent à quibusdam causis, & ab earum influxu, ut sine illis etiam produci, & existere possint. Et e contra, tota ratio asserendi nonnullas formas in sua entitate includere essentialem, & actualem dependentiam à suis efficientibus, aut subiectis, (quod est per se, & immediatè dependere ab illis) non est alia, nisi quia huiusmodi entitates nec esse, nec intelligi possunt in rerum natura absque tali dependentia; Ut actio absque dependentia, ab agente; unio à partibus; figura à quantitate; & relatio à fundamento: Ut communiter ab omnibus Philosophis cum Aristotele probatur. At nullum est signum, quo appareat, sensationem internam, aut alium similem actum vitalem, produci, aut existere posse absque actuali dependentia à sua facultate, & principio vitali; imo concipi non potest sensatio absque sensu, visio absque visu, tactus absque tangente &c. Ergo rectè inde à posteriori colligitur, sensationem huiusmodi, aut similem aliam qualitatem, & operationem vitalem, se ipsa, & non per aliquid intermedium pendere à facultate, & principio vitali.

Corroboratur hoc argumentum, nam si sensatio, & intellectio, vel similis actus vitalis produci, aut existere posset virtute diuina, ac supernaturali absque actuali dependentia à principio vitæ, plura sequerentur absurda, quæ contra Doctores supra citatos solent afferri. Ut, verbi gratia, lapidem posse sentire recipiendo talem qualitatem à solo Deo productam, quia ex parte receptionis nulla esset implican-  
tia,



tia, & talis qualitas formaliter constitueret eum sentientem, quemadmodum densitas constituit densum. Similiter intellectum ab anima separatum posse intelligere, ac beari: quemadmodum quantitas sine substantia in Sacramento potest dealbari. Insuper posse inanimem voluntatem frui, & amare; & liberum esse actum voluntatis sine ratione, & similia. Sed nullo alio pacto negari potest diuinæ omnipotentiae talis productio actus, nisi dicamus proximè, & essentialiter eum dependere à sua facultate, & principio vitæ actu concurrente: Quia nullo alio argumento probari posset id implicare contradictionem, ut patet ex solutione aliarum rationum: Ergone tot, ac tanta cogamur absurda concedere, potius dicendum est, id, quod à posteriori colligimus, (nempe Deum se solo non posse hos effectus producere) à priori ea ratione probari, quia implicat contradictionem, modum esse absque re, quam modificat, & cognitionem absque cognoscente, à quo proximè per suam essentiam & entitatem dependet.

Tandem confirmatur conclusio, quoniam iuxta illam, multo melius intelligitur, intellectum fieri omnia in actu, quo ipsa intelligit, ut docet Aristoteles. Quandoquidem immediatius videtur referre obiectum per modum se habendi erga illud, quàm referret per productionem, & receptionem imaginis illius. Imo dum res per sui modificationem aliam refert, ipsamet constituitur veluti imago illius, ut cum homo gestu, aut loquela alium imitatur, ac refert. Unde & fusilis magnitudo aeris, vel ceræ, immediatius alia corpora refert per figuram, qua intrinsecè, & immediatè terminatur, & efformatur, quàm si per colores, vel aliud à se realiter distinctum, eadem ipsa referret.

Quod si quis putet inconueniens, ultimam hominis perfectionem, ut est cognitio, vel amor, in entitate quadam modali constituere, quæ quidem videtur ex se maximam imperfectionem includere, ac diminutum tantum esse participare; eo quod semper sit esse alterius, à quo separari non potest: Occurrendum est, licet quilibet modus, prout con-

distin-

distinguitur à propria re, & prout ens alterius est, ex genere suo dicat imperfectionem; nihilominus ratione propriæ differentia, & naturæ specificæ, multos esse modos longè perfectiores, & nobiliores pluribus accidētibus, quæ distinguuntur, sicut res à re à suis subiectis. Vt vnio substantialis animæ rationalis cum corpore; subsistentia naturalis cuiuslibet substantiæ; & vnio hypostatica humanitatis cum Verbo Diuino. Qui modi quidem sunt; sed nobilissimi. Non igitur hoc ipso, quod cognitio, & amor modalem essentiam participant, rectè sequitur imperfectissima esse accidentia, nec posse hominibus perfectionem adducere.

Ad fundamenta ergo oppositæ sententiæ respondetur: ad primum concedendo nullam rem creatam ab alijs realiter distinctam, tantam habere dependentiam ab aliqua creatura, ut non possit à solo Deo fieri absque adminiculo, vel confortio illius; negando tamen omnes actus immanentes, præsertim actus cognitionis esse huiusmodi; Nam ut vidimus, cognitio non est res realiter distincta, sed modus potentiæ cognoscentis distinctus ab illa modaliter ex natura rei, sicut relatio à fundamento, figura à quantitatē, sessio à sedente, & actio ab agente. Quamobrem sicut implicat contradictionem præfatos modos esse, aut produci absque concursu rerum, quarum sunt modi; atque ex hoc colligitur essentialis dependentia eorum, qua omnes fatentur proximè per suam substantiam pendere ab illis; ita similiter fatendum est eadem ratione, cognitionem produci non posse absque suo principio essentiali, ac proinde per suam entitatem, & non per aliquod intermedium pendere ab illo.

Ad secundum respondetur, variato principio producente, variari etiam cognitionem productam, non tantum numero, sed quandoque etiam specie secundum diuersas formalitates. Quod certè non asseritur absque fundamento, ut putant aliqui. Nam ad distinctionem numericam cognitionum, non est necessaria diuersa intentio qualitatis cognitionis, vel alius modus siue in re cognita, siue in actu cognoscendi diuersus, ut ipsi supponunt. Potest enim idem omnino inua-

riatum

*Vasquez in 1.  
2. q. 3. disp. 9.  
c. 7.*

riatum obiectum cognosci per diuersas cognitiones æque intensas, vel remissas in diuersis temporibus ab eodem eadem ratione cognoscente, vt ipsimet aduersarij (licet parum consequenter) tandem concedunt. Ergo multò magis idem cognoscetur per diuersas numero cognitiones, quando vel cognoscens est diuersum, vel sunt diuersæ rationes, & principia cognoscendi. Siquidem plus valet ad distinctionem numericam actû, diuersum aliquod principium, à quo proximè per suam substantiam dependent, quam tempus hoc, vel illud ad quod est per se indifferens, hic vel alius actus. Ratio verò à priori est, nam quando eadem indiuisibilis entitas secundum diuersas formalitates proximè à pluribus agentibus simul dependet, aut producitur, variato vno agente, variatur tota entitas rei. Siquidem ita tota dependet ab omnibus, vt tota pariter dependeat à singulis, & mutato in illa vno gradu metaphysico, seu vna formalitate ipsius, tota mutatur entitas physica eiusdem. Vnde amor naturalis plusquam numero differt ab amore supernaturali eiusdem obiecti, etiam si in eodem tempore quilibet illorum disiunctiuè consideretur in subiecto: idque non alia ratione, nisi quia mutatur vnum principium amoris in aliud numero & essentialiter diuersum. Sic ergo cognitio elicita per habitum naturalem, & speciem impressam non esset eadem numero, si eliceretur à sola potentia eleuata per auxilium Dei extrinsecum, vel qualitatem supernaturalem.

Denique eadem ratione, qua aduersarij probant, variato principio producente, variari etiam productionem; probatur, variato principio cognoscente, variari cognitionem. Vtraque enim forma eodem omnino pacto dependet à suo principio. Non ergo sequeretur ex nostra sententia, posse eandem cognitionem produci à diuersis principijs, manente eadem dependentia; sed cum dependentia diuersa, sequeretur mutari etiam cognitionem, cum qua dependentia identificatur. Nec obstat hoc esse aliquod nouum, vt ipsi aiunt, si hactenus alia ratione firmitus non impugnetur.

Ad tertium respondetur ex antecedenti assumpto iuxta  
opi-

opinionem illorum Doctorum rectè inferri, quod intenditur; nihil tamen contra nos eo argumento; quippe qui oppositam sententiam communi aliorum consensu, veriore ac probabiliorem existimauimus cum D. Thoma, magisq. consonam Concilio Tridentino; vbi damnatur, qui dixerit liberum arbitrium nostræ voluntatis à Deo motum, & excitatum; nihil cooperari assentiendo Deo excitanti, sed veluti inanime quoddam, nihil omnino agere, merèq. passive se habere.

Ad confirmationem responderetur, modum illum loquendi Sanctorum Patrum non significare Deum operari in nobis sanctam cogitationem sine nostro physico concursu, sed sine nostra libertate, ac determinatione, ex qua actus nostri denotantur humani, ac nostri propriè dicti, ut homines sumus, iuxta doctrinam Diui Thomæ. Et iuxta eundem sensum Apostolus ad Romanos negabat se operari suos proprios motus sensus, vel appetitus cum sine deliberatione eos eliciebat, dicens. Quod odi malum, illud facio, iam non ego operor illud, sed quod habitat in me peccatum.

*Quotuplex sit sensatio interna. Cap. V.*

**I**N VERA, ac diuersa internarum sensationum genera commemorantur apud Philosophos, proprijs nominibus varia vniuscuiusque ratione nuncupata; ex quibus totidem plerique inferunt esse potentias, à quibus manant. Et quamuis in numero non conueniant, omnino tamen plusquam quatuor, vel quinque non reperiuntur enumerata. Ad vnum enim genus communiter pertinere aiunt quamlibet cognitionem obiectorum perceptibilium etiam à sensibus externis in præsentia illorum, quæ sensatio dicitur esse sensus communis. Ad aliud verò, cognitionem eorundem in absentia, eamque vocant imaginationem. Insuper ad

K

aliud

aliud dicunt pertinere sensationem obiectorum, quæ ab externis sensibus non percipiuntur, & vocant extimationem. Ad aliud pariter sensationem per quam percipiuntur, & copulantur obiecta non sensata cum sensatis à sensibus externis, quæ sensatio phantasia, seu phantasma appellatur. Ac tandem ad aliud genus spectare dicunt quamcumque prædictorum memoriam, seu recordationem. De quibus videre licet Auicennam, Auerroem, Algazelum, M. Albertum, Gandauensem, & alios, qui in secundum de anima, agunt de numero sensuum internorum. Verum hæc enumeratio ex parte redundat, & ex parte deficit in quibusdam, multa supponendo, quæ non sunt, aliaque satis diuersa nullatenus distinguendo, de quibus mox sigillatim nobis erit agendum.

Vt igitur distinctius, ac facilius procedamus, cum supra determinatum sit quot, & quæ nam obiecta sub sensum interiorem cadant, statuendum hic in primis est, tot esse sensationes internas specie diuersas, quot esse diximus obiecta illarum eadem ratione in se ipsis distincta. In quo nulla potest esse controuersia, supposita doctrina Aristotelis communiter recepta de specificatione actuum per obiecta. Et vnica ratio suadet, nam si proculdubio iuxta diuersitatem obiectorum differunt imagines impressæ emanantes ab ipsis; ita pariter differre debent expressæ, quæ eandem omnino naturam sapiunt ac referunt, & quæ virtute impressarum tanquam ex semine potentiam foecundantem, ad eandem naturam obiecti exprimendam procreantur.

Secundo stabiendum est, aliquas dari in obiectis etiam eiusdem naturæ circumstantias, & condiciones diuersas, quæ ex se valent sensationes internas specificè diuersificare. Huiusmodi sunt præsentia, vel absentia obiectorum, & coniunctio, vel separatio eorundem cum potentia, prout constituuntur illi intrinseca, vel extrinseca, vt supra explicauimus. Quia licet non varient substantiam obiecti, variant nihilominus modum immutandi potentiam, proindeque se habent tanquam differentiarum essentielles in ratione obiecti

*Auicenn. lib. 6.*

*natural. par. 4.*

*Auer. 2. de anima comm. 6.*

*Algazel lib. de anima tract. 4.*

*cap. 4.*

*Alber. Mag. 2. de anima tract. 4. cap. 7.*

*Gandauens. 2. de anima q. 37.*

*2. de anima tex. 33.*

obiecti formalis. Probatum autem hoc primò de præsentia, vel absentia: Nam quando percipitur obiectum præsens (cooperantibus nimirum sensibus externis) fit sensatio actu patiendo aliquid ab illo; secus verò si sit absens, præteritum, vel futurum. Ex quo fit, ut in præsentia per receptionem nouæ imaginis, aliter se habeat potentia in actu primo, quotiescumque promit actum secundum. In absentia verò hac ratione non immutetur, sed per vsum speciei, quam hætenus obiectum inuexit, eliciat sensationem, quæ est actus secundus. Cum igitur potentiam de nouo sic immutari, vel non immutari in actu primo dum operatur, differentia sint essentielles in ratione operantis, ut operans est: sequitur ut operationes ipsæ diuersimodè ab eo sic ortæ, ad duo ac diuersa sensationum internarum genera pertineant, ita ut sentire in præsentia cooperantibus sensibus externis, & sentire in absentia, sensationes sint genere diuersæ. Vnde primum genus in cunctis reperitur animantibus: Secundum verò non omnibus, sed perfectioribus dumtaxat competit animalibus, nimirum his, quæ valent, quod senserint meminisse, ut iuxta doctrinam Aristotelis explicat Aphrodiseus. 2. Metaph. u. d.

Deinde idem probatur de coniunctione, vel separatione, qua obiecta dicuntur intrinseca, vel extrinseca; Nam sensatio interna alicuius obiecti intrinseci, ut motus appetitus sensitiui, vel sensus externi, non solum est diuersa à sensatione interna obiecti extrinseci iuxta substantialem diuersitatem ipsorum obiectorum inter se; sed etiam propter circumstantias, seu condiciones diuersas coniunctionis, & separationis, quas includunt eadem obiecta respectu potentia. Siquidem quando obiectum est intrinsecum, & coniunctum, proximè attingitur à solo sensu interiori, nullo alio interiecto ministerio alterius potentia, siue proximo, siue remoto: quando verò est extrinsecum, non nisi cooperantibus sensibus externis, per quos eius similitudo intus transfunditur, vel hætenus fuit transfusa: Quapropter semper sensatio interna circa extrinseca inuoluit cognitio-

nem sensationis externæ, quam supponit tanquam principium aliquod sui esse per speciem, quam illa emisit, & qua mediante ipsa fuit elicitæ. Itaque tam ex parte inadæquata terminationis obiecti extrinseci, quàm ex parte principij à quo dependet ipsa sensatio interna obiecti extrinseci, essentialiter differt à sensatione obiecti intrinseci. Id, quod ex eo vltèrius planum fit; nam aliqua obiecta intrinseca, etiamsi præterita sint, reuocari quasi valent in præsentiam, sensu interiore excitante appetitum ad similem actum, vel sensationem externam prouenientem ab intrinseca causa, dum illum ipsum actum imaginatur, quem de nouo facit clicere, vt frequenter tam vigilantibus, quàm etiam dormientibus circa intensum dolorem, aut delectationem, famem, & sitim contingit: Quæ omnia exerceri nequeunt circa obiecta extrinseca, quorum præsentia, vel existentia, non est in potestate potentia sentientis. Concluditur ergo, quatuor esse species internarum sensationum ex parte prædictarum conditionum, cum quibus offerri solent obiecta.

Tertio dicendum est tot esse sensationes internas specie diuersas, quot sunt earum modi attingendi obiecta essentialiter diuersi, vt si attingant intuitiue, vel abstractiue, mediata, vel immediata, vt dictum est. Similiter si procedant per modum estimationis circa realitatem obiecti, vel tantum sistendo in apparentia, quæ per imaginationem concipitur, aut effingitur. Tandem si procedant per modum primæ, seu absolutæ cognitionis, vel per modum iteratæ cognitionis circa obiecta cognita, vt hactenus cognita, prout sunt cognitiones memoratiuæ. De quibus omnibus sequentibus capitibus sigillatim agendum est, cum hic recensere tantummodò ipsos modos statuerim, quos infra constabit esse essentialiter diuersos: planumq. sit omnium Philosophorum consensu, modum attingendi obiecta essentialiter diuersum, diuersam pariter cognitionem reddere secundum speciem.

Interim tamen potest constare omnia nos genera internarum



narum sensationum enumerasse; nam primo, quod addunt alij genus extimationis ad percipienda obiecta non sensata, à sensibus externis, omnino redundat; siquidem per huiusmodi obiecta, vel intelligunt sensationes ipsas sensuum externorum, & motus appetitus sensitiui; Ec sic eorum interna sensatio iam admissa est à nobis, dispositaque in suo genere cognitionis obiectorum intrinsecorum. Vel per huiusmodi obiecta intelligunt passionem illas entium, de quibus supra inuestigauimus, vt bonitatem, & malitiam, seu conuenientiam, & disconuenientiam, amicitiam, & inimicitiam, & similia; & vt sic locum non habet hæc sensatio, quæ dicitur extimatio, quia re vera talia obiecta sunt extrà latitudinem obiecti adæquati sensus interioris, solumque percipiuntur ab intellectu, vt ibi satis abundè, luculenterque probare conati sumus.

*Tract. 2. cap. 4.*

Deinde, quod addunt genus phantasiæ ad copulandas species non sensatas cum sensatis, ex eo rejicitur; nam si sermo sit de speciebus impressis, hæ nec copulantur, nec separantur per actum cognitionis formaliter, quia nullo modo cognoscuntur à sensu, sed tantum sunt illi rationes cognoscendi obiecta; copulantur autem materialiter dum simul potentia utitur illis ad cognoscenda obiecta sensata, & insensata, quod fit per imaginationem, & extimationem in aduersariorum sententia; Vnde nihil in hoc agendum remanet phantasiæ. Si verò sermo sit de speciebus expressis, hæ pariter nulla indigent coniunctione, aut separatione, præter materiale connexionem, qua vna species, seu actus exprimitur post alium, vel simul cum alio, nisi fortasse quis dicat coniungi, vel separari species obiectorum per expressionem connexionis, vel discrepantiæ, quæ est inter ipsa obiecta. Quod certè, vel idem est, ac separare, & componere affirmando, aut negando vnum de alio, & formaliter cognoscendo connexionem ipsam, ac discrepantiæ, seu conuenientiam, & disconuenientiam prædicari cum subiecto: Et sic est opus solius intellectus, ac sensui minimè concedendum. Vel tantum est materialis quædam, & com-

Cap. 11. huius  
Tract.

plexa apprehensio prædicati cum subiecto per naturalem connexionem specierum, quibus illa simul repræsentatur, siue tanquam vnita inter se, siue remota; vt infra dicitur constitui obscurum, & imperfectum iudicium: Et sic talis copulatio specierum, siue modus cognoscendi non constituit sensationem essentialiter diuersam, sed ad summum tantum inuoluit maiorem perfectionem, ac distinctionem ipsius cognitionis, perfectioremq. vsum imaginum impressarum, quatenus per illas non confunduntur obiecta diuersa, vt cum exprimuntur per modum vnius, sed seorsum repræsentantur, siue coniuncta, siue remota, prout sunt à parte rei per simultaneam cognitionem, quæ imitatur iudicium. Idemque dicendum est de sensatione, quæ procedit per modum discursus. Siquidem omnes sunt differentia accidentales, secus ac in operationibus intellectus, per quas exprimitur formalis connexio prædicati cum subiecto, & consequentis cum antecedenti.

*De interna sensatione obiectorum præsentium, quæ dicitur sensatio sensus communis. Cap. VI.*



**L**ACTIOR tradenda erat de singulis sensationibus internis inuestigatio, quam quæ proximo cap. enumeratio illarum simul permitteret. Deinceps igitur figillatim de illis agendum erit, ac primo de interna perceptione obiectorum præsentium, quæ natura, & ordine ceteras antecedit. Affinis est enim sensationibus externis, similemque fortitur conditionem cum illis, à quibus ferè omnis interior sensatio per rerum simulacra sumit exordium. Ac ne frustra eandem disputationem sub diuerso verborum titulo repetamus, certum esse debet, sensum interiorem omnia, & singula obiecta sensuum externorum peculiari quadam sensatione in eorum præsentia simul cum ipsis externis sensibus operando percipere; quæ sensatio dici solet sensatio sensus com-

communis ; idque satis potest constare ex dictis de existentia sensus interioris in principio, ac diuisione sensationum, paulo ante disposita. Hic tamen inuestigandum remanet qua ratione dicatur sensus interior attingere in obiectis præsentiam, & quo pacto hæc interna perceptio fiat : Id, quod non caret difficultate. Cum enim præsentia obiecti constituatur ex circumstantijs quibusdam simultatis temporis, & loci iuxta sphæram actiuitatis potentia; difficile videtur ab alia facultate, quam ab intellectu per comparisonem percipi posse, loquendo de cognitione formali, ac distincta. Quod si loquamur de cognitione materiali, & confusa, prout sensibus externis conceditur, alia ratio aduersatur. Nam hæc ex vno capite necessario esset cognitio intuitiua. Directè enim intueretur, & per se attingeret obiectum cum præsentia per modum vnius, quemadmodum attingit quælibet sensatio externa. Quandoquidem per hoc formaliter omnis cognitio intuitiua differt ab abstractiua; quod intuitiua per se sit perceptiua realis, & existentis præsentia obiecti: abstractiua verò non ita, sed aliunde obiectum absens cognoscat. Ex alio verò capite non esset cognitio intuitiua, quia non attingeret obiectum immediatè, sed mediantibus sensibus externis: ad cognitionem autem intuitiuam requiritur attingentia immediata. Quamobrem visio clara Dei, quæ est notitia intellectus intuitiua, dicitur fieri facie ad faciem, vt ait Apostolus: Atque ex hoc scripturæ loco, qui im-mediationem attingentia; significat, putat Scotus, & Gregorius, desumptam fuisse appellationem notitia; intuitiua. Ne igitur hæc duo contradictoria simul sequantur, concludi videtur, sensum internum, nec materialiter, nec formaliter præsentiam in obiectis attingere, quæ non nisi intuituè, & immediatè attingi potest, vt ex alijs patet inductione, quia nulla alia datur attingentia præsentia, quæ simul non sit immediata, & intuita, qualis sensatio interna esse non potest.

Vt autem luculentius difficultas euadatur, distinguendum est de præsentia huiusmodi obiectorum; nam si loqua-

1. Corin. 13.

Scot. quodlib. 6.

art. 1.

Greg. in 1. dist.

3. q. 3. art. 1.

mur de illa absolutè respectu ipsius sensus interni, absque controuersia omnia sensibilia dicentur illi æque præsentia, & vt præsentia etiam longè remota cognosci. Nam obiectum tunc dicitur præsens potentia cognoscitiua, quando constituitur intra sphaeram actiuitatis illius, siue prope, siue longe. Mons enim ad quingenta, vel sexcenta stadia eminus conspicitur, remotioresq. firmamenti stellas apertissimè intuemur, ac tonitrua longè facta audimus, prout hæc omnia verè nobis præsentia. Et sicut non potest obiectum attingi extra sphaeram actiuitatis potentia, ita quotiescumque attingitur vt præsens, hoc sensu attingitur. Cum ergo obiectum sensibile siue propinquum, siue remotum à sensibus externis, semper sit intra sphaeram actiuitatis, siue cognitionis sensus interioris, & æquè ab illo attingatur: non potest non vt præsens attingi. Vnde Augustinus de ingenti aula suæ memoriæ proloquutus subiungit. Ibi mihi cælum, & terra, & mare præsto sunt cum omnibus, quæ in eis sentire potui &c. pauloq. inferius concludit. Et hæc omnia, rursus quasi præsentia meditor. Controuersia igitur tantum esse potest de præsentia obiecti respectu sensuum externorum, & quam attingunt ipsi sensus externi. Vtrum scilicet hæc percipiatur etiam à sensu interiori, non obstantibus rationibus dubitandi proximè adductis; nam de tali, & non alia præsentia communis loquendi modus videtur supponere.

Dicendum primo est, sensum interiorem verè, ac propriè attingere in obiectis præsentiam, quam attingunt sensus exteriores, dum operatur simul cum illis. Ita communiter supponunt Philosophi, dum quidquid à sensibus externis percipitur, ad sensum communem transfundunt, aiunt cum Aristotele, & expressè docent plures recentiores. Probat autem primo; nam sicut nihil valet operari sensus exterior absque concursu interioris saltem in vigilia, vt sæpe ab experientia, & ex Aristotele retulimus: ita nihil valet sentire, quod ille pariter non sentiat. At sensus exterior percipit præsentiam obiecti cum distantia, vel propinquitate loci cæterisque conditionibus, quamuis materiali modo: Ergo multò

*Lib. 10. confess.  
cap. 8.*

*De somn. et vig.  
c. 2. & de vitæ,  
& morte c. 1.  
Conimbr. 2. de  
anima q. 3. ar. 1*

multò melius idem percipiet sensus interior, qui per diuer-  
 sos aditus, ac sensus exteriores, plures valet simul circum-  
 stantias comprehendere. Secundo probatur; nam quando  
 aliquid contemplamur, simulq. oculis intuemur, necessariò  
 representatur nobis cum certa ac reali presentia, imò & di-  
 stantia, seu propinquitate, alijsq. circumstantijs, quas non  
 possumus non affirmare de illo tanquam veras, prout sunt à  
 parte rei. Quod si clausis oculis idem obiectum imagine-  
 mur, non amplius necessario, sed pro arbitrio cum illis cir-  
 cumstantijs offeretur: ac propterea ea omnia tunc nequa-  
 quam certò vera esse dicemus, quamuis in se vera sint: quia  
 in aduertente sensu interiori, distantia, vel presentia illa,  
 tunc potuisset mutari. Indicium est ergo sensum interiorem  
 verè cum externo concurrere, ac percipere obiectum cum  
 presentia, quam necessario iudicat veram. Confirmatur; nam  
 si sensus interior vna cum exteriori distinctè non perciperet  
 presentiam, eodem modo decipi posset in vigilia, sicut in  
 somnis frequenter decipitur, præsens aut propinquum iudi-  
 cando, quod distat, vel abest, & c. contra: Ex quo fieret, vt  
 exterior euidencia & certitudo nō transfunderetur interius,  
 & vt non nisi alieno iudicio sponte sensus interior adhære-  
 ret; vnde passim confunderetur, ac deciperetur, quod maxi-  
 mum esset absurdum. Tandem ratio à priori est; nam quid-  
 quid sensibus externis ad representationem inuritur, siue  
 sint ipsa rerum simulacra, siue modificationes eorum,  
 per accidentia, hoc omne intus refunditur; vnde princi-  
 pium, & regimen obtinet sensus in externis functionibus  
 obeundis. Cum igitur presentia obiectorum siue per di-  
 stinctas imagines, siue per modificationem earum, quæ  
 ab obiectis emanant externis sensibus innotescat, inter-  
 no pariter eam representari consequitur.

Uterius dicendum est, sensum interiorem propriè ferri in  
 sua obiecta presentia cum sensibus externis, modo intuiti-  
 uo, seu cognitionem illius, qua percipit obiecta presentia  
 simul cum sensibus externis, esse cognitionem intuitiuam:  
 Hæc conclusio sequitur ex præcedenti, supposita comuni

Doctorum explicatione, ac doctrina de notitia intuitiua, & abstractiua. Illam enim definiunt esse cognitionem intuitiuam, per quam percipitur praesentia obiecti in se, & vi ipsius cognitionis; non verò, quia aliunde comprobatur. Vnde dicitur notitia rei praesentis, vt praesens est, vt Scotus cum alijs aduertit. Sed sensatio interna obiectorum praesentium, quae simul fit cum sensatione externa, est perceptiua ipsius praesentiae in se sicut ipsa sensatio externa; idque ex vi propria suae conditionis, quia valet percipere, & necessario percipit quidquid percipit sensus exterior; non verò, quia aliunde, nempe, quia per aliam cognitionem, vel per aliam rem prius cognitam talis praesentia comprobetur; Ergo sensatio interna obiectorum praesentium, quae simul fit cum sensationibus externis, verè, & propriè est cognitio intuitiua.

Confirmatur; nam si quid esset, per quod tanquam per aliam cognitionem, vel per aliud prius cognitum ab interiori sensu huiusmodi praesentia nosceretur, id esset ipsa species expressa, seu sensatio sensus exterioris, in qua praelucere dicuntur obiecta extrinseca cum suis conditionibus: At sensus interior quamuis indigeat sensatione externa, vt per eam foecundetur propria, ac recenti specie impressa ad elicendam cognitionem obiecti praesentis, vt praesens est; non tamen per eam ducitur in cognitionem talis obiecti tanquam per imaginem prius cognitam; nec tanquam per cognitionem intermediam, qua sola attingatur obiectum extrinsecum, vt praesens est; nam sensatio interna, vt saepe diximus, directè fertur in huiusmodi obiecta, ac propterea illa immediatè attingit simul; ac ipsam sensationem externam per eandem speciem impressam: siquidem, vt docet S. Thomas, quando aliqua multa vna specie intelligi possunt, simul intelliguntur: Ergo realis praesentia obiecti extrinseci non percipitur à sensu interiori per alienam cognitionem, vel aliud intermedium, sed per propriam notionem intuitiuam.

Rursus idem corroboratur; nam aliud est, sensum interio-  
rem attingere praesentiam obiecti per aliam cognitionem praehabitam à sensu exteriori; aliud verò est in hac attingentia

Scot. in 1. dist. 2.  
p. 2. qu. 1. &  
quodlib. 6. ar. 1.  
Ferrar. lib. 2.  
cont. gen. c. 60.  
Durant. in pro-  
log. 7. 3.

1. par. qu. 1. 2.  
ar. 1.

gentia necessariò concomitari sensationem externam, vt per eam iugiter simulacra recipiat, ac successiuè constituatur in actu primo ad internoscendam simultatem temporis, & loci in obiecto respectu potentiae exterius sentientis, vbi fundatur praesentia; quod tantum est indigere eius cooperationis ministerio, & concursu. Nihil ergo ex hoc capite obstat quominus huiusmodi attingētia sensus interioris in actu secundo sit propria cognitio intuitiua. Alioqui nec ipsa sensatio externa esset intuitiua; nam sicut obiectum extrinsecum, vt verè praesens est, ab interiori sensu absque exteriori nō posset certò dignosci; ita idem obiectum ab exteriori sine concursu interioris, nullatenus perfectè posset sentiri propter dependentiam, quam exterior sensus ab interiori in operando includit, vt hactenus declarauimus. Denique sicut vsus inspicilli, quo infirmus oculus iuuatur in actu primò ad simpliciter intuendum, vel vsus thelescopij ad percipienda Medicae sydera, non tollit, vtramque visionem esse intuitiuam; ita actuale ministerium sensus exterioris ad cognoscendam interius realem obiecti praesentiam, non tollit notionem illam esse intuitiuam.

Cur autem ex ijs, quae pertinent ad obiectum extrinsecum, sola eius realis praesentia non possit ab interiori sensu dignosci absque actuali concursu exterioris, ea ratio esse potest. Nam caetera praedicata pertinent ad quidditatem essentialem, vel accidentalem obiecti, quae omnia cognosci possunt etiam abstractiuè, & per species hactenus habitas ab ipsis obiectis ministerio sensuum externorum. At verò realis praesentia cum consistat in exercitio actualis existentiae ipsius obiecti in tali loco, & tempore, cū tali propinquitate, & distantia; necesse est, vt in quolibet instanti cognoscenda, seu affirmanda sit interius de ipso obiecto talis praesentia; in eodem instanti recipiatur species actualis existentiae ipsius, vt iuxta illud. hic & nunc, in quo fundatur simultas potentiae cognoscitiuae, & obiecti, quod dicitur praesens, verè affirmetur praesentia realis de ipso. Cumque species illae iugiter nouae in quolibet instanti haberi non possint, nisi ab exteriori sensu

prius



prius excipiantur per sensationem externam; hinc est ut realis præsentia obiecti attingi non possit ab interiori sensu absque cooperatione, & ministerio exterioris.

Vbi notanda est obiter differentia inter præsentiam realem obiecti, & imaginariã in modo, quo percipiuntur à sensu interiori. Nam is quando cognoscit rem præteritam, vel absentem, ut existentem, & præsentem, illa cognitio est abstractiua, non autem intuitiua. Siquidem non terminatur in exercitium actus existentiae, & præsentiae illius rei, sed tantum in quidditatem ipsius actus existentiae, & præsentiae cum quo concipitur; abstrahendo ab exercitio eiusdem actus, quia re vera per talem cognitionem simul non concipitur actus existentiae in exercitio, quemadmodum si verifaretur in rem verè existentem, aut præsentem. Quod exercitium licet accidentaliter competat actui existentiae, vel præsentiae, sicuti etiã rebus alijs creatis, hoc ipso quod creatæ sunt; in illud tamen necessariò ferri debet cognitio ad hoc, ut verè intuitiua dicatur. Cum igitur sensus interior ministerio sensuum externorum hic, & nunc percipit adesse obiectum extrinsecum (quod est simul percipere exercitium, non autem solum quidditatem actus existentiae, & propinquitatis illius) talis cognitio erit propriè intuitiua; secus verò si illum actum, quem non sentit extare, absolute tantum imageretur secundum suam quidditatem absque exercitio.

Vltimò dicendum est sensum interiorem verè etiam attingere præsentiam in suis obiectis intrinsicis, eaque similiter, ut præsentia modo intuitiuo cognoscere. Hæc conclusio satis manet probata ex superius dictis, eoque magis patebit; nam obiecta intrinseca nullo ministerio alterius cognitionis, interiori sensui representantur, sed statim atque sunt in rerum natura per se emittendo proprias species intentionales immediatè illi obijciuntur tanquam præsentia, prout sunt à parte rei simul in eodem corpore animalis, cum maiori, vel minori distantia iuxta organa appetitus sensitui, ac sensuum externorum. Quare cognitio sic elicitæ,  
verè

verè est rei præsentis, vt præsens est, per se, & non aliunde præhabita; ac proinde intuitiua. Vnde pariter diuersimodè immutatur sensus interior, quando percipit obiecta intrinseca verè præsentia, atque cum eadem, absentia vel præterita, vt præsentia imaginatur. Nunc scilicet necessario iudicando illa verè præsentia; nunc verò omnino abstrahendo à præsentia, vel pro arbitrio illam fingendo. Nunc tendendo in exercitium actualis præsentia illorum; nunc verò tantum in quidditatem eorum, siue secundum proprium esse, siue secundum existentiam in tali loco, & tempore, quæ etiam abstractiue potest cognosci.

Ad rationem igitur dubitandi in principio positam respondetur primò ad primum caput difficultatis, præsentiam obiecti, de qua loquimur, vel sumi prout formaliter dicit relationem simultatis existentia in tempore, & loco cum debita propinquitate, ac distantia iuxta sphaeram actiuitatis sensuum externorum; & vt sic verè à solâ facultate intellectiua per collationem plurium, & non aliter percipi posse, vt in eodem argumento asseritur: vel sumi materialiter pro fundamento illius relationis, nempe pro actuali coexistentia obiecti, qua constituitur hic, & nunc intra sphaeram cognitionis prædictæ: Et vt sic percipi à sensu interiori, & exteriori: nam vterque per similitudinem, quam actu excipit ab obiecto, sentit, illud ibi tunc extare cum suis conditionibus temporis, & loci, quas pariter non nisi materialiter percipit, vt hactenus dictum est de propinquitate, & distantia.

Ad secundum verò caput difficultatis respondetur, sensum interiorem immediatè, ac proinde intuitiue attingere præsentiam obiecti, vt probatum est. Quando autem dicitur ipsum operari mediantibus sensibus externis, intelligendum esse in actu primo, non verò in actu secundo: nam verè tunc constituitur in actu primo ad operandum per speciem, quam recipit à sensationibus externis, in quibus relucere dicuntur obiecta præsentia tanquam in speculo: Quod tamen non obstat quominus per actum secundum ipse immediatè

diatè attingat simul sensationes, & obiecta per illas repræsentata. Sicut per eundem actum visionis beatificæ immediatè, ac simul terminatur cognitio in essentiam diuinam, gerentem vicem speciei, & in creaturas, quæ per eam repræsentantur secundum suas proprias rationes formales. Nam quid est, quod non videant, qui videntem omnia vident? ait Gregorius. Et Bernardus de anima beata. Videt (inquit) verbum, & in verbo, facta per verbum. Atque hæc omnia, vt docet Augustinus, vnico intuitu videri intelliguntur, quia (inquit) non erunt volubiles nostræ cogitationes ab alijs in alia euntes atque redeuntes, sed omnem scientiam nostram vno simul conspectu videbimus. Cum igitur videri aliquid in aliquo ex se non tollat immediationem, & vnitatem actus cognoscendi, qui in vtrumque simul terminatur, non est cur sensatio interna simul immediatè non attingat sensationem externam, & præsens obiectum in illa repræsentatum.

*De interna sensatione obiectorum absentium, & non existentium. Cap. V 11.*



NA, & eadem erit hic philosophandi ratio de sensatione interna respectu obiectorum absentium, nempe quæ alibi sunt extra spheram actiuitatis sensus exterioris, penes cuius latitudinem de præsentia loquuti sumus; ac respectu obiectorum non existentium, quæ nullibi, & nullo modo sunt, vt præterita, & futura, possibilis, & impossibilia. Etenim de omnibus vnica esse potest questio circa modum, quo ab interiori sensu cognoscuntur, cum nullum eorum actu fecundare possit potentiam per emissionem propriæ speciei, vt necessarium esse diximus ad quamlibet sensationem eliciendam.

Cum communi ergo sententia primò statuimus cognitionem huiusmodi obiectorum semper fieri per vsum alicuius speciei

Greg. lib. 4. Dialog. c. 33. & lib. 2. moral. c. 3.

Bern. lib. 6. de consid. ad Eugen.

August. 15. de Trin. cap. 16.

speciei conseruata ex alia priori cognitione eiusdem sensus interioris, qua vel idem obiectum, vel aliud simile in præsentia nouimus. Ita passim apud Aristotelem, cæterosque Peripateticos testatum inuenimus, præsertim secundo de anima textu 138. vbi cum dixisset; Vnumquodque sensorium esse susceptiuum sensibilis sine materia (hoc est speciei intentionalis illius) ex hoc inquit fieri, vt semotis, vel abeuntibus sensibilibus, insint etiam sensus, & imaginationes. & cap. 2. de mem. & remin. Dubitabit, inquit, aliquis quomodo passione quidem præsente, re verò absente meminit quod non præsens. Et post multa concludit, animam agendo speculari absentia in imagine quasi pictura prius facta in ipsa anima, & in parte corporis habente ipsam per motum sensus, qui scilicet eadem obiecta percepit, quâdo erant præsentia; & ob hoc aliquando nos nescire, factis in anima huiusmodi motibus ab eo, quod prius sensimus, si secundum sensationem accidit, & si est memoria, an non. Deinde c. 3. loquendo de rebus absentibus, quæ procul percipiuntur ab anima non extendendo illuc cognitionem, sicut visum, sic inquit: Etenim cum non sint, similiter intelliget, sed ratione quadam mouebit; sunt enim in ipsa similes figuræ, & motus. Sensit ergo Aristoteles, obiecta absentia etiam quando non sunt, intelligi ab anima, ratione quadam mouente similes figuras, quæ sunt in ipsa, ac similibus motibus; quod est vti speciebus hæcenus impressis in sensorio, vbi intellectus phantasmata per illas elicit speculatur.

Ratione verò probatur, quia nequit sensus aliquid apprehendere sine specie illius in sensorio impressa, siue sit propria, siue aliena; nec habet species ingenitas obiectorum, cū ab illis eas accipere debeat, vel immediatè si sint obiecta intrinseca, vel mediantibus sensibus externis si sint obiecta extrinseca. Quando igitur propter absentiam, vel non existentiam obiecti, nullam eius actu similitudinem potest excipere, remanet vt non nisi per vsum alicuius imaginis hæcenus in sensorio relictæ huiusmodi obiectorum cognitionem eliciat. Diximus autem per vsum speciei, qua vel idè obiectum, vel aliud

aliud simile in præsentia nouimus ad insinuandam diuersitatem in modo cognoscendi obiecta absentia, vel non existentia, quæ aliquando in præsentia fuerunt ab eodem sensu sensata; & ea, quæ nunquam adhuc in eius præsentia sunt constituta, & vt talia ab ipso recognita. De qua diuersitate mox aliquid seorsum dicendum erit: illud hic prius admonendo, eandem esse rationem de obiectis nunquam sensatis, ac de aliquando sensatis; quorum species omnino sunt oblitteratæ, siue deperditæ. Nam vt docet Augustinus, cum imago, quam memoria gerit, obliuione deleta est, non erit quo aciem animi formandam voluntas recordando retor-queat; ac proinde eadem est ratio de vtrisque.

11. de Trinit.  
cap. 4.

Secundo autem stabiendum est, speciem illam, per quam sensus interior cognoscit absentia, vel non existentia hactenus sensata in præsentia, esse propriam illorum, & eandem numero, per quam primò eadem obiecta in præsentia nouit. Qua in re nulla potest esse controuersia; atque hunc modum cognitionis supponunt, cum Aristotele omnes Philosophi quotiescumque loquuntur de memoria actuali, seu de actu recordationis. Et ratio est manifesta; quoniam species propria istiusmodi obiectorum, quæ excipitur per sensationem externam, non aboletur statim per vsum sensationis internæ, sed paulatim decursu temporis per indispositionem subiecti, cum ipsa contrarium non habeat; vt aliàs dictum est. Quare ipsa manere in sensorio dum recolitur obiectum, ex quo ipsa manauit, & cuius est propria imago impressa, non est cur alia quæratursimilitudo ad exprimendam rursus talem sensationem, sed eadem propria species ad omnem eiusdem obiecti expressionem deseruiet, ex quo fit, vt præterita, vel absentia obiecta per eandem speciem, & cum eisdem circumstantijs representata, quandoque intensè cogitantibus videantur adesse, ita vt factis in anima huiusmodi moribus, confundant memoriã cum perceptione præsentium, acbat Aristoteles paulò ante citatus. Vnde, vox impressa per aures postquam sonuerit, & præterierit, vestigio quodam recolitur; ait Augustinus, quasi sonaret, cum iam

Lib. 10. confess.  
cap. 9.

hinc

non

non sonet. Et odor, inquit, dum transit, & euanesceit in ventos, olfactum afficit, vnde traijcit in memoriam imaginem sui, quam reminiscendo repetamus.

Tertio dicendum est, id, quod nunquam sensus expertus est in præsentia, siue sit alibi, siue nullibi, siue præteritum, siue futurum, siue tantum possibile, aut impossibile; non apprehendi ab eo, nec per propriam similitudinem; nec per similitudinem alterius præhabitam, quasi formaliter ad instar illius. Prior pars huius conclusionis nulla indiget probatione, nam sensus interior non potest apprehendere obiectum per speciem, quam non habet; at nullam potest habere, aut retinere speciem propriam obiecti, quod hactenus non sit expertus: ergo nequit illud apprehendere per propriam speciem. Posterior verò pars conclusionis probatur. Nam concipere vnum formaliter ad instar alterius per vsum speciei illius, transcendit vim, & facultatem cuiusque potentie sensitivæ, estque solius opus intellectus, quia inuoluit comparisonem vtriusque; comparatio autem supponit prius aliqualem simplicem cognitionem eorum, quæ postea comparantur, & si per eandem speciem vtrumque aliquo modo cognoscitur, antequam comparetur, non nisi per abstractionem potest cognosci; nam, quæ vt plura intelliguntur per eandem imaginem, sunt propriè abstracta, nec abstrahi possent, nisi prælucere in specie, vt natura vniuersalis, & passionis rei in specie eiusdem rei particularis. Duo autem sensibilia diuersa, quantumuis similia, nec per eandem omnino speciem possunt secundum se representari, nec per eandem, vt similia, vel dissimilia concipi, & ab inuicem à sensu interiori præscindi, ac separari. Cum igitur sensus interior non possit vnam alteri comparare, seu plura simul inter se conferre, nec in vna specie plures formalitates, ac rationes, quæ in ipsa elucet, præscindere, vt videat in quibus obiecta discrepent, aut conueniant: sequitur, nec posse vñ formaliter ad instar alterius cognoscere per vsum eiusdem speciei illius propriæ, sicut præualet intellectus,

qui speculando phantasmata, non modò ipsa sensibilia obiecta, quorum illa sunt propria, & expressa simulacra, cognoscit; sed & alia, quæ virtute in ipsis phantasmatibus continentur, & latitant respectu cognitionis corporeæ, ac sensitiuæ; vt sunt naturæ vniuersales eorundem sensibilibium, passiones, ac proprietates, & quæcumque prædicata essentialia, & accidentalia illorum: & rursus ea ipsa ad modum aliorum sensibilibium, ac rerum corporearum valet apprehendere. Vnde Aristoteles loquendo de formis intentionalibus, ac phantasmatibus, in quibus intellectus sua obiecta discernit, inquit; In formis sensibilibus intelligibilia sunt, & quæ in abstractione dicuntur, & quæcumque sensibilibium habitus, & passiones sunt.

Quarto itaque dicendum superest, sensum interiorem imaginari obiectum, cuius speciem non habet, seu quod nunquam ipse in præsentia est expertus, per speciem alterius, quam habet; materialiter quidem attingendo id cuius imago illa est propria, formaliter verò illud, quod intendit, aut credit attingere. Probatum hoc rationabili discursu sumptum ab experientia, & auctoritate; nam quando quis imaginatur se videre aliquid, quod nunquam vidit, siue sit præteritum, siue futurum, siue existens, tamen absens; aliud certè verè hætenus visum interius intuetur, & aliud conatur exprimere. Sicut qui moenia Romæ intuens, Troiam imaginatur. Dum ergo vitur specie vnius rei præcognitæ ad inuestigandum, vel effingendum aliud, quod non nouit, verè, & realiter terminatur cognitio in ipsam rem præcognitam, cuius illa species propriè est repræsentatiua; materialiter tamen, & non formaliter: quia non sistit ibi cognitio, sed ulterius tendit, vt perficiatur, nempe in rem, quam vltimò intendit, & cuius denominatione prior illa attingentia veluti informatur; nam finis, & vltimus terminus dat quasi formam, & esse actui tendenti principaliter in illum; quamuis idem actus realiter aliud prius attigerit, quod est quasi, inchoatè noscere, & materialiter apprehendere. Quare formaliter loquendo, id, quod  
per



per huiusmodi imaginationes putatur representari, non est obiectum prius cognitum, sed illud, quod effingitur, & inuestigatur.

Contingit autem hoc fieri non per simplicem speciem alterius obiecti sensati, sed per copulationem plurium imaginum diuersorum totalium, aut partialium obiectorum, vel per disunctionem earundem, ordinis inuersionem, circumstantiarumq. additionem, aut diminutionem. Vnde qui Pegasus volentem imaginatur, simul speciem alarum cum equina forma coniungit, quam vtramque retinet ex æquo, & Aquilæ prius visis. Et qui Centaurum, vel Sirenam apprehendit, hominemque, belluamq. mutilando in vnum componit per species inadæquatas vtriusque corporis, quod secundum partes representatur. Id, quod eleganter Cicero *Lib. 1. de nat. Deorum.* expressit illis verbis: si fingere nobis, & iungere formas velimus, qualis ille maritimus Triton pingitur, natantibus inuehens belluis adiunctis humano corpori. Quamobrem præualet animus, inquit Augustinus, non solum oblita, *11. de Trin. c. 5.* verum etiam non sensa, nec experta confingere, ea quæ non exciderunt augendo, minuendo, commutando, & pro arbitrio componendo; & sæpe imaginatur, quasi ita aliquid sit, quod aut scit non ita esse, aut nescit ita esse. Id igitur, quod formaliter terminat huiusmodi imaginationes, seu quod formaliter representatur per illas tanquam per imagines expressas, non sunt obiecta hætenus sensata, & quorum specierum ministerio efficitur talis representatio: sed est ipsum obiectum effectum, & quasi compositum ex illis præcognitis tanquam ex partibus, siue ita sit à parte rei, siue secus. Nam imaginatio, vt docet Aristoteles, potest esse vera, & falsa. Nec obstat realitati, ac formalitati representationis, *2. de anima text. 161.* falsitas obiecti totalis compositi, ac formaliter representati, cum ad realitatem cognitionis sufficiat veritas obiectorum materialium, quæ sub tali forma concipiuntur, & ad formalitatem eiusdem cognitionis sufficiat modus peculiaris tendendi, & cognoscendi, quo multifariam obiecta illa realia in compositione totius effecti dicuntur efformari, quamuis ex

parte conceptus obiectioni, nulla sit à parte rei forma totalis.

Ex quibus colligitur primò, per accidens esse, formam rei, quam non sensimus, veraciter, aut secus quam est, imaginari: per se verò formam rei hactenus sensatæ per propriam speciem, prout est representari. Quandoquidem idcirco sensus propriorum semper est verus, aut rarò admodum suscipit falsitatem, vt docet Aristoteles, quia semper fit per propriam speciem: quod autem per propriam speciem, seu imaginationem concipitur, per se non potest aliter figurari; sicut e contra quod concipitur per alienam, non nisi casu, vel coniectura propter similitudinem verificatur. Quapropter D. Augustinus, cum phantasma describeret, quod ipse de Alexandria, quam nunquam viderat apud se præsto habere solebat, iure subnectit. Quam tamen imaginem si ex animo meo proferre possem ad oculos hominum, qui Alexandriam nouerunt, profectò aut omnes dicerent, non est ipsa: aut si dicerent, ipsa est, multum mirarer, atque intuens in animo meo ipsam eandem imaginem, quasi picturam eius, ipsam tamen esse nescirem, sed eis crederem, qui visam tenerent; hæc ille, ad explicandam incertitudinem veræ representationis rerum non expertarum. Qui propterea vltèrius docet per phantasias rerum corporalium nos etiam ea, quæ non visa sunt, ficto phantasmate cogitare siue aliter quàm sunt, siue fortuito, sicuti sunt.

Deinde colligitur formam rei in præsentia nunquàm sensatæ, aliquando pro arbitrio ex electione, vel opinione cōfingi, vt in speculantibus ab alijs narrata, vel chymæras consultò componentibus: quandoque verò per accidens ex causa naturali, vt in dormientibus, vel ratione non utentibus, cum varix species per se diuersimodè copulantur, & ex se occurrentes vsui offeruntur ad exprimendas res non sensas, ab appetitu tamen plerumque latenti propensione conquisitas, aut auersione respuitas. Vnde in somno, & vigilia plures actiones, quas nunquam expertus est homo, offeruntur, pluraque euenta inaduertente ratione effinguntur; naturæ sensus hæc omnia moliente ad prosequenda vtilia, ac delectabilia,

2. de anima  
text. 101.

3. de Trin. c. 6.

Aug. lib. 9. de  
Trinit. cap. 6.

etabilia, & noxia, vel contraria fugienda. Nam, & cum appetendo in talia voluntas intenditur, fiunt istæ impressiões imaginum, ait Augustinus, & cum deuitandi, & cauendi causa rapitur animus in ea contuenda, quæ fugiat.

*et de Triu. c. 4.*

Interest autem inter istiusmodi efformationem obiecti imaginarij, quæ sit in hominibus, & eam, quæ in brutis etiam fieri contingit, non solum, quia in hominibus consultò ex electione, aut opinione: In brutis verò non nisi ex naturali concursu, & copulatione specierum fieri potest; siquidem in his iniussa veniunt rerum simulacra, & iniussa discedunt: Sed quia ipsa quoque forma obiecti resultantis tanquam fictitia, prout est, vel tanquam non certò vera simul ab hominibus habetur, vt retulimus ex Augustino; cum plerumque à brutis eodem modo, ac si vera esset promiscuè cum realibus obiectis apprehendatur, ita vt non tantum sit falsitas in imaginatione, sed etiam in extimatione eorum, circa huiusmodi obiecta omninò imaginaria. Quò fit, vt belluæ non nunquam actiones etiam non sensatas ac falsas, tanquam veras ac reales in se ipsis figurando pertimescant; & vt præsertim canes non modo somnijs perterriti interdum sublatrantes secum conquærantur, vt obseruat Aristoteles; verum etiam, vt expergefacti, quasi stricto gladio expetiti, frustra præcipientes dilabantur. Et idcirco in principio diximus, huiusmodi cognitionibus formaliter attingi id, quod incenditur, vel putatur attingi, non autem, id, quod realiter attingitur, sicut obiectum, quod per propriam speciem representatur.

*Lib. 4. de histor. anim. cap. 10.*

Tandem de futurorum præfagitionibus, seu cognitione, aliquid superest explicandum: siquidem iuxta prædicta, non videntur futura, vt futura sunt, posse representari per species præteritorum, aut præsentium; tum propter circumstantiam temporis, cum qua apprehenduntur diuersam; tum etiam propter ipsam obiecti naturam prius omninò incognitam, quæ sicut non posset huic potius rei, quam illi præteritæ, vel præsentis assimilari; ita de facto, non videtur posse per vsum speciei huius eiusdem, vel alterius rei, quauis

facta mutatione aliquo modo repræsentari. Cum ex aliquo capite videatur constare, non modo nos plura sensibilia, quæ adhuc non sunt, nec fuerunt, præfagiendo, ut futura præscire. Quia gentem nullam video, aiebat Cicero, neque tam humanam, atque doctam, neque tam immanem, tamque barbaram, quæ non significari futura, & à quibusdam intelligi, prædiciq. posse censeat: Verum bruta quoque animantia interdum nonnulla huiuscemodi præsentire. Nam sicut hominibus inest vis, & natura quædam, ut idem inferius addidit, quæ tum obseruatis longo tempore significationibus, tum aliquo instinctu, afflatuq. diuino, futura prænunciat; ita in belluis simile quidpiam respondere necesse est, cum plura, quæ adhuc non extant, veraciter ut futura portendant, & pro viribus prosequi, aut vitare contendant; Ut, verbi gratia, Apes hyemem, & imbres, teste Aristotele, cum non aduolant, sed sereno adhuc, in alueo volutantur; vel tempestatem Echini, affigentes sese scopulis, aut arena saburrantes; & Fulicæ matutino clangore, ceteraq. aquaticæ aues concursantes; Et Grues in mediterranea festinantes; vel Delphini tranquillo mari lasciuiantes, statum ex qua veniunt parte: aut Graculi hyemalem penuriam, serò à pabulis recedentes, ut obseruat, ac refert Plinius; Et Euripides in genere aues Deorum præcones appellauit ex tot diuinationum auspicijs; teste Plutarcho de solertia animalium. Nec formicæ in æstate cibum sibi pararent, & congregarent in messe, ut Salomon adnotauit, nisi futuram deinceps egestatem præsentirent; maximè cum non habeant ducem, nec præceptorem, (ut idem dixerat) à quo illæ in huiusmodi actionibus dirigantur. Si ergo huiusmodi futura verè, ut futura sunt ab interiori sensu etiam brutorum animalium discernuntur, alius assignandus erit modus, quo tanquam præfagio sentiantur, cum per species præteritorum, aut præsentium, ut diximus, innotescere non videantur; adeò ut propterea fortasse ab Aristotele dictum putetur: quod non contingit meminisse futurum; Quasi scilicet cognosceretur per species præteritorum, & per sensum, quo

*2. de diuinat.*

*Lib. 9 de Hystor. animal. c. 40.*

*Lib. 18. natural. Hist. c. 35.*

*Prometh. 6.*

*De mem. & remin. cap. 1.*

quo praesentia nouimus, neque futurum, neque factum, cognosci.

Dicendum tamen est ultimo, sensum interiorem non apprehendere futura, vt futura sunt sub formalitate futuritionis, nec prout in se erunt à parte rei; sed tantum eo modo, quo fingi possunt tanquam praeterita, vel praesentia. Probat-  
tur hoc primo ex Aristotele, qui de mem. & remin. cap. 1. docet futurum esse opinabile, & sperabile per scientiam, quandam speratiuam, quam alij diuinatiuam dicunt: At sensus interior, seu imaginatio sensitiua, vt docet idem Aristoteles 3. de anima tex. 57. non potest habere opinionem, quoniam eam, quæ est ex syllogismo non habet, sicut habet facultas rationalis; nam, inquit, vtrum aget hoc, an hoc, iam rationis est opus, & necesse est mensurare; Ergo sensus interior ex se non valet futura, vt futura conijcere. Et confirmatur ex eodem Philosopho, qui tex. 53. eiusdem libri, loquendo de contrarietate, quæ est inter concupiscentiam, & rationem. Intellectus (inquit) propter futurum retrahere iubet, concupiscentia autem propter praesens. At concupiscentia non sequitur nisi sensum, & imaginationem; Ergo supponit Aristoteles, sensum interiorem non percipere futurum, vt futurum, nec ducere appetitum ad illud, aut propter illud retrahere, sicut intellectus, sed tantum propter praesens. Vnde tex. 47. præcipiente, inquit, intellectu, & dicente fugere aliquid, aut persequi, non mouetur, sed secundum concupiscentiam agit, vt in ipso fieri solet incontinente.

Deinde ratione probatur, quia siuè quoad substantiam, siuè quoad conditionem futuritionis, sensus non habet species futurorum. Quare ipsa ab intellectu, vt futura sunt, non nisi spe, & opinione ex fide attestantis, aut coniectura, & discursu percipiuntur, sensu imagines praesentium, vel praeteritorum praebente; quarum commutatione, ac diuersa copulatione, sicuti reliqua ob absentiam, vel non existentiam adhuc non sensata effinguntur. Concurrit ergo sensus ad futura exprimenda eodem pacto quoad possibile tantum, vel

etiam impossibilia tanquam præsentia repræsentanda, licet intellectus ex hac expressione talia obiecta speculando, si futura sint, coniectura diiudicet, opinionem scilicet futuritionis ex ipso phantasmate verisimilia repræsentante, & ex causa approbante, per abstractionem eliciendo, quod quidem arguit futura etiam, vt futura ex phantasmatibus præsensentibus dignosci, non tamen ab ipso sensu, qui per ea formaliter operatur, sed ab intellectu, qui eadem speculatur, eademq. iubet diuersimodè copulari, vt connexionem inueniat, causamq. futuritionis, cuius virtute probabiliter ventura denunciet. Quamobrem Augustinus loquendo de thesauris innumerabilium imaginum ex rebus sensis in memoriam inuectarum, postquam dixerat, ibi reconditum esse, quidquid etiam cogitamus, vel augendo, vel minuendo, vel vtrumque variando ea, quæ sensu attigerit, & si quid aliud commendatum, & repositum est, quod nondum absorbit, & sepeliuit obliuio: addit inferius, ex eadem copia etiam similitudines rerum, vel expertarum, vel ex eis, quas expertus sum, creditarum, alias, atque alias, & ipse contexto præteritis, atque ex his etiam futuras actiones, & euenta, & spes; & hæc omnia rursus, quasi præsentiæ meditator.

Ad illud autem, quod ab experientia afferebatur de hominum, belluarumq. præfagijs, respondendum est, non belluas, sed homines per ipsarum actiones tanquam per indicantia signa formaliter præfagire. Sentiunt enim ipsæ inchoatam tempestatem, vel aeris mutationem, idque signo aliquo ostendunt, quod homines obseruantes, naturalem pluuiæ, aut ventorum inualefcentiam subsequituram, tanquam effectum à causa, vel finem à principio argumentando per intellectum præfagiunt. Quæ autem parantur à belluis ad finem futurum (vt triticum à formicis in messe ad hyemalem comestionem) sicut non parantur ex cognitione finis vt finis est, ira nec ex cognitione futuritionis illius; sed tantum materialiter, prout sensus, & appetitus fertur in illa, quæ ex natura sua, media sunt ad finem intentum ab Autore

Atore naturæ. Quandoquidem, ut dicebamus ex D. Thoma, tota irrationalis natura comparatur ad Deum tanquam instrumentum ad agens principale, tenditq. in finem quasi ab alio acta, vel ducta, sicut sagitta. Imò ex hoc videtur monere Salomon considerandas esse vias fornicæ in prædictis; nam cum inspexerimus, illam non habere, neque interius, neque exterius à quo per eas ducantur, intelligamus duci à summo duce, principe, ac præceptore, cuius providentia cuncta in proprium finem aptissimis medijs diriguntur. Itaque remanet, ut futura verè quatenus talia, ab interiori sensu nequaquam dignoscantur, sed pro arbitrio dumtaxat variè effingantur, apprehendanturq. ad modum præteritorum; atque præsentium, ea ratione, quæ declarauimus.

Tract. 2. c. 5.  
l. 2. q. 1. art. 2.

*Quæ nam interna sensatio propriè dicatur Imaginatio.*

*Cap. V III.*



**V**IA multipliciter contingit circa obiecta absentia, vel non existentia interiorem sensum versari, varia quoque nomina sensationes ipsius fortiuntur, ut peculiare modi, quibus eadem obiecta exprimere solent, propriè ac singillatim significantur. Atque in primis occurrit nomen Imaginationis satis apud omnes in usu receptum. Quod planè si ethimologiam spectemus, non nisi ab imagine, quam sensus per huiusmodi sensationem in se interius efformare videtur, deriuari posse comperiemus. Græcè verò Imaginatio dicitur *φαντασία*, sicut imago dicitur *εἰκονα*, & imaginatiuus dicitur *φανταστικός*. Ac passim phantasia eo, quod apud Latinos etià idem significet, confunditur cum imaginatione. Ut patet in translatione Interpretum Aristotelis, qui sumendo Imaginationem pro phantasia, dicunt illam à lumine, & visu nomen habere: quia tanquam lumen visionis interius immanens, multa facit cognoscere, & ad dirigendas plures.

Lib. 2. de Anima  
text. 355. ut 102



plures operationes animalium deferuit. Quæ quidem omnia non cōpetunt imaginationi, nisi secundum quod phantasia à Græcis vocatur; lumen enim Græcè *φῶς* dicitur, & inde venit *φῶς*, quod est apparitio, vel illuminatio, vt notat S. Thomas à verbo scilicet *φαίνω*, quod est appareo. Etenim per lumen res visui apparent. Vnde Quintilianus, quas *φαντασίαι* (inquit) Græci vocant, nos sanè visiones appellamus, per quas imagines rerum absentium ita repræsentantur animo, vt eas cernere oculis, ac præsentes habere videamur. Alij verò nomen phantasiæ de mente Aristotelis *ἁπλοῦς φῶς ἢ τὸ δῶκεν*, idest à lumine, & à statu dicunt derivari; Eo quod phantasia sit veluti lumen interius immanens, ac persistens, quo mediante res absentes, cum libuerit animo intuemur. Quare à Philopono phantasia dicitur quasi *τὸν φανερὸν αἰσῶν*, hoc est eorum, quæ apparuerunt, seu visa sunt status. Nimirum, quia status quidam obiectorum in animo videatur immanens illa repræsentatio, quæ dicitur phantasia. Quoniam autem aliud est à quo nomen derivatur, aliud verò ad quod significandum imponitur; & omnis sensatio interna consistit in aliqua expressione imaginis, vt supra diximus: explicandum hic erit proprium significatum huius vocis, seu quænam sit sensatio interna, quæ propriè à Philosophis dicitur imaginatio.

Aristoteles igitur lib. 2. de anima à textu 153. vsque ad tex. 161. exactè de imaginatione discurrens, demum concludit, imaginationem, seu actum imaginatricis facultatis, esse motum in animantibus à sensu secundum actum factò. Nempe (vt exponunt aliqui) motum proueniètem ab actuali sensatione externa iam facta per simulacra intus transfusa, quorum postea ministerio sensus internus mouetur ad repræsentanda eadem obiecta extrinsecus sensata. Quoniam (inquit idem Aristoteles tex. 160.) est moto hoc (nempe sensu exteriori actuato à sensibili) moueri aliud ab hoc, scilicet sensum internum ab exteriori in actu. Nam profectò quemadmodum sensibile, sensum; ita actio sensus, imaginationem excitat. Et tex. 155. sumendo imaginationem pro potentia

Lib. 6. c. 2.

Polus Laure-  
dan comment.  
in Arist. ibid.

tentia imaginatiua, supponit Aristoteles non in translatio; sed in proprio significato, illam esse, secundum quam phantasma aliquod in nobis fieri dicimus; quod certè non fit, nisi mediantibus simulacris à sensibus externis in actu sensationis emissis.

Sed hæc definitio sic exposita videtur genericè competere cunctis sensationibus internis, siquidem, siue proximè, siue remotè, omnes procedunt à sensu secundum actum iam factò, à quo species habent impressas, quibus eliciantur, omnesq. dicuntur phantasmata, nempe visa quædam, seu internæ visiones, & apparitiones obiectorum. Vnde hoc significato tam sensatio interna obiectorum præsentium, quæ immediatè consequitur sensationem externā in actu, quam reliquæ sensationes internæ obiectorum absentium deriuantes à sensu in actu iam olim factò, omnes dici possent imaginationes. Et quidem non aliter fortasse Augustinus hoc nomen imaginationis vsurpat, cum libro de spiritu, & anima, postquam dixisset: Imaginatio est ea vis animæ, quæ rerum corporearum corporeas recipit formas, sed absentes: statim addit, sensus namque formas in materia percipit, imaginatio extra materiam, & ea vis, quæ exterius formata sensus dicitur, eadem traducta vsque ad intimum, imaginatio vocatur.

*Aug. de spir. &  
anima c. 11.*

Verum licet omnis interna sensatio rectè imaginatio dici possit, latè loquendo secundum quod est expressio, seu efformatio quædam interna alicuius imaginis per vsum speciei ab exteriori sensu emissæ; non tamen hoc sensu hic de imaginatione inquirimus quid sit, aut significet: sed secundum propriam acceptionem specificam, qua imaginatio condistinguitur ab estimatione, à recordatione, & ab interna perceptione obiectorum præsentium, quæ dicitur sensatio sensus communis. Quapropter ex alijs conditionibus, quas Aristoteles de hac præcisa sensatione tetigit in eodem discursu, iuxta hunc sensum, veracius fortasse dilucidanda erit eius definitio, & clarior nobis instituenda erit imaginationis descriptio. Vt si cum Philopono, Simplicio, & Alexandro  
aliisque

alijsque dicamus per sensum secundum actum, à quo, Aristoteles docet, procedere motum imaginationis, non intelligi sensum externum, sed internum; ita ut intendat Aristoteles, imaginationem esse motum illum, qui proximè consequitur sensationem internam obiectorum, prout sunt, vel fuerunt à parte rei in se hætenus sensata. Etenim post absolutam apprehensionem obiectorum, qua illa siue absentia, siue non existentia cognoscimus, prout alias in præsentia nouimus, motus quidam consequitur, quo eadem obiecta variari videntur, nunc mutando circumstantias temporis, & loci; nunc verò illa cum alijs coniuncta, aut secundum partes diuisa, ac separata exprimendo, vel etiam in diuersa actione, aut passione repræsentando. Qui quidem motus, vel fit pro arbitrio, ut in hominibus operantibus ex electione, vel per connexionem specierum, ut in dormientibus, ac brutis: quia mota vna specie repræsentante ipsum obiectum, prout hætenus perceptum est, mouetur alia connexa cum illa, & est causa alicuius variationis repræsentando alia circa illud, vnde inquit Aristoteles. Quoniam est, moto hoc, moueri aliud ab hoc, imaginatio motus quidam videtur esse, & non sine sensu fieri (à quo utique procedit) sed sentientibus (hoc est quando actu sentiunt,) & quorum sensus est. Scilicet eorundem obiectorum, quæ actu sentiuntur; nam idem quod verè ut est, sentimus, variando aliquo modo repræsentationem, dicimur imaginari. Erit igitur imaginatio, per Aristotelem, motus à sensu interiori in actu, quia proximè oritur ab illo, quando actu informatur specie expressiua talis obiecti, quod per ipsum motum imaginationis subsequenter aliquo modo variatur. Et hunc modum imaginationis similem necesse est esse sensui (subiungit Aristoteles) nam illud; quod mouet in quantum mouetur, causat motum similem motui, quo ipsum mouetur, ut notat S. Thomas in expositione eiusdem text. Et sic imaginatio similis est propriæ cognitioni obiecti, ut est, vel fuit à parte rei, imò & sæpe confunditur imaginatio cum sensatione sensus communis, & memoria eiusdem rei, ut cum non exactè recordamur.

Quod

Quod autem per sensum, à quo talis motus procedit, Aristoteles non intellexerit sensum externum, ex eo potest argumētari. Nam extimatio qua certò sensus interior iudicatur hoc sensibile esse hominem, vel statuam ex accidentibus, quæ exterius obijciuntur, est verè ac propriè motus à sensu exteriori in actu. Etenim quod simpliciter foris apprehenditur, intus tale iudicatur; & tamen ab Aristotele excluditur à ratione imaginationis. Nam tex. 156. inquit, cum operamur certè circa aliquod sensibile, non dicimus, quod videtur hoc nobis homo. Et lib. sequenti tex 39. aliud, inquit, est imaginatio à dictione, seu affirmatione, & negatione. Igitur Aristoteles per sensum in actu, à quo procedit motus imaginationis non intellexit sensum externum, sed internum; ita vt ex vera, ac certa cognitione interiori obiectorum, oriatur motio, qua illa variè per additionem, aut diminutionem effingantur, vel appareant.

Rursus, quia sensatio interna obiectorum presentium, quæ consequitur, & comitatur sensationem externam, per Aristotelem dici non potest imaginatio, cum hanc doceat esse, & fieri etiam in dormientibus, nullo operante sensu exteriori; Et tamen maximè est motus à sensu exteriori in actu; nam ab hoc immediatè procedit, & verè motus hoc ab obiecto extrinseco, est moueri aliud ab hoc, nempe sensum internum per motum, qui est representatio eiusdem obiecti, à quo sensus exterior fuit motus. Ergo putandum est, Aristotelem per sensum in actu, à quo est motus imaginationis, non intelligere sensum externum.

Confirmatur retorquendo eandem expositionem; nam si moto sensu exteriori, est moueri aliud ab hoc, & hic motus est imaginatio, non dabitur motus in sensu exteriori, quindetur etiam imaginatio tanquam motus internus necessariò consequens motum illum externum: quod non potest verificari nisi de sensatione interna, quæ dicitur esse sensus communis, non autem imaginatio. Deinde quia motus actu procedit à mouente, estque immediata dependentia moti ab illo, nec dari potest sine illo, sicut nec modus sine re cuius est

est modus; ergo si per Aristotelem motus imaginationis esset à sensu exteriori in actu tanquam à moto mouente, non daretur imaginatio absque sensu exteriori in actu operante, cuius oppositum ipse supponit. Quod si dicatur motum imaginationis fieri à simulacris per sensationes externas intrinsece transfusis, & hoc sensu ab Aristotele vocari motum à sensu exteriori in actu, ac fieri posse amplius non operantibus sensibus externis: Contra est, quia improprie valde locutus fuisset, definiendo huiusmodi causationem, seu motum per causam remotam, & æquiocam, ut est sensatio externa ad motum imaginationis, & extimationis, memoriæ, ac simplicis apprehensionis obiectorum præsentium; cum alioquin proprie dicere potuisset esse motum ab ijs, quæ sensu percepta sunt, non autem motum ab ipso sensu in actu.

Præterea Aristoteles tex. 161. probans quomodo contingat, imaginationem esse veram, & falsam, supponit aliquando illam procedere à sensu in actu, qui versatur circa absentia; ait enim contingere sensationem sensibilem per accidens, ac sensibilem communem, esse falsam tam in absentia, quam in præsentia: & hinc colligit, imaginationem, quæ ab hac sensatione procedit, pariter esse falsam, ut rectè exponit S. Thomas ibidem. At sensatio, quæ versatur circa absentia, ac sensibilia per accidens, non est sensatio externa, sed interna; Ergo per sensum in actu, à quo est motus imaginationis, intelligit sensum internum, & non externum.

Iuxta hæc igitur clarius imaginationem describendo, dicimus illam esse sensationem internam, per quam obiecta absentia, vel non existentia diuersimodè repræsentantur tanquam per simplicem apparentiam.

Per sensationem autem internam exprimitur genus iam supra explicatum, sub quo non conueniunt sensationes extrinsecæ. Per particulam vero (obiecta absentia, vel non existentia) tanquam per primam differentiam, excluditur sensatio interna obiectorum præsentium. Deinde per particulam (diuersimodè repræsentantur) excluditur tum sensatio obiectorum præsentium, tum absentium recordatio; nam

vtraque

utraque est repræsentatio rei sicuti est, vel fuit, eodem sensu per modo exprimens, quod in præsentia interius, exteriusque sicuti est, obijcitur, vel hætenus obiectum fuit. Ac denique per particulam (tanquam per simplicem apparentiam) excluditur tum memoria, per quam obiecta absentia non repræsentantur, aut apparent simpliciter; sed ut prius sensata, & eo modo, quo fuerunt sensata: tum etiam extimatio, per quam obiecta repræsentantur, ut realiter talia, vel non talia, non secus ac per affirmativum, vel negativum iudicium abstractivum circa realitatem illorum, ut infra explicabitur. Quo fit, ut non contingat pro arbitrio extimare, aut opinari, ut docet Aristoteles. Quoniam sicut esse, aut non esse rerum, nequaquam est in nostra potestate; ita neque extimare; sed à rebus ipsis pendet, quæ sunt, aut esse videntur. Imaginari autem hoc ipso, quod per omnia vagatur, & non modo, quæ sunt, sed etiam ea, quæ non sunt, nec esse possunt, inspiciat, sibi que proponat iuxta simplicem tantummodo apparentiam absque iudicio realitatis illorum; in nostra omnino sit potestate, sicut & fingere, inquit Aristoteles, præ oculis est cum volumus, perinde atque hi faciunt, qui artificiosæ memoriæ comparatis, atque dispositis locis, imagines fingunt, & collocant simulacra. Et secundum imaginationem (addit) similiter nos habemus circa obiecta, ac si in pictura eadem spectaremus. Quocirca etiam Plato Phantasyam velut picturam quandam esse statuit, in quam animus cogitatione refringens, ita inspiciat, velut in illa, à quibus ista manarunt, videlicet obiecta.

2. de anima  
tex. 153.

2. de anima  
tex. 154.

In Sophista. &  
lib. 7. de Republ.

Ex quibus tandem duæ proprietates imaginationis etiam colliguntur, quas Aristoteles ibidem tex. 161. commemorat, nempe primò illam esse veram, & falsam, quia contingit nunc imaginari obiectum sicuti est, nunc vero secus; errore deducto, vel à sensu exteriori, qui nonnunquam decipitur circa sensibilia communia, ut est motus, quies, magnitudo, numerus, & figura: vel ab extimatione circa sensibilia per accidens, ut sunt subiecta accidentium sensibilibus: vel à

2. de anima  
tex. 161.

prava

praua connexionē, aut disunctionē specierum, quibus effingitur falsa repræsentatio.

Secundo verò multa per illam animalia operari, seu facere, & pati. Quandoquidem sicut sensus mouet appetitum ad præsentiam sensibilium, ita etiam imaginatio in absentia, quamuis interdum illa non sint; nec possint esse, saltem affectu quodam simplicis complacentiæ, aut displicentiæ; præsertim cum non ut talia, nempe impossibilia apprehendantur. Idque maximè contingit ex defectu intellectus, aut existimationis, ut cum non discernitur apparentia à realitate, & existentia obiecti. Vnde inquit S. Thomas cum Aristotele; Quando intellectus non dominatur, agunt animalia secundum phantasiam, seu imaginationem; alia quidem, quia omnino non habent intellectum sicut bestię; alia verò, quia habent intellectum velatum, sicut homines in somno, vel in aliqua infirmitate, aut passione constituti, ut amentes, & qui nimium concupiscentia, ira, vel timore commouentur.

Diximus contingere maximè ob defectum intellectus, & extimationis, quia negari non potest, animalia operante extimatione, siue vera, siue falsa, per eam potius quàm per imaginationem moueri; tam in vigilia, quàm in somno, ceterisq. casibus enumeratis; cum magis moueat realitas, quàm apparentia obiectorum, & non minus in his passionibus, cum imaginatione exerceatur etiam extimatio; Ideoque non tantum homines nouimus vera cum falsis in somnijs confundere, multaq. ut realiter talia extimare, proindeq. ad varios appetitus ac motiones excitari; sed & belluas quoque interdum somniare, falsaue veris miscendo, extimationis motu, varijs affici passionibus, ut canes cum dormiendo audiuntur sublatrare, ut ait Aristoteles; nam fieri non potest, ut similibus passionibus commouerentur, nisi visa illa ut vera, ac præsentia extimarent. Quod si inter opera animalium computare velimus delectationem, & voluptatem, quam quis capere solet de chymenis, seu imaginibus rerum absentium, aut futurarum, alijsq. vltro compositis,

2. de Anima  
c. 102.

Lib. 4. de Hist.  
anim. c. 10.



fitis, & efficitis: quæ veluti vt picturam contemplatur; ad hæc certè mouebitur homo, præcipuè motu imaginationis, sed absque defectu intellectus aut extimationis; nam, sape rectè iudicando de falso existente, de illo tamen, quia concupiscitur, tanquam de vero gaudemus. Sicut è contra de aduersis, ac odio habitis, licet non sint, aut saltem extare nesciamus; quia tamen metuemus, interdum sola imaginatione affligimur, ac tristamur.

*Qua item interna sensatio propriè dicenda sit extimatio. Cap. IX.*



ARISTOTELES in libris de anima nihil de sensitiua extimatione scriptum reliquit, sed tantum extimationem commemorat, quæ ad partem rationalem pertinet, & sub qua continentur actus scientiæ, opinionis, & prudentiæ, iisque contrarij; de quibus ipse ex professo agit lib. 6.

*Lib. 2. text. 254.*

Ethicorum.

Arabes autem (vt Auerroes, Auicenna, & Algazelus, quos deinde sequuti sunt ex Latinis M. Alber. S. Thomas, & alij, extimationem concedendo etiam in brutis, eamque distinguendo à cæteris sensationibus internis, dicunt esse illam, per quam intentiones non sensatæ, ab animalibus percipiuntur: vt amicitia, & inimicitia; conuenientia, ac disconuenientia: & alia huiusmodi, secundum quas obiecta dicuntur salutaria, vel noxia; vtilia, vel inutilia. Verum, quia hæc, & similia, si formaliter sumantur, ab adæquata ratione obiecti sensus interioris iam supra reiecta sunt, non est cur hic extimationem ita distinguamus, aut per talia obiecta illam constituamus; sed aliunde iuxta tradita principia exploranda nobis erit eius formalitas, & essentia, attendentes illud Ciceronis, non tam Auctorum placita in Philosophia disputando, quàm rationis momenta esse querenda.

*Auer. 3. de anim. comm. 6.  
Auicenna 6. natural. p. 4. c. 7.  
Algaz. lib. de sensib. inter tract. 4. c. 4.  
M. Alber. 3. de anima tract. 1. cap. 2. c. 3.  
S. Tho. 1. par. q. 78. art. 4.*

*Tract. 2. c. 4.*

*1. de natura Deorum.*

Vt igitur instituta quæstio exitum reperire commodè possit, supponendum primò est, dupliciter posse animalia circa realem, & actualement existentiam rerum versari: nempe vno modo intuitiue, euidenter, ac præsentialiter percipiendo illam quoad exercitium, vt suo loco explicuimus, de qua cognitione habetur postea etiam memoria. Altero vero modo abstractiue per actum quendam, quo sensus interior ad modum cuiusdam assensus intellectus absque euidentia adheret obiecto, illud actu, & realiter tale apprehendendo, vel iudicando: & hac cognitione efficaciter moueri animalia ad prosequenda, vel respuenda obiecta absentia, quæ nisi vt realiter talia apprehenderentur, efficaciter appetitum non alligerent, nec remouerent, vt ex varijs obseruationibus præcedenti cap. tactis, & ex doctrina Aristotelis facile potest constare. Qui in tantum docet, bonum esse affectabile, seu appetibile per actum voluntatis, in quantum tale vnique videtur, quod quandoque simpliciter quidem ita est à parte rei; quandoque verò per accidens tantum apparet. Et idem hætenus. Cum opinamur (inquit) difficile aliquid; aut terribile, statim compatimur: secundum imaginationem autem similiter nos habemus, sicut qui considerant in pictura. Quare alibi, sentire (inquit) simile est ipsi dicere solum, & intelligere: cum autem iucundum, aut molestum, vt affirmans, aut negans; persequitur, aut fugit. Vbi cognitionem realitatis obiecti, per affirmationem, & negationem explicat.

Secundo supponimus per huiusmodi actum, sensum interiorem non percipere formaliter veritatem obiecti, vel realitatem, & existentiam illius distinctè, sed tantum materialiter, & confusè concipere obiectum ipsum, non tanquam apparens, sed existens à parte rei, quamuis euidentiam de illo non habeat. Etenim licet apparens, vt apparens, sicut fictum, vt fictum, & falsum, vt falsum à sensibus non percipiatur; nihilominus bruta animantia materialiter optimè discernunt corpus reale ab apparenti, vt in imagine, vel speculo, licet quandoque sicut etiam homines decipiantur.

His

Cap. 6. huius  
Tract.

3. Ethic. c. 4.

2. de anima  
text. 154.

3. de anima  
text. 28.

His positis, dicendum primò est, extimationem esse sensationem internam, per quam absque euidencia actuali, vel præterita, vt præterita apprehenduntur sensibilia, vt realiter talia. Probatur autem, quia extimare ex vno capite, còmunì omnium consensu, non est fingere, sicut per imaginationem: alioqui non magis mouerentur animalia ad prosequenda, obiecta, quæ verbi gratia comestibilia, aut iucunda in absentia extimantur, vel ad euitanda imminencia mala, ac si per imaginationem, vel in speculo, aut in pictura eis repræsentarentur. Ex alio verò capite, extimare, non est obiecta, vt talia euidenter, ac intuitiuè cognoscere, actu recipiendo ab illis propria simulacra; nam æque extimantur obiecta in præsentia, ac in absentia sensuum externorum; imò prædicatum, sub quo, vel cum quo apprehenditur subiectum extimatum, semper est absens respectu sensuum externorum. Etenim non dicitur extimari iucundum, aut molestum, quod exterius, tale actu sensibus perhibetur, nisi fortè per reflexionem, ac denominationem intellectus: sed dicitur extimari ab animalibus tale, id, quod ita eis videtur ex alijs accidentibus connexis, quæ actu ab eisdem siue interius, siue exterius percipiuntur. Vt cum belluæ procul escam videntes, vel memoria recolentes, saporem, & iucunditatē cum illa concipiunt, extimantque gustui iucundum, quod exterius non nisi oculis perceperunt; aut cum è contra extimant molestum, quod eis actu non adhuc per iniuriam, sed aliter exterius innotescit. Denique extimare, non est obiecta, vt sensata recolere, vt per se patet; quamuis dari possit iterata extimatio: Ergo remanet vt extimatio non sit nisi illa cognitio sensus interioris, per quam, supra diximus, obiecta apprehendi quidem, vt realiter talia, vel talia secundum propriam existentiam, non tamen euidenter.

Deinde id ipsum confirmatur; nam sæpe animal, perceptis quibusdam accidentibus media vniuersiuiusque propria specie actu ab ipsis emissa, alia apprehendit accidentia realiter cum illis coniuncta, quorum in indiuiduo actu, ac simul non recipit proprias species, vt in exemplis proximè adductis de sapore in esca, vel molestia in obiectis, quæ aliter offeruntur.

Et vniuersaliter omnia illa, quæ communiter dicuntur sensibilia per accidens, secundum omnium sententiam, verè, ac propriè à sensu interiori percipiuntur. Atqui huiusmodi sensibilibus perceptio, verè non est sensatio obiectorum præsentium, quia nõ est actu recipiendo ab illis proprias species, quâuis valdè sint approximata, vt candor niuis oculis clausis, vel in tenebris tacta; aut figura canis à tergo latrantis; Nec est imaginatio, quæ vt diximus, tantum inspicit, quod apparenter obijcitur, vel iam obiectum, pro arbitrij, aut naturæ exigentia, & opportunitate commutat. Nec denique est memoriæ, vel reminiscentiæ actus, quo animal talia, vel similia obiecta hætenus in præsentia se meminit percepisse; nam aliud est, id, quod olim sensit, recolere; aliud verò illud idem, vel simile quidpiam nunc cum altero in præsentia realiter coniunctum apprehendere, & quasi affirmare, aut negare. Ergo remanet, vt hæc perceptio circa prædicta sensibilia, vt realiter talia versando absque euidencia, ad aliud pertinere debeat genus sensationis internæ, quod quidem, communi philosophantium loquendi modo inhærentes, vocamus genus extimationis. Nam cõmuniter subiecta sensibiliũ per se verè, ac propriè dicuntur talia extimari, qualia à parte rei concipiuntur esse à sensu interiori absque euidencia, vt cum extimatur lac, aut cõestibile, quod tantum per colorem exterius innotescit, vel cum agnus matrem, aut aliam ouem balantem, quam actu non videt, agnoscit. Et communiter dicuntur obiecta, talia extimari, qualia sensibilibus per accidens affecta concipiuntur, vt lac dulce cum tantum est visum, vel nix candida, cum non nisi manibus contrectatur.

Insuper cõfirmatur: nã saltè perfectis animalibus necessariõ conuenit discernere verũ ab apparenti, siue in præsentia, siue in absẽtia, vt functiones vitæ obire cõmodè possint, & ne frustra in obiecta ferantur (sumendo verũ saltè materialiter pro entitate realis obiecti,) qui autem inter duo discernit, vt ait Aristoteles, ytrumque debet cognoscere. At quod in se non est, nisi apparens in absẽtia, cognoscitur ab illis per imaginationem: Ergo quod realiter tale est in absẽtia, percipere debent

debent per aliam sensationem internam, sicut in præsentia, cognoscunt per sensationem obiectorum præsentium; & hæc vocamus extimationem, per quam videlicet, nec præsentialiter, & evidenter, nec fictè, nec recolendo dignoscuntur obiecta; sed tantum prout realiter talia putantur, licet simul recordatio aliqua supponatur de formalitate, seu forma sub qua concipiuntur, quia nisi memoria aliqua haberetur de ipso prædicato in individuo, vel de alio simili eiusdem rationis, non posset illud tanquam verè cum subiecto coniunctum extimari.

Secundo dicendum est, extimationem prout modo descripsimus, esse posse veram, & falsam, & quodammodo se habere in sensu, sicut opinio se habet in intellectu. Primum apertè sequitur ex dictis; nam versatur circa obiecta per modum assensus absque evidentia; ex quo fit, ut illa non semper sint talia prout iudicantur, sed contingenter, & ut sæpe aliter se habeant à parte rei, ac per huiusmodi sensationem ab animalibus apprehenduntur. Quidquid enim formaliter extimatur, vel est tanquam subiectum formæ, quam animal intuitivè cognoscit, aut cognovit, ut cum extimatur lac ex candore subiecti; vel est tanquam forma subiecti similiter cum evidentia cogniti, ut cum extimatur dulce, aut comestibile, quod manibus contrectatur. Utroque autem modo contingens est, illa ita se habere, sicut putantur esse. Nimirum formam illam habere tale subiectum, aut subiectum illud habere talem formam; Siquidem non sunt necessario connexa. Et hinc oritur quandoque esse veram extimationem, quandoque falsam; ac propterea in quibusdam sensibilibus per accidens decipi animalia; in quibusdam, verò minimè, ut aibus illis accidisse testatur Plinius, cum ad vas à Zeuxide depictas aduolassent, non timentes puerum, qui eas ferre, non tam excellenti artificio representabatur; utpote deceptis in uno, & non in alio; quia vas reales illas putabant, puerum verò non talem. Atque ex hoc etiam differt extimatio à cognitione intuitiva, & memoratiua; nam hæc semper sunt veræ, illa autem vera, & falsa esse potest.

*Lib. 35, c. 10.*

7. de Republica.

Alterum verò, quod scilicet extimatio se habeat in sensu, velut opinio in intellectu, sumitur tum ex doctrina Platonis, qui docet, id quod in oratione sunt affirmatio, & negatio, hoc in cognitione opinionem esse; nempe affirmatiuam, aut negatiuam. Et cum non per ipsam, sed per sensum hæc passio accidit, hoc phantasiam esse: Vbi vt alias phantasiam cum extimatiua confundit. Tum verò id ipsum doctrinæ Aristotelis maximè cohæret; nam sicut intellectus per intuitum veritatis probabilis, adhærendo alteri parti contradictionis, assentitur obiecto, illudq. tale dicitur opinari; non quia necessario in se tale sit, sed quia tale ex connexis putatur, cum aliter se possit habere, vt docet ipse Aristoteles; ita similiter extimatio procedit per modum assensus adhærendo realitati obiecti, quod ex connexis contingentibus, quasi probabiliter tale putatur, cum à parte rei aliter se possit habere. Et sicut propterea opinionem veram, & falsam esse contingit, vt ibidem probat Aristoteles; ita etiam extimationem, vt dicebamus, vtramque scilicet ex defectu euidentiæ. Quia non ex alio assensus principiorum, qui dicitur intellectus, & scientia, sunt cognitiones semper veræ, & nunquam falsæ, sicut etiam sensationes intuitiuæ obiectorum præsentium ex natura sua, quia eliciuntur ab intellectu, aut à sensu cum euidentiâ, quæ semper obiectum manifestatur sicuti est à parte rei, siue per se immediatè, siue per medium demonstratiuum. Nec est necessarium, vt animal per extimationem ita realitati obiectorum adhæreat, vt simul (materialiter saltem) falsum subesse timeat, quod est apprehendere aliquid cum actuali formidine alterius oppositi, Nam sicut virtualis, seu radicalis tantum formido ad essentiam opinionis requiritur, nempe, vt tantum sit talis assensus, cui ex parte obiecti, aut medij assentiendi, non repugnet subesse falsum: nam alioqui nonnulli ex his, qui opinantur (vt inquit Aristoteles) non ambigunt, sed certò se scire existimant; ita similiter ad incertitudinem extimationis, sufficit, vt sit veluti assensus cum formidine virtuali, ac radicali, quatenus ex parte obiecti non repugnat, illam esse

1. Poster. 6. 26.

7. ethic. 9. 7.

esse falsam, & aliter ipsum obiectum se habere, ac extimatur, aliterq. posse eidem animali quandoque innotescere; licet nonnunquam etiam in actu homines, ac bruta animalia videantur de opposito formidare, vt cum non satis illis constat, quod extimant tale.

Vbi notandum est, multa extimari ab animalibus talia ex quibusdam intrinsecè connexis, ac manifestè cognitis, vt subiectum ex figura, & colore, aut saporem ex odore, & similibus. Multa verò ex pluribus remotè connexis, vel non manifestè cognitis, vt cum tale putatur obiectum ex circumstantijs temporis, situs, & loci, vel effectibus, vt transitus cuiuspiam ex vestigijs, aut quid aliud ex signis. Cum verum sit, quod Aristoteles docet, bruta quoque animalia, non tantum strependi, sed etiam significandi differentias posse dignoscere, qui tamen modus extimandi magis propriè hominibus competit, vt cum quis hostem adesse comprehendit, seu extimat, sentiens signum facie datum, vt idem Philosophus ait. Ex quo fit, vt extimatio in hominibus etiam cogitatio, quasi propriori vocabulo à plerisque nūcpetur propter maiorem perfectionem, quam habet in illis, relicto nomine extimationis ad significandam eandem quidem sensationem, sed prout in brutis, vt videre est in Auerroe, ac D. Thoma. Quamuis non omnes hanc distinctionem susceperint, eo quod cogitare, tam apud Philosophos, quam apud Theologos frequentius operationem intellectus significet.

Tertio dicendum est, proprium esse extimationis, vt quando animalia decipiuntur, non nisi per ipsam formaliter decipiantur. Probatur autem ex eo; nam duo requiruntur ad veram, ac propriam deceptionem animalis, vnum est percipere obiectum aliter quàm se habet à parte rei: alterum verò concipere illud prout realiter tale. Vnde communiter deceptio dicitur apprehensio, seu cognitio rei falsæ tanquam veræ: nam qui apprehendit falsum, vt falsum, aut fictum, vt fictum, siue apparens, non decipitur. Hoc autem duplex requisitum si in rigore loquamur, soli extimationi formaliter

*Lib. 9. de hist. anim. cap. 1.*

*3. de anima text. 33.*

*Auer. 3. de anima comment. 6. in 20. S. Tho. 1. 2. q. 78. art. 4.*



competere reperiemus. Porro sensus externi, vel semper omnino prout sunt obiecta percipiunt. Qua ratione, inquit Aristoteles, sensum propriorum semper esse verum, vel si quandoque ex indispositione organi, falsum aliquid repræsentare videntur, vt cum ex quadam suffusione in pupilla, consistente, quidquid aspicitur, veluti fenestratum esse putatur: aut ex humore ad palatum defluente, quidquid gustatur, putatur amarum, etiamsi sit in se dulce; hoc non faciunt attribuendo talem formam subiecto, quam non habet; sed illam inadæquatè, seu tantum in partem, vel confusè cum proprio, & alieno subiecto percipiendo. In quo formaliter non errant. Nam re vera manent partes in circuitu fenestræ, vt apparent; nec propriè videtur fenestra, sed potius id, quod in medio non videtur, tanquam fenestra existimatur, vt docet Galenus. Sic etiam adest in palato amaritudo, quæ sentitur, dulcedinemq. repellit: Cum tamen omnia per modum recipientis concipiantur: postea sensus interior est, qui amaritudinem, quasi cum extrinseco subiecto coniungens, perficit iudicium de illo tanquam de amaro, cum sit dulce. Similiter autem cum allucinatur animal circa sensibilia communia, nempe magnitudinem, figuram, numerum, vel motum; non percipit illa per sensus exteriores secus quam sunt, & ex se obijciuntur, sed aliter interius iudicando, quod exterius, prout est, obijcitur, vt cum aliquid magnum à longè paruum putatur, vel alterius figuræ, quam est, aut sub diuerso numero, vel motu concipitur. Non enim oculus turrim eminus visam, paruam, aut magnam diiudicat, aut quadrangularem, cum in se sit rotunda; similiter nec cum quis oculum torssisset, duas ex lucerna flammulas esse visas, vt ait Cicero; sed sensus interior hæc omnia discutit, extimatq. probè, vel prauè. Quare idem Cicero, opinionis esse mendacium, inquit, non oculorum, quasi quærat quid sit, non quid videatur. Vnde etiam Lucretius. Proinde animi vitium hoc oculis ad fingere noli. Siue enim distinctè, siue confusè sensus exterior sua obiecta percipiat tam propria, quàm communia, nunquam formaliter

2. de anima tex.  
150. c. 10. 101

Lib. 4. de sym-  
ptom. causis  
c. p. 2.

Lib. 2. Acade-  
micarum qua-  
stionum.  
Lib. 4.

liter percipit illa, secus quam sunt; nam licet subiectum non ita se habeat, forma semper est vera, ut dicebamus de dulci, quod putatur amarum. Exemplumq. esse potest, quod experimur in inspicillis, sub quorum colore obiecta repræsentantur, quamuis ita colorata non sint. Itemque, quod per varias organi affectiones in morbis contingit, ut Galenus, cum sæpe de alijs, tum de se ipso narrat: quum per æstatem ardente febri laboraret, ac festucas atro colore ex cubili eminere, & floccos in vestibus esse falsò putabat, quum enim (ut ipsemet subdit) cuiuspiam biliosus succus in cerebro abundat, acciditq. febris ardens, is afficietur perinde ac si ad ignem torreretur, oriturq. tum fumus veluti in lucernis ab oleo, qui per vasa, quæ ad oculum tendunt delapsus, visorum in ipsis causa censetur. Igitur color, seu forma subiecti oculum non scellit, sed extimationem, qua putabatur inesse festucis, quod inerat fumo. Sicut color vitri putatur in termino visionis, cum tantum sit in medio, nimirum in ipso vitro, quod tanquam medium ad videndum deseruit. Nam re vera extrinsecus ibi non offerebantur festucæ secundum omnia accidentia illarum sensibilia, sed extimabantur tales ex vero colore, & certa quadam figura, quæ erat in fumo. Sicut extimantur culices, vel simulacra quadam, ac per anteriorem aerem circumferri crassa illa corpuscula diuisa, & inter se non continua, quæ oculis iuxta crystalloidem, quandoque innascuntur, ut docet idem Galenus. Quippe, inquiens, sic affecti, & colorem, & substantiam, & figuram extrinsecus se videre existimant. Quod autem de sensationibus externis argumentati sumus, idem omnino de sensationibus internis obiectorum præsentium pronunciandum est, quandoquidem hoc ipso, quod pariter sunt cognitiones intuitivæ per proprias species obiectorum actu ab ipsis in præsentia receptas, sunt etiam perceptivæ entitatis illorum, sicuti sunt à parte rei; Nec potest species candoris, siue interioris, siue exterioris repræsentare nigredinem, sicut neque species dulcedinis, amaritudinem, aut imago trianguli repræsentare quadrangulum; & sic de alijs. Nam quando applicata

*Lib. 4. de locis  
affectis c. 2.*

*Lib. 4. de sym-  
ptom. causis c. 2.  
aliàs 3.*

plicata gustui dulcedine, ægrotante sensorio, sentitur amaritudo, non sentitur per speciem dulcedinis, cum hæc, vel non recipiatur in organo malè disposito, vel si recipiatur, ab humore ibi per congestionem amarescente absorbeatur. Itaque in interna sensatione obiectorum præsentium, sicut in sensationibus externis, eadem ratione formaliter cadere non potest deceptio.

De imaginatione verò, nulli dubium esse potest, quin formaliter per illam animalia minimè decipiantur, nam licet vera, & falsa esse possit, non tamen per illam, obiecta ita esse putantur sicuti effinguntur, nisi accedat formalis extimatio, qua sensus adhæreat obiecto apparenti, ac si ita esset à parte rei. Quare sicut histriones non decipiuntur cum se reges faciunt in scanis regumq. munia exercent; decipiuntur autem phrenetici, & alij insanescences, cum se tales realiter esse existimant; ita non decipitur sensus per falsam representationem, seu imaginationem, quousque id, quod per illam apparenter effingitur, per extimationem apprehendatur, ut saltem materialiter verum. Remanet igitur, ut tota formalis deceptio animalis, in ipso extimationis actu constituatur, quando realiter ita esse iudicat, quod aliter se habet. Quia tunc extimatio non tantum est forma, per quam animal cognoscens non conformatur obiecto, sicut per imaginationem falsam, sed est forma, per quam, veluti putat se attingere, quod non attingit. Quod si in actibus memoratiuis simile quidpiam accidere videatur, totum refunditur in extimationem, quæ tunc reiteratur, aut concommitatur memoriam, siue illam subsequitur, ut luculentius ex dicendis patebit.

*Quæ tandem sensatio interna dicatur memoria actualis  
sensus interioris, seu actus memoriæ sen-  
sitiuæ. Cap. X.*



NVS hic supererat modus explicandi, quo sensus interior circa absentia, vel non existentia obiecta versatur, estque per actualem memoriam, quam de illis retinet; quæ etiam dicitur actus memoriæ sensitiuæ. Sed vt ritè in eius explicatione procedamus, tria nobis erunt sigillatim discutienda. Primum nempe, quid, seu quæ nam cognitio per nomen memoriæ actualis in vniuersum propriè, ac formaliter significetur. Secundum vero, Vtrum formaliter detur talis cognitio in sensu interiori. Tertium tandem, quæ ratione eadem cognitio interdum dicatur etiam reminiscencia in ipso sensu interiori.

Memoria igitur in vniuersum non semper pro eodem apud Philosophos vsurpatur; nam aliquando accipitur pro potentia, vel habitu, quo conseruantur simulacra rerum insidentium animo, qua ratione Themistius memoriam dicit esse habitum, quo imagines rerum post impressionem custodiuntur, ac retinentur imagines, vt imagines sunt. Aliquando verò sumitur pro imagine à præcedenti sensatione relicta, firmiterq. impressa, ac defixa sensorio, quæ habitus etiam dici potest, & affectio sensus interioris, vt docet Aristoteles, qui secundum hanc acceptionem in proprio opusculo agit de memoria, eamque distinguit à reminiscencia, vt ibidem exponit Simplicius cum alijs. Ac denique aliàs memoria sumitur pro eo, quod est meminisse, seu pro actu memorandi, ac sensu recolendi obiecta. De quo in præsentibus quærimus, per quid propriè constituatur, abstrahendo à memoria sensitiua, vel rationali, vt deinceps quo pacto à reminiscencia distinguatur, & in sensu interiori formaliter reperiatur, clarius innotescat.

Dicendum

Dicendum autem primò est, memoriam actualem, nihil aliud esse nisi iteratam quandam præteritorum cognitionem, quæ sit cum illa hætenus cognita, rursus & vt cognita percipiuntur. Sumitur hæc cõclusio ex toto discursu Aristotelis. Ex quo secundum partes sic potest probari. Nam primò dicitur iterata cognitio, quia semper supponit aliam priorem cognitionem eiusdem potentiaæ circa idem obiectum. Deinde dicitur præteritorum, quia memoria non est nisi facti, seu præteriti. Est enim, inquit Philosophus, præsentis quidem sensus, futuri verò spes, facti autem memoria. Quo sensu etiam Tullius. Memoria, inquit, est, per quam animus repetit illa, quæ fuerunt. Vnde rursus. Conscientia, inquit, bene actæ vitæ, multorumq. benefactorum recordatio, iucundissima est. Et quia incognita repeti non possent, nec in memoriam reuocari, vt per se patet; idcirco additur particula explicatiua (cum illa hætenus cognita) & vt per obiecta præterita intelligantur ea, quæ hætenus eidem cognitori nota fuerunt; siue actu secundum existentiam præterierint, siue adhuc in rerum natura quãdo recoluntur existant; dummodo eorum species omnino ex sinu memoriæ non exciderint; nam tunc, vt ait Augustinus, non est quò aciem animi formandam voluntas recordando retorqueat. Et hinc ab Aristotele non dicitur, quempiam meminisse, nisi hoc quidem, quod didicit, aut speculatus fuit; illud verò, quod audiuit, aut vidit, aut aliquid tale. Denique additur particula (& vt cognita) quia ad actum formalem memoriæ, non sufficit, vt sit iterata cognitio rei hætenus cognita. Siquidem per extimationem, & imaginationem, aut contemplationem plura sunt, quæ pluries cognoscuntur; & tamen non dicuntur recolita per illas posteriores cognitiones. Item plura sunt, quæ rursus quidem cognoscuntur, nullo prioris cognitionis vestigio relucente, quorum propterea nullo modo tunc cognitor dicitur recordari, sed potius ea tanquam oblita de nouo apprehendere. Requiritur ergo ad proprium actum memoriæ, vt ita versetur circa rem hætenus cognitam, vt simul percipiat illam à se prius fuisse cognitam.

Gap. 2. c. 2. de  
mem. & remin.

Arist. ibid. c. 1.

Cic. 2. de Inuen-  
tione lib. de se-  
nectute.

1. de Trin. c. 4.

cognitam. Semper enim, ait Aristoteles, cum secundum ipsum meminisse agit, sic in anima dicit, quod hoc prius audiuit, aut sensit, aut intellexit. Verum non semper, nec necessario res illa percipi debet, ut hactenus cognita per actum distinctum, ac formalem reflexionem, ut quandoque fit ab intellectu, sed sufficit, ut materialiter cum ipsa re, quæ recolitur, appareat hoc, quod est prius fuisse cognitam.

Id autem fit tum per connexionem, quam habet species præteritæ cognitionis cum specie propria obiecti, qua talis cognitio tunc fuit elicitæ, ita ut excitata una, excitetur & altera, & utraque per modum unius, confusè repræsentetur obiectum, & prior cognitio illius: tum etiam quia species illa obiecti relicta, semper per usum prioris cognitionis, aliquam modificationem intelligitur accepisse, qua diuersimodè postea se habet cum iterum occurrit vsus ipsius, nempe noua, eiusdem obiecti cognitio. Atque omnino experimur aliter potentiam se habere, & operari per nouam speciem non dum prius haustam, & exercitam, sed tunc primò impressam, ac per eam quæ diu in sensorio perseverauit, & qua alias cognitor vsus fuit. Vnde nonnulla sunt quæ cum noua sunt, oblectant; postea verò non simili modo, ait Aristoteles; Quia nimirum specie nouiter impressa incitatur animus, intentusque magis primum reditur in operatione, quàm cum denuo eadem utitur ad repetendum obiectum iam cognitum. Vnde operatione neglecta, voluptas etià hebetatur. Talis ergo est modificatio, quæ intelligitur in specie illa relicta post usum prioris cognitionis, ut in posterum cum obiectum iterum, repræsentat, simul quasi usum ipsum indicet quo hactenus fuit repræsentatum, quod est repræsentare obiectum, ut cognitum materiali modo. Atque ex his iam satis videtur explicata memoria actualis in communi loquendo, per suas differentias essentielles.

Nunc verò, quia diuersimodè talis cognitio oriri, aut comparari solet, nempe, vel per simplicem oblationem, seu excitationem imaginis eius, cuius meminisse contingit; vel per inquisitionem præcedentem, & excitationem eiusdem imaginis

*Lib. 10. ethic.  
cap. 4.*

ginis ex alia illi connexa : notandum est quando priori modo oritur talis cognitio, tunc tantum per nomen memoriae actualis, ac recordationis illam apud Philosophos propriè explicari : quando verò posteriori modo proceditur, non nisi reminiscentiæ nomine significari. De qua significatione seorsum aliquid dicendum censuimus ad tollendas æquiuocationes in modo loquendi Philosophorum, & explicandos, ac distinguendos magis quoscumque actus memoratiuos.

Secundo itaque dicendum est cum Aristotele cap. 3. & 4. eiusdem opusculi, memoriam actualem non esse idem cum reminiscentiâ, sed hoc inter se differre, quòd reminiscentiâ tunc tantum dicitur, cum iterum in alicuius cognitionem venimus per aliquid illius, vel cum illa connexum, cuius propriè recordamur. Vt cum quis alicuius dicti, cuius magna ex parte oblitus fuerat, per verbum quod ex illo memoriae adhuc retinet, reliqua inquirendo, integrè recordatur ; Vel cum locum, tempus, personam, aut alias circumstantias, cum quibus pronunciatum fuerat, iterum apprehendit, & exinde statim recordatur. Vbi notandum est, duo ad reminiscentiâ requiri. Primo reliquias post obliuionem relictas, quæ sunt illæ rerum imagines, quas firmiter, ac distinctè tenebamus, per obliuionem postea aliquantulum oblitteratæ, vel saltem cum cæteris confusæ. Secundo verò excitationem quandam specierum, quæ per aliquem ordinem, vel connexionem cum eo, quod meminimus, fieri solet. Vnde Aristoteles facilè (inquit) esse reminiscibilia quæcumque ordinationem habent, vt dogmata mathematica ; diffi- culter verò, quæ non ita.

Deinde aduertendum est, talem excitationem specierum dupliciter posse fieri: aliquando scilicet per quandam expressam, ac distinctam inquisitionem potentiæ, quæ per modum syllogismi ex his, quæ recordatur, alia disquirit dum reminiscitur, vel reminisci contendit, vt ex Aristotele attulimus ; & hoc pacto propriissimè dicitur fieri reminiscentiâ in doctrina Peripatetica ; Nam cum reminiscimur ( inquit ipse ) venamur, nempe id cuius reminisci volumus, meditantés ab ipso

Cap. 3. de mem.  
& reminisc.

Ibidem cap. 4.

Ibid. e. p. 3.



ipso nunc, aut alio aliquo, & à simili, aut contrario, aut propinquo. Siquidem & à locis, ut ipse inferius subiungit, & ex circumstantijs, ut dicebamus, quarum meminimus, ipsarum rerum, quas inquirimus, reminiscenciam comparamus. Aliquando vero huiusmodi excitationem experimur fieri per connexionem ipsarum specierum, seu per simplicem oblationem internam, vel externam alicuius speciei adeo cum illis connexæ, ut statim atque illam apprehendimus, cæteræ omnes excitentur, & sic reminiscamur. Quæ ratione Petrus cum galli cantum audiuit, statim, ut inquit Matth. recordatus est verbi Iesu, per species enim cantus, cæteras connexas excitavit, ut Christi Domini integræ prædicationis reminisceretur. Qui tamen modus excitationis specierum, iuxta doctrinam peripateticam, non tam propriè videtur constituere reminiscenciam, quæ sapius ab Aristotele per expressam inquisitionem explicatur. Nihilominus hoc discrimen fortasse non est essentiale; nam dummodo rei cuiuslibet reminiscamur per aliquid illius, vel connexum cum illa, quod memoriæ teneamus; quocumque modo fiat excitatio specierum, siue per inquisitionem, siue per oblationem rei connexæ; hoc satis videtur, ut actus huiusmodi non sit mera recordatio, seu mera memoria actualis prout à Philosophis communiter accipitur. Non enim semper conatur potentia ex his quorum meminit, longo discursu oblita perquirere; sed quandoque statim, vel casu offertur illi aliquid, ex quo eorum reminiscitur, quorum imagines obliuione, aut confusione quasi obrutæ, ac sepultæ fuerant; idque ex connexionem illa, quam supra explicuimus; ut cum quis repente ex pluuia, aut humido recordatur autumnii, hoc quærens anni tempus, ait Aristoteles.

Ex quibus omnibus patet, siue vno, siue alio modo reminiscencia fiat, omnino tamen memoriam actualem propriè dictam multum ab illa differre, quippe quæ, nec per inquisitionem, nec per excitationem vnius speciei ex alia requirit procedere, vnica rei hætenus cognitæ oblatione contenta, modo quo diximus. Quamuis hoc totum discrimen non sit

Matth. c. 26.

nisi accidentale, nempe secundum diuersum modum extrinsecum quo memoria, & reminiscētia à causa procedunt; cum alioquin essentialiter vtraque sit recordatio, & iterata cognitio rei hæcenus cōgnitæ, & vt cōgnitæ.

Tertio dicendum est, memoriam actuaalem, vt suprà explicatam cum omnibus suis formalitatibus dari in sensu interiori saltem omnium perfectorum animalium. In quo nulla potest esse controuersia, nec ambigendi locus, docente hoc ipsa experientia manifesta, quam in singulis, ferè animalibus præclare obseruat Aristoteles in libris, quos de historia animalium inscripsit. Quamobrem lib. 1. cap. 1. generaliter loquendo, non modo concedit complures animantes memoria esse participes; sed ad hoc pariter se extendere, vt sint etiam disciplinabiles; quod est memoriæ vsum perfectius includere; idemque alibi etiam reperit. Atque hinc videmus tot belluas distantia loca repetere; præteritas actiones quasi imitando resumere; significationes olim p̄ceptas tenere; se inuicem, si aliqua intercesserit consuetudo secus ac alias recognoscere; proindeq. odio, vel amore in absentia ferri, & cum gaudio, vel mœrore rursus eorum præsentiam adipisci iuxta primam rei apprehensionem, quam retinent. Vnde canes non modo longissimi itineris recordantur, sed & maxima alacritate domum reuertuntur, dominoque quibus possunt obsequijs famulantur in amoris, ac pristinæ cognitionis argumentum; vt de canē illo Tobix domum redeunte ac præcurrente, & blandimento suæ caudæ gaudente, narrat sacra Historia. Contra verò, alios (maximè à quibus olim iniuriam acceperunt) latratu semper, ac dentibus insectantur. Sicut ille Camelus, qui vt refert Aristoteles, memor à se commissi sceleris eo quod op̄era Camelarij cum matre coisset, Camelarium ipsum morfu defixò interemit.

Quarto dicendum est, in sensu interiori non dari reminiscētiā sumptam in rigore, prout ottatū ex formali inquisitione, & inuestigatione potentia reminiscētis; dari tamen interdum prout etiā ex simplici oblatione alterius imaginis connexæ oriri posse, paulò ante existimaui. Prima pars huius

Lib. 9. de Hist.  
anim. cap. 1. &  
lib. 2. de i. lib. 1.

Tob. cap. 12.

Lib. 9. de Hist.  
animal. cap. 47.

huius conclusionis expresse sumitur, ac probatur ex Aristotele cap. 4. proprii opusculi, nam sic, ipsum reminisci est (inquit) vt syllogismus quidam, & est, vt inquisitio quædam; hoc aut quibus, & ipsum consultatium inest, natura solum accidit. Quare ipso reminisci nullum animalium superius dixerat participare, nisi hominem, qui per intellectum, sicut cogitare, & consultare; ita & inquirere valet. Vnde lib. 1. de histor. animal. cap. 1. quasi id ipsum repetens ait, homo vnus ex numero animalium omnium vim obinet cogitandi, & cum memoriæ, atque disciplinæ complures animantes participes esse possint, nulla tamen præter hominem potest reminisci.

Secunda verò pars conclusionis probatur; nam excitari vnâ speciem per oblationem alterius connexa cum illa, non necessario supponit indagatiōem, & inquisitionem, potentiæ, ac proinde vsum intellectus; cumque detur talis motus corporeus, deneganda non est huiusmodi operatio sensui interiori, ita vt per speciem, quæ vltro ipsi offeratur, excitetur, & altera illi connexa, qua postea vtatur, & reminiscatur, vel totius rei, cuius ex parte fuerit oblitus, vel alterius rei connexa cum illa. Imò, & hoc sæpe in brutis experiri videtur ipsa reminiscentia, vt cum bellator equus belli fortasse oblitus, statim ac buccinæ clangorem, tympanorumque perstreptentium apparatus cognouerit, reminiscitur, atque hinniens fremit; pugnamq. præteritam secum commemorare indicat manifestè, nisi dicamus præsentire futuram.

Confirmatur, nam vt docet Aristoteles cap. 4. supra cit. interdum contingit, vt valde cohibentes cogitationem, turbentur, & non reminiscantur: reminiscantur autem, non amplius conantes: quia reminiscens, corporeum aliquid mouet, in quo passio est; nec sinit motus quousque accedat, quod quaritur: accedit autem plerumque post conatum, & inquisitionem potentiæ; quia vt idem docuerat cap. præcedenti, cum reminiscimur, mouemur secundum quendam primorum motuum quousque vtrique moueamur

post quem ille consuevit. Igitur etiam in hominibus datur reminiscencia per Aristotelem, quando non adest conatus, & inquisitio intellectus; sed tantum motus corporeus phantasmatum in sensu interiori; quamuis ille motus in principio à conatu potentiae inquirentis ortum habuerit. Quapropter eodem pacto si huiusmodi motus incipiat per simplicem oblationem alicuius obiecti, cuius imago per aliquam connexionem excitet aliam, & illa aliam quousque representetur obiectum illud, quod latebat, talis cognitio in sensu interiore diceretur etiam reminiscencia.

*Quo pacto sensationes internae dicantur procedere per modum apprehensionis iudicii, ac discursus.*

*Cap. XI.*



*Tab. 4. p. 1.*

**EXPLICATIS** actibus sensus interioris secundum essentialem earum varietatem, quam ex distinctione obiectorum, eorumque conditionibus, ac circumstantiis, nec non, & ex proprio modo attingendi ipsa obiecta, desumere in principio commonuimus; iidem explicandi sunt secundum accidentalem quidem, sed praecipuam diuersitatem, quam adhuc sibi vendicant ex peculiari, ac distincto modo attingendi obiecta, ut cum sensus concipit illa confusè aut distinctè, nempe per simplicem apprehensionem, vel per obscurum saltem iudicium, aut illatiuo modo, quasi vnum ex alio inferendo. Quare discutiendum hic sequitur, utrum, & qua ratione tales modi reperiantur in ipsis sensationibus internis.

Primo igitur nulli dubium esse debet, in sensationibus internis dari simplicem quendam modum attingendi sua obiecta, quo interdum veluti per vnicum, ac primum intuitum, nihil iudicando de illis, tantum simpliciter attinguntur, & apprehenduntur oblata ipsa sensibilia. Fit autem eiusmodi apprehensio, vel per vsum vnus tantum speciei.

ciei impressæ, quæ non sufficit ad compositionem, aut diuisionem plurium effingendam, affirmando, vel negando vnum de alio, sed tantum ad repræsentandum absolute suum simplex obiectum: vel per inadequatam vsum eiusdem, aut plurium specierum, quibus interdum non exprimitur ab animali omne id, quod est per illas expressibile, sed confusè multa simul quasi leuiter attinguntur, & ad modum vnius concipiuntur. Nam cum ad distinctam cognitionem plurium deueniri debet, id animal præstare non potest, nisi per copulationem, ac separationem suarum specierum, quarum adæquato vfu dicitur componere, aut diuidere, quasi affirmando, vel negando vnum de alio, & exprimendo quidquid in illis intentionaliter contentum elucet. In quo sanè magnoperè differt simplex apprehensio sensus interioris, atque etiam intellectus humani à simplici apprehensione intellectus Angelici, quæ circa plura, ac plura distinctissimè versatur vnico intuitu absque compositione, diuisione, aut ratiocinatione, vt communiter docent Theologi ex Dionysio Arcopagita. Idque contingit ex debilitate luminis intellectus humani, ac interioris potentie sensitivæ. Siquidem ab his non statim in prima apprehensione alicuius primi apprehensi, exprimi potest quidquid in illo virtute continetur, & habetur per suam speciem impressam, sicut ab Angelis, qui propter plenitudinem luminis intellectualis, in illis, quæ primò naturaliter cognoscunt, inspiciunt omnia quæcumque in eis cognosci possent componendo, diuidendo, ac ratiocinando, vt explicat S. Thomas.

7. de diuin. nomin.

1. 2. q. 13. art. 3.

et 4.

Differt insuper simplex apprehensio sensus interioris à simplici apprehensione intellectus humani; tum quia apprehensio intellectus versatur circa naturas vniuersales, aut singulares secundum quasdam formalitates ad modum vniuersalium, quod præstare non valet apprehensio sensus interioris, qui non nisi circa singularia materialiter potest versari: tum etiam quia apprehensio intellectus per vsum eiusdem imaginis circa plura saltem successiue potest versari,

distinctè concipiendo, verbi gratia, nunc quantitatem, nunc verò figuram alicuius quanti: secus ac apprehensio sensus interioris, quæ circa res, suosq. modos non nisi simul confusè, ac per modum concreti potest se ferre.

At vniuersaliter loquendo de cognitione iudicatiua, distinguendum in primis est, inter eam, quæ vnum de altero propriè enunciat (nempe affirmando, vel negando per connexionem, aut discrepantiam, quæ simul apprehenditur, inter illa; quod est propriè componere, aut diuidere iuxta doctrinam Peripateticam,) & eam, quæ vnum quasi in altero, vel cum altero, aut ab illo remotum materialiter iudicatur absque cognitione connexionis, vel discrepantiæ, & conuenientiæ, aut disconuenientiæ inter prædicatum, & subiectum, ac proinde absque formali compositione, aut diuisione.

Deinde dicendum est, sensum interiorem primo modo nullatenus posse iudicare, sed tantum hoc secundo. Probatum autem ex Aristotele 3. de anima tex. 22. ubi docet, id, quod singulos conceptus componit, esse ipsum intellectum: & nomine compositionis comprehendit tam affirmatiuum, quàm negatiuum iudicium, seu enunciationem, ut notat Philoponus. Non ergo huiusmodi iudicium competere potest sensui interiori per Aristotelem, sed tantum illud, quod secundo loco explicuimus, quodque ipse cunctis animantibus concedit, ut paulo inferius adducemus. Ratione verò probatur ex dictis. Nam obiectorum conuenientia, & disconuenientia, vel connexio, ac discrepantia inter se, non sunt nisi habitudines quædam, & relationes, quæ nullo modo sub sensum cadere possint, ut ibi latè explicauimus. At propria enunciatio formaliter constituitur talis per cognitionem conuenientiæ, aut disconuenientiæ terminorum; nam inde habet, ut sit affirmatiua, vel negatiua, seu compositio, aut diuisio. Ergo sensus, qui tales habitudines nequit percipere; nec proprias enunciationes valebit conficere: sed tantum vnum de altero materialiter iudicabit, quatenus per simultaneam quandam, & complexam.

plexam apprehensionem, vnum in altero, vel cum altero, aut remotè ab illo cognoscit existere, percipiendo quidem, connexa, aut discrepantia, non tamen ipsam connexionem formaliter, aut discrepantiam.

Quoniam verò non tantum videtur prædicatum copulari, vel separari à subiecto per affirmationem, aut negationem formalem, sed per explicatam quoque apprehensionem complexam; hinc est talem cognitionem, qua materialiter cognoscitur prædicatum in subiecto, vel ab illo remotum, ex carentia inexistentiæ ipsius in illo, vocari saltem obscurum, & imperfectum iudicium. Et hac ratione Aristoteles *2. poster. cap. ult.* cuncta animalia congenita docet habere potentiam iudicatiuam, quam vocant sensum; nam sentire, inquit, est alio quo modo iudicare. Quod de sensu interiori præcipuè, vel *2. topic. cap. 2. loco 10.* saltem non sine concursu illius debet intelligi, quemadmodum illud, vbi visus, inquit, nos diiudicare tenebras, & lumen, sentireque tum colorem, tum subiectum illius. Etenim *2. de anima tex. 238.* in animali, vt docet M. Greg. vnus est iudex nempe sensus cerebri, qui intrinsecus præsidet, & per meatus proprios *Lib. 11. moral. cap. 8.* quinque sensus, eorumque obiecta discernit. Nec aliter interpretari debet illud Iob. Nonne auris verba diiudicat, & *Cap. 12.* fauces comedentes saporem? vt obiter annotarunt nonnulli Theologi. Nam semper sensationem externam consequitur, & concomitatur interna, vbi perficitur cognitio animalis. Eodemque pacto intelligendus est Augustinus cum ait, sensibus esse naturalia quædam iudicia, quibus sensibilia *Richard. in 2. dist. 24. q. 2. circa 3. princ. Lib. 6. Myste. Op. de vera Relig. c. 32. Op. 33.* iudicant.

Fit autem huiusmodi obscurum iudicium per vsum plurium impressarum similitudinum, quibus mediantribus repræsentantur obiecta, in se quidem essentialiter & accidentaliter connexa, aut discrepantia; absque tamen ipsa connexionem, vel discrepantiam; quarum sicut nullam potest sensus habere similitudinem impressam, ita nullam valet exprimere formalem cognitionem. Connectuntur tamen, vel separantur inter se species illæ impressæ dum imprimuntur, vel excitantur, & vsui offeruntur, per naturalem quandam con-



*De mem. & re-  
min.c. 3.*

comitantiam, aut remotionem, sicut obiecta, quorum sunt similitudines reperiuntur naturaliter connexa, vel separata, & vt sic simul, vel seorsum tales species emiserunt. Sicut enim (inquit Aristoteles) se habent res ad inuicem in eo, quod consequenter, sic & motus.

Sed contra videtur obstare, quòd iuxta prædicta, si in vnoquoque iudicio sensus interioris, non nisi terminorum tantum similitudines exprimantur, nempe prædicati, & subiecti absque expressione connexionis, vel discrepantiæ, quæ per copulam propositionis, seu per verbum est, aut non est, exprimi solet; non esset quo iudicium affirmatiuum à negatiuo distingueretur. Semper enim vna esset eorum complexa, & absoluta expressio, seu potius apprehensio, eademq. formalis cognitio, siue cogniti termini inter se cohererent, siue quam maximè discreparent.

Cui difficultati occurrendum est ex ijs, quæ paulò antè insinuauius dicendo, hoc differre iudicium affirmatiuum animalis à negatiuo; quòd iudicium affirmatiuum quantumuis obscurum, & imperfectum, positivè simul versatur circa entitatem, & inexistenciam prædicati in subiecto, materialiter cognoscendo vnum in alio, vt calorem in aqua, aut albedinem in pariete. Quin modus existendi per se, ac seorsum ab alijs, vel in alio cognito, ac simul cum illo, percipitur saltem materialiter cum ipsa existentia rei actu existentis. Iudicium verò negatiuum eiusdem animalis, non nisi priuatiuè versatur in non existentiam prædicati in subiecto; quippe cum à parte rei, ac verè talem carentiam in-existentiæ non percipiat, sed tantum videatur negare saporem de lapide, verbì gratia, quia cum lapide illum non apprehendit coniunctum, eo quod nunquam expertus sit in-existentiam talis prædicati in præfato subiecto. Itaque quod in intellectu est formaliter negare vnum de alio per positivam cognitionem non existentia prædicati in subiecto, id in sensu interiori est non apprehendere illa simul coniuncta, sed quasi remota. Quod pariter intelligendum est eo modo, quo sensus prædicata à subiectis remota potest apprehendere,

dere, nimirum confusè cum alijs subiectis, ac per modum concreti, ut cum non apprehendit saporem cum lapide, sed cum carne, vel alio cibo. Ex quibus iam sufficiens apparet distinctio inter iudicium affirmatiuum, ac negatiuum animalis, ut iure proposita difficultas postulabat.

Tertio dicendum est, sensum interiorem propriè loquendo, nullo modo circa sua obiecta posse discurrere, posse tamen vnum ex alio materialiter quodammodo percipere per connexionem specierum, quæ se mutuo comitantur; & ut sic quandoque denominari, quasi procederet per modum discursus. Prima pars conclusionis apertè colligitur primò ex Aristotele, qui dum 3. de anima tex. 22. componere, ac diuidere, proprium docet esse intellectus, consequenter, & à fortiori idem sentit esse dicendum de discursu. Item quia lib. de mem. & remin. cap. 4. ex eo docet, præter hominem nullum animalium reminisci, quòd ipsum reminisci sit veluti syllogismus, quamuis circa singularia versetur. Sensit igitur syllogizare, seu discurrere nullo modo ratione expertibus posse competere.

Deinde probatur, quia ratio formalis cognitionis discursus fundatur in actu virtutis illatiuæ, quo infertur consequens ab antecedenti, percipiendo connexionem aut discrepantiam, quæ est inter illa, ac deducendo vnum ex alio affirmatiuè, vel negatiuè. Et ita se habet illatio inter iudicia antecedentis, & consequentis, sicut copula inter prædicatum, & subiectum, quæ formaliter est exprimenda in vero, ac proprio iudicio enunciatiuo. At sensus interior sicut formaliter connexionem, aut discrepantiam terminorum nequit attingere, ita nec iudiciorum, quæ illi per modum antecedentis, & consequentis offeruntur. Ergo propriè, & formaliter loquendo, dari non potest in sensu interiori circa sua obiecta cognitio discursiva.

Quod autem asserunt nonnulli grauissimi Auctores de rationis defluxu ex consortio potentie intellectiuæ, ac præstantiori accidentium apparatu in organo, ut saltem sensum interiorem hominum dicamus circa singularia posse discurre;

rere; non videtur posse conuincere. Siquidem nec organorum præstantia, nec intellectiua facultatis consortium sufficit, vt virtus illatiua circa singularia in ipsum sensum dicatur transfundi, cum alias ex natura sua incapax constituantur quilibet sensus ad percipiendas intimas rerum habitudines, quibus res ipsæ coherent, vel discrepant inter se, ac vnum consequitur aliud, & quarum species non nisi ab intellectu possent haberi. Vnde influxus intellectus in suis operationibus semper eleuantis, ac dirigentis ipsum sensum internum, manet extrinsecus respectu illius, cuius naturam intrinsecus immutari repugnat.

Quare non incongruè exponi possent huiusmodi Auctores, inter quos est Auerr. Auicenn. ac S. Thom. de discursu materiali materialiter, & quasi instrumentaliter sumpto circa singularia, ita vt sensui interiori concedatur in hominibus propter præstantiam organorum, & applicationem ac directionem intellectus adhibentis ipsum sensum opportuno modo circa obiecta proposita, posse nonnunquam vnum quasi ex alio colligere, prout materialiter vtriusque species reperiuntur coniunctæ, & sic elicere cognitionem vnius statim post cognitionem alterius profectiori modo, quam in cæteris animantibus, ac si verè, & propriè vnum ex alio inferret per cognitionem formalis connexionis, & consequentiæ, quam solus intellectus potest attingere. Et sicut D. Thomas postquam dixisset de mente Aristotelis, prudentiam consistere in sensu interiori, qui perficitur per memoriam, & per experimentum ad promptè iudicandum de particulis expertis, statim addit: non tamen ita quod prudentia sit in sensu interiori, sicut in subiecto principali, sed principaliter quidem est in ratione; per quamdam autem applicationem pertingit ad huiusmodi sensum; ita cum idem Sanctus Doctor, Auicenn. Commentator, vel alius docet sensum interiorem in homine posse discurrere circa singularia; discursus debet intelligi formaliter, & principaliter in intellectu: per applicationem verò in ipso sensu interiori. Quare Themistius loquendo de *διδασκαλία*, quam Auerroes, cum alijs sumit

2, 2. q. 47. art. 3.

ad 3.

6. Ethic.

lib. 2. de mem.

& remin. c. 14.

sumit pro cogitativa in homine ad ratiocinandum circa singularia, inquit, illam nihil esse aliud, quàm intellectū, prout cum phantasia operatur, ratiocinando scilicet, simul cum illa circa ipsa singularia. Quibus adstipulari possunt verba eiusdem D. Thomæ, qui postquam concesserat quasi discursum quendam circa singularia in extimativa, seu cogitativa, & memorativa hominum, inquit, quòd illam eminentiam, habet cogitativa, & memorativa in hominē, non per id, quod est proprium sensitivæ partis, sed per aliquam affinitatem, & propinquitatem ad rationem vniuersalem secundum quandam refluentiam, seu per quandam influentiam, vt repetit in alio loco; Quasi diceret; hoc, quod est per discursum procedere circa singularia, non esse opus ipsius cogitativæ, aut memorativæ, vt sensus est; ac si talis potentia suo iure talem sibi operandi modum vendicaret; sed per accidens ex coniunctione, quam habet in operando cum intellectu, à quo iugiter eleuatur, & in suis operationibus dirigitur, & applicatur secundum extrinsecam quandam refluentiam, seu influentiam luminis cognoscitiui, ac directiui. Dixi extrinsecam, quia non appareret quomodo lumen naturale vnius potentivæ intrinsecè refluere possit in aliam. potentiam, cui naturaliter ab ipso D. Thoma asseritur non competere, quamvis ambæ facultates in eodem supposito, vel operante reperiantur coniunctæ.

1. p. q. 78. art. 4.  
ad 1.

Opusc. 43. quod  
est de potentia  
animæ cap. 4.

Secunda verò pars conclusionis nempe sensum interio-rem posse vnum ex alio materialiter percipere per connexionem specierum; Probatur apertè. Nam sicut ea, quæ se mutuo consequuntur, siue per se, siue per accidens, vt forma, & subiectum, causa, & effectus, motus, & mouens; vel simul, vel vnum post aliud per sui similitudines interius perferuntur, vt concipiuntur ab anima; simulq. per naturalem quandam connexionem conseruantur; Ita cum anima exprimere conceptus aggreditur, post vsum vnius imaginis impressæ, statim alia, quæ simul cum illa, vel post illam immediatè intus peruenerat, simulq. conseruabatur, occurrir, & ad vsum alterius conceptus exprimendi deferuit. Vnde

Ari-

*De imagin. &  
sensu. c. 3.*

Aristoteles: Sicut enim (inquit) se habent res ad inuicem in eo, quod consequenter, sic, & motus, per quos nempe ab anima concipiuntur. Et quia saepe contingit, vnam speciem hactenus impressam excitari per nouam, quae actu hauriatur ab eodem vel simili obiecto extrinseco, & cum illa excitari simul & reliquas connexas: hinc fit, vt quandoque sensus interior, verbi gratia, ex sola causa, quae tunc extrinsecus illi aditare comperitur, percipere videatur, & motus, & effectus consequuturos nullo modo praesentes, ac si rationabiliter vnum ex alio inferret; cum totum hoc fiat per oblationem imaginis eiusdem, vel similis effectus hactenus hausta, ac de nouo excitata simul cum pristina imagine, similis, vel eiusdem causae praesentis. Et sic de ceteris connexis licebit philosophari, vt clarius patebit exéplis, quae sequenti cap. ad huius rei comprobationem commodas afferentur.

Quarto, & vltimo. Dicendum est cunctas indiscriminatum sensationes internas superioribus capitibus explicatas procedere posse per modum simplicis apprehensionis, iudicij, ac discursus, prout modo explicauimus. In quo nulla videtur obitare posse difficultas. Nam siue facultas interior sensitua versetur circa praesentia, siue circa absentia, vel non existentia; rursus siue versetur circa illa tanquam circa obiecta realia per propriam estimationem, siue quatenus ita apparere contingit per imaginationem; semper aliquo ex praefatis modis debet procedere: nimirum, vel simpliciter apprehendendo obiectum, vt vnum etiam si in se duo contineat praedicata: vel quasi iudicando vnum de alio, copulando, vel separando species eorum: vel denique vnum ex alio materialiter percipiendo per naturalem oblationem simulacrorum, quae se mutuo consequuntur, aut per applicationem intellectus in homine sensum appositè dirigentis. Idque tam si species rerum praesentium dum hauriuntur, inter se tantummodo copulentur, vel ab inuicem discernantur; quam si cum ceteris imaginibus rerum absentium, vel non existentium modo, quo diximus conferantur.

*Explicantur indicia, & solvuntur argumenta, quibus  
probari videtur in sensationibus internis quando-  
que verum, ac proprium reperiri di-  
scursum. Cap. XII.*



**V**T modus, quo iuxta prædicta sensus interior  
simulacra excipit, copulat, secernit, profertq.  
de memoriæ thesauro in vsum, distinctius inno-  
tescat, appareatq. inter sensationes internas  
nullum esse in rigore proprium iudicium; nul-  
lumq. formalem discursum, quamvis per modum iudicii ac  
discursus illæ dicantur quandoque procedere: examinanda,  
ac solvenda sunt ea argumenta, & indicia, quibus oppo-  
situm de illis probari videtur: observatis præsertim operatio-  
nibus quibusdam brutorum, quæ naturali sua calliditate, &  
soleria, ita discursum hominis imitantur, vt pariter ipsa  
circa sua objecta componere, diuidere, & ratiocinari prope-  
modum censeantur. Genus enim brutorum, ait certè Ari-  
stoteles, magnam referre vitæ humanæ similitudinem, vide-  
riq. in quibusdam intelligentiæ rationem. Quapropter, vt  
idem etiam scriptum reliquit, dubitauerunt quidam, vtrum  
intellectu, aut quodam alio operentur Aranei, & Formicæ,  
& huiusmodi animalia. Nec defuerunt, qui absolutè, bruta  
hæc ratione uti, dicerent: teste Plutarcho de placitis Philo-  
sophorum, quibus adstipulari videtur Porphyrius, qui par-  
ticipationem quandam rationalis facultatis omnibus conce-  
dit animalibus, eamq. in phantasia collocat: quam propte-  
rea vim quandam rationis inquit habere. Quare, vt notat  
Aristoteles, Antiqui sapere & sentire, idem esse dixerunt,  
vt Empedocles, atque Homerus.

Plutarchus igitur opusculo de solertia animalium, ratio-  
cinationem aliquam, & intelligentiam in belluis conceden-  
dam esse autumans ex persona quorundam Philosopho-  
rum, licet imbecillum, & minus rectam, quam in hominibus,  
vt ipse

*Lib. 9. de hist. av.  
anim. cap. 7.*

*2. Phys. tex. 80.*

*Lib. 5. cap. 2.*

*Porph. lib. de sens.  
crificij.*

*2. de anima.  
tex. 150.*

vt ipse ait. Primum argumentum auspicatur ab eo, quòd cum multa sint naturæ animalis conueniētia, multa aduersa quæ consecetur, vel fugiat, ac perinde vtrorumque cognitionem sensus unicuique animalium præbeat; hinc quæ sequuntur appetitiones vtilium perniciosorumque, & molestorum auersiones, nullo pacto cadere in animal possent, si per eundem sensum iudicare, animaduertere, ac ratiocinari circa illa requireret. Etenim animal ad suum munus perficiendum non modo nocitura, quæ metuat ac fugiat, & profutura, quæ desideret ac sequatur, qualitercumque debet agnoscere; sed ad hunc finem, receptacula, ac suffragia parare; actionem, quæ actioni antecedit, disponere; indagines moliri; insidias declinare, aliaque permulta facere. Quæ omnia maxima cum sagacitate, & intelligentia sunt coniuncta, ac propterea cuilibet animali rationem aliquam cum sensu conuenire concludit.

Deinde Stratonis physici argumentum, inquit, extare; quo sine intelligentia sentiri omnino nihil posse ille demonstrat. Nimirum, quia sæpenumero scripturam aliquam oculis percurrimus, aut verba nobis ad aures accidunt; ita vt nihil eorum obseruemus, sed fallant, ac effugiant animo nostro in aliud intento; deinde reuocentur in mentem, ac recolantur eadem, quæ antea erant prætermissa. Vnde dictum est, mentem videre, mentem audire &c. quia scilicet affectio aurium, aut oculorum, sensum nullum indat intelligentia absente. Proindeq. si natura ita est comparatum, vt intelligendo sentiamus, necesse est, inquit, omnia quæ sentiunt, intelligere; quod est circa sensibilia iudicare, ac discurre.

Tertio ibidem argumentatur; nam equos, canesque, & alia bruta sæpe homines plectunt castigandi gratia; dolorque, & ægritudo, quam poenitentiam vocant, ijs incurritur non frustra, sed vt corrigantur; supponunt ergo falsas opiniones, prauaq. iudicia, in quorum emendatione postea formaliter consistit correctio, cum omnes potentia in ipsis sequantur cognitionem. Et confirmari potest; nam cum canis plectitur  
ad emen-



ad emendationem leonis, nequaquam emendaretur leo, nisi ex castigatione canis proprium delictum agnosceret, propriamq. actionem emendandam inferret. Itaque non tantum iudicat, sed etiam valet discurrere. Atque huc etiam spectat quidquid de brutorum docilitate, disciplinarumq. capacitate; tum idem Plutarchus, tum Aristoteles saepe commemorant, qui non tantum dicere, sed etiam docere, quandoque bruta videtur concedere.

*Arist. lib. 9. de  
hist. anim. c. 9.*

Verum, ut ad exempla peculiariora, eorumq. varias observationes deveniamus, illud in primis admiratione dignum Plutarchus enarrat, quod Romæ cum multi docerentur Elephantis institutiones admirabiles, gyrosq. explicatu difficiles: quidam reliquis omnibus minus docilis, ob idq. crebrò increpatus, & castigatus, deprehensus est noctu sua sponte ad lunam se exercens, ac discens. Similiter & Picam mirificè vocalem, & garrulam fuisse, quæ tubis aliquando prope ipsam diutius, ac prolixius accinnentibus, ita postea conticuit, ut muta, ac omni penitus voce destituta putaretur, quasi tubarum sonitu perculsum auditum, unà, & vocem ammisisset. Verùm ipsam tunc impensè studuisse, & vi imitandi aliquandiu in sese conversa, exercitationi incubuisse apparuit. Subito namque vox rursus emicuit, nihil usitatarum, ac veterum imitationum, sed cantus tubarum ipsis conversationibus modulans, omnesq. mutationes, & pulsationum, numeros exprimens. Ex quo colligit Plutarchus, in animalibus intelligi posse facultatem à se ipso discendi, rationis maiorem habere vim, quàm docilitatem magistro aptam, & utramque in bellis reperiri.

Item illud expendit, quod non modo feratur, Corvos in Africa potu indigentes, lapidibus iniectis in aquam, eo usque eam impleto cauo continente eleuasse, dum rostro attingerent: sed & canem se vidisse, lapillos in amphoram oleo non repletam injicere; intelligendo sanè à grauioribus immixtis, leuiora sursum elidi; & Iubam refert scripsisse, (quod Plinius quoque meminit) nempe Elephantem aliquo in foueam dilapso, reliquos, qui gregatim ambulant, materiam.

*Plin. lib. 8. c. 3.*

fiam inijcere, vt illapfus facile exire poffit. Quare ficut Elephanto magnitudinæ figuraq. nulla vaitior, ita belluarum nulla prudentior apud omnes habetur. Notumq. effe inquit, pifcem cui nomen pifcator, acetabulum, initar funiculi demittentem, quo hamus dependet, pifciculosq. fraude adductos comprahendit. Qua, vel fimili arte, alios quoque pifces vti, perfpicuum eft. Amplius Thraeces, refert, vulpe, vti ad foliditatem glaciei explorandam, cum concretum gelu fluuium transire cupiunt. Illa enim fenfim accedens, aurem admouet, & fi aquam audiat prope fubterlabi, intelligit non in profundum congelaffe; ideoque fubfiftit, vel retro abit: Quod fi nullum fonitum percipiat, audacter tranfit. Ratiocinatur igitur vulpis, infert Plutarchus, morum ex fonitu, fluxibilitatem ex motu, & non confiftentiam ex fluxibilitate argumentando. Additque fecundum dialecticos, canem in triuijs ea vti argumentatione, quæ è pluribus difiunctis enunciatis conficitur, fecumq. ita colligere. Fera aut hac, aut illa inftitit via, fed neutra; Ergo hac, quæ fupereft; ficq. per eam fenfu nihil fuppeditante feram insequi, flexusque, & vefigia quarere. Hæc & alia idem Auctor fufè profequitur, quibus adftipulari poffent. Quæ cum plurimi, tum præcipuè Aristoteles abunde de brutorum folertia, ac prudentia tradit.

*Lib. 9. de hiftor.  
anim. c. 3. 6. 7.  
c. 37. 38. c. 46*

Sed vt fimul argumenta, indiciaq. omnia tum adducta, tum quæ adduci poffent, communi quadam, ac vera ratione difquiramus, notandum eft, ad hoc præcipuè illa omnia reuocari, vt in brutis ordinatio quedam, difpofitioq. mediorum ad finem, cognitio rerum ex caufis, & capacitas difciplinæ cum ftudio & correptione, ab effectibus oftendatur, vt hinc inferri liceat difcurfus, fine quo certè exerceri nequeunt huiusmodi actiones. Quibus tamen fingulis haud multum erit ex principijs fuprà explicatis occurrere.

Respondetur enim ad primum argumentum, multa quidem à brutis animantibus cognofci, appeti, ac parari ad finem aliquem ex natura fua intentum; vt ad fubterfugienda incommoda, & molefta, ac profequenda oblectabilia; ve-

rum

rum illa non apprehendi sub ratione medij, prout media sunt, & ordinantur ad finem, quasi ex industria, & arte eligerentur, & adaptarentur ad illum: sed tantum materialiter prout sensibilia sunt, ita ut bruta animantia, dum tendunt in finem, non secus ac plantæ suis utantur proportionatis medijs, ut docet Aristoteles. Nam, inquit, si propter aliquid 2. phys. tex. 80. Hirundo nidum facit, & Araneus telam, plantæ quoque folia gratia fructuum, & radices deorsum gratia nutrimenti faciunt. Et licet inter plantas, & bruta illud sit discrimen, quod bruta cognoscunt quidem ipsa media, quæ assumuntur; plantæ verò non cognoscunt: Aliud tamen est cognoscere, ac sumere medium ex se ordinatum ad finem per materialem apprehensionem, quæ habetur de illo, tanquam de connexo cum fine: aliud verò est distinctè cognoscere aptitudinem, quam illud habet ad talem finem, ex qua cognitione oriatur electio illius, & ordinatio ad consequutionem ipsius finis. Siquidem aptitudo est ratio quædam sub qua electionis, & formaliter est habitudo, seu relatio proportionis, quam medium habet ad finem, ut viæ ad terminum, vel causa ad effectum, & similia. Quæ habitudo, & proportio est extra latitudinem obiecti adequati sensus interioris, ut sæpe diximus. Proindeq. electio cum supponat cognitionem huiusmodi aptitudinis, seu proportionis, constituitur opus solius potentiæ intellectivæ, & nullo modo conceditur brutis, ut explicat S. Thomas. Estque Aristotelis, qui causam reddens, ait. Non omne, quod spontè agimus, esse eligibile, sed id, cuius consultatio antecessit; ideoque electionem non esse communem cum brutis. Accedit, quia tota ratio appetibilitatis, quæ reperitur in medio, ut medium est, est bonitas utilis, quæ conducit ad honestum, vel delectabile (nam hæc duo tantum bona absolute habent rationem finis, ut docet Aristoteles.) At sensus non percipit utile, 1. 2. q. 13. ar. 2.  
2. ethic. cap. 2. sicut nec aliud bonum relatum, ut probatum est supra; Ergo sensus non percipit medium, ut medium est, & prout ordinatur ad finem.

Restat igitur, ut cum bellæ pleraque moliantur ad finem aliquem

8. ethic. c. 2.

Trail. 2. cap. 4.

aliquem consequendum, cognoscant quidem ipsa media, quibus vtuntur, sed non nisi materialiter, prout aliquo modo connexa cum fine ratione imaginum, quas simul habent de illis; ita vt hirundo cum ad nidificandum aquam tangens alis, ijsq. deinde puluerem apprehendens, lutum facit, illinirq. illo laxas, dilapsurasq. nidi paleas; non apprehendat aquam tanquam aptam ad conficiendum lutum, nec lutum formaliter tanquam glutinum, aptumq. ad liniendas paleas; sed omnia materialiter tanquam partes illius, quatenus in adæquata imagine, quam habet de nido, confusè continentur imagines etiam istorum. Nam neque lepus propriam, cognoscit aptitudinem in ascensu, longioribus fortitus cruribus posterioribus, dum ad capiendam fugam accliuiori vtitur via: sed tantum commoditatem, cui dum currit inclinatur, confusè apprehendit.

Fit autem, vt incognita formaliter aptitudine mediorum ad finem, ea nihilominus à brutis assumantur, adhibeanturq. nam sufficit realis connexio inter obiecta in ratione appetibilitatis, vel conditionis illius, vt appetitus dum fertur in vnum, simul feratur in aliud cum illo coniunctum, tanquam per modum vnius confusè. Alioqui nec fieret accessus animalis ad pabulū, & ad iucunda, nec remotio à molestis absque formali cognitione aptitudinis, quam habet talis conditio, seu motus ad finem intentum tanquam medium ex natura rei ordinatum, ac requisitum ad consequutionem illius. Quod certè falsum esse comprobatur in homine, qui quantumvis ratione polleat, multa sæpe media ad finem adhibet, inconsultò, ac repentino phantasiæ motu, & naturali quodam instinctu partis animalis, absque formali cognitione aptitudinis illorum. Vt cum supercilia insectis, contrahitq. palpebras, vel etiam præ sole manum obijcit, vt acutius videat (quorum causam reddit Aristoteles) vel cum ad reminiscendum, sursum aut deorsum aspiciens, ceruicem eleuat, aut inclinat.

*Scilicet, 31. problem.  
mat. 9. 10. & 20*

Ad secundum, quod erat Stratonis physici argumentum, respondetur, sensationem externam postulare quidem animi quandam

quandam attentionem; hanc tamen adhiberi, vel per solum sensum interiorem, præsertim in his, in quibus nullus est intelligentiæ usus, aut facultas; vel etiam per intellectum simul adhibendo mentem, à qua tanquam à digniori sumitur denominatio, dum dicitur mentem videre, mentem audire &c. Ex quo minimè concluditur omnia, quæ sentiunt, ratiocinari vel intelligere.

Ad tertium Argumentum respondetur, multa bruta animalia cum disciplinarum aliqua capacitate, correctionem pariter admittere; sed sicut ex hoc, quòd illa sint disciplina-bilia, nullum in ipsis arguere possumus proprium discursum, aut iudicium; sed tantum una cum memoria illis inesse auditum, parùmque experientiæ, ut docet Aristoteles: ita similiter ex eo, quòd illa sint corrigibilia, nihil ulterius potest inferri. Siquidem assuescunt multa facere, quæ dum non faciunt, vel aliter faciunt, statim plectuntur, dolorque illis incutitur, cuius postea recordatione cauent id facere, vel non facere, quod passim dolor concomitatur. Non certè quasi illatiuè, aut consultò deducendo vnum ex alio; sed per coniunctionem doloris cum actione corrigenda, dum ambo per species conseruatæ simul sese offerunt, ita ut si vtriusque simul meminerint, vtrumque fugiendo, per accidens emendentur. Quare non corrigitur iudicium, vel discursus, sed actio ipsa exterior, à qua abstinere, vel quam prosequi castigatione coguntur; licet hinc formetur in illis quædam experientia. (cum plures eiusdem rei memoriæ, vnius experientiæ vim efficiant, ut inquit Aristoteles) qua postea disponuntur, ut facilius corrigenda dignoscant, & ad diuersa efficienda habitus acquirantur. Cum autem per castigationem canis, corripitur, leo, nullum pariter in illo emendatur iudicium, aut quid infertur ex alio; sed tantum timor ei incutitur quo mansuescere omnes belluæ consueuerunt, dum scilicet cum alieno damno proprium ferè imminens apprehendunt confusè. Nec docere inquam bruta absolute concedit Aristoteles, ut Plutarchus assumpsit; sed tantum, inquit lusciniæ modulatos suos pullos docere, versusque quos imitarentur tradere

2. met. cap. 1.

Loro supra cit.

visam esse; ex eo fortasse, quod ut immediatè antea dixerat : Auicularum nonnullæ haud vocem eandem mittunt, quam sui parentes, si præcepta paterna caruerint educatione, moribusque, & cantibus cæterarum avium insueverint. Aliud igitur est, præcepta tradere, proprièque docere; aliud verò se tanquam exemplar, non ex intento, sed tantum materialiter imitandum præbere, viderique pullos docere, dum illi cantum suum attendentes, assuescunt non aliter modulari. Alioqui præter parentes etiam cæteræ aves insententia Aristotelis præreptos pullos dicerentur docere. Potius itaque cantum diuersum, vel similem tribuit Aristoteles cantibus, quibus pulli audiendo insueverint tanquam per studium, seu disciplinam, ut paulo inferius subiungit. Nam sæpe ingiterque eundem cantum audiendo, valida fit impressio, affectioque illius in cerebro; quæ postea per usum memoriæ, facile sese offert ad reddendam ab animali, promendamque ipsam, quam conceperat vocis inflexionem. Quod & homines etiam nolentes quandoque experiuntur; dum importunas cantilenas diu protractas secum coguntur repetere; intusque personatè sentiunt in silentio. Sed ut cæteris quoque indicijs ab exemplis peculiaribus petitis, omnimodo occurramus; ad illud de Elephanto dicendum est, multa, quæ in vigilia vehementi impressione concipiuntur, validaque virtutis applicatione efficiuntur; in somnis non tantum cognitione, sed & moribus alijs, quandoque repeti, iteratis acibus ex habitu acriter impresso: Ut communiter somnambulis, lusoribus, venatoribus nonnullis, aut psallentibus consuevit accidere. Fieri ergo potuit, ut simili sibi facta impressione, fera illa dormiens ex habitu operaretur, non autem ex electione ad discendum gyros illos, & institutiones noctu deambulando efficeret. Similiter, & quod assertur de Pica, in primis, non studio, & in se conversioni ad nouam imitationem; sed auditus, & interioris, communisue sensorij percussioni tribuendum est, illam aliquamdiu conticuisse ob vehementiam scilicet sensibilis, quæ simul auditu, ac sensu interiori paululum labefactatis, cæ-

teras quoque facultates ab interiori sensu pendentes, aliquantisper oportuit subsistere, & ab omni operatione desistere. Dumq. noua tubarum modulantium impressione sensus interior vehementer fuisset affectus, mirum non est, si imitatrix eius facultas, deinceps redderet, quod tunc impense conceperat.

Illud item, quod de coruis in Africa, & cane illo refertur, abstrahendo à veritate facti, nec rationem, nec electionem in illis valet arguere, sed contingentiam quandam duntaxat, vel assuefactionem. Quandoquidem non omnia illius generis indiuidua similiter operantur, adaptando scilicet media ad finem, vt experientia constat: nec illa eadem bruta scimus in reliquis parem cognitionem ostentasse. Cum alioquin vera sit illa Aristotelis propositio. Idem quod eodem modo se habet, aptum semper esse, idem efficere. Casu igitur potuit euenire, aut ex disciplina aliqua ad id, vel aliud simile ordinata. Multa namque fieri contingunt fortuito, præsertim supposita aliqua disciplina, quæ ex circumstantiis quibusdam ad finem videntur artificiosè directæ. Vt de coruo quodam temporibus Augusti enarrat Macrobius. Quem cum quis institueret ad salutationem Caesaris promendam, vt iam coruus alius, ac psittacus didicerant: propterea magni empti ab ipso Casare; sæpe ad auem non respondentem dicere solebat: Opera, & impensa periit. Aliquando tamen coruus cœpit dicere dictatam salutationem. Aue Caesar victor Imperator. Quæ audita, dum transit Augustus, respondit: satis domi saluatorum talium habeo: sed superfuit coruo memoria, vt & illa quibus dominum quærentem solebat audire, subtexeret: opera, & impensa periit. Ad quod Cæsar risit, emique auem iussit quanti nullam adhuc emerat. Aptè igitur, & quasi artificiosè subiunxit, quod aurium assuefactione didicerat, casuè sibi pronunciare contigerat. Mirumq. fuit inexpectatæ responsioni, ad sensum talia addidisse, quæ nemo adhuc nouerat auem apprehendisse. Nec ab similem admirationem portentumq. attulissent aues illæ, quas in magno numero detentas, Annon Carthaginensis

2. lib. Saturni-  
um cap. 4.



pronunciare docuerat, Deum Annonem, si tamen dimissæ institutum obseruassent, & non potius ad naturalem cantum reddidissent, vt refert Elianus.

*De varia histo-  
ria lib. 24.*

¶ Quod si præter casus prædictos, qui de quibusdam dumtaxat indiuiduis enarrantur, multa experiantur indicia, quæ vniuersaliter de omnibus eiusdem speciei indiuiduis absque vlla disciplinæ suspitione, ordinationem mediorum ad finem probare videantur, vt de Elephantis, quos in fossam delapsum congesta materia educere, ac de Piscatore, alijsq. piscibus afferebatur illa certè exponenda sunt eadem ratione, quæ ad primum argumentum paulò ante responsum est, nempe ea animalia materialiter tantum vri suis medijs ad finem consequendum absque formali cognitione medij, vt medium est: Nam licet ipsemet Plutarchus non satis postea videatur lubæ credere, quasi regio edicto fidem iubentis in his, quæ de Elephantis tradidit, à quo etiam Plinius eadem accepisse videtur, vt colligitur ex eiusdem dictis. Nihilominus, quæ de Piscatore dicta sunt, ac de Polypo afferri possent; item, & quæ de Cancro narrantur, qui dum ostreum conchas patefacit, suis brachijs sublatum calculum iniicit; eoq. interposito ne testas claudere ostreum possit, illud exedit; pro certa apud omnes tenentur. Et ne domestica relinquamus; Quo silentio (ait Plinius) quàm leuibus vestigijs obrepunt aures? Quàm occulto speculatu in musculos exiliunt feles? Et canum, vt idem Auctor obseruat, quæ in venatu solertia, & sagacitas est, dum ad feram insequendam, scrutatur vestigia; Quæ visus, quàm silens, & occulta, quàm significans eius demonstratio est; cauda primum, deinde rostro; non ob aliud certè nisi ad capiendâ prædam. Mitto, quæ Cicero etiam præclare obseruat; nam Canum, vt ille inquit, tam fida custodia, tamq. amans dominorum adulatio, tantumq. odium in externos, & tam incredibilis ad inuestigandum sagacitas, tanta alacritas in venando, quid significat, dixerim, nisi cognitionem, & ordinationem mediorum ad finem? Igitur concedendo, quod ingenuè sensuum fides astruit, hæc & similia de ordinatione mediorum ad finem,

non

*Lib. 8. cap. 5.*

*Cyllius de vi &  
natura animal.  
lib. 13. c. 28.  
Plin. lib. 10.  
cap. 73.  
Plin. lib. 8. c. 40.*

*De nat. Deorum  
lib. 2.*

non nisi prout in principio communuimus, exponenda sunt.

Quod autem de Vulpibus apud Thraces à Plutarcho refertur, non est incredibile; attamen operationes extrinsecas illarum, alia certè cognitione interna dirigi posse, aptius fortasse intelligemus. Nimirum ut subsistant, admoventq. aures, ac etiam reuertantur dum aquam audiunt subterlabi, non quidem quod ex sonitu fluxum, & ex fluxu inconsistentiam soli, ratiocinando deducant; sed quia insolitum fluxum subitus viam, incedendo, dum audiunt, timent, nihil præcisè inde argumentando.

Denique, quod in triuijs de cane feram insequente Plutarchus obseruat, id ipsū S. Thomas perspicuè adnotauit; sed rem ex eius doctrina aliter licebit concipere; ut nimirum si canis ad triuium venerit, odoratu quidem exploret, an Ceruus, verbi gratia, primam, vel secundam viam transierit, & si neutram transire inuenerit, iam per tertiam quasi securus incedat; non quidem inferendo transitum feræ per illam tantquam per eam, quæ superest, viam, ac nihil amplius explorando; sed odoris vestigia persequendo, quæ statim se illi obtulerunt in ipsa tertia via, visūq. vltèrius indagando. Vbi ut monet S. Thomas, licet quemadmodum in alijs belluarum, motibus ordo quidam appareat rationis; ipsæ tamen sicut & alia, quæ ita mouentur, rationem non habent, ut nonnullis videntur habere. Nam sicut comparantur artificialia, eorumq. motus ad artem humanam, ut horologia singulas horas, minutaq. indicantia; ita comparantur omnia naturalia ad artem diuinam, cum in vtrisque similis ordo appareat motionis, moueanturq. res secundum naturam, sicut quæ mouentur secundum artem ad suum proprium finem, ut docet Aristoteles. Apparet igitur nonnunquam in operibus brutorum ordo quidam rationis, in quantum habent inclinationem naturalem ad quosdam ordinatissimos processus, & motus, utpote à summa arte ordinatos, nullo sensu ita simul dictante, vel ordinante. Et sic responsum manet ad alia quamplura, quæ circa brutorum motus obseruari possent argumenta ad ratiocinationem, aut proprium iudicium in illis probandum.

1. 2. q. 13. art. 2.

Loco supra cit.

2. phys. text. 49.

## TRACTATIO QVINTA

De communi quidditate, & essentia,  
sensus interioris in vniuersum.

**R**AE MIS SIS, quæ ad rationem obiecti, quæque ad actus huius potentiae pertinere videbantur, consequens est, vt ex ijs iuxta doctrinam Aristotelis, potentiam ipsam specificantes, essentiam, & quidditatem illius proximè, ac distinctè aperiamus, explicemusq. communissimam rationem, quam quilibet sensus interior in vniuersum participat, & qua ab exteriori suapte natura discernitur, perfectionemq. essentialem, quam inter ceteras facultates cognoscitiuas iure sibi proprio vendicat.

*Sensum interiorem essentialiter esse quid à substantia sentientis distinctum, passionemq. animæ sensitiuam. Cap. I.*

**P**RIMO autem, & vniuersaliori genere sumentes initium, ante omnia determinandum nobis erit, num sensus iste interior in se sit substantia, vel accedens; seu num idem re sit cum substantia animæ sentientis, ab ea tantummodo per diuersum conceptum distincta, an omnino diuersum quidpiam à parte rei superadditum naturæ ad operandum, ac proinde extra essentiam illius, quemadmodum quodlibet accedens quantumuis intrinsecum, & connaturale ipsi substantiæ.

Porrò non defuerunt magni nominis Philosophi, ac Theologi, qui sicut animam cunctas sibi potentias identificare existimauerunt, ita consequenter, imò & potiori iure, hoc ipsum

sum de huiusmodi facultate astruerent; ut quæ coniunctione, & necessitate naturæ, & remotione ab exterioribus accidentibus, minus videatur à substantia animalis differre. Quod primò suaderi posset ex eo, quoniam si vix concipi potest, animam sensitivam animare posse corpus sine aliqua facultate ad sentiendum exterius, licet sine hoc, & sine illo sensu, & sine omni eorum sensatione passum reperiatur; ut in somno Apoplexia, & Lethargo: multò minus id ipsum concipi poterit cum fundamento absque illius potestate ad sentiendum interius, sine qua de facto nullum animal reperitur, nec unquam fortasse omni eius operatione priuatur, quantumvis obtusè, ac depravatè aliquando sentiat, ut in somno, vel morbis præfatis.

Secundo verò, quia hac potestate tanquam primo, & vniuersali principio quodlibet sensitivum constituitur formaliter potens ad sentiendum quidquid sub cognitionem illius cadere potest, cum quilibet sensus externus interiorem supponat, ad eum referatur, ab eoq. dependeat, & non è contra: sed id, quo primo sentimus, aut in vniuersum sentire valeamus, inuoluit essentialem differentiam animæ sensitivæ, ut patet ex definitione Aristotelis; ergo sensus interior pertinet ad essentialem, & substantialem constitutionem animæ sentientis, ac proinde non est quid substantialiter diuersum ab illa, sed habilitas quædam illius, ut sic sub diuersa ratione concepta.

Confirmatur ex eadem definitione; nam id quo primò viuimus, non est potestas accidentalis distincta, sed gradus substantialis mente præcisus, quo anima conuenit cum vegetantibus: ergo nec id, quo primò sentimus, erit facultas distincta, sed pariter gradus substantialis, quo anima constituitur sensitiva. Rursus id ipsum confirmatur; nam anima sensitiva non minus essentialiter coniungitur corpori, ut illi sensum tribuat, quàm ut vitam; sed vitam tribuit per se ipsam; Ergo & posse sentire, præsertim interius, unde fons manat cuiusque sensationis.

Tertio; nam si ab essentia animæ sentientis tollatur, non

solum omnis actualis, & formalis cognitio sensibilibum, applicatio, ac directio sensuum externorum, & potentiae motuæ; immediata insuper excitatio sui appetitus, & alia huiusmodi, quæ sensui interiori communiter adscribuntur; sed etiam tollatur posse per se ipsam hæc facere, seu exercere, prout denominatur sensus interior: quid aliud superest, nisi illam tanquam aliquid emortuum, ac purum subiectum diuersarum facultatum animalium destituere, sicut se habet forma elementaris ad qualitates operatiuas, quas vnà cum materia sustinet? Item ac similiter, quid aliud esset nisi admittere absurdum illud Platonis, vt scilicet sensus in nobis tanquam ligneis equis insiderent, si anima simul cum illis, & per illos, vt sensui interiori adscribitur, non sentiret?

Tandem huc spectant cuncta argumenta, quæ apud discretissimos Auctores ad agendam huiusmodi quaestionem de omnibus potentijs, reperiuntur collecta.

Dicendum tamen est iuxta probabiliorē ac receptissimam sententiam de cæteris quoque facultatibus animæ in vniuersum, sensum interiorem realiter, & essentialiter ab anima sentientis differre. Hæc est doctrina D. Thomæ, Thomistarumq. omnium, ac aliorum plurium Scholasticorum,

1. p. q. 77. art. 2.

De celesti Hierarch. c. 21.

6. de Trinit. c. 6.

quam sumptum ex Dionysio, qui caelestes spiritus distinguit in essentiam, virtutem, & operationem. Itemq. ex Austino, qui docet differre animam rationalem à simplicitate diuina propter multiplicitem passionum, quod in ea aliud sit memoria, aliud acumen, aliud cupiditas &c. Et rursus ait hæc tria, memoria, intelligentia, & voluntas, quamuis vnum dicantur in suo principio, quod est substantia, seu vita, & essentia; sunt tamen diuersa comparata inter se. Quæ

Lib. 15. cap. 17.

De sensu & sensu.

pariter tria, inquit, in Deo non distare, sicut distant in nobis. Rursumque sumitur hæc doctrina ex illo Aristotelis. Ignis non agit, vt ignis, sed vt calidus; Ex quo interpretes vniuersim colligunt, substantiam non esse immediatè operatiuam iuxta doctrinam illius, vt videre est apud Aphrodisæum, & alios.

Aphrod. com. 30.

Probatur autem primò nostra conclusio; nam si realiter sensus

sensus interior ab anima non distingueretur, neque similiter distingueretur exterior; eadem enim esset ratio utriusque, ut si anima per se ipsam uteretur organo aliquo ad sentiendum, uti posset & reliquis; simulacra rerum in illis excipiendo, ac munera omnia obeundo, quæ tam exteriori, quam interiori sensui communiter tribuuntur. Ex hoc autem sequeretur, nec propriè dari, nec distingui vlllo modo potentias organicas inter se. Nam facultas imaginandi, seu phantasticandi, realiter, & essentialiter esset facultas tangendi, videndi, & audiendi; Similiter & quælibet istarum vicissim cum altera. Etenim vna & eadem esset substantialiter anima, eademq. indistineta habilitas illius, quæ cunctos illos actus per quos specificanda esset; simul ex natura sua respiceret. At hoc est contra communem conceptum hominum, & modum loquendi Philosophorum; Ergo & falsum illud ex quo sequitur.

Rursus probatur; nam sentientes facultates, quæ sunt in homine, eiusdem speciei constituuntur cum ijs, quæ sunt in brutis, & omnes sunt potentie organicae, & non nisi dependenter ab organo operantur, cui propterea necessario dicuntur inhærere. Sed anima rationalis, quæ gerit vicem animæ sensitivæ, nequit organo inhærere, & eiusdem speciei constitui cum facultatibus corporeis brutorum; Ergo per aliquam potentiam à se distinctam debet sentire.

Deinde probatur; nam si anima identificaret sibi sensum interiorem, multò magis quoque intellectum, & voluntatem in homine. Vnde non modo sequerentur incommoda, quæ à plurimis afferuntur, ut intellectum sentire, ac sensum intelligere, & id genus alia: sed pariter idem principium proximum cognoscendi simul affici cognitionibus contrarijs, sicut cum sensus, & imaginatio intellectui repugnat, ac manifestè circa idem aduersatur, iuxta illud Pauli. Video aliam legem in membris meis repugnantem legi mentis meæ, quod & Aristoteles expressit, cum loquendo de parte sensitiva in homine, dixit. In anima quoque esse quidpiam præter rationem, quod ei aduersetur, ac resistat. Quod postea do-

Rom. 7.

2. etich. cap. 23.

cet,

*a. de anim. tex.  
250.*

et, nobis inesse non quatenus homines, sed quatenus animalia sumus. Et exemplo eiusdem Aristotelis alibi declaratur, ut cum sol apparet sensui unius pedis, persuasum autem est rationi, cum maiorem esse terra. In hoc enim, vel simili casu, homo eodem proximè principio simul iudicaret, & enuntiaret contraria, imo & contradictoria de eodem, ut maius, & minus, maius, & non maius respectu eiusdem.

*De hist. ani-  
m. l. 1. c. 47.*

Uterius ipsi quoque sensus particulares absque communi, & indifferenti iudice, pugnarent inter se, præsertim circa sensibilia per accidens. Nam visu quidem nonnulla, alia iudicantur, quàm tactu, ut anibus illis contigit, quæ ad uvas depictas aduolabant; & Camelo, qui matri operæ admixtus, cum illa coiuuit, quod alias videns non fecisset, cum Cameli matres nunquam superueniant suas, ut testatur Aristoteles. Olfactu insuper multa contraria iudicantur ijs, quæ visui offeruntur. Et in sacra historia aliter habemus iudicasse Isaac de Iacob per tactum, quàm per auditum, cum dixit: Vox quidem, vox Iacob est, manus autem, manus sunt Esau. Quod si anima esset principium proximum harum cognitionum, ita ut per se ipsam immediatè, ac formaliter sentiret, & intelligeret; absque dubio simul afficeretur prædictis omnibus contrarietatibus, ac plerumque simul assensu, & dissensu circa idem, quod non minus est absurdum, quàm impossibile, ut docet Aristoteles.

*a. de anima  
tex. 147.*

Item probatur conclusio; nam principium operandi, qualis est facultas interius sentiendi, supponit principium essendi, qualis est anima in ipsa natura viventis sensitui. At non potest illud supponere à se sola ratione distinctum, cum tale principium essendi sit substantia, ipsum verò principium operandi sit in genere accidentis, in quo est eius operatio, ut probat D. Thomas, quia scilicet cum potentia, & actus diuidant ens, & quodlibet genus entis; oportet, ut ad idem genus referatur potentia, & actus. Ergo facultas hæc, seu principium interius sentiendi, supponit animam sensitivam à se realiter distinctam tanquam principium substantialiter essendi à principio accidentaliter operandi.

*1. 2. q. 77. art. 1.*

Demum



Demum idem probatur; nam anima sensitiva si suum sibi sensum interiore identificaret, à fortiori identificare etiam posset sibi actus, cum potentiaè latius pateant, & ad plura se extendant, quàm actus. At hoc excedit capacitatem, ac perfectionem illius, imo & cuiusque naturæ creatæ: Ergo dicendum est tam sensationem, quàm sensum realiter ab anima ipsa distingui, tanquam perfectiones, quæ non nisi accidentaliter illi aduenire possunt, sicut cuilibet substantiæ creatæ, quæ ex conditione, & limitatione suæ naturæ hoc inter alia à substantia divina discernitur, ut illa ex se potens, perpetuoq. operans intelligatur; hæc autem non nisi aliquando dependenter, & adiuta accidentarijs quibusdam principijs; ut quemadmodum per accidens operatur, per accidens quoq; constituatur habilis ad operandum, cum actus necessario supponat potentiam in eodem genere entis, in quo ipse collocatur, & in solo Deo operatio sit substantia, ut optime assumpsit idem S. Doctor supra citatus.

Ex quibus postremo idem potest confirmari: Nam vnumquodque prout est; ita operatur, ut docet S. Thomas. At animal in suo esse secundum adæquatam perfectionem suæ naturæ, non est sola substantia; sed quid conflatum ex substantia, & multis perfectionibus accidentarijs illius, quæ cum ipsa identificari non possunt ex limitatione propriæ naturæ, hoc ipso, quòd natura creata est; Ergo in operatione sensitiva non concurrat sola substantia animalis, vel eius animæ sensitivæ, sed vis etiam accidentalis ei superaddita ad operandum, ac proinde ex natura rei distincta ab illa.

Ad primum igitur fundamentum in contrarium, respondetur, non solum in profundo, graviq. somno animal interdum omni prorsus interna sensatione privari, cum scilicet, nec ullum interuenire somnium potest, ut docet Aristoteles, ex vehementi agitatione caloris interius collecti: verum ac multò magis id ipsum contingere in morborum quibusdam affectionibus, ut Caros, Lethargi, Soporis, maxime autem Apoplexiæ, & Epilepsiæ, & morbi comitialis, quibus exterius, interiusq. animal, ita omni cognitione priuatur, ut nec

consequi.

*Scd. 30. problem.  
mat. 9. 12.*

3. de his aff.  
diti c. 7.

consequi possit, quid factum sit, vt notat Galenus. Cum itaque hæc priuatio, sic quidem orta ex alligatione instrumentorum, non tollat animationem corporis, & vitam animalis, sicut non tollit cessatio ab omni sensatione externa; sequitur, vt pari etiam ratione, neque carentia vtriusque facultatis ad sentiendum, ipsam vitam, & animationem tolleretur, quam, certè quasi frustra tunc sensus concomitatur, dum reduci non potest ad actum. Quoniam verò anima sensitiva coniungitur corpori, non solum, vt det illi esse; sed etiam, vt cum illo operetur, functionesq. vitales, & animales iuxta exigentiam & opportunitatem exerceat, nec multum absque operatione conuenienti suæ naturæ, animal possit etiam in esse conseruari; hinc est vt naturaliter, nec interiori, nec exteriori facultate ad sentiendum priuari omnimodo possit, vt posterius hoc munus cum opus fuerit exequatur. Quod est proprium quoddam accidens exposcere ad consequutionem vltimæ suæ perfectionis à natura intentæ, quæ in operatione consistit.

Ad secundum respondetur, duplicem in sensitivo potestatem considerari ad sentiendum, vnam qua completè, proximè, & formaliter constituitur potens in actu primo ad operandum, eliciendamq. sensationem siue internam, siue externam; & hæc potestas, vt vidimus, est accidentalis, tanquam perfectio superaddita naturæ, & substantiæ sentientis. Alterum verò considerari qua non solum radicaliter ac remotè sensituum respicit actus, quos mediante prædicta potentia potest elicere, sed qua tanquam intrinseca, & indistincta habilitate, simul cum accidentali facultate concurrat ad eodem actus, tribuendo illis vitalitatem, & animalitatem, vt vniuersale principium, quod cum sensu, appetitu, ac cæteris potentijs animalibus operatur, ac veluti specificatur per illas tanquam per differentias contrahentes vniuersalem ipsius concursum ad determinatos actus ipsarum potentialium. Et hæc habilitas cum sit adeo intrinseca, & indistincta ab ipsa substantia animæ sentientis, constituitur tanquam gradus, ex quo sumitur essentialis differentia ipsius animæ in

illa

illa definitione Aristotelis. Vnde hac potestate dicimus primò animal sentire, non autem proximè; sicut etiam dicimus, substantiam primò generare aliam substantiam, quia primario, & virtualiter concurrat ad illius generationem, licet proximè generet per accidentia, tanquam per instrumenta, ut docet Aristoteles. Et viuentia primò dicimus vegetare per animam vegetatiuam, quamuis immediatè vegetatio qualibet, ut nutritio, & accretio, per accidentia fiat. Vnde Aristoteles loquendo de igne, seu calore naturali, quo perficitur nutritio, & accretio in animali, ait. Hic autem concausa quidem quodammodo est, non tamen simpliciter causa, sed magis anima. Quare in proposito idem est primò sentire, ac sensitiuo modo vivere exercendo suas potentias vitales, ac sensitiuas, cum quibus, ut diximus etiam ipsa concurrat.

Ex quibus non modo patet solutio ad confirmationes, sed etiam ad tertium, & vltimum argumentum; nam satis potest constare iuxta prædicta, non emortuo modo se habere animam sensitiuam, cum per distinctos sensus, sentiendi munera obit, sentireque conatur, nec sensus ipsos tanquam ligneis equis insidere corpori animato, cum ab anima, & posse, & operari, per dependentiam, & concursum probauerimus mutuari.

Postremò dicendum est, sensum interiorem esse veram, ac propriam passionem animæ sensitiuæ. In qua secundæ conclusionē, supposita præcedenti doctrina, nulla potest esse controuersia, in eaque conueniunt omnes Auctores citati pro prima, loquendo de potentijs animæ in communi, cum D. Thoma, qui pariter pro se explicat D. Augustinum. Probatur autem breuiter. Nam licet sensus interior conueniat animæ, seu animali extra essentiam suæ substantiæ, sitque propterea accidens aliquod prædicamentale, cum nihil mediare possit, ut sic, inter substantiam, & accidens; non tamen conuenit, ut accidens prædicabile, quod de nouo aduenire possit subiecto, ac discedere absque illius corruptione; sed cum immediatè fluat ab ipsa anima in primò instanti suæ productionis, ab eaque necessario, ac perpetuò conser-

uetur

*Lib. 2. de generatione & corruptione. tex. 34. 2. de anima tex. 41.*

*2. p. 9. 77. art. 2. ad 5.*

uetur in animali tanquam primum instrumentum suae naturae ad sensitiue operandum; sequitur, vt per se, soli, ac semper conueniat animae sensitiuae tanquam proprium quarti praedicabilis, seu passionem, & proprietatem, quae aliquo modo mediat inter accidens, & substantiam; vt ibidem ait S. Thomas. Et hac ratione intelligi potest illud Aristotelis: Animalibus, quia animal est vnumquodque, necesse est inesse sensum; per hoc enim determinamus, animal esse, & non animal. Siquidem per proprietates inseparabiles, vltimae rerum differentiae sapius innotescunt. Nisi per sensum ibi intelligamus animam sensitiuam, quae veluti radix est cuiuslibet sensus. Omnino autem loquitur de sensu in communi, prout comprehendit internum; Nam vbi sensus, ibi, & imaginatio, vt ipsemet ait, & nos late supra explicauimus.

De sensu, &  
sensu, cap. 1.

2. de anima  
sec. 26.

*Sensum interiorem essentialiter esse facultatem corpoream  
vitalem cognoscitiuam. Cap. II.*



**E**X ijs, quae proximo capite dicta sunt, paulatim reliqua praedicata essentialia eiusdem naturae vltcrius explorando, consequenter primo dicendum est, sensum interiorem essentialiter esse potentiam de praedicamento qualitatis, sicut ceterae naturales potentiae, quae in secunda specie subalterna illius generis ab Aristotele collocantur. Quod profecto facile patet ex eo, nam supposita praecedenti doctrina, huiusmodi sensus necessario constituitur accidentaliter, ac specialis quaedam affectio perfecta, & absoluta ipsius animae sensitiuae, ac primum principium operationis cuiusdam illius, in quibus includitur omnino generalissimum praedicamentum cum omnibus constitutivis sub specie illa qualitatis, quae dicitur naturalis potentia, vt ex Logica Aristotelis, eiusque communissima expositione potest constare. Secundo dicendum est, sensum interiorem essentialiter esse facultatem corpoream. Quod pariter facile probatur, cum

cum ex eo, quod non versetur circa immaterialia, ut dictum est agendo de illius obiecto adequato, tum ex eo, quod sit propria, & indissolubilis passio animæ sensitivæ, quæ ex genere suo corporea est, ut patet in brutis animantibus, corporeasq. tantum proprietates potest fortiri; tum denique ex modo essendi, & operandi in subiecto corporeo, cui ita adaptatur, ut pendeat in esse, & conservari ab illo, & iuxta varias illius dispositiones variè operatur, ut sigillarim inferius constabit. Ex quo potestas omnis corporea maximè discernitur ab immateriali, cui sicut repugnat naturaliter à materialibus causis dependere in esse, & conservari; ita repugnat in corporeo subiecto immediatè recipi, & ad dispositionem illius operari. Nam quod alteri inhærendo existit, & ad dispositionem illius operatur, necessario ab eodem, debet in rerum natura sustentari, & in suo esse conservari tanquam ab eo, cuius est virtus ad operandum, & cuius ope suffultum, sicuti est, ita & operatur. Quamobrem spiritualia accidentia non nisi spiritualibus subiectis possunt secundum se naturaliter inhære, solumque ab his in suis operationibus intrinsicè dependere, quamvis extrinsicè intellectus hominum à phantasmatibus etiam dependeat, cum illa ad formandas suas abstractiones continuò speculetur.

Ideoque inter potentias cognoscitivas in homine, sola mens ab Aristotele dicitur diuina, seu spiritualis, quia hæc sola extrinsecus accedit, & nihil cum eius actione communicat actio corporalis, siquidem, inquit, mixta cum corpore non est, nec instrumentum habet, sicut sensitivum, qui sine corpore non est; sed separabilis est, sicut perpetuum à corruptibili, quod sæpe etiam aliàs consuevit repetere. Vnde hæc sola tanquam ab organo absoluta eleuatur supra organicas facultates, & independentur à corporeis impressionibus, sæpe etiam ipsis sensibus contradicit, sicut ipsemet Aristoteles testatur. Id quod præstare non potest sensus internus, ut qui proprio organo affixus non, nisi iuxta impressiones ibi factas valeat de rebus materialibus indicare.

Vernum quo pacto huiusmodi facultas materialis esse possit,

*Lib. 2. de generatione animal. c. 3.*

*Lib. 1. de anima tex. 66. & lib. 2. tex. 21. & lib. 3. tex. 6.*

fit, cum passio sit animæ rationalis in homine, quæ spiritualis est, non æque ab omnibus explicatur. Dicitur tamen potest cum probabiliore, ac veraciori sententia, hoc quod est, sensum siue interiorem, siue exteriorem, esse passionem animæ rationalis in homine, non obstare quominus pariter ipse sit facultas corporea; cum certum sit, ipsum sensum non nisi eminenter fluere, & conseruari ab anima intellectiua, quatenus scilicet illa gerit vicem animæ sensitiuæ, ac proinde non necessariò recipi in illa tanquam passio in subiecto, cui ex conditione suæ naturæ adaptetur, & à quo in genere causæ materialis perpetuò conseruetur, vt intellectus, aut voluntas rationalis; sed recipi in corpore animato, animamque ipsam respicere tanquam causam æquiocam, à qua effectiue ortum habuit, & in corpore humano iugiter conseruatur. Etenim nec anima sensitiua in se recipit tanquam in subiecto præciso suas omnes facultates, ac proprietates, licet semper reperiatur coniuncta cum illis in subiectis partialibus, quibus illæ propriè adaptantur, vt in ueruis ac musculis cum potentia loco motiua; in corde cum appetitiua, & in sensorijs omnibus cum sensitiua. Itaque materialitas huius potentia ad sentiendum interius, non tollitur ex eo, quod ipsa sit vera ac propria passio animæ rationalis; cum generaliter facultas ex se non necessariò importet inhaerentiam in anima, cuius dicitur esse facultas, sed tantum coniunctionem, ac dependentiam in essendo, & in operando, prout instrumentum illius naturale, quod non potest esse nisi dependens, atque coniunctum cum illa; vt hac ratione ipsum sentire, amare, intelligere, &c. animæ principaliter tribuatur; nam hominem anima misereri, addiscere, aut cogitare dicimus, vt notat Aristoteles; quamuis actiones omnes, absolurè loquendo, nec potentia, nec animæ solum, sed totius compositi, ac suppositi dicantur passionēs, prout habentis illas, quemadmodum idem Philosophus docet. Ex quibus apparet, non rectè philosophari, qui asserunt, facultatem hanc sentientem in homine materiale, quidem esse, & organicam; in sola tamen anima rationali, quæ spiritualis est, recipi, eo quod

1. de anima  
ten. 64.

Ibid. ten. 66.  
Davidius 2. de  
anima diges-  
tion 14.

eo quod sit propria passio illius. Siquidem non minus repugnat accidens corporeum informare subiectum spirituale, quàm potentiam organicam non recipi in organo, cui addicitur, & à quo in esse, & operari dependet.

Tertio pari certitudine dicendum est, sensum interiorem essentialiter esse potentiam vitalem. Quod constare potest ex eo, quia essentialiter is virtus quædam constituitur, & instrumentum coniunctum solius principij vitalis, cum quo ordinatur ad operandum, & exercendum opus quoddam vitæ sensitivæ, quod est interius sentire, vt supra explicatum est. Deinde, quia ita cum vita animalis in operatione coniungitur, vt nec vita animalis, vt animal est, exerceatur absque sensu interiori, nec talis potentia sine vita. Siquidem vita animalis in actu secundo, vel est sensatio aliqua, ad quam omnem semper concurrit sensus interior; vel est operatio elicitæ prævia sensatione: & omnis sensatio simul est à principio vitæ, & à sensu, qui veluti communem vitæ influxum determinat ad esse talem operationem vitalem, nempe sensationem, & non appetitionem, vel alium actum vitalem. Vnde meritò ipsum viuere animalis, vt animal est; in vera ac Peripatetica doctrina, non nisi à sensu denominatur, iuxta illud Aristotelis de vita, & morte cap. 1. Per sentire autem animal à non animali determinamus. Et 2. de anima tex. 13. vbi ait: Multipliciter ipso viuere dicto, si vnum tantummodo horum insit, viuere ipsum dicimus, vt intellectus, & sensus, & motus secundum locum, & alimentum. Quibus tria illa vitæ genera constituuntur, intellectuum, sensitivum, & vegetativum. Et tex. 16. inquit: Viuere igitur propter hoc principium inest omnibus (nempe propter animam, de qua illi erat sermo) animal autem propter sensum primo. Quia scilicet taliter dicitur viuere, qualiter per illum, tanquam per propriam passionem vitalem afficitur. Ac denique tex. 149. post explicationem sensus communis, seu interioris, Aristoteles concludit: De principio igitur, secundum quod dicimus animal sensitivum esse, determinatum sit.

Cap. precedenti  
Ep. Tract. 4. c. 3.



Quarto denique dicendum est, sensum interiorem, veram ac propriam esse facultatem cognoscitiuam. Nulla namque alia ratione facultas cognoscitiua in sua essentia constituitur talis, nisi ea ipsa, qua constituitur primum, & formale principium operationis, qua apud cognitorem representantur obiecta. Sensus autem interior essentialiter constituitur huiusmodi, hoc ipso, quod supponitur principium sensationis, non quidem secundarium, vt habitus, ac dispositio; sed primum ac primarium, prout est omnis naturalis potentia, cuius rationem essentialem ipsum participare probauimus. Similiter nec radicale, & substantiale, quemadmodum est anima; sed formale, proximum, & accidentale, vt præcedenti capite satis ostensum est. Iam igitur, licet ad sensationem internam concurrat etiam anima, concurrant & simulacra rerum impressa, quæ sunt in genere dispositionis, ipsaque obiecta ex quibus illa dimanant; imò & quandoque habitus insiti, vel acquisiti: solus tamen sensus ex his omnibus propriè ac essentialiter est facultas cognoscitiua; quia solus rationem primi, ac formalis principij illius sensationis participat. Etenim anima est quidem primum ac primarium principium cuiusque sensationis in suo genere, nimirum tribuendo illi vitalitatem, ac transitiuè (vt loquitur Caietanus) concurrèdo ad illam simul cum sensu: sed non est principium formale, seu specificatiuum talis operationis potius, quàm alterius actus vitalis, & animalis. Siquidem ad omnes indiscriminatim per vniuersalem quendam conatum, & influxum, concurrunt; ita vt formaliter, & proximè, non anima, sed sensu dicamur sentire; sicut intellectu intelligere, & voluntate amare. Deinde, quia simulacra intentionalia, quamuis sint proxima, ac formalia principia, prout immediatè attingunt cognitionem, ad quam formaliter determinant potentiam, dum hoc potius, quàm aliud obiectum representant in actu primo; non tamen sunt primaria, seu principalia, sed merè instrumentalia: sicut etiam quilibet habitus acquisiti, quibus potentia melius, vel deterius

rius operatur. Tandem obiecta non sunt principia proxima, & intrinseca, de quibus hic agitur: ac proinde neque formalia, cum remotè tantum concurrant per emissionem, specierum, quæ postea formaliter in organo receptæ, modo quo diximus operantur.

*Sensum interiorem essentialiter, proprium, ac reconditum organum in animalibus postulare.*

*Cap. III.*



COMMUNE quidem & essentialè est omnibus accidentibus, proprium & connaturale sibi subiectum, cui inhæreant postulare, vt ab illo, cuius propriè sunt entia, pendeant in esse, & conseruari. Verum hoc peculiare habent vltèrius accidentia operatiua,

vt tale subiectum natura sua exigant, quale non modo ad esse illorum, & conseruationem deseruiat, sed ad operationem quoque propriam appositè adaptetur. Cumque non omne corpus naturale secundum se totum possit operationibus quibusdam per similia accidentia accommodari, vt totus ignis accommodatur ad calefaciendum per proprium calorem, vel totum corpus solare ad illuminandum, per innatum fulgorem: hinc est, vt nonnulla accidentia operatiua determinatam compositi partem exposcant, & in ea tantummodo valeant naturaliter collocari, vbi ad inhærendum simul, & operandum inuenerint omnia requisita. Quæ cum multa, & varia sint, atque ex his videatur ordine quodam pars ipsa tanquam instrumentum constari, non iam subiectum, sed organum, aut instrumentum faciunt ipsam partem denominari, vt passim constat ex modo loquendi philosophorum cum Aristotele, de illa sub his nominibus differente. Nam omnia quidem in illa parte ordinantur ad receptionem, & exercitium accidentis operatiui, sed non omnia simul accidens ipsum recipiunt, sustinentque tan-

quam subiecta partialia; cum id munus, proprium sit solius materiæ sigillatæ, prout subiaceret formæ substantiali; cæterorum verò siue ad esse, siue ad operandum, tantum dispo-  
nere, & adaptare.

Hanc igitur partem determinatam, seu hoc organum, requirunt in animali omnes facultates animæ sensitivæ, ac etiam vegetativæ, ad quarum singula munera minimè posset totum animal adaptari. Atque adeo nulli dubium esse debet, quin sensus interior iure inter illas connumeratus, ad proprium, & connaturale sibi organum essentialiter ordinetur, eadem ratione, qua simul ordinatur ad esse in subiecto, & ad opus per ipsum perficiendum; Quod sane absque organica dispositione perfici nullatenus posset, ut perspicuum satis est ex ijs, quæ de interna sensatione sunt dicta. Illud tamen hic superest explicandum, quodnam, & quale sit huiusmodi organum, quod tanquam sibi debitum, & connaturale specialiter, ac necessariò exigit sensus interior, ad distinctionem similium organorum, ad quæ pariter cæteræ facultates prædictæ essentialiter ordinantur.

Qua in re breuiter dicendum est, organum sensus interioris in communi loquendo, hoc peculiare ac necessariò, ut tale in se ipso includere, ut aptum sit ad excipiendas omnes imagines cuiusque sensus exterioris, ac motus appetitus sensitivi in eodem animali; & consequenter siue per se, siue per accidens, ad perficiendum & continendum spiritum, animalem per totum corporis habitum in opportunitatibus distribuendum, per quamcumque potentiam ille perficiatur, ac distribuatur. Quo etiam fit, ut interius locari debeat in animali, tanquam receptaculum ipsarum formarum vndique confluentium, ac radix, & fons interiorum spirituum ad externas quoque functiones animales accurrentium. Id quod totum Aristoteles expressit lib. de vita & morte cap. i. cum dixit. Quoniam propriorum sensoriorum (nempe sensuum particularium, & externorum) vnum ali-  
quod commune est sensorium, in quod eos, qui secundum  
actum sensus, necessarium est obuiare, hoc utique erit me-  
dium

dium &c. Viturque postea similitudine medij, quod est in seminibus, ac radicibus, vnde vigor ac vitæ virtus diffunditur, & propagatur in plantis.

Præterea idipsum Peripatetici ferè omnes occasione sumpta ex Aristotele loco cit. ac 2. de anima tex. 149. explicant exemplo illo de centro circuli, quo vsus fuerat etiam Syneſius Platonius. Nam inquirunt, quemadmodum centrum in intima circuli regione locatur, atque ex ipſo profluentes lineæ; ita ad circumiectam peripheriam ducuntur, ac per ambitum distribuuntur, vt simul ab extrema quaque parte introrſum accurrant, in idemq. centrum coeuntes vnâ rursus colligantur, & in eo vniantur: sic organum, quod natura sua ſenſoriorum debet eſſe ſenſorium, primiq. ſenſitui ſubiectum, & inſtrumētum, vt loquitur Ariſtoteles; in intima corporis parte, ac taliter debet conſtitui, vt & ſpiritus animales ex eo ad exteriora per neruos ac meatus commodè poſſint diſfluere, & ab exterioribus rerum ſimulacra quaſi per fores ingreſſa, per eoſdem ductus valeant in ipſum confluere. Quapropter in vnoquoque perfectiſſimo, vel imperfectiſſimo animali, minimè patefactum hoc inuenitur ſenſorium, ſicut alia, quæ in edita corporis parte cernuntur; ſed reconditum intus manet, penitusq. præcluſum; imo & vix quandoque in nonnullis animantibus accurata diſſectione conſpicuum. Internum igitur, ac tale cum ſit ſubiectum, & organum.

*Lil. de ſeminijs  
cap. de poteſt. co-  
phantia.*

huius potentia cognoscitur, ad quod eſſentialiter ordinatur non modo ab illo interior hæc, & organica denominatur; ſed & per illud ab alijs diſtinguitur, quæ ad ſuas funções non interna, nec talia, ſed externa expetunt ſenſoria ſuis conditionibus accomodata.

*Sensum interiorem essentialiter ultimò constitui per ordinem ad actus, & obiecta supra explicata sub una quadam, & communi ratione.*

*Cap. IV*



**N**ATVRAM denique huius potentie cognoscitur vterius prosequentes, vt illam à ceteris, quæ in explicatis quibusdam gradibus essentialibus conueniunt, expressius ac vltimò distinguamus; illud in primis tanquam certum, & indubitatum statuimus, essentialiter ipsam ordinari ad suos actus, & obiecta, quæ per illos valet attingere; prout in superioribus Tractationibus explicatur. Nam omnis cognoscitur potentia ex propria conditione suæ naturæ essentialiter est preceptus, & obiecta circa quæ per illos versatur; quæ si impossibilia essent, impossibilis pariter esset ipsa potentia, vt colligitur ex Aristotele; quoniam quod non est, non est scire, inquit, ac propriè ex actibus, & obiectis docuit potissimum naturam, & essentiam potentiarum desumi. Quoniam verò non omnis interior sensus cuiusque animalis, actus omnes ac singulos in superioribus explicatos, ex se potest elicere, nec per eos ferri in cuncta illa obiecta secundum latitudinem, quam in solos quosdam perfectissimosque sensus cadere obseruauimus; explicandum hic erit, qui nam sint actus, & quæ obiecta, in quibus sensus omnes interiores suapte natura conueniunt, & sub qua ratione possint comprehendendi, vt iuxta illam, & non aliter hic ordo essentialis in vniuersum intelligatur procedere.

Quocirca secundo statuimus, actus in quibus sensus omnes interiores ex natura sua conueniunt, & ad quos essentialiter ordinantur, esse tum cognitionem cuiusque obiecti extrinseci cadentis in sensum externum eiusdem animalis: tum etiam cognitionem cuiusque propriæ sensationis externæ, & motus appetitus sensitiui in eodem animali, quæ sanè obiecta.

obiecta intrinseca nuncupauimus. Ratio autem est manifestata, quia non datur sensus interior, qui huiusmodi cognitiones non possit elicere, & per eas circa talia obiecta non possit versari. Etenim quoad primum, quidquid sit de maiori, vel minori latitudine obiectorum respectu plarium, vel pauciorum sensuum exteriorum, qui iuxta diuersas naturas competunt animalibus: in hoc illa conueniunt, ut quidquid per sensus externos aliquo modo percipitur ab animali, ad internum necessariò deferatur, per eumq. pariter dignoscatur tanquam per Iudicem, ac Principem sensuum reliquorum, à quo vno omnis sensitua cognitio, modo, quo diximus, deriuatur, rursusq. discutitur, & ordinatur ad regimen, & conseruationem vitæ totius animalis. Vnde: Quidquid sensus percipit, imaginatio representat, ait Augustinus. Quoad secundum verò, quia vt hætenus conati sumus ostendere; nec intelligi potest animal naturaliter viuere absque facultate ad percipiendas suas externas sensationes, & intimas appetitiones: nec per alium sensum id munus exercere, quam per huiusmodi penes quem constituitur ipsorummet motuum ac facultatum directio, totaq. animalis gubernatio. In ijs ergo cognitionibus, & circa istiusmodi obiecta, sensus omnes interiores, ex natura sua necessariò conueniunt, ac proinde simul ad illa essentialiter ordinantur.

Diximus autem (cadentis in sensum externum eiusdem animalis) nam interior sensus vnius animalis, nec percipere potest obiecta extrinseca, quæ minimè cadere possunt sub sensum externum illius, sed tantum alterius; nec ad ea percipienda potest essentialiter ordinari; Quia implicat potentiam naturalem essentialiter ordinari ad percipiendas res à se ipsa naturaliter imperceptibiles.

Similiter diximus (cognitionem cuiusque propriæ sensationis externæ, & motus appetitus sensitui,) quia sensus interior, nec potest ferri, nec ordinari per suam cognitionem, in sensationes externas, & appetitiones, quas idein animal non potest elicere de ratione sua specifica. Vt si sensus internus Conchyliorum ordinaretur ad percipiendas visio-

*De Spiritu &  
anima c. 11.*

nes, auditiones, & appetitiones colorum, aut sonorum, quæ omnia Conchylijs denegantur.

Verum, quia siue plura, siue pauciora ex his à diuersis sensibus interioribus percipiuntur iuxta varietatem animalium, & exigentiam naturarum ad quas ipsi ordinantur, omnia tamen conueniunt sub ratione obiecti sensibilis extrinseci, vel intrinseci explicati, & in vtrumque quilibet sensus interior de necessitate nature versatur. Idcirco tandem stabiliendum putamus, sensum interiorem in communi essentialiter sub eadem vnica ratione per suos actus ad illa omnia ordinari. Non enim necessarium est, vt quilibet sensus interior ad quodcumque obiectum sensibile intrinsecum, vel extrinsecum ordinetur, sed sufficit, vt illa, ad quæ ordinatur, omnia talem rationem participant; nec detur obiectum terminans sensationem aliquam internam, quod sub illa communi ratione contineatur. Sicut ad hoc, vt quilibet visus sub vnica ratione luminis, vel coloris erga sua obiecta versetur, & sub eadem ad illa essentialiter ordinetur, non est opus, vt omnia lumina, vel omnes colores aliquo modo attingat; sed satis est, cuncta, quæ attingit, sub ratione luminis, vel coloris suapte natura comprehendere.

Quod si contendant aliqui, sub ratione illa communi ad omnia inferiora essentialiter facultatem ipsam referri, licet singula non possit absolutè percipere; occurrendum est cum eo, quod ratio communis huiusmodi, sicut per seipsum non attingitur in abstracto ab aliquo sensu, sed tantum in concreto, prout est gradus inclusus in ipso sensibili, quod percipitur: ita non attingitur aliquo modo in obiecto, quod absolutè latet ipsum sensum respectu talis nature animalis, cui istiusmodi cognitio interdicitur; licet alijs in eodem genere concurrentibus, concedatur. Cumq. repugnet potentiam essentialiter ordinari ad obiecta sub ratione qua realiter non valet attingere, sequitur facultatem hanc, non quidem ad omnia, & singula sensibilia essentialiter ordinari, sed ad ea tantum, quæ omnium communem rationem participando, absolutè valent ab ipsa facultate discerni.



*Quæ nam definitio sensus interioris ex prædictis omnibus colligatur. Cap. V.*



AM verò ex hucusque seorsum dictis, & explicatis, nō obscura in vnum colligi poterit huius facultatis definitio, vel quidditativa descriptio; vt si dicamus, eam esse facultatem sensitivam, quæ interioris præsidens in animali, sensationes

externas illius, motusq. appetitus sensitivi, eorumq. omnium obiecta valet percipere. Vbi facultas sensitiva ponitur loco generis, inuoluitq. omnia prædicata essentialia duobus primis capitibus huius tractationis superius explicata; in quibus prædicatis sensus interior citra omnem controuersiam conuenit cum exteriori: cæteræ verò particulae ponuntur ad connotandam differentiam, tum quidem ex subiecto, tum potissimum ex actibus, & obiecto desumptam, vt ex doctrina duobus vltimis capitibus proximè tradita facillè potest constare. Nam licet facultas hæc vltimò non nisi per habitudinem ad actus, & obiecta in sua specie constituatur, ac per habitudinem ad subiectum, vel omnino conueniat cum cæteris sensibus ac potentijs organicis, vel peculiariter non distinguatur, eo quod ordo quem dicit ad peculiarem conditionem subiecti, coincidat cum ordine ad actus, & obiecta, ratione quorum talis conditio dicitur requisita: Nihilominus negari non potest, facultatem hanc, vtramque habitudinem, seu ordinem includere tanquam ad diuersa ex suo proprio genere, quamuis ratione finis naturaliter subordinata; Ac propterea per ordinem ad subiectum interioris, tanquam ad promptuarium omnium formarum sine materia, nulla ex parte foris expositum, verè distingui sensum hunc interiorem à reliquis, qui natura sua talem organi conditionem non exposcunt; licet quandoque obtineant eius sensorium secundum partem interioris collocari, vt tactus, qui intrinsecus itidem residet in visceribus, cæterisq. partibus animalis.

animalis. Quoniam verò nec vltimò, nec satis hoc ex capite sensus ipse interior specificatur, potissimum id illum sibi per actus, & obiecta diximus vindicare.

Abstiniuius autem in hac definitione à connotatione directionis sensuum externorum, aliarumque facultatum in animali eo modo, quò supra huic sensui competere ab experientia, multorumq. auctoritate probauimus: similiter & à connotatione distributionis spirituum animalium, quæ excitationem, ac directionem sensuum externorum passim, concomitatur: Quia primum consequitur potius, quàm ex parte constituat essentiam huius potentie, quæ satis specificata intelligitur per ordinem ad substantiam suorum actuum, siue illi quandoque sint directiui sensuum reliquorum, siue secus; licet hoc illis tanquam proprium ex natura rei conueniat. Posterius verò, vel non conuenit intrinsecè, eo quod formaliter talis distributio per distinctam potentiam, quamuis concomitanter debeat exerceri; vel saltem non conuenit essentialiter, sicut essentialiter non conuenit excitatio, ac directio, sed tantum propriè, & accidentaliter in secundo modo dicendi per se, quatenus pertinet ad connaturalem, quandam perfectionem sui muneris, quod cum his omnibus in cunctis animantibus experimur obiri.

Ceterum quo pacto tradita definitio cum Aristotelis doctrina cohareat, ex eo licebit colligere, quòd in primis quantum pertinet ad genus in ipsa definitione contentum, modò ille interiorem sensum, primum sensitium, modò sensum communem, modò verò similem sensui appellat, sensibiliūq. inquit esse imaginatiuum, ac memoratiuum. (idem secundum diuersas considerationes, ac functiones intelligendo, vt Alexander, Philoponus, ac Simplicius interpretantur, & nos etiam inferius adducemus) proindeque attribuit ipsum, vt posuimus, esse facultatem sensitiuam. Vnde 3. de anima tex. 160. cum dixit imaginationem esse motum factum à sensu actu: per sensum proximè intellexit sensum interiorem, remotè verò sensum exteriorem, vt cum eisdem Græcis interpretibus suo loco exposuimus. Alio-

quin admitteret, nunquam fieri imaginationem absentibus obiectis, & quiescentibus sensibus externis, quod ab eius doctrina ac veritate longe abesse comperimus.

Deinde quod attinet ad differentiam in eadem definitione propositam, ex parte quidem subiecti iam constat ex supra relatis; Aristotelem subiectum, & organum huius potentiae intrinsicus collocare in animali ubi coeunt omnia externa sensoria. Ex parte vero obiecti suorumque actuum, sigillatim pariter (ultra superius varijs in occasionibus allegata) sistendo in hoc ultimo loco citato, ubi Aristoteles naturam huius facultatis magis ex professo videtur tractare; primò patet ex eo, quod cum dixisset imaginationem non nisi sentientibus inesse, quia scilicet sensu carentia nequeunt imaginari; statim addit illam esse, & quorum sunt sensus, nempe obiectorum sensibilium à sensibus externis, ut Simplicius interpretatur. Quare & de communi sensu Aristoteles paulò ante tex. 146. docuerat, illum singula particularium sensuum obiecta discerniturum agnoscere, ut album distinguatur à dulci, &c. Rursumque patet, quia cum textu illo 160. docet, motum imaginationis fieri ab actu sensus, utique remotè loquendo intelligitur de actu sensus exterioris, qui obiectivè concurrat ad actum imaginationis, qua nec sensibilia, externa representari possent, ut exterius sensata, nisi simul sensationes ipsae exteriores perciperentur. Ideoque superius tex. 138. docuerat interiori sensui animal percipere, cum exterius sentit, vel non sentit. Quod repetit postea cap. 2. de somno, & vigilia, ut haecenus admonuimus.

Denique cap. 1. eiusdem operis, Aristotelem simul admittere in hoc sensu cognitionem motuum sensus externi, & appetitus sensitivi, probari potest ex eo, quod vigilantem vocat esse, qui aut eorum, quae extrinsecus aliquid sentit: aut eorum, qui in ipso motuum aliquem; quod idem est, ac distinguere obiecta extrinseca, & intrinseca, ut supra à nobis distincta, sunt. Loquitur autem de sensatione perfecta cum suis circumstantijs, qualis haberi non potest in somno. Consonantque illa, quae tradit in praedicta explicatione imaginationis adie-

Cap. 3. huius  
Tractationis.

cit tex. 162. dum multa, inquit, per ipsam animal operari, regendo ac dirigendo loco rationis proprias actiones, ac passionibus, quas certè nisi agnosceret, nullatenus posset dirigere, neque iuxta exigentiam ipsius appetitus in cæteris muneribus obeundis, sensitiuo modo se gerere. Quamobrem si minus verbis eiusdem Aristotelis vti sumus assignando traditam definitionem, eo quod illa non suppetant, cum ipse huiusmodi potentiam in vniuersum non definierit: nihil tamen à Peripatetica doctrina discessimus, vt clarius adhuc patebit inferius, cum de mente eiusdem Aristotelis circa vnitatem realem huius sensus sermo redibit.

*Quem gradum perfectionis essentialis obtineat sensus interior inter cæteras facultates cognoscitinas.*

*Cap. VI.*



**S**TABILITAS essentialis sensus interioris in communi secundum se ipsum, stabilienda est perfectio illius in ordine, & comparisonem ad cæteras facultates cognoscitinas, quæ cum illo aliqua ratione conueniunt in vniuersa latitudine generis animalis. Quo circa prius hic supponendum occurrit, totam ingenitæ conditionis perfectionem essentialem, totamq. præstantiam in qualibet re, penes eadem omnino obseruari, ex quibus eius natura desumitur, cum perfectio essentialis cuiuslibet rei, nihil ultra contineat præter integritatem naturæ illius; hæc autem non valeat nisi suis prædicatis essentialibus integrari, quibus tota constituitur in se, & distinguitur ab alijs. Quapropter hoc ipso, quod natura cuiuscumque potentia, vt diximus cum Aristotele, ex actibus immediatè, ipsis autem mediantibus ex obiectis potissimum dignoscatur; ex his pariter liquet, eius attendendam esse perfectionem essentialem, ingenitamq. respectu aliorum præstantiam.

Deinde notandum est, actus cuiusque potentia cognosciti-  
tinae

tiuæ cum alijs alterius potentia, in duobus primò, ac præcipuè comparari, vt notitiam vnius, alia alterius perfectionem putemus: nempe tum in certitudine, tum in obiectorum propria excellentia, ac præstabilitate; ita vt illa dignior ac perfectior notitia existimetur, quæ vel exactior, ac certior est; vel rerum est earum, quæ magis in se præstabiles magisque sunt admirabiles, vt docet Philosophus, loquendo de cognitionibus scientiarum.

*s. apic. cap. 2.  
et 1. de anima  
cap. 1.*

Rursus pariter in duobus alijs obseruandum est ipsos actus vt plurimum comparari; in modo scilicet procedendi, seu versandi circa res cognoscibiles; qui dicitur etiam modus operandi potentia, & in amplitudine obiecti adequati circa quod ipsi actus versantur. Etenim sine controuersia, modus cognoscendi nobilior, nobiliorem constituit cognitionem, vt cum facultas per illam independentius circa obiecta versatur, ac potius in eorum perceptione alia sibi potentia obseruiunt, quam ipsa alijs famuletur. Item quia præstantior censetur cognitio, quæ ad plura se extendit, maioremque habet amplitudinem adequatæ rationis, sub qua ista conueniant, quam quæ ad pauciora, sub minori eius latitudine coarctatur.

His igitur prænotatis, communi Philosophorum consensu dicendum est in suscepta quaestione, sensum interiorem, perfectiorem quidem esse omni sensu exteriori; imperfectiorem verò omni facultate intellectiua. Quam conclusionem præcipuè tradidisse videntur omnes Peripatetici, dum huiusmodi potentiam ex sua conditione naturæ, mediam posuerunt inter intellectum, ac sensum externum cum Aristotele; nam eam dignitatem in ipsa consequenter admittunt, quæ in subalternatione decet medium respectu extremorum; nimirum qua superet vnum, & ab altero superetur: vt paulatim, sensumque natura in omnibus ab vno ad aliud gradum faciat, iuxta obseruationem eiusdem Aristotelis. Unde Themistius phantasyam, inquit, positam esse in confinio sensus, & intellectus.

*2. de anima  
tex. 113.*

*Arist. 3. lib. de  
hist. anim. c. 1.  
Them. cap. 10.*

Probatur autem prior pars conclusionis primò comparatione

tione actuum vtriusque potentiae quoad certitudinem. Nam sensatio interna natura sua exactior est qualibet sensatione externa in sensibilibus attingendis; quippe cum plures vniuscuiusque sensibilis differentias valeat pertingere, easque examinare saltem per obscura iudicia, ac proinde difficilius erret praesertim circa sensibilia communia. Vnde saepe contingit sensationem externam ab interna corrigi, & emendari, vt cum videmus etiam bruta animalia non deceptionem externam, quam patiuntur per falsam apprehensionem sensus ex aliqua apparentia, sed veram extimationem sequi in prosecutione, vel fuga rerum sibi competentium, omni ignoratione sensuum externorum purgata, & expiata per operationem sensus interni.

Nec obstat, totam certitudinem existentiæ obiecti extrinseci, omnemque notitiam differentiarum illius, sensum internum ab exterioribus mutuari; cum certè absque visu, vel tactu, verbi gratia, nequiret imaginatio de coloribus, aut corporibus iudicare. Nam certitudo adæquata, qua sensatio interior superat exteriorem, non est illa precisè, quam obtinet per quamlibet sensationem externam quasi seorsum, sed alia, quæ nascitur ex pluribus sensationibus externis diuersorum sensuum, vel idem obiectum commune repræsentantibus, vel diuersas formas illius iuxta varietatem sensibilibum accidentium, quibus obiectum omnino ac perfectius innotescit. Ita vt ex pluribus certitudinibus seorsum habitis, collectis tamen, & ordinatis ad vnum, certior notitia componatur, quam sit quælibet sensatio externa per se, ex ijs ipsis, ex quibus notitia hæc interna inanauit; imò quam sint omnes illæ simul sumptæ, quæ vnitatem, vel diuersitatem subiecti suorum sensibilibum attingere non valebant, sicut postea attingit sensatio interna orta ex illis, discernendo scilicet ipsas formas sensibiles, vel prout simul coniunctas, vel prout separatas in diuersis sensibilibus per accidens. Nam visus, verbi gratia, non attingit candorem prout coniunctum cum dulcedine in lacte, nec gustus saporem, prout in eodem subiecto coloris: ideoque sensatio interna, cum hæc omnia percipit,

percipit, non modo certior est visione, vel gustatione, aut olfactione seorsum respectu lactis, quia idem pluribus comprobavit; sed etiā his omnibus externis sensationibus simul; quia de se non includunt cognitionem connexionis suarum sensibilium formarum in eodem subiecto lactis, prout materialiter saltem, & confusè inuoluit sensatio interna, & prout requiritur ad totalem cognitionem talis obiecti.

Rursus quia & si certitudo, quā habet sensus interior, verbi gratia, de colore, redundet quodammodo in visionem propter quam certior est factus de illo; nihilominus cum non redundet, nisi quatenus ad mediū quoddam, ex quo imago coloris quasi refracta intus relucet, eo quod per visionem, tāquam per speculum, vel inspicillum sensus interior intueatur colorem: non est cur magis certa dicatur visio, quam perceptio interna eiusdem coloris, quæ simul cum visione tendit in illum, eodemq. modo attingit eius præsentiam. Etenim immediatius idola ab obiectis excipere, ac similia in alterum impressa refundere, sicut non addit perfectionem idolis primò exceptis, externisq. sensibus impressis; ita nec addit certitudinem cognitioni ipsorum ministerio excitatæ. Imò puriora ac defecaciora existimanda sunt simulacra, quæ ex perfecta visione nascuntur, interiusq. in communi sensorio imprimuntur, quàm quæ immediatè à visibilibus ad oculos offertuntur: proindeq. veraciorem potius, ac certiore causabunt cognitionem. Sicut species intelligibiles, quamuis remotè magis ab obiectis intelligantur oriri; certiore tamen valent causare cognitionem in intellectu, quam species intentionales in sensu interiori, circa eadem obiecta, vtrisque speciebus representata.

Secundo probatur eadē pars conclusionis ex modo operandi, in quo sanè sensus interior exterioribus magnopere præstat; tum quod pluribus, ac nobilioribus utatur instrumentis, ut simulacris purioribus, ac tam varijs, & habitibus multis, procedatq. pro suo capto componendo, ac dinidendo, modo saltem materiali; nec non & ipsas sensationes externas ad id tanquam simplices apprehensiones subalternatas,



alternatas, ac præordinatas præmittat, pleniusq. propterea sub varias formas circa sua obiecta versetur. Tum quod præsentia obiectorum non semper indigeat, sed quantum licet illa in absentia quoque probe fingat, ac formet, cum summa inter corporeas facultates imaginationibus ad imitandum sit concessa potestas. Vnde non semper eodem modo obiecta ipsa necessario tenerur exprimere, quemadmodum sensus externus, sed si vnus formæ occurrat imago, eam statim repellere potest, vel vt libuerit commutare; vt hinc fortasse Plato in Sophista phantasiam appellet simulatorum opificem atque magistram. Tum denique quod per sua phantasmata proximè ad intellectum accedat, eique nullius interuentu, vel interiectu circumflet; & cum illo, & sine illo, non modo sensus ipsos exteriores in applicatione appetitus, aut voluntatis dirigat, sed & bestiarum hominumq. vitam pene totam administret ac regat; rationis vices gerendo, cum vel non adest intellectus, inquit Aristoteles, vt in brutis, quæ propterea alibi ab ipso memorijs, & imaginationibus dicuntur viuere; vel passione aliqua, ægitudine, aut somno obruitur, vt sæpe contingit in hominibus, & notat idem Philosophus. Quapropter ex hoc operandi modo, tanto nobilior constituitur sensus interior omni exteriori, quanto nobilius quid est vitam totam dirigere, quàm dirigi ab alio, ac moderari. Semper enim honorabilius est agens patiente, & principium materia, ait Aristoteles.

Tertio. Idem probatur ex ipsius obiecti amplitudine, ac præstabilitate: nam sensationes internæ omnem naturam, quæ sub sensum cadit, omnemque formam ad vnumquemq. ex vulgatis sensibus pertinentem, imo & multa, quæ sensum externum omnino effugiant, quasi de excelsiori loco valent inspicere tanquam materiam per circuitum adæquatè sibi prostratam; latius ergo patet solum obiectum sensus interioris, quàm singula; imo & omnia simul obiecta sensuum externorum. Cumque in hac sua amplitudine contineat actus vitales appetitus sensitiui, & ipsorummet sensuum extremorum, qui sanè præstantiores sunt cunctis sensibili-

bus

*In Sophista non  
longe à fine.*

*2. de anima  
text. 102. & lib.  
3. text. 48.  
1. met. x. 1.*

*2. de anima  
text. 102.*

*3. de anima  
text. 19.*

bus qualitatibus, cæterisq. accidentibus, ex quibus constituntur obiecta sensuum externorum; sequitur etiam, ut ipsum obiectum adæquatè sumptum, nobilius longè ac præstantius habeatur omnibus illis, perfectioremq. propterea, ex utroque capite facultatem cognoscitivam constituat.

Posterior autem pars conclusionis, quamvis nullam habeat difficultatem, ad complementum tamen doctrinæ, eadem via qua prior, apertissimè probatur; Et primò ex parte certitudinis. Nam actus scientifici, seu intellectiones ortæ per veram ac propriam demonstrationem; item assensus principiorum, & propositionis per se notæ, maiorem habent certitudinem, & evidentiam, quàm quælibet perfecta sensatio; cum deceptionibus, quæ sensui circa sensibilia occurrere solent, non ita subiaceant: Id, quod plenius etiam verificatur in intellectionibus animæ separatæ, & apprehensionibus intellectus Angelici.

Quod si in opinionibus, ac dubijs nostri intellectus, hæc certitudo non reperitur, ac dum anima est corpori coniuncta, illa tota sumatur ex phantasmatibus, quæ semper intellectus iuxta doctrinam Philosophi speculatur: hoc non tollit, operationem intellectus in sua amplitudine, ac plenitudine sumptam, includere maiorem certitudinem, & evidentiam, quia non semper in omnibus, ac singulis actibus debet verificari; præsertim in quibus non adest totalis assensus, plenæque adhæsió ex formidine ad oppositum. Nec huiusmodi certitudinem in intellectu oriri ex phantasmatibus, arguit illam esse maiorem in ipsismet phantasmatibus, seu sensationibus internis: quia non quidquid materialiter in phantasmatibus elucet, intellectusq. percipit in eis, phantasmata ipsa formaliter repræsentant. Nam ut docet S. Thomas licet intellectus operatio oriatur à sensu, tamen in re apprehensa per sensum, intellectus multa cognoscit, quæ sensus percipere non potest: ut exemplificari potest in naturis vniuersalibus, plerisque intentionibus, quæ formaliter sensitivam cognitionem omnino effugiant. Quamobrem loquendo Aristoteles de cognitione sensitiva, quæ habetur in somnijs.

1. p. q. 78. art. 4.  
ad 4.

Lib. de somnijs  
cap. 1.

Q

Præter

Præter somnium (inquit) aliquid aliud intelligimus; quemadmodum vigilando sentientes aliquid de eo, quod sentimus, sæpe etiam cogitamus aliquid. Vnde multa intellectus corrigit in ipsis phantasmatibus, quæ per ipsa temere approbantur, & effinguntur; ita ut ex falsis, aut incertis mixtis cum veris, ac certis, intellectus plerumque omnia vera, ac certa deducat. Quia nimirum propria vi nititur, ut impulsui obstat motuum irrationabilium, falsa vel absurda, repræsentantium. Quod si phantasmatum deceptionem intellectus quandoque secutus, simul cum illis videatur errare, ut in ebrietatibus, delirijs, & insanijs: hoc non tam suæ imbecillitati, ac proprio, & intrinseco errori, quam veluti extrinsecæ necessitati tribuendum est: cum non nisi expressa, & oblata per sensum interiorem, in quibus formaliter est deprauatio, possit apprehendere, ac in tantum circa illa, discurrere, quantum vehemens, vel inordinata simulacrorum agitatio, ac tumultuantium phantasmatum permittit confusio. Imbecillior igitur, ac incertior est interna sensatio, quæ formaliter, ac immediatè subit errorem, errandiq, ex se intellectionibus constituitur occasio, ac proinde imperfectiorem ex hoc relinquitur esse facultatem, à qua ipsa procedit.

Deinde eadem posterior pars conclusionis probatur ex modo versandi circa obiecta. Nam intellectuales cognitiones, ut quæ omni materia expertes, ac superiori lumine refertæ, non modo velocius, eminentius, ac subtilius iuxta, multiplices formalitates in rerum naturas discutiendas feruntur, abstractè, & independentè à concretionem formarum, vniuersa, & singula indagando. Verum ad hoc præstandum, rerum intelligibilium species cum libuerit ex phantasmatibus comparant, formaliterq, componunt ac diuidunt, singula cum suis connexionibus aut discrepantijs concipiendo, vnumq, ex alio propriè inferendo, & quasi supra se ipsas per nouam cognitionem elatæ, se ipsas cum obiectis ad quæ tendunt, agnoscunt, approbant, vel improbant; propriaq, opera ad inuicem expiantur, ac perficiuntur. In quibus longè nobilior

bilior procedendi modus apparet, quam in sensationibus internis, cum licet illæ corporeas formas tam plures attingant, semper tamen modo concreto ac materiali in confuso procedant, simulq. formam omnem ac subiectum adumbrent, & correctionibus, moderationibusq. intellectus, cui natura in hominibus deferuiunt, subijciantur.

Tandem eadem pars conclusionis ex obiectorum diuersa amplitudine, ac præstabilitate apertissimè conuincitur, & comprobatur: cum & rerum multitudo, & excellentia, ad quam sphaera intellectiue facultatis se extendit, longè, latèq. excedat sensibilem omnium collectionem, atque præstantiam. Siquidem & ipsamet sensibilia omnia comprahendit, & substantias quoque omnes corporeas cum reliquis accidentibus materialibus sensum prætereuntibus; & insuper ad spirituales non minus naturas transcendit, vniuersales, ac particulares, supra etiam cœlestes intelligentias vsque ad ipsum rerum omnium conditorem. Quæ sanè omnia, non modo latiore, sed diuiniore, ac præstantiore constituunt sphaeram cognitionis.

Nec dictis in hac posteriori parte conclusionis Aristoteles contradicit, cum lib. de animal. motione cap. 3. docet phantasiam eundem cum intellectu locum tenere, cum iudicandi habeat facultatem: Vel cum lib. 3. de anima tex. 20. eam appellat intellectum passiuum iuxta expositionem Auerrois, Philoponi, & aliorum, ipsumq. intelligere lib. 2. tex. 155. in phantasiam, & extimationem quasi de pari distinguit. Quandoquidem ubi primò citatur, non loquitur de loco tanquam de gradu dignitatis, sed tanquam de ordine, in quo cum intellectu conuenit, tum phantasia, tum etiam sensus, quatenus sunt potentiæ cognoscitiue, seu iudicatiue, & quatenus ad mentem, seu intellectum tanquam ad principaliorem iudicem referuntur, cui ex se in homine subordinantur. Sicut in ordine appetitus conueniunt, & ad eum referuntur (vt ipse ait) voluntas, ira, & cupiditas. Et hoc sensu ad mentem, & appetitum tanquam ad duo quædam priora, & communiora, omnia principia motus animalis docuerat referri

*Philop. in eund. tex. Et in proximo ad libros de anima.*

3. de anima  
text. 48.

ac reuocari, vt ibidem exponit Leonicus. Vnde hæcenus idem Aristoteles constituens hæc duo mouendi principia in animalibus, cum dixisset ea esse appetitum, & intellectum, subiungit: Si quis imaginationem ponat, vt intellectum quandam. Quia nimirum in hominibus multi motus sequuntur imaginationem præter eos, qui sequuntur intellectum; & in brutis sola imaginatio est, quæ loco intellectus mouet, cum ratio non adsit. Sortitur ergo imaginatio quandoque locum, & nomen intellectus iuxta sensum Aristotelis, non quoad dignitatem, aut proprietatem, sed quoad officium, ordinem, ac similitudinem, in qua conuenit cum illa, cum vtraque sit cognitio interius excitata, ac principium motus animalis directiuum reliquarum omnium facultatum. Secundum quam rationem vniuersalem Aristoteles in alijs locis citatis, aut phantasiam vocat intellectum passiuum, eo quod patitur corruptionem; alius verò sit impassibilis, vt ibidem innuit: aut ipsum intelligere distinguit in phantasiam, seu actum phantastici, & extinctionem, quæ est actus rationis, seu intellectus propriè dicti, vt Simplicius adnotauit. Neque mirum esse debet, phantasiam, vt mediam inter sensum, & intellectum, quandoque cum vtriusque vel alterius nomine ab Aristotele confundi: nam vt ipse monuerat, ad eod sensum ab vno ad aliud natura transit, vt continuatione ipsa, lateat eorum consinium, & medium, vtrius nam sit extremi. Etenim supremum inferioris naturæ participare solet infimum superioris, ait Areopag. Quod non tollit post vniuersiusque explicationem in doctrina Aristotelis, imaginationem constitui perfectiorem omni sensu exteriori; imperfectiorem vero ipsa potentia intellectiua, cui subordinetur, vt fusè tradidimus, & ab omnibus approbatur.

Lib. 8. de hist.  
animal. c. 1.

Cap. 7. de diuin.  
Român.

## TRACTATIO SE XTA

De diuersitate specifica sub communi  
ratione, & quidditate sensus  
interioris.

**E**XPLICATA natura sensus interioris in  
vniuersum quoad communissimam quiddi-  
tatem, iam quoad vltiorem contractio-  
nem, & specificationem explicanda erit, vt  
non solum quid sit, sed etiam quotuplex sit  
in eodem, vel in diuersis animantibus planè,  
ac liquidò innotescat. Id quod explorando proprias diffe-  
rentias contrahentes, iuxta diuersitatem obiectorum, &  
actuum, quos erga illa hæc potentia administrat, præstan-  
dum erit.

*Ex cognitione plurium, vel pauciorum sensibilium, nul-  
lam colligi diuersitatem specificam sensus in-  
terioris. Cap. I.*

**S**ENSVM interiorem multiplicem admittere  
sue conditionis varietatem in diuersis specie-  
bus animalium, & in eisdem quoque indiui-  
duis, per se penitus constat, nec quispiam ver-  
tere potest in dubium. Verum an talis varietas  
interdum sit propriè essentialis, diuersas constituens spe-  
cies sensuum interiorum sub ratione illa communi superius  
explicata: an verò sit semper accidentalis orta ex perfectio-  
ne, vel imperfectione organorum, variaq. dispositione su-  
biecti, ita vt eadem omnino relinquatur essentia iam defi-  
nita tanquam vnica species infima sensus interioris in cun-

etis animantibus : hoc certè non apud omnes planum , pariterq. in confessum reperitur ; nam & argumenta pro vtraque parte non desunt , & re ipsa difficile est alterum determinare . Quamobrem præcipuas rationes diuersitatis , seu differentias hic adducere , easq. sigillatim examinare opere pretium erit .

Primo igitur illa sese offert , quæ ex diuersa suorum obiectorum latitudine sumitur . Etenim obiectum adæquatum sensus interioris vnius animalis interdum essentialiter videtur differre ab obiecto adæquato sensus interioris alterius , vtpotè vnum tanquam conflatum ex pluribus ; alterum verò ex paucioribus sensibilibus essentialiter , ac genere diuersis . Nam obiectum adæquatum sensus interioris perfectorum animalium , continet omnia genera externorum sensibilibum ad quinque sensus pertinentia ; imperfectorum verò , non nisi duo , vel tria . Addito autem vno , vel duplici rerum genere in quavis rerum collectione , essentialiter tota collectio variatur , copulativè loquendo , vt dicitur de specie cuiuslibet numeri , addita vnitæte . Cum itaque potentie specificandæ sint per actus , & obiecta adæquata , sequitur iuxta diuersitatem adæquatam illorum respectu huius , vel illius animalis , diuersas pariter in ipsis animalibus constitui species sensuum interiorum ,

Confirmatur , quoniam naturaliter hoc animal per suum sensum interiorem ordinari ad duo sensibilia , illud verò ad quinque , vel provenit ab aliqua differentia individuali , vel accidentali , vel essentiali . Non individuali , quia conuenit toti speciei : non accidentali , quia ordo , quem dicit potentia ad obiectum , siue hoc , siue illud , ad hæc , & non ad illa , est omnino essentialis . Ergo remanet , vt & differentia , ex qua oritur , sit essentialis .

Nec dici potest , quemcumque sensum interiorem cuiuscumque animalis natura sua essentialiter ordinari ad omne sensibile externum ; per accidens verò non omnia in singulis speciebus animalium percipere ex defectu sensuum exteriorum , qui desunt huic , vel illi animali secundum speciem suam ;



suam; ac propterea idem & vnicum obiectum adæquatum essentialiter constitui respectu omnium sensuum internorum. Quia scilicet cum nihil frustra machinetur natura, aut frustra ex se ordinetur ad aliud, impossibile est potentiam alicuius animalis natura sua, & essentialiter ordinari ad obiectum, quod naturaliter nullo modo valet percipere, vt præcedenti tractatione explicuimus. Vnde sicut naturaliter determinatus, ac limitatus est numerus sensuum externorum in quouis animalium genere: ita limitata est multitudo obiectorum sensus interioris, quæ non nisi præuia operatione illorum possunt attingi, ac proinde iuxta varietatem huius limitationis varia constituentur obiecta adæquata, sub quibus plura, vel pauciora sensibilia essentialiter diuersa contineantur. Cap. 4.

Quod si vltimò dicatur, plura vel pauciora sensibilia essentialiter diuersa in genere entis, non constituere obiectum adæquatum essentialiter diuersum respectu sensus interioris in hoc, vel illo animali, quia conueniunt sub communi quadam ratione sensibilis externi in esse cognoscibili; eo modo quo plures, vel pauciores colores specie diuersi inter se, & lumen, quod etiam genere differt ab illis, non constituunt differentiam essentialem in obiecto adæquato visus aquilæ, vel noctuæ, quia simul conueniunt in vnica ratione obiecti visibilis: Contra est, quia entitates quantumvis in se diuersæ cadentes in vnicum sensum externum, eundem habent modum immutandi potentiam sentientem, tam externam, quàm internam; & ideo percipere plures, vel pauciores colores cum lumine, vel absque lumine, non constituit differentiam essentialem ex parte potentia, aut obiecti adæquati illius. At verò plura, vel pauciora sensibilia essentialiter diuersa, & ad diuersos sensus externos pertinentia, non eundem habent modum immutandi potentiam sensus interni, vt colligi videtur ex diuersitate instrumentorum, ac mediorum, quibus ad cognitionem illius perueniunt. Alioqui eundem etiam haberent modum immutandi sensum externum, quod non verificatur nisi in genere, seu communissima qua-

dam ratione innotescendi per emissionem intentionalium, specierum; nec tollit diuersitatem specificam, quæ sumitur ex ipsismet simulaeris plus, minusuè diuersis ex modo quo imprimuntur, vel excipiuntur, & ex medio, vel instrumentis; quæ ad hoc requiruntur. Vnde sicut species visibiles, verbigratia, ac tactiles eminus excipiuntur, & antequam ad crystalloidem ubi sensus est visus, perueniant, per tot tunicas, & humores quasi cribrantur; ita antequam ad cerebrum similes imagines perferantur, non quocumque meatu, aut nervis; sed opticis ac mollioribus nervis id natura consequitur; primò coniunctis, deinde diuisis, quoad vsque commune sensorium ingrediantur. Nec semper valet sensus interior has imagines excipere, eisq. vti, vt in somno apertis oculis, sicut semper ferè valet respectu tactilium, & quandoquæ sonorum, imò & motus appetitus sensitini. Ex quibus arguitur non esse parem diuersitatem, quæ reperitur inter album, & nigrum, colorem, ac lumen, cæteraq. sensibilia ad eandem sensum externum pertinentia; ac inter visibile, & palpabile; diuersorumq. sensuum propria sensibilia, quoad immutationem sensus interni; seu modum innotescendi interitis. Et si Deus crearet nouum sensum externum in homine ad percipiendas, verbigratia, relationes corporeas; Vbi intrinsecum, virtutes quasdam corporum nunc nobis occultas, vel quid simile; nouus utique esset modus immutandi potentiam interius sentientem, ac proinde diuersum obiectum adæquatum constitueretur ab eo, quod nunc defacto habet talis potentia. Igitur iuxta essentialem diuersitatem in multitudine sensibilium, ad quæ nunc plures sensus interiores in diuersis animantibus feruntur, diuersa constituentur obiecta adæquata respectu illorum.

Sed hæc omnia argumenta, licet multa verà contineant, pleraque tamen falsa simul admittunt, ex quibus non rectè concluditur essentialis diuersitas, quam intendunt, sensuum interiorum.

Primum itaque argumentum verè assumit, ac probat diuersitatem essentialem inter aggregata illa plurimum, vel pauciorum.

ciorum sensibilium, quæ interius percipiuntur à diuersis animantibus, sed in genere entis; non autem in genere cogniti aut cognoscibilis, prout opus erat ad concludendum ex illa diuersitate obiecti adæquati respectu huius, vel illius potentie interius sentientis, ac proinde specificationem vniuscuiusque illarum. Nam aggregata essentialiter diuersa in genere entis, quando conueniunt sub vnica ratione in genere cognoscibilis, non constituunt diuersum obiectum adæquatum respectu potentie cognoscitiue, vt afferebatur de lumine, atque coloribus pluribus, vel paucioribus diuersis in specie, qui tamen vnicum constituunt obiectum adæquatum visus respectu cuiuscunque animalis.

Secundum verò, quod adducitur in confirmationem, desinit in hoc, quod non omnis ordo, quem dicit potentia ad obiectum, est essentialis: sed tantum ille, quem dicit ad obiectum formale; nempe ad rationem illam communem, sub qua continentur obiecta materialia. Vnde plures potentie, quæ in vnum conueniunt obiectum formale adæquatum, licet ad plura, vel pauciora obiecta materialia essentialiter diuersa in genere entis secundum proprietatem naturæ animalis ferantur; non propterea censentur includere ordinem essentialiter diuersum, per quem possint specificari; Et sic differentia, ex qua talis ordo sumitur magis, vel minus extensus, non erit nisi accidentalis, & ad summum proprietatis quædam quarti prædicabilis respectu naturæ specificæ talis animalis.

Tertium, quod occurrit tacitæ cuidam obiectioni, recte probat diuersam illam limitationem potentie, suorumque obiectorum: sed totum intelligitur procedere de diuersitate materiali; & extensiva, quæ non variat essentialiter obiecti adæquati, aut potentie, sumptam ex vnica illa conuenientia formali, vt dicebamus. Sicut gustum hominis extendi ad plures sapores, & olfactum canis ad plures odores, non variat commune obiectum formale, nec potentiam vtriusque animalis.

Vltimum denique, quo præcludi videbatur omnis alia.

contrariorum euasio, probat plusquam intendit; nam eadem omnino ratione concluderetur, non esse vnicum sensum communem in vnoquoque animali, quo cuncta obiecta externorum omnium sensuum natura sua perciperentur; sed tot esse sensus interiores in illo specie diuersos, & ad id deputatos, quot sunt sensus exteriores, per quorum obiecta adæquata diuersimodè dicerentur immutari. Quod non solum esset destruere essentiam sensus communis, quæ ex perceptione omnium sensibilium constituitur, & ex iudicio, quo vnum ab alio discernit ex his, quæ pertinent ad diuersos sensus exteriores; sed esset euertere totam philosophiam de interna cognitione animalium ad dirigendos proprios motus, quos omnes vnico essentialiter principio debent percipere. Quare dicendum est, diuersitatem illam sensibilium in immutatione potentiæ, non esse essentialem, formaliter loquendo, sed tantum accidentalem, & quasi materialem. Quia licet magis differat sapor à colore, quàm ab alio sapore non tantum in esse entis, sed etiam in modo, quo cadit sub sensum internum, quatenus per diuersum medium, diuersaq. instrumenta eius species intentionales ad commune sensorium deferuntur: Nihilominus ille modus non censetur essentialiter diuersus; nam sistendo in proprio ac proximo instrumento, quo ad hæc omnia percipienda vtitur sensus internus, idem omnino illud reperiemus, vbi species omnium sensibilium confluunt, & asseruantur, potentiæq. obseruiunt ad experiendas eorum cognitiones, quod est cerebrum, vel quid aliud illi proportionale in quibusdam imperfectis animantibus; quod sanè eodem modo immutatur à colore, atque à sapore, licet dissimiles imagines ab vtroque recipiat, ac per diuersa media, & instrumenta huiusmodi imagines ad ipsum perferantur. Quod si hæc diuersitas non procedit in vno eodemque animali, vel indiuiduo; neque poterit procedere in alijs. Nam quæ eodem modo immutant potentiam in vno, eodem modo immutant in alijs. Nul-  
la ergo essentialis ratio diuersitatis ex hoc capite sumitur ad probandum varia essentialiter esse nonnunquam obiecta  
adæquata

adequata sensuum interiorum diuerforum animalium, ac proinde nec specie sensus ipsos inter se ex hoc aliquando differre.

*Examinantur aliæ rationes diuersitatis, ex quibus pariter nulla colligitur talis specificatio. Cap. II.*



ECVND0 autem loco alia ratio præcipuè diuersitatis adducitur inter sensus interiores plurimorum animalium ex parte peculiarium, quorundam obiectorum, non improbabiler petita. Nam præter formas ad quinque vulgatos sensus pertinentes, multa sensus interior vnius animalis videtur in sensibilibus dignoscere, quæ à sensu interiori alterius non dignoscuntur. Cuiusmodi sunt intentiones illæ, quæ & obiecta non sensata à quibusdam nuncupantur, vt utilitates, & contrarietates rerum, conuenientiæ, & disconuenientiæ, amicitia, & inimicitia naturales, ratio præteriti, quam attendit memoria, & alia huiusmodi, quorum meminit S. Tomas. Non enim ex alio videtur procedere, vt plura animantia commoditates, & opportunitates rerum prosequantur, salutaria exquirant, noxia fugiant, parentibus, aut filiis obsequantur, & hostes vitare contendant: cum alia è contra nihil horum efficiant, sed cum prole multa sibi siue bona, siue mala æqualiter paruiendant: nisi quod diuersam, vel certè superadditam potentiam ad hæc internoscenda obtinet illa, quam non obtinent alia. Cumque adhuc diuersimodè immutetur potentia ab his, atque ab illis, quæ per sensationes externas excipit, & dicuntur obiecta sensata, apertè videtur concludi diuersitatem prædictam ex talibus obiectis desumptam in sensibus internis diuerforum animalium, esse specificam, & essentialem. Quod argumentum similiter procedit in eodem perfecto animali, quod cum vtrumque genus obiectorum percipere valeat, ac per alterum diuersimodè immutetur, non videtur reduci posse ad eandem potentiam principium

*1. p. q. 78. art. 5.*

capium illud, seu sensum, quo vnum, & quo alterum genus obiectorum ab ipso percipitur, sed constituendum esse alium sensum interiorem specie diuersum ad hoc delegatum, vt de facto plures, ac graues Auctores constituunt.

*Tract. 2. c. 4.*

Sed vt alibi à nobis iam supra dictum est, huiusmodi obiecta non sensata, si formaliter accipiuntur, prout connotant conuenientiam, aut discrepantiam vnius respectu alterius, ipsumque ordinem transcendentalem, aut prædicamentalem, nullo modo ab aliquo sensu interiori percipiuntur propter rationes latè ibi adductas: si verò materialiter, aut fundamentaliter sumantur; similiter, vt dictum est, non erunt diuersa ab ipsis sensibilibus accidentibus, cum quibus vtilitas, & iucunditas causaliter identificantur, vel in quibus fundantur, si in relatione consistere statuatur. Cumque hoc, quod est prosequi bonum, ac vitare malum, satis intelligatur procedere in brutis à materiali cognitione rei, quæ talis denominatur per species sensibiles, quæ habentur de illa, quia si bona illi est à parte rei, statim amplectitur; si verò mala, respuitur absque cognitione formalis bonitatis, aut malitiæ; non est cur ex hoc capite diuersos sensus in animalibus constituamus, quia multa animalia imperfecta talem prosecutionem, vel fugam non ita ostendant. Quandoquidem sicut ex propria imperfectione naturæ plurimum, siue bonorum, siue malorum sunt incapacia: ita nec omnia, aut totidem quot animalia perfectæ, prosequi, aut vitare contendunt. Alioquin respectu iucunditatis, aut commoditatis, quam prævalent obtinere, ac molestiæ damniq; quod possunt cauere; omnem certè prosecutionem, & fugam sibi conuenientem ostendunt; vt in apertione, & refectione concarum vniuersi ostreorum generis ad capiendum cibum, & repellendas contrarietates perspicuum esse potest; & in accessu vermium, cochlearumq; ad obiecta, ac recessu ab illis per contractionem horum quidem in sese; harum verò in suum domicilium postquam binis præcensis cornuis, noxium aliquid, seu molestum explorauerint. De ratione autem præteriti, quæ non ab omnibus

nibus sensibus interioribus cunctorum animantium attenditur, sequenti cap. dicendum erit, cum D. Thomam iuxta nostram sententiam exponemus.

Tertio magnum quoque discrimen observari potest inter sensus internos ratione solertiæ, aut sagacitatis quorundam animalium, & ignaviæ, aut stupiditatis aliorum; idque non ex accidentaria aliqua perfectione, aut imperfectione in hoc, vel illo individuo, sed ex vi propriæ naturæ talis potentia interioris sensitivæ in tota latitudine speciei uniuscuiusque animalis. Vnde colligi videtur, sensum interiorum verè iuxta diversitatem specificam animalium, quibus inest, essentialiter diversificari. Quis enim eiusdem rationis existimet sensum prudentissimi ex suo genere Elephantis, cum sensu stultissimi, ac stupidissimi pecudis, quale totum ovile genus putatur, ut ait Aristoteles. Vel quis non nisi accidentaliter differre dicat, sensum eorum, quæ tam solerti ingenio, tamque mira sagacitate ac docilitate natura instruit, ut erudiri, ac disciplinis quodammodo instrui, hominemque omnino in moribus, & cognitione representare prævaleant, à sensu illorum; quæ præter molem sui corporis, quam regunt ac vitam quam traducunt, nullo in alio sensum habere ostendunt. Sus enim, quid habet præter escam? (ait Cicero) cui quidem ne putresceret, animam pro sale datam dicit esse Chrysippus. Quid insuper habent illa, quibus vix leuiter, ac perobscurè tactilia quædam, & gustabilia sentire conceditur, ut testatorum generi, præsertim uniuersalium, quæ saxis testa in dorsum data adherent, & ijs, quæ vertibula, siue rubera ab Aristotele appellantur, de quibus sicut de Vrticis, ac spongijs, cæterisq. saxis marinis absque testa adhærescentibus, ambigit, plantis ne similia sint, quam animalibus?

Quod tamen discrimen, etsi sunt alia huiusmodi, exactius rem indagando, in duobus præcipuè reperiemus consistere, quorum nullum diversam specificationem sensus interioris valet conuincere. Quia nimirum totum acumen, totaque solertia, vel hebetudo alicuius potentia cognoscitivæ primò con-

*De hist. animal.  
lib. 9. cap. 3.*

*Arist. ibid. 6. 7.*

*Cicer. de Natu-  
ra Deorum lib.  
2. non longe à  
fine.*

*Lib. 4. de partib.  
animal. 6. 5.*



constituitur in pluralitate, vel paruitate formarum, quas in obiectis valet pertingere, quod, vt vidimus, non sufficit ad specificationem ipsius potentiae. Deinde, quia secundo constituitur in maiori, vel minori aptitudine naturali, ad exactè, ac diuersimodè copulandas, ac segregandas imagines obiectorum, eliciendasq. propterea distinctiores, aut confusiores cognitiones. Quod solum arguit perfectionem, vel imperfectionem accidentalem, cum per se non dicat varietatem in ijs, quæ sunt de ratione sensus interioris, sed tantum iuxta dispositionem organorum, & exigentiam, aut inclinationem naturæ, melius, aut deterius, seu hoc, vel illo modo in tali specie operari. Vnde quemadmodum habitus acquisiti diuersimodè faciunt potentias operari absque essentiali mutatione illarum in indiuiduo, ita inclinationes naturales, & habilitates diuersæ in tota specie animalis. Quamuis id, quod sensui secundum se omnino accidentaliter conuenit, redundet in proprietatem naturæ specificæ animalis, à qua semper talis, vel talis aptitudo exigitur. Et sicut cogitatiua, aut memoratiua in homine ex eo, quod consortio intellectus, sola valeat circa singularia discurrere iuxta opinionem S. Thomæ; non per hoc ab eodem dicitur specie differre ab alijs, quæ sunt in cæteris animantibus, sed tantum accidentaliter: ita sensus interior in vniuersum loquendo, quantumuis in vna specie animalium sortiatur aptitudinem, quam non sortitur in reliquis, denomineturq. sicut re vera est, in quibusdam acutus; in quibusdam verò rudis, segnis, vel callidus: non propterea censetur specie in illis differre. Quod si cum sagacitate, ac solertia inuoluatur vsus memoriæ, & experientia, absentium præteritorumque cognitio, vnde nascitur observatio quædam materialis, ac docilitas in quibusdam ad imitandum, ac iussa capiendâ; sic certè aliud constituitur discrimen, de quo infra cap. sequenti vberius disseremus.

*Adducuntur tandem rationes quædam diuersitatis, ex quibus varia constituuntur species sensus interioris. Cap. III.*



REIECTIS autem rationibus diuersitatis modo explicatis, non desunt aliæ, quæ tanquam propriæ, & essentielles differentię contrahunt vniuersalem quidditatem sensus interni in interiores species; vt plerique supponunt, cum de interiori sensu sub diuersis nominibus, ac rationibus sermonem instituunt: præsertim omnes, qui plures absolute huiusmodi sensus in eodem animali constituunt. Alioquin eorum placitis inhærendo, frustra multiplicarentur accidentia solo numero distincta ad obscunda munera tam diuersa in eodem subiecto, vt ex diuersis essentialiter actibus, & obiectis, ipsi conantur ostendere. Idemque supposuisse Aristotelem, non obscure innuunt verba illius paulo inferius circa singulas diuersitates citanda.

Primo itaque dicimus, præsentia obiecta, siue intrinseca, siue extrinseca interius posse sentire, vt cunctis animantibus conceditur; & eadem vel similia in absentia quoque posse concipere, quod solum conceditur perfectis; esse rationes formales essentialiter diuersas sub cõmuni natura sensus interioris superius explicata. Ita docent omnes Philosophi, qui phantasyam realiter, & essentialiter distinguunt à sensu communi. Et colligitur apertè ex Aristotele, tum quia est quidem, ait, idem sensitiuo imaginatiuum, esse autem sensitiuo, & imaginatiuo aliud. Vnde concludit, quòd sensitiui quidem est somnare; huius autem quatenus imaginatiuum; tum etiam, nam aliàs rationes, quibus distinguit imaginationem à sensu, non tantum concludunt de sensu exteriori; sed etiam de sensu interiori, quem vocant communem, qui versatur circa præsentia, simul operando cum sensibus externis, ac percipiendo pariter ipsas sensationes illorum.

Qua-

*De somnijs c. 2.*

*Lib. 2. de anima  
tex. 156.*

*Aphrodis. lib. 2.  
de anima cap.  
de phantasia, &  
phantastica vir-  
tute.*

Quapropter eisdem ferme rationibus Aristotelis ad proposi-  
tum applicatis præsertim iuxta dilucidationem Aphrodisæi  
probatur, primo nostra conclusio. Vt puta, quia cessante  
actu, vel etiam potentia ad percipienda obiecta præsentia,  
percipiuntur absentia, vt in somnis; Ac posse interius versari  
circa sensibilia præsentia, vnà cum sensibus externis, planè  
cunctis cōceditur animantibus; percipere autem ipsa eadem  
in absentia, non item. Insuper sensus interior dum præsen-  
tialiter versatur circa sensibilia propria, aut intrinseca, sem-  
per est verus, sicut exterior, cum quo simul operatur; in  
absentia verò sæpissimè fallitur. Denique vbi quid in præ-  
sentia exterius sentimus, interiusque perpendimus, nequa-  
quam illius memoriam, imaginationemue habere dicimur:  
Contra verò si in absentia imaginemur, aut recordemur.  
At esse perceptiuū præsentis dumtaxat entitatis, & existen-  
tiæ obiecti, aut etiam memoratiuum, & imaginatiuum illius:  
esse verum, aut fallacem. Competere cunctis animantibus,  
vel quibusdam tantummodo; cessare per alligationem or-  
gani, vt in somnis, vel nunquam cessare; sunt differentiæ  
essentialis ex æquo ad inuicem oppositæ ratione formalis  
obiecti, aut modi operandi. Ergo sensus interior in communi  
per huiusmodi differentias in perceptione præsentium, & ab-  
sentium obiectorum inclusas, essentialiter distinguitur, &  
contrahitur in vteriores species.

Rursus eadem conclusio probatur. Nam sensus interior  
nulla indiget motione extrinseca, qua excitetur, vel noua  
forma intentionali, qua foecundetur, ad hoc vt conceptum  
aliquem promat absentium obiectorum; sed spontè ipse se  
excitat, suisq. simulacris foecundatus enititur ad cognitio-  
nem edendam earum rerum, quæ absunt, & motuum, qui-  
bus hæcenus sensus exterior, aut appetitus sensitivus erga  
illas operabatur. Ad percipienda verò obiecta præsentia si  
extrinseca sint, indiget tum excitatione, & cooperatione  
sensuum externorum; tum etiam noua similitudine, qua  
vltimò constituatur in actu primo antequam operetur, pro-  
deatque in actum secundum cognitionis illorum. Si verò  
obiecta

obiecta præsentia intrinseca sint, similiter indiget, vel operatione vulgatorum sensuum, vt eorum sensationes, & affectiones in actu disquirat; vel recenti motione appetitus, suarumq. passionum, ac insuper horum omnium nouis, ac distinctis imaginibus, quibus excitetur, ac fecundetur. Quæ planè omnia modum constituunt essentialiter diuersum in ipsa immutatione potentiæ, proindeque duplicem differentiam contrahentem communem rationem sensus interioris, quæ ex se, vt vidimus, abstrahit ab hoc, vel illo modo operandi essentialiter diuerso.

Dicet tamen aliquis, hanc diuersitatem non esse essentialem, sed potius accidentalem; quia neque ex parte obiectorum, neque ex parte actuum formaliter videtur desumi. Cum & obiecta in substantia sint eadem (licet varientur circumstantiæ locorum, aut temporum per præsentiam, aut absentiam) & actus conueniant in ratione cognitionis illorum; quamuis circa præsentia versando, eis addatur extrinseca denominatio simultatis, ac dependentiæ per cooperationem sensus externi, aut appetitus sensitui, quæ non reperitur in actibus versando circa absentia.

Sed facile huic argumento occurritur, negando in primis sensibilia præsentia ab absentibus non differre, vt obiecta sunt, nisi penes diuersas circumstantias locorum, aut temporum, seu relationem simultatis, propinquitatis, & distantiae. Nam præsentia, de qua loquimur, & si requiratur simultatem durationis, ac determinatam quandam propinquitatem inter sensum, & sensibile, iuxta limitationem actiuitatis potentiæ; formaliter tamen consistit in ipsa expositione sensibilis actu existentis, qua sensui exponitur, ac repræsentatur intuitiuè percipiendum; hoc est non modo secundum entitatem essentialem, quam includit, sed etiam iuxta existentiam, quam habet cum suis circumstantiis temporis, & loci, prout est à parte rei, siue propè, siue eminè constituitur, dummodo sit intra sphaeram actiuitatis naturalium instrumentorum; nam & sydera in magna distantia oculis constituuntur præsentia, & propriæ ipsorum

*Tract. 4. cap. 6.*

rum palpebræ in tanta propinquitate putantur abesse. Huiusmodi autem expositio obiecti præsentis, licet secundum esse rei, nihil addat supra actualem entitatem illius, suarumque circumstantiarum; diuersam tamen inuoluit rationem, cognoscibilitatis, ac terminationem cognitionis, diuersumque modum immutandi potentiam, nempe intuitiue, & non abstractiue, vt supra fusiùs explicatum est, ac proinde aliquid censetur refundere in ipsum obiectum, vt obiectum formale est respectu potentie secundum esse cognitum. Cumque sub communi ratione cognoscibilitatis huiusmodi differentie sint essentielles, relinquitur vt ex hac parte essentialiter etiam differant in esse cognito præsentia ab absentibus, & remotis, & multò magis à non existentibus, in quibus per se maior diuersitas apparet.

Nec item cooperatio sensus exterioris, aut appetitus sensitiui censeri debet aliquid extrinsecum respectu actus sensationis internæ quoad specificationem illius, licet physice sint entitates omnino diuersæ. Nam sensatio interna obiecti præsentis, & extrinseci, non modo pendet ab actuali sensatione externa, quia illius interuentu imagines excipit ab obiecto, sed etiam, quia simul ab ipsa terminari debet dum terminatur ab obiecto: proindeque secundum esse cognitum vtrique assimilari, & secundum vtriusque conditionem specificari. Similiter à motibus, ac passionibus appetitus sensitiui, quæ diuersimodè, vt vidimus, terminant in actu, ac secundum suam entitatem abstractiue.

*Tract. 1. cap. 3.  
Cp 3.*

Ex quibus omnibus demum formatur totalis ratio à priori nostræ conclusionis; Nam potentie specificantur per actus, & obiecta, ac etiam per subiecta formalia, vt supra notauimus: Sensus autem interior, qui tantum versari potest circa præsentia cum sensibus externis, secundum hæc omnia differt ab eo, qui etiam circa absentia fertur. Quandoquidem actus illius formaliter semper sunt euidentés, ac intuitiui, includuntque intrinsecam, & actualem dependentiam à sensationibus externis, in quas simul ac in obiecta extrinseca, necessario terminantur, vel certè à motibus appetitus sensitiui

tiui in actu quando circa illos pariter versantur. Istius verò actus, versando circa absentia, formaliter sunt abstractiui, etiamsi existentiam illorum percipiant, nec dependent ab externis, nisi remotè, & extrinsecè. Item obiecta vnius saltem quando sunt sensibilia propria, vel intrinseca, semper representantur formaliter secundum actualem, ac veram existentiam, quam habent in exercitio cum suis circumstantijs temporis, & loci: obiecta verò alterius, quando sunt absentia, vel non existentia, aliter non representantur, nisi formaliter secundum suas entitates, modo quasi abstracto, licet confusè; ita vt etiam existentia, & presentia ipsa similiter concipiatur, quia non apprehenditur cum exercitio, vt supra explicuimus. Denique subiectum vnius, nulla indiget retentione specierum intentionaliū, ac proinde paucioribus dispositionibus formaliter debet muniri, quàm subiectum alterius, quod excipere, & conseruare species in se ipso tenetur; ideoque perfectioribus conceditur animantibus tanquam ordinatum ad gradum essentialē perfectioris potentiaē.

*Tract. 4. c. 6.*

Secundo dicendum est tendere circa obiecta intrinseca, siue presentia, siue absentia, & tendere circa obiecta extrinseca similiter, siue presentia, siue absentia, duas constituere rationes formales specificas in potentia. Probatur autem huiusmodi conclusio ea potissimum ratione, quā superius ostendimus sensationes etiam circa hæc obiecta, specie inter se differre. Etenim sensus interior semper immediatè, & absolutè potest versari circa obiecta intrinseca, nullo adminiculo alterius potentiaē: circa verò extrinseca, non nisi mediante ministerio sensuum externorum. Quo fit, vt & actus ipse sensationis internæ circa extrinseca semper inuoluat cognitionem sensationis externæ tanquam id, à quo habet, vt possit circa illa versari. Sed posse immediatè, & absolutè, vel non nisi mediante alterius ope, sunt differentiaē connotantes diuersas essentialiter potentias. Ergo circa obiecta intrinseca, vel extrinseca dantur conceptus essentialiter diuersi sub ratione potentiaē.

Nec obstat circa obiecta extrinseca æquè immediatè versari sensum internum, ac circa intrinseca, in quantum sensatio externa in rigore non mediat, sed concomitatur. Quandoquidem tota ratio intermedij, quæ in proposito tollit immediationem tendentiæ attenditur potius in actu primo, quam in actu secundo, quatenus ad percipienda obiecta extrinseca, siue præsentia, siue absentia semper potentia indiget specie impressa, & emissæ non quidem immediatè ab ipsis obiectis, sed à sensu exteriori, ac simul repræsentante ipsam sensationem externam, quæ propterea censetur quodammodo mediare per speciem sui vicariam, quasi ad complendam potentiam internam, quæ se sola non poterat circa talia obiecta versari. Quæ omnia non ita se habent cum sensus interior constituitur in actu primo ad percipienda obiecta intrinseca. Siquidem se solo, & immediatè absque alterius ope recipit species ab illis, & constituitur vltimo potens ad operandum, proindeque immediatè pariter censetur circa talia versari nulla interposita cognitione alterius. Quod si adhuc ipsa interior cognitio sensationis externæ, ac motus appetitus inuoluat cognitionem obiecti sensati, vel concupiri, non supponit illam tanquam aliquid intermedium, ratione cuius, seu cuius virtute interior potentia intelligatur constitui in actu primo ad operandum per aliquid immediatè receptum ab illa, quod sufficit ad diuersitatem essentialem formalitatis, de qua loquimur.

Sed contra est, quia si nusquam ab interiori sensu percipi potest obiectum extrinsecum, quin simul per eundem actum percipiatur intrinsecum, nempe sensatio ipsa externa, aut inclinatio elicitæ appetitus, quibus obiectum fuit sensatum, vel concupitum, & è contra, vt dictum est. Ergo per eandem rationem formalem, per quam sensus interior constituitur percipere obiecti extrinseci, constituitur etiam percipere obiecti intrinseci; proindeq. admittenda non est in illo diuersa ratio formalis potentie respectu ipsius. Respondetur tamen ex reali concomitantia perceptionis vtriusque.



utriusque obiecti, non rectè inferri eandem esse rationem formalem potentie respectu alterutri: Nam sensus interior est perceptuius obiecti extrinseci mediante adminiculo sensus externi, ut explicatum est. Est verò perceptuius obiecti intrinseci quatenus immediatè per se, ac nullo alio cooperante potest illud apprehendere.

Tertio. Dicimus versari posse circa realitatem obiecti per modum assensus, aut dissensus, extimando ita esse, vel non esse, quod alias intuituè non innotescit; Et posse illud iuxta apparentiam prout representatur, vel effingitur absolutè concipere, seu imaginari; esse rationes essentialiter diuersas, ac differentias cōtrahentes explicatam quidditatem sensus interni respectu obiectorum absentium in alias vteriores species. Hæc conclusio tota fundatur in ijs, quæ supra tradi- *Tract. 4. cap. 8.*  
dimus agendo de sensatione, quæ propriè dicitur imaginatio, & ea, quæ vocatur extimatio. Ex quibus ne hic eadem *cap. 9.*  
omnino repetamus, breuiter probatur conclusio. Quoniam obiecta formalia essentialiter diuersa, diuersas essentialiter constituunt species actuum, ac potentiarum tendentium ad illa: entitas autem absentium sensibilium, seu quæ præsentialiter, & intuituè non representatur, aliud obiectum formale constituit secundum realitatem, & existentiam, quam exhibet in se habere, vel non habere: aliud verò secundum apparentiam, qua absolutè figuratur interius, æque terminando cognitionem si à parte rei ita sit, ac si non sit, sed mero arbitrio effingatur. Vnde, ut inquit Aristoteles; Secundum imaginationem similiter nos habemus, sicut qui *2. de anima*  
considerant in pictura, scilicet quasi abstrahendo à realitate, ac veritate rei representatæ; sicut etiam qui attendit lo- *text. 154.*  
quutionem alterius, non iudicando de veritate sermonis. Vel qui non vidit Coriscum, ut Coriscum; ut ait idem Philosophus. Quo fit, ut actus imaginationis, & extimationis sint inter se formaliter, & essentialiter diuersi, tanquam figuratio obiecti, ab affirmatione, vel negatione realitatis illius; seu tanquam simplex, aut complexa apprehensio à iudicio opinatiuo. Quamobrem tota deceptio, vel non de-

*Tract. 4. cap. 9.*

*3. Ethic. cap. 4.*

*1. 2. 3. 4. 2. de  
anima.*

ceptio animalis, fundatur, ac formaliter constituitur in extimatione, vt explicuimus. Et appetitus, saltem plenè, & efficaciter, non nisi extimatione formaliter ducitur cum suis passionibus in obiecta absentia, cum non tendat nisi in realitatem obiecti in quantum tale vnèque esse videtur, vt dicitur in Ethicis, ac proinde solam imaginatione non ita ducatur, aut commouetur, vt ex eadem doctrina Philosophi regulimus. Secundum igitur hanc duplicem rationem formalem, quæ reperitur in actibus, & obiectis essentialiter diuersam, duplex constituetur ratio specifica ex parte potentia, altera imaginatiua, ac simpliciter apparentium in absentia, perceptiua; altera verò extimatiua, ac realitatis obiectorum absentium iudicariua.

Sed contra hanc conclusionem obijcitur, quia per simplicem intelligentiam, seu apprehensionem rerum prout absolute intellectui offerantur absque assensu, vel dissensu, & per opinionem, aut scientiam, qua iudicatur de illis; licet diuersa constituantur rationes formales, quibus actus ipsi intellectuius specie differant inter se; Ex hoc tamen nullo modo efficitur, vt & potentia ipsa intellectiua vltèr pariter specificetur in ordine ad illos. Ergo similiter philosophandum erit de ratione imaginationis, & extimationis respectu sensus interioris obiectorum absentium, vt scilicet constituantur quidem actus inter se specie diuersi, non tamen arguant vltèriorem specificationem potentia. Confirmatur, nam sicut quilibet intellectus humanus ex eo, quod ex se prædictas omnes intellectiones elicere potest, non nisi vnica potentia constituitur essentialiter, & in specie; ita similiter quilibet sensus interior, qui versatur circa absentia, hoc ipso, quod prædictas omnes sensationes elicere potest, vnus eiusdem potentia in specie aethoma debet censerì.

Respondetur tamen ad argumentum, actus omnes intellectiuos quantumvis inter se specie diuersos, eundem semper habere modum immutandi potentiam iuxta vnica formalitatem obiecti adequati, sub qua omnes procedunt, nempe entis, vt ens; ac propterea potentia intellectiua vltèr

terius

terius non posse specificari per illos, sicut nec sensus ipse interius in ordine ad sensationes coloris, & saporis, eo quod vnica sit ratio adæquata sensibilis externi, sub qua immutatur per illas. At in proposito non ita rem se habere, quia cum non detur idem obiectum formale respectu imaginationis, & extimationis, quasi aliquid commune entitati, vt reali, & apparenti, sub cuius ratione formaliter imaginatio, & extimatio tendant: nec idem in illo dari potest modus tendentiæ, immutationis, & assimilationis potentiæ; ac proinde nec eadem ratio specificationis. Quamuis enim sensationes omnes internæ conueniant in hoc, quod est versari circa sensibile aliquod intrinsecum, vel extrinsecum, sicut etiam sensationes omnes externæ continentur in perceptione qualitaris sensibilis: Nihilominus quemadmodum exterius constituuntur plures potentiæ sensitivæ specie, & essentialiter diuersæ penes diuersa obiecta formalia, & modos, quibus immutatur sensus ab illis, ita similiter interius. Quia non tam attenditur formalitas obiectorum sub ratione illa communiore in esse cognoscibili, quàm sub peculiari conuenientia illorum in modo, quo cadunt sub sensum, vt patet, verbi gratia, in colore, qui licet eandem rationem qualitaris sensibilis æque participet cum lumine, ac cum odore, similiterq. ab utroque secundum alia prædicata æque distinguatur in esse rei, quia tamen in modo immutandi potentiam, omnino aut magis conuenit cum lumine, coloribusq. apparentibus, vnà cum illis, & non cum odore constituit obiectum formale visus; non quidem secundum rationem illam communem qualitaris sensibilis; sed secundum rationem minus vniuersalem, qua sicut cætera illa, cadit sub sensum, simulq. dicuntur visibilia. Quo fit, vt nobiliores potentiæ, eo quod circa plures rerum differentias versentur, communiorem habeant formalitatem obiecti, iuxta quam immutentur. Et sic potentia intellectiua omnium nobilissima, cum vnicam, & communissimam sortiatur formalitatem obiecti adæquati, vnicumq. modum suæ immutationis, vltterius non potest specificari, sicut sensus internus cui diuer-

simodè omnino conuenit immutari, licet per vniuersaliores formalitates, quàm conueniat sensui exteriori.

Ad confirmationem verò respondetur, nequaquam constitui vnica speciem intellectus humani, ex eo, quod idem intellectus à parte rei cunctas intellectiones explicatas valet elicere, sed quia sub eadem ratione formali elicit illas. Alioquin si diuersa ratione operaretur, & immutaretur, diuersas pariter subiret rationes potentiae. Sicut potentia illuminatiua, & calefactiua solis, quæ in duplici specie constituitur; vel sicut potentia nutritiua, & augmentatiua, attractiua, & expulsiua. Deinde negari potest quemlibet sensum interiorem, qui versari potest circa absentia, omnes dictas operationes obire. Tum, quia non constat in brutis, quæ carent omni actu memoratiuo, an careant pariter extimatione, aut imaginatione; tum etiam quia per morbos quandoque videmus, vnum actum sine altero impediri, ac secundum vnã rationem lædi potentiam, non verò secundum vtramque, vt varijs in locis affert Galenus de ijs, qui memorandi vim penitus amisierunt superstitè imaginatione, & extimatione, ac de ijs, qui oblecta imaginatione, rectè extimabant: alijsq. ritè imaginantibus, non tamen bene extimantibus.

Quarto. Dicendum est in hoc cap. sensum interiorem posse oblecta, siue intrinseca, siue extrinseca hætenus cognita, vt cognita recolere, præteritorumq. recordari, esse formalitatem essentialiter diuersam ab explicatis sub comuni ratione sensus interioris. Ita consequenter docent omnes, qui memoriam distinguunt à phantasia, & extimatiua, seu cogitatiua in homine. Et colligi potest ex Aristotele, qui 2. de anima à tex. 153. vsque ad tex. 162. agens de virtute imaginatiua, eiusq. operationibus, nihil omnino de actibus memoratiuis, aut memoria profert. In proprio autem opusculo de mem. & reminisc. cap. 1. explicans rationem illius, valde diuersam eam constituit à ratione, seu definitione tradita imaginatiuæ, quamuis ad eandem partem animæ vtramque doceat pertinere; pariterq. valde diuersam eam describit ab explicata ratione extimatiuæ. Et primò metaph.

*De differentijs  
symptomatum c.  
8. & lib. 2. de  
caus. symptom.  
cap. ult. & de  
differe. sympto-  
mat. cap. 3. &  
lib. 4. de locis  
affect. cap. 1.*

metaph. cap. i. Quibusdam, inquit, animantibus innasci memoriam, quibusdam verò non innasci. Significans naturalem illam esse perfectionem ab alijs essentialiter diuersam, id quod alibi etiam asseruit, ac probat rationibus, quæ imaginatiuæ, aut extimatiuæ simul non possunt competere. Amplius vero citato cap. de mem. & remin. & sequenti, memoriæ formaliter tribuit posse tempus percipere; nam inquit quæcumque tempus sentiunt, memoria illud sentire, quod minimè in eius doctrina dici potest de imaginatiua, aut extimatiua, si formaliter sumantur, prout explicuimus.

Deinde probari potest conclusio, vnica, ac breuissima ratione: Nam versari animal circa rem, vt hætenus cognitam, falcem confusè, inuoluit cognitionem suorummet actuum, præteritorum tam sensus externi, quàm interni, dicitque vsum, vel peculiaris cuiusdam speciei intèrius impressæ, per quam actus illi, seu sensationes ipsi post factum tempus repræsententur; vel certè eiusdem speciei principalis obiecti cum aliqua modificatione relieta per actum præteritum, prioris cognitionis internæ, vt sic vtrumque simul postea repræsentetur. Vnde ratio præteriti, quam attingit memoria, dicitur à D. Thoma, & alijs repræsentari per speciem non sensatam, hoc est, quam formaliter non hausit ministerio sensuum externorum; sed editam, siue modificatam inuenit in sensorio interiori per antecedentem illam cognitionem priorem, cuius est imago simul ac temporis peracti, & principalis obiecti. Cum igitur non sit opus eiusdem potentie sensitivæ cognoscere suos actus, ac vti speciebus tam varijs diuersimodè afficientibus organa, ac plura sub diuersa ratione repræsentantibus; consequens est, vt diuersa pariter constituatur potentia, vel formalitas essentialis illius ratione cuius competat animali suos cæteros actus cognoscitinos cum differentia suorum temporum simul dignoscere, ac præterea obiecta, vt cognita, rursus apprehendere; ita vt præsentium notiones tam internæ, quàm externæ, & absentium imaginationes, aut extimationes post factum tempus, vt ait Aristoteles, non nisi hac potentia recolantur.

Quan-

Quandoquidem nec sensus communis, nec imaginatiua, nec extimatiua inquituarum cognitionum, imaginationum, aut extimationum suarum poterat meminisse, aut cum anterioritate, vel posteritate transactæ durationis, proprium, ac formalem conceptum elicere.

*Quæ differentia perfectionis essentialis inter unum, & alium sensum interiorem iuxta prædictas diuersitates specificas reperiatur. Cap. IV.*



VM iuxta diuersitatem naturæ specificæ, diuersa pariter sit perfectio essentialis cuiuslibet rei, multiplici iam constituta ratione specifica sensus interni, variam quoque similiter esse perfectionem essentialem ipsius consequitur: ac propterea varij assignandi sunt gradus, quibus in illa vnusquisque sensus interior ab alio differat.

Primo igitur absque controuersia stabiliendum erit, sensum interiorem, qui circa præsentia tantum, ac non nisi actuali ministerio sensuum externorum valet operari, infimum obtinere gradum suæ perfectionis essentialis: tum quia huiusmodi sensus in imperfectissimis quibusq. animantibus reperitur; alij verò secus: tum quia ex se imperfectiori modo circa obiecta versatur, nempe dependenter omnino ab illis, exterioribusq. sensibus in actu, ac per alienam excitationem, nouamq. semper speciem impressam; non autem propria virtute innixus, propriaque specie fecundatus, vt explicauimus in secunda probatione primæ conclusionis cap. præcedenti.

Secundo verò dicendum est, inter sensus interiores, qui versari possunt circa absentia, illum esse nobiliorem, qui ea vt hætenus cognita valet apprehendere, proindeq. memoria nomen sortitur. Quod ex eo probatur; nam talis potestas supponit potestatem cognoscendi obiecta absentia tam  
iuxta

iuxta realitatem illorum per extimationem, quam iuxta apparentiam per imaginationem, vt de quouis modo præteritæ cognitionis valeat recordari. E contra verò extimatiua, & imaginatiua ex se non supponunt potestatem memoratiuam ad eliciendam iteratam cognitionem rei vt cognitæ; ergo huiusmodi potestas memoratiua est perfectio illis superaddita, ac superioris ordinis, nobiliorem constituens sensum interiore, qui ea potitur.

Confirmatur; nam de factò multa sunt imperfectiora animalia, quæ videntur habere imaginatiuam cum extimatiua absque memoria; nullum autem est, quod habeat memoriam absque sensu communi, imaginatiua, & extimatiua. Vnde inter homines etiam, Infantes primis quadraginta diebus somnare constat, (quod est opus imaginatiuæ) sero autem meminisse imaginum, vt obseruat Aristoteles. Rursumque in hominibus experimur quandoque perire memoriam, seu omnino impediri exercitium illius manentibus operationibus imaginatiuæ, & extimatiuæ, non autem è contra, vt eis, qui ex pèssilentia euaserunt, & alijs quibusdam contigisse narrat Galenus. Siquidem ij tum cæterorum omnium, tum sui etiam nominis erant obliui, dum incolumes reliqui sensus perseuerarent. Idemq. nostris temporibus cuidam accidisse Paduæ, cuidam verò Pisauri ex vehementi percussione capitis, hic magnæ pilæ, illic lapidis, multi testantur; cum tamen in hominibus sic affectis nunquam defuisse videretur imaginatio, & extimatio. Quæ certè multò minus vnquam defuere, aut deficere possunt in his, qui polent memoria; Siquidem hæc non potest esse, nisi de re phantasiata, vt ita dicam, seu de re, cuius imaginatio, vel extimatio recolitur. Imò hoc ipso, quod memoria supra actum iteratæ sensationis internæ, nihil addat de formali, nisi concipere obiectum, vt hætenus cognitum, inuoluendo priorem cognitionem illius cum tempore; hoc ipso, inquam, supponit, inuoluitque etiam actualem imaginationem, aut extimationem, vt consideranti patebit. Itaque memoria semper supponit potestatem imaginatiuam, & extimatiuam,

supra

*De Histor. animal. lib. 7. c. 10.*

*Lib. 2. de symptomatum caus. cap. ult.*



supra quas addit perfectiorem quendam gradum cognitionis iuxta prædictam formalitatem.

*Cap. præceden.* Hinc autem rursus idem probatur, quia modus versandi circa obiecta, ut hætenus cognita, dicit usum nobilioris ac defecationis speciei impressæ, ut quæ ex præcedenti sensatione interna fuerit modificata, & relicta; necnon dicit etiam veluti reflexionem quandam supra cæteras omnes eiusdem sensus interni cognitiones præteritas, ut explicuimus, quæ omnia nobiliorem indicant conditionem potentia.

Tertio dicendum est, extimatiuam nobiliorem esse imaginatiuam præse sumpta, prout supra explicata est. Probatur autem primo ex nobiliori formalitate obiecti. Etenim extimatiua de se ordinatur ad attingendam realitatem obiecti iudicando de illo prout est, vel putatur esse; ita ut ad rem nullam earum, quæ temerè videntur, & concipiuntur, sed ad id, quod propriè est, omnino sit ex natura sua conuersa. Imaginatiua verò non respicit, nisi apparentiam cuiusq. rei obiectæ, seu obiectum prout offertur tanquam in pictura representatum, nihil iudicans, num verum sit, an falsum; sed falsum perinde ac verum sibi proponens. Cumque valdè præstet realitas obiecti omni apparentia illius, sequitur extimatiuam quoque imaginatiuam esse præstantiorem. Accedit, quia cum realitate obiecti plures innotescunt simul eius circumstantiæ; pauciores verò cum sola apparentia. Imo ex circumstantiis plerumque cognoscitur aliquid realiter esse tale, vel tantum ita apparere. Et ex hoc in somnijs cum lateant plurimæ circumstantiæ, melius animal imaginatur, quam extimet. Nam tunc sæpe apparet omnino (inquit Aristoteles) putatur autem non omnino, quod apparet. Latius igitur patet, ac nobilius constituitur secundum suam rationem formalem obiectum extimatiuæ, proindeque nobilior censi debet ex natura sua ipsa potentia, prout tendit ad illud.

*De somnijs c. 2.* Præterea idem probatur ex parte modi, quo huiusmodi potentia in sua obiecta feruntur. Nam licet ytraque aliquo modo diuidat, & componat, nihilominus imaginatiua, nisi aliqua

aliqua diuersimodè effingat in homine, intellectus coopera-  
 tione ducta, ac libero voluntatis arbitrio mota, ex natura,  
 sua potius ordinatur ad complexam quandam rerum ap-  
 prehensionem per simplicem quandam, ac materialem,  
 omnino intuitum, prout simulacra multifariè iuncta, vel di-  
 screta, res ipsas imaginantibus anteponunt. Cum è contra  
 extimatiua de se dicat iudicium per modum assensus, & dis-  
 sensus, quamuis materiale, & imperfectum, vt propterea  
 à D. Thoma, & alijs appelletur cogitatiua in hominibus, & 1. p. q. 78. art. 4.  
 ratio particularis, qua vnum ab alio discernunt, & verum,  
 materialiter exterminant ab apparenti, purgando, & quasi  
 expiando ignorationem à sensibus ceteris contractam, ad  
 intellectus imitationem. Et per eandem extimatiuam, quam  
 in homine *Ανθρώπων*, & cogitatiuam appellat Auerroës cum  
 pluribus docet, hominem componere, ac diuidere circa  
 singularia, totamq. vitam principaliter administrare. Quod  
 licet sano modo intelligendum sit, vt supra explicuimus; om- Trañ. 4. c. 11.  
 nino tamen magis extimatiuæ conuenit, quasi componendo,  
 ac diuidendo circa sua obiecta versari, quam imaginatiuæ:  
 qui certè nobilior constituitur procedendi modus absque  
 controuersia in ordine corporearum cognitionum. Quo-  
 niam verò, vt infra dicemus, non datur animal, imò nec  
 sensus interior, qui penitus imaginari valeat, & non extima-  
 re, sicut è contra, extimatioq. pariter cadat circa obiecta  
 præsentia, quæ euidenter non innotescunt, vt sensibilia per  
 accidens; hinc est, vt sicut naturæ, earumque operationes  
 magna affinitate reperiuntur coniunctæ, ita dignitas vtrius-  
 que sæpius confundatur, vel certè difficilius alterius ab al-  
 tera secernatur.

Ex dictis tamen relinquitur inter sensus interiores specie  
 diuersos, Primum, ac supremum obtinere locum memo-  
 riam, Secundum extimatiuam, Tertium imaginatiuam, ac  
 infimum sensum, quem vocant communem.

## TRACTATIO SEPTIMA

De ratione, ac diuersitate numerica,  
seu indiuiduali sensus interioris.



**C**OGNITA communi quidditate, pariterque multiplicitate sensus interioris secundū varias rationes specificas, quas potest participare, superest explicandum, num vnus, vel multiplex ille sit in vnoquoque animali secundum rationem numericam, & indiuidualem, vt non modo per abstractionem prædicatorum vniuersalium, sed etiam iuxta realitatem differentiarum indiuidualium, ac numerum transcendentalem, eius natura exactissime dignoscatur.

*Plures numero sensus interiores in eodem animali à plerisque Philosophis constitui. Cap. 1.*



**E**X Philosophis, qui adæquatè ac figillatim cunctas enumerāt rationes formales ac muneris sensus interioris, Auicenna, Algazelus, Albertus, & alij in quinque illum distribuunt facultates realiter, ac numero distinctas, seu quinque esse dicunt sensus interiores à parte rei, & in indiuiduo sumptos in vnoquoque saltem perfecto animali; nempe sensum communem, imaginatiuam, extimatiuam, phantasiam, & memoriam: Auerroes autem, quem sequitur D. Thomas, Caietanus, & alij, non nisi quatuor esse docet, sensum cōmunem scilicet, imaginatiuam, quam cum phantasia confundit, extimatiuam, quam in homine appellat cogitatiuam, & memoriam. Galenus verò has omnes potentias ad tres dumtaxat reducit, nimirum phantasiam, seu imaginatiuam, à qua

à qua non discernit sensum communem, rationem, hoc est vim iudicatiuam, & memoriam. Quem numerum constituit etiam Gregorius Nissenus, Damascenus, ac Nemefius. Deinde nonnulli recentiores, vt Fonseca, Conimbricenses, & alij duplicem tantum ponunt sensum interiorem, videlicet sensum communem, & phantasyam, ad quam probant reliquas facultates commodè reuocari. Quamobrem sicut ardua est inter hos omnes Auctores de numero disceptatio, ita varia est vniuscuiusque suæ opinionis probatio. Sed ne tot argumenta ab alijs toties repetita, ac partim à nobis repetenda in confutatione eorum, hic inaniter inseramus, prætereunda modo erunt, ijs tantum retentis, quæ ad probandam in vniuersum pluralitatem sensuum internorum ex communi consensu solent adduci.

Primo igitur plures numero constituendos esse sensus interiores in eodem animali, suadet ventriculorum cerebri, eorumque dispositionum multitudo atque diuersitas. Quippe cum non ob aliud instituisse videatur natura tot cellulas, tot accidentium apparatu, ac varietate dissimiles, nisi vt diuersis facultatibus, diuersæ tribuerentur sedes, ac domicilia ad propria vniuscuiusque munera obeunda, vt hinc, verbi gratia, duo anteriores ventriculi humidiores, & corpulentiores esse comperiantur, quia diuersa temperies, diuersumque organum videbatur exposci ad imagines rerum percipiendas in præsentia obiecti; diuersæ verò ad easdem in absentia, conseruandas. Etenim partes humidæ faciliè recipiunt, sed non retinent impressionē; è contra verò siccæ difficulter excipiunt, diutius autem custodiunt. Similiter vt hinc cerebellum sit longè ab interioribus ventriculis in occipitio situatum, ne memoria in suo officio cum apprehensione præsentium confundatur; ac ideo medius ventriculus in centro capitis sit locatus, spiritumque multum contineat elaboratum; nam facultas, quæ præterita cum præsentibus variè debet copulare, aliaque ab vtrisque diuersa effingere, vtrorumque sedium, ac sinuum confinia pateretur, expeditioremque obtineret sui muneris adiutorem, ac simulacrorum lato-

rem,

rem, prout à multis constituitur spiritus animalis.

Secundo verò probatur ex diuersitate operationum, ac munerum, quæ circa sensibilia dignoscenda interius in animali administrantur. Quandoquidem tam varix, ac dissimiles functiones, non videntur ad vnicam tantummodo facultatem posse reuocari, præsertim cum in diuersis animalibus inueniantur separata, & in eodem etiam quandoque separentur, vt in somno, cum deficiunt munia sensus communis, manentibus cæteris: & in morbis quibusdam similiter functiones omnes memoratiuæ, vt hætenus dictum est. Nisi enim hæ ad diuersam realiter potentiam pertinerent, nec in eodem, nec in diuersis animalibus deesse vnquam penitus possent quando adsunt reliqua munia; nam omnium sicut vna esset potestas, ita vnum esset organum, & pars affectio, siue bona, siue mala ad connaturales suas functiones administrandas; Vel saltem si ex parte, & per accidens in vna functione, potius, quàm in reliquis impediretur: non tamen omnino, & vniuersaliter impediri posset: ea ratione, qua imaginationes, aut extimationes deprauantur per morbos, non autem omnino tolluntur, vt in phrenitide, & quouis delirio obseruatur. At vniuersaliter res non ita se habet; nam sensationes, quæ dicuntur sensus communis, in somno penitus impediuntur, ac similiter in quibusdam animalibus, vel morbis recordationes nullatenus exercentur.

Tertio idem probatur; nam animal immediatè à sensibus externis, & obiectis præsentibus diuerso modo interius immutatur, ac remotè, & in absentia. Similiter diuersimodè ab illis, vt cognitis, vel simpliciter secundum apparentiam, aut realitatem, vt agendo de specificatione, supra adnotauimus; Ergo non per eandem, & vnicam potentiam animal cognoscendo interius immutatur. Patet consequentia; nam si diuersitas specifica potentiarum potissimè sumitur ex diuerso modo, quo immutantur ab obiectis, vt constat ex doctrina Aristotelis, multò magis diuersitas numerica ex eodem principio sumi poterit; Etenim, quod sufficit ad disse-

ad differentiam essentialem, multò magis sufficiet ad differentiam indiuidualem. Constitutis igitur pluribus speciebus sensus interioris in eodem animali ex diuerso modo, quo immutatur ab obiectis, totidem eius indiuidua constituenda erunt, quæ tales diuersas naturas participant.

Sed hæc argumenta minus firma reperientur, quàm prima facie præferunt, licet magna omnino sint auctoritate suffulta, neque careant sua probabilitate.

*In eodem animali non nisi vnicum dari sensum internum à parte rei. Cap. II.*



PROBABILIUS ergo existimamus, vnicum tantum esse sensum interiorem à parte rei in eodem animali, qui iuxta munerum varietatem, ac diuersas rationes formales, quas essentialiter includit, varia nomina sit adeptus, ac in varijs speciebus sit collocatus: ita vt multiplex potentia dicatur tum specie, tum munerum, & operationum fecunditate. Hanc sententiam amplexati sunt non modo multi ex antiquioribus, & recentioribus Peripateticis, vt sequenti cap. cum doctrina Aristotelis adducemus, sed ex Platonis, magniq. nominis alij quamplures; Nam D. Augustinus lib. 2. de libero arbitrio cap. 3. & 4. postquam probauit esse quinque sensus externos, docet præter illos dari vnum internum. Item D. Gregorius Magnus 11. moral. cap. 4. sub nomine vnus sensus cerebri, vnicam hanc facultatem adæquatè videtur exprimere cum omnibus muneribus, quæ ab alijs per diuersa vocabula significantur. Ait enim: Cum vnus sit iudex sensus cerebri, qui intrinsecus præsidet, per meatus tamen proprios quinque sensus discernit. Mox verò profectur: Et cum per vnum sensum cerebri omnia disponantur &c. quibus certè cunctas ferè sensus interioris functiones comprehendit. Deinde Plotinus eximius Plonicus in vltimo libro. Quæ & vnde sint mala, phantasyam confundens cum sensu communi, illam in homine, inquit, esse

impulsionem irrationalis partis ab externis illatam. Et Synesius similiter lib. de somnijs capite de potestate phantasiae, illam appellat intimum, ac integrum sensum, qui toto spiritu audit, videt, similiterq. reliqua valet, distribuens vires alias alijs, quæ deriuantur ex animali seorsum.

Probatur autem hæc vnitas realis, & indiuidualis præfatæ potentia, primò ac principaliter ab vnitate subiecti, seu organi, cum semper subiectum in rebus corporeis constituatur principium indiuiduationis, iuxta doctrinam Aristotelis.

Etenim functiones omnes, quæ circa sensibilia dignoscenda ab animali interius administrantur, in vnico constat organo exerceri, in quod, tanquam in ceram, ait Plato, quidquid eorum, quæ aut videmus, aut audimus, aut ipsi excogitamus, & meminisse cupimus, insinuantes, sensibus intelligentijsq. veluti anulis signantes exprimimus. Hoc autem organum communi iam omnium consensu cerebrum consti-

tuitur, vt infra dicemus; quod cum in quatuor sinus, seu cellulas, aut ventriculos distribuatur, ne diuersa per se organa, & membra huiusmodi habeantur, obseruandum est, facultatem illam, quæ spiritus animales ad sensus exteriores pro opportunitate transfundit, ab eisq. rerum simulacra participat, ac in tali munere obeundo sensus communis, vt plurimum vocatur, totam cerebri medullam in quatuor ventriculis distributam necessariò occupare. Quandoquidem ex tota illa, & ex quolibet eius ventriculo coniugationes nervorum progrediuntur per quos spiritus animales demitti, ac rerum imagines excipi inferius ostendemus. Reliquæ igitur facultates si realiter darentur distinctæ, vel situm in cerebro non obtinerent, vel simul eas commorari dicendum esset; quorum alterum omnino est improbable; alterum vero totam rationem multiplicandi potentias ex diuersitate subiectorum, & organorum euerteret. Corroboratur hoc idem, quia si vterque sinus anterior cerebri, morbo quodam afficiatur, qui & Caros, & Sopor nominatur, quamuis reliqui perseuerent illæsi, non vnica tantum, aut duplex, sed simul omnes internæ sensationes statim impediuntur, ac suspenduntur,

*Lib. 1. met. 2. 7.*

*tex. 9. & 10. &*

*lib. 7. cap. 10.*

*tex. 35.*

*In 2. heutenopost*

*med.*

*Lib. 2. metaph. 1.*

*cap. 2.*



duntur, vt demonstrat Galenus. Indicium est igitur, non  
 vnam, aut duas; sed omnes internas sensationes tanquam  
 præcipua in parte, simul in ipsis anterioribus ventriculis  
 exerceri; proindeq. vnum esse adæquatum subiectum, & or-  
 ganum, eandemq. potentiam, quæ in illo cuncta munia ad-  
 ministrat. Diximus autem tanquam præcipua in parte, tum  
 propter magnitudinem, tum etiam propter communicatio-  
 nem maiorem, quæ reperitur in his anterioribus ventriculis  
 cum sensorijs externis. Quandoquidem ex ijs nervi vniuersi,  
 qui ad quinque sensus in faciem demittuntur, ortum ha-  
 bent; ex medio, ac posteriori ventriculo, nervis qui ad ta-  
 ctum, & motum inferiorum ac remotarum partium deser-  
 uiunt, dumtaxat manantibus. Quamuis ex læsione postre-  
 mi, vel medij, eadem pariter noxa respectu functionum  
 omnium contrahatur, vt testatur idem Galenus.

7. de plac. Hipp.  
 cap. 17.

Idemque rursus corroboratur quasi à contrario; nam con-  
 stat per paralytiam, seu quandam resolutionem, aut aliam  
 affectionem factam in cerebro circa ortum neruorum, sæpe  
 alterum ventriculum anteriorem quoad vsum amitti, abs-  
 que eo, quod homo sensu aliquo interno, aut externo priue-  
 tur. Quod idem contingit quando alter ex his ventriculis  
 collisione aliqua, aut vulnere accepto vitatur, reliquo ma-  
 nente illaso. Vt Smyrnæ in Ionia cuidam adolescenti acci-  
 disse narrat Galenus; cum ne temporis (inquit) momentum  
 viuere potuisset, si vtrumque simul vulnus violasset. Non  
 itaque singuli, ac diuersi sinus cerebri, diuersa sunt organa,  
 diuersasq. sibi vendicant sentiendi facultates: sed vnum est  
 totale organum, vnaq. potentia, quæ per amissionem alte-  
 rius tantum ventriculi anterioris, ex eo in nullo penitus mu-  
 nere impeditur. Quoniam ex duobus anterioribus ventricu-  
 lis nihil alter ab altero diuersum continet, geminiq. nervi ex  
 utroq. ad singula exteriora sensoria protenduntur, vt singula  
 æquè cum singulis, atque cum utroque communicent; suffi-  
 ciatq. vnus, si alterum petire contigerit. Quod eadem ra-  
 tione natura prouidit, quia duplicem, non verò vnicum ocu-  
 lum instituit, cum absolute ad videndum vnus sat etiam suis-

8. de vfu par.  
 cap. 10.

set. Quod Basilii Magni animaduertens. In nobis (inquit) Deus præcipua membra gemina esse voluit, binas aures, oculos, manus, pedes; vt alter alterum, quum necesse est, iunaret.

Quod si ex læsione facta in quadam parte cerebri secundum aliquam disconuenientem qualitatem, nonnunquã vnâ solummodo operatio impeditur, non sequitur ceteras operationes alibi exerceri, ac proinde habere organum distinctum; Nam alteratio ibi facta, quæ vnâ sensationem impedit, cæteris non necessariò aduersatur. Quemadmodum nõ ex quacũque læsione stomachi, operationes omnes, quæ in eius ventriculo circa alimentum exercentur à virtute attractrici, retentrici, concoctrici, & expultrici, impediri consueverunt. Quare sicut læsio, quæ cibi retentionem vitiat, excrementorum expulsionẽ non impedit: ita cerebri alteratio, quæ verbi gratia memorandi actus retardat, simplicem apprehensionem nullatenus variat. Cum alioquin connaturale, ac perfectum temperamentum sit omnibus actionibus accommodatum, vt amplius suo loco ex Platone probabitur. Relinquitur ergo vnum esse omnium internarum sensationum subiectum, vnumque organum; quamuis eius varia dissolutio temperamenti, varijs officijs, non tamẽ eadem omnibus aduersetur.

Secundo eadem vnitas potentia principaliter probatur ab operationibus inter se realiter ita connexis, & cõplicitis, ac ita subordinatis, vt à diuersis principijs realiter distinctis, gratis ac frustra dicerentur manare, quãuis diuersas rationes formales includant. Quandoquidem passim contingit, verbi gratia, extimationẽ ferri circa præsentia, præsertim sensibilia per accidens, vt explicuimus, ac præteritorũ memoriam cum præsentium cognitione connecti, & materialiter cõferri, itẽ & imaginationẽ supra euidentiã actualem diuersa effingẽdo, aliquid addere, & similia: Cũq. huiusmodi operationes quãuis formaliter diuersæ, realiter conueniant in hoc, vt omnes sint vsus quidam earundem specierum circa eadem obiecta materialia, hoc vel illo modo dignoscenda, ac ita inter se cõplicentur, vt nec subiecto, nec actione possint omnino separari; non est cur dicamus à diuersis realiter potentijs oriri.

Con-

Confirmatur, quia species haustæ ab externis per sensum communem, recipiuntur & conseruantur in eodem subiecto & organo, in quo est ipse sensus, qui primò vtitur illis; alioquin eius sensatio non esset actus immanens. Cur ergo ipse, si esset realiter distinctus, secus ac reliqui sensus interiores, suis speciebus amplius vti non posset, ac si esset exterior, cuius imagines non perseverant in suo sensorio? Similiter cum imaginatiua, & extimatiua exprimant suas cognitiones, quarum species impressæ ad vsum memoriæ relinquuntur in suo sensorio; cur & ipsæ suis speciebus in proprio organo impressis vti non poterunt ad iterandas easdem cognitiones? Vel si contingat, eodem tempore circa idem obiectum animal imaginari, extimare, ac recordari per species quas habet de illo, quo pacto eadem simulacra tribus potentijs realiter distinctis, simul tunc deseruirent in eodem subiecto? Fatendum est igitur, vnicam potius à parte rei esse potentiam, quæ prout primo sensibilia percipit simul cum sensibus externis, dicitur sensus communis; prout eadem in absentia, iuxta apparentiam concepit; dicitur imaginatiua: prout eorundem realitatem absque euidencia apprehendit, dicitur extimatiua, ac prout hætenus cognita ipsa recolit, dicitur memoria. Quare sicut cum amicum familiarem videmus, per eandem sensationem internam illum recognoscimus; licet distinguere possimus primum intuitum sensus communis cum visu, extimationem realitatis illius, ac memoriam præteritarum cognitionum, quæ confusè cum illo offeruntur: ita ex parte potentiæ licet huiusmodi rationes formales optimè distinguantur; hoc tamen realem vnitatem illius minimè tollit.

Præterea idem potest confirmari; nam totum regimen, vitæ animalis ad discernendas sensationes externas, ad distribuendos spiritus animales, ad applicandas in opportunitatibus proprias facultates, ad subterfugienda molesta, ac prosequenda commoda, vel iucunda, & si quod est aliud vitæ munus necessariò dirigendum; vt plurimum illi sensui à Philosophis demandatur, qui in imperfectissimis quibusque animalibus reperitur, cuiusmodi est sensus communis; vt

nulli eorum defit, quod maximè necessarium est ad propriam vitam traducendam, vt animal est, præuia scilicet cognitione. At si consideretur in hoc regimine, multa inuoluuntur, & implicantur, quæ propria sunt extimatiuæ, memoriæ, & imaginatiuæ, etiamsi cum maxima imperfectione sumantur: ergo vel eadem potentia cuncta munera, exercet, nimirum quandoque perfectius, quandoque imperfectius: vel falso ab omnibus negatur omnis imaginatiua, extimatiua, & memoria quibusdam belluis, vt conchilijs, vermibus, & lumbricis.

Item hoc, quod est percipere tempus, soli memoriæ, vel habentibus memoriam, expressè conceditur; cum tamen, sensus communis percipiendo motum, eiusq. tarditatem, & velocitatem, necessariò censetur percipere tempus, quo extenduntur partes ipsius motus; vnde huiusmodi etiam cognitiones sunt valdè implicatæ, adeo vt melius dicantur ab eadem realiter potentia manare.

Tertio principaliter probatur hæc vnitatis realis potentie ab vnitatis reali sui adæquati obiecti, quod est sensibile internum; nam licet quodlibet sensibile diuersimodè interius obijciatur, in præsentia, verbi gratia, atque in absentia, cum imaginamur, aut recordamur; nihilominus à parte rei semper est idem, quod obijcitur, & percipitur, siue absens, siue præsens, siue prout realiter in se est, siue prout apparere contingit. Vnde idem calidum, idem coloratum, vel aliud sensibile percipi potest per sensationem communem, per imaginationem, extimationem, & memoriam. Nec est aliqua ratio formalis ex parte obiecti tam propria respectu vnius modi, quo obiectum ipsum percipitur, quæ pariter non sit composibilis cum alia. Quia talis est subordinatio inter modos, quibus obiecta cadunt sub sensum, vt semper priores in posterioribus, ac perfectioribus aliquo pacto includantur; nam & imaginatio, & extimatio, & memoria versari possunt circa obiecta sub formalitate præsentia; sicut etiam extimatio, & memoria versari possunt circa imaginabilia, fictitia illa extimando, vel vt talia recolendo:

& me-

& memoria cōfequenter circa extimabilia, vt iam extimata, ſicut circa omnia quouis modo iampridem cognita, & ſenſata. Cum igitur eadem potentia, quæ perfectiorem modum ſibi vendicat tendendi in obieſta, reliquos omnes virtute contineat, ita vt eadem obieſta ſub quacumque formalitate ſuo modo attingat, non eſt cur illam realiter diſtinguamus à cæteris potentijs ei ſecundum noſtrum modum concipiendi per diſtinctionem ſpecificam ſubordinatis.

Quod ſi modi illi adhuc diuerſi maneant, ſi omnino conceptus eorum immixtè ſumantur, hoc quidem arguit diuerſitatem ſpecificam, quæ in potentijs attenditur iuxta rationes formales ſub quibus tendunt, & immutantur ab obieſtis; non tamen arguit diuerſitatem realem, & numericam, ad quam amplius requiritur, vt modi, aut formalitates illæ, ſint etiam realiter ab obieſtis diſtinctæ. Qua ratione ſenſus exteriores conſtituantur ſpecie, & numero diuerſi, quia corpora per diuerſas eſſentialiter, & realiter formas illos immutant, nec forma coloris, verbi gratia, ſub qua tendit viſus, cadere poteſt aliquo modo ſub olfactum, vel auditum, ac multo minus ſubordinari poſſunt inter ſe munera vniuſcuſque, vt omnia ab vno dicantur prodire, vt calefactio, & illuminatio ſolis ab vnica eius virtute ſimul calefactiua, & illuminatiua.

Relinquitur ergo, ſenſationes omnes interiores propter vnitatem realem obieſti, ac ſubalternationem modorum, & formalitatum ſub quibus feruntur in illud, ab vnica tantum potentia realiter manare, quæ multiplex dicitur metaphyſicè iuxta explicatas diuerſitates, ſicut actio, & paſſio; via accliuſ, & decliuſ; & naturalis potentia, quæ ponitur etiam in ſpecie ſenſibilis qualitatis.

Quoniam verò non omnis ſenſus interior in quolibet animali munera omnia explicata exercet, neque ſub tot rationibus formalibus circa ſua obieſta procedit; imò nec tot ſenſibilia materialia valet attingere: notandum eſt, ſenſum interiorem in vniuerſum ita ſe habere in animalibus, ſicut anima in vniuerſum ſe habet in his, quæ viuunt. Porro in quo-

libet viuente, vna tantū numero est anima, quæ si vegetare, solū tribuat, dicitur vegetatiua; at si sentire pariter, & vegetare, dicitur sensitiua; quod si supra hos effectus formales addat etiam ratiocinari, dicitur anima rationalis, quæ virtute, & eminenter duas priores continet. Similiter igitur in quolibet animali vnus est numero sensus interior, qui si præsentia tantū percipiat, dicitur sensus communis; si verò absentia pariter, prout sunt, vel apparent, dicitur virtus imaginatiua, vel extimatiua; quod si amplius præteritorum, vt quæ hæcenus cognouit, dicitur memoria, seu memoratiua. Et quemadmodum anima vegetatiua, ita essentialiter differt à sensitiua, & vtrique ab intellectu, vt & separatæ earum rationes inueniantur in pluribus indiuiduis, & coniunctæ realiter in eodem: similiter ita quælibet virtus, seu ratio inferior sensus interioris ab alijs essentialiter differt, vt absque perfectioribus reperiatur seorsum, & cum illis in eodem indiuiduo aliàs realiter identificetur.

*Eadem unitas numerica sensus interioris probatur de mente Aristotelis. Cap. III.*



AM verò, quid Aristoteles circa propositam quæstionem senserit, dubitari forsitan posset; videtur enim ex vno capite supponere omnimodam diuersitatem inter aliquos sensus interiores, tum quia 2. de anima circa finem, seorsum, & ex professo agit de sensu communi, deinde de imaginatione, tanquam de diuersa omnino facultate, ac tandem de memoria in peculiari eius opusculo: tum etiam quia lib. de sensu, & sensibili cap. 2. ac lib. 2. de partib. animal. cap. 1. & alibi. Sensum communem in corde, vel in parte, quæ cordi proportionem respondeat, videtur locasse; cum tamen memoriam, aut imaginationem nunquam in corde locauerit, sed potius in capite memoriam locari insinauerit circa finem opusculi, quod de ea, ac reminiscencia inscripsit:  
nam

nam quibus superiora maiora sunt, hos minus memoria valere tradidit, eo quod potius multum in sensitiuo habeant.

Verum ex alio capite planè colligitur iuxta solidiorem interpretandi modum, nunquam Aristotelem realem distinctionem inter sensus interiores eiusdem animalis admisisse, sed tantum diuersitatem quandam munerum, habituumque, aut passionum eiusdem potentiae sub diuersis nominibus exposuisse: ac per plures conceptus essentiales in ordine ad illa de sensu interiori sermonem habuisse. Etenim lib. de somnijs cap. 1. Et quidem (ait) idem sensitiuo imaginatiuum: esse autem sensitiuo, & imaginatiuo aliud. Quasi diceret, idem esse à parte rei; formaliter verò siue essentialiter differre. Quandoquidem particula (idem) connotat physicam identitatem potentiae; particula verò (esse diuersum) connotat formalem, ac essentialem distinctionem, qua saepe etiam idem distinguitur à se ipso, si variè, ac respectu diuersorum sumatur, vt actio, & passio; via acclinis; & decliuus. Quod certè ipsemet Aristoteles confirmat ibidem paulò post concludens, manifestum esse, quod sensitiui quidem est somnare, huius autem quatenus imaginatiuum. Hoc est quatenus per talem operationem, imaginatiui munus exercet. Quemadmodum eadem potentia intellectiua ab eodem Aristotele etià opinatiua secundum diuersas operationes paulò ante vocata fuerat, cum dixit. Non est opinantis, neque intelligentis passio hæc, quam vocamus somnare. Simili namque loquendi modo vsus fuit idem Philosophus 3. de anima tex. 29. cum dixit; Non aliud est appetitiuum, & fugitiuum, sed esse aliud est. Ac si diceret, eadem est potentia à parte rei, quæ appetit, ac respuit obiecta; essentialiter tamen, diuersa est, si modò, vt appetitiua, modò verò, vt fugitiua consideretur.

Per sensitiuum autem ibi certè Aristoteles significat sensum communem, quem & primum sensitiuum consueuerat nominare, id quod ex eodem loco colligitur; nam sensitiui (inquit) est, somnare, utique cuius est dormire; nempe sensus communis, vt ipse docuerat cap. 2. de somno, & vigilia.



gilia. Quoniam verò somnare importat circa absentia, ac fictitia quædam versari, idcirco addidit, quatenus imaginatiuum. Quod si sensus communis non esset idem in re cum imaginatiua, nullo modo illius esset somnare per Aristotelem. Rursus autem clarius id ipsum omnino docuit de sensu, & sensibili cap. 8. in fine, dicens: idem & vnum esse numero sensitiuum omnium, ipsum esse tamen alterum, & alterum; horum quidem genere, illorum verò specie. Quare, & sentiet utrique simul eodem, & vno (scilicet animal) ratione autem non eodem. Quia nimirum nunc sub ratione imaginatiuæ, nunc verò sub ratione sensitiuæ, aut memoratiuæ operatur.

Deinde præclarum est eius testimonium in lib. de mem. & remin. cap. 1. vbi Philosophus primo (inquit) memoriam, sensus passionem, aut habitum esse; rursusq. inferius phantasma etiam communis sensus passionem esse, indeq. colligi, memoriam primi sensitiui per se esse, & cuius imaginatio est. Quare concludit: Cuius igitur eorum, quæ animæ, memoria sit, manifestum est, quod cuius & imaginatio est. Quibus aperte significat tam actuale, vel habituale memoriam, quàm actum phantasiæ, seu phantasma, quod vocamus imaginationem, ad primum sensitiuum, seu sensum communem pertinere; quatenus scilicet identicè ad vnâ animæ potentiam istæ omnes passionem, & actionem referuntur.

Atque iuxta hæc optimè intelligitur, cur Aristoteles 2. de anima tex. 160. imaginationem, hoc est actum imaginatiuæ; non verò ipsam facultatem phantasticam, seu imaginatiuam definiat; imaginationem asserens esse motum quendam factum à sensu, actu; quia nimirum talem facultatem non crederet à communi sensu distinctam. Imo per sensum in illa definitione, vt Philoponus cum alijs Græcis interpretatur, planè intellexit sensum communem; non autem absolute sensum exteriorem. Alioqui etiam sensatio, quæ dicitur propria sensus communis, esset motus factus à sensu exteriori, prout intromissione specierum excitatur ab illo.

Et sic

## TRACT. VII. CAP. III. 283

Et sic non distingueretur per Aristotelem ab imaginatione, quæ sanè procedit post ipsum primum actum sensus communis, seu illo supposito. Vnde postquam Aristoteles de sensu communi egerat, deque eius prima operatione, quæ versatur circa præsentia simul cum sensibus externis, statim aggreßus fuit hanc aliam operationem, quæ versatur circa absentia, & secundum quam phantasma aliquod, hoc est visum, seu apparentiam in nobis fieri dicimus, vt ipse ait tex. 155. Quare tex. sequenti ad distinctionem subiungit, sensum semper adesse, imaginationem verò non semper. Quod minimè dixisset si facultatem illam fore existimasset, quia non minus, quàm cæteras potentias semper adesse supposuisset. Itaque per imaginationem intellexit motionem sensus interioris in actu, secundum quam aliquid intus apparet.

Præterea his omnibus consentanea sunt, quæ docuit 2. de anima tex. 32. & 162. & lib. 3. tex. 48. in quorum primo loco dicitur, quædam animalia sola imaginatione viuere, quod apertè falsum esset, & contra ipsum Aristotelem, si imaginatio ab eadem potentia sensus communis non prodiret; cum sensus communis ab ipso nulli animantium denegeretur; Et in secundo loco significatur, animalium operationes secundum imaginationem dirigi, brutorum quidem semper, quod mente careant; rationalium verò cum ea non vtuntur; vnde tertio loco imaginationem ponit inter principia prosecutionis, & fugæ; dum appetitum ad vtrumque excitat. In quibus certè inuoluitur tam munus sensus communis, quàm extrinsecis facultatis, proindeq. falsa illa essent, si nomine imaginationis, quamlibet sensationem internam tanquam ad eandem potentiam numero pertinentem non comprehenderet. Quare in præmio librorum metaphysicæ postquam dixisset de prudentia, qua nonnulla animalia gubernantur, cætera inquit imaginationibus, ac memorijs viuere.

Hanc interpretandi rationem tenuit primò vniuersa Græcorum familia, secutiq. sunt alij tum veteres, tum recentiores Peripatetici, qui explicatam vnitatem realem sensus interiori

terni eodem animali tuentur. Nam Philoponus in sua Theoria exponens textum 144. Aristotelis 2. lib. de anima: Idem, inquit, imaginatiuum dicit, & sensum communem. Et Simplicius in tex. 153. Imaginationem, ait, iuxta sensum Aristotelis ad memoratricem facultatem pertinere: cum paulò ante de propria sententia dixisset, animal secundum imaginatiuum; & sensum communem, eodem organo uti, non quatenus sensitivum, sed quatenus phantasticum. Quod & Alexander docuit primo de anima cap. 19. cum ait, Vis autem phantastica, subiecto quidem eadem est cum sentiente, sed ratione differens, quod quatenus sentiens circa præsentia sola operatur; quatenus autem phantastica circa absentia quoque. Item ac Themistius lib. 1. de mem. & remin. c. 10. Phantasiam, inquiens, & memoriam subiecto eandem esse, quod utraque communis sensus affectio sit. Vnde cap. 6. eadem, dixerat, de mente Aristotelis nos animæ particula recordari, qua sentimus.

Alensis verò 2. par. quæst. 70. memb. 2. docuit, sensus internos verè non esse plures potentias, quamvis ob diuersitatem modi operandi, plures dicantur. Idemque tenent doctissimi recentiores, Ruuias, Dandinus, & alij.

Ad rationem autem dubitandi in contrarium de mente Aristotelis, dicendum est, seorsum in illis locis ipsum Philosophum de sensu communi, de imaginatione, ac memoria tractasse secundum diuersos conceptus essentielles, ac diuersos modos operandi eiusdem potentiæ, ea ratione, qua seorsum pariter egit de actione, ac de passione in diuersis prædicamentis; ac de calore, vel simili, quatenus naturalis potentia, & impotentia, & quatenus sensibilis qualitas seorsum sub diuersis speciebus qualitatis. Quod autem sensum communem posuerit in corde, & memoriam in capite, non omnino constat, ut commodius infra discutietur, cum de sede, & organo huius potentiæ sermonem instituerimus.



**N**VNC autem ex dictis soluenda sunt argumenta supra in contrarium facta, & ad primum dicendum est, cunctos cerebri sinus, aut ventriculos, vnum constituere adæquatum, ac integrum organum: siquidem omnes inter se propinqui, ac subordinati sunt, similemque continent quasi medullæ substantiam, atque ex omnibus soboles progrediuntur neruorum, prout ad functiones sensus communis, receptionemq. cunctarum imaginum opus erat; omniaque propterea munia internarum sensationum ibidem exerceri; secus ac de externis sensationibus experimur; quæ sicut organa sortiuntur distantia, ac inter se omnino independentia, & separata, ita singulæ secundum species suas in singulis sensorijs exercentur, singulasque postulant facultates, à quibus exerceantur. Quod si diuersa sit ventriculorum temperies, utpote molliores reliquis anteriores, ac densior, & ficior postremus: similiterq. diuersa sit capacitas, & magnitudo cum reliquo accidentium apparatu: hoc plane non organorum diuersitatem, sed partium aptitudinem potius arguit, ad componendum vnum ac integrum organum. Siquidem his omnibus eadem potentia indiget ad excipienda, & conseruanda varia simulacra, quæ sicut durioribus, aut mollioribus neruis pro sua qualitate naturæ interius perferuntur; ita humidiori, aut ficiori medulla indigent, ut connaturalius conseruentur. Non enim parua habet similitudinem intima illa neruorum substantia, quæ veluti arborum medulla duabus membranis tanquam duplici cortice obuoluitur, cum substantia seu medulla cerebri, vnde oritur. Et visa est natura adaptare temperamentum vehiculi cum temperamento sedis iuxta diuersa simulacrorum genera; quia non vniuscuiusque generis eadem est exigentia dispositionum in subiecto. Nam tactilium simulacra, præsertim quæ ab inferioribus partibus corporis veniunt, plurimo

plurimo indigent spiritu animali, solidioriq. substantia, tam in cerebro, quàm in nervis: colorum verò, ac cæterorum, sensibilem, tenuiori, & crassiori. Et quod attinet ad facilitatem, vel difficultatem impressionis, aut conseruationis, ut optimè Fernelius cum Theophilo aduertit, sat est, eandem organi partem tali affectam esse temperamento humiditatis, ac siccitatis, ut non difficile imagines recipiat; receptas verò diu conseruet. Non ergo ob diuersitatem qualitarum, quæ in diuersis ventriculis obseruantur, diuersa ex illis constituenda sunt organa; ac proinde multiplicandæ sunt facultates, quæ in illis operentur; cum vnum sit totale organum, vnaq. potentia, quæ in vno ventriculo quasdam, in alio verò alias imagines excipit, & conseruat, atque omnes in alio cum opus fuerit, confert. Quare non rectè sensus communis ab aduersarijs in anteriori parte cerebri collocatur; memoria verò in posteriori, & sic de alijs. Id, quod optima etiam obseruatione confirmatur. Nam præclaros viros nouimus, qui in anteriori parte cerebri aliquando percussi, magnam memoriæ noxam experire; nullam verò reliquarum sensationum, quod non ita fuisset, si memoria non nisi in posteriori parte, quæ cerebellum dicitur, exerceretur.

Ad secundum responderetur, separationem internarum, functionum circa sensibilia dignoscenda, siue in diuersis animantibus, siue in eodem variè affecto, non necessario arguere diuersitatem potentiarum in indiuiduo; tum quia etiam munera animarum vegetatiuæ, & sensitiuæ reperiuntur omnino separata in plantis, & in brutis, & nihilominus ab vnica anima intellectiua administrantur in homine; tum etiam, quia opus, quod exercetur medio instrumento, quando impeditur in parte, non arguit partitionem potentiæ, sed alterationem aliquam in instrumento. Ut cum in ventriculo viariatur, vel impeditur concoctio alimenti, non impedita retentione, vel expulsionem, propter alterationem quandam, ibi factam, quæ non omnibus officijs eiusdem potentiæ obest. Sic igitur, siue per somnum impediatur munus sensus communis, siue per morbum quendam hoc vel illud officium,

circa

circa memorabilia, aut imaginabilia, vt sæpe adduximus ex Galeno: Ex hoc tamen non conuincitur, huiusmodi munera ad diuerſas numero potentias pertinere. Idemque dicendum eſt in ijs animalibus, quæ cum tali interioris ſenſus diſpoſitione, ac naturali conſtitutione naſcuntur, vt ad quædam duntaxat, non ad omnia valeant ſentiendo pertinere. Quamuis magnum diſcrimen ſit, memoria, verbi gratia, per accidens priuari, ac illa naturaliter carere; nam primum dicit ſolam alterationem organi, ſecundum verò dicit ſpecificam diuerſitatem potentia, cui iuxta munera, quæ debet obire, diuerſa adaptantur naturalia inſtrumenta. Verum, nec vnum, nec aliud tollit, quin operationes quorquor illæ ſint in eodem indiuiduo excitatæ, ab eadem numero potentia oriantur.

Ad tertium reſpondetur, ſpecificari quidem potentias per diuerſum modum, quo ab obiectis immutantur; non autem ſimul per idipſum indiuiduari; nam ad hoc amplius requiritur diuerſitas ſubiecti, vel organi, ac independentia, vnius modi ab alio, quod perſpicuè apparet in ſenſibus externis, quorum quilibet non ſolum diuerſimodè, ac alius immutatur; ſed diſtincto, ac ſeparato penitus vtitur organo, abſque ſubalternatione vnius modi, vel actus reſpectu alterius. Quod minimè contingit interius, vbi licet ſenſus diuerſimodè operetur, & immutetur verſando circa ſua obiecta; omnino tamen omnes ſenſationes in eodem organo elicit cum ſubalternatione, & complicatione, quam ſupra explicauimus. Quare ad conſtituendas plures potentias numero diuerſas, non tam modos, quibus immutantur, diuerſos, quam ſubiecta, & organa diuerſa, actusq. non ſubalternatos oportebat adducere. Et hac ratione viſus vnius animalis, quamuis eodem prorsus modo immutetur, ac viſus alterius, ſola diſtinctione ſubiecti indiuidualiter, ac numero differt ab illo; cum è contra virtus natiua ventriculi, quantum diuerſimodè immutetur per attractionem alimenti, per concoctionem, aut expulſionem; quia tamen eodem inhaeret ſubiecto, eodemque vtitur inſtrumento ſpiritus vitalis

cum

cum subalternatione suarum operationum; ideo non multiplex, sed vna constituitur numero realis potentia.

*Differentiam indiuidualem sensus interioris quandoque maiorem, vel minorem perfectionem illius includere. Cap. V.*



VONIAM vero sensuum interiorum, non modo plurimorum animalium specie differentium, sed & aliorum, quæ solo numero distinguuntur, tanta est varietas, tantaq. in explicatis muneribus obeundis disparitas, vt plus quâdoque indiuidua inter se, quàm species ipsas discrepare videantur ad inuicem. Explicandum superest, num omnes sensus interiores eiusdem speciei, vt in hominibus, vel in equis, eiusdem pariter dignitatis, ac perfectionis indiuidualis censendi sint, solaq. organorum maiori, vel minori aptitudine, ac dispositione diffideant; an verò intrinseca quoque perfectionis disparitate, quæ cum differentia indiuiduali, ac numerica inuoluatur.

Qua in re primò dicendum est, frequentius sensus interiores eiusdem speciei, quoad perfectionem operationis inter se discrepare sola diuersitate corporeæ organizationis, primarumq. qualitatum, non eadem temperie. Id quod apertè colligitur ex generali doctrina Aristotelis 1. de anima tex. 64. & lib. 2. tex. 92. & sect. 31. problem. quæst. 14. Et certo indicio quisque potest probare si diligenter attendat quàm variè idem numero sensus interior eiusdem animalis in diuersis locis, temporibus, & affectionibus constitutus valeat operari. Nam & eundem hominem experimur, nunc promptiorem, interius sentiendo, inueniri; nunc verò segniorem; nunc morbo aliquo, humorumque dissentione, aut commotione, ingenij ac memoriæ excellentiam ammittere; nunc verò purgationibus quibusdam, locorum, vel aeris mutatione conualescere, & in pristinum redire: nunc organorum, & in-



& instrumentorum exiguitate, vt in infantia, ac pueritia, in multis sensationibus præpediri: nunc verò ampliora organa allecutum, perfectius operari, vt in iuuentute, aut virilitate. Quod si idem numero sensus hanc diuersitatem patitur ratione organizationis, ac temperamenti in eodem animali, vt fufius, ac magis in particulari infra dicetur; Quanto magis <sup>lib. 2.</sup> plures numero sensus in animantibus tum numero, tū etiam specie diuersis, eandem disparitatem propter eandemq. rationem patientur? Siquidem non parua obseruatur differentia inter organizationē cerebri humani, & aliorum quantumuis perfectorum animalium: & inter organizationē vnius, atque alterius belluæ siue diuersæ, siue eiusdem speciei, quod pariter de temperamēto ex multis indicijs apertè colligitur.

Secundo tamen dicendum est, nō omnes sensus interiores solò numero diuersos, necessario æqualis esse perfectionis indiuidualis, quamuis in dignitate, ac perfectione essentiali, seu ratione specifica, omnes omnino pares illi sint; atque hinc etiam diuersitatem, ac disparitatem sensitiuarum operationum nonnunquam procedere. Fundari autem potest hæc assertio primò in opinione satis probata de inæqualitate animarum intellectualium quoad perfectionem indiuidualem; nam consequenter illa extendi potest etiam ad animas sensitiuas: ac si huiusmodi animæ ponantur inæquales in perfectione indiuiduali; negari non posset in potētijs quoque illarum nonnulla disparitas, cum quælibet facultas animæ, ipsius perfectionem secundum proportionem sui esse in omnibus comiteretur, ac digniori substantiæ virtus melior in suo genere debeat ad operandum, quando ex se illam sibi vendicat tanquam propriam passionē, vt in proposito contingit loquendo de sensui interiori, qui præcipua est facultas animæ sensitiuæ. Probatur autem inæqualitas animarū intellectualium quoad perfectionem indiuidualem multis argumētis, tum à Thomistis ferè omnibus cum D. Thoma, tum ab Aegidio, Alberto Magno, Riccardo, & Abulensi cum alijs, Adestque auctoritas Doctōrum Parisiensium, qui animarum æqualitatē articulo quodam damnauerunt, vt refert Henricus Gandauensis, & Durandus. Quoniam, inquit, alioquin anima Christi Do-

*In 2. dist. 21.  
q. 2. art. 1.*

*Distin. 32. q. 2.  
art. 3.*

*1. p. quest. 85.  
art. 7.*

*Sapient. 2.*

mini non esset perfectior anima Iudæ. Et D. Thomas affirmat, animam primi parentis perfectiorē fuisse, quā animam Euz, propter proportionem, quam seruabat ad corpus, quod perfectius erat. Vnde S. Doctor vniuersaliter tradidit, vnam animam in sua creatione, tantò esse alia nobiliorem, quanto nobilius est corpus, ad quod destinatur ratione suæ organizationis, ac temperamenti. Manifestum est enim (alibi etiam inquit) quod quanto corpus est melius dispositum, tanto meliorem sortitur animam. Quibus accedit illud Salomonis. Puer eram ingeniosus, & sortitus sum animam bonam, vbi de bonitate, ac perfectione naturali omnino sermo esse videtur.

Deinde inæqualitas sensuum interiorum quoad indiuidualem perfectionem, immediatè suaderetur ex eo, quod sæpe in corporibus æquè dispositis, in quibus nullū prorsus discrimen appareret in temperamento, aut membrorum organizatione, siue alijs, quæ ad sentiendi munia quoquomodo deseruiant; magna reperitur internarum sensationū disparitas in modo, ac perfectione operandi, etiam secluso omni habitu acquisito, aut alia ratione diuersificante. Vt perspicuè nonnunquam obseruari potest in simillimis natis, præsertim gemellis, qui estò si eodem sanguine procreati, ab eisdem parentibus editi, eodemq. alimento enutriti, ac eodem in solo vitam traducant: ex quibus nulla temperamenti, aut organizationis appareat, vel excogitari possit diuersitas: Vnus tamen magis memor, alius magis obliuiosus conspicitur; solers vnus, alter ignauus; tantaq. est in illis varia cognitionum, morumq. aptitudo, atque conditio, vt Galenus libro Quod animi mores cap. 2. certò concluderet; illos non minus animorum essentia, quam proprijs actionibus discrepare: & in cap. ult. eiusdem operis simili peracto discursu. Quid enim, inquit, commune est inter beneuolum puerum, & inuisorem; inter misericordem, & malis alienis insultantem; omnia timentem, & audacem; stupidissimum, & sagacissimum, veridicum, & mendacem? Fatendum est igitur, inter sentientes facultates interiores vnus, atq; alterius, sicut & inter ipsas facultates, & animas intellectiuas, quandoq; magnū esse discrimen perfectionis in indiuiduali vnuscuiusq; differētia inclusum,

sum, ex quo disparitas huiusmodi operationū per se oriatur.

Quod si Aristoteles locis in prima conclusione citatis, defectum, aut præstantiam operationum, quæ ab eadem potentia secundum speciem exercentur, soli defectui, aut perfectioni organorum adscribendam putauerit, profectò non absolutè, sed ut plurimum ita esse, intelligendum est. Illud tamen hic adnotando, quum in subiecto eque disposito meliores operationes cognoscitivas exerceri videmus propter maiorem perfectionem potentia, id non esse à natura intentum; sed per accidens contingere, cum ex se perfectior potentia ad perfectius subiectum ordinetur, licet hoc possit per accidens contrariū à maiori sua perfectione degenerare, absque eo, quòd similiter degenerent operationes, in quibus semper emicat maior perfectio potentia, nisi notabiliter ab imperfectione subiecti impediatur, ut in amentibus, & obliuiosis.

A priori autem idem probatur; nam quemadmodum genera contrahuntur per differentias específicas, in quibus ut plurimum includitur aliqua ratio inæqualis perfectionis, ita etiam species contrahuntur per differentias indiuiduales, in quibus includitur, vel saltem includi potest aliqua ratio inæqualis perfectionis. Sub eadem igitur communis naturæ specifica sensus interioris quandoque dantur, vel dari possunt sensus interiores, magis vel minus perfecti, ratione suæ intrinsecæ differentia indiuidualis.

Nec sequitur ex hac doctrina, ut aliqui putant, sensus interiores, aut cætera indiuidua ulterius contrahi, ac distingui essentialiter posse per gradus perfectioris, aut imperfectioris entitatis, tanquam per alias differentias essentielles in alias ulteriores species (quod planè absurdum esset, totamque indiuidui rationem euerteret) Quandoquidem in proposito ita supponitur natura communis sensus interioris contracta ad indiuidua, ut solum comparentur differentia indiuiduales illius inter se, quatenus æquales, vel inæquales perfectiones includunt. Cumque omnis huiusmodi perfectio, siue æqualis, siue inæqualis respectu alterius, semper sit aliquid inclusum in differentia indiuiduali, intrinsecè connotans singularitatem; nullo modo contrahere ulterius potest naturā tanquam

differentia essentialis, quæ certè debet esse vniuersalis, & habere rationem prædicati superioris. Quod si abstrahi dicatur sola inæqualitas, tanquam differentia vniuersalis, adhuc nihil cõcluditur, quia talis differentia caderet supra perfectionem singularem ipsius naturæ indiuiduatæ, tanquam supra genus vltèrius contrahendum: nullum autem singulare potest habere rationem generis, quod est vniuersale, nec prædicata abstracta contrahunt, ac determinant singularia; sed potius contrahuntur, ac determinantur ab illis per suas differentias indiuiduales. Gradus igitur perfectionis indiuidualis, licet sit similis, aut dissimilis; æqualis, aut inæqualis alteri; eius tamen conceptus non est communicabilis tanquam vnum participatum à pluribus, quia semper inuoluit intrinsecam singularitatem, quæ communicari non potest, nec abstrahi tanquam natura vniuersalis.

Contra tamen obijci potest, quia datis nonnullis sensibus interioribus equalibus in perfectione indiuiduali, sequeretur plus eos differre ab alijs inæqualibus, quam ad inuicem inter se; ac propterea naturam omnibus communem habituram rationem generis, vel speciei subalterne; perfectionem verò diuersam, ratione differentie contrahentis, per quam æquales conuenirèt inter se, & distinguerentur ab alijs. Sed facile occurritur dicendo, maiorem perfectionem aliquorū sensuum internorum, nullum conceptum omnino distinctū ac nouū addere supra naturam specificā illorum, sed tantum prædicatum quoddā transcendente, quo eadē natura exprimitur magis talis. Nā sicut perfectius calidum, dicitur quod est magis calidum, ita perfectior memoria, verbj gratia, dicitur eius, quod est magis memoratiuum; quāuis hic non intercedat propria intentio qualitatis. At differentie essentielles aliquid omnino diuersum debent addere, & non tantū reddere idem magis, vel minus tale: nam ideo ab Aristotele dicuntur conceptus omnino simplices, & extra essentiam generis cui adduntur ad constituendas species diuersas. Cum itaque maior perfectio indiuidui semper inuoluat eandem naturam indiuidualem, nullo modo poterit illam vltèrius contrahere, sicut nec magis, & minus, vllam speciem valet mutare. Quod si dicatur  
hoc

hoc de solis qualitatibus verificari, cum sint aliæ naturæ; quæ penes maiorem, aut minorem virtutem operandi, constituuntur essentialiter diuersæ, vt in Angelis, qui ex hoc à pluribus dicuntur omnes specie diuersi. Respondetur, maiorem, aut minorem virtutem operandi non esse differentiam specificam, sed quid consequens ad illam, ratione cuius illa quando alias est incognita, nobis innotescit; & hoc sensu verificari posse illud de Angelis.

Verùm adhuc instari posset, quia saltem per huiusmodi inæqualitatem perfectionis, indiuidua differunt plusquam solo numero, quemadmodum differunt ea, quæ talem inæqualitatem non includunt. Respondendum nihilominus est, indiuidua dici solo numero differre propter indiuisibilitatem eiusdem naturæ specificæ, quàm includunt; ita vt quæadmodum quaternarium hoc differt ab alio quaternario, ita hic homo differat ab alio homine: nam vterque homo includit eundem indiuisibilem numerum prædicatorum essentialium. Sic enim explicatur commune illud axioma; Essentias rerum cōsistere in indiuisibili; illudq. Aristotelis negātis prius, & posterius in indiuiduis eiusdem speciei, hoc est magis, & minus in perfectione specifica, & essentiali illorum. Alioqui ex hoc nō concluditur differentias indiuiduales inclusas in singularibus, necessario esse eiusdem indiuisibilis rationis, cū habere possint suam latitudinem perfectionis transcendentalis, & entitatiuæ intra fines suæ propriæ speciei. Quemadmodum pariter differentię essentielles diuersos habēt gradus perfectionis infra genus, sub quo constituunt proprias species, absque eo quod naturæ illæ specificæ per inæqualem perfectionem differentiarum, quas includant, differant plusquam specie. Nec apparet, cur Deus non possit producere animam similiorem in substantia animæ Christi, quàm sit anima Petri, vel Pauli, vel intellectum, aut sensum similiorem intellectui, aut sensui Platonis, quàm fuerit intellectus, ac sensus Aristotelis; sicut potest producere animal homini similius, quàm sit Centaurus, aut Sirena. Quod si semel concedatur maior, vel minor differentia, & similitudo indiuidualis in substantia rei, statim & opti-

3. 1944. C. 22.

mè intelligitur in illa differentia includi posse aliquam inæqualitatem perfectionis.

Tandem contra prædicta afferri etiam potest, quia consequenter in omnibus indiuiduis daretur talis inæqualitas perfectionis: Quod videtur admittendū, quia sequeretur omnes effectus singulares perpetuò degenerare à suis causis; cum enim inæquales processuri essent, nec effectus nobiliores esse possint sua causa principali, non nisi ignobiliores necessario procederent. Sed huic quoque argumento occurritur, negando in primis paritatem rationis; non enim in omnibus indiuiduis eadem præbetur occasio asserendi inæqualitatem perfectionis ex diuersitate operationum modique operandi, quem ex se sibi vendicent, ut per se patet. Deinde negando sequelam. Nullatenus enim sequeretur, omnes effectus inæqualis, ac proinde minoris fore perfectionis, quam sua causa; quia non omnia indiuidua necessario essent inæqualia; sicut non ponimus omnes sensus interiores necessario inæquales in perfectione singulari. Nec verificaretur degeneratio in perfectione specifica, prout ab omnibus putatur inconueniens. Quare cum dicitur causam vniocam producere effectum sibi similem, intelligendū est in perfectione specifica. Alioquin in perfectione indiuiduali, nullum est inconueniens, causam aliquando producere effectum deteriore, aliquando verò se nobiliorem: ut experimur tam in plantis, quam in sensibilibus plurimis, cum agens eleuatur in operando ab optimis dispositionibus, quibus postea debetur maior concursus primæ causæ; nam per hoc non tollitur maiorem perfectionem productam cum effectū, esse de intrinseca entitate illius indiuiduali. Inficiandum igitur non est, quandoque sensus interiores intra latitudinem perfectionis essentialis, inæquales procedere in dignitate, ac præstantia singularis entitatis, cum ex hoc nullum sequatur inconueniens, aut absurdum, ut vidimus.

Hactenus autem de ijs, quæ ad essentialem, & indiuidualem constitutionem huius potentie pertinere videbantur: Deinceps verò sequitur, ut de ijs, quæ ad accidentalem eius constitutionem pertinent, dicamus.

LIBRI PRIMI FINIS.

# DE INTERIORI SENSV LIBER SECVNDVS.

In quo ea continentur, quæ ad accidentalem constitutionem illius pertinent.

## P R A E F A T I O.



VAE supersunt de interiori sensu explicanda, omnia profecto ad accidentalem eius naturam, variamque aptitudinem spectant: Sed non minus necessaria extimanda sunt, quam illa, quæ in superiori libro de essentiali eius constitutione tradidimus ad exactam de ipso cognitionem, adipiscendam, multa, præclara de hominum, brutorumque animantium natura percipienda. Quippe cum tanta sit istiusmodi potentiae quoad habilitates quasdam, modumque operandi ex diuerso accidentium apparatu, organizationeque subiecti, orta varietas, ut difficile admodum videatur, eundem specie sensum tot tamque distantes admittere aptitudines, ac proprietates, cum in diuerso, tum in eodem genere animalium. Qua enim perspicacitate, ac sagacitate sensus hominis, omnium animalium diuinissimi, sensibus reliquorum longè non præstat, diuersumque se prorsus non præbet? Vel qua solertia prudentissimum Elephantorum genus, à stolidissimo omnium quadrupedum ouili genere, ut obser-



*De Histor. animal. lib. 9. c. 3.  
& 46.  
Ibid. c. 1.*

uat Aristoteles, non secernitur? Quid si inter marem, & foeminam in vnoquoq; genere, vt idem Philosophus animaduertit, hoc pariter natura distinxit, vt ingeniositate, astutia, ac memoria, mas ab illa superatus; prudentia ac magnitudine animi eam ipse omnimodò antecellat? Et quid inter sensum interiorem vnus, atque alterius hominis non interest, cum ex eo vir sapiens à fatuo, acutus à rudi, ingeniosus ab inepto discernatur, longiusq; videatur abesse, quam brutum quodlibet ab alio bruto? Vt hinc meritiò dixerit Tullius quosdam esse homines, non re, sed nomine tantum: Etenim quos egregio natura extruxit ingenio: in ijs à pueritia senectus mentis elucet, viget semper acumen, nec varietate, aut multitudine rerum obtunditur, sed ad omnia semper se præbet paratum; Contra vero, quorum obtusior est acies, & imbecillior sensus; ij circa pauca tantum, ac rudiora versantur, & scientiarum studijs, tempore, & exercitatione, quibus erudiri debuerant, infatuantur; Estq; illud discrimen, quod Cicero adnotauit; Nam ingeniosi, & acuti, velut æs Corinthium in æruginem, sic illi in morbum animi, & incidunt tardius, & recreantur ocys. Denique nec idem homo quoad internas huiusmodi cognitiones à se ipso quandoque non differt, si in Infantia, vel adolescentia, Iuuentute, aut senectute, in ægritudine, vt frenitide, ac delirio, aut sanitate, somno, aut vigilia consideretur, vt perspicuè fusiùsq; tradidit Galenus. Quæ omnia, & si qua sunt eius generis discrimina, non nisi ad accidentalem variamq; sensus interioris, eiusq; organi aptitudinem referuntur. Quandoquidem animæ, nec crescunt cum paruulis, nec fatuis aliæ variæ discretione tribuuntur, ait Cassiodorus; Nec denique sensus ipse interior, ætate, aut ægritudine permutatur; sed Organorum multiplici dispositione, ac varietate, aut viget, & acuitur aptitudine, aut hebescit & obtunditur eorum contrarietate. Dignum igitur, cunctisque hominum conditionibus vtile, atque iucundum existimauimus, tantæ varietatis causas Philosophico more, ex peculiaribus dispositionibus organorum inquirere, vt quisquis se su-

*Cicero lib. 1. off. post mod.*

*Tuscul. quest. lib. ante mod.*

*Lib. Quod animal. mores etc.*

*Cassiodor. de anima cap. 12.*

pra se eleuando, se cum cæteris tanquam in statera possit perpendere, suamque, qua præstat, vel subiacer aptitudinem, in diuersis ætatibus, atque temporibus aptè discernere. Quod cum Platone omnes illi Philosophi magnificere tenerentur, qui se, suaque dignoscere, iuxta Delphicum illud Oraculum Apollinis templo inscriptum tantopere commendarunt, vt idem Plato refert in Alcibiade. Et quamuis hoc sit quidem vel maximum, animo ipso animum videre, vt ait Cicero; ac sensus Interioris ministerio varias eiusdem sensus aptitudines perspectas habere; eodem tamen, quo supra, pacto, & ordine, vt in primo libro Veterum principijs, & obseruationibus inhærendo, quæ vera ac noua poterimus, tentare, & explicare, conabimur.

*Alcibiad. l. c. circa finem.  
Tuscul. quest.  
lib. 1. ante med.*

## TRACTATIO PRIMA

De propria Sede, & Organo Sensus  
Interioris in vnoquoque  
animali.



**Q**UOMODOM omnis passio, omnisq. accidentalis, ac varia sensus interioris perfectio, de qua nobis agendum erit, ex Organo, seu subiecto illius variè disposito præcipuè oriatur, ab hoc initium sumere debuit præsens consideratio. Determinandum igitur erit, quodnam, & quale sit ipsum subiectum in vnoquoque genere animalium, quasque in illis differentias patiat; Nam sicut essentialiter conuenit huic sensui, dicere ordinem ad subiectum, & connaturale sibi organum, prout forma accidentalis est, & potentia organica; ita ad accidentalem eius perfectionem, & aptitudinem spectat, habere organum, hoc vel illo

vel illo modo dispositum, in hac vel illa specie animalium, ac iuxta dispositionem illius, diuersam aptitudinem fortiri ad operandum.

*Quibus rationibus videatur sensum interiorem perfectorum animalium in corde esse locandum.*

*Cap. I.*



**V**t autem exordiamur ab organo sensus interioris hominum, aliorumque perfectorum animalium, quæ sanguine præditis corporibus potiuntur, notandum est, duo tantum in illis esse præcipuè membra, de quibus dubitari rationabiliter potest, quod nam potius ex alterutro ad hoc munus natura delegauerit: nempe cor, & cerebrum. Et quidem inter Philosophos valde olim percrebuisse videtur sententia, quæ facultatem hanc, saltem prout sensus communis vocatur, præscriptaq. ei superius opera exercet, in corde locabat: Cuius propterea fundamenta breuiter hîc ante omnia expendenda censuimus.

Primum igitur fundamentum, fuit communis quædam hominum de cordis principatu existimatio, qua non modo ei referebatur vitalium omnium functionum origo; sed & animalium, ac rationalium quoque motionum principium, prout animus ipse, vel animi sedes, ac mentis domicilium dicebatur, vt licet videre apud veteres Philosophos, atque Poetas. Nam hinc excordes, vecordes, concordessq. homines dicti sunt, ait Cicero, & egregiè cordatus homo Catus Aelius Sextus; & Lucretius quandoque curas cordi tribuit, sicut hætenus hebetudinem, & sagacitatem, nam libro quarto cecinit:

*Tuscul. quest.  
lib. 1. non longe  
ab initio.  
Lucret. lib. 3.*

*Id licet hinc quamuis hebeti cognoscere corde.*

& libro quinto.

*Ingenio qui præstabant, & corde vigeant.*

Et Ennius, vir triplici corde fuit appellatus, eo quod trium

Idio-

Idiomatum cognitione calleret. Nec in sacro eloquio desunt loca, in quibus cor pro mente, aut principio internarum cognitionum in illo residente iuxta communem, & vfitatum loquendi modum accipitur, vt sunt omnia illa loca sacre Scripturæ, in quibus solius Dei esse dicitur secreta cordium scrutari, atque cognoscere, hoc est consilia, & occultas cogitationes, vt communis habet sanctorum Patrum expositio. Et in Euangelio Matthæi expressè dicitur. De corde exeunt cogitationes; Et vt quid cogitatis mala in cordibus vestris? Sicut & in Marci Euangelio. Ab intus de corde hominum malæ cogitationes procedunt.

Secundum verò fundamentum fuit auctoritas Zenonis, Chrysippi, aliorumq. sectatorum illius, qui principatum cordis in omnibus acerrimè tuebantur. Item Aristotelis; qui pluribus in locis expressè docet, sensum omnium, ac motuum principium esse in corde; vbi fontem constituit totius virtutis naturalis, vitalis, & animalis, omniumque sensoriorum, commune sensorium, certumq. est sensum interio-rem, vel esse ipsum principium sensuum reliquorum, vel ibi residere; vnde sensus reliqui, ac motus voluntarij sumunt initium. E contra verò, ipsemet Aristoteles, vt resè animaduertit Vallesius, cerebrum nullam vim sentiendi, aut cum partibus, quæ vim obtinent sentiendi, continuitatem habere dixit, non aliter, ac quoduis excrementum; sed solum ad temperandum calorem cordis à natura datum esse, vtpotè in se frigidissimum. Id quod expressis verbis videre est, præsertim secundo de partibus animalium. cap. 7. & 10. & c. 2. de Iuuent. & senect. vbi rursus causam refert, ac reiicit, cur nonnulli per cerebrum animalia sentire dixerint. Quare, vt plurimum reliqui Philosophi, ac Peripatetici aiunt, Aristotelem posuisse sensum communem in corde, & iuxta hanc sententiam illum sequuntur Auerroes, Aphrodisæus, Themistius, Apollinaris, Iandunus, & alij nonnulli.

Verum hac de re, quid omnino ac propriè senserit Aristoteles, fortasse adhuc exploratum non est, cum multa sibi obuiantia tradidisset, si alterum determinatè asseruisset, vt

con-

2. Paralip. 6.

Psal. 7.

Sap. 1.

Matth. 25. &amp; 9.

Marc. 7.

Lib. 2. de parti-

bus Animal. c.

1. 7. &amp; 10. &amp;

lib. 3. cap. 4.

De somno. &amp;

vigil. cap. 3.

De Iuuent. &amp;

senect. c. 1. &amp; 2.

De Animal. mo-

tu c. 6. &amp; 8.

Et lib. 2. de ge-

nerat. animal.

cap. 4.

Valles. contro-

uer. Medic. &amp;

Philosoph. lib. 2.

cap. 13.

Auer. lib. 2. de

part. animal. c.

7. &amp; in Colle-

ctan. lib. 2. c. 7.

&amp; 11.

Aphrodisæus 1.

de anima c. ult.

Themist. in lib.

de mem. &amp; re-

minise.

Apoll. 2. lib. de

anima q. 27.

Iandunus de

somno, &amp; vigil.

quest. 9.

constabit consideranti ex his, quæ in fine capitis sequentis commodius adducemus.

Tertium denique fundamētum est ratio ipsa, quæ ex prædictis locis Aristotelis in vnum collecta desumitur. Etenim, cum in corde sit principium vitæ animalis, simul & sensus debet concedi. Si enim viuere ab hac particula omnibus est, vt constat in generatione, & efformatione animalis, palam, quod & sentire ab eadem particula esse debet: nam qua animal, hac & viuere ipsum dicimus; & qua sensitium, hac animal esse; siquidem vnum oportet esse principium, vbi-cumque fieri potest. Fit autem optimè, vt in corde tam vitæ, quam sensus primum principium constituatur; nam, ibi simul, origo prima, & fons sanguinis est, quo animal nutritur, ac viuut; ibique locus est omnium capax sensibulum, propter simplicitatem partium similariū, quibus constat, & copiam neruorum, qui circa illum sunt ad communicationem cum cæteris sensorijs: & quia in medio positum vndique attingi, vel æquè, vel proximè potest tanquam centrum ab omnibus partibus circumferentiæ. Quod sanè ad motum voluntarium maximè confert, cuius etiam principium simul esse debet cum principio sensus. Siquidem cum permutatur primo sensitium, alteratione aliqua facta in sensorio communi excitantur passionēs, quibus & secundum primas qualitates, & secundum locum, & figuram, aut situm, hærentes quoque partes, & extensæ, & contractæ necessariò permutantur; paruaq. permutatio, quæ fit in principio tanquam circa centrum, magnas, ac multas differentias efficit procul, vt cum temone paululum transposito, magna sit proræ transpositio, nec aliter fieri motus voluntarius in animalibus posset: Vnde vis sentiendi, vis mouendi, & vis nutriendi eodem in membro contineri necesse est, quod aptissimè cor, vt potè in medio positum, constituitur.

Accedit, quod appetitus sensitius in corde locetur, vt patet ex passionibus, seu actibus illius, qui in eo exercentur, vt motus lætitiæ, ac tristitiæ, amoris, & odij. Cumque  
prin-

principium cognitionis, & appetitus simul esse debeant, vt cognoscatur quid prosequendum, aut fugiendum, & appetatur iucundum, respiciatur verò molestum (Nam passiones apte parant instrumentarias partes, appetitus autem passionibus, & imaginatio appetitum) hinc est, vt tanquam sibi inuicem actiuum, & passiuum simul in corde esse debeant, principium sensus, & principium appetitus. Quod autem de corde dicitur ab Aristotele, ac hisce rationibus prout vidimus, suadet in perfectis animalibus sanguine præditis, id ipsum ab eodem asseritur, eisdemq. suadet rationibus de proportionale cordi respectu exanguium, & imperfectorum omnium animalium, vt videre est in eisdem locis. Sed cum auctoritatem, rationes etiam inferius, exponemus capit. sequenti.

*De Motu animal. cap. 5.*

*Sensum interiorem perfectorum animalium in cerebro tanquam in propria sede locari.*

*Cap. II.*



VAMVIS hætenus iuxta sermonis opportunitatem saepe cerebrum tanquam proprium organum, & instrumentum ad interius sentiendum commemoratum, ac suppositum à nobis fuerit; semel tamen hoc erat rationibus comprobandum, explicandumque, num in cunctis animantibus, ac respectu cunctarum sensationum, quæ interius administrantur, analiter id esset intelligendum.

Non obstantibusigitur, quæ de corde retulimus proximo capite, dicendum hic erit cum communi Philosophorum, ac medicorum sententia, sensum interiorem perfectorum animalium in cerebro tanquam in propria sede locari, ibique cunctas suas operationes edere. Ita in primis docuit, & egregie explicauit Plato, deinde Hippocrates, Galenus, Auicenna, Plutarchus, & alij Philosophi, quam doctrinam ex Patribus secuti sunt Augustinus, Ambrosius, Gregorius Magnus,

*Plato in Timæo  
ante med.  
Hipp. lib. de mor  
bo sacro nn. 18.*



*Galien. 7. de do-*  
*crat. cap. 3. 6.*  
*Et 14. Et lib. 8.*  
*de usu part. c. 3.*  
*Et 4.*  
*Ambros. 6. na-*  
*tural. p. 4. c. 1.*  
*Plutarch. lib. 4.*  
*de placitis Phi-*  
*los. cap. 21.*  
*Aug. in Ps. 29.*  
*Ambros. lib. 9. Ho-*  
*xam. cap. 9.*  
*Greg. Magn. in*  
*cap. 9. Job.*  
*Niss. lib. 4. phi-*  
*losoph. c. 10. Et*  
*lib. de creat. ho-*  
*minis cap. 2.*  
*Chrysost. in c. 4.*  
*ad Ephes.*  
*Lactan. lib. 6.*  
*cap. 9.*  
*Magn. Alber.*  
*lib. 1. de anima*  
*trad. 4. c. 11.*  
*S. Thom. 3. p. 2.*  
*8. art. 1. Et 6.*  
*Et 9. 56. art. 7.*  
*S. Bonavent. in*  
*3. dist. 73. art. 2.*  
*q. 3.*  
*Riccard. ibidem.*  
*Duran. ead. di-*  
*st. q. 2. 3. 5.*  
*Caiet. 5. p. q. 8.*  
*art. 1.*

gnus, Nissenus, Chrysostomus, & Lactantius. Ex Schola-  
 sticis verò Magn. Alber. & Thomas, S. Bonavent. Riccard.  
 Durand. Caiet. & alij recentiores communiter. Consonant  
 præterea huic sententiæ loca scripturæ, in quibus indicatur  
 imaginationem, & cognitionem interiorem hominis, in ca-  
 pite exerceri, ut Danielis secundo, cum Daniel Regi Nabu-  
 chodonosor dixit: Somnium tuum, & visiones capitis tui in  
 cubili tuo huiusmodi sunt. Et ne ad visiones externas hæc  
 verba referri possent videantur, attendenda sunt quæ statim  
 addit, nempe Tu Rex cogitare cœpisti in stratu tuo &c. Et  
 post pauca: Ut interpretatio Regi manifesta fieret, & cogi-  
 tationes mentis tuæ scires. Deuteronomij verò 31. dicitur.  
 Ego enim scio contentionem tuam, & cervicem tuam du-  
 rissimam iuxta illud Actorum 7. ubi ad significandam depra-  
 uatæ mentis pertinaciam, & inordinati affectus exuberan-  
 tiam dicuntur Hebræi dura ceruice, & incircumcisus cordi-  
 bus, ut habet glossa Lirani, quasi per proxima, vel propria  
 instrumenta potentias connotando, supponendoq. cognitio-  
 nem in cerebro, cui in occipitio iungitur ceruix, & affectum  
 in corde exerceri.

Apud Aristotelem huius sententiæ fuisse, quamvis pro oppo-  
 sita citari soleat, & re vera manifestè prorsus non appareat,  
 suaderi potest primò, nam lib. 2. de part. animal. cap. 10.  
 tam visum, quam auditum, & olfactum, à cerebro dependen-  
 tem posuit, sanguinemq. circa cerebrum confluentem,  
 sinceriores vocat, & ad sensus exquisitiores conferre do-  
 cet. Ut enim dixerat cap. 7. Nec sanguis copiosus & crassus,  
 sed tenuis, sincerusq. subit ad membranam cerebri, & fre-  
 quentes, tenuesq. venæ ambiunt. Quapropter lib. 4. cap. 10.  
 docet, sanguinem, qui est in capite, idoneum esse tum ad ce-  
 rebrum tepefaciendum, tum ad sensuum tranquillitatem, &  
 integritatem. Et paulò inferius ibidem ad significandum  
 tam mentem, quam sensum communem in superiori parte  
 hominis locari, idcirco ait, solum hominem inter animalia  
 erectum esse, quoniam eius natura diuinà est; officium au-  
 tem diuini est intelligere, atque sapere, quod non facile  
 esset,



esset, si vasta corporis moles assideret, ut ipse inquit, vel incumberet, ut potius verbum *ἐπιμύρεται* videtur significare, quod deducitur ab *ἐπι*, quæ particula significat, super; & *μύρεται*, quod est verbum idem significans ac iacio; eubd., vel maneo. Vasta autem corporis moles communem sensorio incumberet si illud non in superiori parte hominis, ut in capite, sed in pectore locaretur: pondus enim subiungit, tardior rem reddit, & mentem, & sensum communem. Hæc ille, quibus consonant, quæ docuerat lib. 2. cap. 16. nempe posteriorem partem capitis erectam in omnibus esse debere, quia nihil exigi potest pressum onere, quemadmodum accideret animali, si caput carne obtectum haberet, caputq; hominis macilentum, carneq; prope omni exutum ibidem dixerat paulò ante propter cerebrum. Deinde lib. 3. de partibus animal. cap. 7. ait, cerebrum bipartitum esse, atque etiam sensorium vnumquodque, eademq; ratione. Quibus videtur supponere cerebrum esse sensorium, cumque constet non esse sensorium particulare, sequitur esse commune. Rursum verò 30. sect. problem. quæst. 3. docet hominem esse omnium animantium prudentissimum, quia capite minimo est ad sui corporis proportionem, & inter homines ipsos, qui minori sunt capite, prudentiores nasci, quam qui sunt grandiori. Quod certè non nisi ad cerebrum potest referri: tum quia lenetur onere, tum etiam quia graciliora capita plus cerebri continere solent, quam corpulentiora magnitudinemq; cerebri (dummodo aliud non obstat) maxime conserue inuit ad opus prudentiæ, cui hinc hominem inter omnia animalia plurimum cerebri habere, & inter homines mares plusquam foeminae docuerit 2. de part. animal. cap. 7. & 2. de generat. animal. cap. 4. Et consequenter ad hæc quæst. 4. eiusdem sectionis 30. cum dixisset instrumenta mentis esse scientias, statim ait: his enim, cerebro vtentes conficere habitum solemus, aperte insinuans ministerio sensus interioris in cerebro, habitus produci. Præterea cum Aristoteles somnum, & vigiliam passiones dixerit esse sensorij communis in proprio opusculo cap. 2. & sequentibus. mox

cap. 4. & 5. docet somnum fieri incrassata, ac refrigerata, euaporatione calidi, & humidi in cerebro; signumque esse quod omnia somnifera grauedinem capitis faciunt: Assimilatq. somnum Lathargo & Epilepsia: qui sanè morbi constituuntur in cerebro. Sensit igitur idem esse cerebrum, ac sensorium commune cuius passionem esse ait somnum, & vigiliam. Vnde lib. 2. de par. animal. cap. 7. inquit, somnum à cerebro proficisci, & somno sopitos, ea corporis parte tentari. Tandem Aristoteles cap. 2. de somno, & vigil. (amplius dixit), quibus in collo venæ apprehenduntur, insensibiles fiunt propter impotentiam vsus in primo, quo animal sentit omnia; nempe sensorij communis. Putat ergo, hoc esse in capite, à quo virtus sensitiva per collum ad corpus reliquum diffundatur. Vnde lib. 4. de partib. animal. cap. 10. rectè caput animalis radici assimilat vice mutata, ut superiora infra, inferiora supra habeat: sic enim & non aliter à cerebro per nervorum soboles tanquam ramos, virtus sensitiva ad cætera membra deferretur.

Sed ex multis, quæ ad hanc veritatem comprobendam, afferri solent argumenta, unica, & brevissima ratio formari potest. Quia nervi omnes, per quos spiritus animales feruntur in sensus exteriores, speciesq. intentionales in commune sensorium ingeruntur ad usum sensationis internæ; è cerebro vel spinali medulla ei coniuncta tanquam ab vno stipite propagantur non solum quoad figuram, & situationem, ut sensu patet in dissectione: sed quoad naturalem eorum dependentiam. Ipsique spiritus animales in eodem cerebro elaborantur, & ab eodem per singula corporis membra distribuuntur: facultas autem, de qua loquimur in ea parte iuxta communem Philosophorum consensum cum Aristotele, debet constitui, à qua instrumenta ducunt originem: non igitur alibi, quam in cerebro collocanda erit.

Quod autem nervi omnes secundum propriam naturam dependentiam à cerebro progrediantur; primò patet ex eo, quod quanto magis ab ipso recedunt, & ad inferiores partes appropinquantur, tantò magis extenuantur, ac tenuiores fiunt,

sunt, magisq. in plures, ac plures soboles multiplicantur, non secus ac rami quò magis à stipite elongantur. Secundo, quia vt obseruat Galenus si nerui in medio vinciantur, aut secentur, pars versus cerebrum, non minus quàm antea suis fungitur actionibus; pars verò inferior versus cor, aliaque corporis membra, nec moueri, nec sentire valet. Quod non solum arguit dependentiam neruorum, sed & spirituum animalium à cerebro. Tertio deinde vtrumque manifestè probatur ex Galeno docente, & obseruante, quod circa primum spinalis medullæ processum facta quadam affectione in cerebro, per quam spiritus animales prohibentur quominus ad ipsam perueniant, omnia inferiora membra, dempta facie, sensu, motuq. priuari; vbi verò dimidia eius processus pars fuerit affecta, non omnes inferiores partes ita resolui; sed vel sinistras dumtaxat, vel dexterar. Similiter cum aliqua faciei pars eandem affectionem patitur, prauam dispositionem in ipso cerebro, à quo nerui per faciem dispersi demittuntur, consistere. Vocatur autem huiusmodi affectio Apoplexia, quando omnes pariter nerui ita circa ortum illorum in cerebro afficiuntur, omnesq. partes corporis proinde sensum, & motum amiserint. Cum verò tantum ex parte id accidit, tum dicitur Paralysis, seu Resolutio eius scilicet partis, in qua consistit affectio, interdum dextræ, interdum sinistræ. Apertum ergo indicium est à cerebro tanquã à proprio principio ac radice, neruos omnes propagari, ab eoq. pariter tanquã à suo fonte spiritus omnes animales per vniuersum corporis habitum deriuari; proindeq. ibi sensum interiorem tanquam in propria sede, & arce locari; vnde cæteris partibus sensus, & motus suo veluti arbitrio impertitur. Quare dignum fuit (ait Cassiodorus loquendo de anima) vt arcem peteret, quæ se nouerat cælesti operatione sublimem, & tali loco præ cæteris versari, vnde reliqua membra debuissent competentî regimine gubernari. Et Plato in Timæo, loquendo de præstantissima animæ nostræ specie, ait, hanc in summa corporis arce sedem habere, atque ad cæli cognationem à terra nos tollere tanquam animalia cælesti potius, quàm terreno

*De consuetudine artis medicae cap. 4.*

*3. de leui affe. cap. 2.*

*Cassiod. de anima cap. 33.*

*Plato in Timæo non longe à fine.*

semine nata. Additque: Vnde enim primus animæ datus est ortus, inde diuina vis caput, radicemq. & originem nostram pendentem suspendens, eorum dirigit corpus. In quibus Plato eadem vitur similitudine suspensæ radicis, qua postea Aristoteles, vt supra ultimo loco retulimus.

Denique confirmari idem poterit experientia omnium Medicorum; nam si sensus interior lædatur quoad omnes, vel aliquas operationes, vt in Apoplexia, vel Paralyfi, in Phrenytide, delirio, aut lathargo; non alibi, quàm in cerebro, vbi vitium deprehenditur, remedia adhibentur, quibus in integrum sensus ipse restituitur. Indicium est igitur ibidem sensum ipsum locari, non autem in corde, vbi nec vitium vquam graue deprehenditur, vt docet Aristoteles, nec remedia aut iuuantia applicantur.

*Lib. 3. de part.  
animal. c. 4.*

Diximus autem, sensum inreioiem perfectorum animalium in cerebro locari; nam hæc tantum animalia tanquam sanguine prædita, vt docet Aristoteles, illud habent vtpotè ad opus perfectioris ministerij deputatum; cum cætera animantia, vel similis naturæ quidpiam proportionale habeant, vel alterius, ac longè inferioris conditionis, iuxta diuersitatem, & imperfectionem naturæ animalis.

Quod autem attinet ad fundamenta oppositæ sententiæ facile intelligitur, primum nihil aliud arguere, nisi communem illam, quam diximus de principatu cordis estimationem, quæ extendebatur ad significandum confusè omnes virtutes rectrices animalis in illo esse, & ab illo procedere. Quod sanè de interiori sensu intelligendum est, non secundum proximam, & formalem inhesionem; sed secundum radicalem, & remotam dependentiam, quatenus à corde, & vitalitatem, & spiritum obtinet ad obeundas proprias functiones, vt sæpe dictum est, & amplius dicitur.

Secundum verò fundamentum postulat præcipuè expositionem locorum, qui adducuntur ex Aristotele, cuius mente sano modo intellecta, facile conciliantur, qui vel ante ipsum magna auctoritate viri hac de re nonnulla pronunciarunt, vel post ipsum eius sequuti sunt peripateticam doctrinam,

Pro

Pro huiusmodi ergo explicatione observandum primo est absque controuersia, Aristotelem, membrorum omnium principatum cordi expressè, ac pluries demādassee. Quia primum omnium membrorum in generatione animalis conspicitur, & primum incipit viuere, vitamq. cæteris partibus in formatione illarum communicat, atque distribuit, vt docet lib. 3. de partibus animalium cap. 4. & lib. 2. de generat. animal. c. 4. Insuper quia membra omnia, ac facultates omnes, robur, ac virtutem in suis operationibus à cordē recipiunt per spiritus vitales, quos & spiritum connatum vocat ipse Aristoteles, *Lib. de animal. motu cap. 6.* inquit, omnia animalia habere spiritum connatum, & ab illo robur accipere, quod paulò inferiùs in corde tanquam proprio fonte constituit.

Secundo observandum est, quòd cum Aristoteles principium motus in corde constituit, non loquitur de motu arbitrario, cuius principium simul esse debet cum proximo principio sensus, sed tantum loquitur de motu naturali, ac necessatio respirationis, vel pulsationis, cuius principium cōiungitur cum principio sensus remoto in ipso corde, vt liquet ex eius discursu de somno. & vigil. c. 3. vbi postquam posuisset principium sensus, & motus in corde, ait: Motus igitur & spiritus principium, & omnino, qui refrigerationis, & respirationis, hic est. Deinde idem patet ex lib. 3. de partib. animal. c. 4. vbi causam reddens de copia neruorum, quæ in corde est, ait: Hinc enim motus oriuntur, qui intendendo, & remittendo efficiuntur. Quibus verbis videtur tantum significari motus procedens à virtute pulsatili, quæ à corde cōmunicatur arterijs per irradiationē spirituum, & influxum caloris viuifici. Et lib. de animal. motu c. 6. cum dixisset, omnia animalia habere spiritum connatum, nēpe vitalem; principium verò motus his quidem in corde; his autem in proportionali esse, ait: Nā opera motuum pulsio, & tractio sunt. Quare, inquit, oportet instrumentum augeri posse, & contrahi, talēq. esse spiritus naturā. Quibus verbis ostendit, motum cuius principium est cor, esse motum naturalē, non arbitrariū. Vnde etiā c. 8. loquendo de motu, quia corde procedit, vocat illū inuoluntariū, vt de numero illorū, quo-

et nec imaginationē, nec appetitum dominiū habere inquit.

Tertio obseruandum est, Aristotelem nunquam posuisse principium omnium neruorum in corde, sed tantum copiam illorum dixisse in eo esse ad motus, qui intendendo, & remittendo efficiuntur, ut paulo ante dicebamus; nam id contra experientiam, & apertam veritatem dixisset, ut ex dissectione perspicue constat.

Cum igitur Aristoteles locis citatis docet sensus omnes à corde prodire, intelligi debet eodem modo, quo etiam docet lib. 2. de partib. animal. c. 1. motus omnes locales, ac nutritio- nis ab ipso corde oriri; nempe remotè, prout cor est principium vitæ animalis, in quo & virtus nutritiua, & motiua, & sensiti- ua fundatur. Ipsum enim (ait Auicenna de mente Aristotelis) est omnium virtutum prima radix, & omnibus alijs membris suas tribuit virtutes, quibus nutriuntur, & viuunt, & quibus comprehendunt, & quibus mouent. Cum quo tamen non repugnat, ut quemadmodum virtus nutritiua proximè, & forma- liter constituitur in epate; virtus visiva in oculis; auditiva in auribus; & cætera similiter in suis proprijs membris & organis; ita sensus interior constituatur in cerebro absque eo, quod principatus membrorum in sententia Aristotelis auferatur à corde. Vnde Auicenna, qui contra reliquos medicos eadem sententiam tuetur Aristotelis, de mente ipsius ait, quod omnium virtutum (nempe naturalium, vitalium, & animalium) principium existit cor; sed primarum operationum earum manifestatio in predictis existit principijs, scilicet naturalium in epate, atque testiculis; vitalium in corde; & animalium in cerebro, atque post hoc in cæteris sensorijs externis, ac particularibus, in quibus est proximum principium operandi, & primò apparet ipsa operatio. Itaque non ex hoc, quod Aristoteles dixit, sensus omnes à corde oriri, voluit sensum communem in corde locari, sicut nec virtutem nutritiuam, & loco motiuam pro arbitrio; quauis eas pariter à corde sicut, & virtutes reliquas à corde prodire docuerat; sed tantam significare voluit dependentiam, quam sensus omnes, sicut reliquæ facultates animalis trahunt à corde; tanquam à principio vitæ per influxum caloris illius viuifici, spirituumque vitalium, quibus ad fun-

*Sen. prima pri-  
mi cap. singu-  
lari doctrina 5.*

*Sen. 2. primi c.  
2. summa uni-  
ta, doct. 5.*

bus ad functiones suas obeundas vnaquæque indiget facultas animalis. Nam, vt patet in syncope, vel deliquio, deficiente in reliquis membris, & contracto in corde vitali spiritu, nequeunt sensus, vel aliæ facultates animalis existentes in illis, vilo modo operari; quamuis aliunde non impediuntur. Quod certè sufficere ad constituendum, vel non constituendum principatum membrorum in corde, alterius est considerationis. Ad propositum tamen, satis est, ex hoc non inferri de mente Aristotelis, sensum interiorem esse in corde; nam optimè potest sensus interior à corde dependere per influxum præfatum, absque eo, quod formaliter sit in illo tanquam in proprio subiecto, & organo. Quemadmodum etiam sensus exteriores ab interiori dependent, & à communi sensorio; cum tamen formaliter sint in proprijs sensorijs externis.

Quamobrem Recentiores nonnulli quotiescumque Aristoteles docet principium sensus esse in corde, rectè illum interpretantur de principio facultatis communissimæ, ita vt intelligat, facultatem illam communissimam à corde quidem prodire; contrahi tamen in cerebro, vbi euadit animalis, sicut altera, atque altera in cæteris partibus corporis pro determinata, ac priuata vniuscuiusque constitutione. Quod si è contra 2. de partib. animal. cap. 10. vel alibi sensum prorsus cerebro negat, interpretari debet de sensu tactus, aut particulari: non autem de sensu interiori, & communi, vt patet ex ratione, quam adhibet eodem lib. cap. 7. Ait enim, tum vel maximè id constare, quod cum cerebrum tangitur, nullum efficit sensum.

*Hieron. Capiti-  
naceus lib. 1.  
de affect. capitis  
cap. 17. Et libro  
de Archedo A-  
natomica longe  
ante med.*

Et quidem cum Aristoteles sensum interiorem aliquando sensum communem, vt lib. 4. de partib. animal. cap. 10. aliquando primum sensitium nuncupauerit, vt lib. de mem. & remin. cap. 1. & sæpe alibi, cum quo idem esse imaginatiuum, & memoratiuum docuit; si huiusmodi facultatem in corde locasset, cur non apertè quandoque dixisset, vel saltem insinuasset, in eo sensationes internas, imaginationes, ac meminisse tanquam in suo organo exerceri, quemadmodum



dixit de passionibus, seu actibus appetitus sensitui? Cum igitur nihil huiusmodi docuerit, signum est, non sensum communem, sed influxum vitæ ad sensus omnes sicut ad cæteras facultates animalis exercendas, cordi tanquam Principi, à quo iugiter dependent solummodo demandasse.

Ad tertium fundamentum oppositæ sententiæ responderetur, in rigore ac remotè loquendo, vnicum esse primum principium tam vitæ, quàm sensus animalis; illud autem aliud non esse, quàm ipsam animam sensitivam in brutis, vel animam rationalem in hominibus, prout hæc gerit vicem animæ sensitivæ; & sic verificari illud, quod quo animal, & vivere ipsum dicimus, & qua sensitivum, hæc animal esse. Quoniam verò anima sicut omnis substantia non est immediatè operatiua, alia principia sub se continet, ex quibus proximè operationes animalis procedunt; huiusmodi autem sunt omnes potentie, & maxime tres illæ præcipuè, quarum vna est principium naturalium actionum, quod specialiter constituitur in epate, & quo animal vegetatur scilicet, nutritur, & crescit; alia vero est principium actionum vitaliū, nempe influxus caloris viuifici, sanguinis arterialis; & virtutis pulsantis, quod constituitur in corde: & alia, quæ est principium actionum animalium, videlicet sensus, & motus voluntarij, quod constituitur in cerebro. Et quia principium vegetandi, seu naturalium actionum in animali, non se habet sicut in plantis, quasi emortuo modo extrinsecus recipiens influxum caloris à sole ad sua opera exercenda, cum intrinsecus à corde, & calorem, & vitam participet ad propria incrementa: principium verò sentiendi semper supponat principium viuendi, eiusque influxum cuius ope sensationes omnes, & vitalitatem habent, & esse; hinc est, vt ex tribus his principijs enumeratis, tam primum, quam tertium ad medium tanquam ad commune, & vniuersalius principium naturali quadam necessitate referantur; quod cum in corde locetur, & cor propterea primum in generatione animalis vivere conspiciatur, ac vltimò emoriatur; principem locum ipsum cor in animali dicitur obtinere,

præ-

principatumq. membrorum ei hac ratione in sententia Aristotelis demandatur. Quod tamen non tollit sensationes internas in cerebro exerceri, vbi primum, ac formale est sentiendi principium, à quo etiam immediatius sensus omnes externi dependent per influxum spirituum animalium: & motus quicumque voluntarij omnino procedunt per ortum neruorum, quem habent in cerebro, vt clarius constabit in sequentibus. Et sic relinquitur, verum esse, quod principium sensus ab eadem parte est animalibus, à qua motus, loquendo tam de principio sensus remoto, ac motus necessarij. (Siquidem verumque in corde constituitur) quàm de principio sensus proximo, ac formali, & de principio motus voluntarij, quæ simul reperiuntur in cerebro.

Quod autem in argumento opposito tangitur de aptitudine organi, & commodiori situatione illius, inquantum ab Aristotele desumitur, probat quidem prout cor constituitur principium vniuersale, à quo tanquam à centro, & vitam, & robur facultates omnes æquè recipiunt per circuitum totius corporis animalis, nam hoc tantum videtur insinuasse Philosophus. Alioquin inquantum extenditur ad probandum cor esse immediatum principium sensus, & motus voluntarij, nihil probat; tum quia principium neruorum per quos sensus, & motus transfunditur, est in cerebro, quod Aristoteles non negauit; tum etiam quia sistendo in eodem exemplo Aristotelis de temone, potius in extremo, & in superiori parte, quam in medio collocandum erat principium motus; sicut puppi, non autem in medio nauigij apponitur clauus, vt parua mutatione circa illud facta, magna procul fieret membrorum, vel corporis transpositio.

Nec ad rem facit appetitum sensitium in corde locari, quidquid sit de veritate huius propositionis, quæ alibi à nobis erit examinanda; Nam constat omnia membra principalia quantumuis inter se dissita, ad inuicem communicare, & exaudire sese quodammodo principia, ac secundum quidpiam copulari, vt docet Galenus. Nam sic, & sensus externi cum interno communicant: & facultates omnes ex-

6. de usu p. 109.  
cap. 18.

cutiux cum directiuis, quamuis longè absint in alijs partibus animalis. Quod fufius, & clarius infra explicabitur.

*T. B. 7. cap. 1.  
& 2.*

*Descriptio cerebri, prout in homine, alijsque nonnullis perfectis animalibus. Cap. III.*



T antem exactius natura, & vsus huius organi, percipiatur, præmittenda erunt aliqua de partibus, substantia, magnitudine, figura, situ, alijsq. ad eius constitutionem, vel efformationem pertinentibus in homine, aut perfectis quibusdam animantibus; Quæ omnia sparsim habentur apud Galenum, & colliguntur à pluribus, ac probatissimis recentioribus in dissectorijs eorum tractationibus.

*Galenus lib. 9.  
de Anatomie.  
administrat. Et  
lib. 8. 9. & 10.  
de vsu par. Et  
3. de loc. affect.  
cap. 10. Et 7. de  
accretis cap. 3.  
Eudocius Vef-  
fens in suis ta-  
bulis.  
Vesalius lib. 1.  
Chirurgia c. 1.*

Summatim igitur notandum est, cerebrum vniuersum, dissimulare esse membrum ex peculiari quadam substantia, membranis, arterijs, venis, nervis, & glandulis compositum; atque ex anteriori parte capitis, quæ sinciput vocatur, in posteriorem, quæ occipitium dicitur progrediens, in quatuor distribui sinus aut ventriculos, cineritij ferè coloris, ipsam substantiam quasi medullam continentes. Ex ijs autem duo simul æque anteriores sunt ex parte frontis, ad leuam scilicet, ac dexteram constituti, tenuiq. membranula diffiti, quæ dicitur lucidum septum, seu spectaculum; inter se quidem æquales, cæteris tamen capacitare, & magnitudine longè maiores, qui propterea totius nomen adepti, cerebrum nuncupari consueverunt. Duabus vterque simul meningibus varijs anfractibus continetur, quarum altera illi coniuncta mollis, ac tenuis, exiguisq. nervis, venis, & arterijs ornata, Pia mater dici solet; altera verò extrinseca, durior, & crassa, pluribusq. venis, & arterijs intertexta, Dura mater appellatur: Atque ex partibus internis vtriusque ventriculi duo pariter canales demittuntur, ad nares vsque pertingentes, inspirationis, olfactus, & superfusorum cerebri purgandorum gratia. Porro huiusmodi anteriores

ven-

ventriculi, dum versus posteriorem capitis partem se vni-  
 former extendunt, in alium tertium ventriculum proprijs  
 ductibus concurrunt. Hic profundior est sub vertice, quasi  
 in centro capitis locatus; peculiaribus meningibus non ob-  
 uoluitur, sicut reliqui ventriculi, ac perinde fortasse non-  
 nulli tertium ventriculum dicendum esse negarunt; sed po-  
 tius communem quandam anterioris cum posteriori cerebro  
 excavitatem, latumq. meatum: Omnino tamen ad fornicis  
 similitudinem quibusdam corpusculis appositè confirmatur,  
 estque duobus anterioribus ventriculis minor, ob sui verò  
 rotunditatem orbicularemq. figuram capacissimus. Is de-  
 mum ulterius in occipitium progrediens, per meatum quen-  
 dam in quartum ventriculum prorumpit; qui & posterius  
 cerebrum, & cerebellum ob sui parvitatem nuncupatur. Sed  
 antequam ad cerebellum perveniatur, corpusculum quod-  
 dam reperitur prædicto meatui superiacens, à similitudine  
 vermium lignorum epiphysis vermiformis appellatum, quod  
 transitui spirituum animalium præst, ut cum eos transmitti  
 in posterius cerebrum opus fuerit, ipsum meatum aperiat, &  
 claudat. At cerebellum, licet omnium minimus sit quanti-  
 tate ventriculus, spiritum tamen maximè elaboratum, plu-  
 rimumque continet, densioremque medullam. Etenim  
 cum hæc in partibus anterioribus cerebri mollissima sit, pau-  
 latim tamen ab illis recedendo, eò durior, ac densior effi-  
 citur, quò magis spinali medullæ ubi cerebrum desinit, ap-  
 propinquatur.

Quod ne temerè à natura factum putetur, nervorum or-  
 tum considerare hic ratio admonet. Hi namque in septem  
 potissimum coniugationes ab Anatomicis distributi, ex  
 quibus postea diuersæ soboles propagantur, omnes ab hisce  
 ventriculis circa basim originem sumunt; similemque in  
 principio substantiam retinent, quò scilicet anteriores, eò  
 molliorem, & sic vniiformiter difformiter quousque ad me-  
 dullam spinalem perveniatur, ex qua alij nervi, ijque du-  
 rissimi per vniuersum corporis habitum protenduntur infra  
 caput, & faciem per collum deorsum; ut qui longius à suo  
 prin;

1. de facis affec.  
cap. 10. & 6. 7.

principio digressuri, securius musculis, ac membris omnibus, motionis robur conferrent; fuscipiente tamen spinali medulla virtutem à cerebro mouendi pro arbitrio, vt in specie Galenus aduertit. Eiusq. verba notanda sunt cum ait. Ex anathome didicimus, neruos omnes à cerebro primum sumere initium; neque simpliciter initium, sed primum dixi, id quod spinalis medullæ gratia orationi adieci; quamuis enim permulti ex ea nerui prodire videantur, vim tamen omnem quam habent, cerebrum ipsi suppeditat, hæc ille. Qui autem nerui ex cerebri ventriculis oriuntur, licet paulatim ab eius molli substantia degenerantes, vt plurimum tamen non nisi per caput, & faciem propagantur, ad sensum, & motum peculiaribus sensorijs, ac musculis imperitendum: ac proinde cum non nisi parum proportionaliter à principio digrediantur, nec magis artubus motricem facultatem inferre debeant, adhuc molles per vniuersam faciem insinuant se præbent.

7. de decret. Hip.  
& Platon. c. 3.

Galen. in fin.  
eiusd. exp.

Nec prætermittendum est, vniuscuiusque nerui naturam triplici constare substantia, vt notat Galenus; media scilicet, & intima, arborum medullæ quam simillima, quæ haud dubie è medulla cerebri ortum habet: exterioribus duabus, prima, quam è tenui membrana, seu Pia matre; altera, quam è Dura, & crassa exoriri compertum est. Deinde (vt idem subnectit) per interiorem partem ipsorum neruorum, quæ à cerebro exit, sensum & motum omnibus animalium membris suppeditari; reliquis duabus exterioribus à membranis progerminantibus, idem officium neruis exhibentibus, quod ipsæ membranæ cerebro præstant.

Tandem admirabilis quidam plexus considerandus sese offert, qui toti propemodum cerebri basi subijcitur, & plexus retiformis, seu reticularis contextus, apud scriptores vocatur. Hic namque tanquam spirituum vitalium ad cerebrum ascendentium proprium ductum, animaliumq. spirituum efficiendorum, proximum, atque admirabile instrumentum, ex ijs præcipuè, quæ à corde sursum ad caput feruntur arterijs in multiplicem sobolem discissis, ad retis formam,

mam, cancellaris fibris construitur. Non quidem veluti simplex rete, sed eiusmodi, vt si vulgaria hæc piscatorum retia plura, alia alijs cumulata superijcias, atque si alterius replicationes, alterius replicationibus essent connexæ: siquidem naturali hoc in rete, omnia continuata serie inter se sunt connexa. Caterum quo pacto per hunc plexum retiformem, arteriæ, ac venæ pariter in cerebrum ingerantur, neruique inferius demittantur; insuper & qui nerui ex quo ventriculo, & ad quæ sensoria in particulari delegentur, quouè alio tramite, seu via, minutius hic discutere; præter institutum, ac prolixum omnino fuisset: Satis enim sit vniuersaliter cognoscere per hunc plexum ex arterijs, spiritum vitalem in cerebrum introduci, vbi efficitur animalis, per eumque explicatas neruorum coniugationes descendere, ac per sensus externos distribui, vt illi vim sentiendi sibi à cerebro mutuentur: quamuis infra caput, & faciem reliquum corporis, etiam per proprios neruos à spinali medulla tangendi vim obtineat per communicationem, quam spinalis medulla habet cum cerebro, vt paulò ante ex Galeno retulimus.

*In qua potissimum cerebri parte interior sensus residet.*

*Cap. IV.*



VM cerebrum ex dictis, instrumentum, seu organum esse constet compositum ex pluribus partibus dissimilaribus, vt sunt inuolutra exposita, seu membranulæ, quæ meninges vocantur; medulla, seu substantia illa, in ipsis contenta; spiritus animales, qui circa medullam adherent, & in poris eiusdem continentur; principia neruorum; venulæ per totam substantiam, ac vniuersas membranulas insinuatæ; & alia supra enumerata: quæstio est, in qua nam ex his partibus dissimilaribus tanquam in propria sede, sensus prædictus locetur.

Et quidem reiectis, quæ nullam vnquam habuere probabilitatem

bilitatem alicuius momenti, non defunt qui sensum interiorum in spiritibus animalibus collocandum existimauerint tanquam in subtiliori parte cerebri; quæ cum sensorijs cæteris, ac sensibus externis, quibus vim tribuit sentiendi, communicat; & in qua species omnium sensibilibus intus inuectæ à principio imprimuntur, ac momento agitantur iuxta opportunitatem interioris sentientis. Cui sententiæ fauere videtur

*2. de fide. c. 19.  
c. 20.*

D. Damascenus 2. de fide. cum loquendo de cogitatione, & memoria, Earum (inquit) sedem, & organum, esse medium, & posteriorem ventriculum, spiritumq. animale,

*In lib. de nat.  
hom. cap. 6.*

qui in eis includitur. Item D. Nemefius in lib. de natura hominis, ubi ait, instrumenta sensus interioris esse anteriores cerebri ventriculos, & qui in eis animæ spiritus continentur. Sed hi sancti Patres per organum, siue instrumentum, non intelligunt idem omnino, quod per sedem ac subiectum ubi facultas inhæreat; sed compositum ex proprio subiecto, & adminiculis ad opus sensationis exercendum. Nam idcirco Damascenus copulatiuè loquendo, ait, sedem & organum; referendo scilicet sedem ad solum ventriculum, & organum, seu instrumentum, ad eundem ventriculum sumptum cum spiritu, qui in illo includitur, & ad functiones illius deseruit. Quo sensu Nemefius enumerat etiam inter præfata instrumenta nervos illos, qui ex ventriculis nascuntur, animæ spiritu madefactos, & sensus sedium structuram. Obstat præterea huic sententiæ, quod spiritus animales non viuunt, sicut nec sanguis cuius tenuissimæ ac defœcaturæ sunt particule; nam cæteris partibus animalis minimè sunt continuatæ, vt sub vnus formæ viuientis unitate cum illis valeant coalescere iuxta doctrinam Aristotelis. Continentur enim in cerebro, nervis, & alijs sensorijs tanquam conceptaculis quibusdam, seu vasculis, à quibus proinde & à reliquis partibus viuientibus sunt naturaliter seiuncti; facultates autem sentientes non nisi in viuientibus organis debent locari.

*Lib. 2. de partib.  
animal. c. 3.  
& lib. de histor. anim. cap. 2. 19.  
c. 20.*

Alij in meningibus hanc facultatem locari opinabantur, eo quod sensu ipsæ polleant exquisitissimo, medulla verò  
nullo



nullo tangendi sensu sit prædita, ut docet Aristoteles, & ut ex calur incisione, & morborum euentis depræhensum esse cum Galeno testatur Fernellius. Quæ tamen sententia, nec ullo modo potest consistere. Nam si sensus interior in meningibus resideret, vel secum in eis pariter morarentur, ac reciperentur obiectorum imagines, vel ipso existente in meningibus, illæ in spiritibus, aut cerebri medulla subiectarentur seorsum: quorum primum naturaliter est impossibile, cum meningibus immobiles per se sint, species autem rerum motu agitentur assiduo, nunc detur transitus accidentis à subiecto in subiectum, aut ab una parte illius in alteram. Posterius verò falsum comperitur, nam species in eodem in quo potentia residet subiecto, debent locari, ut ipsis fecundetur, & utatur ad eliciendas sensationes.

Deinde improbat eadem sententia, quoniam si vulnere aliquo inuolucra illa incidantur, vel etiam omnino (sola tamen) excidantur; nec sensu, nec motu animal orbatur, ut docet Galenus. Non enim prius (inquit) sensum, & motum amittit animal, quàm ad aliquem ventriculum vulnus penetrauerit. Et rursus adiungit: cerebro etiam utrisque membranis, quibus obuoluitur denudatò, nullum inde animal passurum nocumentum, quod scilicet statim accidat: nam quod per contagionem, temporis processu postea sequatur, nihil refert. Potius itaque illæ meningibus à natura datæ videntur ad continendam cerebri substantiam, quàm ad imagines rerum excipiendas, sensumque, & motum cæteris partibus impertiendum, prout proprio competit sensorio sensus interni.

Statuendum igitur est de eiusdem Galeni, ac præcipuorum Philosophorum sententia, sensum interiorem non nisi in cerebri medulla locari, nec in aliquo tantum eius ventriculo, sed in tota ipsa adæquatè prout pluribus in sinibus continetur. Prior pars huius conclusionis probatur obseruatione Galeni, & aliorum, quæ constat, cerebri medulla violata, vel alterata, sensus intimas operationes præpediri, aut immutari; ut in vulnere accepto, phrenitide, aut lethargo, de

*Lib. 2. de part. animal. c. 10.*

*Galen. lib. 3. de caus. symptomatum.*

*Fernel. lib. 5. de anima facultas. cap. 10.*

*7. de decr. Hip. & Plat. cap. 3.*

*In sen. eiusd. cap. 3.*

*Lib. 3. de anime  
facultate. 10.*

de quibus alias loquuti sumus. Rursus, quia ut Fernellius, & alij quamplurimi obseruant, cerebri corpus, seu substantia, motu perpetuo cietur, & agitur secundum partes, non secus ac omne corpus fluidum, cuius tenuissima particule aliquando assidue loco permutantur, & in diuersa rapiuntur, nunc inter se adhaerentes, nunc verò ab inuicem se separantes: Ut perspicuum est in athomis aere solis radijs perfuso, aut in aqua feruente. At necesse est rerum simulacra non aliter inter se copulari, ac disiungi cum partibus subiecti quibus reperiuntur inustæ: Ergo indicium est ad hoc talem substantiam aptè molitam fuisse naturam, ac non in alio subiecto sensum interiorem cum suis imaginibus, seu spectris locari.

Quod si talis substantia sensu tactus omnino deprehenditur expers, hoc ipsum ad rem magis conducit; quia non debet peculiari aliquo sensu pollere subiectum, quod communi sensui destinatur; Et sicut in pupilla, seu in humore chrySTALLINO nullus debet esse color, ut de coloribus potentia ibi residens, iudicium promat: ita in sensorio sensus communis, nullus particularis sensus debet inesse, ad hoc ut à sensu communi de omnibus iudicetur. Nec propterea sequitur, substantiam illam non viuere, eo quod tactu careat, ut nonnulli autumant, quamuis tactus communis sit cæteris fere omnibus partibus viuentibus: nam eodem modo sequeretur, sensorium visus, & olfactus non viuere; quod est falsum.

*Lib. 1. de generatione animal. cap. 3. & lib. 1. de histor. animal. cap. 9.  
Auer. 2. collect. cap. 17.*

Siquidem nec chrySTALLOIDES ubi Aristoteles constituit potentiam visuam, tactu aliquo viget, nec carunculae mammillares, quæ ut notat Auerroes, eiusdem sunt substantiæ cum cerebro, & in quibus perficitur olfactus aliquo modo tactu sentiunt. Quod adhuc maiorem vim habet in sententia Galeni, qui olfactum constituit in inferiori parte anterioris cerebri, cui etiam sententiæ aliquando fauet Aristoteles.

*8. de visu part. cap. 6. & in lib. de olfactu.  
Sed. 13. probl. quest. 5.*

Posterior verò pars conclusionis probatur. Nam cum adequatus potentiæ locus esse debeat, in quo omnia illius requisita instrumenta reperiuntur saltem connexa; principia

pia autem neruorum, per quos sensus interior spiritus animales mittit ad sensus externos, non nisi per totam cerebri substantiam inueniantur diffusa; imò partim per spinalem medullam, vbi cerebello coniungitur: manifestè sequitur, ipsam vim sentiendi interiorem, non in meningibus, nec in aliquo tantum ventriculo, sed in adæquata, ac totali medulla, ex qua nerui omnes propagantur, sedem habere. Adde, quòd cum tota cerebri substantia homogenea sit, haud quaquam videtur secundum partem, non verò secundum se totam, interni sensus proprium organum se constituisse.

Vna tamen hic superest difficultas: nam cum spiritus animales certum sit elaborari in cerebri medulla, ex qua ipsi per neruos deuehuntur ad corpus vniuersum, non videtur quomodo eadem vtrumque munus possit obire, seu quomodo vtriusque organum accommodatum se possit præstare: maximè cum vltus, productioque phantasmatum, longè requiratur abesse à strepitu, concoctioneq. spirituum animalium, qui prout materialis naturæ magis participes, veluti in officina quadam virtute primarum qualitatum elaborantur. Verum si res aliquantulum expendatur, vnde difficultas hæc originem sumere videtur, inde pariter futilem esse comperietur. Cum enim vnica sit potentia, quæ & rerum similitudines, quibus vtitur ad phantasmata elicienda, à sensibus externis cognoscat acceptas, & eisdem ad operandum per spiritus animales virtutem impertiat; idem congruebat esse specierum receptaculum, & spirituum animalium fontem, vbi vnica ipsa facultas commoraretur, quæ de vtrisque disponere pro arbitrio posset. Nec planè consentaneum fuisset, sensum internum aliunde, quàm ex proprio organo, primaria sensitiuarum operationum instrumenta desumere, quemadmodum sunt spiritus animales: aut alibi esse principium motus, alibi verò spiritus quibus motus exercetur, progigni.

Neque demum est, tantam esse cerebri commotionem, in generatione huiusmodi spirituum, vt cum phantasma-  
tum

tum productione coherere non possit. Quamuis enim materia illa, ex qua primò spiritus animales conficiuntur, vt in subtilissimam eorum substantiam vltimò conformatur, exquisitas postulet dispositiones qualitatum plerasq; substantiales transmutationes; id nihilominus non vnico temporis momento absoluitur, nec solius cerebri virtute sine alterius instrumenti cooperatione, aut præparatione. Etenim vt rectè Galenus explicauit, sicut vitalis spiritus, & in arterijs, & in corde gignitur, materia generationis ex inspiratione, & humorum exhalatione sumpta; ita animalis ex vitali perfectius concocto oritur; quippe cum oporteat, ipsum exquisitissimam omnium immutationem adipisci. Nam si natura, & semen, & lac, cum velit exactè conficere; quamuis animali spiritu sint potestate longè inferiora; diuturnam illis in instrumentis concoctionis moram machinata est; atq; idcirco semini testibus annexum anfractum; lacti vasorum ad mammas tendentium longinquitatem præparauit; meritò etiam hic cum in cerebro è vitali spiritu, animalem efficere studeat; reticularem contextum ( seu plexum retiforme m ) quasi varium quemdam labyrinthum iuxta cerebrum fabricauit. Cum igitur tot præcedant spirituum animalium concoctiones, totque, tantisq; instrumentis præparentur antequam perueniant ad cerebrum, exploratum certè relinquitur, eos perquam facili negotio in cerebrum introductos perfici, & absolui; nulla interueniente vehementia alterationis, quæ cum phan-  
 tasmatum productione censeri possit impossibilis.

a. de decret. Hippocr. & Plat. cap. 2.

Quod nam organum cerebro respondeat in imperfectis animalibus. Cap. V.



**ARISTOTELES** 2. de partib. animal. & primo de histor. animal. docet, omnia animalia sanguine prædita, cerebrum obtinere; Ex cæteris verò nullum ferè, nisi per proportionem: ut Polypus, & quæ speciali nomine, mollia nuncupantur. Et paulò inferius loco primo cit. loquendo de effectibus, qui oriuntur ex cerebro: somnum etiam, ait, à cerebro proficisci ijs, quæ eam obtinent partem animalibus: quæ autem carent, ijs proportionale suppetere.

Galenus autem loquendo de crancris, & alijs molli crusta interiectis, quæ *μαλακίστρανα* Græci nominant, ait, caput quidem illis non inesse, particulam tamen, quæ sensuum, dux est, ac motus voluntarij, omninò certè illic in thorace esse locatam, ubi omnia ipsis insunt sensuum instrumenta. Idemq. postea docet de Balanis, & alijs plerisque consimilibus, quæ vel omnino caput non habent, vel rudem tantum eius delineationem, & adumbrationem. Contenditq. contra Aristotelem, particulam illam, non tam proportionalem cerebro, quàm cerebrum omnino esse appellandam. Quandoquidem instrumenta omnia, quæ eandem habent actionem, idem etiam par est, nomen habeant. Sicut quibus vident animalia instrumentis, ea tamen si in particularibus figuris variant, ac discrepent; æquum tamen est, oculos nominare: quibus verò audiunt, eadem ratione, aures; & quibus olfaciunt, nares.

Sed quidquid sit de hac quæstione nominis respectu animalium, quæ omnino distinctum præferunt organum, seu instrumentum ad directionem sensuum, & motuum pro arbitrio, quamvis in capite illud propriè locatum non sit: Vtrum scilicet cerebrum, an verò proportionale cerebro debeat appellari: difficultas est respectu aliorum adhuc imperfectiorum

*Libro 2. de par.  
anim. cap. 7. &  
lib. 1. de histor.  
anim. cap. 16.*

*9. de usu part.  
cap. 2.*

*Ibidem cap. 4.*

fectiorum animantium, in quibus nullum apparet eiusmodi organum distinctum.

Dicendum tamen est, in vnoquoque animali etiam imperfectissimæ speciei, partem aliquam dari tanquam commune sensorium, vbi regimen ipsius animalis administretur, sensusq. internus resideat; quamvis hæc palam in omnibus non discernatur propter imperfectionem instrumenti, sicut & ipsius animalis. Ita docet Aristoteles cum alijs in locis, tum expressè lib. 4. de partib. animal. vbi cum dixisset partes ad cibum accommodatas omnibus inesse animalibus, addit: sed habeant certè illud quoque oportet, quod ei parti proportionetur, cui sentiendi principatus in sanguineo genere mandatus est, hoc enim in omnibus animalibus inesse necesse est. Deinde statim huiusmodi organum assignat, tam in mollium, quam in crustatorum, ac testatorum, & insectorum genere; nam inquit, mollibus id esse membranam quandam humidam, & corpulentam à gula in ventrem tendentem, ac dorso quasi admotam, quæ proprio vocabulo Muris à nonnullis vocatur: Crustatis verò tale quid alterum similiter Muris appellatum. In testatis etiam eodem modo sentiendi principatum se habere: & licet in his minus pateat, attamen in medio semper querendum hoc principium esse ait: aut scilicet inter partes, quæ cibum recipiunt, & quæ excrementum emittunt, si fixa degunt: aut inter dexteram partem, & sinistram, si incessilia sunt. Tandem in insectis huiusmodi partem inter caput, & alueum esse inquit; quæ & si magna ex parte simplex est, tamen nonnullis multiplex est, vt Iulis, & similibus vermibus prælongis: quo fit vt præcisa viuere possint. Hæc igitur Aristoteles, quanquam ipse partem huiusmodi vbi sentiendi principium in his animantibus constituimus, cordi potius, quam cerebro proportionari dixerit ratione situs, quem obtinet: scilicet in medio animalis. Vnde non rectè sentiunt, qui putant sensum interiorum in imperfectis animantibus nullum obtinere locum, aut sedem determinatam, sed vnà cum tactu, & appetitu, per totum corpus esse diffusum; vt hac ratione colligant,

*lib. 4. de part.  
animal. cap. 5.*

*Conimbr. 9. de  
anima quest. 2.  
art. 2.*

ligant, nonnulla ex ipsis secta, & incisa, etiam vivere. Quod certè non parum à vera, ac peripatetica philosophia abhorret, cum nec tactilia à gustabilibus discernere, nec aptè de gustu, ac tactu ipso iudicare posset hæc potentia confusa cum illis, nulloque sciumta peculiari domiciliò: alioquin etiam in animalibus perfectis subiecto confundi posset cum cæteris.

Rectè denique Aristoteles pro organo ac subiecto sensus interioris membranam huiusmodi animalibus assignauit, cum membrana eandem, quam nervus, aut persimilem fortatur naturam: nervi autem instrumenta sint omnium sensationum, ac lationum specierum intencionalium, ac præcipuum sensorium tactus, à quo non longè distat sensus interior in his animantibus ob sui imperfectionem; cum inter gustum tantum, & tactum, debeat iudicare; qui etiam cognati sunt sensus; Vnde gustus quodammodo tactus ab Aristotele censetur pluribus in locis, ut supra etià adnotauimus.

Quod si nec talia, nec similia instrumenta conspiciantur in animantibus quibusdam adèò imperfectis, ut plantæ nè, an vera animalia sint, ambigat ferè Aristoteles. Non propterea deneganda est illis aliqua pars, quæ huiusmodi munus subeat absque distinctiori accidentium apparatu. Nam ut hætenus dicebamus, & Delphinos, & alios pisces, partem habere auditui, & olfactui accommodatam necesse est, cum audiant, & olfaciant, (utpotè, ait Plinius, cum plausu congregari feras ad cibum consuetudine in quibusdam viuarijs spectetur: & in piscinis Cæsaris, genera piscium ad nomen venire quosdam singulos.) tamen si nullam talem,

partem manifestam præferant aspectui, ut Philosophus observat. Omnium enim partes communes animalium, & easdem esse, & diuersas, nihil prohibet (inquit etiam ipse.) Nam aut specie, aut excessu, aut proportionem, aut situ talia sunt.

*Lib. 2. de partib.  
animal. cap. 10.  
Et de sensu, &  
sensu. cap. 2.*

*Et 2. de anima  
tex. 28.*

*Lib. 4. de part.  
animal. cap. 5.  
Lib. 1. Tract. 1.  
cap. 5.*

*Lib. 10. natural.  
Hist. cap. 70.*

*Lib. 4. de histor.  
animal. cap. 3.*

*Lib. 1. de histor.  
anim. cap. 2.*



## TRACTATIO SECVNDA

De varietate accidentium, ac dispositionum, quæ in organo sensus interioris reperiuntur.



ETERMINATO iam organo sensus interioris, sequitur inuestigandum de varijs dispositionibus illius, vt non tantum constet, quod nam illud sit in vnoquoque animali; verum etiam quale sit, quasque differentias accidentales secundum totam suam latitudinem patiatur in eodem, vel diuerso indiuiduo. Loquemur autem præcipue de dispositionibus cerebri, tanquã de certiori, ac principaliori organo; nam consequenter magna ex parte similes in proportionali illius subintelligere quisquam poterit, in quantum animalium varietas potest admittere.

*Enumerantur accidentia, ac variae dispositiones cerebri, & in diuersa genera distribuuntur. Cap. I.*



TSI in vniuersi corporis animalis organizatione, præcipuoq. membro illius internarum sensationum proprium instrumentum, quale paulò ante cerebrum esse descripsimus, admirabilem se omnino natura præstiterit: non minus tamen in diuersitate accidentium, dispositionumq. multiplici apparatu, quibus eandem structuram seruando, ipsum cerebri diuersimodè communiuit, ineffabilem planè se contemplantibus declarauit. Incircūscripta enim ferè est varietas accidentium, quæ ad constitutionem illius concurrunt, ac præterea multiplex dispositio ex illis resultas, & inexplicabilis vsus,

usus, quo natura, simili substantia, & quantitate, eisdemq. primis qualitatibus tam diuersas effingit combinationes, tam varia temperamenta, tam dispares ac discrepantes aptitudines, & conditiones. Quæ tamen omnia ad certa veluti capita, seu genera non incongrua ratione primò hic reducenda existimauimus, vt commodius de illis in particulari, ac sigillatim postea loqueremur.

Dispositiones igitur vniuersæ, quæ diuersimodè cerebrum solent afficere, aliæ sunt intrinsecæ, nempe ipsius propriæ ipsiq. inhærentes; aliæ verò extrinsecæ, quæ potius reliquo corpori, vel nonnullis alijs eius partibus insunt; per consensum tamen, vt medici loquuntur, seu per communicationem, ipsum cerebrum aliquo pacto afficiunt, ac per accidens immutant, & modificant. Confluxio enim vna, ait Hippocrates, conspiratio vna, consentientia omnia.

*Libro de Affe-  
mento.*

Intrinsecæ autem dispositiones sunt magnitudo substantiæ cerebri, eiusq. inuolucri capacitas, quæ non semper nec in omnibus est æqualis; Figura illius, in qua sæpe homines ob maiorem, vel minorem temporum pressionem, aut cauitatem, totiusq. capitis rotunditatem differunt; Subtilitas, seu exilitas, vel crassitudo partium eiusdem substantiæ cerebri, nec non spirituum, meningium, venarum, aliorumq. corpusculorum ad cerebri compositionem spectantium; Temperamentum primarum qualitarum, quod varium, & alterabile nimis esse solet iuxta diuersas combinationes ipsarum qualitarum, & gradus illarum; Ac tandem secundæ qualitates quamplurimæ, quæ ex primis nascuntur, vt adhærentia, & viscositas partium, pinguedo, vel gracilitas, raritas, ac densitas, & similia, quæ iuxta opportunitatem sermonis explicabuntur.

Extrinsecæ verò dispositiones cerebri sunt variæ temperies complexionesq. totius corporis animalis, quæ potissimum quatuor esse solent; nimirum calida, & humida, calida, & sicca, frigida, & humida, frigida, & sicca; Item inæquales magnitudines corporis; Diuersæ dispositiones, ac proportionēs membrorum pariter, & figuræ, aliaq. similia,

quæ vniuersali ratione corpus diuersificantia, cerebri quoque temperamentum immutant. Deinde sunt varix temperies, ac dispositiones quarundam determinatarum partium animalis, quæ cum cerebro præter vniuersalem communicationem, peculiarem, ac priuatam correspondentiam habent; vt cor ex cuius dispositione, ac temperamento acumen, vel obtusitas ingenij Plato docet oriri, quamuis præcipuam animi sedem ad rationalia munera obeunda locasset in capite. Item sanguis, qui propterea, vt docet Aristoteles, cum per mores, tum per sensum plurimam in animalibus differentiam causat si calidus, aut frigidus sit, si tenuis aut crassus, si turbulentus, aut nitidus. Similiter caro si dura, aut mollis, & peculiari ratione sensorium tactus, secundum quod ingeniosus, & non ingeniosus esse homines affirmat Philosophus. Præterea ventriculus eiusq. os, quod dicitur stomachum, ex quorum varia constitutione, & aptitudine diuersimodè alteratur cerebrum, vt docet experientia, & medici omnes observant. Ac denique testes, qui, vt ex Hippocrate, & Galeno inferius adducemus, varium, ac inueniuntur vigorem ad cerebrum peculiariter immutandum. De quibus, postquam de dispositionibus intrinsicis actum fuerit, sigillatim differendum erit.

In Theæto lon.  
ge post med.  
In Timæo ante  
med.  
Lib. 2. de part.  
animal. c. 4.

2. de anima  
10. 94.

*De apta magnitudine, ac figura cerebri, eiusq. partium  
subtilitate. Cap. II.*

Lib. 1. de Hist.  
animal. c. 26.  
Et lib. 2. de part.  
animal. cap. 7.  
Et 2. de generat.  
anim. cap. 4.



**C**VM Aristoteles hominem inter omnia animalia plurimum cerebri habere doceat proportionem sui corporis, & inter homines, maiores plusquam, foeminas; imò, ex hõc colligat aptitudinem ad intellectum ac prudentiam, quæ homo animalibus cæteris antecellit: absque dubio maiorem cerebri quantitatem, aptiorem dispositionem illius reddere iuxta hanc doctrinam consentaneum erit asserere. Id quod etiam idem Philosophus vide-

In Physiognom.  
cap. 9.

tur

tur innuere, cum ait: Qui caput magnum habent; canumque instar, sensatos esse, & sagaces; qui verò capite paruo sunt, eos ferè insensatos haberi. Caput enim prægrande propter cerebrum esse docuerat. Vnde memores etiam vocat, qui habent superiora maiora. Quam doctrinam ante Aristotelem tradidisse, ac supposuisse videtur Plato cum ait, obscura fieri simulacra in hominibus si inuicem illa congesta sint ob sedis ipsius angustiam. Post Aristotelem verò illam amplexus est non modo Galenus, qui meliorem cogitandi vim ex ampliori cerebro, & medulla, latioribusq. spirituum cauernis potius, quàm ex pusillis differtissimè colligit; verum & Auicenna eodem penè vsus argumento, dummodo tamen inquirunt id eueniat ob insitæ virtutis robur, quæ multam atque optimam materiam efformauerit.

Nec deest ratio, qua huiusmodi communis ferè consensus nitratur. Siquidem amplitudo cerebri capacitatem ac distinctionem affert imaginum inustarum, vbertatem spirituum animalium in ipsius poris, & cauernis contentorum, distinctionem, & latiore ortum neruorum per quos spiritus ad reliqua sensoria delegantur, maioremq. proportionaliter virtutem sensitiuam, quæ maiori, & aptiori subiecto debetur, si contra aliud non obsistat, vt colligitur ex doctrina D. Thomæ. Et quamuis species intentionales, nec loco, nec aliqua contrarietate diffideant inter se, cum simul plurimæ, ac diuersæ in eadem cerebri parte commorentur; negari tamen non potest extensionem subiecti multum conducere ad conseruationem, ac maiorem distinctionem illarum. Nam amplius in regione velociter distribuunt, diuiduntq. in propriam effigiem singula, ait Plato: Et læsa, aut vitata quadam cerebri parte, multa scimus quandoque excidisse rerum simulacra, reliquis manentibus incorruptis: Et lumen licet eiusdem intentionis, ob maiorem extensionem sui atque subiecti, magis splendescere, & illuminare, vt cum ex paruo igne magna flamma per subiecti, seu materiæ accretionem attollitur; vel augetur ellychnium in lampadibus: Quod certè idem arguit euenire imaginibus in amplo, vel angusto cerebro,

*In Physiognom.  
cap. 6.*

*2. de generat.  
animal. cap. 4.*

*In Theodoro lon-  
gè post medium.*

*In lib. 6. Hippo-  
cratis de morbis  
vulgaribus com-  
ment. 1. num. 3.*

*Et lib. de arte  
medicin. c. 11.*

*Lib. 3. sen. 1.  
tract. 1. cap. 10.*

*1. p. q. 26. art. 7.*

*In Theodoro lon-  
gè post med.*

rebro, cum magis, & minus in eis elucere possint obiecta.

At contra prædicta celebris videtur esse locus Aristotelis 30. sect. problem. quæst. 3. cum docet, hominem esse omnium animantium prudentissimum, quia capite minimo est ad sui corporis proportionem; & inter homines ipsos, qui minori sunt capite, prudentiores nasci, quam qui sunt grandiori. Vnde lib. de somno. & vigil. cap. 4. homines magna capita habentes, somni amatores esse ait. Et in Physiognomicis cap. 6. Somnolenti figuram describens, tribuit ei superiora maiora, per quæ caput præcipuè intelligitur. Quibus consonant, quæ Polemon, & Adamantius in suis Physiognomicis pariter scribunt; nempe caput, quod magnitudine exuperat, obtusi & indocilis hominis argumentum esse.

*Polem. in Inter-  
pretat. signorum  
nature circa  
initium.  
Adam. in Phy-  
siognom. post  
med.*

Verum si rectè Philosophum exponere, veraque velimus attingere, notandum est, magnitudinem maiorem, vel minorem capitis, nasci quidem nonnunquam ex maiori cerebro; sapius tamen, ut in brutis, ex crassitudine cranij, reliquorum ossium, ac meningium, cutisq. corpulentia euenire; quæ omnia non modo ad rectam cerebri dispositionem nihil conducunt; sed potius, ut infra dicemus, officiant plurimum. Quare cum Aristoteles paruum caput laudat in hominibus, intelligi debet tam respectu brutorum, quam respectu illorum hominum, qui ad instar belluarum, talem magnitudinem ex ossibus, & cute, non autem ex maiori cerebro sortiuntur. Aliud est enim cerebro abundare, aliud autem vastum caput habere. Excedit namque vnus hominis magnitudo cerebri trium ingentiumq. bouum simul cerebri quantitatem; Pariterq. catuli, aut vulpis eam, quæ in oue, aut caprea inuenitur. Ait igitur Aristoteles locis supra citatis, hominem inter omnia animalia plurimum cerebri habere, & capite minimo esse ad sui corporis proportionem, & ex vtroque principio prudentiam eius supra cætera animalia argumentari; nam re vera sicut iuuat quantitas cerebri, ita iuuat macilentia capitis, ac tenuitas ossium, & reliquorum, ex quibus euidentur sumitur argumentum, huiusmodi substantiæ magnitudinem ad perfectiores interni sensus

sus operationes, natura sua ordinari; eoq. maiorem cerebri magnitudinem cuilibet animali deberi, quò perfectius ad sensibilia munera obeunda, natura instrumentum conatur effingere.

Verum, quia nihil natura extra limites augeri contendit, nec excessus rei perfectionem auget, attendenda semper est cæterorum membrorum cum cerebro, tum magnitudinis, tum aliarum virtutum proportio. Vnde, inquit, Galenus: Vis cogitandi ijs, qui aut nimis magna capita, aut nimis exigua euidenter possident, oblata est. Extrema enim in omnibus vitiosa sunt. Quare sicut de cerebro, ita & de capite dicendum est, quod si vtrumque proportionaliter mediocritatem sapiat, semper potest laudari. Vbi pariter licet aduertere, Aristotelem non commendasse in hominibus minima capita, absolutè loquendo, sed minima illum vocasse capita hominum respectu brutorum, & minora capita commendasse respectu magnorum inter homines, eo sensu, quo diximus; cum simpliciter, & absolutè mediæ magnitudinis caput ab ipso magnopere comprobetur scribente ad Alexandrum. Quod si extrema ad inuicem conferamus, certum est, vt subtexuit Galenus, magnum caput nonnunquam bonum esse ob facultatis formatricis robur, & materiæ vbertatem. Quali capite Pericles Atheniensis vir prudentissimus fuisse traditur; minimum verò exiguumq. caput semper prauum esse, & ab omnibus tanquam incapax ac vitiosum instrumentum interioris facultatis haberi: vt videre etiam est apud Polemonem, & Adamantium. Paruum enim, & angustum caput, condensos spiritus obtinet, & inquietos. Vnde de struthione, quæ inter animalia exiguum sortita est caput, parumque proinde cerebri obtinet, dicitur in Iob: Priuauit enim eam Deus sapientia, nec dedit illi intelligentiam.

Di figura autem cerebri, suppositis his, quæ supra in descriptione illius retulimus, pauca erunt hic explicanda, nempe illa, in quibus vnum cerebrum differt ab alio, & ratione quorum melius, aut deterius reperitur dispositum. In duobus igitur figura vnius cerebri differre potest ab alia, vel scilicet

*In lib. 6. Hipp.  
de morb. vulg.  
cõment. l. III. 3.*

*Polemon. in sua  
natura signorũ  
interpretatione.  
in princ.*

*Adamant. in  
sua Physiogn.  
post med.  
Iob cap. 32.*

licet secundum ventriculos singulos præcisè sumptos, vt si orbiculares illi sint, an præssi aliqua ex parte, aut potius oblongi: vel secundum positionem illorum ad inuicem, vt si magis, vel minus adhæreant posteriores prioribus dum vnus post alium tendunt in sinciput, per longiores, aut breuiiores canales, seu meatus communes: nam anteriores ventriculi semper sunt æquè coniuncti ad dexteram, & læuam sincipitis per tenuem, ac lucidam solummodo meningem distincti; qui propterea potius veluti duo æqualia segmenta vnum orbem, seu sphaeram simul componunt, quam pia, ac dura mater obuoluunt.

Communis ergo, ac verior opinio est, tam ventriculos singulos, quàm omnes simul sumptos, prout adæquatum cerebrum componunt, in longum debere esse porrectos, in sinciput nimirum, & occiput protensos; & hanc esse naturalem, & aptam cerebri figuram, à qua magis, vel minus quandoque subiecta degenerant. Quapropter Galenus, cerebri aptam figuram ab externa capitis forma auspicatus, perfectamque capitis formam describens, ait, illam esse veluti si sphaeram ceream vtrinque ad latera depressam excogitares.

*In lib. de arte  
medicin. c. 11.*

*Lib. 1. sen. 1. de  
Strina 5 summa  
prima cap. 2.  
Locis supra cit.*

*Ibidem.*

Et Auicenna similiter caput quadamtenus oblongum laudat, quod Albertus malleo assimilat, probatque, sicut etiam Polemon, & Adamantius.

Ratio verò prædictorum est, quam tangit Auicenna; quia neruorum ortus ac propagines, per longitudinem constituentur, ac situantur in cerebro, ita vt vna coniugatio neruorum post aliam ab anteriori ad posteriorem partem, procedendo, sequatur. Quo fit, vt ad commodiorem vsum neruorum, distinctioremque ortum illorum, per quos tam variae species inuehuntur, tam singuli ventriculi, quàm totum eorum compositum in longum magis, quam in latum teneatur protendere.

Post figuram cerebri, quæ est modus quantitatis illius, occurrit alius modus quantitatiuus, ratione cuius non minus cerebri substantia, quàm alia corpora homogenea, diuersimodè valde disponitur. Est autem tenuitas, vel crassitudo



tudo partium illius, non quidem illa, quæ sumitur secundum determinatam aliquam dimensionem, ut cum in aliquo corpore pars digitalis tenuior dicitur, quàm pars palmaris; sed quæ indeterminatè consideratur secundum maiorem, vel minorem subtilitatem partium integrantium, & quæ diuersis nominibus in diuersis corporibus homogeneis explicatur. Nam & vna creta, vel cera, dicitur subtilior altera, præter densitatem, aut raritatem illarum ortam ex frigore, vel calore: & vnum marmor gracilius ac subtilius altero; aeremque, vel aquam tenuem, aut crassam vocamus. Quo sensu Cicero Athenis tenue cælum, crassum Thebis esse aiebat. *Cicero de Fato.* Et exhalationes dicuntur constare ex partibus tenuioribus per æstum exhalatis, ut idem Auctor alias docet. Itaque *Lib. 2. Tuscul. 9.* cum quantitas cuiusque corporis ex se sit indifferens in hoc, ut componatur ex partibus tenuioribus, aut crassioribus, sicut magis minusve porosis, rarioribus aut densioribus; per aliquam formam, vel saltem modum distinctum determinari debet ad alterum. Quo supposito, videndum est quinam, modus, seu quidnam magis cerebro competat, habere ne huiusmodi partes tenuiores, an crassiores.

Et quidem hac de re, licet non omnes Auctores loquantur expressè, ex communi tamen doctrina illorum, firmaque ratione colligitur, partes integrantes substantiæ, seu magnitudinis cerebri, ad rectam eius dispositionem constituendam, debere esse tenuiores potius quàm crassiores. Suadetur autem hoc primo à pari ex Aristotele, qui docet, sanguinem alium esse subtilem, alium crassum; ad vires autem corporis valere sanguinem crassum, ad ingenium verò subtilem. *Lib. 2. de part. animal. cap. 4.* Deinde probatur ex Galeno, qui expressè ait: Ingenium quidem (græcè ἀγγίσιον) subtilem cerebri substantiam indicat: tarditas verò intellectus, crassam. *Lib. artis medicinal. cap. 22.* Præterea idem arguitur ex maiori perfectione, quam secum affert tenuitas partium propter puritatem, leuitatem, ac raritatem, quæ illam facilius consequuntur, & ad functiones cerebri magnopere deseruiunt. Rursus ex maiori aptitudine, quam habet ad excipiendas imagines, easque copulandas, & exprimendas,

mendas, admittendosq. intra poros spiritus animales. Si quidem quò tenuiores sunt partes corporis, eò distinctiores reddunt inultas imagines secundum paruas differētias, quas omnimodo non in qualibet extensione possunt ostendere.

*In Tractato Ion  
g. p. 1. v. 1. 1. 1.*

Quod fortasse intellexit Plato cum dixit, terream ceram, hoc est substantiam cerebri, obscura simulacra continere, sicut densam lapideamque, vel seculentam. Nam terrea dicuntur proportionaliter mixta præ crassitudine partium integrantium; sicut præ tenuitate, dicuntur aerea. Vnde etiam: latent omnia crassis circumfusa tenebris, ait Cicero.

*Academicarū  
quest. lib. 4. non  
longe à fine.*

*De apta dispositione, ac temperamento primarum qualitatum in cerebro. Cap. III.*



VM tot ac tam diuersa sint operationes sensus interioris, illæq. tam variè exerceantur quolibet mutato temperamento primarum qualitatum in cerebro, difficile admodum est, præcisam, ac determinatam quandam ipsarum qualitatum temperiem assignare, quæ sit omnibus operationibus accommodata, quæque simpliciter tanquam apta cerebri temperies constituatur. Quamobrem qui diuersa organa, diuersasq. facultates sentientes distinguunt in cerebro, diuersa pariter putant esse vniuscuiusque eorum temperamenta. Qui verò melius non nisi vnum admittuat esse organum, vnamque potentiam, ij quidem vt plurimum, vel distinguunt partes ipsius organi, vel operationes potentiae, secundum quas diuersa quoque temperamenta docent requiri. Nec multum se declarant assignando adæquatum temperamentum vnicuique operationi, sed tantum docent, quasdam qualitates ad aptitudinem quarundam potius, quàm aliarum operationum conferre, vt humiditatem ad distinctam, ac expeditam rerum perceptionem, siccitatem ad memoriæ tenacitatem, & similia, de quibus postea.

*Interim*

Interim tamen dicendum primo est, aptam cerebri temperiem respectu cunctarum sensationum, esse magis calidam quam frigidam, non ex proprio ipsius cerebri, sed ex cordis calore per sanguinem circum obsistentem, & spiritus animales ita constitutam. Id quod non obscurè colligitur ex Aristotele 2. de partibus animal. cap. 7. cum ait. Calor enim cordis principium consentientissimum est, sensumq. celerissime facit, cum sanguis cerebri vlllo pacto mutatur, atque afficitur. Nam & superius in eodem cap. loquendo de cerebro, dixerat: Sed ut ea quoque pars, modico potius calore, venæ ad membranam cerebri deueniunt; & ne calor nimis ostendat, non pauca amplæ, sed frequentes, ac tennes venæ ambiunt; nec sanguis copiosus, & crassus, sed tenuis, sincerusq. subit eodem. Fauet etiam, quod in 2. de part. animal. cap. 4. docet ad ingenium valere sanguinem, subtilem, & calidum, sicut ad vires corporis crassum, & calidum. Quod si alias Aristoteles cerebrum vocat frigidissimum, tunc illud sumit secundum propriam constitutionem suæ præcisæ naturæ, quam frigidissimam esse, nemo vnquam negabit, ut Galenus etiam aduertit ex pluribus indicijs lib. 2. de temperamentis cap. 6. Ac propterea diximus, cerebri temperiem, non proprio, sed adscititio cordis calore, seu à corde procedente, constitui calidam. Et quamuis paruus sit excessus caloris illius, talis nihilominus denominatur: nam vbi quid ab omnimoda mediocritate recessit, ab eo, quod vincit, nomen accipit. Nec repugnat Aristoteles, cum, ait sect. 14. problem. quæst. 15. sapientiores esse, qui sedes frigidas habent eadem ratione, qua senes. Nam loquitur comparatione illorum, qui frigore loci circumobsistente, longè calidiores, quam postulet natura, interius redduntur; ita ut vinolentis admodum similes esse videantur, (ut ipse inquit,) ac propterea ingenio minimè valent, quo prospiciant, rerumq. rationes inquirent, secus ac qui calidiorè ambiente interius potius refrigerantur, hoc est respectiue, sicut senes frigidiores sunt, quam iuvenes, ideoque sapientiores, cum careant excessu illo caloris, qui, ut infra dicemus,

mus, cognitiones omnes perturbat. Deinde idem probatur ex Hippocr. lib. 5. Aphorif. Aphorifmo 18. ubi afferit; frigidum inimicum ossibus, dentibus, nervis, cerebro, spinali medullæ. Quod nisi cerebrum putasset calidum, talem inimicitiam utique non astrueret. Galenus autem ad probandam huiusmodi calidam cerebri temperiem lib. 8. de usu partium cap. 2. hoc utitur argumento. Quovis enim tempore cerebrum multo calidius aere invenitur, siue ruptum alicuius caput manibus curemus, siue etiam experiendi gratia animali cuius cranion exciderimus, & meningibus discissis tangere voluerimus: & nemo est, qui ignoret, nos id maxime agere, ut quam citissime ossa capitis excidamus, ne cerebrum refrigeretur: Atqui si aer cerebro esset calidior, haudquaquam ab eo refrigeraretur; nunc autem etiamsi ætas fuerit, facile refrigeratur, indigetque etiam tum foveri citissime: hæc ille.

Nobis verò huiusmodi calidam cerebri temperiem non, abs re visum est etiam ab actionum, quæ in illo exercentur læsione, vel corroboracione, alteratione facta in ipso cerebro, auspicari. Constat enim calefacto cerebro ex accidenti ab aliqua intrinseca causa, ut in ardente febri, malincholia adusta, alijsq. biliosis morbis, qui ut docet Galenus, mordentibus, calidisq. humoribus cerebrum infestant, non modo apprehensionem sensus interioris, imaginationem, estimationem, & memoriam hebetari; verum & magis corroborari, vinaciusq. & expressius obiecta per illas representari. Ita ut in nonnullis hominibus, in quibus rectè valentibus languiebant huiusmodi operationes, reuiuiscere, ac debitas sibi vires consequi videantur, cum in morborum aliquem ex prædictis, tales homines inciderint. Qui propterea facilius tunc valent carmina fundere, suavius modulare, proprios conceptus peregrino idiomate promptius explicare, & alias huiusmodi operationes edere, quæ aptiorem proprii sensorij dispositionem supponunt. Quod certè intelligendum est, cum nec morbus, nec calor ad maximam, aut vehementem intensiorem pervenerit: nam tunc & vehemens calor incon-

stanti

stanti varietate conceptus omnes turbat, atque exagitat, & admixta euaporatio humorum, figuras obumbrat, lumenq. cognitionis obtenebrat: Vnde deliria, phrenitides, & insania deriuantur. Deinde in specie circa operationes memorie experimur, quod calefacto aliquantulum cerebro, promptiores euadunt, & si langueant, reparantur. Atque hinc refrigeratione capitis, qua cerebrum incalescit, & contractio- ne frontis absque animaduersione, aut industria adhibita, sepius recordamur. Vnde cum, vel perijt, vel grauiter laesa est memoria, calefacere ipsam oportet, ait Galenus.

*Lib. 3. de locis affect. cap. 5.*

Contra verò Lethargum, Sopor, Apoplexia, morbus comitialis, aliq. pituitosi morbi, qui à frigido, crassoq. humore in cerebro congesto proficiuntur, teste eodem Galeno, cunctas internas sensationes impediunt, ac oblaesas relinquunt. Imo vt ipsemet Galenus aduertit, manifestum est, & fatuitatem, & obliuionem ex refrigeratione creari. At me- diocres tum rationis, tum memoriae noxas, quasiq. torpores, ex minore refrigeratione: veluti, aut ex medicamento aliquo refrigerante in corpus assumpto, aut capiti imposito; aut frigido succo in cerebro collecto. Quapropter merito frigiditas, inquit, haud dubio omnibus animae actionibus officit.

*Lib. cit. cap. 5. § 7.*

*Lib. 2. de sym- ptom. causa. 7.*

*Lib. Quod ani- mi mores. 6. 5.*

Vnum tamen hic est explicandum, quod non parum contra praedicta facere videtur. Quomodo scilicet malencholia, quae frigida est ex propria sua naturali temperie, imaginationem, ac dexteritatem animi augeat, sensationesq. cunctas perficiat; vt saepenumero experimur in his, qui virtute suae originis, vel ex morbo aliquo cerebrum alterante, eius naturam adepti sunt. Nam hi vehementer, ac viuacissime apprehendunt obiecta, acutissime de omnibus iudicant, artesq. ac disciplinas perquam facile adipiscuntur, & ad omnes cognitiones, expeditos se praebent; vt ex enumeratione quam prodit Aristoteles de ijs, qui in quacumque re; aut fa-

*30. sect. probl. 9. 1.*

Occurrendum tamen est, notandumq. ex eodem Aristotele, malencholiam seu atrabilem, esse quidem ex se ab- solute

*Ibidem;*

solutè frigidam; commixtam tamen vniuersi corporis naturæ, quæ diuersam omnino temperiem obtineat, calidissimam reddi posse, & ita sæpe de facto contingere. Sicut cum aqua natura sua frigida, calefacta feruet, & calidior quàm flamma sentitur: Et lapis, & ferrum ignito carbone calidiora euadunt, cum natura frigida etiam per se sint. Quare licet melancholica temperies ex naturali prædominio attrahibilis, quæ frigida est, & sicca, sensationes omnes retardet, stupidaq. animalia reddat; præassatus tamen idem humor ab aliena temperie fluxibilis, & sanguinis adustione, vinoque propter calorem, vt ait Aristoteles, persimilis effectus, ad omnes motus celerem, ac expeditum sensum interiorem reddit. Et sic apta dispositio cerebri semper à calore procedit, siue naturali, siue aduentitio, dummodo non multum excedat.

Secundo dicendum est, aptam cerebri temperiem, humidam aliquantulum magis esse, quàm siccam, humidiorēq. in anterioribus ventriculis, quàm in posterioribus. Constat hoc primo ex Aristotele lib. 2. de part. animal. cap. 7. vbi cum docuisset, cerebrum naturam obtinere aquæ, & terræ communem, ex eo id probat, quòd cum coquitur indurefcit atque siccescit, vt humore exacto à calore, terrena portio relinquatur. Sentit igitur ante cōctionem in illa mixtione abundare potius humiditatem, quæ postea expellatur, quàm siccitatem. Quod ex eodem paulò inferius confirmatur: nam loquēdo de calore cordis inualefcēte, docet, cōtra multum caliditatis illius, multū cerebri humiditatis frigiditatisq. oppositū esse; & humiditatis copia fieri, vt capitis os, quod caluariā appellamus, serò admodum induretyr. Tādē ne quis existimet humiditatem in cerebro multum excedere siccitatem: Si cerebrum, inquit, vel humet, vel sicet supra modum, suo fungi officio non potest. Deinde ex Galeno idipsum optimè probatur lib. 2. de temperamentis cap. 3. vbi postquam dixisset eiusdem generis esse cerebrum cum medulla spinali; Est tamen (adiungit) humidius, & calidius cerebrum, quàm spinalis medulla eoque etiam mollius: ipsiusque cerebri

cerebri priores partes tanto sunt humidiores, quanto molliores. Additque, omnia hæc eute quidem esse humidiora; cum lib. præcedenti cap. 9. dixisset cutem esse omnium extremorum calidi, & frigidi, humidi, & sicci verè mediam, maximeq. eam, quæ est in manu. Item lib. 3. de locis affectis cap. 5. idem Galenus refert, se nouisse quendam, qui ob laborem in studijs atque vigilas, memoriâ penè amiserat, laesa etiam ratione; & agricolam, qui ob labores, quos vites colendo subierat, ac tenuem victum, eodem modo affectus erat. Atque ij (subiungit) ex siccantibus caloricisq. lædebantur: madefacientia verò, quæ calefaciendi quoque vim haberent, haud mediocri ipsis erant præsidio. Apertè igitur Galenus ab experientia didicit, calorem, & humiditatem, absque tamen multo excessu in apto cerebri temperamento valere: Calorem nimirum, quem cerebrum à corde per sanguinem circumobstantem præcipuè mutuatur: & humiditatem quam ex se habet; eiusdem tamen caloris ope aliquantulum remissam, ac temperatam.

Iam verò, ut utramque simul conclusionem naturali discursu probemus, idoneamq. cerebri temperaturam, calidam, & humidam esse stabiliamus; obseruanda erit reliquarum primarum qualitatuum combinationumq. ineptitudo ad præfatas operationes obeundas in tali subiecto. Etenim frigiditas robur exsoluit, spiritus constipat, pinguedinem creat, multisq. foeculentibus exhalationibus, & excrementitijs materijs coagulatis, sedem reddit oppletam, & coinquinatam. Vnde sensus torpeat necesse est, segniorq. in administratione spirituum euadat; imò & impotens ad excitandas, prout oportet, imagines, segregandas copulandasq. cum debita promptitudine, ac celeritate. Siccitas verò partes reddit immobiles, impressiones difficiles, faciles resolutiones spirituum, & arduam administrationem eorum: Vnde ingenio duri ac pertinaces, deficientes in plurimis, pauca sapientes, & quandoque penitus fatui, & amentes. Quod si frigiditas cum siccitate copuletur, ut in ijs, qui omnino naturam habent ex abundantia atræ bilis malençolicam, membraq.



*Señ. 30. probl.  
quass. 1.*

simili temperamento disposita; tunc ex prædictis causis; homines fiunt ad omnia penè inutiles, tardi, segnes, timidi, ingenio duri, stolidi, & incapaces. Quod Aristoteles animaduertit cum ait: In quibus multa, & frigida bilis est atra, hi stolidi sunt, & ignaui. Pauloq. antea dixerat, quòd si illa modum exceßerit, hominem facit attonitum, aut obtormentem, aut anxium, aut formidolosum. Quod certè intelligitur per frigiditatem, ac siccitatem, quæ inde redundant in cerebrum. Si verò frigiditas cum humiditate coniungatur, quæ est natura phlegmatis, tunc augetur pinguedo, turbidaq. facile redditur sedes ex facilitate admixtionis

*Lib. artis medicinal. cap. 22.*

vaporum, excrementitiorumq. materiæ, vt ait Galenus, ac defectu discussionis, quæ fit per calorem; spiritusq. animales difficilius generantur, ac geniti torpent, & languent. Vnde homines pituitosi, somnulosi, immemores, sensibus quoque minimè vigentes, nec non & in cognitionibus confusi, crassaque, vt dicitur, ac pingui minerva. Nam vt rectè docuit Galenus, pituita ad formandos animi mores omnino inutilis est. At si siccitas cum calore misceatur, vt in flaua bile, tum spiritus, tum partes ipsius cerebri resolutibiles valde fiunt, motionibusq. nimis obnoxie propter attenuationem, & agilitatem expeditissimæ earum naturæ. Quo fit, vt homines sic instituti, celeres nimis sint in suis cogitationibus, & imaginationibus, plurimum vigilant, & ad multa statim, & inconsulto raptantur, non patientes diuturnam contemplationem; ac propterea, vt sapissimè fallantur, & eludantur, necnon & in amentiam ac furorem sint valde propensi. Vt simile quippiam prodit Aristoteles loquendo de ijs in quibus atra bilis admodum incalescit, nam pariter in illis siccitas, & calor manent in prædominium. Multique propterea (inquit) morbis vesanix implicantur, aut instinctu lymphatico inferuescunt.

*Ibidem.*

Remanet ergo calor non multum exuperans, qui proculdubio amplum sibi locum facit, auget vires, purgat medium, pinguedinem dissoluit, bene concoquit, & per euaporationem superflua expellit, nec quidquam finit inesse

con-

contrarium. At si cum temperato calore non multa etiam humiditas adaptetur, vt diximus, placidiorem reddet cerebri substantiam absq; tumultu exagitationis; spiritu abundantem propter similitudinem temperiei; specierum reuerentissimam propter facilitatem impressionis, ac retentionis, quæ ab eadem dispositione nascitur, vt infra explicabitur; & ad omnes motus cognitionis exactam, & expeditam; vt potè sinceram, constantem viribus, & ab omni labe, aut lentore purgatam ac defœcatam. Vt hinc, & mores rationabiles videamus oriri, & sensationes acutas atque sedatas, imaginationes promptas, ac volubiles pro arbitrio; æstimationes veras, memoriasq; firmas.

Diximus autem calorem non multum excedere frigiditatem in apta temperie, nec humiditatem similiter siccitatem. Nam excessus nimius caloris cum humiditate, ebullitionem statim parit in cerebro, sicut in ebrietate, ac proinde furorem, & inconstantiam; nec admittit in tanta agitatione, ac turbulentia insignes, ac distinctas impressiones, ex quibus pendet memoria, ac perfectio cognitionis. Vnde Galenus, instabilitatis, ac mutationis opinionum hominis, causam esse ait nimiam cerebri caliditatem, & è contra, stabilitatis causam esse eiusdem cerebri frigiditatem. Adde quod rectum iudicium requirit cognitionem plurium circumstantiarum, & connexionum, quas habent obiecta inter se, ac suo modo magis postulat lentè, ac suauiter procedere, quàm cum festinatione, & tumultu. Vnde qui nimio calore, & humiditate abundant cerebro, semper tumultuosè agunt, ac præcipites sunt consilij. Idemq; manifestè probatur in pueris, qui non nisi propter humiditatem nimiam, & calorem, quem habent in cerebro, nequeunt subtilia percipere, aut circa illa discurrere. Nam, vt docet Aristoteles, Pueris quemadmodum ebrijs sursum fertur humiditas multa. Et rursus ait, fieri vt amentes sint pueri, & ebrij, & insani propter nimium calorem, cuius motu plurimo inquietantur. Contra, quod accidit in viris perfectis, atque in senibus, quibus cum sedata est substantia cerebri, calorque & humi-

*In lib. artis medicinal. cap. 12.*

*De somn. & vigil. c. 4. & de feb. 30. probl. q. 12.*

*Lib. 2. de gene-  
rat. animal. c. 4.*

*Commentar. 1.  
in lib. Hippoc. de  
natura huma-  
na in lex. 39.*

*Lib. quod animi  
mores. cap. 5.*

ditas illius magis, ac magis temperatur, aduenit etiam vsus perfectior ac maior perspicacitas sensus interni. Serò enim ab humiditate, ait Aristoteles, cerebrum vendicatur, præcipuè in homine: causamque ait esse; quoniam cerebrum humidissimum, & maximum omnium animalium homines habent, & calorem cordis purissimum; id quod (inquit) temperamentum intellectus planè significat, cum homo sit omnium animalium prudentissimus. Quamobrem cum Galenus animi, inquit, acumen, & dexteritatem à bilioso humore prodire; intelligendus est, quatenus siccitas illius temperat humiditatem. Nam idcirco hætenus probauit iudicium Heracliti docentis, siccitatem, ingenij causam esse: splendor enim aridus (etiam dixerat) animus sapientissimus. Ex quo tamen argui non debet, siccitatem magis abundare, quàm humiditatem in apta cerebri temperie; sed magis commendari, quia vt plurimum desideratur, cum humiditas tanquam propria, & connaturalis subiecto nunquam deficiat, nisi per accidens ex infirmitate; Alioquin si siccitas humiditatem in cerebro superaret, sequerentur, quæ superius paulò ante retulimus incommoda, nec esset apta dispositio respectu cæterarum omnium operationum. Relinquitur ergo, siccitatem commendatam in cerebro, non esse, excedentem, sed temperantem humiditatem, quæ semper abundat; quod certè consentaneum est doctrinæ Aristotelis, & experientiæ quam ex dissectione habemus. In quo verò gradu siccitas ab humiditate, & frigiditas à calore in apta cerebri temperie superetur, non potest certa aliqua mensura exactius determinari.

*De apta dispositione secundarum qualitatum in cerebro.**Cap. IV.*

**E**X temperamento primarum qualitatum proximè constituto colligi facilè potest, quæ nam secundæ qualitates, & in qua proportionè illud in apta ipsa cerebri dispositione subsequatur. Id quod & ab experientia, & obseruatione quantum sub sensum cadere potest, & ab operationibus erit comprobandum. Primò igitur certum est, in cerebro esse aliquam duritiem, & mollitiem, similiter ac aliquam densitatem, & raritatem: sed quia dubitari posset circa prædominium harum qualitatum, num potius vna, quàm altera vigeat ex contrarijs, & in qua intentione; idcirco determinandum in primis videtur, cerebrum molle quidem, esse ex propria dispositione, magis quàm durum; non tamen eius mollitiem, nimiam suapte natura esse debere, præsertim in posteriori ventriculo, vnde potissimum ac per spinalem medullam nervi deriuantur destinati ad motum. Patet hoc primò ab experientia, quam obseruant omnes dissectatoriæ artis periti, quamq. Aristoteles adnotauit 2. de generat. animal. cap. 4. Nam licet cerebrum à principio ob nimiam humiditatem ac mollitiem, vix consistat; mox tamen inquit, humore efflato, concoctoque, corporatur magis, subsidetque. Id, quod iure natura constituit, vt magnitudinem illius regetet, robur firmaret, ac solidaret ad motus arbitrarios cæteris animalium partibus impertiendos; ac disponderet ad motus sensationum, quæ consistentiam pariter quandam requirunt in organo ad imagines aptè excipiendas, & alias formandas, seu exprimendas, & conseruandas absque dissolutione, quæ frequenter proucnit ex mollitie, si nimis abundet. Alioquin moderata mollities, cerebri substantiam impressionibus magis accommodat, motionesque specierum intentionalium facilius patitur, nec repugnat cum asser-

*Lib. 3. de partib.  
animal. cap. 4.*

uatione imaginum. Vnde nascitur facilis apprehensio, agilitas cognitionis, ac memoria rerum. Quo circa Aristoteles pronunciauit, Animalia, quæ sensu hebeti sunt, cor habere durum; & spissum; quæ autem sensu valent, mollius. Dura enim substantia cerebri non tam facile, nec tam cito ab aduenientibus, vel conflatis simulacris in actu cognitionis funditus penetratur; ac proinde nec tam facile profunda sit impressio qualitatis illorum, nec tam cito perfectè, ac distinctè percipiuntur obiecta per illa; sed vel tardius, vel confusè; licet postea seruentur tenacius. Quæ ferè omnia egregiè Plato in Theæteto expressa reliquit, cum de cerebri substantia, ac dispositione sub ceræ nomine copiosè differeret. Ait enim: Nam mollis nimium cera, celeres quidem ad percipiendum efficit; sed eosdem obliuiosos: dura verò contra, diù memores, sed ineptos, tardosq. ad percipiendum. Et qui densam, & asperam, lapideamque, vel terream, vel faculentam habent, obscura simulacra continent: obscura, quoque qui duram; profunditas quippe non adest: obscura præterea qui molliorem; nam ex confusione facile euanescent: hæc ille.

*Theæteto len-  
gè post med.*

Sed explicandum erit, cur in molliori cera, seu substantia cerebri obscura fiant simulacra ex confusione, & faciliè euanescant. Nam certò hoc difficultate non caret, cum species intentionales, nec inter se misceantur, nec diuersum locum occupent, nec se inuicem ab eodem subiecto exterminent, aut quoquomodo afficiant, siue in molliori, siue in duriori substantia cerebri recipiantur. Quod enim pro exemplo adducitur de signaculis, quæ facilius in molliori cera inculpra, facilius etiam oblitterantur, & confunduntur, si alia super alia adijciantur, futile omnino est in rigore loquendo, cum de figuris, & imaginibus intentionalibus aliter philosophandum sit, quàm de materialibus, quæ simul ibidem esse, ac diuersa repræsentare non possunt, sicut illæ.

Notandum igitur est, imagines rerum in molliori substantia agitari quippe magis, ac facilius conuelli cum partibus eiusdem substantiæ, quæ minus motui per calorem, vel aliam causam

causam incusso valent resistere; Ex hoc autem fieri, vt ipsæ imagines impressæ inconstanter ad cognitionem deseruiant, aut inopportune sese offerant, turbentque conceptus; quidum fixè aliquid exprimere minus possunt, imperfectè nimis, & obscurè procedunt, ac faciliè euanescent. Quod si per applicationem animi vehementem, quandoque, & species cum ordine reuocentur, & conceptus ritè procedant, efficietur quidem, vt promptè exprimantur, quæ requiruntur, non tamen vt diutius, quæ expressa sunt, retineantur. Siquidem inconstantia subiecti agitat, & dissoluit facilius formam illius. Adde quod vapores humorum, exalationesq. ciborum cerebrum infestantes, facilius permeant in substantiam molliorem, eamq. faculentam reddunt; quia rarior vt plurimum, ac debilior est ad resistendum, dispositionemq. propterea magis valent corrumpere, qua species asseruantur: ac se intermiscendo cum partibus substantiæ, impressiones, aut expressiones in illa quam maximè turbant.

Præcipua verò causa cur species diutius in duriori, quam in molliori substantia conseruentur, non solū est, quia dispositio in validiori subiecto, minus offenditur à contrarijs; sed quia partes ipsæ molliores, in quibus species imprimuntur, facilius, ac citius deperduntur per calorem naturalem omnia deuorantem. Et quamuis corruptis successiue, ac paulatim partibus cerebri, in quibus impressæ erant species, nō intelligantur omnino etiam ipsæ species aboleræ: siquidē huiusmodi species in nouas quoq. partes succedentes ad instaurationem cerebri sensim sese valent propagare, atque diffundere: nihilominus ipsas non eiusdem vigoris esse censendum est, atq. cum primò in prioribus illis partibus fuerint impressæ, sed magis ac magis debiliores, quousque tandem omnino depereant; vt rectè explicauit Hieronymus Fracastorius.

*Lib. 1. de Intel-  
lectione non lon-  
ge ab initio.*

Duriuscula ergo substantia cerebri, seu haud nimis mollis aptissima erit, cum ad apprehensionem obiectorum, quorum imagines non sculpuntur quasi per incisionem in silice, sed inuehuntur quasi per luminis irradiationem in oculum: cum ad eorundem memoriam, quæ non lapideis asseruatur

idolis, vel durissimo contineri debet in vasculo; sed in speciebus intentionalibus, quarum conseruatio sicut pendet ab aliqua soliditate subiecti, vt diximus; ita pariter à perfecta dispositione primarum qualitatum, quæ cum omnimoda duritie, aut nimia mollitie reperiri non potest. Atque in omnibus eadem est apta dispositio ad receptionem, & vsum specierum intentionalium, atque ad conseruationem illarum, sicut eadem est causa auferens, vel impediens vsum, & corrumpens, aut labefactans per aliquam læsionem subiectum illarum.

Secundo dicendum est, cerebrum nec nimis rarum, nec nimis densum esse debere ad operationes, rectè in illo per sensum obeundas. Quod pariter colligitur ex dispositionibus supra determinatis; Siquidem nec multa densitas cum humiditate, & mollitie, nec multa raritas cum aliqua duritie esse posset. Nam & metalla liquata rarefiunt, & rarefacta mollescunt, vt aurum igne fatis purgatum. Probatum autem, nam raritas nimia in cerebro locum præstat exhalationibus, & vaporibus illuc ascendentibus, qui lutulentum, ac fuliginosum illud sæpissimè reddunt. Rursus multa raritas nimis alterabilem, & mobilem, ac valde debilem constituit substantiam. Item in rariori subiecto, imbecilliores, ac remissiores sunt impressiones qualitatum. Vnde species obiectorum, quæ in acre nihil, aut debiliter repræsentant; in vitro, vel crystallo, quæ densiora sunt diaphana, obiecta ipsa aptissimè referunt, vt patet in inspicillis. Et eadem intentio luminis, aut caloris, in densiori subiecto, intentius, quam in rariori sentitur. Sic igitur in cerebro nimis raro imbecilliores sunt impressiones imaginum, remissioresq. repræsentationes; proindeq. tenuiores memoriæ, quæ tandem facilius euanescent.

Contra verò, licet in densiori substantia cerebri robustiores fiant impressiones, quæ diutius conseruantur, viuacioresq. reddunt obiectorum cognitiones: Si tamen nimis densa illa sit, superficiarias ferè tantum admittit impressiones; non quidem ex eo, quod qualitas illa repræsentatiua æquè  
diffundi



diffundi non possit in subiecto denso, ac in raro, cæteris partibus, sicut videmus diffundi species visivas per aerem, atque crystallum; sed quia cum lationes imaginum fiant per spiritus animales, & his non liceat per poros densam cerebri substantiam, sicut raram, intrinsecus penetrare, nequeunt tam profundæ, & efficaces fieri impressiones. Rursus nam quando in cerebro sunt admixti vapores, & exhalationes in densiori subiecto magis impediunt: nam & ipsæ condensantur, sicut in aere crasso, & caliginoso: unde & pulvis in aqua magis quàm in aere impedit visionem. Quare sicut in profundum turbidum se immergentibus, vel in caliginoso aere existentibus, obscura fiunt simulacra; sic sensui in densiori, & vaporoso cerebro constituto. Quod propriè intendebat Plato verbis citatis, cum densam simul, & terream, ac fæculentam, & lapideam ceram vocaret, quæ obscura continet simulacra. Idemq. ex Aristotele corroboratur, qui haberi sensu esse dixit, qui cor habent durum, ac spissum, vt paulò ante de mollitie, ac duritie loquendo retulimus.

*In Theæto lon  
ge post med.*

*Lib. 3. de part.  
animal. cap. 4.*

Tertio dicendum est, cerebrum omni pinguedine, ac viscositate absolutum esse debere. Id quod manifestè constare potest ex dictis; nam ad celeres motus, & agilitatem cognitionem per liberum accursum, ac discursum spirituum, & imaginum, non parùm obstat pinguedo sua spissitudine, & adhærentia partium, ac sua tenacitate viscositas; Sicut non parùm refert sinceritas, ac solutio partium, quæ tanquam homogeneæ, ac magna ex parte fluxibiles, æquè affici ac dimoueri possunt iuxta exigentiam nature ad excipiendas impressiones, ac vires distribuendas per spiritus animales ad motum pro arbitrio. Præterea tam pinguedo, quàm viscositas, causam supponunt in subiecto frigidam, materiamque crudam, & excrementosam; Nam, & pinguedo excrementum est, ait Aristoteles, alias bonitate substantiæ salubræ; & in vegetioribus, excrementum concoctum transit in pingue: frigidum autem, & excrementosum cerebrum non rectè se habet ad operationes, quæ in illo exerceri debent, vt supra diximus; Unde rudes propterea pingui dicuntur minerva.

*Lib. 1. de gener.  
animal. cap. 19.*

nerua. Cæterum & si aliæ sint secundæ qualitates cerebrum diuersimodè disponentes, de his ramen potioribus dixisse sufficiat, ne longius nimis hac de re sermonem protrahamus.

*Easdem dispositiones cerebri deferuire ad aptitudinem cuiusque sensationis interne.*

*Cap. V.*



**Q**UAMVIS ex dictis de vnaquaque dispositione cerebri satis fortasse constare possit, eas propriam aptitudinem sibi vendicare in ordine ad cunctas operationes sensus interioris; explicandum tamen hoc erat seorsum, ac magis in particulari ad tollendas quamplures difficultates. Etenim si eadem dispositio ad omnes huiusmodi operationes æquè valeret, æquè cum illa omnes procederent; nec vna potius, quam alia operatio cum tali dispositione rectè, vel prauè proprium munus obiret, quemadmodum sæpè de facto contingit. Nam exuperans calor in cerebro iuuat imaginationem, officit autem prudentiæ ac rectæ extimationi, vt patet in delirio ex causa calefaciente. Similiter humiditas, ac mollities plurima conducit quidem ad faciliorem apprehensionem; obstat nihilominus ad diuturniorem retentionem. Contrà verò siccitas, & durities retardat apprehensionem, confert autem ad retentionem. Tandem dispositio, quæ in pueris apprimè valet ad apprehendendum, ac memoriter tenendum, parum deseruit ad iudicandum. Quod contrà accidit in senibus, de quibus Solon.

*Sexta ætas animo si quid deest, addet, eaq.*

*Disces quid deceat, quid quoque dedeceat.*

Cum tamen senes difficilior alia de nouo apprehendere, ac memoriæ mandare præualeant. Et sic ex hominibus alij imaginatione potissimum dicuntur pollere; alij verò memoria: alij ingenio, & acumine: alij prudentia, aut perspicacitate; Imò in brutis etiam obseruatur sagacitas canis, calliditas

ditas serpentis, prudentia Elephantis, & plurium memoria, aut alia excellentia cognoscitiuarum operationum, quæ non nisi à diuersis dispositionibus ipsorum animalium secundum species suas oriri putantur.

Dicendum tamen est easdem dispositiones cerebri deferre ad aptitudinem cuiusque sensationis internæ, siue prima obiectorum apprehensio illa sit, siue imaginatio varia, extimatio, aut memoria. Ita manifestè colligitur primo ex Platone in Theæteto longè post medium, ubi cum statuisset rectam cerebri dispositionem tanquam cereæ cuiusdam materiæ, in qua, ut supra dixerat, quidquid eorum, quæ aut videmus, aut audimus, aut ipsi excogitamus, & meminimus, exprimimus: concludit. Ac primo quidem homines sic instituti, dociles sunt, & acuti; deinde etiam memores; postremo sensuum simulacra non commutant, vnde nimirum vera opinantur. Tum idem quoque colligitur ex Aristotele, qui lib. 3. de part. animal. cap. 4. absque vlla distinctione internarum cognitionum loquitur de animalibus, quæ sensu (scilicet interno) melius valent, atque de his, quæ sensu hebetiori sunt, ex varia dispositione organi; & lib. de mem. & remin. cap. 1. memoriam ait esse intellectiui secundum accidens; & se autem primi sensitiui, quia etiam intelligibile non est sine phantasmate, & memorabilia per se quidem esse, quorum est imaginatio. Ex quibus colligitur eandem dispositionem organi per se facere ad imaginationem, & memoriam primi sensitiui; per accidens verò ad intellectum. Rursus ibidem cap. 2. docet multum veloces, & multum tardos esse immemores: illi enim, inquit, humidiores sunt quam opportunum sit; hi verò sicciores, vel duriores, ac propterea illis non manet phantasma in anima, hos verò non tangit. Sensit igitur Aristoteles eandem dispositionem, quæ per excessum humiditatis, aut siccitatis reddit homines multum, ac nimis veloces, aut tardos, illos reddere immemores; & consequenter absque tali excessu, nec nimis veloces, nec nimis tardos, nec immemores reddere, sed in omnibus æquabiliter aptos. Præterea Aristoteles

cap. 4. eiusdem operis docet ; pueros , & nanis similes superiora maiora habentes, esse minus memoratiuos : & in reminiscendo ( quod opus tanquam syllogismus ad intellectum pertinere paulò ante dixerat ) non facillè illos rectè procedere : Causamq. reddit, quòd grauitatem multam, habeant in sensitiuo : & quia neque à principio motus possunt immanere, sed dissoluuntur. Iuxta quod etiam lib. de somno, & vig. cap. 4. dixerat, pueris quemadmodum ebrijs sursum fertur humiditas multa : Naniformibus verò, magna. capita habentibus sursum impetus multus, & euaporatio fit : Nec facillè inquit diffluere humiditatem congestam in illis, cum venas obtineant angustas. Libro verò 4. de partibus animal. cap. 10. docet Aristoteles, bruta hominibus esse dementiora, & inter homines, pueros viris, & inter viros, pomiliones, nempe superiora maiora habentes, mente deficere : Constat igitur ex Aristotele eandem dispositionem esse, quæ & ad memoriam, & ad ceteras internas cognitiones ineptos pueros, ac viros pomiliones reddit, sicut & valdè senes, vt ipsemet innuit cap. 4. de mem. & remin. propter motum, & fluxum humiditatis, ac decrementum caloris.

Ratione verò probatur assertum primò ; Nam si diuersa dispositio præsertim primarum qualitatum per se requireretur ad inaginationem ab ea, quæ requiritur ad memoriam, nunquam perfectè, aut saltem rectè exerceri possent huiusmodi operationes ab eodem homine ; quia impossibile est simul cerebrum esse dispositum dispositionibus contrarijs, prout ad perfectionem ipsarum operationum requireretur, si vna temperamentum calidum, verbi gratia ; alia verò frigidum in organo requireret. Atqui experientia constat, eundem hominem simul aptissimè inaginari, recordari, extimare, atque discurrere, vt infra inductione patebit ; ergo non diuersa, & contraria, sed eadem est dispositio, quæ ad has omnes operationes rectè exercendas deseruit.

Secundo probatur, nam eadem aptitudo, ac dispositio cerebri, spirituumq. animalium administratio, quæ magnopere

pere valet ad viuacem apprehensionem, & expressionem. obiecti, similiter necessario valet ad profundam, & insignem impressionem, asseruationemq. imaginis illius, vnde oritur postea recordatio. Sicut è contrà, praua dispositio organi, vt potè tenuioribus, humidioribusque, ac frigidioribus quàm decet partibus cerebrum componatur; non modo imbecilem reddit memoriam, sed & remissam apprehensionem, atque imaginationem eorundem sensibilibus obiectorum; cum vtrumque pendeat ab eadem impressione remissa specierum in tali subiecto.

Tertio, nam eadem capacitas, & retentio multarum imaginum, ac promptitudo ad recolenda præterita, magnam, inuoluit aptitudinem imaginationis eiusq. organi, in quodiuersimodè illa copulantur, ac secernuntur ad inuicem: & vbi tam varia, ac tam plura possunt effingi, prout ab imaginatione efformantur, magna supponitur adesse retentio præteritorum, quibus ipsa molimina adumbrantur. Quapropter non est, qui magnam ostendat memoriam, in quo pariter insignis non obseruetur imaginatio, & è contrà. Nam vt inquit Aristoteles, cuius eorum, quæ animæ memoria sit, manifestum est, quod eius, & imaginatio est: & sunt memorabilia per se quidem quorum est imaginatio. Quod præsertim liquet in exercitationibus artium, ac disciplinarum, quæ vtrâque excellentiam virtutis requirunt, cuiusmodi sunt omnes mathematicæ, ac plurimæ mechanicæ.

*De memov. &  
remov. cap. 1.*

Quarto denique, ratio à priori est quoniam operationes subordinatæ, & exercendæ in eodem organo, seu subiecto, sicut propriam aptitudinem sumunt ab vnica proportionem, & coordinationem, quam habent inter se; ita vnâ eandemque dispositionem organizationis, ac symmetriam qualitatum supponere debent in subiecto, quæ sit omnibus accommodata.

Pro solutione verò rationum, & explicatione experimentorum in contrarium; Notandum est, perfectionem internæ ac sensitiuæ apprehensionis non consistere in tam subita rerum perceptione, quæ faciliè locum præstet defectui, aut errori,

rori, præsertim versando circa absentia, vel sensibilia per accidens; (Nam circa præsentia, quæ simul percipiuntur à sensibus externis, illa semper eodem modo in omnibus se habet) etenim plures attendendæ sunt differentiæ, ac circumstantiæ ad formandum verum, ac proprium conceptum de rebus, qui per motum sensus non nisi in proportionato tempore fieri potest. Quare sicut tarditas, ita velocitas nimia dicit excessum, atque imperfectionem: Adde quod nimia celeritate apprehensionis, inconstantes homines reduntur in suis opinionibus, ac maxima imaginationis volubilitate nunquam in eodem cogitatu persistunt, sed quolibet impulsu nouitatis circumferuntur.

Deinde obseruandum est, nec perfectionem imaginationis consistere in vehementi illa rerum conceptione, quam experimur in phreneticis, & alijs valida aliqua passione affectis, vt qui cum aliquid terribile imaginantur, voces emittere consueuerunt, ac si verè talia paterentur, vt ait D. Augustinus. Vel cum aliqua cogitant, ita tenaciter quasi ante oculos tenent, vt nequeant illa dimittere, & si in aliud quandoque sensus diuertatur, statim in eadem redeat importune, non secus ac ira, & timores, qui vt ait Aristoteles, cum commoti fuerint contra mouentibus non sedantur, sed ad idem contra mouent. Nam huiusmodi imaginatio locum non præstat intellectui, vel extimationi, nec alijs rerum cogitationibus; ac propterea semper est causa deceptionis; Et non videtur naturam, quæ ad concordiam potentiarum semper intendit, perfectionem talis operationis in eo constituisse, vt sola vigeret, nec pateretur iudicium intellectus, vel extimationis, & non nisi circa quædam viuacissimè, ac tenaciter versaretur; sed potius, vt facile, & opportunè possit quæ voluntas decernit, quæque in discursu occurrunt apprehendere, atque secundum iudicium intellectus mutare, ac diuersimodè componere, ac diuidere, plura ac varia semper moliendo cum debita persistencia.

Quod idem de memoria quoque erit prænotandum, cum eius perfectio non sit constituenda in illa tenacitate, qua nec  
obli-

*Lib. 11. de Trinitate, cap. 4.*

*De memor. & remin. cap. ult.*

obliterari, nec modificari possunt species semel impressæ. Nam sic non nisi tardè, & pauca imprimi possunt, & errata difficilè correctionem suscipiunt, vnde pravi habitus oriuntur, qui pravam, parvamq. subiecti capacitatem arguunt, neque constituenda erit eius perfectio in exacta retentione quarundam tantum rerum, vel minimarum, vt infra explicabitur, sed potius perfectio memoriæ constituetur in sufficienti tenacitate, ac promptitudine, quibus possit omnia, hausta seruare, & seruata immutare, & cum placuerit, iuxta opportunitatem recolere, & subministrare.

His ergò positis, ad argumentum contrarium in principio positum responderetur, eandem dispositionem cerebri secundum expositam symmetriam qualitaturn, aequè valere ad omnes operationes in illo aptissimè exercendas per sensum, interiorem: secundum verò excessum quarundam qualitaturn ad nullam operationem perfectè obeundam valere, non aequè tamen omnibus aduersari, sed magis, aut minus iuxta oppositionem qualitatis cum naturali exigentia talis, aut alterius operationis. Nam excessus caloris verbi gratia magis aduersatur extimationi, quam imaginationi, & excessus humiditatis magis officit retentioni quam apprehensioni: omnino tamen omnis recessus ab illa symmetria imperfectionem discit. Quare negandum est exuperantem illum calorem in cerebro inuare, ac perficere imaginationem, nam, quamuis verè augeat, nimis tamen augendo dissoluit potius quam perficiat. Similiter dicimus nimiam humiditatem, ac tenuitatem partium, non perficere apprehensionem, sed illam errantem, ac plus quam decet volubilem constituere; Nec duritiem, ac siccitatem excedentem, perfectam præstare memoriam, sed tardam, multorum incapacem, & inflexibilem ad recipiendas modificationes præteritorum conceptuum per nouam cognitionem. Imò siccescente admodum cerebro, vt in quibusdam senibus, quæ ingeruntur imagines, seu res, quæ concipiuntur, non tam diu retinentur, sicut quæ in pueritia quando humor potius abundabat. Et hic neque ad retentionem valet nimia siccitas.

Quod



8. *eth. 2. o. probl.*  
9. 4.

*Encade 4. lib.*  
o. cap. 2.

Quod, si pueri melius quam senes apprehendere, ac memoriae mandare consueverint: id certè contingit, tum quia, ut ait Aristoteles, iuniores rem ferme nullam tenemus, cum enim res plerasque scimus, non æquè præterea capere alias possumus: Tum etiam ut ait Plotinus, quia pueri non cito desistunt, sed rem ipsam diu ante oculos habent, quippe cum non distrahantur in multa, sed paucis vehementer incumbant. Quorum vero cogitatio visq. circa multa versatur, hi quasi percurrunt, & nusquam insistant. Alioquin, dispositio, quæ citrà vitium corruptæ naturæ competit senibus, præsertim vegetioribus, cum ad ipsa sensibilia apprehendenda, & exactius discernenda, tum ad iudicandum de illis, firmiterq. quæ apprehenderint, ac iudicauerint retinenda, longè aptior, & exquisitior est omnibus alijs dispositionibus cerebri, quæ secundum cæteras ætates hominibus conueniunt, ut perspicuè colligitur ex doctrina Aristotelis ibidem tradita. Quare nonnulli ad pauca intendentes, vel ex industria exercitati, adhuc in ætate prouecta non secus, ac pueri memoriae mandare foeliciter valent. Ut Cato, qui etate iam grâdis Græcis litteris, & Accursius, qui quadragenarius legibus operam dare ceperunt. Et pueri, qui præter naturalem cursum ætatis senilem dispositionem in cerebro sunt adepti, cum facili apprehensione, iudicio quoque ac discursu potiuntur eximio, ac breui postea, ut plurimum moriuntur.

Ad illud verò de imaginatione, aut memoria, acumine, aut prudentia qua potissimum diuersi homines dicuntur polere, respondetur, sæpè nonnullas operationes cognoscitiuas, magis quam alias elucere, etiam si perfectiores illis non sint, idque solum ratione applicationis, & circumstantiarum quibus alia alijs sunt euidentiores, ut cum applicatur sensus ad aliqua memoriter apprehendenda, ac eadem voce reddenda, non autem ad noua excogitanda, & effingenda, aut alia exprimenda. Sapissimè verò contingere, ut vna operatio, seu cognitio magis quam alia impediatur, ut operatio intellectus in dormientibus, vel amentibus, & imaginatio in phreneticis, aut simili morbo laborantibus: In quibus omnibus

omnibus operatio, quæ viget, respectu tantum, & non absolute dicitur bona, nam simpliciter, neque imaginatio, neque æstimatio, neque memoria est perfecta in his, qui mente deficiunt, ut manifestè liquet in ipsis somnijs, ac puerilibus imaginationibus. Quapropter una dispositio cerebri erit quidem minus contraria uni cognitioni, quam alteri, non tamen absolute, & omnino apta ad illam, & non ad alias. Et sic licet aliqua interna sensatio melius quandoque cum una, quam cum alia dispositione operetur; non tamen illa erit optima, & ex se requisita dispositio, sed ea, quæ proportionaliter ad omnes internas sensationes æquè, ac perfectè deseruit. Quod idem licet obseruare in eodem genere operationis; nam cum viget, verbi gratia, sola speculatio intellectus circa vniuersalia, & immaterialia, meliorem quidem dispositionem cerebri censetur intellectus obtinere, quam cum neque circa singularia prudenter discurrere, neque circa vniuersalia subtiliter speculari conceditur. Cæterum talis dispositio non est simpliciter bona, sed illa per quam intellectus expeditè, ac perfectè circa omnia valet versari. Similiter idem obseruatur in operationibus imaginationis, ac memoratiue, ut cum uni datur optima imaginatio circa sonos, alteri circa figuras: uni conceditur memoria rerum, alteri verborum. Nam perfecta simpliciter memoria, vel imaginatio æquè benè circa omnia versatur. Vnde qui optimo potiuntur ingenio, ad omnes facultates, ac scientias inueniuntur idonei; qui verò in quibusdam deficiunt, ad eas tantum artes, ac disciplinas se præbent paratos, quibus dispositiones illæ, quæ desiderantur non sunt adeo necessaria, ac requisita.

Quæ omnia facile applicari possunt ad soluendum id, quod etiam afferebatur de brutis; nam dispositio, quæ tribuit calliditatem serpenti, vel similem aliam præstantiam cognitionis alteri bruto, non est optima dispositio, cum perfectio illius simpliciter attendatur in ordine ad omnes operationes subordinatas, & secundum conditiones supra explicatas. Quamobrem in belluis, quæ perfectiori natura, ac sensu præditæ

sunt, non vnam, sed plures huiusmodi excellentias quoad internas sensationes licebit obseruare, vt in canibus, elephantibus, & alijs, in quibus cum sagacitate, & prudentia, inuenitur docilitas, ingenium, ac memoria; & sic de alijs proportionaliter iuxta perfectionem, quæ illis competit ratione propriæ speciei.

*Easdem quoque dispositiones deseruire ad aptitudinem operationum intellectus in homine.*

*Cap. VI.*



ECVLARIS superest difficultas de præfatis dispositionibus cerebri respectu operationum intellectus in homine. Quandoquidem non desuere, qui nullo modo concederent, easdem dispositiones requiri ad internas sensationes, atque ad operationes intellectus aptè exercendas. Id quod triplici fundamento suadebatur. Primo, quia senescentibus hominibus videmus cunctas internas sensationes paulatim deficere, ita vt tandem in decrepitis labatur in dies memoria, langueat imaginatio, ac debiliior fiat iugiter apprehensio; cum tamen discursus non modò vigeat, sed & incrementumumat quotidie, quia sustinet aliquid anima, inquit Aristoteles, quod non debilitatur senio. Vnde consequenter etià dixit seniores amplius mente valere, iuniores ocys discere. Et Hieronymus omnes penè virtutes corporis, inquit, mutantur in senibus, & crescente sola sapientia, decrescunt ceteræ vires, quod non videtur posse contingere absque diuersitate peculiarium dispositionum in organo, quæ perficiantur, & incrementum suscipiant, decrescunt illis, quæ ad sensationes deseruiebant.

*2. de anima*

*lex. 55.*

*Sent. 20. probl.*

*q. 4.*

*Epist. 1. ad Ne-*

*ptian. tom. 2.*

*De memor. &*

*remia. cap. 1.*

Secundo, quia memoria magis vigere putatur in ijs, qui obtuso hebetiq. ingenio sunt, vt patet ex Aristotele, qui non eisdem esse, inquit memoratiuos ac reminiscitiuos: Nam

pro-

profectio memoratiuos frequenter magis esse docet, qui tardi, reminiscitiuos autem, qui veloces ac dociles suapte natura sunt. At memoria est sentientis interius facultatis operatio; reminiscencia verò intelligentis, ac veluti syllogismus, vt explicuimus. Ergo diuersa est dispositio in organo requisita ad operationes interius sensitivas, atque ad operationes intellectivas.

*Lib. 1. tract. 4.  
cap. 10.*

Tertio, quia per furorem, vel insaniam, sensationibus cunctis rectè procedentibus; perperam homines ratiocinantur; vt obseruat Galenus narrans phreneticum quendam Romæ fuisse, qui per fenestram ex vitreis vasis, quæ habebat, singula ostendens, prætereuntes interrogabat, num proijcere iuberent; illi verò ridentes, plaudentesq. rogabant, vt proijceret; tum ipse omnia arripiens eiecit: postea cum eos interrogasset, iubetent ne pueram quoque proijci; atque id illi similiter iussissent, illico ipsum deiecit. Hic enim (inquit) cum singula vasa rectissimè nominabat, manifestè declarabat, nec imaginatione circa ea læsum esse, nec memoria, sed rationatrice tantum animæ parte, ob prauas nimirum, ac peculiare dispositiones introductas in organum, quæ imaginationi, ac memoriæ non aduersabantur, sed tantum ratiocinationi.

*Lib. 4. de locis  
affect. cap. 2.  
Et de symptom.  
differant. cap. 2.*

Ex quibus nonnulli sumpsere, intellectum, peculiarem ac segregatam quandam partem obtinere in cerebro, peculiaribus munitam dispositionibus, quam vt plurimum aiunt esse medium cerebri ventriculum, cui inhaereat, & à quo dependeat, sicut ab oculo potentia visiva; quæ iuxta illius aptitudinem rectè, vel prauè operetur, ne dicatur intellectum necessariò operari iuxta præstitam sibi operam à phantasmatibus, ac iuxta dispositionem organorum alterius facultatis cognoscitiuæ, nempe sensus interioris; quod maximum putant esse inconueniens, & supereminentiæ intellectus maximè derogare.

*Ioan. Huarter  
in examine in-  
gen. cap. 1. c. 6.*

Quam tamen opinionem, nec satis firmam in fide nostra, nec Peripateticæ doctrinæ consonam aliquando cōperimus: Arduum enim esset cum illa animæ immortalitatem defendere;

dere; quandoquidem si semel admittat intellectum esse potentiam organicam, illum simul cum organo deperire, sicut ceteras huiusmodi potentias, consequenter debet fateri. Non enim potest intelligi accidens inhærens subiecto absque dependentia sui esse ab illo, neque corruptio subiecti absque corruptione accidentium illius, quæ migrare non possunt à subiecto in subiectum; Nam quod independentem in alio accipitur, non potest esse nisi substantia cum partiali saltem substantia, cum duo sint modi essendi, vel independentem ab alio, siue in se sit, siue in alio recipiatur, vel dependentem ab illo, in quo recipitur; & primus modus conueniat substantiæ, secundus verò accidenti. Quod si intellectus in esse dependeret à subiecto corporeo, quomodo esset immaterialis, & incorruptibilis? Et si corruptibilis, & materialis, quo nam ex principio immaterialitas, atque immortalitas animi, naturali lumine demonstraretur? cum verum sit illud Augustini ad demonstrandam animæ immortalitatem, à ratione (nimirum, à facultate ratiocinandi) esse incipiendum. Vnde qui ex veteribus magni nominis Philosophi animæ immaterialitatem, ac immortalitatem asseruerunt, hi omnes hoc præcipue naturæ lumine ducebantur: Quod cum intellectus, diuinum quid esse experiretur ex suis operationibus extra materiæ conditionem, vel mixturem; hinc non modo intellectum ipsum, sed & substantiam, ex qua fluit, & in qua recipitur, nempe animam rationalem, immaterialem quoque esse, à corpore separabilem, ac omnino ab interitu alienam existimabant; vt longa serie discursus videre est apud Platonem in Thimæo, Philebo, Menone, & in libris de Republica. Et apud Aristotelem, qui cum sæpè docuisset intellectum esse impassibilem, minimèq. cum corpore mixtum, & ei instrumentum aliquod non esse sicut sensitivo, sed esse quid diuinum, ac facultatem extrinsecus aduenientem, ac separabilem: ex hoc videtur colligere, ac distinguere genus animæ rationalis ab alijs, illudque immortale constituere, vt patet lib. 2. de anima tex. 21. vbi licet dubitatione, qua solet de rebus

*Lib. de immor-  
taliitate animæ.*

*Arist. de Anima lib. 2. tex. 21. & 22. & 23. & 24. & 25. & 26. & 27. & 28. & 29. & 30. & 31. & 32. & 33. & 34. & 35. & 36. & 37. & 38. & 39. & 40. & 41. & 42. & 43. & 44. & 45. & 46. & 47. & 48. & 49. & 50. & 51. & 52. & 53. & 54. & 55. & 56. & 57. & 58. & 59. & 60. & 61. & 62. & 63. & 64. & 65. & 66. & 67. & 68. & 69. & 70. & 71. & 72. & 73. & 74. & 75. & 76. & 77. & 78. & 79. & 80. & 81. & 82. & 83. & 84. & 85. & 86. & 87. & 88. & 89. & 90. & 91. & 92. & 93. & 94. & 95. & 96. & 97. & 98. & 99. & 100.*

de rebus spiritualibus, sic tamen inquit; De intellectu autem, & speculatiua potentia nihil adhuc manifestum est; sed videtur genus aliud animæ esse, id est ad aliud genus animæ pertinere, & hoc solum posse separari, sicut perpetuum à corruptibili, & lib. 4. de partibus animal. cap. 10. cum dixisset hominis naturam, atque substantiam diuinam esse, ait, officium enim diuini est intelligere, atque sapere, & lib. 10. ethic. cap. 8. colligit, sapientem esse Deo carissimum ex eo, quod Dii intellectu humano tanquam re ipsis cognata delectentur. Denique idem apud Tullium discretis, & præclaris verbis reperitur expressum lib. 1. Tuscul. quæst. Nihil enim, inquit, est in animis mixtum, atque concretum, aut quod ex terra natum, aut fictum esse videatur: nihil ne aut humidum quidem, aut stabile, aut igneum: his enim in naturis nihil est, quod vim memoriæ, mentis, cogitationis habeat, quod & præterita teneat, & futura præuideat, & complecti possit præsentia; quæ sola diuina sunt. Singularis est igitur quædam natura, atque vis animi seiuncta ab his vilitatis, notisq. naturis. Hæc ille, ad significandam independentiam intellectus à dispositionibus corporis, ex qua statim colligit immortalitatem animi, concludens. Itaque quidquid est illud, quod sentit, quod sapit, quod vult, quod viget, cœleste, & diuinum est, ob eamque rem æternum fit, necesse est.

Nec prætermittendum est, idem probari posse ex actibus liberis non stræ voluntatis, non sine principali respectu ad intellectum, cum in illo radix libertatis à Philosophis, ac Theologis constituatur. Si quidem libertas, & indifferentia in actibus voluntatis prouenit ex iudicio rationis, vt docet S. Thomas; nam quælibet potentia indifferens ad opposita, talis est, quia cum ratione est, vt latè prosequitur Aristoteles 9. metaph. cap. 3. ad distinctionem potentiarum irrationalium, quæ sunt determinatæ ad vnum. Vnde fit, vt quoties intellectus caret usu rationis, careat etiam voluntas usu libertatis, vt patet in paruulis, amentibus, ac dormientibus. Quare si intellectus ex inhærentia in corpore, vel dependen-

tia ab organo corporeo, corruptibilitatem contraheret, ut ostensum est; etiam voluntas, quæ ab ipso tanquam à radice, libertatem formaliter habet, corruptibilis existeret, totaque immaterialium potentiarum natura corrueret.

Alia est igitur dependentia intellectus, quoad suas operationes, à dispositionibus cerebri in humano corpore, nempe ratione phantasmatum, seu operationum sensus interioris, quæ elici debent in ipso cerebro bene disposito, atque organizato, & concurrere debent cum intellectu in rerum perceptione. Porro naturaliter loquendo, ut docet Aristoteles, qui non sentit aliquid, nihil vtrique addiscet, nec intelliget, & cum speculetur, necesse est simul phantasma aliquod speculari: Siquidem ut absque controuersia Philosophi statuerunt, operationes omnes sunt suppositorum, nempe integræ naturæ subsistentis, ut colligitur ex eodem Aristotele, & est etiam receptum apud Theologos; quo fit, ut hominum operationes duplex respicere debeant principium suæ conditionis, iuxta duplicem naturam partialem (corpoream scilicet, & spiritualem) ex qua totus homo conflatur. Vnde ad hoc ut verè, ac semper totus homo, totaq. eius natura operetur, operationes eius corporeas, vitam, ac sensualitatem mutuari oportet ab anima; spirituales verò, necessarium satellitium sibi à phantasmatibus, corporeisq. facultatibus comparare. Quoniam verò phantasmata, sicut omnes operationes cuiusque facultatis corporeæ non nisi iuxta dispositionem organorum possunt procedere; hinc fit, ut mediantibus illis, etiam intellectus in suis operationibus naturaliter obeundis, à dispositionibus cerebri dependeat.

Hac autem, & non alia dependentia in intellectu à dispositionibus cerebri constituta, dicendum est dispositiones ad aptitudinem operationum intellectus requisitas, non esse alias, ac diuersas ab illis, quæ ad rectitudinem, ac perfectionem internarum sensationum requiruntur, sed easdem omnino, quæ ad vtrumque munus deseruiunt. Quod ex eo probatur primo, quia cum operationes intellectus dum anima est in corpore, pendèant à famulatu, & consortio phantasmatum,

1. de anima  
111.64.

D. Tho. 1. par.  
9. 39. art. 5. &  
3. p. 9. 29. art. 1.  
Concil. Florent.  
sess. 18. non longe à fine.



phantasmatum, certum est illas propriam rectitudinem, ac perfectionem non desumere ab imperfectione, ac prauitate istarum, sed potius ab aptitudine, ac perfectione; nam videmus per falsam apprehensionem sensus, prauamq. imaginationem, ac per defectum memoriae sensitiuæ decipi quoque, ac deficere ipsum intellectum in estimatione rerum, ac recordatione, vt patet in ebrietatibus, & morbis quibusdam ait Aristoteles, qui propterea addit, quod ipsum intelligere, ac speculari marcescit alio quodam interius corrupto, nempe sensu, cum ipse intellectus quid impassibile, ac diuinum sit; & rursus, Non reminiscimur, inquit, quin licet hoc impassibile sit, passius tamen intellectus (nempe phantasia,) vt exponit Simplicius, corruptibilis est, & sine hoc nihil intelligit anima. E contra verò scimus per veram apprehensionem sensus, aptamq. subministrationem phantasmatum, ac firmitatem memoriae sensitiuæ probè, ac verè etiam intellectum iudicare, recolere, atque discurrere. Vnde rectè inquit Themistius phantasiā modo commodare, modo in commodare ratiocinanti. Eadem igitur dispositio cerebri, quæ proximè interiorem sensum ad rectas suas operationes eliciendas disponit, remotè ad optimas quoque operationes intellectus deseruit.

Deinde id ipsum probatur, nam si alia essent dispositiones requisitæ ad rectè intelligendum, alia verò ad rectè sentiendum interius, nunquam idem homo simul posset rectè interius sentire, atque intelligere. Siquidem nequit idem subiectum disponi dispositionibus contrarijs, prout essent diuersæ combinationes qualitarum in cerebro. At non modò simul potest quis rectè interius sentire, atque intelligere, sed quò melius per sensum apprehendit, imaginatur, ac recordatur; eò melius per intellectum quoque apprehendit, diuidit, componit, atque discurret. Ergò non alia, sed eadem sunt dispositiones, quæ ad vtrumque munus deserviunt.

Quantum verò internarum sensationum perfectio conducit, & quam necessario prærequiratur ad præstantiam operationum

1. de anima  
127. d. 1. c. 66.

3. de anima  
128. d. 2.

In lib. de memoria,  
c. 1. c. 2.

rationum intellectus, explicari potest primò ratione illa à priori superius tacta, quia nimirum in operationibus subordinatis, perfectio vnius iuuat perfectionem alterius; sensationes autem internæ veluti instrumenta sunt ordinata ad intellectionem; & ideo perfectiores dantur in homine, quam in brutis. Vnde siue dicamus cum Anaxagora hominem prudentissimum omnium animalium esse, quoniam vnus omnium manus obtinet: siue cum Aristotele, vt quoniam prudentissimus omnium est, ideo manus receperit. Omnino certum relinquitur perfectionem instrumenti ordinari ad perfectionem operationis principalioris agentis, & hanc perfectionem supponere perfectionem instrumenti.

Rursus verò idem explicari potest exemplo cuiuscumque cognitionis intellectuæ per experientiam, exercitationem, ac studium acquisitæ, vt præsertim sunt habitus intellectuales, morales, ac scientifici, qui non nisi ope, & maximo conatu imaginationis, ac stabilitate memoriæ acquirantur. Nam & prudentia, quæ circa agibilia versatur, vt ait Aristoteles, maximè nititur experientia, atque etiam historia, (quæ propterea à Cicerone vocatur lux veritatis, vita memoriæ, magistra morum, nuncia vetustatis) hæc autem ambo sensibus, ac memoria comparantur. Similiter quælibet scientia totalis magnam supponit in homine promptitudinem, magnamq. capacitatem ad apprehendendos, ac retinendos terminos tam varios, tot vsus verborum, tot ex illis confectas propositiones, diuisiones, definitiones, & argumentationes. Quæ omnia non nisi præuia imaginationis volubilitate, ac sensitiuæ memoriæ subministratione, ex cuius thesauro omnia depromuntur; insuper vsu, & labore perficiuntur. Vt hinc non immeritò finxerint Poetæ, sapientiam, atque scientiam filiam esse memoriæ, dicentem, vsus me genuit, mater me peperit memoria. Et Cicero in definitione ingenij compræhenderit memoriam dicens: Nam & animi atque ingenij celeres quidam motus esse debent, qui ad excogitandum acuti, & ad explicandum, ornandumq. sint vberes, & ad memoriam firmi, atque diuturni.

Quod

*Lib. 4. de part.  
animal. c. 20.*

*6. Ethic. c. 5.*

*Lib. 2. de Oratore non longe  
ab initio.*

*De Orator. lib.  
1. ante med.*

Quod si quis contendat, multarum rerum cognitionem, atque memoriam, aptamq. imaginationem omnino per accidens se habere ad perfectionem operationis intellectus, quæ essentialiter, tantum consistit in hoc, ut rectè versetur circa sua obiecta, siue pauca illa sint, siue quamplura, siue per optimam, siue per prauam sensationem internam suggesta, aut ex thesauro memoriæ euocata: Distinguendum erit de perfectione. Nam licet intellectus ex parte sua semper benè operetur etiam in delirijs, & ebrietatibus, quatenus iudicat de rebus prout à sensu per phantasmata representantur, ac prout ipsi conceditur, ex vno in aliud discurrit. Nihilominus cum operatio intellectus non tantū consideretur ex parte sua prout est egressus potentiæ, sed prout simul est attingentia obiecti, & conformatio cognitoris cum cognito, quod totum mutuatur à phantasinatibus, quorum ministerio recipit, ac format imagines; hinc est ut essentialis, & adæquata perfectio operationis intellectus in homine simul à sensitiuarū interius cognitionum apta cooperatione dependeat. Et sic per falsas imaginationes interdum eluditur intellectus, ut in somnijs ac delirijs, & per defectum subministrationis memoriæ sensitiuæ, ut plurium præteritorum, ac circumstantiarum, agrè, aut non rectè intellectus infert vnum ex alio. Nec aliunde prouenit, melius aut deterius inferre, quàm ex eo, quod plures, aut pauciores medijs termini, cum pluribus, aut paucioribus differentijs, conditionibus ac circumstantijs in antecedenti offeratur; Ex quibus per naturalem connexionem obiectiuam elicitur consequens. Quod profectò est, ad perfectionem adæquatam operationis intellectus, requiri pluralitatem specierum, retentionem illarum, promptitudinemque subministrationis ipsius potentiæ interius sensitiuæ.

Quamobrem non fuit vnquam quis in intellectualium, functionum administratione conspicuus, vir peracutus, ac prudens, eminentissimaque intelligentia præditus, qui magnam simul non obtineret, ostenderetq. memoriam, tum & imaginationem insignem. Quod constare primum potest de  
 Julio

Plin. lib. 7. nat.  
 hist. lib. 6. 25.

Julio Cæsare dictatore cuius ingenium, ac imaginatio eni-  
 tuit in efformandis machinis, in concinna oratione, & in-  
 iocis, ac facetijs plurimis: memoria verò in eo, quod nihil  
 soleret præter iniurias obliuisci, vt testatur Tullius: atque  
 intellectus in cognitione rerum naturalium, in capiendò  
 consilio de rebus maximis, in clarissima, ac propria expref-  
 sione interni conceptus, & similibus. Deinde de Quinto  
 Fabio Maximo, cuius ingentem fuisse memoriam, ac noti-  
 tiam vetustatis, dictaq. eius, & consilia tum in populo, tum  
 inter primores patrum, pro oraculis habita traditur. Rur-  
 sus de M. Tullio Cicerone, cuius mentis amplitudo, ac su-  
 blimitas in vniuersa eius philosophia, memoria in prompti-  
 tudine, facundiaq. orandi, imaginatio in sale dictorum,  
 concentuq. verborum vsque adeo refulsit, vt dictator Cæ-  
 sar hostis quondam suus, illi scripserit, omnium triumpho-  
 rum lauream ipsum adeptum fuisse maiorem, quanto plus  
 est, ingenij Romani terminos in tantum promouisse, quàm  
 imperij. Et Seneca, illud ingenium, dixerit, quod solum Po-  
 pulus Romanus par imperio suo habuit. Vnde facundiæ, la-  
 tiarumq. literarum parens appellatus est, vt notat Plinius.  
 Item de ipso Annæo Seneca, cuius eminentiam intellectus,  
 & imaginatiuæ, scripta eius declarant subtilitate sententia-  
 rum, & grauitate sermonis: memoriam verò à semetipso re-  
 statatur, quæ in miraculum excreuerat, vt ipse ait, addens,  
 eam sibi talem fuisse, non ad complectendum modo, quæ au-  
 dierat, sed ad continendum quoque complexa. Nec credi-  
 bile est tantum virum falso quicquam sibi arrogare. Is de-  
 nique de latrone Porcio eximium ingenium, validissimamq.  
 memoriam commemorat, adeo vt cum summa notitia, quæ-  
 cumque in animum eius semel descenderant, in promptu es-  
 sent. Et alij de alijs plurimis videri possunt similia referen-  
 tes, sicut & contraria de illis, qui naturali acumine intelle-  
 ctus, ac prudentia parum, aut nullatenus præditi, nullam  
 vel paruam de rebus retinent impressionem, ac profligatæ  
 omninò constituuntur memoriæ, vt socordissimi Scythæ, qui  
 nec numerare vtrà quaternarium valent. Et Herodis So-  
 phistæ

lib. 1. contro-  
 uers. in præfat.

lib. 7. natural.  
 Hist. c. 30.

lib. 1. contro-  
 uers. in præfat.

Ibidem.

philistæ filius, qui nunquam literarum prima elementa apprehendere valuit, quamuis ad hoc viginti quatuor pueros, singulas literas pro nomine referentes, Pater ex industria adhibuerit, qui secum quotidie versarentur. Et Rusticus quem Romæ olim ipse cognoui, supra quinarium, licet conaretur unitates ordinate addere, nequibat; tantumq. in stoliditatem deuenerat, ut dentes sibi pateretur euelli accepto pro singulis aris minimi pretio. Quare sicut memoria, & solertia, ut docet Aristoteles, vel manant à prudentia, vel prudentiæ sunt affectæ; ita inscitia, & obliuio, ut idem ait, sectatur imprudentiam, ac stoliditatem.

*In libello de  
vitiis.*

Quod si prudentissimi, ac sapientissimi viri, quantumuis scientiarum cognitione referti, nonnunquam videantur memoria, aut imaginatione deficere, & in his à rudibus, & ignauis quampluribus superari; id certè frequentius non, nisi ex varia illorum applicatione procedit. Etenim, qui circa tot rerum naturalium, aut supernaturalium cognitionem abstractè semper versantur; vel qui non nisi in rebus maximis, ac Reipublicæ administrationibus iugiter occupantur; non tam facilè possunt nonnulla imaginari, aut multorum, quæ ad rem non faciunt recordari; sicut qui post habitis curis, ac scientijs omnibus, paucissimis tantum, ac nenijs ad ocium, vel iocum incumbunt. Quapropter mirum non est, si aut illi Pegasum in cælo, stellarum positione descriptum, nequeant statim imaginari; ac militum nomina, qui ab Equo Troiano fluxerunt, protinus recordari: aut isti quantumuis hebetes, ac rudes, multa facilius valeant rustica imaginari, aliaq. tenacius custodire, ut numerum, ac nomina pecudum copiosissimi gregis, tympanorum, aut campanarum plurium fonos, eorumq. differentias, ac significationes; animalium quorundam distinctissimos mores, iocos, ac facetias quamplures, & similia: Cum de serijs, ac rebus maximis, nihil omninò cogitent, nunquam scitu digna addiscant, nec penè nisi penia, ac futilia animo reuoluant. Alioquin si quæ ignarus & hebes, quantumuis in suo genere felicissimæ memoriæ custodit, cum his, quæ homo sapiens, & eruditus, licet memoriæ

memoriæ labilis, omnimodo tamen recordatur, conferramus; erit comparatio vnius ad mille. Quæ namque proportio erit inter numerum, siue pecudum florentissimi gregis, siue etiam nominum illorum, ac deinde sonorum, aliarumque rerum, quas infcius quidam, ac rudis memoria tenet, & numerum innumerabilium vocabulorum diuerforum idioma- tum, conceptuum, terminorum, propositionumque scientiarum tam plurium? Item rerum gestarum, ac multiplicium, historiarum, hominumque ipsorum tot millium, quos versatus, ac solers vir, & eruditus suo tempore agnouit, ac meminit? Caterum in hoc etiam multitudinis opinio maximè fallitur, existimans recordari saltem posse de maioribus, ac dignioribus, qui minima aduertit, ac meminit; ac multum deficere, qui in quibusdam facillimis defuit; cum tamen sit totum oppositum. Nam qui non nisi circa minima naturali propensione versatur, maiora non capit, & qui circa maiora assidue versatur, despicit potius minora, quàm deficiat in illis, tanquam dignius alibi occupatus. Imperfecta igitur memoria sapientissimi viri, perfectior est perfectissima qualibet heberis, atque ignari: proindeque memoria semper intellectui, ac imaginationi, maiori ex parte proportionatur. Nam vt diximus, si perfectissima sit cerebri dispositio, æquè ad omnes huiusmodi operationes deseruit.

Ad fundamenta igitur in oppositum respondetur, ad primum; si sermo sit de vltima senectute, seu ætate illa quasfata, qua homines vigore cōsumpto dicuntur decrepiti, tunc verum esse, quod assumitur de languore sensitiuarum omnium operationum. Falsum verò, quod supponitur de vigore discursus, vel cuiusque cognitionis intellectiue. Quandoquidem valde senes, non minus, quam pueri sepius deficiunt, ac dementes esse videntur, eo quod vtraque ipsorum ætas in motu sit plurimo, vt docet Aristoteles: Vel quia ad eum animi habitum redeunt, quem primis ab annis habebant, vt ait Plato, qui propterea illos bis pueros vocat.

Et communiter, quum illi desipere vitio ætatis incipiunt  
repu-

*De mem. & remin. cap. 4.*

*Dialogo 1. de legibus non lego à fin.*

repuerascere dicuntur. Si vero loquamur de senectute, quæ primo consequitur virilitatem, & adhuc retinet consistentiam naturæ, falsum pariter est, quod assumitur de imbecillitate apprehensionis, ac lapsu memoriæ, vel similibus, ut ex dictis cap. præcedenti potest constare.

Quod autem dicit Aristoteles ab anima sustineri, quod non debilitatur senio, intelligendum est de potentia intellectiva non autem de operationibus illius, quæ dum anima est sociata corpori, non nisi iuxta præstitam sibi opem ac ministerium à phantasmatibus naturaliter procedunt. Nam ut idem Aristoteles subiungit, corrupto seu marcescente, interius aliquo alio, ipsum quoque intelligere, ac speculari marcescit, quamvis facultas ipsa intellectiva impassibilis, & incorruptibilis sit. Quare similiter cum idem Philosophus dixit mentem nobis in senectute maxime contingere, protinus addit, nisi detrimento aliquo lacera lasaq. sit, scilicet ratione instrumentorum, ut plerumque in decrepitis experiri licet.

Cum verò D. Hieronymus inquit, crescente sapientia alias vires in senibus decrescere; per sapientiam intelligit scientiam, ac prudentiam studio, & experientia acquisitam, quæ sanè usque ad senectam, vel senium incrementum iugiter suscipit, si aliud non obstat. Per vires autem decrescentes intelligit vires corporeas; ad cætera hominis munia præter cognitionem obeunda, ut ex his, quæ ipsemet ibi subtexuit palam ostenditur.

Ad secundū verò respondetur, per recessum dispositionum ab explicata symmetria, recedere etiā à sua perfectione tam operationes memoratiuas, quàm reminiscitiuas, sed quia frequentius magis vnum, quam alterū genus harū operationum à sua perfectione recedit, ideo quæ minus recedunt, magis dicuntur vigere comparatiuè loquendo respectu aliarum. Nam aliquantulus recessus, verbi gratia, à debito calore in cerebro, licet omnibus operationibus officiat, magis tamen officit memoriæ sensitiuæ, quàm reminiscentiæ, quæ tanquam opus intellectus minus impeditur ab aliqua frigiditate dum



ab vno phantasmate, specularando, in aliud discurrit. E contra verò excessus caloris nimis exagitando simulacra ac turbando phantasmata, magis obstat rectitudini, & coordinationi operationum intellectus, quæ sedatè, & ordinatè debent procedere. Alioquin si nimius sit excessus, siue caloris, siue frigiditatis, vtrumque genus operationum impedit aut lædit, vt passim docet Galenus, & nos etiam commonuimus. Vbi obseruandum est Galenum quotiescumque loquitur de causa, quæ memoriæ noxam inferat, vt plurimum adijcere, & insaniam, & fatuitatē ab eadem causa procedere; quia simul vtraque actio læditur. Vnde cum inter alia dixisset frigus memoriæ nocere, stultitiamque inducere, paulo post idem ait de calore: Equidem (inquit) noui quendam, qui ob laborem in studijs, atque vigilias, memoriā pene amiserat, læsa etiam ratione. Item agricolam, qui ob labores, quos vites colendo subierat, ac tenuem victum, eodem modo affectus est. Atque ij (subiungit) certum est, quod exiccantibus calorificisq. lædebantur: idemq. contingere ait in phrenitide cum febris, & similibus.

Ad tertium igitur, negandum est in his, qui furore, vel insania perciti sunt cunctis internis sensationibus rectè se habentibus, solam ratiocinationem malè procedere. Nam semper oblata etiam est in illis imaginatio, & memoria, vt obseruanti patebit, & ex eodem Galeno retulimus. Quod si loquendo de casu illius phrenetici in particulari, obseruauerit Galenus defectum rationis absque defectu memoriæ, aut imaginationis; id tamen non affirmat in vniuersum, quasi verificaretur de omnibus actionibus eiusdem phrenetici. Nam sicut omnes insani quantumuis dementes, aliquando tamen rectè discunt, nec rationem oblesam ostendunt; ita ille phreneticus quantumuis depravatam imaginationem haberet, potuit tamen aliquando illam non vt talem ostendere, quia non omnes defectus simul debent semper patere. Eadem itaque cerebri dispositione, qua male operationes intellectus se habent, oblata quoque sensationes internæ procedunt, & è contra.

## TRACTATIO TERTIA

De dispositionibus aliarum partium,  
animalis, quæ cum cerebri dispo-  
sitionibus concurrunt.

**C**VM omnis aptitudo organi ad obeundas operationes sensus interioris, non modo pendeat ex proprijs dispositionibus illius, verum ex ijs quoque, vel maxime, quæ in nonnullis alijs partibus animalis reperiuntur; Quarum aliæ connexæ sunt cerebro, aliæ verò peculiarem cum eo consensum obtinent: Explicandum hic erit quæ nam sint huiusmodi partes animalis, & quas dispositiones ad concursum prædictum requirant.

*De dispositionibus capitis roniuerſi, ac præſertim partium, quæ ſunt circa cerebrum.*

## Cap. I.

**V**O AD magnitudinem ac figuram capitis ſupponimus, quæ ſupra ex Ariſtotele, & Galeno neceſſario ſimul tunc determinauimus cum de cerebri magnitudine loqueremur propter quod caput factum eſt, vt ipſe Philoſophus ait, nempe illud mediocriter ac mediæ magnitudinis eſſe debere proportionem ſui corporis: figura vero oblonga, veluti ſi ſphæram vtrinque ad latera depreſſam excogitares. Præterea caput hominis macilentum, carnẽq. prope omni exutum eſſe, neceſſarium putat Ariſtoteles lib. 2. de part. animal. cap. 10. ex his, quæ de cerebro ſuperius dixerat, additq. duplicem aliam cauſam: nimirum quia ſi homo ca-  
put

Tract. 2. huius  
lib. cap. 2.

Lib. 4. de part.  
animal. cap. 10.  
& lib. 2. de ge-  
nerat. animal.  
cap. 4.

put carne obtectum haberet, cerebrum valde teperet, nec posset refrigerare. Deinde, quia nihil exigere potest pressum onere, quemadmodum caput tunc se haberet. Vnde inferre audiendos non esse, qui censent, si carnosum caput esset, viuacius hominum genus futurum.

Clarius tamen id potest probari ex eo: nam ad operationes, quæ exercentur in cerebro, moderatum tantum calorem requirit natura, ut collat ex dictis; carò verò & sanguis multus circa caput, valde illud calefaceret, nec sineret tam facile superfluitatem humorum, & caliditatis prout nunc per cutis poros, & caluariæ iuncturas exhalare: consequenterq. cor nec ita refrigeraretur, nec leuaretur per correspondentiam, quam habet cum cerebro, dum fumosas exhalationes se exonerando, sursum emittit, & cerebri naturali frigiditate temperatur.

Ex quibus colligitur, cutem capitis minime crassam, & corpulentam, sed potius gracilem, & obesam, porosamq. esse debere ad munera prædicta aptius præstanda, & ut substantia cerebri purgata, & à fuliginosis exhalationibus, excrementijsq. humoribus defœcata remaneat.

Capitis autem os, quod caluariam appellamus, ob eandem causam exile, ac porosum esse debet. Vnde inquit Aristoteles, serò admodum illud in homine indurari, cum diu calor euaporetur, quod nulli ex cæteris animalibus sanguine præditis euenit. Insuper, ut idem profèquitur, iuncturas etiam plurimas in capite homo habet, & mas plures, quàm femina; ut locus, inquit, spirantior sit & amplius, in quo plus cerebri habetur. Etenim in quibus crassum ac magnum est huiusmodi os, ut in brutis plurimis; parum cerebri continetur, fumosaq. & immixta exhalatio, ex eo quod minus valeat euaporare, valdè sensationes internas perturbat, ac retundit. Et sic Aristoteles consequenter etiam docet, cuius os capitis densum est, cerebrum esse inualidum, quia minus sic respirationibus opportunum quàm exile & porosum. Ex qua gracilitate, & porositate cutis & ossium, fortasse Plato intellexit, sapientium capita, ut plurimum imbecilla

2. de part. animal. cap. 7.

10. sect. præd. 9. 47.

becillia quavis occasione reddi, facileq. contrarijs lædi. Nam maior certè pater aditus ambienti à quo contrariæ qualitates participantur, faciliusque permeant humores extrinsecus aduenientes, vel attracti.

Uterius verò duæ membranæ, dura mater, & pia mater cerebrum continentes cum suis anfractibus, rectè dispositæ esse debent, prout suo loco descripsimus, & ut cerebrum, prout decet, modico potiatur calore, ait Aristoteles, venæ, quæ ad huiusmodi membranas deueniunt, non pauca, & amplæ, sed frequentes, ac tenues esse debent; sicut nec sanguis copiosus, & crassus, sed tenuis, ac sincerus. Nam ut idem docet, sanguinis calidioris agitatio, officium sentiendi intercipit, atque refringit. Et ideo sanguinem vniuersi capitis temperatum vocat, & idoneum, tum ad cerebrum tepesciendum, tum ad sensuum tranquillitatem, atq; integritatē.

Arteriæ insuper, ac venæ, quæ à iugularibus, & carotidibus propagantur in cerebrum, probè subactæ, ac protensæ esse debent, ut per illas facile spiritus vitalis cum calore influente introducatur ad generationem spiritus animalis. Item plexum corride productum à venis, & arterijs propè glandulam conariam sub basim ossis basilaris, vbi incipit preparari materia spiritus animalis: sicut etiam plexum mirabile, seu retiforme ad basim ventriculorum cerebri, vbi eadem materia magis elaboratur, rectè compactum, ac situatū esse debet.

Tandem spiritus animalis super omnia, quæ ad substantiam cerebri aliquo modo faciunt, maximè temperatus, ac dispositus esse debet, tum quia ut docet Galenus, per totum cerebrum diffusus est, & in eius poris etiam continetur, ut notant alij. Vnde ut ait idem Galenus, si spiritus in cerebri sinibus contentus, aut prorsus corruptus sit, aut à naturali temperie vna cum temperie cerebri longissimè discesserit, mortem inquit necessariò sequi. Ut ex hoc colligere etiam liceat, cerebri vitam seruari à substantia, & qualitate spiritus; Tum quoque; nam eodem Galeno attestante, spiritus animalis est primum animæ instrumentum ad transmitten-

*a. de par. anim.  
mat. cap. 7.*

*Arist. cap. 1.  
de part. anim.*

*Idem lib. 4. c. 10.*

*7. de placit. 0. 7.*

*a. de locis affect.  
cap. 2.*

dos à cerebro in vniuersas corporis partes sensum, & motū. Dispositio autem spiritus animalis constituitur primò in tenuitate ac subtilitate illius, temperamento, ac sinceritate. Tenuis enim esse debet ad agilitatē, vt permeare intus possit per sinus, & anfractus cerebri, cū ipsaq. eius substantia poros implendo cōmisceri; atque etiam per nervos vsq; ad certum quendam terminū aptè diffundi. Cōnaturaliter deinde temperatus, nempe calidus, & humidus esse debet, vt docet Aristoteles, quia natura spiritus animalis materiam sumit à spiritu vitali: spiritus autem vitalis materia, vt inquit Galenus, sumitur ex inspiratione, ac proinde ex aere, & humorum exhalatione, hoc est tenuiore, ac puriore sanguinis parte: aeris verò, & sanguinis temperamentū, calidum, & humidum est. Quare spiritus animalis conseruatur ope aeris præsertim per nāres attracti, & vaporis sanguinis prodeuntis ex plexu retiforme. Quod dicitur ad differentiā euaporationis sanguinis è venis: licet Galenus concedat parua aliqua ex parte animalem spiritum alimentum sumere ex venis ad cerebri ventriculos pertinentibus; cum præcipuum ac maximumumat ex arterijs à corde prodeuntibus, & plexum retiformem efformantibus. Cum itaque tam ex parte generationis, quàm ex parte nutritionis, spiritus animalis ex calido, & humido coalescat ac subsistat, calidum, & humidum, ipsum esse necesse est, quamuis eius calor à naturali frigiditate cerebri temperetur; quippe cum oporteat animalem spiritum exquisitissimam omnium mutationem adipisci, ait Galenus, qui hætenus propterea frigidum etiam, & quasi athereum illum vocat. quod vertè non inconsultò natura constituit cum temperatus calor, & humiditas, aptissimæ sint qualitates ad motum, ac fluxum ipsius spiritus, nec non ad viuacitatem, motus, & sensus cæteris partibus à cerebro impertiendum.

Denique sincerus debet esse spiritus, ac perlucidus, non tenebricosus, aut fœculentus; vt aptius animalem facultatem conseruet, & ad eius munera obeunda deferuiat in transmissione specierum intentionalium, ac formatione imaginum, cum ipsæ sensationes eliciuntur.

*a. de generat. animal. c. 4. circa med.*

*7. de placit. c. 2.*

*3. de placit. c. 7.*

*7. de placit. c. 3. Ibidem cap. 7.*

*De cordis dispositione in quantum consensum habet cum cerebro. Cap. II.*

**A**LIS, ac tantus est cordis cum cerebro naturalis consensus, vt in generatione animalis cum primum gignitur cor, statim cerebrum, supra vbi desinunt venæ à corde manantes ad correspondentiam generetur, vt animaduertit

Philosophus. Principium enim vitæ in animali ad ipsam virtutem animalem ordinatur, & virtus ipsa animalis, quæ primum residet in cerebro, virtutem vitalem semper supponit, quæ in corde primo locatur. Secundum igitur hanc mutuam subordinationem, & correspondentiam, cor sensum, & motum arbitrariū habet à cerebro, item & refrigerationē sui caloris, aliasq. comoditates; vnde cum malè se habet cerebrum, cor etiā multas patitur passiones. Cerebrum autē calorem, & vitam mutuatur à corde, ipsumq. spiritum vitalem, quem vertit in animalem, & iuxta varias dispositiones illius, diuersimodè etiam se præbet paratum ad obeundas proprias functiones.

Præcipuæ verò dispositiones cordis, quæ ad cerebri dispositiones faciunt, ac respondent sunt magnitudo, raritas, vel densitas, ac temperamentum primarum qualitatum.

Primò igitur certum est, temperamentum cordis calidissimum esse, vt qui fons est spirituum vitalium, atque caloris viuifici per vniuersum corpus diffusi. Locum enim adesse aliquem quasi lares, focumq. oportet (ait Aristoteles) quo naturæ fomites, & primordia ignis natiui contineantur. Rursus verò ait. Cordis enim, pulmonisq. locū calidissimum, & sanguine refertissimum homo habet. Et post pauca subiicit: calor enim cordis, atq. principium consentientissimum est, sensumq. celerrimè facit, cum sanguis cerebri vilo pacto mutatur, atque afficitur. Quibus insinuat, cordis calorem ad celeritatem sensus præsertim valere, cum à corde per sanguinem arterialem, ac spiritum vitalem, calor communicetur cū cerebro. Vnde Galenus, quo cor est calidius, eò vis irascibilis

2. de generat. animal. c. 4. post med.

3. de part. animal. cap. 7.  
2. de partib. animal. cap. 7.

6. de placit. cap. ult.

*in Theæteto len-  
ge post med.  
in Timæo ante  
med.*

est validior, ac sensus exquisitior. Plato etiã ingenij acumen ex cordis subtilitate, ac tẽperamento dixit oriri in Theæteto, cũ tamen in Timæo docuisset præcipuam animi sedem ad rationalia munera obeunda, in capite collocari; quæ certè sibi nõ constarent, nisi intellexisset ingenij acumen remotè, cũ ex alijs, tum ex vitalium spirituum subtilitate, ac temperamento, quod à corde cum ipsis procedit, magnopere dependere.

*3. de part. anim.  
cap. 4.*

Cũ maximo vero calore copulatur in illo magna ex parte humiditas, quod patet tum ex productione sanguinis, tum etiam ex eius mollitie, quæ pariter ad sensum conducit per correspondentiam aptiorem, quam facit habere cũ cerebro; sicut etiam raritas; quatenus cor disponunt ad faciliorẽ, ac perfectiorẽ emissionem spirituum vitalium. Vnde Aristoteles, sunt (inquit) articulatoria corda eorum, quæ sensu melius valent; inarticulatoria eorũ, quæ sensu hebetiori sunt, vt suũ. (dixerat enim corda articulationẽ quandã rimis, futurisue capitis persimilem habere.) Deinde addit: quæ enim sensu hebeti sunt, cor habent durũ, & spissum; quæ autem sensu valent, mollius.

*3. de part. ani-  
mal. cap. 4.*

De magnitudine quoque cordis Aristoteles ibidem pronunciat, pauida esse quibus cor grandius; audientiora, fidentioraque, quibus minus, aut mediocre. Causãq. reddit: quoniam calorem proportionẽ cordis non habeant; sed parũ caloris in magno conceptaculo exoleseat, ac proinde sanguis frigidior fiat, ex quo oritur metus. Vnde cor magnũ proportionẽ datũ est, inquit, lepori, ceruo, muri, hyænæ, asino, pantheræ, mustelæ, & reliquis ferè omnibus, quæ apertè timida sunt, aut propter metũ malefica. Dissectione etiã compertum est, plures ingeniosos, & fidẽtes viros paruo, vel exili proportionẽ corde fuisse, vt de Alexandro scribitur, & alijs. Ex quibus omnibus liquet, eadem ratione ampliora corda minus etiam ad correspondentiam cerebri, sensumq. proinde valere ob defectum, quem patiuntur caloris, quod pariter Philosophus extendit ad ventriculos cordis, ac venas. Nam (inquit) vt in paruo, & magno domicilio tantundem ignis non æque calefacit, sed minus in magno; sic in ijs calor non pariter agit: vas enim tam vena, quàm ventriculus est.



*De dispositione Iecoris, ac sanguinis.**Cap. III.*

**I**OST cordis dispositionem, ad aptum temperamentum, ac nutrimentum cerebri, maximè valet dispositio Iecoris, à quo iuxta Galeni, & Hippocratis placitum, sanguis omnis tanquam à suo fonte dimanat, ac ventriculus ad alimentum concoctionem tanquam fornax ab igne sonetur. Nam cibi concoquendi gratia adest, ait Aristoteles.

Est autem naturale, & ad omnes operationes animalis optimum iecoris temperamentum, quod maxime calidum, existit, & humidum; & si quando frigidum Iecur denominatur, non quidem à prædominante in illo frigiditate provenit; sed quod à debita caloris intentione aliquantulum recesserit. Ex quo cum multa mala in corpore uniuerso proveniant, præcipuè quantum spectat ad cerebrum, illud est magnum, quod feculentum sanguinem generat, cruditatesq. parit, & exuperantiam humoris. Ex quibus languescunt spiritus cerebro ministrantes, totaq. sedes euaporatione obumbratur, atque peruertitur.

Sanguinis etiam temperies ac natura varia, causa est (inquit Aristoteles) cur permulta animalibus veniant, tum per mores, tum etiam per sensum. Materia enim totius corporis est; quippe cum alimentum materia sit, sanguis autem ultimum alimentum habeatur. Facit igitur, ut plurimum differentiarum existat, si calidus, aut frigidus sit, si tenuis, aut crassus, si turbulentus, aut nitidus: hæc ille. Quapropter Hippocrates etiam. Opinor autem (inquit) inter omnia, quæ in corpore sunt, nihil magis ad prudentiam conferre, quam sanguinem. Hic ergo cum in constanti habitu persistit, consistit & prudentia; sanguine vero permutato, concidit simul & prudentia. Quod deinceps pluribus argumentis ac experiencijs confirmat. Et hæcenus: Sanguis (inquit)

*s. de part. animal. cap. 7.*

*2. de partibus animal. cap. 4.*

*In lib. de flatibus anim. 20.*

*lib. 2. de morbis. mem. 20.*

2. de part. ani-  
mal. cap. 4.

qui est in homine, maximam partem ad prudentiam confert. Rursus autem Aristoteles ad particularia descendens dixit, nonnulla animalia ex ijs, quorum sanguis fibras non obtinet, nec vnquam spissatur, nimirum propter frigiditatem, vt sanguis ceruarum, ac damarum, sapientiora esse. Verum inquit, hoc non ex sanguinis frigiditate, sed potius tenuitate atque munditia provenire, quorum neutrum in terreo, ac fibroso sanguine est. Habent enim sensum mobiliorem quorum humor tenuior, & sincerior est. Atque hinc etiam addit, nonnulla ex ijs, quæ sanguine vacant animalibus, prudentiora nonnullis sanguinem habentibus sunt; vt apes, formicæ, & si quid aliud tale est. Habemus itaque ex hoc loco Aristotelis, sanguinem tenuem, ac syncerum, aptum esse ad prudentiam, ac meliorem sensum animalis.

Lib. 3. de partib.  
animal. cap. 5.

Deinde vero idem Aristoteles loquendo de naturali temperamento sanguinis, inquit, ex proprio principio fieri, vt sanguis humidus sit, & calidus. Quod nemo vnquam verit in dubium, sicut nec sanguinem ita naturaliter temperatum, aptum quoque esse ad rectam correspondentiam habendam cum cerebro; cum ad naturalem ac perfectam vniuersi corporis symmetriam spectet, vt pars vnaquæque suo naturali temperamento, & non alio potiatur. Quod si Aristoteles alias docuerit, ad corporis robur, efficaciorum esse sanguinem qui crassior, & calidior est; vim autem sentiendi, intelligendiq. obtinere pleniorum, qui tenuior atque frigidior est: non loquebatur de frigidiori sanguine secundum prædominium frigiditatis, sed secundum minorem intentionem caliditatis, quæ si nimia sit in cerebro, vt supra diximus, imagines attollit, & exagitat, inconstantiamque parit opinionis; secus ac si temperatior sit.

2. de part. ani-  
mal. cap. 4.

Hinc autem sequitur, complexionem totius corporis calidam & humidam, esse optimam ad ingenij constitutionem. Nam cum talis est, non nisi ex puro sanguine caro vniuersa coalescit, ac nutritur, nec alius humor præualere potest. Nihil autem est in corpore, quod magis ad prudentiam conferat, quàm sanguis, vt paulò ante retulimus ex Hippocrate.

Quo-

Quoniam ex sanguine gignitur spiritus animæ instrumentum, & quidquid ad organizationem sensoriorum pertinet; ab eoq. in venulis meningium contento fouetur cerebrum, conueniensq. adipiscitur temperamentum. Vnde quò sinceriori, & vberiori sanguine corpus vniuersum refertum est, vt per complexionem calidam, & humidam; eò melius cerebro necessaria ad sentiendum suppeditantur, melioresq. sensus elicit sensationes.

Nec obstat, Galenum quandoque dixisse, animi quidem acumen, & dexteritatem à bilioso humore prodire, à sanguine verò simplicitatem, ac stoliditatem: Nam loquitur tunc de natura sanguinis tanquam præcisa ab alijs humoribus, prout tantum dicit calorem remissum, & humiditatem exuperantem, sicut aer in puris naturalibus constitutus. Quæ sanè dispositio, vt vidimus, cerebro minus conuenit. Cum alioquin paulo ante loquendo de sanguine, prout actu existit in corpore, asserat, sanguinem alijs quoque humoribus esse admixtum, ratione quorum contemperatur. Et vt sic dicimus ipsum ad cerebri etiam temperationem, & operationes conferre; quod Galenus non negat, nec in sua doctrina consequenter potest negari.

COMMENTAT. II.  
in lib. Hippocr.  
de nat. humanæ  
in tom. 39.

*De requisita dispositione ventriculi, aliarumq. partium  
cerebro respondentium. Cap. IV.*



ENTRICVLVS officina est, in qua non modo vniuersi corporis alimentum præparatur ad restaurandum, quod per calorem naturalem perditur, augendumq. ipsum animal donec oportet: sed ex qua peculiari ratione sanitas cerebri, aut morbi eius quamplurimi, sedatio, aut turbatio pendet, per ascendentes vapores, exhalationesq. humorum, ac ciborum, qui melius aut deterius ibi tanquam ad focum admoti elixantur, ac præparantur. Deinde ventriculus maximum cum cerebro habet consensum, quo ad inuicem pro-

prias secum affectiones, ac passionēs communicant, duobus à cerebro neruis ad os vetriculi, quod stomachum vocatur, deductis, per ipsumque totum disseminatis. Vnde hoc sensum exquisitissimum præter cæteras particulas obtinet, vt docet Galenus; & cerebrum, quas diximus, & alias patitur alterationes. Idcirco igitur nonnulli ex priscis Philosophis dixerunt, ventriculum hominibus proprium ingenium dare, vt videre est apud Perseum. Et quidem Galenus pinguem, corpulentumque ventriculum, cerebro multum obesse inquit; contra verò siccitatem, & gracilitatem illius ad ingenium non parum conferre. Vtcrius, calidum illum esse oportere, non frigidum; itemque validum, ac robustum, non imbecillum; & inter Iecur, ac Splenem, quibus sonetur, aptè locatum; omentoque, ac Peritonæo probè stipatum, quæ membranae sunt à parte anteriori illi incumbentes, eumque simul fouentes. Siquidem hac parte infirmata, vel refrigerata, siue per se, siue ex pituita, aut ex frigido, ac flatuoso spiritu ab Hippocundrijs, aut ex cibo, & potu, vel medicamento aliquo valde refrigerante; statim animi deliquia, tum virium defectus comitantur, & vnà cum stomacho per neruos cerebrum ipsum, per magnā verò arteriam cor etiam refrigeratur, ait Galenus. Ex quibus varia proueniunt symptomata, ac peculiare infestationes cerebri, ita vt comitialibus morbis (inquit) & caris, & comatis, & catalepsi, & delirio, & melancholijs, quidam ex stomachi vitio corripiantur: vtique cum principium, quod in cerebro, & neruis est, simul afficiatur. Quæ sanè vberius percensere, à proposito opere esset valde alienum.

Testes insuper, varium, ac mirum fortiri solent vigorem, diuersamque temperiem, iuxta quam sicut corpus vniuersum, ita præcipuè, & peculiari consensu cerebrum solent immutare, vt est doctrina Hippocratis, & Galeni, qui proinde, testes, inquit, quantum ad vsum attinet, propè ad cor ipsum accedere. Frigescunt enim, qui eos amiserint, altera insiti caloris origine priuati; omneque his corporis robur collabatur. Aristoteles verò de excetis loquendo, ait, quòd parte genitali

1. de symptom.  
causis. cap. 7. Et  
lib. 4. de vitijs  
part. cap. 7. Et  
lib. 3. de locis  
affect. cap. 7. Et  
lib. 3. cap. 6.  
Lib. 4. de partib.  
animal.

2. de symptom.  
causis cap. 7.

6. Epid. par. 1.  
tom. 2. cap. 15.  
In Aphorism. 5.  
tom. 62. Et lib.  
1. de san. c. 15.

2. de generat.  
animal. c. 2.

genitali tantum in eis corrupta, tota ferè forma vsque eo commutatur, vt aut foeminae esse videantur, aut parum absint. Quare inquit Galenus, à testiculis ad totum corpus trahi quandam virtutem, qualis nervis quidem sensationis, & motus ex cerebro; arterijs verò pulsandi ex corde: Quae virtus in maribus quidem roboris, & masculinitatis: in foeminis autem ipsius foeminitatis est causa: Et propter hoc assimilatur foemininum animal, abscissis testibus, castrato masculo. Adde, quod etiam in foeminis, cum vterus cum suis testibus vim obtineat immutandi totum corpus, iuxta dispositionem caloris ac siccitatis illorum, vel humiditatis, ac frigiditatis; membrum quod praecipue ex hac alteratione, aut dispositione participat, cerebrum est, vt docet Hippocrates, & Galenus.

1. de Hermate  
cap. 4. dist. 2.

Hippoc. 6. Epid.  
p. 1. com. 2. 6. 1. 3.  
Galen. in 5. aphor. com. 6. 2.

Quod quidem à posteriori confirmari potest experientia, qua vniuersaliter constat, foeminas deteriore adeptas esse dispositionem, quàm mares ad obeundas internas operationes cognoscitivas. Quapropter, vt communis est Theologorum sententia, loquendo de nostris primis parentibus, serpens ausus est non virum, sed mulierem decipere; in qua minus quàm in virò rationem vigere nouit; quamuis vterque à Deo creatus fuerit cum sua perfecta dispositione ad sentiendum, & intelligendum iuxta exigentiam naturalem suae conditionis, ac insuper scientia infusa vterque repletus fuerit iuxta illud Ecclesiastici: Et cor dedit illis excogitandi, & disciplina intellectus repleuit illos. Cum igitur tota ratio diuersitatis, quae est inter marem, & foeminam, in ipsis testibus constituitur, qui diuersimodè in alterutro situantur ac disponuntur; sequitur à primo ad vltimum, maiorem aptitudinem cerebri, quae reperitur in homine respectu foeminae, non nisi ex testibus eiusdem melius dispositis, patenter oriri. Illudq. notatu dignum esse, ait Galenus, quod si quis antequam fuerit exectus, optimo erat ingenio praedictus, postea abscissis testibus, vnà cum illis acumen, habilitatemq. amittit, non secus ac si in cerebro ipso noxam, laesionemq. immodicam susciperet. Hinc autem obseruandum est, inter

in 2. dist. 21.

Cap. 17.

Lib. 2. de sem.  
cap. 16.

spadones, & Eunuchos, nullum, aut vix vnum de mille ingeniosum aptumq. ad scientias reperiri, omnesq. ferè effeminatis moribus, & in moralibus laxiores quoque, & imbecilliores ipsis mulieribus esse.

*Lib. 1. sem. 1.  
doctrin. a. c. 1.*

*a. de generat.  
animal. cap. 5.*

Ratio verò esse potest, quia in testibus locatur magna pars facultatis naturalis tãquam in propria sede, ac minera, cum altera sit in hepate, vt docet Auicenna, vbi vero principaliter est facultas naturalis, magnus pariter adesse debet calor. Vnde sicut cor per arterias, hepas verò per venas: ita testes per vtrasque vias calorem transfundunt ad cerebrum, cuius natura genituræ similis est: aquosa enim vtriusque materia est, inquit Aristoteles, calorq. aduentitius. Itaque testes magno potiuntur calore, tum ad concoctionem, feminis, tum ad calefactionem cerebri, ac robur corporis vniuersi: cum calore verò adiunctam habent siccitatem potius quàm humiditatem ad temperandam humiditatem cerebri, ac genituræ. Et si quando testes alicuius hominis, frigidi denominantur, id non absolute intelligendum est, sed tantum respectiuè, quatenus requisita, ac maiori caloris intentione carent; cum tamen semper calor eorum superet frigiditatem, vt diximus etiam de corde, ac iecore. Quare sicut ex defectu maioris intentionis caloris in corde, operationes facultatis irascibilis & vitalis, remissè, ac imperfectius exercentur: ita operationes facultatis concupiscibilis, & naturalis, ex defectu caloris in iecore, aut in testibus, & consequenter operationes animales interius sensitiuæ, cum cerebrum ab vtraque parte naturaliter foueatur. Verum calor testium nunquam pertingit, nec debet pertingere ad intensiorem caloris cordis, ac iecoris, quæ viscera intensissimè calida esse debent ac vt plurimum sunt. Etenim si quis manum illis admoueat, præsertim cordi antequam moriatur animal, nec per momentum illam poterit sustinere, tanta est vis caloris illius, vt Galenus aduertit.

Aliæ denique sunt corporis partes, quæ vel cerebro non tam peculiariter, & expressè respondent, vel diuersam cerebri temperiem indicant potius, quàm causent, tanquam effectus

effectus concomitantes, qui ab eadem causa procedunt, à qua recta, vel prava constitutio cerebri. Cuiusmodi sunt multa, quæ ad physiognomiam spectant. Ut oculi lucidi, qui iuxta Polemonem, & Adamantium, hominem ingeniosum testantur, cum oculorum claritas ex humorum claritate, ac subtilitate procedat, quam etiam cerebrum requirit. Item supercilia, ex quibus Aristoteles varias animi affectiones arguit. Qui etiam ait: Quibus pars interior plantæ non caua, sed ita pleniusecula est, ut solum toto attingat vestigio, ij versuti sunt, & fraudulentum. Et Galenus. ex Hippocratis etiam sententia ostendit; quibus hominibus cubiti arteria pulsari mouetur vehementer, eos furentes esse, & iracundos: quibus verò quiescit, hos torpentes esse, ac stupidos. Et similia videri possunt apud eosdem Auctores, quæ indicia, potius quàm causæ sunt rectæ, vel prauæ dispositionis, quam in cerebro obseruamus.

*Polem. in interpret. signor. natura.*

*Adamant. in Physiognom.*

*Lib. 1. de Histor. animal. c. 9. & 25.*

*Lib. Quod animi mori cap. 8.*

## TRACTATIO QUARTA

De causis extrinsecè alterantibus, ac modificantibus dispositiones cerebri.



PRÆTER dispositiones explicatarum partium animalis quarum correspondentia, & consensu, diuersimodè disponitur etiam ipsum cerebrum, nonnullæ dantur causæ naturales extrinsecè influentes, & concurrentes ad aptam, vel pravam dispositionem cerebri, de quibus modo agendum erit, ut exactè quidquid ad constitutionem illius pertinet, dignoscatur.



De aere, terra, situ, & aspectu locorum.

Cap. 1.



*Dialogo 3. de  
legib.*

*2. Epidem. com-  
ment. 1. in pra-  
fat.*

*Libro de morbo  
sacro anni. 17.*

*Lib. de aere lo-  
cis, & aquis c.  
12.*

*De fato non lon-  
ge ab initio.*

INTER causas extrinsecè totam corporis ani-  
malis, ac præcipuè cerebri temperiem alteran-  
tes, à quibus & esse, & bene illius esse ma-  
gnopere dependet, primò sese offert ambiens  
aer. cum varijs dispositionibus, & conditioni-  
bus illius. Vnde Plato enumerans, quæ in diuersis locis ad  
ferendos meliores, peioresque homines valent, non modo  
ea quæ ad corpus; sed etiam quæ ad animum spectant; ab  
aere, ac ventis ante omnia exorditur. Fieri enim non po-  
test quin animatium corporum temperatura cum eius affe-  
ctione non afficiantur, ac permutentur, ait Galenus. Quan-  
doquidem & corpus vniuersum extrinsecus vndique ambit,  
& per poros permeat intus, & per attractionem respiratio-  
nis viscera mulcet, calorem temperat cordis, spiritumq. vi-  
talem cum euaporatione sanguinis cõponit ac procreat, qui  
tandem ad cerebrum, conficitur animalis ascendens, prima-  
rium sensationis cuiusq. instrumentũ. Itaq; iuxta aeris affe-  
ctionem, variè totum corpus afficitur, & præcipuè pars quæ-  
que ad sensationem deseruiens, cerebroque consensiens.  
Quapropter, sapientiam cerebro ab aere exhiberi, dixit  
Hippocrates, ac per cerebrum toto corpore, prout aere  
participarit.

Variè autem afficitur aer, tum soli, tum situs, & aspectus  
varietate. Soli quidem nã iuxta soli, seu terræ conditionem  
alteratur etiam aer; quare simul de utroque differendum  
est. Etenim vbi terra pinguis est, & mollis, & aquæ subli-  
mes; aer crassus est, & humidus valde, ibique propterea  
homines carnosos esse ait Hippocrates, sed non validis ar-  
tubus, humidos, laborum impatientes, vitiososq. animo;  
hoc est inepto, ac pingui, vt aiunt, minerua. Vnde apud  
Ciceronem dictum est: Thebis crassum cælum, itaque The-  
bani

bani pingues. Et eo, quod Bœotij crasso pariter ingenio ha-  
 biti sunt, Bœotum (inquit Horatius) in crasso iurares aere Lib. 1. Epist.  
 natum. Vbi verò sterilis regio est, & aspera, subtilior ac sic-  
 cior planè erit aer; hominesq. proinde duos, graciles, va-  
 lidos, superbos, iracundos, ac propriæ sententiæ pertinaces  
 admodum esse, inquit idem Hippocrates, & ad capeffendas Lib. de aere lo-  
cis, & aquis  
cap. 12.  
S. de histor. ani-  
mal. c. 29.  
 artes acutiores, perspicacioresque. Et hoc sensu Aristoteles  
 docet morum etiam diuersitatem loca efficere, vt montana,  
 & aspera, vel plana, & mollia. Deinde situs varietate du-  
 pliciter etiam variatur temperies aeris; nimirum vel secun-  
 dum eminentiam, aut humilitatem; vel secundum positio-  
 nem respectu solis in diuersis mundi partibus. Nam primò  
 si humilis ac subiecta regio sit, seu caua atque palustris, im-  
 purus aer erit, cito marcescens; hominesque propterea ibi  
 somnolentiores, vt ait Aristoteles. Si verò loco edita, aper-  
 taque, ac situ altiore munita, vndique afflante spiritu, aer Sest. 14. probl.  
9. 7. & 11.  
 semper agitur, ac purus euadit, vt inquit idem Aristoteles; Ibidem q. 7.  
 hominesq. propterea mente expeditiores, vitaq. salubrio-  
 res, ac diuturniores. Rursus vero nam iuxta quatuor mundi  
 plagas, ac maiorem, vel minorem distantiam solis, diuer-  
 sumq. aspectum illius, nunc aer calidior, nunc frigidior, nunc  
 temperatior constituitur: vnde mores etiam, & aptitudines  
 hominum, præsertim quæ ad cognitionem spectant, hinc ma-  
 ximè, ac multipliciter differre contingit; ac proinde distin-  
 ctius nobis erit modo de hac varietate agendum.

Hippocrates igitur comparat primo septentrionales po-  
 pulos cum orientalibus, dicens, mores eorum, qui in septen-  
 trionalibus Ciuitatibus degunt, feros magis esse, quam man-  
 suetos; homines verò, qui in locis ad orientem spectantibus  
 incolunt, ad intelligentiam paratiores esse, quàm qui in  
 septentrionalibus. Vnde cecinit Lucanus:

*Quidquid ad Eoos tractus mundi q. teporem  
 Labitur, emollit gentes clementia cæli.*

*Omnis in Arctois populus quicumque pruinis  
 Nascitur indomitus belli, & mortis amator.*

Verum sicut non benè comparatur situs Borealis cum  
 orientali

Lib. de aere lo-  
cis, & aquis c. 2

orientali potius quàm cum occidentali, nec cum vtroque: siquidem non minus posset esse borealis, & magis orientalis, vel occidentalis: ita præcisè, & absolutè sistendo in hoc, quod est, situm esse magis orientalem, aut occidentalem, non apparet, qua ratione aer diuersæ temperiei, ingeniaque hominum ex hoc varia, ac disparia esse debeant; cum tota ratio diuersitatis climatum attendatur penes maiorem, aut minorem distantiam ab æquatore, qua regiones dicuntur magis septentrionales, aut meridionales, suntq. calidiores, aut frigidiores.

*Lib. 2. de temperam. cap. 6. & lib. 2. de sanitat. enēda c. 7. In interpretat. Signorum natura cap. de coloribus.*

Quapropter melius comparat Galenus regiones septentrionales cum meridionalibus, quod etiam exequitur Polemon, dicens: Arcto quicumque subiacent, ingenio sunt simplices, animosi, leuissimi consilij, animo præcipientes, ac stolidi. Qui verò meridei, disciplinis, & hi parum apti, multimodæ sententiæ, mente leues, mendaces, dolosi, furaces; ac magis, minusq. alij alijs, quò magis minusq. contiguas regiones hi incolunt, vel locorum intercapedine seiunguntur. Mediæ verò regionis incolæ, mediam habent quoque figuram, signa, & ingenia. Vnde etiam Galenus, quis non videat, inquit, hominum sub vrsis degentium, corpus, atque animam alienissime ab alijs, qui propè deustam zonam incolunt sese habere? aut quem lateat, homines inter illos medios, temperatam regionem habitantes, & corporibus, & animi moribus, & intelligentia, & prudentia longè illis antecedere? Iuxta quod apud Platonem in Timæo. Aegyptius ille Sacerdos, temperatas regiones prudentissima ingenia dixerat procreare.

*Sest. 14. probl. 7. 1.*

Aristoteles item efferis moribus, & aspectibus esse ait, qui in nimio, vel æstu, vel frigore colunt; probatque, nam optima (inquit) temperies, non corpori solum, verùm etiam intelligentiæ hominis prodest, excessus autem omnes dimouent, & vt corporis, ita etiam mentis temperamentum peruertunt. Comparando tamen loca calida cum frigidis, ait locis calidis homines sapientiores esse, quàm frigidis, eadem ratione qua etiam senes, quàm iuuenes: Sapientiores enim  
ait

*Eud. sect. 7. 1. 1.*

sit esse, qui sedes frigidas habent, hoc est minus calidas ob remissio rem calorem epatis, ac sanguinis minus cerebrum, calefacientem ac perturbantem: nam aliquis calor omnino requiritur, vt supra dictum est: frigore autem loci obsistente longe calidiores (inquit) quàm sua sint natura, sedes ipsas internas reddi, ac propterea sicut vinolentos, tales homines minimè ingenio valere, quo prospiciant, rerumque rationes inquirant, sed fortes, fidentes, sperantesq. esse; contra quàm qui loca calida habitant, valentq. intus per circumobstantem calorem satis refrigerari: Vnde & metuunt hi magis, vt dixerat: fierique, inquit, vt qui metuunt, magis quàm qui confidunt, velint inquirere, ac propterea magis valeant inuenire. Supra quat. 8.

Similia his protulit Galenus. Nam Celtis, inquit, & Germanis, & omni Thracio ac Scythico generi, frigida, humidaq. cutis est; ideoque etiam mollis, alba, & pilis nuda; omnis verò naturalis his calor in viscera vnà cum sanguine confugit, vbi dum agitur, & premitur, & feruet, animosi, audaces, & præcipitis consilij redduntur. Contra verò subiungit. Aethiopibus, & Arabibus, omnibus denique ijs, qui ad meridiem incolunt natura cutis ex ambientis æstu, & naturali calore foras acta, vsta, dura, sicca, & nigra redditur, toto corpore naturalis quidem caloris exiguam obtinente portionem. Quare alibi quasi eadem repetens concludit, corpora optimè constituta non nisi in medijs, ac temperatis regionibus inueniri. Inquit enim, sanè optimum corpus, de quo nunc sermo proponitur, veluti Polycleti regula est, cui in nostro situ, vtpotè probè temperato, non pauca similia videas. Apud Gallos verò, Scythas, Aegyptios, Arabos, nè per somnium quidem, tale vsquam est vidisse. Additque: Nostræ autem regionis, quæ in latitudinem non parua extenditur, id quod in medio habetur, optimè sanè temperatum est, cuiusmodi patria Hippocratis est. Lib. 2. de temperam. cap. 6.

Ex quo sumpsere nonnulli recentiores; extra Græciam, ne per miraculum quidem egregium, atque eximium ali- Joan. Huarr. in Exam. ingen. cap. 16.

quod

quod ingeniam vnquam ortum fuisse, cui Græcorum per-  
multa ingenia longè non præstent. Cum cæteris in regio-  
nibus, ex Philosophis nemo ad Aristotelis, aut Platonis  
eminentiam adhuc pertingere visus sit: neque ex medicis  
ad excellentiam Hippocratis, aut Galeni: sicut nec ex Ora-  
toribus ad facundiam, vbertatemq. Demostenis: aut ex  
Poetis ad numerositatem, proprietatemque Homeri, & sic  
in reliquis scientijs, ac facultatibus omnibus, de quibus tot  
monumenta, ac præconia extant.

Verùm etsi verè Galenus dixerit apud Scythas vnum tan-  
tum post hominum memoriam Philosophum extitisse: Athe-  
nis autem permultos eiusmodi. Item apud Abderitas mul-  
tos fatuos natos esse: Athenis verò paucos. Vndè inquit  
Apuleius, apud socordissimos Scythas Anatharsis celebra-  
rimus Philosophus sapiens natus est; & apud Athenienses  
Catos Melicides fatuus. Hihiominus non est cur cæteræ re-  
giones despiciantur præsertim quæ si fortasse non magis,  
æquè saltem tēperatæ vtpote climatis eiusdem, illustriumq.  
virorum secundæ quouis tempore extiterunt: vt magna pars  
Esperiæ ex qua ortus est Pythagoras; ac Pythagoreorum  
tam nobilis, & copiosa familia, Philolaus, Timæus, Archi-  
tas, Hænnius aliq. magni nominis Philosophi, qui Græcis lit-  
teras, pariter, ac scientias tradiderunt, vt præclare Tullius  
adnotauit; alios Philosophos enumerans, quos præsertim  
Roma peperit, quibus innumeros nec minoris notæ tempus  
addidit sparsim ex tota ferè Italia ortos. Etenim vt mitta-  
mus parallela Plutarchi, prudentiamq. generis Romano-  
rum in vniuersum, quæ in sacro etiam eloquio commenda-  
tur, vbi post alias eorum virtutes dicitur, eos possedisse  
omnem locum consilio suo, & patientia: si nihil Cæsar de-  
buit Alexandro, Socrati Cato, Cicero Demostheni, Virgi-  
lius Homero; quid Empedocles, quid Parmenides, quid  
Zeno, quid denique Timæus, à quo Plato de natura doctri-  
nam accepit, aut ipsæ Pythagoras Philosophorum omnium  
magister, ac parens, debet Philosophis, siue Stoicis, siue  
Academicis, siue Platonis, siue Peripateticis ex Græcia  
ortis,

*Tusculan. quest.  
lib. 4. non longe  
ab initio.*

*1. Machab. c. v.*

ortis, qui de moralibus, aut naturalibus multa scripserunt? Et in quo præferendi non sunt tot recentiores Latini Græcis quibuscumque antiquis, quos & de natura rerum, & de ipso Auctore naturæ ex principiis etiam naturalibus subtilissimè, ac ordinatissimè differendo, quam maximè superarunt? facile ut appareat, ait Cicero, nostros omnia consequi potuisse simul ut velle cæpissent. Quod si facile est inuentis addere, non minus fuit pro Græcis tam multa ex vetustissimis codicibus Hebraicis, Chaldaicis, & Arabibus desumere, quam pro Latinis Græcos imitando, multa penitus inuenisse, aliaq. addidisse. Nam de mathematicis disciplinis Aristoteles ipse fatetur, eas circa Aegyptum fuisse constitutas: ac de naturalibus etiam constat apud Arabes, Aegyptios, & Chaldaeos antequam apud Græcos, viguisse, ut refert Clemens Alexandrinus, Eusebius Cæsariensis, ac Iosephus: Et apud Hebræos tempore Salomonis, qui disputauit super lignis à Cedro, quæ est in Libano usque ad Hyslopum, & disseruit de iumentis, & volucribus, & reptilibus, & piscibus. Et Aristotelem multa à quodam Iudæo didicisse testatur Porphyrius; imò in vniuersum à Theophrasto laudatam fuisse Philosophiam Hebræorum. Et Strabo narrat suis temporibus extitisse in Aegypto domicilia in quibus Plato Græcorum præstantissimus diuersatus est, ut ab Aegyptijs doceretur. Quapropter nec relinquendæ sunt aliæ regiones, quæ vel similem temperiem obtinuerunt perillustrium ingeniorum semper feraces, ut tota Hispania, Asia minor, magna pars Syriæ, vbi & Palæstina; vel ab ipsa media temperie aliquantulum recesserunt, ut ex parte septentrionis, Gallia, Anglia, Belgia, totaq. citerior Germania; ex parte vero meridiei fœlix Arabia, Aegyptus, vniuersaq. Africa pars, seu tractus, qui mediterraneo abluitur à sinibus Arabiæ usque ad Herculeum, & Athlanticum fretum. Nā & ex ijs regionibus innumeri penè viri ingeniosissimi, ac omni litterarum genere cumulatiissimi, ut notum est, prodire.

Illud postremò hic animaduertendum est, præfatam distantiam regionis ab æquatore, aut poli altitudinem, quod in idem recidit, ex se non sufficere ad aptam aeris tempe-

Clemens. lib. 1.

Promas.

Euseb. lib. 4. de

preparat. Evangel.

cap. 2.

Ioseph. lib. 2.

antiquitat. c. 4.

1. c. 8. c. lib.

contra Apionem.

3. Reg. cap. 4.

tiem, nisi simul adsit apta dispositio situs quoad altitudinem, aut cavitatem, probaq. qualitas soli, ex qua non modo alimentorum ratio, sed & aeris ipsius temperies alteratur, vt in principio diximus, aliaque secundæ qualitates obueniunt, quibus cœlum ipsum videtur mutari.

Maximè autem aspectus locorum considerandus est: nam, vt notat Aristoteles loquendo de generatione animalium ex pastorum obseruatione, interest ad maris, ac fœminæ pecoris fœturam, non solum si ita accidit vt initus aquilonijs, austrinisue flatibus fiat: sed etiamsi cum pecus coit, spectat ad aquilonem, aut austrum; quanto ergo magis ad meliorem, deterioremq. aptitudinem cerebri constituendam? Etenim diuersimodè solis radios excipiendo, diuersimodè afficitur aer ab illis in loco, iuxta hunc, vel illum aspectum. Et quia multæ, ac ferè infinitæ sunt ex his ortæ locorum differentia; hinc est in eadem regione passim diuersum se cœlum præbere, dispares, discrepantesq. mores hominum inueniri, ingeniaq. tam varia, vt magis inter se distare dixeris, quàm polus ab alio polo. Hinc de eadem Græcia loquendo, ait Cicero: Athenis tenue cœlum, ex quo etiam acutiores putantur Attici: Crassum Thebis; itaque pingues Thebani, ac valentes. Idemq. Cordubæ (inquit) nati Poetæ pingue quidam sonantes ac peregrinum. Cum de finitimis terris aliud profecto quisque pronunciare teneatur propter salubritatem aeris, & acumen ingeniorum illius Prouinciæ. Titus Livius etiam hæc verba Rhodiorum ad senatum dicta refert, quæ ad Græciam, & circumstantes regiones pertinent: Gentes aliæ iracundæ, aliæ audaces; quædam timidæ; in vinum & venerem proniores aliæ sunt: Atheniensium populum fama est, celerem, & supra vires audacem esse ad conandum: Lacedæmoniorum cunctatorem, & vix in ea, quibus fidit, ingredientem. Non negauerim, & totam Asiæ regionem inania parere ingenia. (Loquitur de Asia minori, quæ est propè Græciam) & nostrum tumidiorem sermonem esse, quod excellere inter finitimas Ciuitates videamur: hæc ille.

*Lib. 7. cap. 2.*

*De fato non loquitur ab initio.*

*Pro Archia prope finem.*

*Lib. 44.*



*De Influxu astrorum, atque Cælorum.*  
*Cap. II.*

**I**R AETEREA ad aptam, vel ineptam, variamq. cerebri dispositionem ex causis extrinsecis dignoscendâ, diuersæ considerandæ sunt cælorum constitutiones, astrorumq. aspectus, & motus, ex quibus varij pendent influxus tempore natiuitatis: ad coaptandas in corpore tam varias qualitates. Nam vt docet S. Thomas, necessarium est corpora nostra, & alia, quæ in vsum nostrum veniunt, per motum cœlestium corporum regulari. Et hætenus: Non esse dubium (inquit) dispositiones corporis humani, impressiones corporum cœlestium sequi. Iuxta quæ D. Augustinus quantis acerrimè contra Astrologos egerit, qui fato, vel constellationibus liberas hominum voluntates, ac cæteras actiones subdere conabantur; concedit tamen non vsquequaque absurdè dici posse (vt ipsius verbis vtat) ad solas corporum differentias afflatus quosdâ valere sydereos. Quod sanè ad nostrum propositum sufficit, cum de dispositione corporei, & organici instrumenti sermo hic habeatur: Quare D. Thomas rursus ad hunc modum docet posse verificari, quod Ptolomeus in centiloquio scriptum reliquit, nempe: Cum fuerit Mercurius in natiuitate alicuius in aliqua domorum Saturni, & ipse fortis in esse suo, dat bonitatem intellectus medullitus in rebus.

His autem accedunt communes Astrologorum Aphorismi in hac materia, vt verbi gratia, Iouem in secunda domo existentem tempore natiuitatis, bonum ingenium ac dispositionem tribuere. Similiter Mercurium in prima domo natum facere ingeniosum valde, & cuiuslibet artis exploratorem; sicut in libra, vel piscibus, ingenij solertiam, vt nulli aliàs præstare. Ipsumq. etiam Mercurium cum Luna coniunctum in quocumque signo, vel sextili, vel trino ra-

*Lib. 3. contra Gentes cap. 91. in fine.*

*In secundum sententiam diuini. 15. quæst. 2. art. 3.*

*Lib. 3. de Civitate Dei cap. 6.*

*3. contra Gentes cap. 34. in fine.*

dio intuentes, ingeniosos reddere. E contra verò Mercurium retrogradum, ac latentem sub radijs, ingenio tardissimos decernere. Itemque in Tauro retrogradum, vel combustum, vel in duodecima à malignis damnatum, simplices, ac rudes efficere. Lunam verò sub Sole, cogitabundos, & malenolicos facere. Quæ longius protrahere præter institutum contingeret, viderique possunt apud Astrologos, Iunctinum in Speculo Astrologico, & alios. Satis enim est indicasse ex astrorum etiam influxu rectam, vel prauam, variamque cerebri, seu organi sensus interioris dispositionem pendere, iuxta quam sensus ipse diuersimodè valet operari, ac non eandem sortitur habilitatem, quæ prout intellectui famulando deseruit, ingenij nomen adepta est, eoque vt plurimum significatur.

Sunt etiam, qui præter influxum astrorum, peculiarem tribuant afflatum ipsis coelis, præsertim, qui tardissimo illo motu cientur; imo & Empyreo secundum diuersas eius partes, quæ nunquam mouentur, vt videre est apud Riccardum; quam etiam sententiam probabilem putat Clavius loquendo de numero orbium coelestium. Et hac ratione dicunt, multa in his inferioribus corporibus variari, vel iuxta temporis decursum, & periodos coelestium motuum, vel iuxta locorum distantiam, in quos variè influunt partes Empyreï. Verum ad has occultas, & communissimas causas recurrere, quamuis probabiliter quodammodo pos-

fit, saltem quoad humani ingenij, eiusq. organi diuersitatem; paupertatis tamen videtur, esse eiusdem ingenij, & ipsius philosophiæ, cum de singulis per se non lateant causæ peculiæres, quos natura, scientiaq. instruxerit.

*In secundum  
dij. 2. quest. 3.  
sive tertium.  
In primum cap.  
Sphæra Sacro-  
leste.*



**L**ATO postquam varias hominum conditio- *Dialogo 1. de  
lagibus.*  
 nes in diuersis locis degentium ex varietate  
 aeris, ac turbinum collegisset: alios homines,  
 inquit, propter aquas in illis differre; alios ve-  
 rò propter cibos, qui ex terra non solum cor-  
 poribus commodi, aut incommodi oriuntur, verum animis  
 quoque non minus. Aristoteles etiam. Quin (inquit) & in- *Lib. 4. de gene-  
rat. animal. c. 2.*  
 ter terras, & aquas interest, eisdem de caulis; qualitatem  
 enim quandam potissimum recipit, & alimentum, & dispo-  
 sitio corporis, ex temperamento aeris continentis, & cibi  
 impediens: sed præcipuè ex alimonia aquæ; huius enim  
 vltus plurimus est, atque in omnibus aqua alimèto est. Quod  
 profecto non modo in regionibus diuersis ex necessitate  
 contingit, cum in diuersis solis, diuersæ oriuntur qualitates  
 ciborum, sicut aquarum; sed etiam ex electione plerumque  
 verificatur, qua homines quibusdam potius, quàm alijs ve-  
 scuntur cibarijs, quæ inter se valde differunt, discrepan-  
 tesq. valent in corpus vniuersum dispositiones inducere.  
 Attendendumque præcipuè hoc erit in puerili, ac infantili  
 ætate, in qua maiorem vim habent alimenta ad communi-  
 candas proprias qualitates; immutandumq. corporis tem-  
 peramentum cum tenuiores artus, rariorq. materia, facilius  
 nouas impressiones recipiat, minusque obsistat contrarijs:  
 idque totam, quod in illis ætatis decursu acquiritur, vel au-  
 getur, ex ipsis alimentis sumatur, quorum materia transit  
 sub formam viuents cum omnibus dispositionibus, quæ illi  
 non repugnant, aut non expelluntur ab alijs contrarijs in-  
 ipso viuente prius existentibus, licet hoc mediata fiat, tran-  
 seundo prius alimentum ore susceptum in chylum, & ex  
 chylò in sanguinem, quo denique caro ipsa constituitur, cæ-  
 teraq. partes viuents consistunt, & crescunt.

Quamobrem Phauorinus Philosophus apud Gellium, si-  
 cut (inquit) valet ad fingendam animi, corporisq. similitu-

dinem ( scilicet respectu parentum ) vis , & natura seminis ; non secus lactis , ingenia , & proprietates . Vnde puerum fuisse fertur , qui diu porcæ lacte altus , adultus etiam panis indutus , limum intrabat , & porcorum more vorabat . Alterum qui capræ lac cum suxisset , saltatim incedebat , arborumq. codices erodebat . Deinde Remum , & Romulum lupam legimus enutrisse , & luporum instar rapaces extitisse . Ideo de nutricis conditionibus differens Auicenna ; delectum habendum esse præcipit , considerandumq. vt bonorum sit , ac laudabilium morum , ac tarde à malis animæ passionibus patiatur ; nempe ira , tristitia , timore , & reliquis . Omnes enim istæ ( inquit ) corrumpunt complexionem , & fortasse permutantur , seu transeunt in infantem lactantem . Et propter hoc prohibuerunt quidam , nè stolidi lactet . Deinde ratio habenda est de alimentis , quibus nutrices vescuntur , ac non minus profecto , quàm si eisdem ipsimet vescerentur infantuli . Nam ideo cum Aristoteles dixisset , vina pueris non conferre neque nutricibus : statim addit ; differt enim nihil forsitan , ipsos bibere , vel nutrices .

*Lib. 1. Canonum  
fen. 3. dicit. 1.  
cap. 2.*

*De sermo . & c.  
vigil. cap. 4.*

*Lib. de gener. a-  
nim. l. c. 4. ante  
med.*

*Lib. 4. de gener.  
anim. cap. 2.*

Insuper adhuc maior est vis alimenti , quod paruuli in ipso prægnantis utero matris detenti assumunt per venulas ex quibus , qui vmbilicus vocatur , constat , tanquam per radices contingentes ad ipsum vterum , vt docet Aristoteles ; Etenim ex quotidiano cibo matris , sanguis , qui ad alimentum foetus defertur non nihil alteratus , magnas in illo efficit differentias : vnde mala Cydonia frequenter à prægnantibus esca , aptam cerebri dispositionem , aptumq. ingenium infantibus parant , vt postea experientia comprobatur , cum nihil tale operentur , quod saltem percipiatur , si vel à nutricibus , vel ab ipsis paruulis postea cum in lucem prodierint , comedantur . Et aquæ crudæ , ac frigidæ , à mulieribus haustæ , tantam valent alterationem efficere , vt aut sterilitatem , aut partum foemineum causent , vt Aristoteles etiam docet . Quare multò magis cerebri dispositionem diuersam , cum tamen alias neutique similem vim vnquam obtineant .

Omnino

Omnino autem in qualibet ætate sunt alimenta, quæ ad acuendum, vel obtundendum ingenium, reparandam, augendamq. memoriã, aut labefactandam plurimum valent; præter medicamenta, aut venena, de quibus proximo capite nonnulla dicemus. Nam quæ in purum, ac defœcatum sanguinem faciliè transeunt, materiamq. minimè excrementosam continent, ad procreationem spirituum tam vitalium, quam animalium maximè valent; roborandumq. cerebrum, absque capitis grauedine, aut cruditate relictæ in ventriculo. Cuiusmodi sunt optimi ac purissimi panes; gallinaceorum, auiumq. plurium, ac vitulorum carnes; ova nonnulla; omniaque edulia, quæ neque crassi, neque glutinosi, aut viscidi succi habentur; de quibus agit Galenus lib. de *Cap. 3. & 1.* succorum bonitate, & vitio. E contra verò, quæ concretum, ac fœculentum sanguinem, crassum, prauumq. succum efficiunt, crudiorumq. humorum copiam in ventre relinquunt, aut ingentes flatus pariunt; vt panes parum cocti, nec fermentati, fursuracei, aut sordidi, legumina, ferè omnia, carnes bubularum, aut taurorum; caseus, & alia huiusmodi, de quibus Galenus vbi supra, & in libris de alimentorum facultatibus. Hæc planè præter offensam ventriculi, reliquarumque partium, dummodo magna vis caloris exuperantiam non extinguat, fuliginosam exhalationem, crassumq. vaporem mittunt ad cerebrum, tenebricosos, ac torpentes spiritus generant, glutinosam, crassamq. reddunt ipsam substantiam cerebri.

Accedit quantitas, ac frequentatio ciborum, quæ sicut ad incolumitatem corporis totius, ita ad rectam habitudinem cerebri moderata esse debet, ac suis necessitatibus opportuna, nè ultra quam satis sit, yescendo quis progrediat, aut ei quidpiam in reficiendis viribus desit. Alioquin Bœotij propter edacitatem rudes habiti sunt, ac stolidi, vt scribit Plutarchus in commentario de esu carniū. Bœotiumq. ingenium propterea abiit in prouerbij, & Pindarus:

*Dicta sues fuit gens Bœotia vecors.*

Nimium enim cibum, crudum manere haud ignoramus

*De animi mor.  
his. cap. 9.*

(ait Galenus) ex quo vel eius vsus corrumpitur, vel si distributio fiat, vt ad omnes corporis partes applicetur, nec sit bene concoctus, malum intra venas humorem inquit creare; vnde cerebrum multa pati necesse est; praesertim cum id in diurnum habitum; ac frequentationem abierit. Nam & ebriosi licet; nullum aliud malum in cerebro patiantur, ac interdum mente, ac sensu recte valeant; vini tamen frequentatione, crebrisque, vel assiduis vaporibus cerebrum calefacientibus, & infestantibus, instabiles, ac tumultuosi redduntur, variaeque opinionis; Vinum enim sic immodice sumptum, ait Galenus, ad iram praecipites, & ad iniuriam incontinentes facit, & partem animi rationalem, hebetem, turbidamque reddit; nam, vt dixerat, semper caput halitu replet. Quibus congruunt verba Cassiodori obseruantis quam multos esse, qui onerato ventre, acumen solite sapientiae perdiderunt; Nam, inquit, & ipse qui celeberrimus sapiens habetur, copioso prandio refectus, quam facile in erapulam dilapsus obtunditur, vt virum illum prudentissimè differentem, difficile, vel viaum credas, quem se ne mouere posse conspicias. Atque idcirco Ecclesiastes. Cogitavi (inquit) in corde meo abstrahere à vino carnem meam, vt animum meum transferrem ad sapientiam, deuitaremque stultitiam.

*Lib. 2. de sanis.  
tu. lib. 1. 1.*

*De anima c. 12*

*Cap. 2.*

Contra vero, nonnulli potus, tibi que paritate, atque pehuria; voluntariaque prorsus inedia, vel memoriae ac rationis iacturam fecerunt, vt Agricola ille, de quo narrat Galenus ob labores, ac tenuem victum memoriam pene amisisse laxa etiam ratione; vel morbo comitiali correpti sunt, vt Grammatico cuidam accidisse narrat idem Galenus; aut cerebri vires labefactantes, in morbos alios inciderunt. Famem enim tolerare, stomachum replet malis humoribus, ait Aui-cenna; malè autem affecto ventriculo, per consensum patitur etiam cerebrum, & corpus vniuersum, subiungit Galenus.

*3. de locis off. li.  
cap. 5. Et lib. de  
san. tuen. c. 14.*

*5. de l. c. affect.  
cap. 3.*

*3. seu. 1. doctr. 2.  
cap. 7.*

*Ibidem.*

*De medicamentis, alijsq. contingentibus, quæ cerebri dispositionem immutant. Cap. IV.*



**X**TERIVS verò inter ea, quæ, cum actua-  
 tum habitualement cerebri dispositionem immu-  
 tare consueverunt, potissimum numeranda,  
 sunt medicamenta, quæ ad restaurandam, aut  
 roborandam naturalem ipsius cerebri habitu-  
 dinem adhibentur. Hæc enim alterando, rarefaciendo,  
 densando, tendendo, laxando, attrahendo,  
 extergendo, ac similibus modis; non modo collapsam acci-  
 dentaliter naturalem dispositionem restituunt; sed & ipsam  
 quoque in suo robore stantem perficiunt, ac iteratis vicibus  
 meliorem reddunt ex habitu. Sicut è contra, alia sunt, quæ  
 siue ad tempus, siue quoad vixerit animal, naturalem cere-  
 bri dispositionem collidunt atque pervertunt. Mirum nam-  
 que est quanta efficacitate, ac celeritate, solo brassicæ suc-  
 co, turbatum & effervescentes crapula, aut tumultu cere-  
 brum, sedetur, ut Philosophus explicat: Item quanta effica-  
 citate Anacardum, memoriæ iacturam valeat resarcire, ut  
 notat Auicenna: Ac demum quanta utilitate Helleboro,  
 Agarico, Senna, Lapide Armeno, alijsq. expurgantibus ve-  
 nenis, cerebri (attestante Mesue) rescitur. Ut propterea  
 ad acuum ingenium, Carneades eiusq. sectatores Helle-  
 boro albo vterentur contra dogmata Stoicorum disputa-  
 turi, ut refert Plinius. Quo spectat illud Lucretij.

*Præterea mentem sanari, corpus ut agrum,*

*Et pariter flecti medicina posse videmus.*

Quare etiam Tullius. Est autem, inquit, quædam animi  
 sanitas, quæ in insipientem etiam cadat, cum curatione  
 medicorum perturbatio mentis aufertur. Ex aduerso au-  
 tem scimus multa, cum ex alijs, tum etiam ex eisdem medi-  
 camentis incongruè adhibitis, cerebri temperiem peruer-  
 tisse, naturalemq. totam constitutionem labefactasse. Quia  
 non

*Sec. 3. problem.  
9. 17.*

*Auicena, lib. 2.  
tract. 2. cap. 41.*

*Mesue de sim-  
plicibus cap. 3.  
13. 15. & 20.*

*Plin. lib. 35. c. 5.  
Lucret. lib. 3.*

*Lib. 4. Tuscul.  
quest. 1. 11. 12.  
med.*



*Lib. quod animi  
mores cap. 3.*

*Lib. 6. de medi-  
ca materia c. 7.  
15. 19. & 20.*

*In Timaeo circa  
finem.*

non solum Cicuta potui data, stultitiam efficit, vt ait Gale-  
nus. Et alia multa cerebrum conflictando, mentem quatunt,  
& alienant, vt Pharicon, Aconitum, Toxicum, Hyoscy-  
amum, & similia, vt notat Dioscorides: Verum ipsa quoque  
Anacardina confectio, cæteraq. medicamenta quamplura,  
alienationem nonnunquam, & melancholiam commouent;  
ac si vltra mensuram sumantur, interficiunt; ita vt vnde  
profectus, ac salus exquiratur, inde sæpe noxa, aut recens  
morbus, vel etiam mors inferatur. Quamobrem Medico-  
rum omnis purgatio ait Plato, quæ pharmacis fieri solet,  
cum summa cogit necessitas, vtilis; aliter verò nullo modo  
sanæ mentis homini suscipienda est. Morbi enim (inquit)  
nisi periculosissimi sint, pharmacis irritandi non sunt. Ad-  
ditq. post pauca, quod si quis languores citra fatalem tem-  
poris cursum pharmacis amputare contenderit; ex paruis,  
ingentes; ex paucis, multi euadere consueverunt. Quæ  
omnia etsi in vniuersum dicta sunt, peculiari tamen ratione  
in morbis cerebrum infestantibus, ac in ijs, quæ ad illos  
tollendos, & intemperiem corrigendam adhibentur, locum  
habent.

Præter autem salutaria medicamenta, aut nociua vene-  
na, nonnulla solent in hac vita contingere, quæ fortuito me-  
liorem, aut deteriorem dispositionem quandoque valent  
causare in cerebro. Nam plerique morbis quibusdam insa-  
niant; alij verò nonnullis morbis iuuantur ad aptiorem tem-  
periem consequendam, vt perventi febre, cerebri frigiditatem,  
& humiditatem temperante. Imo sunt, qui vulneribus  
in cranio acceptis expeditius, ac promptius ratiocinari  
cæperunt, vt Compluti cuidam rudi ingenio, Philosophiæ  
operam danti nostris temporibus traditur accidisse, dum  
casu per viam transeunti, è recto quodam imbricis fragmen-  
in cranium cecidisset, eique aptiorem cerebri temperiem  
attulisset, vt ab operationibus perfectioribus in illo editis  
postea innotuit. Idemque contigisse fertur paucis ab hinc  
annis in Monasterio Lauræ Vallisoletanæ, nobili, sed stoli-  
dæ cuidam Moniali, quæ aliquando furens, præcipitem se  
dedit

dedit, collisioneque capitis refarcita, in integrā sanitatem sensus peruenit, adeo ut omnes in posterum eius prudentiam, ac solertiam mirarentur; qualitate fortasse aliqua percussione impulsu resoluta, sedem cerebri hactenus infestante. Nec absimile illud est, quod de Clemente Sexto Pontifice Maximo traditur à plerisque, nempe illum, magno quodam capitis ictu, cuius testis extabat ingens supremo vertice cicatrix, incredibilem memoriam comparasse; ita ut quidquid vel semel postea legerit, obliuisci, etiam si cuperet, nequiuisset. Quæ, si vera sunt, compensentur tam felici vulnere, illorum casus duriores, de quibus est apud Plinium, quorum alius ictu lapidis, litterarum omnium: alius ex præalto tecto lapsus, matris, affinium, & propinquorum: tertius autem morbo, seruorum suorum: Quartus etiam, qui fuit Messala Corvinus orator, proprii nominis oblitus est. Quibus accedit, quod tempore Federici Secundi Imperatoris cuidam Germano clerico contigit. Is enim hausto à vena sanguine, seruataque aliarum rerum memoria, litteras tantum oblitus fuit, adeo ut nec amplius legere, aut scribere nosset, ac si nunquam didicisset: annumq. in hac obliuione mansit. Postea eodem tempore, atque ex eadem vena iterum hausto sanguine (mirares) ad eandem legendi, scribendique scientiam, quam ante habuerat, restitutus est, ut narrat Fulgosius.

*Petrarcha lib.  
2. de reb. memo.  
vand. cap. 1.*

*Lib. 7. natural.  
Histor. cap. 14.*

*Lib. 1. cap. 6.*

*De corporis animique exercitationibus, & quiete.*

*Cap. V.*



ICVT corporis, mentisque exercitatio, aut quies ad vniuersi corporis incolumitatem professe, aut obesse magnopere potest: ita ad aptam, vel ineptam cerebri dispositionem, peculiari quadam praualet ratione, cum in illo iuxta superius explicata, nobiliores animi, & corporis exerceantur motiones.

Primò

*In Theaeteto Ion  
ge ante med.*

Primò igitur vniuersaliter loquendo, tam in anima, quam in corpore bonum esse motum, quietem verò contrariam supponimus cum Platone in Theaeteto. Nam quietes (inquit ille) putrefaciunt, atque perdunt: Et quousque solis circuitus perseuerat, omnia tam deorum, quam hominum sunt atque seruantur; sin autem hoc (scilicet vniuersum) quasi ligatum itaret, confestim omnia dissoluerentur, eueniretque, quod dicitur, sursum deorsum omnia. Hæc Plato. Et quidem, vt à corporis exercitationibus exordiamur, facile declaratur, ait Galenus, quanta sit naturæ nostræ cum exercitijs societas, cum pueros, nec si concluderis loco aliquo, prohibeas quo minus discurrent, ac pullorum, vitulorumq. ritu lasciuiant: quippe sua cuique animanti natura satis est ad proprias, conuenientesq. excitandas appetitiones, quibus sanitatem, salutemq. tueantur. Nec minus ipsa mobilitas, quàm sit etià animo connaturalis, liquet in varijs, assiduisq. mentis discurssionibus, in quibus naturaliter homines, tum vigilando, tum etiam dormiendo, quasi nulla intercepta mora, aut capto otio implicantur. Vnde

*Lib. 1. de san-  
tate tuenda c. 3.*

*In Timæo non  
longe à fine.*

rursus Plato in Timæo, cum dixisset, tres esse animæ species in nobis trifariam distributas, singulasq. suos motus habere, ait: Quæcumque illarum torpet, & à suis motibus otium agit, imbecillissimam necessario reddi; quæ verò agit assidue, robustissimam; Et post pauca, culturam cuiusque vnâ omnino esse, nempe proprium cuique pabulum, motumq. tribuere.

Vtcrius verò hæc omnia in particulari ad nostrum propositum referentes, dicimus ad optimam cerebri dispositionem, tum corporis, tum animi exercitationes valde conducere. Corporis quidem; nam eius motu, naturalis calor excitatur & augetur, artenuantur humores, discutiuntur caligines; omnesq. cerebri partes excrementitijs superfluitatibus purgantur: Insuper sanguis purior euadit, vberius, ac citius spiritus procreantur, & robore per vniuersum corpus adaucto, expeditè magis suum quæque munus facultas exequitur. Animi verò, quoniam sicut ab illo omnis potentia-  
rum

rum applicatio pendet, ita omnis agitatio spirituum, calor-  
 risq. excitatio, quibus cerebri frigiditas temperatur. Imo  
 etiam quandoque totum cerebri calorem, quo ipsum cum  
 vniuerso capite incalescit, sæpius à sola motione, & assidu-  
 a exercitatione animi prodire constat in speculantibus  
 corpore quiescentibus, ac diuturna contemplatione deditis.  
 Veluti è diuerso, corporis quies, cogitationis, mentisq. si-  
 gnitia, ac animus omnino deses, non modo cerebrum in  
 sua frigiditate, aut tepore relinquit; sed vt docet Galenus,  
 decoloratos etiam homines reddit, & ex Atrophia, vt ipse  
 inquit, idest nutriendi defectu, graciles ob naturalis caloris  
 imbecillitatem. Quare hunc calorem præter cætera, custo-  
 diendum esse monet: custodiri autem ait, modicis, tum cor-  
 poris, tum animi exercitationibus.

*De sanit. tuen.  
 lib. 1. cap. 2.*

Tandem dicendum est, ad optimam cerebri dispositio-  
 nem, non quamlibet animi, aut corporis exercitationem,  
 conferre, sed mediocrem, & moderatam, atque illam, qua  
 in mutua vicissitudine, exæquatis inuicem viribus, neque  
 semper animus, neque semper corpus, sed ipsorum alterum  
 vicissim suo tempore exerceatur.

Primam partem huius conclusionis, quantum pertinet ad  
 animum, sumitur ex diuina Scriptura. Corpus enim, in-  
 quit, quod corrumpitur, aggrauat animam, & terrena inha-  
 bitatio deprimit sensum multa cogitantem. Deinde illam,  
 probat ratio Galeni. Qui namque morus, inquit, modum  
 non seruant, siue ij ex rationali, siue ex appetitoria, siue  
 ex animosa animi parte cientur, si modum nimium excesse-  
 rint, biliosum animans reddunt: si intra modum nimium,  
 subsistunt, pituitosum, frigidumque efficiunt. Sollicitudo  
 enim, ira, dolor, labor, exercitatio, vigilia, abstinentia,  
 & inedia, succi flauæ bilis multum acervant, vt ipsemet Ga-  
 lenus docuit. Quam verò noxam cerebro afferat bilis ac pi-  
 tuita, iam supra à nobis explicatum est. Vnde, quin etiam  
 addit Galenus, priorem habitudinem febres comitari solent,  
 & qui calidiores, affectus; nempe vt mania, phrenitides, ac  
 deliria: posteriorem iecinoris, & viscerum obstructions,

*Sapient. cap. 9.*

*Gal. ubi supra.*

*Lib. 2. de sympt.  
 cap. 6.*

comi-

comitiales morbi, Apoplexiæ, distillationum, fluxionumq. morbi, plerumque excipiunt. Qui sanè omnes ad cerebrum spectant. Et non paucos ob animi mores ægros, se perasanasse ibidem testatur, solis animi moribus ad debitum motum reuocatis. Nec aspernendum esse, inquit, huius sententiæ testem ipsum patrium numen Aesculapium, qui scribi cantilenas, mimosq. ridicularum rerum fieri, & melodias quasdam instituit ijs, quibus vehementiores animosæ partis motus, corporis temperamentum iusto calidius efficerent. Alijs verò venari, equitare, atque armatos exercitari iussit, istidemq. statim, tum motuum ipsorum speciem (vtrique quibus motus innoxit,) tum armorum, quibus armatis exerceri præcepit, definiuit. Deinde Nusquam igitur, concludit Galenus, ex ipsa in totum desidia aditus quisque est; Sed cum quiete agere calidis naturis Hippocrates suadet; vehementi autem motione uti vetat.

*Galen. lib. 5. de  
san. tuen. c. 11.*

*In Timæo non  
longe à fin.*

Secunda verò pars conclusionis sumitur ex Platone, ex eodemq. probatur, quia cum scilicet anima effectur in corpore, & ad discendum; inuestigandumq. collectis in vnum viribus, vehementer incumbit, vel ad docendum, differendumq. ambitiosa quadam concitatione contendit; totum ipsum corpus intrinsecus quatiens, inflammat, labefactat, ac languioribus implet; nonnunquam etiam spiritus in cerebro resoluit, ac distillationes, fluxusq. varios commouet. Contra verò, si solius corporis agitationes præualeant, ac pusillæ; exiliq. cogitationi copulentur, quod summe est, nempe quæ ad corpus pertinent; adauget; quod vero animi, seu quæ ad mentis instrumenta, & operationes pertinent, minuat; nam sola desidia cerebro torpente, hebetem, indocilem, obliuiosum hominem reddit. Vnde vix est ad vtrūque salus, & conseruatio, ait Plato, ut neque animam sine corpore; neque corpus absque anima moueat. Additque propterea, quod quicumque mathematicis doctrinis operantur, aut cuius mentis indagationi vehementius studet, debet etiam motum corporis adhibere, & in gymnastica exercitatione versari. At rursus, qui summa

corpus

corpus diligentia, & exercitatione firmat, & roborat, animæ quoque vicissim tenetur motus adiungere. Nam certè spiritus, qui per diurnam animi commotionem, & contemplationem infunditur, corporis yniuersi postmodum, exercitatione reficitur vnà cum sanguine, qui tunc purior, & ocius recreatur. Et naturalis calor, qui corpore quiescente, menteq. solummodo operante minuitur, eiusdem corporis agitatione augetur, ac reddit in pristinum.

## TRACTATIO QVINTA

### De Passionibus, & habitibus naturalibus sensus interioris.



ACTENVS de organo, eiusq. varijs dispositionibus dictum est; nunc verò de multiplici aptitudine, vel ineptitudine sensus interioris, quæ ex illo contrahitur, ac primò de passionibus, & habitibus naturalibus, quæ ex ipso sensu iuxta dispositionem organi, ad quod ordinatur, dimanant, sequitur differendum; cum hinc præcipuè sumatur tota huius potentix varia, & accidentalis perfectio.

*Dari in interiori sensu Passiones quasdam, & habitus inditos à natura. Cap. I.*



T quæ ad existentiam passionum huius potentix pertinent primò loco stabiliamus, notandum hic est, per huiusmodi passiones, & habitus, nos aliud non intelligere, quàm affectiones quasdam congenitas cum ipsa potentia, quibus diuersimodè disponatur ad operandum: nam absque ordine

ordine ad operationem, nihil potest excogitari tanquam passio consequens naturam ipsius potentiae, quae essentialiter est operatiua. Et quidem in hac acceptione nonnulli recentiores negant dari passiones, & habitus naturales in interiori sensu, tanquam entitates ex natura rei distinctas ab illo; tum quia nullum putant esse habitum operatiuum à natura datum, cum omnis naturalis propensio, & inclinatio potentiae ad actum, sit per ipsammet naturam, & entitatem potentiae; tum etiam, quia neque habitum acquisitum in imaginatiua, siue hominum, siue brutorum concedunt, totam promptitudinem, & habilitatem illius ad efficaciam specierum intentionalium referentes, vt infra adducemus.

Sed hæc sententia videtur contra doctrinam Aristotelis, ac D. Thomæ, nam Aristoteles 3. Ethicorum cap. 5. connotando huiusmodi habitus naturales, sic ait: Oportet vt vnusquisque idoneus natus sit, habeatq. quasi visum, quo rectè valeat discernere, & id quod verè bonum est, eligere. Sique is est bono ingenio præditus, cui bona naturæ affectio insita est, quod maximum, & pulcherrimum est, quodque ab alio accipere, aut discere, nullo modo licet; id quale natura est, tale ipse habebit; atque ita bene, & rectè natura esse affectum, ipsa erit perfecta, ac vera naturæ habilitas, & aptitudo. Deinde similiter quoque malo in actionibus inest (inquit) facultas, vt ex sese agat; etiam si in fine non sit. (hoc est operando absque fine, aut electione.) Et statim addit: Ex eoque, quod sumus qualitate quadam affecti, talem etiam finem statuimus. Vnde colligit, virtutes, & vitia naturalia, fieri etiam spontanea. Rursus verò Aristoteles 6. Ethicorum cap. 13. expressè docet in pueris, & bestiis, naturales inesse habitus, quibus & iusti, & temperantes, & fortes sumus, & coëtera statim ab ipso ortu habemus: sed quia sine intellectu, seu absque vsu rationis tunc illi insunt, ait noxios apparere, sicut valor in corpore, quod sine visu mouetur. Quapropter huiusmodi habitus minimè virtutes propriè, inquit, appellari, nisi adsit etiam recta ratio, cum qua habitus constituitur absolutè bonus, ac propriè virtus.

Vocat



Vocat tamen ipsos habitus innatos, virtutes naturales; nam simile quid esse ait, virtutem naturalem cum ea, quæ propriè virtus dicitur; nempe moralis, & acquisita; signumq. illud affert, quod omnes cum definiunt virtutem, ubi habitum, eam esse dixerunt, & ad quæ est habitus; licet adiungant secundum rectam rationem. Consequenter igitur Aristoteles tam in appetitiua parte animalis, quam in apprehensiuâ interiori, habitus naturales concedit. Et ut pateat, ipsum Philosophum locutum esse de habitibus, seu virtutibus naturalibus ex natura rei distinctis, concedit alias ex illis esse posse sine alijs; eo quod idem ad omnes aptissimus minime sit. Iterum ipse eodem lib. cap. 11. ait: Sapiens quidem, natura nemo est; sed sententiam habet (nempe iudicium rectum) perspicaciam, & intellectum, seu habitum principiorum. Et in libris de histor. animal. 1. & 9. sæpe tribuit non nullis brutis prudentiam quandam naturalem, ut Elephantibus, Cervis, & alijs. Rursumque 1. met. cap. 1. animantia quædam appellat prudentia absque eo, quod discant; alia verò disciplinarum capaciora esse inquit; Quibus certè diuersas habilitates naturales sensus interioris apertè indicat.

Deinde S. Thomas 1. 2. q. 50. art. 3. ad 3. apertè docet, in interioribus viribus sensitiuis apprehensiuis poni posse aliquos habitus, secundum quos homo fit bene memoratiuus, vel cogitatiuus. Et art. 4. ad 3. docet ex bona dispositione harum virium, ad quam cooperatur bona dispositio corporis reddi hominemabilem ad intelligendum: quia huiusmodi vires apprehensiuæ interius præparant intellectui possibili proprium obiectum. Ponit igitur S. Thomas dispositionem naturalem in sensu interiori distinctam à dispositione corporis, qua adiuuatur ad operandum; eamque sequenti quæstione art. 1. vocat habitum naturalem secundum inchoationem; Ait enim in apprehensiuis potentijs esse posse habitus naturales secundum inchoationem, quia non sunt totaliter ab ipsarum natura, sed partim à natura, partim verò ab alio extrinseco principio, ut à speciebus impressis,

vel dispositione organi. Loquiturque proinde de habitibus ex natura rei distinctis à potentia, vt clarius patet ex responsione illius ad secundum dicentis, aliquid etiam naturaliter superaddi posse potentiae, cum ad ipsam pertinere non potest, quemadmodum totum id, in quo habitus naturalis constituitur. Eodemque sensu quaest. 63. art. 1. ait cum Philosopho 2. Ethicorum cap. 1. scientias, & virtutes esse in nobis à natura secundum aptitudinem, seu inchoationem; non autem secundum perfectionem.

Dicendum igitur primò est iuxta praescriptam doctrinam Aristotelis, ac D. Thomae, dari in interiori sensu entitates quasdam ex natura rei distinctas ab illo, ac tanquam proprias passiones cum illo congenitas, ratione quarum diuersimodè ipse constituitur in actu primo ad operandum. Probatum autem ex eo, quòd potentia, quae non solum se habet ad plura, sed diuersis quoque modis valet se ab illa commensurari, sicut indiget quibus determinetur ad hoc potius, quàm illud; ita similiter quibus vno potius, quàm alio modo ad eadem disponatur, & commensuretur; vt patere potest ex toto discursu D. Thomae. At potentia interioris sensitiva non tantum se habet ad plura sensibilia, in quorum cognitionem ex se ordinatur; sed pluribus, ac distinctissimis modis valet illa pertingere, iuxta varium usum specierum intentionalium, secus ac sensus externi: Ergo sicut ad percipienda haec potius obiecta, quàm illa, indiget determinatione propriarum imaginum, quae sunt qualitates superadditae ipsi potentiae; ita similiter ad operandum hoc, vel alio modo, diuersis indiget entitatibus superadditis, quarum quaelibet potentiam ad suum modum determinet, atque disponat, vt sic, & non aliter, vt plurimum, vel cum facilitate valeat operari: nimirum perspicaciter, aut obtusè; stultè, aut prudenter. Quare inditae quaedam dicuntur in nobis semina virtutum, ac vitiorum. in parte apprehensiva, sicut in appetitiva, quorum vi diuersimodè homines inclinantur, & operantur: vt rectè Posidonius.

fidonius ille apud Galenum aduertit; Qui sanè vitium extrinsecus in homines accedere, nullam radicem, ac semen in nostris animis possidens, vnde prius expullulet, & augeatur, non existimat: Quinimo in nobis ipsis intestina vitiorum semina, ac tanquam igniculos esse ait. Quod certè in cunctis hominibus obseruari potest, præsertim ante usum rationis. Tantam enim in quibusdam paruulis agnosimus naturalem prudentiam, siue calliditatem, vt illam dixeris habitum acquisitum, ac experientia comparatum. Sicut è contra, tanta est stoliditas aliorum, vel ineptitudo ad aliqua, vt profligatè omnino spei censeantur euadendi quales natura non fecit. Quæ omnia in illa ætate, nec actuum frequentationi, nec præceptis ab alio traditis, imò nec temperamento diuerso quandoque possunt adscribi. Potissimum, inquit Galenus, quum multi simul videantur *ibidem.* ipsæ vefcentes alimentis, ex ipsædem parentibus orti, ab ipsædem præceptoribus eruditi; longissimè tamen inter se natura dissentientes. Quis enim (dixerat) eos flagitia docuit? & quinam vsus (dicamus) in illa ætate præcessit, aut affusfactio, vel vnde primum inualuerunt? Quæ tandem diuersitas temperamenti in gemellis, qui simul sunt eodem sanguine procreati, eisdemque alimentis postea nutriti? Adde quod etiam si postea per præcepta, & usum contrarium, accedente ratione, vitia transeant in virtutem, vel quomodolibet habitus naturales commutentur in melius: semper tamen aliquid remanet in ipsis inet hominibus virtute præditis, in quo suorum semina vitiorum elucent, sicut in ipsis viriosis semper emicat aliqua virtus, seu naturalis perfectio, quam non omnino vitia deprauarunt.

Quod certè argumentum est, præter maiorem, aut minorem ipsius potentia perfectionem indiuidualem, quæ vniuersaliter in cunctis actibus elucet circa quæcumque obiecta illa versetur: ac præter habitus acquisitos, ac bonam, vel prauam dispositionem organi; aliquid esse superadditum potentia, cum eaque congenitum, ratione

cuius promptior, ac magis idoneus ad vnum, quàm ad aliud sensus ipse interior à natura constituitur. Et hinc esse, quod aliqui suoapte ingenio cum non didicerint, multa valeant, vel non valeant excogitare; multa sine experientia interius, & exterius machinari: vt alij ab incunte ætate poetari, alij naturali quadam musica modulari, alij nulla præmuniti arte excudere, ac delineare, alij mores, ac gestus aliorum imitari, & alij plura, ac diuersa præstare per naturalem quandam determinationem habilitatis ad illa. Quæ determinatio cum fieri non possit per aliquid extrinsecum, remanet vt fiat per entitatem aliquam intrinsecam superadditam potentiæ ad sic, & non aliter cum facilitate, ac promptitudine operandum.

Ex quibus intelligitur primò, non sufficere naturalem inclinationem, ac propensionem potentiæ ad suos actus, ad hoc vt eliciantur vno, vel alio modo ipsimet actus, quemadmodum aduersarij supponebant.

Secundo intelligitur, dispositionem organorum maxime quidem conducere ad rectam, vel prauam operationem sensus interioris, vel vt melius, aut detectius operetur, quouis modo operetur; in quantum scilicet ad rectam operationem causæ principalis supponitur habilitas instrumenti. Nihilominus ipsam dispositionem organorum non esse dispositionem potentiæ, seu id quo intrinsecè determinatur, ac disponitur sensus interior ad operandum hoc potius, quàm alio modo circa hæc aut illa obiecta.

Deinde tertio intelligitur, huiusmodi determinationem potentiæ, non esse eandem cum illa, quæ fit per species impressas, quando sensus ultimo constituitur in actu primo, ac determinatur ad percipiendum hoc, & non aliud obiectum in indiuiduo; eo quod huius, & non illius species habeat. Aliud est enim determinari obiter hic, & nunc ad vnum actum, ac circa vnum singulare: aliud verò est in vniuersum determinari, donec vixerit animal ad operandum hoc, vel alio modo; siue circa omnia

omnia, siue circa quædam saltem genera obiectorum. Vnde licet species determinet ad vnum; & si sit magis, vel minus impressa, valeat etiam ad maiorem, vel minorem expressionem, ac recordationem quando representatur obiectum; nihil tamen valet ad determinationem modi, quo sensus eadem specie utitur, copulando, ac diuidendo, prorsusq. diuersimodè circa idem operando. Quare non satis causam reddunt omnium prædictorum, qui habilitates distinctas negantes, ad specierum determinationem, & efficacitatem recurrunt, qua dicunt, sensum excitari ad simpliciter, ac melius, aut deterius operandum. Siquidem non ponuntur habilitates distinctæ ad indiuidualem determinationem actus, neque ad excitationem potentia, vt ipsi supponunt; sed ad determinationem modi genericè sumpti, vt latè explicauimus.

Vtrum verò huiusmodi entitates, seu habilitates distinctæ, dicendæ sint propriè habitus naturales, vel passiones ipsius potentia interioris sensitiua; in hoc est etiam controversia. Supponimus tamen ipsas habilitates, prout ponuntur distinctæ à potentia, & in illa receptæ, pertinere non posse nisi ad aliquam speciem qualitatis sub genere dispositionis, vt patere potest ex dictis.

Rursus itaque dicendum est, accipiendo habitum in rigore pro eo, quo quis agit cum voluerit, vt sumebat Auerroes, (nempe prout subditur coniuncto imperio rationis) prædictas entitates, seu habilitates superadditas sensui interiori ad diuersimodè operandum, propriè non esse habitus in brutis, sed tantum in hominibus; quia bruta non habent dominium suorum actuum, nec operantur ex coniuncto imperio rationis: Accipiendo tamen habitum, vt par est, iuxta definitionem Aristotelis, pro dispositione, secundum quam benè, vel malè disponitur dispositum, aut secundum se, aut secundum aliud, nempe ad operandum; abstrahendo saltem à coniuncto, vel non coniuncto imperio rationis: sic ipsas habilitates in cunctis animalibus verè, ac propriè esse habitus. Id quod totum sumitur ex doctrina Sancti

*Lib. 3. de anima  
com. 28.*

*Lib. 5. Metaph.  
cap. 20.*

1. 2. 7. 50. *Art. 3.*  
ad 2.

Thomæ, qui hoc modo concedit habitus in brutis, quatenus scilicet à ratione hominis per quandam consuetudinem disponuntur ad aliquid ita vel aliter operandum. Nam vires sensitivæ, ut ipse dixerat in responsione ad primum, natæ sunt obedire imperio rationis, & ideo in eis esse possunt aliqui habitus; imo prout obediunt rationi quodammodo rationales dicuntur, ut in 1. *Ethic.* cap. ult. Sed hoc magis videtur pertinere ad moralem rationem habitus, quàm ad physicam naturam illius, quia subdi voluntati, aut rationi, extrinsecum est qualitati operativæ. Dicemus igitur, prædictas habilitates potius participare rationem habitus, quia sunt qualitates permanentes, disponentes, ac determinantes potentiam ad hunc, vel alium modum agendi, cum promptitudine, ac facilitate; in quo constituitur tota essentia habitus, prout à recentioribus ex Aristotele communiter explicatur.

Tandem eadem habilitates dici possunt proprietates, seu passionēs ipsius sensus interioris, tum quia consequuntur naturam illius, cui debetur proximum, & intrinsecum principium, quo determinetur in modo operandi; tum etiam quia ab eodem sensu nunquam dimouentur, ac illi soli conveniunt. Quandoquidem quilibet illorum, ut naturalis perspicacia, siue acumen, etsi aliquantulum remittatur, vel impediatur; nunquam tamen omnino obtunditur. Et sic reliqui habitus naturales nunquam sensum interiore proflus destituunt. Deinde ei soli conveniunt; nam sensus externi sicut vno eodemque modo semper naturaliter operantur, ita nullo indigent superaddito, ut sic potius quàm aliter in ordine ad suas operationes disponantur, siue à natura, siue ab applicatione diuersa, aut assuefactione; In quo non differunt à potentijs naturalibus, ut nutritivæ, ac generativæ. Quamobrem Aristoteles cum dixisset nihil eorum, quæ natura sunt, aliter assuescere potest, ut lapis quin deorsum natura feratur, &c. statim paulò post affert etiam exemplum de visu, & auditu. Siquidem consuetudine, & exercitatione sensus externi, non sunt promptiores ad operandum, nec habi-

2. *Ethic.* cap. 1.

habiliores ad sentiendum, quàm nutritiua ad nutriendum, aut grauius ad procedendum semper deorsum, secus ac sensus internus ad cogitandum, ac memorandum. Cumque habitus naturales supponantur ab acquisitis, per quos postea perficiuntur, vel deteriorantur, ac semper propterea insint, vt dicebamus, remanet, vt soli interiori sensui conueniant tanquam propria passiones.

*De naturali sagacitate, seu perspicacitate sensus interioris. Cap. II.*



QVA MVIS Aristoteles lib. 1. Ethic. cap. 13. sagacitatem (per quam idem, ac perspicacitatem omnes intelligunt) inter virtutes intellectiua, seu habitus ac dispositiones intellectus connumerasset: Libro tamen 6. c. 11.

loquendo de illa, ac de sententia, seu recto iudicio boni viri, & de intellectu vltimorum, seu particularium, qui à D. Thoma ibidem, & alibi appellatur ratio particularis, & sensus interior, seu cogitatiua hominis: dixit hæc omnia esse naturalia. Nam sapiens quidam, inquit, natura nemo est, sed sententiam habet, & perspicaciam, ac intellectum. Indicium cuius illud assert, quod hæc sequi etiam ætates existimamus, talisq. ætas intellectu, & sententia, prædita est, quasi causa, & natura ipsa sit. Quare, subiungit, peritorum hominum, & seniorum, seu prudentum pronuntiationibus, & opinionibus absque demonstratione, non minus quàm demonstrationibus attendendum esse. Nam certè dum sensus, seu intellectus particularium, ac rectum iudicium viget, acceditq. experientia, & prudentia acquisita, rectè homines etiam absque demonstrationibus versantur circa principia operabilium. Principia autem sunt fortiora conclusionibus demonstrationum, vt ibi annotat D. Thomas. Ex quibus licet inferre perspicaciam apud Aristote-

*S. Thom. in 6.  
Ethic. lect. 9. &  
1. q. 78. art. 4.*



sem non solum intellectiua, verum etiam sensitiua facultatis perfectionem quandam involuere atque exprimere, ut ibidem notat S. Thomas: cum scilicet illam non secus ac ipsum sensum; seu intellectum particularem, ac rectum iudicium ex aliqua causa naturali non eodem semper modo dicat procedere, sed in diuersis aetatibus, diuersimodè se habere. Vnde perspicacia à perspicendo, & sagacitas à sagiendo dicitur, quod est acutè sentire, & ut ait Cicero, ex hoc sagax anus, quia multa scire volunt, & sagaces dicti canes. Gracè verò perspicacia dicitur *Σωφείας* per quam dicimus aliquos esse *Σωφεις*: hoc est sensatos. Contra verò *Ασώφειας* est secundum quam dicimus, aliquos esse *Ασώφεις*: hoc est insensatos. Quæ postea significationes referuntur ad intellectum. Etenim non nisi interiori sensui intrinsecè, & immediatè conuenit, iuxta varias aetates, ac varias dispositiones cerebri in eisdem, vel diuersis animantibus; melius aut deterius operari, ac in dies perspicaciorem reddi, aut hebetiorem; Intellectui verò mediante famulatu sensus interioris in homine. Quandoquidem potentia intellectiua secundum se sumpta, sicut semper eodem modo valet operari; ita intrinsecè nec fit aetate, aut dispositionibus corporis perspicacior, neque obtusior: intellectus enim omnis rectus est (ait Aristoteles) imaginatio autè recta, & non recta. Quare tota naturalis perspicacia, & hebetudo, quæ in diuersis aetatibus, ac indiuiduis constituitur in intellectu, etiam in sensum ipsum interiore refunditur, cuius phantasmata, seu imaginationes intellectus iugiter speculatur, ac magna ex parte sequitur. Et sic verificatur illud Empedoclis. *Ad præsens enim sapientia augeatur hominibus.* Et rursum: *Vnde eis semper, & sapere diuersa præstat.*

Nec obstat nomen perspicacitatis communiter designare habitum quendam intellectus; nam etiam prudentia, quæ potiori iure, ac magis propriè solius intellectus est habitus, ab Aristotele nihilominus tribuitur brutis. Quia videlicet non minus interior sensus suo modo formalitatem illam prudentiæ, ac perspicacitatis participat. Et sic perspicaci-

*Lib. 1. de diuinatione.*

*3. de anima sec. 11.*

*Empedocles apud Arist. 2. de animalibus sec. 150.*

*Lib. 9. & alij de hist. animal.*

tas, ac sagacitas extrinsecus synonyma. Quamvis potius sagacitas, quam perspicacia belluis attribuitur. Vnde est apud Quidiam:

1. de remed. a-  
moris.

*Catulo sagaci sectari leporem.*

Et sub nomine sagacitatis, ut plurimum de acumine, ac perspicacitate animalium, Philosophi consueverunt differere.

Iam vero perspicaciam sensus interioris, sicut intellectus cum Aristotele lococit. 6. Ethic. cap. 10. in eo dicimus consistere, quod est, rectè perspicere, vel posse perspicere. Si quidem, ut ipse ait, iudicativa tantummodo illa est, ad differentiam prudentiæ, quæ simul est præceptiva. Perspicere enim idem est, atque recto iudicio cognoscere, vel percipere. Vnde perspicax dicetur quæcumque potentia rectè iudicanda valet cognoscere: ut sensus interior, qui saltem materiali modo componendo, ac diuidendo, rectè valet quasi iudicando cognoscere. Diximus autem recto iudicio cognoscere, & non absolute, aut rectè cognoscere; nam perspicacia non attenditur in ordine ad quamcumque rectam cognitionem, sed tantum ad illam, quæ diuersimodè potest exerceri, ut est cognitio iudicativa. Etenim quoad cognitionem simpliciter apprehensiuam, nulla propriè datur perspicacia, aut hebetudo: semper enim eodem modo sensus determinatè se habet in apprehensione simplicium, sicut etiam intellectus. Quare sicut nec veritas, nec falsitas datur in illa, in rigore loquendo; ita nec rectè, aut præuè procedere. Nam hoc ipso, quod sensibilia, si præsentia sint, ab exterioribus vulgatisq. sensibus percipiuntur; intus pariter innotescunt; vel si absentia sint, hoc ipso quod eorum simulacris animum pulsando offerantur, simpliciter apprehenduntur. Vnde non minus determinatè se habet sensus interior in simplici apprehensione suorum sensibilibus, quam sensus exterior, in quo propterea nullus ponitur habitus naturalis, aut acquisitus ad aliter, aut aliter operandum. Tota ergo ratio formalis perspicacitatis, ac tota differentia essentialis, quæ reperitur inter hebetem, & acutum, attenditur in ordine ad iudicium, quod diuersimodè ab alterutro fertur,

fertur, vel ferri potest. Nam perspicax rectè componendo, ac diuidendo, iudicat bene; secus autem hebes operando, iudicat malè. Et sic perspicacia estabilitas non ad simpliciter, aut quomodolibet cognoscendum; sed ad rectè iudicandum.

Diximus præterea, ad rectè, non autem simpliciter iudicandum, seu recto iudicio cognoscendum; nam vt docet Aristoteles in illo cap. 10. sexti. Ethic. idem est perspicacia, ac bona perspicacia. Siquidem inquit, perspicaces etiam benè perspicaces sunt; idemq. est bene, & rectè. Ac si dicat, idem est perspicere, ac bene inspicere, sicut perficere, est benè, & absolutè facere.

*De naturali Prudentia, solertia, & calliditate.*

*Cap. 111.*

6. Ethic. cap. 5.



*Ibid. cap. 2.*

*Lib. 9. de histor. animal. cap. 7.*

**S**ed de prudentia propriè loquamur, prout illa ab Aristotele definitur; Habitus vera cum ratione actius circa ea, quæ, & bona, & mala homini sunt: perspicuum in primis est, nullam esse in interiori sensu prudentiam, sicut nulla est ratio, seu consultatio, nec electio, quæ principium est actionis moralis, vt supra docuerat idem Philosophus. Si verò latius prudentia sumatur pro naturali quadam cognitione, quæ est rerum expetendarum, fugiendarumq. notitia, & in naturali quodam delectu bonorum, & malorum cernitur: absque dubio in interiori sensu concedenda est aliqua prudentia, seu naturalis, & ingenuus quidam habitus cognitionis, quæ dicatur prudentia per analogiam ad veram prudentiam, quæ est habitus acquisitus, ac virtus intellectualis, sicut ars, & scientia. Negari enim non potest, quin etiam in brutis appareat expetendarum, fugiendarumq. rerum aliqua notitia, ac magis in quibusdam, quàm in alijs; & propterea aliqua prudentiora, alia stolidiora ab Aristotele sapius nuncupari; atque omnino, vt ipse ait, magnam in hoc

in hoc illa referre vitæ humanæ similitudinem, habereque,  
 vt supra dixerat, vim quandam naturalem in quavis animi Cap. 1.  
 affectione, vt in prudentia, stultitia, fortitudine, ignauia,  
 clementia, acerbitate, & reliquis habitibus generis eiusdem.

Vnde sicut Aristoteles 6. Ethicorum cap. 8. maximè ve-  
 ram prudentiam posuit in hoc, quod est sibi ipsi prospicere,  
 ac sua cognoscere, in ijsque versari, quærendo quod sibi bo-  
 num est &c. ita lib. 9. de histor. animal. cap. 5. & 6. pruden-  
 tiam quorundam brutorum colligit ex eo, quod sibi, natisq;  
 consulere, & opitulari videntur, cognoscendo, & sectando,  
 quæ sibi bona sunt, & cauendo à malis. Quamuis, vt nos  
 supra explicuimus, sensus bona, & mala non cognoscat, vt Lib. 1. traB. 2.  
 talia formaliter; sed tantum materialiter. Et lib. 6. Ethic. cap. 4.  
 cap. 7. ex communi asseueratione affirmat Aristoteles be-  
 stias nō nullas prudentes esse quæcumque in vita traducen-  
 da prouidendi habere vim quandam videntur. Dubium er-  
 go solum esse potest, an prudentia in hac latitudine sumpta,  
 sit habitus realiter distinctus à sagacitate; an verò tantum  
 per nostram considerationem. Videtur enim eandem esse  
 habilitatem sensus, qua rectè iudicando, cuncta valet di-  
 scernere, siue circa bona, & mala, siue circa alia quæcum-  
 que versetur.

Nihilominus dicendum est, prudentiam naturalem, esse  
 habitum à sagacitate ex natura rei distinctum. Idque pro-  
 batur primò à simili ex Aristotele 6. Ethicorum cap. 10. qui  
 sanè in intellectu, aliud esse inquit prudentiam, aliud verò  
 perspicaciam, quamuis circa eadem vtrique versetur: cuius  
 rationem statim affert, nempe, quia prudentia præceptiua  
 est, quid agendum, vel non agendum sit. Perspicacia ve-  
 rò iudicatiua tantummodo. Vnde non omnes sapientes,  
 qui rectè de rebus iudicant, prudentes simul esse dixerat,  
 cap. 8. Quæ omnia suo modo applicari possunt in sensu, in  
 quo aliud est rectè iudicare de sensibilibus secundum se, aliud  
 est, illa concipere in ordine ad operandum, seu ad profe-  
 cutionem, vel fugam; licet formaliter ipse ordo non co-  
 gnoscatur, sed solum materialis illa connexio, quam habent  
 obiecta

obiecta cum prosecutione, vel fuga, quæ ab appetitu sensitivo elicitur.

1. p. quæst. 79.  
art. 12.

Quare secundo idem probari potest eadem ratione, quæ Sanctus Thomas probat Synderesim esse habitum ab intellectu principiorum distinctum. Quia nimirum sicut oportet naturaliter nobis, seu nostræ potentie intellectivæ indita esse tam principia speculabilium, quibus aliqua naturaliter noscantur absque investigatione; quàm principia operabilium, quibus naturaliter constat quid agendum, & non agendum; & hæc ad synderesim, illa ad habitum primorum principiorum pertinent: ita oportet naturaliter animalibus, siue interiori sensui, non solum esse indita principia ad rectè iudicandum, ac perspicendum circa sensibilia, quasi speculativo modo eorum differentias discernendo; sed etiam principia ad rectè cognoscendum practico modo, prout huiusmodi sensus cunctas operationes animalis tenetur dirigere: Et hæc ad naturalem prudentiam; illa verò ad perspicaciam pertinebunt.

Lib. 2. de nat.  
Deor.

6. Ethicor. c. 9.

In libello de vir-  
tut. amic. med.

6. Ethic. cap. 1.

Ab hac autem naturali prudentia parum, aut nihil differt solertia; siue iuxta communem acceptionem per solertiam intelligamus industriam, ac in rebus agendis peculiarem sagaciam: quo sensu Tullius etiam bestiis, inquit datam esse quandam machinationem, atque solertiam: siue iuxta doctrinam Aristotelis, & expositionem D. Thomæ per solertiam intelligamus bonam coniectionem, quæ est velox, promptumque iudicium, quod fit circa inventionem medij absque ratione; siue discursu, & in sensitiva parte etiam contingit propter subtilitatem spirituum, & bonitatem imaginationis, ut inquit S. Thomas. Unde Aristoteles in libello de virtutibus, ait, quod memoria, peritia, ac solertia, vel manant à prudentia, vel prudentiæ sunt asseclæ. Deinde consilium, & solertiam ait esse tanquam partes prudentiæ. Et certè nullo modo videntur aliquid ex natura rei diversum, cum circa eadem agibilia, eodemque ferè modo practicè semper versentur. Etenim ut ipsemet Aristoteles dixerat: Ad ea tantum, quæ genere sunt diversa cognoscenda,



*Luc. cap. 20.**6. Ethicor. c. 12.**Ibidem cap. sequen.**Ibidem cap. 12.*

ter applicati, ab ore veritatis, prudentiores appellantur, quàm filij lucis. Siquidem indifferens est ex se naturalis prudentia, dirigendo actiones, siue ab bonum, siue ad malum: quod de ipsa quoque calliditate expressit Aristoteles, cum inquit eam talem esse, vt quæ ad suppositum scopum conducunt, agere possit, & assequi: atque hæc quidem, inquit, si propositum honestum sit, est laudabilis; si prauum, versutia est: vnde etiam prudentes callidos, & versutos esse dicimus: hæc ille; qui cum loqueretur de prudentia, quæ propriè virtus intellectualis est, & habitus acquisitus, idcirco postea calliditatem distinxit à prudentia, tanquam à superaddito, eo quod habitus (inquit) oculo huic animæ non, absque virtute acquiritur. Quasi diceret, prudentiam naturalem, seu calliditatem, esse veluti oculum quendam, animæ, cui dum additur habitus prudentiæ acquisitæ, simul acquiritur, & aduenit virtus; quia scilicet ipsamet prudentia acquisita, est virtus intellectiua, & non potest acquiri absque virtute morali, cum qua semper est vnita. Cum igitur Aristoteles postea conferens virtutem moralem cum naturali, inquit, sese habere sicut prudentiam cum calliditate, eamque non idem quidem, sed simile quid esse; indicat ac supponit, prudentiam absolutè loquendo, significare, prudentiam acquisitam; calliditatem verò prudentiam, naturalem. Quod clarius adhuc paulò inferius videtur supponere, cum ait, calliditatem, & prudentiam, esse, duas species, quemadmodum virtutem naturalem, ac propriè virtutem, quæ est moralis, & acquisita. Quoniam verò per solam virtutem moralem, ac prudentiam acquisitam, homines, vt plurimum diriguntur ad bonum; hinc est, vt prudentia naturalis explicata per nomen calliditatis, frequentius vsurpetur pro illa, quæ ducit ad malum. Etenim, absque virtute acquisita, distorquet prauitas, ait Aristoteles, facitq. vt circa actiua principia fallamur, nec optima exquiramus. Quare concludit, non posse quempiam prudentem esse, nisi bonus sit, vt supra etiam ex alio loco reſerebamus.



## De Hebetudine, ac Ruditate. Cap. IV.



HEBETUDO perspicacitati opponitur, vt  
 supponit Aristoteles, & cum eo omnes expo- s. Ethic. c. 10.  
 sitores, cæterique Philosophi. Dupliciter  
 autem sumi potest, vno modo pro aduentitia  
 quadam obtusitate naturalis acuminis, seu  
 obsistente quodam impedimento ad rectè, vel acutius ope-  
 randum, ex alteratione, ac praua dispositione organi: Et sic  
 eam sumpsit D. Thomas, cum dixit: Rationis aciem hebe- 2. 2. quest. 148.  
 tari ex immoderatione cibi, & potus, hebetudinemq. sensus art. 6.  
 circa intelligentiam fieri per fumositates ciborum pertur-  
 bantes caput. Alio verò modo sumitur hebetudo pro na-  
 turali, ac ingenta dispositione, vel indispositione, qua sen-  
 sus interior inclinatur ad perperam, & obtusè de sensibili-  
 bus iudicandum ab ineunte ætate. Vnde alij natura saga-  
 ces, & acuti; alij verò pingui minerua nasci dicuntur. Ac  
 secundum vtramque acceptionem questio esse potest, vtrum  
 hebetudo sit qualitas positiua in interiori sensu recepta, qua  
 malè ipse disponatur ad operandum: an verò sit tantum ca-  
 rentia perspicacitatis, ac naturalis acuminis, siue ad tem-  
 pus, siue in perpetuum duratura, connotans prauam dispo-  
 sitionem in organo, ex qua oriatur.

Hoc enim primo, suadere videtur ipse conceptus negati-  
 uus, quem habemus de qualibet inhabilitate, aut imbecilli-  
 tate ad operandum præsertim secundum cognitionem, vt  
 de ineptitudine, aut imbecillitate visus ad eminens perspi-  
 ciendum, vel ingenij ad quasdam scientias comparandas.  
 Nam quemadmodum cæcitas, vel imbecillitas visus, insi-  
 pientia, vel inscitia, non dicitur aliquid positiuum; sed tan-  
 tam negationem visus, saltem perfectioris scientiæ, aut sa-  
 pientiæ, quibus non datur habitus contrarius: ita similiter  
 inhabilitas, seu ineptitudo sensus ad rectè iudicandum, ex-  
 plicata per nomen hebetudinis, non dicetur aliquid positi-  
 uum; sed tantum priuatio naturalis acuminis, aut maioris  
 acu-

acuminis, connotans imperfectionem aliquam, vel obstaculum ex parte organi.

Secundo idipsum suadetur, quia si hebetudo esset aliquid positivum, & qualitas in interiori sensu recepta, non minus ac perspicacia numeraretur inter proprietates, ac passionibus illius: sed dari non possunt dux proprietates contrariæ in eodem subiecto, nec subiectum naturaliter carere potest aliqua ex suis proprietatibus, quemadmodum sensus quandoque caret omni hebetudine; igitur illa non est proprietas, aut vera passio sensus, ac proinde, nec aliquid positivum in ipso sensu receptum.

Dicendum tamen est, hebetudinem esse qualitatem positivam perspicacitati ex natura sua oppositam, & in interiori sensu receptam, quæ si sit facile mobilis à subiecto, ut plerumque adscititia esse solet, vocabitur dispositio propriè dicta: si verò difficilè, cum ipsoque sensu congenita; dicitur propriè habitus naturalis, iuxta acceptionem de huiusmodi habitibus superius traditam. Quod certè non obscure sumitur ex doctrina Aristotelis, ubi cum loquutus esset Philosophus de naturali habilitate ad bonè, seu rectè operandum, ait: Similiter quoque malo in actionibus inest facultas, ut ex sese agat. Additque: Ex eo, quod sumus qualitate quadam affecti, virtutes, & vitia fieri spontanea, quotiescumque finem statuendo, & ex electione operando, coauctores quodammodo illorum sumus. Probat autem: Nam per solam carentiam habitus nemo naturaliter elicit actus contrarios ipsi habitui, ut patere potest in carentia habituum scientiarum. Quandoquidem qui nullum obtinuerunt habitum Dialecticæ, aut Philosophiæ, non propterea sentiunt contra dogmata illorum. At per solam hebetudinem, aut stoliditatem, ut plurimum eliciuntur actus contrarij perspicacitati. Nam acumine retuso, vel impinguato, cunctæ sensationes internæ confuso, ac perverso modo, tardè ac segnius procedunt. Ergo hebetudo non est sola carentia perspicacitatis: sed habitus, vel dispositio positiva illi contraria, & in interiori sensu congenita, vel acquisita.

Con-

Confirmatur; nam si hebetudo tantum esset defectus perspicacitatis, quando remittitur perspicacitas, adhuc sensus perspicaciter operaretur saltem in gradu remisso: sed non, tantum minuitur modus perspicaciter operandi, cum pariter diuerso omnino modo operatur: Ergo per aliquid posituum contingit sensui sic operari, & non per solum defectum perspicacitatis. Quod autem ille modus sit omnino diuersus, probatur obseruatione Platonis in Theætetō, qui cum causam redderet, cur nonnulli homines ad opiniones, & imaginationes falsas proni redderentur, perp̄eram semper de sensibilibus iudicando, ait, quod cum opinio ē conspectu, directoq. nixu, propria simulacra colligit, figuratque, vera est; cum verò transuerso, atque obliquo, falsa. Rursumq. quodd cum vtrorumque signacula tenens, non secundum ipsius proprium sensum, vtrumque habet; verum instar imperiti sagittarij à signo procul aberrat: tunc quidem mendacium nancupatum esse. Quæ omnia posituum, ac determinatum modum circa vsum specierum in sensationibus internis, compositione, ac diuisione explicare videntur. Qui sanè modus cum debeat potentia, quæ indifferens est ad illud, vel oppositum, sequitur, vt non nisi peculiari habitui possit adscribi, vt supra de omnibus habitibus diximus in vniuersum.

*Longe post med.*

Ad primam itaque rationem in contrarium respondetur, ineptitudinem illam, aut imbecillitatem visus, sicut ingenij, & intellectus, nihil dicere posituum aptitudini contrarium; quia nec actus, qui per talem aptitudinem, vel ineptitudinem eliciuntur, suat inter se positinè contrarij, vt eminus, aut cominus videre: scire aliqua, vel nescire. Et sic ineptitudo illa visus solum connotat aliquid posituum in oculo, ratione cuius visio vltcrius non protrahatur. Et ineptitudo intellectus, obstaculum aliquod in cerebro, vel in ipso sensu interiori, deterius circa aliqua ministrante. At cum per hebetudinem eliciantur actus positinè contrarij ijs, qui eliciuntur per sagacitatem: fatendum est, ipsam hebetudinem non tantum connotare priuationem, & carentiam sagacitatis

*Lib. 1. de sanit.  
tuen. cap. 5.*

tis ob deteriorem dispositionem organi, ex qua nascitur; sed positiuam affectionem, ac propensionem sensus, per quam determinatur, & inclinatur ad sic, & non aliter operandum. Vnde quemadmodum aegritudo, licet concipiatur tanquam pura negatio sanitatis, quæ nascitur ex aliqua dissolutione temperamenti: nihilominus ut probat Galenus, est affectio præter naturam, actionem impediens: ita similiter, quamuis hebetudo concipiatur tanquam pura negatio perspicacitatis; est tamen positiuæ affectio sensus, qua ille à rectitudine iudicij dimouetur, & in contrarium inclinatur.

*2. de anima  
tex. 51.*

*Lib. 2. sex. 301.*

Ad secundam verò responderetur, proprietatem sensus interioris constitui in hoc, quod est, posse perspicaciter, aut obtusè sentire tanquam duobus modis contrarijs, ad quos se habet indifferens, ac determinari debet per habitus prædictos sagacitatis, vel hebetudinis. Quod certè sumitur ex Aristotele cum dixit, imaginationem esse posse rectam, & non rectam, ac proinde veram, & falsam, ut ipsemet docuerat; secus ac sensus exterior, qui semper est verus, ac eodem modo, nempe rectè procedit.

*2. metaph. 6. 1.  
de hisst. ani.  
mal. lib. 9. c. 1.*

*Lib. de arte poet.  
prop. finem.*

De ruditate autem communiter loquendo, illud dumtaxat erit dicendum, quod si ruditas transferatur ad animum, prout expertem alicuius culturæ, ac disciplinæ, cuius aliquo constat esse capacem, eo sensu, quo Aristoteles non, nulla etiam bruta ait esse disciplinabilia. Sic quidem ruditatem non connotare aliquid positiuum, sed tantum dicere imperitiam, seu negationem culturæ, atque peritiæ in animo adhuc disciplinis non exposito. Vnde apud Horatium dicitur ingenium rude, quod nullis studijs fuit excultum. Si verò transferatur ad animum, abstrahendo ab omni capacitate disciplinarum, aut culturæ: tunc nihil ab acuminis.

*Lib. 2. de Dispositione longè  
post med.*

obtusitate, seu hebetudine realiter diuersum significare; quo sensu Epicurus dictus est hebes, ac rudis à Cicerone de sententia Stoicorum.

*De Fatuitate, stultitia, insania, atque delirio.**Cap. V.*

ONSTAT in primis, fatuitatem, stultitiam, insaniam, vel quaecumque similia, passionibus quasdam significare, quibus actiones principis facultatis, vel ad tempus, vel ab incunte aetate, & quousque vita perdurauerit, vitiantur: imo proprium esse quorundam brutorum ex genere suo, vitiatas promere actiones restrictas, ac propterea stulta, vel stolidi appellari: ut ouile genus, quod, ut notat Aristoteles, stultissimis moribus dici solet: *Lib. 9. de hist. animal. cap. 3.* quippe quod omnium quadrupedum ineptissimum sit. Deinde constat huiusmodi passionibus saepe in animalibus oriri ex aliqua intemperie, & alteratione praeter naturam, facta in cerebro, ut explicat Galenus. Nam liquet, fatuitatem, & obliuionem ex cerebri refrigeratione creati, ac reliqua quidem deliria, ut ipse prosequitur, ex mordentibus, calidisq. succis in ventriculis cerebri collectis.

*De sympathia cum caus. lib. 2. cap. 7.*

Dubium igitur tantum esse potest, utrum huiusmodi passionibus, seu vitia, quae in operationibus restrictis facultatis obseruantur, solum connotent prauam dispositionem organi, siue adscititiam, siue naturalem: an verò simul dispositionem aliquam, vel habitum distinctum, ac superadditum, in ipsa facultate operante. Quod quidem tam de sensu interiori in cunctis animantibus, quam de intellectu in homine locum habere potest.

Porro deprauatas actiones tam imaginatiuae, quam intellectiuae facultatis, solum arguere intemperiem aliquam, vel dispositionem praeternaturalem in cerebro; suadet primò id quod communiter obseruari potest in quacumque deliratione, aut amentia; ut in ebrietate, atræ bilis infestatione, atque phrenitide. Nam scilicet perturbata sede ac primario organo animalium functionum, siue per ascendentes

20. sect. probl.  
9. 13.

Quæst. 1. eiusd.  
sect.

vapores, sine per vrentem calorem, aut ingestum humorem mordentis ac prauis succi; satis intelligitur simulacra omnia extraneo quasi motu cieri, spiritus animales concuti, ac peruersè, sensationes eorum usu elicitas proinde procedere absque alia causa superaddita ex parte potentia. Deinde suadetur: Nam eadem, & inuariata potentia imaginatiua, quæ in vigilia rectissimè operabatur, sola sedis obumbratione, quæ contingit in somno, nequit amplius circa sua obiecta rectè operari; sed perperam, vt plurimum de omnibus iudicat, iterum bene de illis cum experectum fuerit animal iudicatura. Quod argumentum explicari etiam potest per motionem mentis, quam experimur in pueris, cum ipsa organorum imparilitate, aut indispositione, cessantem in ætate prouecta. Quamobrem Aristoteles, eandem docet esse causam, cur pueri, & ebrij, & insani, sint amentes; eamque ait esse calorem, qui nimis in his est, & motu plurimo, vehementissimoque animum inquietare solet; quo motu desistente, prudentiores esse incipiunt. Et antea idem Philosophus cum retulisset quàm diuersis moribus, & aptitudinibus inter se malencholici discreparent, sic ait: Causam verò tam variæ potestatis ipse habitus dat, prout frigidus, calidusue constiterit. Nam exempli gratia (paulò ante dixerat) in quibus multa, & frigida bilis est atra, hi stolidi sunt, & ignaui: in quibus permulta, & calida; ij perciti, & ingeniosi: multi etiam propterea quod ille calor sedi mentis in vicino est, morbis vesaniæ implicantur, aut instinctu lymphatico inferuescunt: ex quo Sybillæ efficiuntur, & Bacchæ, & omnes, qui diuino spiraculo instigari creduntur, cum id naturali intemperie accidat: hæc ille. Quibus certè adæquatam causam irrationabilium sensationum in sola dispositione, seu indispositione organi, videtur constituisse.

Rursus verò idem probari videtur, quoniã si quis in mentis alienationem inciderit, seu in morbum aliquè, qui sensationes internas peruertat, nullis contrarijs actibus contrarium habitum

habitum in potentiam inducentibus ; sed solis medicamentis cerebri dispositionem in pristinum restituentibus , sarratur . Indicium ergo est , passionem illam , non sensus interni habitum , sed cerebri fuisse affectionem deprauantem principes actiones .

Nihilominus dicendum est , præter dispositionem prauam , quam deprauatæ sensationes sæpe quidem supponunt in organo ; aliam quoque dispositionem , vel habitum concedendum esse in ipso sensu interiori , ratione cuius illæ tales ab ipso procedunt , & inclinatur potentia ad sic , & non aliter operandum . Sumitur autem hoc primò ex doctrina Aristotelis , qui trigesima sectione problematum quæstione prima , cum latè explicuisset varias ingeniorum aptitudines , ex varietate , & inæqualitate virtutis atræ bilis diuersimodè corpora temperantis ; quippe quæ vehementer , tum frigida , tum calida reddi possit : statim addit : Et quoniam vim eandem morum obtinet instituendorum ; idcirco nos morum qualitate afficit quadam , informatque . Quasi diceret , atram bilem varia , ac diuersa ingenia reddere , quia vim habet nõ solum causandi variam temperiem ; sed etiam instituendi varios mores ; nempe qualitate quadam in nobis , seu in potentia recepta , quam nos habitum vocamus . Siquidem mos , seu qualitas morum , non significat dispositionem corporis , vel organi , sed affectionem potentie ad specialem quodam pacto operandum , sumpto incremento à consuetudine , vt patet ex his , quæ idem Aristoteles docet 2. Eudemiorum cap. 4. Et in hoc etiam congruit similitudo , quam ipse adhibet de vino cum atræ bile ; Nam vinum varios homines reddit , non solum temperamento corporis , sed habitu quoq; mentis , ac moribus animi , vt patet in ebriosis , qui propterea , vt obseruat Galenus , ad iram præcipites sunt , & partem animi rationalem hebetem , turbidamq; sibi adfiscunt . Deinde Aristoteles eadem sect. 30. quæst. vlt. agendo de cogitationibus , & imaginationibus , quæ in somnis obueniunt , ait , quòd qui instructi virtutibus sunt , meliora somnia vident ; nam etiam vigilantes meliora animaduertunt : &

1. de sanit. tuen.  
cap. 11.



qui deterius vel animo, vel corpore sunt affecti, deteriora concipiunt. Apertè igitur sensit ad meliores, aut deteriores imaginationes formandas, non modo corporis, seu organi, sed etiam animi, seu facultatis, per quam animus operatur, dispositionem concurrere: dispositiones autem animi esse virtutes, aut vitia, vt patet ex eodem contextu. Vnde lib. 2. Eudemiorum cap. 5. stultitiam, & versutiam posuit tanquam contraria, & extrema, inter quæ mediat prudentia; vocatq. illas affectiones animi, quæ ab excessu defectuque, nomen acquirunt. Et sic inferius de stolido, quemadmodum superius cap. præcedenti de stupido, eodem pacto loquitur, ac de iracundo, vel amoribus dedito; verecundo, aut impudentis; quos constat esse tales ex peculiari quadam animi affectione cum illo congenita, quæ postea dicitur habitus, cum scilicet secundum rationem nobis inest, aut contrarium, vt ibidem notat Aristoteles; quod pertinet ad acceptionem vocis in rigore, & quæstionem de nomine.

Ratione verò probatur conclusio primò; Nam aliud est impedimentum organi, aliud verò determinatio, ac pro- pensio, qua afficitur potentia ad specialem quendam modum in operationibus seruandum. Impedimentum enim in organo, vel penitus operari non sinit potentiam, vel saltem non nisi cum aliqua imperfectione, ac læsione: quæ quidem non determinat modum, sed & que impedit actiones quomodocumque procedant, ac circa quæcumque versentur. Quapropter si contingat, omnino impediri organum sensus interioris, vt in apoplexia, nullo modo sensus tunc valet operari, & sic illa dicitur amissio sensus, & motus. Si verò ex parte tantum secundum quid impediatur, vt in somno, vel ebrietate, aut alia momentanea, ac leui cerebri turbatione: tunc imperfectius quidem sensus operatur, sensationesq. semper cum aliqua læsione procedunt; sed non determinato aliquo modo, sic potius quàm aliter; neque circa nonnulla peculiariora obiecta, secus ac circa reliqua. Hoc igitur facit habitus, qui, vt docet Aristoteles lib. 2. Eudemiorum cap. 4. determinat, & inclinât potentiam ad modum operandi, ac sæpe etiam

etiam ad particularia quædam objecta; vt facilius circa illa versetur. Cum itaque deprauatæ sensationes, quas in stultitate, stultitia, & infania obseruamus, peculiarem ac determinatum sibi vendicent procedendi modum, ac sæpe objecta etiam sibi determinent, in eaque peculiari quadam propensione ferantur; sequitur vt præter indispositionem organi, quæ communiter retardat ac vitiat actiones, peculiarem concedamus habitum in ipso sensu interiori deprauantem hoc, vel illo modo ipsas sensationes.

Secundo id ipsum probatur, quia nonnulli licet meritò dicantur insani, eo quod deprauatam habeant opinionem de aliquo circa quod impensè, ac irrationabiliter versantur, vt quidam famulus, qui se Regem putabat, aut alius, Thrasylaus nomine, qui vt refert Athenæus, omnes naues, quæ in Pyreum portum appellebant, suas esse recensebat, nautas soluere præcipiebat, redeuntibus non aliter gratulabatur, quam si omnium rerum, quibus onustæ erant, dominus esset: nihilominus rectè de cæteris omnibus iudicant, subtilissimè de rebus arduis ratiocinantur, ac tenaciter de præteritis recordantur, quæ sanè absque apta cerebri temperie, ac dispositione obiri non possent. Indicium est igitur potius illam insaniam consistere in aliqua affectione potentiæ sensitivæ, qua perperam in eo genere iudicando, in falsam, ac firmam opinionem etiam intellectus circa illud dilabitur. Nihil enim prohibet per nimiam frequentationem actuum, circa idem, ac per easdem species crebrius inculcatas, affectionem aliquam, seu habitum oriri in ipsa potentia sensitiva; imò per vehementem quoque impressionem imaginis, quæ semel inciderit, idem posse contingere, cum semè dimoueri non possit, & cogatur potentia intueri id quod per species pulsantes animum representatur; vnde assiduo intuitu allucinetur obtutus, ipsaq. potentia tanquam à vehemente sensibili necessario afficiatur, vt aliter de illo quasi nequeat iudicare. Id quod etiam obseruari potest in ijs, qui amore capti sapius insanescunt. Siquidem nulla mutatione facta in organo, ob solam affectus exuberantiam videmus

eòs, propensione maxima teneri ad assidue cogitandum de obiecto, quod cupiunt, aut diligunt. Incoercitus enim furor easdem semper eis imagines obuersat.

*Lucret. lib. 4.  
non sene à fine.*

*Nam si abest quod ames, presto simulacra tamen sunt  
Illius, & nomen dulce obuersatur ad auris.*

Cumque omnis determinatio assidua circa vnum, tollat indifferentiam, vel facilitatem, quam circa reliqua habere debet potentia, vt omnia rectè diiudicet: hinc fit, vt nimis circa vnum versando, valde circa reliqua ipsi experiantur deficere, ac passim in falsas opiniones prolabantur, quibus postea fit habitus, quem vocamus insaniam.

*Plutarch. de  
clavis mulier. 28*

Terrio idem probatur, quia plures insani sanati sunt, & quotidie alij à vesania sanantur, nulla alteratione facta in cerebro, in quo medicinæ locus non est, cum non sit læsio; sed sola suasionem veritatis, & cognitionem deceptionis, quæ tenebantur. Nec ad aliud illis incutitur dolor per verbera, aut metus per minas, nisi, vt attendant, & attendendo verum à falso discernant, deceptionemq. percipiant, à qua postea auertantur. Quare innumeros quotidie verberibus pro medicina constat sanari. Et Milesius quandoque virginis, vt refert Plutarchus ab immani illo furore, quo percitæ passim tota vrbe laqueo se suspendebant, nullum aliud ex multis adhibitis liberare potuit remedium, cum etiam causa penitus lateret, nisi publicum decretum, vt virginum, quæ sibi ipsis mortem conscissent, per medium forum nuda cadauera efferrentur. Nam ignominie metus fanaticam illam opinionem, ac propensionem arcebat. Insuper quidam cui persuasum erat nasum sibi excreuisse tanquam Elephantis proboscidem, sola Medici industria ac dexteritate sanatus est. Nam longum farcimen naribus admonuit, arreptaq. nouacula, apprehensa, nonnulla cutis parte, imaginarium nasum ab eo auulsit. Ex quibus, inferitur, insanias huiusmodi, non tam ex cerebri intemperie, quàm ex habitu quodam prauarum imaginationum, ac opinionum ortas fuisse; qui habitus per actus contrarios postea euangerit; ipsosq. actus contrarios elicitos fuisse, vel per attentionem quandam

dam vehementem ortam ex dolore, aut metu incusso, vel ex amicorum suasionem, aut alia industria.

His ergo ita constitutis, reliquum est videre quo pacto præfata passiones inter se, & ab hebetudine distinguantur; tum qua ratione naturales dicantur. Qua in re dicendum primò est in hoc fatuitatem, stultitiam, insaniam, & similia, convenire, ut omnes non nisi vitiosum habitum, pravamq. mobilitatem sensus interioris significant ex qua, ut ait Galenus, pravius quidam erransq. motus procedit, seu læsa, quædam imaginatio, quam Græci παρασπονδία, seu delirium vocant. Græcè enim παρασπονδία desipientiam, ac mentis alienationem significat, vel etiam imprudentiam: quasi παρασπονδία; hoc est præter prudentiam: vel certè deducta, significatione à verbo παρασπονδία, quod est præter rem, & id quod licet, sapio. Nam σπονδία idem est ac prudentem reddo; παρα vero idem ac præter. Quoniam vero huiusmodi pravius erransq. motus imaginatiuæ, siue etiam intellectiuæ potentia, nempe ipse actus desipiendi, qui dicitur delirium, vel semper reperitur in quibusdam hominibus, vel tantum ad tempus; item vel cum aliquo corporis morbo, vel absque morbo: Et vel circa omnia, vel solum circa agibilia potest versari: Idcirco deinde dicimus, quòd si semper, & absque morbo, ac circa omnia versetur, eius habitus vocatur fatuitas, stoliditas, & ineptia; si verò tantum circa agibilia, tunc dicitur imprudentia, atque stultitia. Quo sensu dixit Aristoteles: Imprudentia proprium esse, iudicare peruersè de rebus, deliberare perperam, & in falsam adduci opinionem de ijs, quæ ad vitam sunt bona. Quibus omnino explicatur stultitia, quæ non nisi circa mores attenditur. Vnde leuius est, stultum esse, quam fatuum: Si denique cum febris delirium obuenerit, eius habitus dicitur phrenyxis; si verò absque febris, vocatur insania, Græcè autem μανία, ut Galenus aduertit, quod si grauior diuturniorq. sit mentis alienatio dicitur etiam furor, quæ adhuc vltius in plures species distinguuntur ratione humorum, atque causarum, ex quibus habitus ipsi proneniunt; sed illas hic percensere superuacuum

*De symptom. differentijs cap. 3.*

*In libello de virtutibus.*

*Lib. 2. de sympt. caus. cap. 7.*

neum esset, cum non sint nisi differentie accidentales, vel denominationes extrinsecæ. Omnes enim quoad essentiam conueniunt in hoc, quod est esse mentis, aut sensus interni agrotationes quasdam, ac prauas dispositiones magis, aut minus circa plura, vel pauciora deterius inclinantes contra rectam rationem. Nam sicut prudentia, ac sapientia sanitas est animi, ut ait Cicero, ita omnis insipientia, insanitas quædam est, & agritudo animi, quæ dicitur fatuitas, stulticia, dementia, siue insania iuxta accidentales differentias, quas explicuimus. Ex quibus apparet, nec dormientes, nec ebrios, nec pueros, nec valde senes, quando ut tales minus mente valent, dicendos esse fatuos, stultos, vel insanos; siquidem ipsi non sensus, sed organi passionem aliquam, seu indispositionem sustinent propter quam non rectè operantur. Et eodem pacto sæpe se habent phrenetici.

Iam verò ulterius dicimus huiusmodi habitus realiter, & essentialiter differre ab hebetudine. Quod inde potest constare; Nam sicut alius est diminutus, infirmusq. motus, alius verò prauus, ut docet Galenus: ita alius est habitus, quo inclinatur potentia tanquam per obrusitatem quandam ad diminutas sensationes eliciendas; alius verò, quo inclinatur ad perperam, ac perversè sentiendum, etiamsi acutè circa proposita sensus ipse versetur; cum tota prauitas attendatur ex falsitate, & inconformitate cognitionis cum recta ratione. Vnde hebes opponitur acuto; fatuus verò, siue stultus, atque insanus, opponitur sano mentis, siue prudenti.

Dicitur autem huiusmodi mala dispositio fatuitatis, siue stoliditatis, naturalis quidem in certo gradu non nullis animantibus, ut quæ ex genere suo stolidæ, vel imprudentiora ab Aristotele sapius appellantur; præternaturalis verò hominibus, cæterisque perfectioribus; Nisi dicamus cunctis quidem animantibus naturales esse omnes habitus explicatos secundum aliquam partem, nempe tam perspicaciam, & prudentiam, quàm etiam hebetudinem, ac fatuitatem; sumi verò denominationem ab exuperantia vniuscuiusque contrariorum. Quod præclarè probari potest ex doctrina

*Ruscul. quæst.  
lib. 3. non longe  
ab initio.*

*De sympt. differe-  
rentijs cap. 3.*

Aristotelis, ubi ipse post enumerationem multorum animi affectuum, sibi inuicem oppugnantium, sic ait. Affectus igitur tam isti, quam illi superius explicati paulisper quidem consistere in omnibus solent. Omnes enim aliquid illius materię, facultatisque, sibi in terminum proculdubio continent: sed quibus alit̃, ampliterq; constiterint, ij iam morum qualitate quadam notescunt, & nominantur. Vt enim specie inter se distant (scilicet homines) non quia faciem habent, sed quia faciem talem, alij pulchram, alij turpem: & qui nihil superuacui gerunt, ij statuta sunt forma: sic etiam qui leuiter habitu illo constant, ij medium tenent; qui plenē, ij iam dissimiles multitudini euadunt: hæc ille. Iuxta, quæ dici potest omnibus quidem aliquid admixtum esse dementię, sicut hebetudinis, perspicacitatis, atque prudentię; denominari tamen fatuum omnino atque dementem, qui nimirum maximē tali qualitate tenetur, sicut contra, prudentem, qui propensius circa vtilia absque errore versatur.

Ex quibus omnibus patere potest responsio ad rationes in contrarium dubitandi superius adductas; concedendo scilicet quod ex illis tanquam varijs experimentis, ac testimonijs probatur; nempe sensum interiorem sola cerebri indispotione, aut alteratione sæpissimē delirare; ac perversē de rebus plurimis iudicare, vt in ebrietate, somno, pueritiā, phrenitide, ac atrę bilis commotione: negando tamen quod ex hoc non detur habitus distinctus, ipsaq; in potentia receptus ad hoc, vel illo modo delirandum; aut circa hæc, vel illa obiecta potius quā alia, ita vel aliter operandum; cum aliud sit impedimentum organi ad rectē operandum circa sensibilia quæcumque, vt in omni sensus alligatione contingit, quæ paululum durat, ac faciliē dissoluitur: aliud verō sit affectio, ac propensio potentię ad determinatum modum, perversē operandi cum aliqua persistentiā; quod sanē etiam absque cerebri alteratione experitur; vt supra explicauimus. Quod si ex certa quadam temperie, humorumque combinatione videamus quandoque, & ingenia diuersa creari, ac deliria

deliria quamplura, vel insanias persistenter induci, vt ex Aristotele afferebatur; imò per contrarias dispositiones videamus ipsas insanias frequenter sanari: hoc non tollit ipsum habitum necessariò dari tanquam formam, seu qualitatem, qua sensus formaliter constituitur talis, ac tanquam proximum, & specificatiuum; seu determinatiuum principium ad sic, & non aliter operandum. Nam sensus cum ex se sit indifferens ad hanc, vel illam aptitudinem, ineptitudinem, aut insaniam; nec possit quoad suam propriam entitatem iuxta varias organi, seu subiecti dispositiones diuersificari; immutatur tantum quoad præfatas passiones, quibus proximè constituitur huius, vel illius habilitatis iuxta exuperantiam explicatam. Vnde præter causam dispositiuam in organo, dari debet aptitudo potentiae ex eadem causa, proueniens, qua immediatè determinatur, & inclinatur ad sic, & non aliter operandum. Quapropter cum Aristoteles loco in contrarium allegato, docet causam tam variae potestatis sensus interioris, esse atram bilem, prout calidam, & frigida esse potest &c. intelligendus est de causa dispositiua, quæ est in organo; non autem de causa formali, quæ est in ipsa potentia interius sensitiua. Quod ex eo quoque potest constare; nam cum dixisset, homines, qui ingenio clauerunt, malenolicos omnes fuisse, adijcit, adeo vt aliqui in insaniam proruperint, & alij in morbos varios inciderint, vel si apte natura in eos ipsos affectus perspicuè vergant. Quibus ostendit, aliud esse ipsum temperamentum corporis, vel organi; aliud verò affectionem potentiae, quæ ex illa nascitur tanquam passio consequens dispositionem subiecti, in quo operatur potentia.

Vbi notandum etiam occurrit semper cum dispositione organi coniungi exercitationem potentiae in eodem genere actuum, ad quos dicitur subiectum dispositum; quo fit, vt frequentatis actibus generetur habitus, ac propensio ad idem, ad quod aptatur potentia ex parte subiecti. Nam multi vitij atræ bilis aliquando infestati, quibus tenebrosas veluti imagines cogeantur elicere, ac non nisi circa in-



conuenientia versari cum sollicitudine, atque mœstitia; deinceps etiam si conualuerint, cessante illa infestatione, atque temperie, adhuc similes actus consueuerunt promere: contracto scilicet habitu ex actibus, ac frequentatione præterita. Quare multò magis qui in eadem organi, & corporis dispositione sunt nati, ac iugiter perseverant, similes actus, ad quos organum coaptatur, elicient, crebrisq. actibus habitum generant, aut intendunt.

*De somno, & Vigilia. Cap. VI.*

**A**M verò cum de passionibus sensus interioris in vniuersum hic sermonem instituerimus, videndum superest, num somnus, & vigilia sint pariter veræ, ac propriæ passionibus eiusdem potentia, sicut superius explicatæ; an verò denominatione quadam solummodo tales dicantur. Ac primum planè assertuisse videtur Philosophus in proprio opusculo, quod de illis inscripsit, cum cap. 1. somnum vocat passionem sensitiuæ particulæ, vinculum, & immobilitatem quandam: solutionem autem remissionemque, vigiliam. Et cap. 2. & 3. cum somnum & vigiliam, passionem esse ait primi, ac principalis sensorij, siue quo animal sentit omnia. Porro suaderi etiam potest ex eo; nam cum sensus interior ex se indifferens sit ad dormiendum, aut vigilandum, determinari debet peculiari aliqua proprietate pro conditione animalis, cuius constituitur facultas, ac pro temporum, ac vitæ illius opportunitate ad operandum cum opus fuerit, vel desistendum ab operatione, quam simul cum sensibus externis exercet. Vt vicissitudo somni, ac vigiliæ non extrinsecis tantum causis quasi fortuitò, sed intrinsecè præsertim naturæ ipsius facultatis sentientis, seu proprietati cuiusdam illius meritò tribuatur. Quam rationem Auerroem tetigisse comperimus, cum munus hoc vigilandi, ac dormiendi, quo vita animalis vicissim traducitur, ac tanti momenti esse perhi-

perhibetur, nequaquam extrinsecæ, & accidentariæ organi expeditioni, aut obumbrationi per exhalationem alimenti, sed certæ facultatis reëctricis naturæ, seu proprietati demandari consentaneum esse dicat. Id quod confirmari adhuc potest, quia constat non obstante ciborum exhalatione, aut membrorum lassitudine somnum alliciente, sæpe animalia, ac præsertim homines: ob validam apprehensionem sensus interioris aliò diuertentem, ac dirigentem facultates animales, vigilare, & excubare: contra verò nulla causa dispositiua soporem conciliante pro arbitrio ad tuendam vitam ipsius animalis, aut solo silentio, in tenebris, somno locum dare. Ex quo arguitur, somnum, & vigiliam esse naturales, ac genuinas affectiones ipsius sensus interioris, naturam comitantes, ab eoque primò ac principaliter in actum procedentes, ac emanantes, siue media reuocatione, & effusione spirituum animalium, siue alio medio, de quo postea dicetur.

Accedit, quod in statu innocentiae absque dubio homines quandoque ocium cepissent, ac dormiuissent, vt affirmat S. Thomas: sed tunc somnus adscribi non potuisset animi, aut virium defectioni, nec sensorij communis alligationi, quæ omnia dicunt imperfectionem repugnantem illi statui foelicissimo, in quo homines vitam traducerent: Ergo remanet vt somnus, sicut & vigilia, proprietates quædam, sint consequentes naturam, & essentiam ipsius potentiae interioris sensitiuæ, quæ nata est modò cum sensibus externis, modo verò sine illis operari, & aliquando omnino quiescere.

Sed vt planius, quid in hac re sentiendum sit, stabiliamus, præmittenda erunt aliqua de ipso somno, & vigilia magis nota, & communi iam omnium sententia recepta:

Primò igitur supponimus, in somno naturaliter quiescere, ac ligari sensus omnes externos ad vitæ animalis commoditatem, atque incolumitatem; sensum verò interiorem non necessariò ligari, nisi quoad illas operationes, quas vnà cum ipsis sensibus externis tenetur obire; licet in profundo, & graui

In 2. dist. 19. q.  
1. art. 3. & 1.  
p. q. 44. art. 4.

gravi sopore, ceteræ quoque omnes eius sensationes, vel penitus, vel magna ex parte impediuntur. Diximus autem, huiusmodi ligationem esse à natura institutam ad vitæ animalis commoditatem, & incolumitatem, vt non quæcumque sensuum impotentia, vel ab operatione abdicatio, somnus diceretur, vt ea, quæ fit per apoplexiam, Caron, Læthargum, Comatæ; aut morbum comitalem, siue etiam animi deliquium & defectionem, vt notat Aristoteles: sed ea dumtaxat, quæ natura sua est instituta ad recreationem spirituum animalium, reintegrationem virium, salutemque, & incolumitatem animalis. Vnde somnus à Cicerone per fugium omnium laborum, ac sollicitudinum vocatur.

*Lib. 2. de diuinat. in suis.*

Secundo verò supponimus, ligationem huiusmodi, aut solutionem in eo consistere, vt queant, vel nequeant sensus operari ministerio spirituum animalium à cerebro ad externa sensoria discurrentium, ita vt ligatio, quæ fit in somno, sit veluti inhibicio quædam, nè spiritus animales è cerebro, tanquam à proprio fonte ad externa sensoria illabantur: solutio verò, quæ est in vigilia, sit permissio liberi transitus, ac immissionis eorundem spirituum. Fieri autem huiusmodi inhibitionem, primò per reuocationem spirituum animalium in commune sensorium, eorumque retentionem in illo; ita vt ipsa anima reuocet, colligatq. spiritus ipsos in cerebrum, ibique aliquantisper ad commodum vitæ, quieremq. animalis retineat, vt eam Auerroe etiam docet Auicenna. Quod ita intelligendum est, vt non omnes prorsus spiritus auocentur, ac reliqua sensoria ab illis omnimodo deferantur. Nam vt hætenus dictum est, semper nerui, ac muscoli spiritus aliquos detinent, quorum ministerio etiam in somnis, licet subobscurè, nonnulli soni audiuntur, ac tactilia multa palpantur. Vnde denum expergiscitur animal cum sensibile quippiam inualuerit. Ideoque rationabile putat Galenus, exiguum virtutis à principio in singulos tum confluere sensus; & profundè quidem, ac non profundè dormire, ex quantitate influentis virtutis contingere, cum tantò minus eius influere sit credibile, quanto somnus est profundior.

*Lib. 2. de simp. caus. cap. 3.*

fundior. Deinde fieri pariter supponimus talem spirituum inhibitionem per obstructionem meatuum, quibus ipsi in externa influunt sensoria, euaporatione ciborum, aut humorum è ventriculo ad cerebrum ascendente, qua & immediate opplentur ipsi meatus neruorum atque venarum, & spiritus ipsi crassescunt, difficilisque propterea committant. Addensantur enim vapores sursum euecti, cerebro refrigerante; ac multiplicati, grauioreque ipsa densatione effecti, suo pondere rursus ima petunt, velut aqua è sublimi, ubi coierit, ac meatus omnes, per quos spiritus animales ad externas partes diffundendi erant, obstrudunt. Quapropter alimenta omnia, quæ plurimum vaporem, ac humiditatem in se continent, somnum facile conciliant, taliaque etiam sunt omnia medicamenta, quæ somnifera dicuntur: contra verò sicca peruigilium causant.

*De somn. & vigi-  
l. c. 1. & 2.*

*ibidem,*

*Lib. 4. de hist. animal. cap. 10.  
Plin. lib. 10. natural. hist. c. 75.  
Plutar. lib. de solertia anim.*

Tertio supponimus somnum, & vigiliam, vicissim competere cunctis animantibus, hoc ipso, quod interius, exteriusque sentiant, ut docet Aristoteles: nam vigilare (inquit) non est aliud, nisi eorum, quæ extrinsecus sunt aliquid sentire, aut eorum, qui in ipso motuum aliquem dormire verò est ab hac operatione ad instaurationem naturæ, aliquando cessare, passione quadam facta in communi sensorio; quia, natura impossibile est, sensum semper sentire. Quorumcumque enim est aliquod opus secundum naturam, ait Aristoteles, quando exceßerint tempus, necesse est deficere. Additque: Si itaque alicuius est opus sentire, & utique excedat tempus quanto erat potens sentire, continuo deficit. Quapropter cuncta animantia videmus nonnunquam quiescere, tam volatilia, quam terrestria, & aquatilia, ut ibidem atque alibi obseruat Aristoteles, & post illum Plinius, Plutarchus, & alij. Quamuis multa aquatilia non adeo in sopore quiescunt, quia saltem caudas placide moueant, secus ac alia, quæ more quadrupedum se sternunt inuaditis, vel per maris alta, supina se deferri patiuntur ab aquis, ut Delphini, & id genus alia.

His positis, dicendum est, somnum, & vigiliam nullo modo

modo esse veras, ac proprias passiones sensus interioris, sed extrinseca tantum relatione tales denominari. Probatur autem primo; nam si somnus, & vigilia sumantur formaliter pro actu dormiendi, ac vigilandi; somnus quidem erit privatio vigiliæ, ut inquit Aristoteles; vigilia verò erit actus sentiendi, quæ sunt extrinsecus, vel quæ in ipso sunt animali, ut idem subnectit. Vel, ut ait Galenus, Vigilia erit intensio animæ à principio ad corporis partes omnes atque particulas. Si autem somnus, & vigilia sumantur tanquam principia, seu tanquam formæ, per quas interior sensus dicatur vigilare, aut dormire; vigilia quippe non erit forma distincta, ac superaddita ipsi sensui ad vigilandum: Nam, sicut vigilare non est diuersum ex natura rei ab ipso sentire, ita neque principium vigilandi à principio sentiendi. Somnus item neque erit quidpiam distinctum ab ipso sensu, eiq. tanquam forma vel passio inhaerens: siquidem quidquid additur potentiæ operatiuæ præsertim tanquam passio illius, debet esse in ordine ad operandum; at ut possit dormire, non est ad operandum, sed quiescendum, ad quod non requiritur principium diuersum à principio operandi; cum eadem natura sit principium motus, & quietis. Ergo somnus, ut sic non est passio sensus ab illo distincta.

Quod si dicatur, somnum ex parte potentiæ dicere principium reuocandi spiritus animales in cerebrum, ac cessandi ab operatione sensationis externæ per modum cuiusdam propensionis ad quiescendum, & ad refectionem naturæ, ut rursus animal melius valeat operari: occurrendum erit cum eo, quod licet spiritus animales distribuuntur per totum corporis habitum, reuocenturque in cerebrum ad nutum, ac directionem sensus interioris; ipsa tamen emissio, ac reuocatio, immediatè non exercetur ab eodem sensu (qui hoc ipso, quòd potentia cognoscitiua est, non nisi cognitionem, nullamq. aliam operationem edere potest) sed exercetur à virtute expulserici, & attractici, ac retentrici, quæ simul residet in cerebro, & pro opportunitate, cum sensus indicaue-rit, vel spiritus ipsos ad sensoria externa vulgataq. dispersit,

vel ad se iterum attrahit, reuocatq. introrsum. Eodē pacto, quo etiam in corde spiritus vitales, quos in membra diffundit, cum opus est, ad se colligit ac tantisper retinet; vt patere potest in vehementi timore cum pallor, ac tremor exoritur, extimos artus deferente spiritu vitali, ac proinde calore. Nec propensio ad quiescendum, refectionemque naturæ, conuenit sensui interiori per aliquam proprietatem, formamque distinctam; aut magis illi, quàm cæteris sensibus, potentijsq. operatiuis; cum ex principio tradito ab Aristotele, ac paulò ante à nobis relato, satis constet, virtutem omnem corpoream naturaliter quandoque ab operatione desistere, ac proinde essentialem includere ordinem ad quietem ex limitatione suæ naturæ defectibilis.

Secundo probatur, quia vinculum, seu ligatio, in qua constituitur somnus, non cadit supra sensum ipsum interio-rem; sed supra sensorium eius commune, seu organum, quod ex parte impeditur; nempe in meatibus, per quos spiritus animales transmittendi essent ad priuata sensoria. Quamobrem nunquam Aristoteles dixit somnum esse ligationem sensus communis, vt falsò nonnulli interpretantur: sed tantum esse vinculum principalis, & communis sensorij, ad quod tendunt alia sensoria, vt vim sentiendi per spiritus inde tanquam ex fonte membratim recipiant. Quod patere potest ex verbis illius, & ex consequentibus, textuq. sermonis in fine capituli secundi præfati opusculi. Extrinsecè igitur se habet huiusmodi vinculum ad ipsam potentiam interius sensitiuam, quæ proinde nullo modo per ipsum vinculum in se afficitur, aut intrinsecè determinatur tanquam per formam in hærentem, ac propriam passionem. Quod si in somno multæ sensationes interiores impediuntur, ac præsertim omnes, quæ vnà cum sensibus externis debent exerceri; hoc planè per accidens extrinsecum dicetur illi conuenire non, secus ac oculo in caliginoso loco existente, multa non posse videre, quæ alias ex se perspicuè ac statim attingeret.

Adieci-mus autem in conclusione, relatione quadam extrinsecà, somnum, & vigiliam passiones sensus interioris denominari;

nominari; nam re vera cum per illa variè sensorium internum afficiatur, ipsum quoque sensum in eo existentem aliquid passionis censetur contrahere modo extrinseco iam explicato. Et hoc sensu Aristoteles, & alij communiter somnum, & vigiliam improprie passiones huius potentia denominarunt.

Ad rationem igitur in principio suadentem ad oppositum respondetur, sensum interiorem natura sua esse determinatum ad vigilandum, hoc ipso, quod potentia sensitiva est; cum idem sit vigilare, ac extrinseca, & intrinseca sentire; eodemq. pacto esse determinatum ad dormiendum, cum quolibet potentia corporea, & operativa, aliquando debeat ab operatione desistere: somnus autem non sit aliud, nisi sensationis externæ ad tempus privatio ex causa prædicta, ad quam concurrere, vel non concurrere sensum interiorem, parum refert ad propositum.

Ad primam verò confirmationem respondetur, reuocationem spirituum, ut probatum est, non à sensu, sed ab alia virtute immediatè exerceri; propensionemq. ad hanc reuocationem, ut resarciatur, quod deperditum est per calorem & operationem, pertinere quasi transcendentaliter ad totam ipsam animalis naturam, non autem ad solum sensum interiorem, tanquam eius proprietatem.

Ad secundam denique confirmationem patet solutio ex eo, quod licet in statu innocentia nulla dabatur passio, quæ corpus à naturali hominis dispositione remoueret, ut virtutis debilitatio, animi deliquium, & similia, quæ ex morbis ingruunt: aliqua tamen fiebat humidi per actionem caloris deperditio, cui subueniendum erat per assumptionem cibi ac potus, ut docet S. Thomas. Quare cibus aderat homini ne esuriret, ac potus ne sitiret, ait Augustinus. Siquidem non minus instaurari, nutrirī, & augeri debuissent corpora humana illo in statu, quàm nunc de facto instaurantur, nutriuntur, & augentur. Nam ea, quæ sunt naturalia homini, ut ait idem S. Thomas, neque subtrahuntur, neque dantur homini per peccatum. Igitur ad eundem effectum conueniebat

2. p. 97. art. 3.

Lib. 14. de Civ. Dei. 26.

Ibid. 9. 98. art. 2.



*De somno. & vi-  
gil. cap. 1.*

niebat homini in illo etiam statu aliquando dormire. Quo-  
niam opus suum facit nutritiua particula, ait Aristoteles, in  
dormiendo magis, quam vigilando; nutriuntur autem, in-  
quit, & augentur tunc magis, tanquam nihil egentia ad hæc  
sensu. Vel etiam dicamus, quia calore per somnum intus  
cum spiritibus vitalibus collectio, opus nutritionis exactius  
perfici valet. Patiebatur insuper à ventriculo leuem aliquam  
euaporationem cerebrum etiam in statu innocentiae ad per-  
fectionem totius naturæ per recreationem, seu refectionem  
suorum spirituum animalium modo, quo diximus, præsertim  
cum nullum sit inconueniens tale impedimentum euapora-  
tionis in organo admittere soporis tempore; cum simile,  
aliud in vigilia admittat S. Thomas in pueris propter ni-  
miam humiditatem cerebri, quam pariter in illo statu ha-  
buisse. Vnde colligit, eos perfectum vsum rationis habitu-  
ros non fuisse, sicut postea adultos, atque in ætate prouecta.  
Quare non aliter philosophandum est de somno, & vigilia in  
statu innocentiae, ac in præsentī, seclusis imperfectionibus,  
quæ in somno contingunt ex nimia euaporatione ciborum,  
aut superfluitate humorum, vi quadam præternaturali, mea-  
tus ac vias à cerebro ad alia sensoria obstruente.

*Ibid. quæst. 1. et 2.  
Art. 2.*

## TRACTATIO SEXTA

De habitibus acquisitis sensus interio-  
ris, eorumq. causis proximis,  
ac remotis.



OST passiones congenitas, explicandæ sunt  
illæ, quæ interiori sensui varijs ex causis, va-  
rijsq. modis obueniunt, vt sunt habitus acqui-  
siti; nam his non minus perficitur, vel immu-  
tatur ipse sensus interior in sua accidentalī  
constitutione, de qua hoc in libro agimus.

*Præter*

*Præter habitus naturales dari etiam in interiori sensu  
plures habitus acquisitos. Cap. I.*



**R**ECENTIORES, qui naturales habitus interiori sensui denegarunt, acquisitos pariter potiori iure negant, saltem in brutis. Et primò quia hæc omnia in suis actibus determinantur omnimodo ex vi obiectorum, prout eis representantur: semper enim naturaliter apprehendunt, vel iudicant per phantasyam, iuxta modum, & qualitatem specierum, quibus eis proponuntur obiecta, siue in presentia, siue in absentia; ergo præter species ipsas, hoc vel illo modo, hæc aut illa obiecta representantes, non datur habitus, quo inclinetur, ac determinetur potentia ad aliquam, præsertim obiecta, vel ad peculiarem aliquem modum cognitionis de illis habendam.

Secundo verò, nam consuetudo, & experientia in his animalibus tantum deferuntur, ut species sic, vel sic representantes, hoc, vel illud obiectum, firmiter adhaereant tanquam sæpius repetitæ; siquidem neque experientia, neque consuetudine determinari possunt belluæ ad aliud, quàm ad id, quod eis naturaliter cum suis circumstantijs representatur; proindeq. nullus concedendus est eis habitus, experientia, aut consuetudine comparatus.

Tertio, nam tota illa promptitudo, quam ad instar cuiusdam habilitatis observamus in brutis, quæ ad nonnullas actiones, more hominum assuescunt; satis intelligitur in sola specierum efficacitate consistere. Nam species quarundam rerum adeo vehementer insident imaginationi eorum propter assiduam doctrinam, ut citius ab illis ipsarum imaginatione exciretur, quàm ab alijs; unde præter illas nullus est habitus necessariò concedendus.

Quarto, nam etiamsi concedantur in interiori sensu non nulli habitus naturales, peculiaris adest ratio negandi ha-

bitus acquisitos . Hi namque maiorem supponunt indeterminationem potentiae ad tales actus , ad quos inclinant , sicut è contra maior est determinatio potentiae ad actus naturales . Quapropter ubi non datur dominium suorum actuum , nec videtur dari posse talis indifferentia , seu indeterminationis potentiae , quae compleatur , ac determinetur per habitum acquisitum ad hos potius , quam ad illos actus .

Verum opposita sententia tenenda est , dicendumque , præter habitus naturales , dari etiam in interiori sensu habitus quosdam usu , & experientia comparatos ; loquendo de habitibus iuxta acceptionem superius explicatam . Ita enim colligitur ex Aristotele non solum consequenter ad ea , quae de habitibus naturalibus sunt allegata ; sed etiam expressè dum docet , consuetudinem esse tanquam naturam , quae mouetur cogitatio nonnunquam aliter , atque aliter , & retrahitur ; cum tamen ijs , quae per consuetudinem sunt , natura non similiter insit . Unde consuetudine paulò ante dixerat consequi inter se plures motus imaginationis , fierique hunc post hunc ; & inde pariter nasci , ut quae sæpè intelligimus , citò reminiscamur . Quae omnia diuersis vocibus , non nisi essentiam habitus , quem usu , & exercitatione imaginationis adipiscimur , etiam aduersarij fatentur innuere . Quare idem Aristoteles supponit in quibusdam animantibus capacitatem disciplinæ , quae certè non est nisi habitus quidam , ipsamque capacitatem distinguit à prudentia naturali , eo quod sint nonnulla animalia prudentia , quae non discunt : Discunt autem ( inquit ) quaecumque una cum memoria audiens quoque sensum habent . Deinde cum dixisset , bruta etiam participare aliquam experientiam , addit , experientiam pene simile quid scientiae , ac arti existere . Itaque apertè concedit in brutis habitum acquisitum . Eademque doctrina colligitur ex Augustino dicente . Videmus immanissimas bestias à maximis voluptatibus abstinere dolorum metu , quod cum in earum consuetudinem vertitur , domita , & mansuetate vocantur . Consuetudo namque sic non differt ab habitu . Proindeque S. Thomas apertè docet , in interioribus viribus

*Tract. præced.  
cap. 1.*

*Cap. 3. de mem.  
& remin.*

*v. metaph. c. 1.*

*Lib. 83. q. 39.  
tom. 4.*

*1. 2. q. 50. art. 3.*

viribus sensitiuis apprehensiuus poni posse aliquos habitus; ac pro se citat, tùm præfatum locum Augustini, tùm etiam illum Aristotelis ubi dicitur, quod consuetudo multum operatur ad bene memorandam. Addit tamen D. Thomas huiusmodi habitus deficere à propria ratione habitus, in quantum, prout sunt in brutis, non subduntur imperio voluntatis, quod, inquit, videtur ad rationem habitus pertinere; loquendo scilicet secundum illam acceptionem habitus in rigore, secundum quam definitur habitus ab Auerroe, ut supra explicuimus de habitibus naturalibus. Quod non tollit, D. Thomam concedere habitus acquisitos iuxta definitionem Aristotelis ibidem allatam tanquam qualitates superadditas ipsi interiori sensui ad facilius, ac promptius operandum. Quam etiam sententiam sequitur Scotus, Ocamus, & Gabriel, cæteri q. nominales communiter.

*De mem. & rati-  
onib. cap. 3.*

*In 3. diffin. 22.  
q. 2.*

Probatur autem conclusio in primis experimento nostrarum imaginationum, quibus diu, vel assidue circa aliquid versando, promptiores ac expeditiores reddimur ad id ipsum, vel simile in posterum concipiendum, aut effingendum. Vnde mechanicis disciplinis tanquam frequentibus, ac ordinatis actibus discendo, plures habilitates à nobis acquiruntur, quæ artes appellari consueverunt, & non nisi interiori sensui principaliter insidere probantur. Deinde probatur simili experimento, quod observamus in brutis, quæ assidua exercitatione, & usu multa facere discunt, ac facilius imaginatione circa illa mouentur, dirigendo simul alias potentias animales; ut quæ artificiosis saltibus incedere assuescunt, aut veluti humanas voces emittere, ac verba proferre demonstrant. Quorum in particulari nonnulla retulimus libro superiori, ut de illo Elephante, qui depræhensus est noctu sua sponte ad Lunam se in gyris, ac institutionibus, quas die apprehendebat, exercens.

*Tract. 4. c. 12.*

A priori denique probatur; nam quotiescumque potentia est indifferens ad varios actus, imo etiam ad repugnantes, saltem quoad modum illos eliciendi; & ob sui imperfectionem non habet ex propria natura vim innatam, ac prom-

ptitudinem sufficientem, vt singulos actus per se solam attingat, & ad illos se vario modo determinet; necessario compleri debet per vim aliquam superadditam, seu qualitatem vsu, & exercitatione adeptam, qua ad tales actus potius quàm alios propendat, ac determinetur in suo modo operandi: & hanc qualitatem vocamus habitum acquisitum; quod inductione patere potest, tam in intellectu, & voluntate, quàm ex communi sententia in ipso etiam appetitu sensitiuo: At potentia interiori sensitiua, vt sæpè diximus, est huiusmodi, vt ex se non habeat sufficientem determinationem in modo operandi circa sua obiecta: Ergo deneganda non est illi capacitas, vt vsu, & exercitatione acquirere possit habitum, qui veluti compleatur, ac determinetur ad varios actus specialiter, ac diuerso modo eliciendos.

Ad argumenta igitur in contrarium suadentia, responderi potest, ad primum, concedendo quidem bruta determinari ad hoc potius, quàm illud sentiendum in indiuiduo ex vi speciei excitatæ representantis obiectum cum suis modis, ac circumstantijs, quæ se tenent ex parte eiusdem obiecti: negando tamen ex vi ipsius imaginis, vel obiecti determinari tanquam ex parte potentiae ad hunc, vel illum modum sentiendi circa eadem obiecta in genere sumpta, abstrahendo ab indiuiduis, prout habitu, sine naturali, siue acquisito, sensum ipsum determinari, ac inclinari docuimus.

Ad secundum respondetur, consuetudinem, & exercitationem non solum efficere, vt species firmitus adhæreant, sed vt potentia facilitatem, ac propensionem acquirat ad vsum earundem specierum, ac modum, quo illæ copulari debent, vel segregari. Vnde illa præsertim exercitatio, & consuetudo inducit habitum; quæ certo, & ordinato modo semper procedit, repetendo scilicet, & inculcando simul easdem imagines, eundemque vsum illarum. Quod cum non fiat absque voluntaria applicatione potentiae; hinc est, vt in rigore non concedatur habitus, nisi in potentijs subditiis imperio voluntatis, vt est sensus internus, & appetitus  
sensi-

sensitiuus in homine. Sed quia adhuc in brutis perfectis applicari, ac dirigi potest imaginatio circa nonnulla, iuxta voluntatem ac rationem hominis dirigentis, siue docentis, fit, ut licet minus propriè, & imperfectius; aliquo tamen modo etiam à brutis habitus acquirantur. Quia licet ab extrinseco principio, & non à se ipsis ordinatè moueantur; omnino tamen ex vniformitate motionis, atque exercitij, eadem, vel similis facilitas relinquitur in posterum operandi.

Quoad tertium, iam patet facilitatem, ac promptitudinem potentie ad hoc, vel illo modo operandum, non in efficacitate specierum, sed in habitu esse constituendam.

Ad quartum respondetur, potentiam per se sumptam, tanquam præcisam ab omni habitu illi adiuncto, non magis esse indeterminatam ad modum operandi, quem fortitur per habitum acquisitum, quàm ad eum, quem sibi vendicat per habitum naturalem, atque innatum: nam æquè indiget qualitate superaddita ad alterutrum; atque adeo non magis requirit dominium suorum actuum per vnâ, atque per alterâ indifferentiam, cui non necessariò ipsum dominium competit, ut paulò ante explicauimus.

*Quo pacto experientia, & exercitatione in interiori sensu habitus generentur, siue ab animalibus acquirantur.*

Cap. II.



RISTOTELES ait multas eiusdem reïmemorias vnius experientie vim efficere: per experientiam autem, artem, & scientiam in hominibus comparari. Statim verò, artem, ait, effici, cum è multis experimentalibus conce-

pibus, vna de similibus vniuersalis opinio fit. Ex quibus primò licet colligere experientiam formaliter consistere in pluribus memorijs, quæ de eadem, vel simili re habentur, eamq. propterea reperiri posse in interiori sensu etiam brutorum animantium, absque tamen collatione similium,

prout

prout videtur inuolui in experientia perfecta potentia rationalis, vt Aristoteles ibidem innuit, cum dixit: Opinari, quod Callia hoc morbo laboranti, hoc conducit, similiter, & Socrati, ac sigillatim alijs multis, esse opus experientia. Et quoniam bruta similitudinem formaliter per comparationem percipere nequeunt, ideo illa parum experientia participare superius dixerat; quia scilicet non nisi materialiter similia apprehendunt, ac interiori sensu experiuntur. Deinde colligitur per ipsam experientiam in interiori sensu, nullum habitum produci posse, qui proprie artis, aut scientia rationem obtineat; siquidem nullam potest sensus abstrahere vniuersalem opinionem de singularibus ex his, quae didicit experientia. Illud igitur videndum superest, quo pacto, & quoniam habitum gignere valeat ipsa experientia in huiusmodi potentia, etiam prout est in brutis animalibus.

Qua in re dicendum videtur, experientiam in interiori sensu efficere verum ac proprium habitum, quo facilius ac promptius circa eadem, & similia obiecta verdetur; non aliter quam crebris ac repetitis actibus se magis ac magis ad idem inclinando, vt in omnibus habitibus intellectualibus acquisitis. Ratio est, quia non minus repetita memoriae, ex quibus constat experientia, quam repetita priores cognitiones vim habent producendi facilitatem ac promptitudinem quandam in potentia circa eadem, vel similia obiecta, quam promptitudinem vocamus habilitatem, seu habitum ad operandum.

Nec obstat, huiusmodi habitum in interiori sensu habere non posse rationem artis, aut scientia; nam etiam in intellectu plures dantur propensiones, & habitus acquisiti, qui nec artis, nec scientia rationem habeat; Et quoniam, vt infra dicemus, formalitas illa, sub qua conueniunt actus artificiosi, & scientifici, multum conferat ad productionem habitus; id tamen, quod formaliter tribuitur ab intellectu, materialiter impenditur ab interiori sensu, dum assuescit circa eadem, vel similia, saepe versari.

Et con-



Et confirmatur, quia multa, quæ homines mera imaginatione interius moliuntur, ut apprehensiva efformatio corporum coelestium iuxta varias orbium figuras, quæ visu minimè percipiuntur: Item vniuersæ cosinographiæ tractus: Nec non & geometricarum dimensionum, ac linearum machinamenta, & similia: difficile quidem in principio, & ante usum huiusmodi apprehensionum effinguntur etiam præceptoris voce, & dilucidatione adiuuante: post usum vero, ac frequentem exercitationem, facillimè hæc omnia ab ipso interiori sensu deinceps obiri constar. Quod certè indicium est, ipsa exercitatione, ac frequentatione actuum, habilitatem quandam circa illa de nouo acquiri; Nam & si intellectus sua directione, & applicatione multum adiunget; negari tamen non potest, facilitatem, aut difficultatem, quæ circa mathematicas, aliasque plures disciplinas quotidie experitur, maiori ex parte in ipsa imaginatione consistere, quæ modo per non usum huiusmodi habilitate caret, modò verò per exercitationem habitum adepta, promptius operatur.

Addendum tamen est, non per quancumque exercitationem habitum generari, sed per illam tantum, quæ ordinem, & conformitatem cum assuetudine in suis actibus habet; nam plures, ac plures actus varij, ac disparati; nullum valent producere habitum, etiam si assidue repetantur: Contra verò, si conformes, aut ordinati sint, tendantq. ad vnum quasi obiectum totale, ac sæpius reiterentur, statim promptitudinem, ac facilitatem præstant deinceps ad operandum. Siquidem ordinata repetitio, ac vniformitas actuum vnit, ac maiorem eddit vim effectiuam, quæ in ipsis reperitur ad productionem habitus. Et hæc fortasse fuit ratio cur à D. Thoma, & alijs non concederentur habitus acquisiti in interiori sensu, nisi prout ille subiaceret imperio rationis, quo applicatur, & mouetur ad ordinatè, ac vniformiter operandum circa nonnulla obiecta cum aliqua assiduitate. Quod in hominibus fit per coniunctionem, quam sensus habet cum intellectu; in belluis verò per applicationem coactam ex metu, vel exhibitam ab aliquo instinctu naturæ; ita ut omnino assue-

assuefactio illarum, ordinem, & vniformitatem sumat ab homine dirigente secundum propriam rationem; licet hæc directio sit omnino extrinseca, nisi sit mera, & casualis imitatio, vt in Psitracis, alijsq. auibus, ac Simijs, quæ multa ex se imitari consueuerunt; & consuetudo in habitum transit circa illas operationes.

*Quo item pacto studium, doctrina, & Magistri dicantur concurrere ad productionem habitus.*

*Cap. III.*



X proximè autem dictis colligi potest quæ etiam ratione studium, & doctrina, item & magistri dicantur concurrere ad productionem habitus, tam in intellectu, quam in sensu interiori; nam studium supra exercitationem, de qua locuti sumus, addit peculiarem quandam attentionem, & applicationem animi circa illud, quod siue mens, siue sensus conatur apprehendere. Vnde Tullius Studium, ait, est assidua, & vehemens animi ad aliquam rem applicata magna cum voluntate occupatio. Cumque attentio, & voluntaria, assiduaq. facultatis applicatio, efficaciores, ac perfectiores pariat cognitiones, ex quibus habitus generatur; sequitur etiam studium secundum suam formalitatem ad productionem habitus concurrere. Etenim assidua, ac vehementi applicatione circa eadem obiecta, non modo species illorum magis, ac magis radican- tur, perfectiusq. adhærent, ac dilucidantur; verum etiam vsu ipsarum crebrescente, facultas quoque magis inclinatur ad eundem usum, nouamque (vt diximus), acquirit habilitatem, ac promptitudinem ad repetitionem similium cognitionum. Vnde rectè colligit Aeneas Silvius, quod, quamuis alium alius præstet ingenio, nemo tamen reperitur, qui nihil sit studio consequutus.

Rursus autem doctrina, seu artibus, ac disciplinis propter

*1. de inuent.*

*Æne. Silu. de  
liberorum edu-  
cat. cap. 2.*

pter ordinationem conceptuum, quam includunt, maximè constat, ingenia expoliri, ac crudiri; ita vt sensus interior mathematicis, verbì gratia, demonstrationibus, & conceptionibus assuetus, promptior, & expeditior, imò & veracior euadat in apprehensionibus figurarum, dimensionumque continui, aut enumeratione corporum discretorum, licet in his omnibus intellectus cooperatione dirigatur, & adiuue-  
tur. Quapropter Plato magnopere laudat numerorum disciplinam, præsertim in pueritia: nam Somnolentos etiam, inquit, & natura rudes exuscitat, & dociles, memores, solertesque facit præter naturam suam diuina arte proficientes. Et Aristoteles: Virtus intellectiua, inquit, vt plurimum ex doctrina habet, & generationem, & incrementum.

De magistris verò non absimilis est ratio; nam quod immediate præstat doctrina à discente concepta, hoc idem doctor, voce mediante, præstare censetur. Siquidem species excitat quamplures in audiente; alias de nouo imprimat, & has, & illas conuenienter disponit, vt perfectam cognitionem pariant, quam pòtea sepius reiterando, habitum sensus acquirit. Quamobrem Aristoteles dicere solebat, tria ad parandam sapientiam potissimum esse necessaria. Naturam, doctrinam, & exercitationem: inuita enim minerua frustra laboratur; rectè discitur à doctis, & exercitatio consummat eruditionem. Vnde magna habenda est delectio præceptorum; nam sicut ad directionem sensus, ac mentis, optimosque habitus adipiscendos aptissime valet præceptoris, ac moderatoris vera, ac perspicua doctrina cum facilitare congruenter exhibita; ita ad peruersas imaginationes, & opiniones, prauosque habitus inducendos multum cooperatur Doctoris inscitia cum falsis dogmatibus, quibus semel imbutus animus, difficile amplius vera potest attingere.

Denique mirum est quanta efficacitate homo in hominem valeat conceptus imprimere, impressosque ad alios eliciendos arte quadam siue naturali, siue acquisita dirigere. Ad hoc enim cuncta dialectica præcepta, ac logicales institutiones

*Dialogo. 5. de  
legibus propè finem.*

*2. Ethic. cap. 4.*

*In Apophægma  
Pauli Manii  
lib. 7.*

tutiones ex vetustissima obseruatione reperiuntur constata.  
 Etenim non secus, ac superior Angelus inferioris intelle-  
 ctum dicitur purgare, & illuminare iuxta communem  
 Theologorum doctrinam cum Dionysio Arcopagita,  
 quæ illuminatio, aut purgatio, vt colligit Diuus Thomas  
 ex eodem Arcopagita, tota consistit in propositione, ac de-  
 claratione veritatis, quam superior Angelus inferiori pro-  
 ponit, ac distinguit in plures conceptus, vt illam accom-  
 modet eius capacitati, & intelligentiæ: ita similiter homo,  
 alterius hominis dicitur intellectum, & imaginationem  
 ab erroribus purgare, & expiare; ac vniuersales, & confu-  
 sos conceptus in particulares aptè diuidendo, dirigere, &  
 illuminare. Quare Sanctus Thomas eam ipsam illumina-  
 tionem Angelorum explicans, exemplum adhibet Docto-  
 rum hominum, qui quod in summa capiunt, multiplici-  
 ter distinguunt, prouidentes capacitati aliorum. Affertq.  
 illud Arcopagitæ. Vnaquæque substantia intellectualis,  
 datam sibi à diuiniore vniformem intelligentiam, prouida  
 virtute diuidit, & multiplicat ad inferioris sursum  
 ductricem analogiam. Quod autem de huius-  
 modi illustratione, seu cooperatione  
 doctorum diximus respectu co-  
 gnitionum actualium,  
 totum intelligen-  
 dum est,  
 postea refundi in ipsas cognitiones  
 habituales, seu habilitates,  
 quæ ex talibus cogni-  
 tionibus oriun-  
 tur.

*De celesti. hier-  
 arch. cap. 3.  
 1. p. 9. 106. nr. 1.*

*De celesti Hier-  
 archia c. 25.*

*Qua ratione in interiori sensu per passiones appetitiuæ  
partis possint habitus generari.*

*Cap. IV.*

**M**IRA insuper obseruatur vis, & efficacia in  
voluntate rationali, atque etiam in appetitu  
sensituiuo, non modo ad attrahendam secum,  
& adhibendam subiectam sibi cognitionem,  
hic, & nunc iuxta suam propensionem: sed  
etiam ad habitualiter immutandam ipsam quoque poten-  
tiam cognoscitiuam. Manifestum est enim, vt docet San-  
ctus Thomas, quod passionem appetitus sensituiui sequatur  
imaginationis apprehensio, & iudicium extinatiuæ, sicut  
dispositionem linguæ sequitur iudicium gustus. Vnde, in-  
quit, videmus quod homines in aliqua passione existentes,  
non facile imaginationem auertunt ab his, circa quæ affi-  
ciuntur. Supra verò probatum est ex eodem D. Thoma,  
assiduitate imaginationis, circa obiecta determinata, diuer-  
sos habitus generari, qui propterea sensum diuersimodè af-  
ficiunt iuxta diuersas affectiones appetitus. Quamobrem  
non solum curæ multæ, & anxietates, sollicitudo, ac mœ-  
stitia, & aliæ huiusmodi causæ morales iuxta doctrinam  
Galenī, plures morbos in cerebro solent efficere, eosque in  
animum transfundere, quorum immediata causa est calida,  
& sicca affectio ex adusto sanguine, nimia facultatum ani-  
malium applicatione, & alijs accidentibus orta: sed præci-  
pue constat hoc ex passionibus amoris, & odij; Etenim  
multi amore, vires ingenij excitare, mentemq. sibi expolire  
caperunt. Alij verò frequentius insanescere consueuerunt,  
vt Philotæ inuidissimo militi Antigonæ amore capto conti-  
gisse narrat Plutarchus. Et multi dementes facti sunt pro-  
pter vxores suas, vt dicitur in Esdra. Quare Nazianzenus  
agens de amore ex intemperantia, inquit, tantam vim ha-  
bet, vt sapientes etiam alioqui viros mentis errore afficiat,  
detc-

p. 2. q. 77. art. 2.

3. de locis af-  
fect. cap. 7.

Lib. 2. de fortu-  
na, seu virtute  
Alexandri.

Lib. 3. cap. 4.  
Orat. in laud.  
Cypriani.

deteriusq. sentire cogat, æquulei petulantis, & indomiti more, rationem secum abripiens. Talesq. propterea viri Phyllocapti nominari solent à Phyllos Græcè, quod est amor Latinè. Et dicitur is insanus amor hæreos, vel hæreofus; quia plus accidit Hærois. Omnino enim amare, & sapere, vix Deo conceditur, vt habetur in senario, qui Senecæ adscribitur.

Plerosque itidem nouimus in commotione iræ, multa fuisse affecutos, quæ aliàs ipsi non assequebantur iuxta illud Iuuenalis:

*Si natura negat, facit indignatio versum.*

Frequentius tamen alios constat ob iram insanescere, vt Cleomedi Astypalæensi euenisse narrat Pausanias. Is enim cum Iecum Eupidaurium interemisset, & eo crimine erepta sibi palma fuisset, quam ex victoria consecutus erat in ludo Olympiaco, animi ægritudine, mentis impotens factus fuit. Item Carolus Sextus Francorum Rex ira vehementer commotus, penitus conuulsa mente, furoreq. percitus est, vt narrat Paulus Aemilius Veronensis.

*Lib. 10. de gestis Francorum.*

*In Timæo non longe à fine.*

Deinde Plato vtramque passionem videlicet amoris, & iræ comprehendens, sic ait: In eo igitur, qui concupiscentiæ, & ambitiosæ iracundiæ affectibus expleadis incumbit, necesse est, opiniones omnes mortales fieri, atque eum, quam maximè fieri potest, mortalem prorsus euadere, cum mortalem naturam pro viribus auxerit. At eum, qui totus discendæ veritatis cupiditate flagrauerit, atque omnem eius operam præcipuè in hoc vno impenderit; necesse est omnino, siquidem veritatem attingat, immortalia, & diuina comprehendere, & quatenus humana natura immortalitatem assequi potest, catenus hunc penitus immortalem euadere: hæc ille. Quibus planè concludit naturam hominis augeri secundum illam partem, cuius affectus, ac propensiones cognitio sequitur; cumque natura in proposito augeri non possit secundum substantiam, aut secundum potentiam, quæ non suscipiunt magis, & minus; remanet, vt augeatur, ac immutetur secundum habitum, mortalia, vel immor-

immortalia concupiscendo, ac meditando, maioremq. circa illa habilitatem, ac promptitudinem assequendo.

Erit autem, vt nimia passione appetitiuæ partis in animali, cognoscitiua etiam interius immutetur, tum quia rapit secum cupiditas cognitionem, moresq. illius assidue, & vehementer exagitat, ac dum continuata applicatione intensissimæ, ac frequētes cognitiones eliciuntur; illæ ad productionem habitus, ac immutationem potentiæ plurimum valent: tum etiam quia ex vehementia, ac frequentatione phantasmatum, ipsum quoque organum immutatur, ac instrumenta omnia quasi ad illud dumtaxat deferuiunt, ad quod voluntariè destinantur. Siquidem species eadem iterum atq; iterum inculcantur, spiritus non nisi ad tales imagines conuocantur, cerebrum non nisi in his functionibus incalescit, ac denique omnia in vnum videntur conspirasse, in quod affectus vehementer procumbit. Vnde sensus ipse interius resedens, crebris sensationibus actus, instrumentorumq. ad idem facile deferuientibus, necessario inclinatur ad ea ipsa propensius dignoscenda, quæ appetitus respuit, vel exoptat.

Diximus autem ex ytraque causa quandoque bonum, quandoque prauum habitum in ipsa potentia generari; nam primò ex parte operationum, frequētia, & efficacia sensationum ex applicatione voluntatis, præsertim si naturalem modum non excedat, competentem vt plurimum habitum gignere consuevit, aptamq. promptitudinem ad operandum circa illa obiecta. Aliquando verò maximè si modum excedat, intensissimum habitum generat circa eadem determinata obiecta; ex quo fit, vt sensus ipse impotens penè circa reliqua inueniatur propter impedimentum subministrationis aliorum, & ratione limitationis potentiæ, vt hætenus explicuimus. Deinde similiter ex parte organi solet contingere; nam quandoque homo vires exercitio auget, exuperantem in cerebro humiditatem exsiccatur, calorem excitat, aptioremq. sibi dispositionem comparat ad operandum. Interdum verò nimia facultatis applicatione aptam temperiem dissoluit, nimium calorem accendit, subtiles humores resoluit, totamq.



Cap. 3. tract. 4.  
cap. 22.

sedem peruertit, indeq. prauum habitum ad operandum, circa omnia contrahit. Ait enim Auicenna differens de yllisci, seu xgritudine, quam quis propter amorem incurrit, desiderium incitare cogitationem amantis tantò magis, quantò minus consequitur id quod cupit; & tunc fortius tam appetitum, quam cogitationem ardescere. Quo fit, vt sicca vehementer temperies in organo imprimatur, vt ibidem notant expositores Gentiles Fulginatis, & Iacobus de partibus. Et mirabile est, concludit Auicenna, quomodo natura obediat meditationibus, cum scilicet ad motionem, mentis; virtutes corporis componantur, seu bene, ac malè disponantur. Eademq. ratio est de odio, & ira; nam vt præclare docuit Hippocrates, si aquæ vis ab igne superetur, nempe si corpus valde biliosum, iracundumq. fuerit, ad insaniam adigitur. Et rursus alibi: Tumulentia, inquit, ira, desipientiam parit.

Lib. 1. de Dieta  
n. 37.

Lib. de flatibus.  
n. 20.

*De necessitudine, ac familiaritate, qua diuersi habitus acquiruntur. Cap. V.*



LTERRIVS autem discurrendo per singulas causas etiam remotas prædictorum habituum, minimè aspernenda est illa, quam in hominum, siue amicorum consuetudine, ac familiaritate Philosophi omnes, præsertim morales constituunt. Assidua enim consortia, familiaresq. necessitudines animum iugiter pulsant, & quasi inculcatas formulas, ac repetita exemplaria mores exhibent, transfunduntq. in proximum, quem propterea aut virtutibus ornant, aut vitijs deprauant. Vnde ait Cassiodorus, quantum proficimus cum rectis, tantum deteriores nouimus esse cum pessimis.

De anima cap.  
9. tom. 1.

Etenim quod ad cognitionē attinet, præstantiam virorum necessitudine, & quotidiano colloquio, quasi nouo semper lumine homo interius illustratur, accenditur sensus, mensq. flagrat exemplo, ac facili negotio alienis directionibus, ac industrijs

industrijs eruditur; magisq. etiam inter facietias, ac fami-  
 liares sermocinationes, imprimuntur præcepta doctissimo-  
 rum: ac dum quotidiana consuetudine illos imitando, in  
 optimis ac præclaris imaginationibus, & opinionibus se  
 exercet, optimum acquirit habitum interius sentiendi, &  
 opinandi. Ideoque merito Seneca affirmabat, non tam va-  
 letudini prodesse vtilem regionem, & salubrius cœlum,  
 quàm animis parum firmis in meliorum turba versari. Sicut  
 è contra dixerat, malorum exempla, prauasq. consuetudi-  
 nes, veluti contagiones, imprudentium animos, mentesq.  
 contaminare. Sumuntur enim, ait, à conuersantibus mores,  
 & vt quædam ad contactus corporis vitia transiliunt, ita  
 animus mala sua proximis tradit. Et Plato loquendo de  
 morbis animæ, qui propter ineptitudinem corporis obue-  
 niunt, inter quos connumerat hebetudinem, & obliuionem,  
 adiungit: Sape etiam ad prauum hunc corporaturæ, & affe-  
 ctionis habitum, accedunt mores Ciuitatis iniqui, sermo-  
 nesque, & priuati, & publici non parum omnino noxii.

Cæterum, quæ de doctrina, & magistris superius dicta  
 sunt, eadem de omni conuersantium assidua confabulatione  
 dici possunt. Siquidem non minus amicorum dictis, & exem-  
 plis, quàm præceptorum dogmatibus suadentur homines ad  
 sic, vel aliter sentiendum de rebus, quæ non nisi imaginatio-  
 ne, aut coniectura percipiuntur. Fidesq. humana orta ab ex-  
 timatione, quæ habetur de veracitate testantis, plurimum  
 valet ad imprimendas habituales opiniones de rebus, siue  
 veras, siue falsas. Quare sicut ingeniosorum dicta præclara  
 imaginationes, ac opiniones aliorum videntur disponere,  
 ac rectificare, ita hebetum, ac inferiorum ineptiæ eas  
 confundere, & quasi distorquere censentur,  
 præsertim in adolescentibus, ijsq. omni-  
 bus, qui aliorum dictis, & opinio-  
 bus naturali quadam pro-  
 pensione adhæ-  
 rent.

*De statu, & professione, ubi etiam de legibus, & fortuna. Cap. V l.*



**D**E M V M ex eadem doctrina consequitur, status hominum, ac professiones magnoperè sensus interioris ingenijq. aptitudinem immutare, variosq. habitus frequenter inducere. Constat enim innumeros viros alioquì non multum sagaces, aut acutos, artibus, ac disciplinis, vel negotiationibus ac lucris ex voluntario instituto, aut ex necessitate semper intentos, perspicuum sibi ingenium comparare. Alios verò bonorum copia, curas omnes, ac studia parvipendentes, ac in delitijs constitutos, cum pinguiori fortuna pinguem sibi pariter mineruam efficere, hebetioresq. indies euadere. Quandoquidem nimia delitiarum, voluptatumq. illecebrarum, necnon & solum otium, robor exsoluit, acumen impinguat, mentemq. totam submittit. Vnde sapientia non inuenitur in terra suauiter viuentium dixit sapientissimus Iob. Quod & meri naturales intellexerunt. Nam Plato escam malorum appellat voluptatem. Seneca verò: nihil esse, ait, tam mortiferum ingenijs, quàm luxuriam. Et Plutarchus, corrumpunt, ait, blandarum voluptates omne robor animi, indolemque virtutis, ingenium labefactant, consilium eripiunt. Sicut è contra, labor & assidua exercitatio in his, qui aduersa fortuna, arumnis, & calamitatibus iactantur, mentem acuit, lumenque ingerit; nam corpus pariter, & imaginationem exagitando, cerebrum à superfluitatibus purgat, sensum nouarum rerum imaginibus foecundat, memoriam firmat, amplioremque reddit capacitatem, & habilitatem ad operandum. Id quod in sacris paginis Isaias expressit, cum dixit: Vexatio dat intellectum. Ex quo fortasse sumpsit illud Nazianzenus: Ingeniosus, & industrius esse solet quisquis diuexatur. Quamuis nonnunquam seruitute, aut legum multitudine animi pressi, & Hippocrates animaduertit, saepe

*Cap. 17.*

*In Timaeo circa medium.*

*In proem. lib. 1. controuers.*

*In vita Anibal.*

*lib. 1.*

*Cap. 29.*

*Orat. in Laud. Cypriani.*

*Lib. de aere, locis, & aquis c. 7.*

sepe robur, ac solertiam perdere, timoremq. potius, ac fo-  
cordiam sibi comparare consueverunt. Quod quidem Græ-  
cia vniuersa inter prouincias, ingeniorum bonarumque ar-  
tium, ac scientiarum inclyta mater, propria iactura compro-  
bat manifestè: Nam cum iam pridem orbem vniuersum ar-  
tis, ac litteris decoraret, nunc miserabili Turcarum serui-  
tute depressa, nec talia, vt olim, ingenia profert, nec ge-  
nita nutrit. Secus ac aliæ Prouinciæ, vbi homines suo iure  
vuentes, ac litteras, armaq. proficentes, magnum cum  
honoribus cognitionis, ac solertiæ incrementum reportant.

Denique idem plena inductione discurrendo per singu-  
los hominum status sufficientissimè comprobatur, cum ne-  
mo sit, qui ignoret, quàm egregium ac prudens ingenium,  
sibi tot Regum, ac Principum comparauerit multitudo, solo  
gubernandi vsu, & exercitio, rerumque maximarum expe-  
rientia: Nec latet quemquam, quàm citò multorum sapien-  
tiam, eminentemque prudentiam aduersa fortuna deiece-  
rit. Et vt paucis multa complectar, satis nota sunt omnibus,  
Ducum in bello solertia, animiq. dexteritas ex muneris con-  
tinuata exercitatione adepta: Procerum, ac nobilium hu-  
manitas, magnitudoq. animi ex eorundem apta educatione  
cum sanguine, naturali quodam iure, ac fœdere orta: Do-  
ctorum, & Philosophorum perspicacitas, ac ratiocinandi  
proprietas ex maturitate cognitionis proueniens: Paupe-  
rum, mercatorumq. industria, necessitatem, vel cu-  
piditatem, vt plurimum consequens: Patrum-  
familias vigilans prouidentia, & aliæ alio-  
rum ingeniorum proprietates, ac præ-  
stantiæ ratione status, fortuna,  
aut conditionis frequen-  
tius ortæ.

## TRACTATIO SEPTIMA

De effectibus habitus, & operationes  
sensus interioris consequentibus.

**I**ANDEM post' explicationem passionum, habituumq. huius potentia, cum de operationibus eiusdem in principio determinatum fuerit, vt eam per actus, & obiecta iuxta doctrinam Aristotelis specificaremus: nunc de effectibus agendum superest, qui ex ipsis passionibus, & operationibus in animalibus oriuntur, vt omnis de natura intimi sensus tam quoad essentialem, quam, quoad accidentalem constitutionem tractatio absoluat.

*De motione appetitus sensitui. Cap. I.*

**I**NSVM interiorem suis sensationibus appetitum sensituum mouere, atque assidua, & vniformi obiectorum propositione ex habitu in ipso sensu existente, habitualiter etiam appetitum ad illa perferri, nulli vnquam dubium fuit, aut certè esse potest cum aliquo fundamento. Etenim vt ait Aristoteles, loquendo de motu animalium in opusculo, quod de eo inscripsit: Instrumentarias partes, passiones aptè parant: appetitus autem passiones: appetitum autem imaginatio: hæc autem fit, aut per intellectionem, aut per sensum. Quare in fine capituli præcedentis dixerat, ad motum, & operationem animalia impelli, existente vltima, quidem causa ipsius moueri appetitu: hoc autem factò, aut per sensum, aut per imaginationem, & intellectionem.

*De motu animal. cap. 3.*

*1. p. q. 81. art. 3.*

Iuxta quæ S. Thomas docet appetitum sensituum in alijs quidem animalibus natum esse moueri ab extimatiua, virtute

virtute, loco autem æstimationis virtutis esse in homine vim cogitativam. Et in responsione ad secundum rursus ait. Natus est enim moveri appetitus sensitivus non solum ab æstimatione in alijs animalibus, & cogitativa in homine: sed etiam ab imaginativa, & sensu. Et docet, quod sicut ex iudicio rationis voluntas movetur ad aliquid secundum rationem, ita etiam ex apprehensione sensus, appetitus sensitivus in aliquid inclinatur. 2. 2. q. 75. ar. 2.

Causa verò cur huiusmodi appetitus moveatur ab apprehensione sensus, explicari potest ex doctrina eiusdem Divi Thomæ. Nam hoc differt appetitus elicitus, nempe sensitivus, aut rationalis; qui dicitur voluntas, ab appetitu naturali; quòd appetitus naturalis semper tendit, & inclinatur in bonum reale, seu in formam realiter in natura existentem, ut appetitus materiæ in formam substantialem, aut gravis ad tendendum deorsum: appetitus verò elicitus non tendit nisi in formam, aut bonum apprehensum: nam ut inquit S. Thomas loco citato, ad hoc quòd voluntas in aliquid tendat, non requiritur, quòd sit bonum in rei veritate; sed quòd apprehendatur sub ratione boni, & propter hoc Philosophus docet, quòd finis est bonum, vel apprensibile bonum. 2. Phys. text. 31. Et in opusculo de motu animalium cap. 3. loquendo de fine, seu bono, cuius gratia moventur ipsa animalia, ait: Oportet autem ponere, & apprensibile bonum, boni locum habere. Cum igitur omnis apprensibile boni in animalibus, constituitur in representatione, & apprehensione sensus interioris operantis, siue per solam imaginationem, aut memoriam, siue etiam cum sensu aliquo exteriori; hinc fit, ut appetitus sensitivus moveatur ab apprehensione sensus interioris, tanquam à forma, in qua proprium proprium bonum apprensibile; Atque id intelligendum est fieri, non quidem per representationem bonitatis formalis, ut suo loco dictum, ac probatum est; sed per solam representationem materialis obiecti, quòd talis naturæ est, ac dicitur bonum. Quandoquidem imaginatio, & intellectio, rerum habent virtu-

*De motu ani-  
mal. cap. 5.*

tem, ait Aristoteles: Vnde sicut bonum realiter mouet, & allicit appetitum naturalem per naturalem suam entitatem, ita bonum materialiter apprehensum, seu materialis apprehensio, & representatio boni, quæ fit in sensu, mouet & allicit appetitum elicatum, ac sensitium absque representatione formalis bonitatis illius, quæ percipi non potest nisi ab intellectu.

Quando verò hæc representatio fit ex habitu existente, in ipso sensu, diximus appetitum etiam habitualiter moueri ad eadem obiecta. Nam frequentatis actibus cognitionis, frequentantur etiam actus ipsius appetitus, qui cum uniformiter tendant ad eadem obiecta, habitum etiam gignunt in ipsa potentia appetente, quæ deinceps facilius, & ac promptius nouos alios elicit actus, & appetitiones circa illa. Vnde multi habitus ab Aristotele ponuntur in potentia appetente consequentes habitus, qui sunt in potentia cognoscente; vt sunt habitus virtutum moralium, qui consequuntur habitum prudentiæ; adeo vt veteres Philosophi cum Socrate, omnes virtutes morales, prudentias esse dicerent, eo quod non sine prudentia esse possent, vt explicat Aristoteles, qui per virtutes morales intelligit habitus, qui sunt in potentia appetente, vt patet ex lib. 1. Ethicorum, cap. 13. in fine, & in princ. lib. 2.

Quo autem pacto fiat huiusmodi motio appetitus adiuuè loquendo ex parte sensus, aut sensationis interioris, difficilius explicatur. Nam, quod agit in aliud aut mouet, per productionem alicuius formæ in illo, & non aliter agit, ac mouet; sensus autem internus nullam formam potest producere, aut imprimere in appetitum sensitium, sicut nec alia potentia cognoscitiua in appetentem. Nam hoc ipso, quod potentia cognoscitiua est, non potest agere, nisi per actionem immanentem, quæ essentialiter est qualitas, & dicitur actio grammaticalis, per quam nihil distinctum producit, ac multo minus in alienum subiectum.

Quapropter plures Doctores arbitrati sunt, potentiam cognoscitiuam per suammet cognitionem concurrere ad

motus



motus potentiae appetitivae, ita ut appetitus elicitus procedat immediatè tam à potentia appetente, quàm à cognitione, qua fertur in obiectum concupitum. Quam sententiam probant primò ex Aug. lib. 15. de Trinit. c. 13. circa princip. ubi asserit, Trinitatem in nobis esse, ex qua aeterna illa Trinitas aliquatenus dignosci potest. Nam sicut in nobis est amor de notitia procedens, ita in illa sanctus Spiritus, qui amor est Patris, & Filij, ab utroque procedit. Vbi sanctus Augustinus videtur supponere processionem amoris de notitia, esse in genere causae efficientis, alioquin non teneret similitudo. Siquidem Verbum divinum non concurret ad productionem Spiritus sancti tanquam principium conditionale, neque tanquam principium materiale, aut formale; sed tanquam verum, ac proprium principium veluti effectivum sicut concurret Pater. Idemque videtur asserere sanctus Thomas quaest. 10. de verit. art. 7. in corp. cum ait: Mens cognoscens se ipsam, Verbum sui gignit, & ex utroque procedit amor. Et consequenter adhuc S. Augustinus tom. 4. quaest. 2. ad Simplic. parum ante medium, ait quod vocatio effectrix est bonae voluntatis. Per vocationem autem intelligit sanctam cogitationem, de qua ipse saepius disserit.

Deinde probant ratione; nam quotiescumque in effectu adest aliqua ratio formalis, quae non correspondet principio, seu causae ipsius effectus, signum est, ipsum principium non esse causam adequatam illius, sed aliam cum illo causam concurrere ad productionem ipsius effectus, cui talis ratio respondeat; Ut patere potest in actibus supernaturalibus, in quibus supernaturalitas correspondet principio supernaturali, & non potentiae, quae eleuatur per principium illud supernaturale; & in actibus cognitionis, in quibus formalitas representationis, ac similitudinis obiecti, non correspondet potentiae cognoscitivae, sed speciei in illa impressae; sicque in alijs, & alijs. Sed in actu appetitus sensitivi reperitur specificatio, qua constituitur appetitio talis, & non alterius obiecti, quae ratio correspondere non potest soli potentiae appetitivae, quae de se non est determinata ad talem

lem speciem actus, seu ad tendendum in hoc, aut in illud obiectum; Ergo aliqua alia concausa dari debet ad constituendum integrum principium talis appetitionis: hæc autem esse debet cognitio, qua determinatur actus appetitus ad hoc potius, quàm ad aliud obiectum. Idem confirmatur, quia apprehensio specificat appetitionem; sed non specificat, ut terminus, quia appetitio terminatur ab obiectum; Ergo specificat effectiue, ut patet in omnibus actionibus, quæ specificantur vel à termino, vel ab agente.

Sed hæc sententia meritò impugnatur. Nam testimonium Augustini, ubi loquitur de similitudine Trinitatis nostræ cum æterna illa Dei Trinitate, verificari non potest de processione amoris à Verbo tanquam ab intellectu. Si quidem Spiritus sanctus, qui est amor in diuinis procedens à Patre, & à Verbo, non procedit à Verbo, ut ab intellectu, sed tanquam à voluntate, quæ etiam reperitur in Verbo, ipsamque habet à Patre. Quare cum ait, in nobis amorem procedere de notitia, non intelligit tanquam à causa efficiente, ac specificatiua, sed tanquam à necessario coniuncto cum voluntate, à qua proprie amor effectiue procedit: nam voluntas amorem efficere nequit absque actuali notitia, seu cognitione rei amate. Eodemque pacto intelligendus est S. Thomas loco citato de verit. Quando verò D. Augustinus ait, vocationem esse effectricem bonæ voluntatis, intelligendus est moraliter, non autem physice: eo pacto, quo nonnunquam homo dicitur comburere aliquid, aut refrigerare, per applicationem scilicet ignis, aut aquæ.

Argumentum deinde, quod affertur, non subsistit in minori propositione, ubi falsò assignatur ratio illa specificationis in appetitione, quæ correspondeat cognitioni tanquam concausæ; non autem potentie appetitiuæ. Si quidem actus cuiuscumque potentie specificantur per obiecta, ut docet Aristoteles; potentie verò specificantur per actus; unde sicut cognitio specificatur per obiectum cognitum, ita etiam appetitio per obiectum volitum. Quod si cognitio sit re-

fit representatio, ac veluti approximatio obiecti voliti, hoc non arguit specificationem ex parte ipsius cognitionis; sicut præsentatio, aut approximatio, siue etiam præsentia formæ, non specificat effectum formalem illius, sed solum est conditio necessaria ad talem effectum. Si verò dicatur, cognitionem se tenere ex parte obiecti, tanquam illud continentem in se ipsa representatum: ( siquidem contingit quandoque à parte rei non esse obiectum, sed tantum expressionem illius in cognitione ) sic tantum arguitur, cognitionem concurrere ad appetitionem in genere causæ formalis extrinsecæ, quatenus terminat ipsam appetitionem, ac si esset obiectum. Vnde ex hoc non rectè infertur concursus in genere causæ efficientis respectu eiusdem appetitionis. Ex quibus patet solutio ad confirmationem, quæ falsò assumit specificationem appetitionis sumi debere ex cognitione, multoque minus concluditur procedere ab illa tanquam ab agente.

Dicendum igitur est, sensationem internam concurrere ad motus appetitus sensitivi, non quidem per peculiarem influxum in genere causæ efficientis, sed tanquam conditionem necessariam requisitam;

Prior conclusionis pars probatur primò ex D. Thoma, qui cum 1. par. q. 82. art. 4. tum quæst. 22. de verit. ait, mouere per modum agentis esse voluntatis, & non intellectus: eadem autem ratio est de sensu interno respectu appetitus sensitivi, quæ est de intellectu respectu voluntatis.

Secundo probatur ratione, quia si cognitio efficienter concurreret ad actus appetitus; vel concurreret tanquam ratio agendi intrinsecæ, vel tanquam principium omnino distinctum: at neutro modo potest concurrere; siquidem actus vnius potentia non potest esse ratio agendi alterius potentia distinctæ, multoque minus loquendo de actibus immanentibus potentiarum, quæ in distinctis, ac distantibus subiectis, & organis reperiuntur; cum ratio agendi simul esse debeat, ac intrinsecè inherere subiecto illius potentia, cuius est ratio ad agendum. Nec potest concurrere  
tanquam

tanquam conprincipium omnino distinctum, quia vel immediate actus cognitionis attingeret actum appetitionis, vel mediante alia actione, seu via interiecta: sed primum dici non potest, quia cognitio tanquam actus immanens cum recipiatur in potentia cognoscente, quæ residet in cerebro, non potest migrare in alienum subiectum, ut est cor, ubi exercetur appetitio: secundum verò repugnat, quia non datur actio actionis, nec verbum mentis, seu imago expressa potest esse elictrina alicuius vltioris actus: tum quia esset vitalis, & non à potentia vitali: tum etiam nam talis imago ab omnibus ponitur in specie dispositionis non operatiuæ sub generalissimo qualitatis, ut pulchritudo, & similia. Imò per hoc distinguitur species expressa ab impressa; nam est instrumentaliter operatiua, & ideo ponitur sub genere habitus: illa verò, quia non est operatiua ponitur sub specie dispositionis propriè dictæ. Quod si habitus producantur ex actibus cognoscitiuis, non est nisi per simplicem resultantiam in eodem subiecto, in quo exercentur cognitiones.

Posterior verò pars conclusionis sequitur ex præcedenti; nam si cognitio ex vno capite necessariò prærequiritur ad actum appetitionis; ex alio verò non prærequiritur, ut causa partialis efficiens, ut vidimus, neque ut causa materialis, cum non sit subiectum illius, neque formalis intrinseca, cum non informet; solum remanet, ut prærequiratur tanquam conditio essentialiter necessaria ad productionem talis actus: ut ad eliciendam visionem, necessariò requiritur illuminatio colorum, ac perspicui intermedij. Nisi fortè dicamus prærequiri tanquam causam finalem, quæ allicit ad amorem, aut odium; eo modo, quo mouet ipsum obiectum, quod in cognitione repræsentatur, ut docet sanctus Thomas. Aut certè dicamus concurrere tanquam causam formalem extrinsecam, prout est conditio, quæ obiectum terminat appetitionem in genere causæ formalis extrinsecæ, quod parum refert.

Cæterum adhuc explicandum superest, quomodo posita  
huiusmodi

huiusmodi conditione cognitionis in sensu, statim appetitus in obiectum feratur; cum sensus in cerebro, appetitus verò in corde locetur, nullaque inter ipsos efficientia intercedat, qua exciteretur, aut impellatur appetitus, vel cognitio illum ad operandum laceffet.

Verum id facillè intelligitur procedere per solam radicacionem, quam utraque potentia habet in anima. Sufficit enim, vt potentia cognoscitiua, & appetitiua in eadem anima radicentur, eiusdemq. suppositi sint facultates subordinatæ, ad hoc vt ad motionem vnius, moueatur altera: vt commune est omnibus instrumentis subordinatis tam naturalibus, quàm artificialibus; licet ad inuicem non intercedat immediatus contactus, aut impulsus; quia scilicet satis est vniri vtriusque virtutem in causa principali, à qua ipsa instrumenta tanquam à principio communi dependent.

Dici etiam potest, quod sicut in rigore loquendo cum Aristotele, non sensus, nec appetitus, sed animal, vel suppositum sua facultate sensitiua sentit, & appetitiua appetit: ita etiam non appetitus, sed animal, vel suppositum ad apprehensionem sensus mouetur ad prosecutionem, vel fugam obiecti ipso appetitu sensitiuo elicitam, siue eodem, siue diuersis organis vratur ad exercitium harum potentiarum.

*De directione potentie motiua. Cap. II.*



**L**X potissimis rationibus, quibus sensum interiore in animalibus à natura constitutum fuisse comperimus, vna est, vt lib. 1. explicuimus, Necessitas, quæ de illius directione habetur ad regimen, & gubernationem totius vitæ animalis; præsertim in motionibus voluntarijs, quibus vel totum ipsum animal mouetur de loco ad locum ad quarendum bonum, quod abest, aut subterfugiendum malum, quod imminet: vel saltem ad id instrumentalia tantum adhibet membra, vt ad sumendum cibum, & alias commoditates;

*Lib. 1. de anima  
text. 63.*

*Tract. 1. cap. 3.*

tates; aut ad vitanda contraria. Quandoquidem id præstare nequaquam posset absque sensitiva, & integra cognitione obiectorum, ac mediorum, quibus ad illa inbueretur, aut ab illis auerteretur, ut ibi probatum est. Unde Aristoteles 3. de anima postquam tex. 55. intelligendo de potentia morrice, quæ est in musculis, dixisset; Mouens instrumentaliter ubi principium, & finis, idem, ut commissura ossium: statim sequenti textu addit: Omnino igitur, sicut dictum est, in quantum animal appetituum est, sic sui ipsius motiuum est; appetituum autem non sine imaginatione. Dixerat autem tex. 48. & 49. duo esse mouentia, scilicet principalia in animalibus, appetitum, & imaginationem, siue intellectum in hominibus. Quare in libello de motu animalium cap. 4. explicans principia, quibus animalia ad motum, & operationem impellantur, ait: Bibendum mihi concupiscentia dicit; hoc autem esse potabile sensus dixit, aut imaginatio, aut intellectus: mox bibit. Itaque huiusmodi motus est ab appetitu tanquam per concupiscentiam imperante; à sensu, vel intellectu, tanquam per cognitionem dirigente; & à potentia motiua tanquam per instrumenta materialia immediatè, & vltimo exequente. In quo cum Aristotele loco citato conueniunt omnes Philosophi.

Explicandum tamen est, utrum in singulis motionibus arbitrarijs, an in quibusdam tantummodo requiratur, & concurrat directio sensus. Videntur enim plures motiones locales ab animalibus exerceri absque aduertentia, seu cognitione, tam in vigilia, quam in somno: ut extensiones quædam membrorum, spontaneæ lassitudines, ac somnambulorum opera quamplura, de quibus hæcenus dictum est. Insuper ad motus quosdam artificiosos, qui ex habitu ab hominibus exercentur, ut ad saltandum, pulsandam citharam, fidibus canendam, & similia, sufficere videtur quicumque habitus in ipsa potentia motiua impressus, absque actuali cognitione sensus, aut intellectus dirigentis; nam sæpe homines id agentes, aliud cogitant, nec animaduertunt.

Verum iuxta communem philosophantium, magisque receptam

receptam opinionem, dicendum est, omnes, ac singulas motiones voluntarias, seu spontaneas indigere actuali sensus directione. Quod facile ex eo potest constare; nam semper eadem militat necessitas naturalis, qua nec appetitus impetare, aut impellere, nec facultas executiva motus potest perficere, nisi præexistente cognitione, qua & cupiditas ad determinata objecta rapitur, & potentia motiua diuersimodè inflectitur, ac dirigitur in suis operationibus. Quare licet nonnulli membrorum motus voluntarij absque libero influxu voluntatis, aut perfecta cognitione præexistente, elici videantur; tam in vigilia, quàm in somnis; nunquam tamen deficit obscurum saltem, & imperfectum iudicium; sicut nec aliquale imperium, aut propensio appetitus ad cuius nutum tales motus eliciuntur à potentia executiua: vt patere potest in dormientibus, omnibusq. mente alienatis. Alioquin non essent motus voluntarij, seu arbitrarij, qui hoc solum distinguuntur à motibus naturalibus, vt pulsationes cordis, & arteriarum, oscitationes, ac risus; quòd hi absque voluntate, & cognitione, vel etiam reluctante quocumque imperio appetitus: illi verò non nisi eo imperante cum cognitione exequi valent, quamuis imperium non, semper cum libertate exerceatur, vt cum non præit perfecta cognitio.

Nec motus artificiosi, vt pulsatio citharæ, motus pennicilli, aut saltatio exercentur absque actuali cognitione, quæ tales motus artificiosè dirigantur; Nam habitus, & artes, quæ ad tales motus inclinant, & virtute quarum ipsi motus exercentur, non sunt in potentia motiua digitorum, tibiarum, aliorumq. membrorum, vt videtur asseruisse Scotus, & Ocham; sed sunt in ipsa potentia directiua, quæ immediatè est sensus interior, mediatè verò potentia intellectiua. Siquidem potentia motiua non habet actiuam indifferen-  
tiam ad motus, quos potest elicere: sed quasi passiuam tantum, quatenus tanquam instrumentum actiuum variè, ac diuersis modis applicari potest à superiori potentia rectrice, seu ab imperantibus, ac dirigentibus, quibus desporicè obtem-

Scotus in 3. dist.  
33. q. 2. S. ad  
primum in so-  
lut. 3.  
Ocham in 3. q.  
20. & 21. &  
quodlib. 2. q. 10.



1.2. q. 50. ar. 3.  
ad 3.

obtemperant in suis operationibus : habitus verò non recipiuntur nisi in potentia, quæ actiuam habet indifferentiam, vt ex se, hoc vel illo modo operetur cum promptitudine ac facilitate. Vnde D. Thomas ait, in membris corporis non esse habitus, sed magis in viribus imperantibus motum ipsorum. Dixit autem in membris propter potentiam executiuam, quæ est in illis; alioqui certum erat in membris materialiter sumptis esse non posse habitus, qui tantum ponuntur in potentijs, quarum propriæ sunt dispositiones ad operandum; licet in externis membris alia quædam dispositio concedenda sit, vsu & exercitatione acquisita, quæ in laxatione quadam, vel contractione neruorum, ac musculorum, aut in attenuatione humorum, & remotione impedimenti constituitur. Quia negari non potest exercitatione, & consuetudine promptiora, & habiliora ipsa quoque membra quotidie reddi, vt cytharedorum, ac saltantium præter artem acquisitam in potentia dirigente; nam ars absque exercitatione non sufficit ad promptitudinem actionis, ac motus membrorum.

Cap. 5. de motu  
animal.

Cæterum quo pacto huiusmodi directio potentia motiua ab interiori sensu procedat, cum nullus intercedat proprius influxus inter vtramque potentiam, difficile videtur omnino posse explicari. Nihilominus ab Aristotele magna ex parte declaratur, saltem quantum attinet ad motus naturaliter voluntarios, qui eliciuntur absque libertate, & reperiuntur etiam in brutis. Supponit namque primò in animali posse idem instrumentum, & maius, & minus fieri, & figuram eius permutari cum augentur particulae propter caliditatem, & rursus contrahuntur propter frigiditatem. Deinde supponit instrumenta animalia, in quibus imaginationes, & appetitiones exercentur alterari his primis qualitatibus per imaginationem, aut intellectionem. Aliquo enim modo (inquit) forma intellecta calidi, aut frigidi, aut iucundi, aut terribilis; talis quidem est, qualis quidem & rerum vnaquaque: quapropter & horrent, & timent intelligentes solum.

Ex his

Ex his igitur fieri docet, vt dum instrumenta huiusmodi alterantur in corpore, hæc quidem maiora, illa autem minora fiant. Cumque parua permutatio, quæ fit in principio, magnas, & multas faciat differentias procul; non secus ac cum temone paululum quid transposito, multa prorsus fit transpositio: hinc esse, vt iuxta alterationem factam per sensum, aut per imaginationem, aliæ quoque partes animalis moueantur secundum locum ad passionibus audaciæ, fugam. Quod tandem confirmat ex passionibus audaciæ, timoris, spei, concubitus, ac memoriæ circa molesta, aut iucunda: quorum imagines, ac simulacra ferè omnia, caliditas aliqua, aut frigiditas, vel alia ex his orta qualitas comitatur. Quare concludit, rationabiliter constructa sunt, quæ intus, & quæ circa principia instrumentalium partium, vt prædicto modo permutent; licet valde lateat in paruis hoc eueniens. Et quia simul sunt actiua, & passiva; simul vt ita dicam, intelligit quòd ambulandum, & ambulat, nisi quid aliud impediât. Hæc sunt quasi ad verbum ex Aristotele desumpta, quæ vt diximus in solis motibus voluntarijs, qui naturaliter eliciuntur, locum habent. Nam de motibus voluntarijs liberis, vt artificialibus, & alijs, non possunt procedere: Quandoquidem, voluntas libera non modo potest membra absque alteratione facta per sensum mouere; sed etiam contra impulsu, ac motionem ipsam sensitiuam; cum facultates omnes executiue despotice obediunt voluntati. Vnde ad motus artificiales, & alios, qui ab alteratione sensus nullo modo dependent, alia assignanda est via, qua ab intellectu, & imaginatione dirigantur.

Notandum igitur est, diuersitatem motionis voluntariæ, ad quam ordinatur directio cognitionis, totam ex eo immediatè procedere, quòd virtus motiua, quæ à cerebro per vniuersum corporis habitum diffunditur, modò in vna, modò in diuersa, ac determinata tantum parte, seu instrumento applicetur; ac versus determinatam quandam positionem iuxta situm, quòd motus tendere debet

distante cognitione. Insuper quod diuersa quasi mensura impulsus vnicuique, prout opus fuerit, voluntas, seu appetitus impertiatur, ac tantum pro tempore, quo simul concurrerit, continuatè, aut discontinuatè. Cum enim virtus motiua pro arbitrio vna cum sensu à cerebro per nervos, ac musculos in tot corporis membra distribuat; non aliunde prouenit, vt vnum membrum quiescentibus alijs, moueatur, nisi quòd sola virtus ibi residens applicetur per actuale imperium voluntatis; nec ex alio motus dextrorsum potius tendit, verbi gratia, quàm sinistrorsum, nisi quòd in parte illuc versus spectante motrix potentia adhibeatur. Similiter, nec lentè, aut enixè, tardè, aut velociter, continuè, aut interpositè pars aliqua in animali pro arbitrio mouetur; nisi quia magis, aut minus, efficacius, aut remissius, assiduè, vel interpositè eadem potestas ad motum exequendum ab imperante, applicatur. Vbi valde notanda est diuersitas non modo totalium instrumentorum, sed & particularum, quæ sicut ex tam varijs nervis, & arterijs, tendonibus, ac ligamentis, & musculis ex illis conflatis constituuntur: ita per variam virtutem in illis insidentem variè possunt moueri ad nutum appetitus, ac voluntatis.

His autem ita constitutis, in suscepta quæstione dicimus, directionem cognitionis respectu potentia motiua consistere in hoc, quod est esse causam varietatis ipsarum, arbitrariorum motionum mediante appetitu, aut voluntate, quæ quidem sicut semper operatur ductu cognitionis, ita non applicat potentiam motiuam, nisi secundum illam partem, & modum, quo imaginatio, vel intellectus iudicauerit expedire. Ac propterea dicitur ab Aristotele, motum voluntarium separari non posse à cognitione; & sensum ab eadem parte esse animalibus; à qua motus; quia, scilicet sicut non datur motus voluntarius sine voluntate, seu appetitu; ita non datur appetitus sine cognitione. Unde rectè concludit Aristoteles, capite illo quinto de motu animalium sæpè citatò, nempe instrumenta-

rias partes ( scilicet cum potentia motrici ) à passionibus parari, seu impelli; passionibus autem procedere tanquam actus ab appetitu; appetitum verò moueri ab imaginatione.

*De Variatione Fetus. Cap. III.*

**P**ARENTVM validam, ac firmam imaginationem circa rem aliquam inter concipiendum oculis obiectam, eiusdem rei similitudinem quoad colorem, & figuram, in foetum inducere, quamuis extraneam, ac peregrinam; exploratum semper fuit omnibus Philosophis, ipsaque quotidiana experientia comprobatur. Proindeque Empedocles, referente Plutarcho de placitis Philosophorum: Visu, inquit, sub conceptum, infantem formari. Et Plato lib. 7. de legibus præcepit, sponsum, & sponsam in concubitu inuicem se attendere, ut eorum similitudo in filijs elucesceret, ne illi viderentur degenerasse. Aristoteles autem querens, cur proles ceterorum animantium magis quàm hominis suis parentibus similem gerat naturam, ait, quòd homo vago, varioque plurimum animo in coitu est: prout autem pater, materque in conceptu affecti fuerint, ita partus euariant: Vbi Aristoteles non negat ceteris quoque animantibus nonnunquam id ipsam contingere: sed tantum supponit hominibus id magis competere, ac frequentius accidere. Nam sicut Hippocrates lib. 2. cap. 19. ita Portus Paræus lib. 24. cap. 7. narrat, Principem quandam mulierem albam ex marito pariter albo, prolem æthiopis instar nigram suscepisse, quòd concubens, Aethiopis imaginem depictam oculis fortiter, & assidue obseruantem animo comprehendisset. E. è contra Heliodorus in principio suæ Aethiopice historię refert, Persinam Aethiopie Reginam ex Hydaspe marito pariter Aethiope, filiam Charechæam albam genuisse,

*Genes. cap. 30.*

nuisse, quòd sub meridiem æstiuo tempore concipiendò in oppositam pulchræ Andromalæ imaginem fixis oculis intentoque animo se conuertisset. Et Galenus lib. de Theriaca ad Pisonem, ait mulierem intuitu pulcherrimæ picturæ pulcherrimum infantem ex deformi parente concepit: aliaque similia, & innumera exempla ex varijs Aucto-ribus possent afferri. Quod autem in cæteris quoque ani- mantibus idipsum verificetur, patet primo: Ex sacra Hi- storia vbi legimus, quòd cum Iacob accepturus esset in- mercedem à Laban foetus varie catos, decorticatas vir- gas gregi proponebat, vt tales foetus nascerentur. Deinde ex Dino Augustino, qui lib. 18. de Ciuitate Dei. capit. 5. asserit, bouem Aegyptium, qui Apis dicitur, maculis al- bis fieri ob imaginem ei oblatam. Et quotidie experimur, albos pavones nasci ex parentibus non albis in dealbatis vndique domicilijs coeuntibus: equosque, & canes ver- sicolores, ac maculoso tegmine vt guttatos, ac scutu- latos, iuxta colores, ac figuras, quas ante oculos pa- rentum in eodem actu conceptionis homines de industria ponunt.

Verum quo pacto color, aut figura oculis exposita, & imaginatione concepta, similem figuram, aut colorem, valeat in prolem concipientis inducere, difficile admo- dum est explicatu, variasque proinde in sententias traxit Auctores.

Nonnulli enim opinantur, imaginationem formæ conce- ptæ per se posse qualitatem aliquam producere, & colo- rem, figuramque foetus determinare. Idque probant primo auctoritate Divi Augustini 11. de Trinit. cap. 2. vbi sic ait. Voluntas circa imaginem sensui impressam, tantam vim habet, vt si admodum violenta sit, vbi non resistit durior, pigriorque materies, visibilem speciem, coloremque commutet. Quare idem Augustinus lib. 3. cap. 7. eius- dem operis, exponens quomodo oues Iacob ex contuitu virgarum, quibus cortices ademptæ fuerant, versicolo- res foetus parerent, dixerat: Vt de varietate virgarum, pecorum

pecorum conceptorum color aliquid duceret, fecit hoc anima gravidæ pecudis per oculos affecta forinsecus, & interius secum pro modulo suo formandi regulam trahens, Hoc autem sic fieri illi explicant, ut imago impressa in spiritibus cerebri, ac per ipsos spiritus ad conceptionis locum perlata, vim formatricem semini inhaerentem, ita modifcet, ut talem, ac similem figuram in foetu proferat, qualem illa imago representat. Deinde probant; nam sicut substantia interuentu accidentis substantiam gignit, ita anima per intentionale, & adumbratum esse rei, quale est speciei impressæ quandoque in subiecto apto, ut est materia foetus, potest verum, ac perfectum esse producere, nempe coloris, atque figuræ.

Contra tamen est, quia species intentionales, nec diffunduntur per totum corpus cum spiritibus, nec possent agere in semen tanquam instrumentum animæ immutando, ac determinando virtutem formatricem illius. Nam totum esse totaq. efficientia speciei consistit in representatione; nimirum si sit species expressa in representatione formali, quæ extra cerebrum non exercetur; si verò impressa in principio quodam representationis per modum habitus complementis potentiam; siue autem representatio formalis, siue principium eiusmodi illius, non est effectuum rei similis obiecto representato, nec tanquam causa principalis, nec tanquam instrumentum, ut scilicet species coloris producat colorem, quia nullam habet proportionem ad talem effectum immediate attingendum, sicut habent nonnulla accidentia in productione formæ substantialis, quatenus sunt dispositiones materiæ primæ, & virtutes agentis substantialis.

Idecirco S. Thomas docet, imaginationem, nullam producere qualitatē, sed eatenus alterare, quatenus humores spiritus, ac sanguinem mouet, & ex vario illorum motu variae qualitates in corpore efficiuntur. Ex quibus resultat similitudo proles cum obiecto representato. Sed hac ratione non videtur satis explicari quo pacto effigies illa determinata in prole cum tali colore ex tali alteratione parentum,

3. cont. gent. c.  
103.  
Et in quest. di-  
sputat. de ma-  
lo q. 4. art. 6.  
ad 23.

oriatur. Nam eadem alteratio, & commotio spiritus, ac sanguinis, quæ tunc fit in illis, prodire potest ex diuersa imaginatione alterius obiecti. Quandoquidem eodem modo afficitur animal eiusq. spiritus alterantur per imaginationem vnius, atque alterius obiecti æquè conuenientis, aut disconuenientis; licet absimilis figuræ, aut coloris. Et sic non esset maior ratio, cur talis alteratio talem figuram, aut colorem potius quam alium causaret. Imo esto quodlibet obiectum variam efficiat motionem, variumque proinde temperamentum reddat in semine: nulla tamen affertur causa, cur ex tali varietate, vel temperamento inducto, talis figura, talisque color resultare debeat in foetu, qualis in obiecto cognito reperitur.

Quod vt commodius, & exactius explicetur, notandum in primis est, quod licet semen genitale vndique ex diuersis partibus corporis tanquam excrementum alimenti sanguinei, quod vltimum in membra digeritur, secernatur; vt constat ex Aristotele: sedes tamen cerebri maximè omnium locorum corporis ad excissionem, & iaculationem illius concurrir propter naturam genituræ, quæ similis cerebro esse debet, vt ait idem Aristoteles. Quia nimirum spirituosissimam substantiam, quam obtiner, inde semen participare debet, vbi spiritus elaborantur. Quapropter, vt alibi docet, spadones multum cerebri obtinent, eo quod rem veneream non agunt: Semen quippe (ait) labi per spinam è cerebro videtur. Quo fit, vt maxima communicatio, & consensus inter cerebrum, ac testes; imo & vasa spermatica intercedat; quæ propterea qualibet cogitatione venerea facillimè alterantur, titillationemque pariunt pudendorum. Et vt notat Aristoteles, hinc etiam fit, vt immodico vfu rei venereæ oculi apertè langueant, & subsedeant, eorumque sedes manifestè immutetur: quodd scilicet spiritus consuetos à cerebro participare nequeant, quos magna ex parte animal consumpsit in coitu.

Deinde notandum est ex eodem Aristotele de motu animalium imaginationem, & intellectionem rerum habere virtutem;

*2. de gener. animal. c. 2. & 19.*

*Lib. 2. eiusd. operis cap. 5.*

*sect. 20. probl. 9. 10.*

*Lib. 2. de gener. animal. cap. 5.*

*cap. 1.*



virtutem; nam aliquo modo, inquit, forma intellecta calidi, aut frigidi, talis quidem est, qualis rerum vnaquæque; nempe quoad effectum, quem producit æquiuocè per caliditatem, aut frigiditatem, quam excitat. Quod inferius quasi declarans ait: Ex necessitate autem consequuntur intellectiōem, & imaginationem caliditas, & frigiditas: hoc autem (subiungit) palam ex passionibus; audaciæ enim, & timores, & concubitus, & alia corporalia, molesta, & incunda; hæc quidem secundum partem cum caliditate, aut frigiditate sunt; illa verò in vniuerso corpore. Itaque iuxta doctrinam Aristotelis, ac rei veritatem in quacumque imaginatione, præsertim vehementi, & cum aliqua passione; semper fit alteratio primarum qualitatū in organo, ac instrumentis ei subordinatis, vt sunt spiritus animales, qui tanquam subtilissimæ substantiæ, facillimè, ac citissimè alliciuntur, & permutantur.

Demum adnotare oportet, spiritus animales, qui in semine prolifico continentur, esse proprium, & immediatum subiectum virtutis formatricis, quæ in ipso semine operatur; eosque multiplicari posse vsque ad effusionem, & eiectionem illius, per consensum, & communicationem aliarum partium in calore coitus, vt notant nonnulli Auctores.

His ergo positis in re tam ardua ac perobscura, principijs iam traditis inhærendo ex doctrina D. Thomæ, Dicendum videtur, ex vehementi imaginatione inter concipendum cum spiritus omnes animales viuidiore, ac promptiores existant per consensum illius voluptatis, quam omnia ferè membra participant; magnam fieri primarum qualitatū alterationem in ipsis spiritibus, alijsque partibus instrumentarijs cerebri, & consequenter in magna ferè parte sanguinis animalis, quem ad cor, & alias partes animalis scimus confugere etiam extra talem actum per solam imaginationem obiecti terribilis, aut valde dilecti, ac diu concupiti. Cumque sanguis vniuersus, ac præsertim arterialis, & qui per nervos deferatur, diciturque spiritus animalis, maximè concurrat ad seminis conflationem, & iaculationem,

nem, tanquam ad compositum ex eorum redundantij, excrementijsq. partibus, quæ supererant ex vtili alimento; hinc fit, vt tale, ipsum semen in expulsiōe fortiatur temperamentum, quale spiritus, ac sanguis tunc inmediate adeptus fuerat ex alteratione facta per vehementem imaginationem. Quoniam verò virtus formatiua semper consequitur temperamentum, ac secundæ omnes qualitates, vt color, & figura nascuntur ex primis; ex hoc vltius fit, vt talis prodeat efformatio prolis, qualem temperamentum illud requirit; quod non nisi similem effigiem, & colorem potest exigere cum re, cuius imaginatio fuit principium motus: sicut ipsum temperamentum seminis tunc adeptum, simile est temperamento rei per vehementem illam imaginationem apprehensæ in articulo generationis. Quandoquidem proportionari debet cum temperamento spirituum, & hoc cum illo, quod est rei excogitata; quia scilicet talis est naturalis connexio inter primas, & secundas qualitates, vt ad vehementissimam imaginationem, verbi gratia, talis coloris, & figuræ, non aliæ quidem primæ qualitates in organo excitentur, nisi quales congruunt cum illo colore, & figuræ, & ex quibus nascitur talis color, & figura, cum cæteris concemitantibus. Et hoc est, quod notauimus ex Aristotele imaginationem, & intellectionem rerum habere virtutem, & formam intellectam, talem esse, qualis est res vnaquæque; nempe quoad effectum, quem causat in organo; nam imaginatio febris, febrem inducit. Et quoad hoc etiam potest verificari illud eiusdem Philosophi, Intelligentem fieri rem cognitam; etenim idolum intus efformando, se ipsam transformat natura cognoscentis, in quibus potest. Quod idem docet Auicenna dicens, spiritus alterari per imaginationem tanquam faciliè susceptivos, & species coloris esse vniuersaliter colore factiuas, sicut species rubedinis virtualiter rubefactiuas propter similem dispositionem, quam inducunt, ex qua nascitur talis color. Adepto igitur simili temperamento in spiritibus, hoc ipsum in semen transfunditur, & ex similitudine primarum qualitatum nascitur

scitur similitudo secundarum; & sic proles, excogitatæ rei in parentum congressu, colorem & imaginem refert.

Magis autem experitur hoc euentum per imaginationem foeminae, quàm maris; nam mestruium, quod illa tanquam materiam præbet, facillimè afficitur alteratione spirituum, ac sanguinis, propter affinitatem, quam habent, & in maiori copia effunditur, quidquid sit de concursu seminis eiusdem foeminae.

Atque ex ijs colligi etiam potest cur mulieres vterum gerentes, si vehementissimè aliquid cogitando cupiant, partemque sui corporis in illo articulo tangant, filios postea, similem in partem maculis, varijsq. notis infectos pariant, quasi optatæ rei effigiem, aut imaginem gestantes. Quod Aristoteles obseruauit cum dixit: Esculentorum etiam, quæ mater comedit, sæpe gerulus venit in lucem. Etenim spiritus animales per illam imaginationem immutantur, similiq. temperamento afficiuntur, ac rei optatæ, & excogitatæ. Deinde ij quoque sanguinem mouent, eique permiscuntur, similiterque afficiunt; atque simul ad vterum conuenientes, in molliissimam foetus materiam, qui materno sanguine nutritur, idem temperamentum inducunt, ex quo talis color, & figura in illo resultat. Resultat autem in foetu, & non in matre; nam talis alteratio vim non habet ad id præstandum in duriorem, & crassiorem substantiam, sicut in molliorem, ac tenuiorem, qualis est substantia foetus; qui tamen vnus cum matre vtero appensus censetur mediantibus venis, & arterijs vmbilicalibus, per quas sanguine, ac spiritibus iam alteratis inficitur, dum formatur, nutritur, & crescit. Vnde Aristoteles ait, animalia vnicolora nunquam mutari, nisi rarè per affectum cum in generatione peruertuntur: facile enim (inquit) moueri, deprauariq. potest, quod paruum, tale autem, quod gignitur est.

Signatur insuper foetus in loco determinato, vbi mulier terigit proprium corpus, dum auidè obiectum appeteret, nam pars illa mulieris tacta, & per spiritus, ac sanguinem, confluentem alterata communicat parti foetus eandem alterationem,

7. de histori. animal. c. 4.

5. de gener. animal. cap. 6.

terationem, ac dispositionem, qua mediante, impressio-  
nem coloris, & figuræ, quam ob sui duritiem non potest re-  
cipere in ipsam similem partem foetus analogia quadam  
transfundit. Siquidem pars parti communicat simili, quæ  
ab ipsa nascitur: Singulæ enim partes foetus à singulis par-  
tibus parentum oriuntur, remotè scilicet, & in potentia.

1. de gener. ani-  
mal. cap. 19.

Vnde ut docet Aristoteles: semen manus, aut faciei, aut to-  
tius animalis, est manus indefinita, aut facies, aut animal  
totum indefinitum: & hinc colligit filios parentibus similes  
nasci; nam & cicatrices, & mutilationes, & gibositatem,  
& claudicationem, & similia videmus à parentibus, imo &  
avis, ac proavis in prolem transfundi, ut præclarè idem

7. de histor. ani-  
mal. cap. 6.  
Lib. 3. fen. 1. c.  
de vertig. es lib.  
3. fen. 22. tract.  
1. cap. 2.

Philosophus prosequitur. Quod totum confirmari etiam  
potest ex Avicenna, qui hanc rem disertissimè tractat.  
Contingit autem hoc fieri non solum ob ingentem appeti-  
tum rei non assecutæ: sed etiam nimium horrorem, & odium  
rei inuisæ, cum valdè illam respuit voluntas, ac fortiter, &  
fixè imaginatur. Nam similiter afficitur internè sanguis vi  
imaginatricis appetentis, ac odientis, & abhorrentis ali-  
quam rem, ut signa illius foetibus appareant infixæ. Vnde  
mulierem quandam puerum ranina facie protulisse narrat  
Langius, eo quòd sæpe ranam, quam illi quandoque alliga-  
uerant, cum horrore intuita esset, ac postea mente reuolue-  
ret. Et aliam prænantem audiuisse maritum in pectore  
fuisse vulneratum, ac postmodum similiter affecto pectuscu-  
lo prolem genuisse. Et Ioannes Colle in suo eruditissimo  
Cosmitore narrat hac tempestate. Castroduranti accidisse,

ut mulier grauida filium duorum annorum in gremio  
custodiens dum barbitonsor cucurbitulas scarifi-  
catas pueli dorso affigebat; infantem in  
vtero hincet incisionibus circa spa-  
tulas fuisse obsignatum, ut  
postea patuit, enixa  
parente.

*De productione Specierum intelligibilium in homine.**Cap. IV.*

**P**RODVCTIONEM specierum intelligibilium, quibus intellectus humanus fecundatur, & constituitur ultimò in actu primo ad intelligendum hoc, vel illud obiectum, naturaliter consequi operationem, seu actus, & cognitiones potentiae interius sensitiuae, quae dicuntur phantasmata, nemo quidem rationabiliter potest negare. Etenim sicut tardioris ingenij esset, ut inquit Diuus Augustinus, de huiusmodi speciebus dubitare; ita negari non potest eas ex phantasmatibus aliquo pacto desumi: praesertim iuxta doctrinam Aristotelis, ubi ex eo colligit, quod qui non sentit aliquid, nihil utique addiscet, nec intelliget: nam ipsa intelligibilia quantumvis abstracta, ac separata, in formis sensibilibus continentur, quas oportet intelligentem iugiter speculari. Quare phantasmata (subiungit) se habere ad intellectum sicut sensibile ad sensum. Itaque sicut ad praesentiam obiecti sensibilis consequitur emanatio ac productio specierum intentionalium, quae recipiuntur in sensu; ita ad actualem positionem, seu existentiam sensationis internae, quae dicitur phantasma, consequitur productio specierum intelligibilium, quae recipiuntur in intellectu ad fecundationem, ac determinationem illius circa eadem, vel similia obiecta.

Verum quo pacto se habeat phantasma in huiusmodi productione, seu quo modo concurrat ad illam, non satis constat in scholis, in quibus iuxta varias doctrinas, variae traduntur opiniones. Nonnulli enim aiunt phantasmata tantum concurrere per praesentiam extrinsecè, & formaliter, representando obiecta, quorum species intelligibiles constituentur similitudines impressae, ita ut haec totaliter, & effectiue procedant à solo intellectu agente, praesentibus ta-

*Lib. 11. de Trinitate. cap. 2.*

*3. de anima textu 39.*

men,

men, & assistentibus phantasmatibus. Quæ sanè opinio non probatur, tum quia omnis representatio phantasmatum est in sensu interiori, ideoque per solam præsentiam transfundi non potest in intellectum, nec produci similitudo aliqua illius absque effectivo aliquo concursu eiusdem determinante ipsam similitudinem, quæ aliter determinari ac specificari non posset: tum etiam quia si sola præsentia phantasmatum sufficeret ad productionem speciei intelligibilis, eadem sola sufficeret ad productionem speciei expressæ, seu actus intellectionis, nulla adhibita specie impressa; imo vniuersaliter sola præsentia obiecti sufficeret ad productionem cuiuscunque cognitionis, nulla interueniente specie impressa intelligibili, aut intentionali: sed ad productionem speciei expressæ, seu actus cognitionis necessario requiritur concursus, & cooperatio speciei impressæ cum potentia, ad hoc vt actus intrinsecè determinetur, & constitutur representatio talis obiecti, cuius illa est similitudo impressa: Ergo similiter ipsa similitudo impressa constitui non poterit similitudo talis sensationis, seu phantasmatis, nisi ipsum phantasma aliquo modo concurrat ad illam.

Propterea communiter, ac meritò alij putant, phantasmata effectiuè concurrere ad productionem specierum intelligibilium. Cum enim in specie intelligibili duplex reperiatur formalitas, seu ratio suæ entitatis; nempe altera immaterialitatis, altera verò similitudinis cum obiecto, ad cuius cognitionem ordinatur; licet secundum primam formalitatem species intelligibilis oriri debeat à parte spiritali, secundum tamen posteriorem oriri non potest nisi à phantasmate, in quo obiectum ipsum elucet, & cui virtualiter debet assimilari. Et hoc profectò Aristoteles insinuat, cum ait, intellectum aliquid ab ipso intelligibile pati, & esse susceptivum formarum. Rursumque cogitativæ animæ phantasmata, vt sensibilia esse, à quibus nimirum potentia cognoscitiva species desumit, ac propterea nunquam sine phantasmate animam intelligere; addens quod sicut externa sensibilia se habent ad sensum internum, immutando prius

9. de anima  
textu 3.

Textu 30.

primum medium, per emissionem scilicet specierum; ut visibile aerem, ac per aerem pupillam, deinde sensum communem, & sic reliqua sensibilia, quæ postea ab uno eodemque sensu discernuntur interius; ita phantasmata se habere ad intellectum, ad quem tanquam ad ultimum terminum omnia referuntur. In quibus omnibus Aristoteles inuoluit ac supponit, phantasmata aliquid in intellectum operari, sicut sensibile in sensum; quod non est aliud, nisi ad formas quas ipse ait, concurrere, quasque communiter vocamus species intelligibiles.

Sed explicandum est, num phantasma in huiusmodi productione concurrat tanquam instrumentum, an vero tanquam causa partialis: quandoquidem cum ipsi in effectu productio nempe in specie intelligibili correspondeat peculiaris ratio similitudinis obiecti, quæ ratio est ei proportionata, cum ipsum quoque phantasma, seu species expressa sensus interioris sit similitudo representatiua obiecti, propter hanc rationem videtur dicenda causa principalis partialis, non autem instrumentalis, nam ut sic de se est proportionata effectui, nullaq. indiget elevatione superioris agentis. Quod ulterius potest confirmari; nam si phantasma concurreret tanquam instrumentum, species intelligibilis non attingeretur proximè à spirituali principio, quod poneretur tanquam causa principalis; essetq. contra exigentiam suæ naturæ, quæ cum spiritualis sit, ab aliquo principio spirituali immediatè debet procedere, ut patet in specie expressa, quæ postea ab intellectu immediatè producitur.

Opposita tamen sententia magis aridet, censeturq. probabilior atq. communior; ut colligi potest ex modo loquendi Philosophorum, ac Theologorum, qui semper supponunt aliquam elevationem in phantasmatibus concurreritibus ad huiusmodi productionem, licet præcisè ac distinctè quætionem hanc non decernant. Probat autem primò ex eo, nam quotiescumque causa attingit effectum se nobiliorem quoad substantiam, licet proportionetur illi secundum aliquam rationem, semper tamen est causa instrumentalis



strumentalis respectu illius, ut patere potest inductione tam in instrumentis naturalibus, quā in artificialibus: nam calor igne produciens, licet proportionetur formæ ignis, prout virtualiter continet, similemque. exigit calorem; nihilominus instrumentaliter tantum censeatur ad illum concurrere, hoc ipso quod ille tanquā substantia sit nobilior calore, quod est accidens: Et in delineatione, aut scriptura, quamvis reperiatur tā ratio correspondens delineatori, aut scriptori, ut est artificiosa figura, quam etiam ratio respondens calamo, aut penicillo, ut est ipsa obesa, vel subtilis delineatio: omnino tamen calamus semper habet rationem instrumenti tanquam quid ignobilis figura, ac significatione producta. Sic igitur est in specie intelligibili reperiatur peculiaris quædam ratio respondens phantasmati, cuius concursu ipsa produciatur; hoc tamen non obstat quin simpliciter ex se sit nobilior species intelligibilis quocunque phantasmate, proindeque hoc non nisi instrumentaliter concurrat ad illam.

Deinde idem probatur: nam ubi causæ in productione alicuius effectus necessario sunt subalternatæ, ita ut una per alteram eleuetur; absque dubio illa, quæ eleuatur, habet rationem instrumenti respectu alterius. Sed phantasma, concurrens ad productionem speciei intelligibilis non potest non subalternari principio spiritali, cum effectus ipse sit spiritalis etiam secundum rationem illam similitudinis obiecti, quæ correspondet phantasmati: (Alioqui phantasma, corporeum cum sit, per propriam virtutem, quamvis imperfectam, & inadæquatè attingeret, ac produceret effectum spirituale.) Ergo verè ipsum phantasma in tali productione eleuatur tanquā instrumentū à principio spiritali.

Quodnam verò sit huiusmodi principium spirituale à quo phantasma in huiusmodi productione eleuatur, non facile ab omnibus explicatur. Communior enim sententia est, hoc principium, aliud non esse quàm intellectum, quem vocant agentem, quemque alij realiter distinguunt ab intellectu patiente, seu possibili, in quo perficitur intellectio; alij verò non nisi per nostram considerationem.

Imo

Imo non ex alio constituunt in homine huiusmodi intellectum agentem, nisi ad hoc ut simul cum phantasmatibus producat species intelligibiles, ut videre est apud ipsos auctores. Probantq. ex Aristotele 3. de anima textu 18. dicente, Quidquid est in potentia, indigere aliquo, à quo ad actum deducatur; cumque intellectus humanus ex eodem Aristotele textu 14. sit in potentia tanquam tabula rasa, in qua nihil est scriptum actu ad omnes formas suscipiendas, nec ullas habeat species congenitas à natura, aut principium extrinsecum, à quo reduci possit in huiusmodi actum; nam phantasmata quæ maximè id præstare debent, sunt valde inferioris naturæ: Sequitur concedendum esse in eadem parte intellectiva hominis, principium aliquod à quo tanquam à principali animæ instrumento huiusmodi species à phantasmatibus desumantur; reducaturq. ipse intellectus possibilis in actum primum intellectiōis.

Verum si ab interpretatione tantorum virorum aliquando ad maiorem veritatis dilucidationem discedere licet; nec præfatum argumentum omnino concludere dixerim, nec Aristotelem talia intendisse. Quandoquidem quidquid sit de sensu illius propositionis, cum dicitur, in omni natura dandum esse aliquid tanquam materia, quod sit in potentia, aliquid verò tanquam agens, à quo illud reducatur ad actum: Omnino tamē id ipsum verificari potest in proposito, absque eo quod dicatur, species intelligibiles produci ab intellectu agente, ut in progressu patebit. Vnde in applicatione huius assumpti Philosophus tantum docet, simile quippiam in anima contingere; non quidem simpliciter, ut notat Simplicius, sed proportionaliter; & explicans se Aristoteles ait; quia est quidem talis intellectus, quia omnia fit, talis verò quia omnia facit. Textu verò 38. & 39. inquirens quomodo anima fiat omnia, scientia quidem scibilia, sensus autem sensibilia; docet hoc esse intelligendum secundum formam, intellectum autem esse formam formarum, & sensum formam sensibilibum: At hæc forma de qua loquitur Aristoteles, est similitudo expressa, quæ consistit in ipso

ipso actu scientifico, qui dicitur scientia, vel in ipso actu sensationis, aut phantasiæ, qui dicitur phantasia. Ergo de mente Aristotelis idem est se facere, vel fieri omnia, ac producere in se talem similitudinem expressam, ac illam recipere tanquam actum immanentem. Proindeq. tota agentia, siue efficiencia intellectus in eo constituitur à Philosopho, quod in se efformare valeat veluti omnia entia, dum similitudines eorum in se valet exprimere. Itaque per intellectum agentem non intelligit Aristoteles aliam potentiam, quàm ipsam, quæ actum promit intellectionis, ita vt eadem potentia intellectiua quatenus efficienter promit ac elicit ipsam intellectionem; dicatur agens; quatenus verò eandem in se recipit, dicatur patiens, cum vtrumque ad intellectionem requiratur, nempe agere & pati, vt diximus etiam de sensatione. Alioqui si Aristoteles productionem specierum intelligibilium intellectui agentis demandasset, cur id in explicatione munerum illius non posuisset, vbi tantum docet, huiusmodi intellectum facere omnia, vt habitus quidam; quale est lumen, quod facit potentia existentes colores, actu colores. Quo in exemplo magis oppositum videtur insinuari; quia videlicet sicut non dicuntur actu colores qui actu non videntur, vt in tenebris, micant verò statim atque illuminantur; ita obiecta per eorum simulacra potentia existentia in intellectu non cognoscuntur, quousque intellectus tanquam lumen, radium suæ intellectionis emittat, qua ipsa obiecta actu exprimuntur, ac representantur. Quod si illustratio intellectus agentis esset productio specierum intelligibilium, iam per talem productionem obiecta actu representarentur, sicut colores actu micantes, de quibus loquitur Aristoteles, quod est falsum.

Deinde cum Aristoteles intellectum agentem tantopere extollat textu 20. dicens, hunc solum esse separabilem, immixtum, & impassibilem, immortalem, & perpetuum; vti que si illum discerneret ab intellectu patiente, intellectus patiens talis non esset, nempe separabilis, immixtus, &c. Proindeq. potentia formaliter intellectiua, vt est ipse intellectus

lectus possibilis, non esset incorporea, & spiritualis. Rursumq. nobilius quid esset imprimere species intelligibiles, quam intelligere; ac per consequens emissio specierum aliquis coloris nobilior esset ipsa visione coloris, quod eò absurdius est, quò magis Aristoteli imponendum sequeretur. Vtèrius verò daretur in sententia Aristotelis intellectus non intellectiuis; siquidem intellectus agens, nihil posset intelligere. Et intellectus patiens non tantum esset agens, in quantum efficienter promeret actum intellectiōis, vt aliàs ex Aristotele probauimus; sed etiam quia ipse quoque species intelligibiles quam plures produceret, vt species generum, ceterorumq. vniuersalium, vt conceditur ab eisdem, aduersarijs: quod est inuertère totam ac veram philosophiam, remq. ex se expeditam ac facilem, vtrò confundere, ac innumeris penè difficultatibus inuoluere. Quare Durandus primo sentent. dist. 3. quæst. 5. cum alijs. quos refert M. Albert. in summa de homine quæst. de intellectu agente, iure omnino negat dari huiusmodi intellectum agentem.

In sententia vero eorum qui non distinguunt realiter intellectum agentem à patiente, sequeretur non modo idem esse agens & patiens respectu eiusdem per actionem distinctam, qualis esset huiusmodi productio specierum intelligibilium; sed eundem intellectum qui ponitur ab Aristotele textu 14. tanquam tabula rasa, imagines præferre, ac fecundare, & excitare seipsum, esseq. primum motorem sui ipsius in tali productione nullo in se accepto, aut præexistente semine, ac tribuendo phantasmatis virtutem, quam ipse non habet ad hoc efficiendum.

Postremò intellectus agens, siue distinctus à possibili, siue indistinctus non posset excitare, & eleuare phantasmata; siue illustrare, vt aiunt, ad producendas species intelligibiles, nisi sua virtute aliquo modo illa attingeret, ac roboraret: sed nullo modo potest attingere, quia nec potest illa informare, nec recipere; nec potest aliquid in illis producere. Ergo nullo modo posset intellectus phantasmata eleuare.

Dicendum itaque potius videtur, principium spirituale à quo eleuatur phantasma in productione speciei intelligibilis, esse ipsam substantiam animæ intellectiua.

Cap. 2. huius  
Tract.

Probatum autem primò. Nam hæc est natura substantiæ viuētis, vt in formis subordinatis quas habet, ac se inuicem attingere nequeunt, ipsa tanquam communis radix eas copulet, ac per vnā agat in aliam, vt diximus de morione cognitionis respectu appetitus sensitiui. Quapropter cum ex vno capite constet, intellectum aliquid quodammodo à phantasmatibus pati, & ex alio, nec illa de se posse agere in intellectum, nec intellectum illa ad hoc posse eleuare; optimè sequitur huiusmodi eleuationem fieri ab ipsa anima, quæ mediante sensu interiori eleuat eadem ipsa eius phantasmata ad producendas in intellectu species intelligibiles. Quemadmodum eleuat visionem, cæterasq. sensationes externas ad producendas species intentionales altioris ordinis, vt quæ intus transfunduntur ad vsum sensus interioris.

ib. 1. Tract. 4.  
cap. 3.  
Et Tract. 5. c.  
1. & 2.

Secundo probatur, nam anima rationalis immediatè, ac simul cum interiori sensu concurrat ad suas sensationes,tribuendo illis vitalitatem, vt suo loco planum omnino fecimus ex Aristotele, & Caietano. Igitur phantasma, quod est ipsa sensatio interna, eodem modo, quo immediatè procedit ab anima; ab eadem etiam immediatè intelligitur eleuari in productione speciei intelligibilis, quæ naturaliter ipsum phantasma consequitur; Præsertim cum talis productio potius dicenda sit emanatio per modum simplicis resultantiæ; & qui dat antecedens, dat etiam consequens necessario coniunctum, aut resultans ab illo. Quomodo autem anima in hoc constituatur immediatè operativa, cum sit substantia, cui ex genere suo omnis immediata operatio interdicitur; optimè explicatur à pluribus de substantia rerum non viuētium, ac de operationibus ad extra, quæ non pertinent ad perfectionem suæ naturæ intrinsecæ.

Quod verò obijcit, nullam causam materialem posse esse totale, aut præcipuum instrumentum effectus spiritualis,

lis, utpotè multo altioris ordinis ac naturæ, proindeque phantasma non posse producere speciem intelligibilem per immediatam eleuationem animæ rationalis, quia constitueretur eius instrumentum totale, ac principale. Hoc inquam axioma vniuersaliter loquendo gratis assumitur: Deus enim per solam aquam tanquam instrumentum producit, & confert gratiam in Sacramento Baptismatis; ac per solum ignem cruciantur animæ in Inferno, ac Purgatorio, ut est plurimum Theologorum sententia. Quare nihil obstat quin phantasma possit esse totale instrumentum animæ ad producendam speciem intelligibilem. Denique addi etiam potest sensum ipsum interiorem pariter concurrere in tali productione, tanquam subiectum in quo ipsa phantasmata recipiuntur, ac sustentantur.

Atque hæc dicta sint de effectibus consequentibus operationes huius potentiae ad cuius naturam cum suis proprietatibus amplius explicandam non parum proderunt tum quaestiones, quæ in sequenti libro more problematico expedientur; tum quæ de appetitu sensitivo alio in volumine tradituri sumus Diuino numine adiuuante; cuius est, homines ab omni ignorantie labe purgare, rectumque sensum de interiori sensu, sicut de re qualibet sua bonitate præstare.

re.



# DE INTERIORI SENSV LIBER TERTIVS.

In quo variæ Quæstiones problema-  
ticae ad illum pertinentes  
discutiuntur .

## P R A E F A T I O .



**D**OST vniuersalem considerationem  
de Interiōri sensu superioribus libris  
expositam, ac in suas tractationes  
methodo doctrinae digestam; non-  
nulla supererant interrupta serie  
discutienda, quæ seruatō ordine,  
attentaque sermonis dispositione,  
vix, aut leuiter ibi attingi potuif-  
sent. Cumque ipsa circa varias experimentorum observa-  
tiones potissimum versentur: in quæstiones aliquot seorsum  
placuit distribuere, ac problematīco more in hoc  
libro discutere, tandemque proposita du-  
bitandi ratione iuxta superiora  
principia soluere .



QVÆSTIO PRIMA.



VO pacto fieri potest, vt pollentes ingenio, quæstionem discutiendam aliquando suscipiant, vel mentis conceptum oratione aliqua exprimere statuant; deinde nullo ex industria adhibito studio, post quietem, vel tempus, si Quæstionem, aut Orationem,

expedire contendant, non secus, ac si alius ipsis solutionem dedisset, aut verba suppeditasset, foeliciter omnia pangunt? Etenim sicut ardua, & incognita adinuenire, aut inuenta, disponere nemo valet absque præcedenti, aproque discursu; ita absque mentis iugi applicatione nemo potest circa illa aptè discurrere; Quid enim prodest, quod non pauci dicunt, tempore simulacra rerum, seu species maturari, somno vires augeri, aprumq. magis in corpore se intellectum præbere? Nonnè tempus delet potius, quàm perficit iniustas Imagines? Nonnè ascendentium vaporum in somno, diuersarumque rerum se obicientium multitudo, conceptus turbat, species obuoluit, sedemq. totam non secus ac nubes obumbrat? Qua ergo ratione post tempus, & quietem, tam facile quæstio exagitur, fluit oratio, & quod latebat in mente, palam ostenditur, distinctaque exhibitione, communicatur?

Respondetur. Cum optima adest constitutio, ac dispositio organorum, quæ motui à natura intento obsequatur potius quàm obstat, semel applicato intellectu cum potentia imaginatiua circa aliquid inquirendum, aut exponendum; etiamsi somnus, vel actualis intentionis desitio subsequatur, non secus ac in rotam adacto impulsu, vel in iactum lapidem incusso imperu, ex se deinceps vtramque potentiam moueri, mouereq. simulacra omnia ad id pertinentia; quoniam aptus natura est hic motus fieri. post hunc, ait Aristoteles, inferius subiungens: Et sicut iaculantibus non amplius in ipsis est sistere, sic inuestiganti, quia semper cor-

*De memor. & reminisc. cap. 3. & 4.*

poreum aliquid mouetur, virtute suæ applicationis. Quare potentia, vel in somno ipso adipiscitur intentam cognitionem, vel motum talem preparat in quiete, vt illum in Vigilia reassumere, ac perficere facillimè queat. Nam quemadmodum in somnis preparatus existit motus à diurnis inchoationibus (inquit Philosophus) sic rursus necessarium est, eos, qui in somno sunt motus, frequenter principium esse diurnorum actuum, eo quod preparata sit retro, & horum cogitatio in phantasmatibus nocturnis. Contingit autem rectè huiusmodi motionem procedere absque plena, & continuata intellectus directione cum aduertentia; quia phantasmata se mutuò subsequuntur, & ex se naturaliter coordinantur propter affinitatem, & coherentiam obiectorum. Ad rectitudinem enim operationis intentæ, plus valet connaturalis, & successiua phantasmatum ordinatio, quàm impigra mentis inquisitio, multaue discussio. Vnde qui nimis festinanter, & impatienter inquirunt; vel tardius assequuntur, vel penitus ab instituto aberrant. Quandoquidem non statim aptè, & connaturaliter motio illa potest coordinari; aut ad finem pertingere, quousque veluti circulus compleatur per oblationem imaginis post imaginem, deducta serie à principio, vnde discursus cæpit exordium, vsque ad conclusionem, quæ quasi redeundo cum illo connectitur. Oportet enim existimare (inquit Aristoteles) vt modicas vertigines, quæ in fluminibus feruntur; sic motum vnumquemque fieri continuè in phantasmatibus. Plurimum tamen valet in principio efficax animi applicatio, cum quæstio discutienda, vel oratio exornanda suscipitur; nam ipso conatu potentiæ semel cum vigore adhibito, non modo non expellitur talis motus ab alio motu, vt cum vna cogitatio ab alia dissipatur (ait Philosophus) sed omnino agit inuestigando, operaturq. circa propositum, quod inquit, etiam si postea actualis voluntas amplius non insistat. Vnde est illud Terentij. Num ille somniat ea, quæ vigilans voluit? Et Aristoteles: Conseruatus, inquit, sensorum motus, amata facit somnia. Quod si tunc intenta cognitio non omnino.

Cap. 3. de somnijs.

Terent. in Andria.  
De somnijs c. 3.

omnino ex tenebris eruatur, aut exprimatur oratio, præparantur tamen quæ latebant imagines, nonnullaque excitantur phantasmata, quibus postea intellectus in vigilia ex industria recogitando, ac intermissum opus reassumendo, facile omnia discutit, ordinatq. prout voluntas decreuerat.

## QVÆSTIO II.



VIDE causæ est, vt præclaro ingenio viri, litterarumq. amatores multa quandoque perscrutantur in somnis, nouaq. tum difficilia excogitare præualeant, quæ vigilando vix vnquam post diurnam speculationem attingere potuissent? Nonnè quamuis apta temperie semper cerebrum in illis reperiatur dispositum, solutum tamen magis exiit ab infestationibus vaporum in vigilia, quàm in somno, magisq. idoneum, vt pro animi sententia, & prout opus fuerit, in eo excitentur, ac dirigantur phantasmata? An otium, quod capiunt sensus externi, plus conducit ad perfectionem sensationis internæ, quam ipsa mentis directio, liberaq. potentiarum administratio?

Respondetur, ad assequendas nonnullas rerum cognitiones in ijs, qui recta sunt organizatione, aptoque cerebri temperamento dispositi, maxime iuuare quietem in somno; Primo, quia nulla tunc naturalibus phantasmatum motibus, & ordinationibus incutitur violentia, sed sua veluti sponte simulacra mouentur, ac minimè impediuntur quominus pro naturali connexionem, aut simul concurrant, aut apte valeant iuxta opportunitatem secerni. Nam quemadmodum in humido, inquit Aristoteles, si vehementer quis moueat, quandoque nullum apparet simulacrum, quandoque vero distortum; quod si quieverit, pura & manifesta: sic & in dormiendo phantasmata, & reliqui motus, qui proueniunt à sensibus. Secundo, quia vt idem Aristoteles semel atque iterum adnotauit, plures sunt per quam tenues intelligentiæ circa rerum subtilitates versando, quæ dum

De somnijs. c. 2.

De somnijs. c. 3.

De diuinat. c. 2.

operantur sensus externi, facile evanescent, quemadmodum iuxta magnum ignem minor; Et dolores, & voluptates parvæ secus magnas: Dum verò illi quiescunt, supernant hæc quantumvis parvæ. Nam (inquit) propter vacationem particularium sensuum, & impotentiam agendi, ab exterioribus ad id, quod intrinsecus est, fit caloris refluxus, ad principium sensus deferuntur, & fiunt manifesti, cum sedatur turbatio. Et omnino, inquit, quod paruos motus phantasmatum sentiunt dormientes magis, quam vigilantes. Cum igitur speculabilem, ac difficilem exacta perceptio, contemplationisq. acumen præcipuè attendatur ex subtili observatione differentiarum, quibus obiecta omnimodo, & absolutissimè discernuntur; ipsæque ultimæ differentie non nisi leniter, ac perexiguus motibus, tenuioribusq. imaginibus represententur, ut ex illis formentur abstracta, comparationes, & illationes; mirum non est si multa excogitari, & explicari contingat in somnis, quæ nullo modo, vel confusè in vigilia tenebantur. Imò nisi error in circumstantiis, & conditionibus, quæ ab obiectorum præsentia pendent, plerumque intercederet, vix unquam in vigilia tam exactè, & accuratè intellectus obiecta ipsa perciperet. Quod sanè optimam supponit cerebri temperiem, instrumentorumq. naturalium dispositionem. Nam ad motiones prædictas connaturaliter exercendas, & ut minora cerebrum in somno patiatu aduersa, puriorem sustineat exhalationem, leuioremq. animi iactationem, maximus requiritur consensus partium, maximaque primarum qualitatum moderatio. Nec non interdum bonarum artium quoque supponitur exercitatio, qua intellectus phantasmata dirigere assuescat. Vnde qui instructi virtutibus sunt, meliora somnia vident, ait Aristoteles, eo quod & vigilantes, meliora animaduertant. Alioquin qui turbida cerebri dispositione aguntur, prauoq. habitu sunt affecti, nec noua, nec subtilia in somnis observant, cum raro ordinatè, ut par est, phantasmata eorum procedant, sed motu plurimo, vel disconuenienti agitentur, distorqueantur, ac circa materialiora valde

Cap. 2. de diuinitatibus.

Dei. 20. prob.  
quod. 43.

valde versentur. Quamobrem sicut in vigilia ad opiniones falsas, ac vicia huiusmodi homines faciliè prolabantur, ita & multò magis dormiendo cum deficiente aduertentia rationis, & exuperante fumosa, crassaq; caligine per amplos meatus ad cerebrum ascendente; ad absurda, ac disconuenientia crebrius, ac facilius inclinantur. De quibus propterea intelligendum est illud Ciceronis, quòd si natura paratum esset, vt ea dormientes agerent, quæ somniarent, alligandi essent omnes, qui cubitum irent. a. de diuin.

## QVÆSTIO III.



VI fieri potest, vt quandoque interrogatus homo de causa alicuius effectus quam nunquam excogitauit, statim se scire, & exponere illam promittat, licet actu, nec verbum de ipsa proferre queat. Idemque contingat cum rationem aliquam ab alio prolatam audierit, & statim videtur improbare, nesciens tamen cur illa non rectè concludat? Gratis enim homo se scire, aut declarare præsumit, quod hætenus non percepit, nec intra se ipsum de facto potest exponere; pariterq; vt alterius valeat improbare discursu, nulla cognita causa defectus, aut patente contrarietate. Nū quæ quis nouit, ea quæ non nouit, esse putat, vt falsa opinetur quæ nouit, ait Plato, aut per ea, quæ quis non nouit, putat nota posse probari? Etenim nec apprehensio commensurari potest discursui, nec sibi conscia mens tanquam affecutura promittere, quod ignorat. In Theæteto.

Respondetur, audita quæstione, mox quidem intellectum circa illam discurrere, sed quandoque veram causam effectus, nec primo statim occursum distinctè percipere, nec inter varia phantasmatum inuolucra latitantem omnino perdere; sed quasi inter nebulas conglobatis vaporibus, rerumque imaginibus circumfusam; ac disquisitionis agitatione, veluti ventorum impetu penè magis fugatam, à longe & confusè inspicere. Sicut quæ in nubibus similia sunt homi-

*De somnijs c. 3.* hominibus & Centauris, ait Philosophus, quæ tam citò peracra feruntur ac permutantur, ut perspicuè obtutibus subiacere, minime possint.

Vera igitur causæ similitudo, secundum quidpiam tenetur, & si palam tunc representari minus commodè possit; proindeq. adest quasi pignus, quo postea cū adæquata suæ virtutis applicatione, causam ipsam requisitam exponere, iure sibi intellectus promittat. Et hoc est, habere anticipationem quandam seu anteceptam animo rei informationem, quam Epicurus προληψις appellat, & sine qua nec intelligi quidquam, nec quæri, nec disputari potest, ut ait Cicero. Eique non absimilis est, virtualis illa reminiscencia, qua homo nonnunquam oblita se hæcenus sciuisse meminit, ac rursus ipsi videtur posse recolere. Nam quod in reminiscencia præstant reliquæ præteritarum cognitionum; hoc in proposito præstant rei antecepta illa informatio. Quæ licet in principio, rem ipsam expedite, ac satis exprimere nequeat; exagitatione tamen, & connexorum comparatione discussa, magisq. efformata, paulatim quod vltius desiderabatur, referre iam præualeat. Porro talis est naturalis connexio obiectorum quandoque inter se, ut causarum, effectuum, ac circumstantiarum; similiter & cognitionum in habitibus scientiarum circa idem obiectum totale; ut in vno veluti virtute lateat alterum, exprimaturq. per distinctam cognitionem, si discursus vltius protrahatur. Quo etiam fit, ut facilius se homo scire promittat, quæ ad suam artem, scientiam, aut professionem aliquo modo spectare conspexerit, quam quæ nihil omnino; licet æqualiter de præsentis vtraque ne sciat.

*v. de natura  
Deorum.*

## QV AESTIO IV.



VAM. ob causam ſape ſapius ineptis & inſipientibus accidit, vt integris, & applicatis ſenſibus, non rectè multa videant, vel audiant, ſed perperam diſcernant, confundantq. ſimilia, vel inuerſo ordine, quæ rite obijciuntur percipiant?

Nonne auris verba diiudicat, & fauces comedentis ſaporem? aiebat ſapientiſſimus Iob. An forte iudicium mentis dat ſenſibus, vera propriaq. dignoſcere, quorum notiſſimam ipſa tunc mutuatur ab illis? Mentis enim aptitudo & ſi plurimum ad correctionem ſenſus praualeat, circa illa quæ à Philoſophis dicuntur ſenſibilia per accidens aut communia; non tamen ei tribuit circa ſenſibilia propria melius aut diſtinctius operari. Imò belluæ quàm plures etiam ſi mente ſint omnino expertes, acuminè viſus, auditus ſubſilitate, alijsq. nonnullis huiuſmodi perfectionibus homines vniuerſos longe ſuperant, vt Ariſtoteles, Plinius, ac Plutarchus obſervant. Non ergo rudes ingenio ſi non minus exterioribus ſenſibus polleant, frequentius errare deberent; verba, aliter quam pronuntiata ſunt audiendo, ſermones ſuſum, deorſum vertendo, ſapores & colores imperfectius diſcernendo, aliaq. multa diſtorre ac imbecillius percipiendo.

Iob cap. 12.

Ariſt. 2. de ani-  
ma tex. 94.

Et de Hiſt. ani-  
mal. lib. 8. c. 1.

Plinius natura-  
lis hiſt. lib. 20.

cap. 69.

Plutarch. de  
ſolertia anima-  
lium.

Reſpondetur, aptitudinem, vel ineptitudinem intellectus quoad operationes, quas naturaliter exercere debet in corpore cum ex diuerſa variaq. phantaſmatum ſubminiſtratione, ac interioris organi diſpoſitione oriatur; non parum ex parte cauſæ cum diuerſis cuiuſque ſenſus exterioris operationibus coliarere: Nam idem ſenſus interior, eademque cerebri diſpoſitio, ſpirituumq. animalium promptitudo, vel tarditas, quæ intellectui bene, aut male obſeruiunt in eſſormatione, ac ſubminiſtratione phantaſmatum, ſenſui exteriori diuerſimodè vim tribuunt operandi. Porro ſi ad functiones ſenſuum externorum præſto ſit, & competens ſpiritu-  
tum.



enim animalium subministratio, ipsiq. spiritus puri, ac perlucidi sint, utpote ex optima ac temperata cerebri substantia promanantes, & per expeditos nervos deducti, recta, pariter, & acuta sensatio elicietur in externo sensorio alias bene disposito, ut in præsentis supponimus. Si vero langueat sensus interior in huiusmodi administratione ex cerebri intemperie, aut obstructione aliqua circa ortum nervorum, & exiguus admodum spiritus ad exteriora descendat sensoria, ut in quodam vitio oculorum contingere, docet Galenus. Vel è contra si ferueat cerebrum, & imaginatio impatienter vires distribuat, ut in amentibus ex phrenitide, aut ebrietate, & in his, qui vel similem à natura sortiti sunt cerebri temperiem. Tunc profecto quantumvis apta sit ex se ac disposita sedis externæ constitutio, per sæpe necesse est sensum ipsum sentiendo eludi, etiam circa propria sensibilia, ultimas eorum differentias minimè aut distortè, ac depravatè percipiendo, ad instar eorum, qui commutatis calcæis aberrant, (ut aiebat Plato,) & similia patiuntur ijs, quæ in speculis transverso resultant, cum aspectus dextera in sinistra commutat. Atque omnino, ut paulo post idem subiecit, qui cerebri substantiam obtinent minus rectè dispositam, non modo ad opiniones, & imaginationes falsas proni redduntur, sed cum quid vident, aut audiunt, aut cogitant, quia singula singulis mox reddere nequeunt, tardi sunt, præuaricanturq. ita ut peruersè videant plurima, audiantque, & aliud sæpe pro alio cogitando decepti concipiant.

Item ex eadem cerebri temperatura nascitur difficilis, vel inconstans mentis attentio, sine qua nec multæ circumstantiæ, ac differentiæ sensibilibum percipiuntur; imò nec ferè absolutè videre, aut audire homines dicuntur; scilicet, quia affectio aurium, aut oculorum sensum nullum indat intelligentia absente, ut ait Plutarchus asserens illud Cleomenis Regis qui, cum in conuiuio laudaretur quoddam carmen; interrogatus an sibi videretur esse præclarum: Vos (dixit) isthuc videritis, mihi animus erat in Peloponneso.

Accedit

4. de locis affect.  
cap. 2.

De Theatris post  
meditum.

De solertia ani-  
mal. non longe  
à principio.

Accedit, quia non semper sensus exterior cunctas differentias, vel partes obiecti propositi, quas attingere posset, per se solum de facto attingit; sed plerumque suppletur defectus illius imaginatione aliqua, vel argumentatione, quod reliquum erat interius proponente. Ut cum multa, quae mutilata externis sensibus imprimuntur, tanquam integra interius concipiuntur, & ex vngue leonis oculis oblata, totus leo intus representatur; aut ex Verbo, quod nobis ad aures accedit, oratio videtur intus completè sonare. Vnde Galenus putauit, neque magnitudinem, neque figuram, neque motum, neque numerum ab aliquo solo sensu percipi posse absq; ratiocinatione, & memoria. Quoniam vero huiusmodi res, quae ex parte suppleuntur interius, non semper ita se habent quemadmodum dicat imaginatio, vel ratiocinatio; sed magis, minusue comprehenduntur, aut deperduntur iuxta capacitatem, & aptitudinem cognoscentis; hinc est, ut qui minus rectè imaginantur, & ratiocinantur, frequentius errent: Quare, ut Aristoteles obseruat, festini ministri, qui prius quàm omnia, quae dicuntur audierint, excurrunt; ab actione, & mandato saepe aberrant. Quia nimis hebetes, ut plurimum sunt, ingenioq; rudes; quibus nec diuinare conceditur, nec multum coniectura deseruit, ut rectè suppleatur interius, quod sensum aufugit exterius. Perspicaces verò, & qui meliorem adepti imaginationem, facilius (ut vulgo dicitur) partem ex littera argumentantur, minus decipiuntur, pleniusq; propterea rerum cognitiones assequuntur, ac perfectius videre, & audire, iure putantur.

Itaque iudicium sensus exterioris, non modò pendet ab intrinseca dispositione, & concursu sensus interioris, sed perficitur quandoque, suppleturq; omnino per illum ad exactam, completamq; cognitionem animalis; cum alioquin, externis sensibus nunquam negetur suo modo circa propria sensibilia iudicare, ut sacer textus assumpsit: Nam & Aristoteles inquit, visu nos diiudicare tenebras & lumen, sentireq; tum colorem, tum subiectum illius, quod fufius alibi explicauimus.

QVAE-

Lib. 7. de placitis Hippocr. & Plac. cap. 14. Et lib. de diuersa stratione.

v. Ethic. cap. 6.

2. de anima. tex. 238.

Lib. 1. metaph. 4. cap. 11.

## QVÆSTIO V.



VID causæ est, vt in arte oratoria, aut in prælegendis, & explicandis lectionibus exercitati, cæteris paribus, facilius memoriæ mandare, ac retinere præualeant, quam qui nulla exercitatione memoriæ defatigare consueuerunt? Etenim huiusmodi exercitatio plures, recentesq. quotidie impressiones imaginum supponit in organo; Multitudo autem præsertim eorum, quæ gregatim obueniunt, nouaq. serie perpetuo irruunt, confundit quippe magis potentiam, sensum organum labefactat, viresq. paulatim exoluit. Potius igitur exercitationis, ac defatigationis carentia, veterumque simulacrorum paucitas, memoriæ iuuabit, vt non secus ac in pueris, vixens, ac munda, noua suscipiat, firmiter teneat, proferatq. cum opus fuerit promptius, atque vberius.

Respondetur influentium simulacrorum copiam, quæ tempore, & exercitatione in dies augetur, nullo modo potentiam, vel organum deprimere, aut grauare; nec operationes potentiæ vnquam confundere. Nam rerum imagines sibi in cerebro occurrentium, cum omni mole, & contrarietate careant; nec locum occupant, nec se mutuo impediunt, aut à subiecto conantur extrudere. Quandoquidem innumerabilium pene rerum similitudines vno ictu constar oculis illabi, exiguamque pupillam tantam congeriem, nulla grauedine, aut perturbatione capere; sed maiorem semper expetere; vt propterea sapiens dixerit, non satiari oculum visu, nec aurem auditu impleri: Vnde Cassiodorus loquendo de memoria: Vestibularia nostra (inquit) cum fuerint plena; nihil capiunt; hoc autem thesaurarium non grauatur oneratum, sed cum multa condiderit, sciendi desiderio plus requirit. Rationem verò attulit Augustinus; quia imagines, quæ ibi sunt non se interponunt, neque interrumpunt, cum thesaurus alius pertractatur. Cum igitur ex

vno

*Ecclesiastes. c. 1.*

*Lib. de anima  
cap. 12.*

*Lib. 10. Confes-  
sion. cap. 8.*

vno capite multitudo specierum non obstat; ex alio vero, exercitatio vires omnes accrescat, ut rectè probat Hippocrates; mirum non est, si iugiter exercitati facilius memoriæ mandare præualeant. Porro ex frequentatis actibus fit habitus; habitus autem disponit potentiam, iuuatq. illam ad facilius operandum. Et sicut cera quò frequentius tractatur, eò mollior ac lenior euadit, aptiusq. impressiones omnes valet excipere: Ita cerebrum frequenti reuolutione phantasmatum, nouaq. semper impressione specierum, ac reflexionibus intellectus exagitatum, melius ac facilius iniustas verborum imagines recipit, receptasq. potentia suggerit cum easdem opus fuerit retractare. Quod si pueri absque tali exercitatione imaginumq. impressionibus tam crebris, faciliè res cunctas memoriæ commendare præualeant; hoc certè non ex carentia defatigationis, & exercitationis, aut paucitate, imaginum procedere censendum est; sed ex organo magis disposito, & carentia passionum multarum ac sollicitudinum distrahentium, ut hæcenus explicuimus. Proindeq. in principio supposuimus, rem ita se habere, cæteris paribus.

## QVÆSTIO VI.



VID est, quod nonnulli si cum præpotentibus viris, maximæque auctoritate præditis loquantur, aut cum summo amore dilectis personis postquam diu concupierint; statim turbantur, & quò melius verba facere conantur, eò deterius inuersa serie loquuntur, aut conceptus & verba non suppetunt, quæ proferantur? Vbi enim reuerentia timorem excitat, vel gaudium exhibitionem amoris; ibi vires colliguntur in vnum, naturaque fortius agit; cui cum res & modus illarum semper proportionaliter obsequantur, quæ parata erant interius, exterius pronuncianda, aptius, vberiusq. potius proflire, quàm confundi aut impediri in huiusmodi actibus viderentur.

Respon-

Respondetur moderatum calorem collectum interius ex reverentiali timore, aut ex gaudio, & fruitione amoris cum spiritus omnes confluunt ad sua principia, nempe vitales ad cor, animales vero ad cerebrum; excitare quidem magis virtutem sentiendi interius, promptioremque illam reddere, ut iuxta opportunitatem intellectui subministraret. Et sic non defuere, nec defunt qui nunquam tam copiose, & ordinate loquuntur, quam cum Magnatibus, ac viris celeberrimis agunt; Etiam nulla facta praeventionem conceptum, aut industria prius adhibita. Magis enim animus nititur extimationem sibi comparare ab ijs, quos magnopere veretur, ut patet ex Aristotele. Et tunc maxime cum libenter se audiri cognoverit, ut Eschini Cotocididi apud Philippum Macedonem legationem agenti coarctasse narrat Elianus. Immoderatum tamen calorem, ut qui ex vehementi passione timoris, aut amoris circa cor, ac cerebrum in solito spirituum accursu ac discursu excitatur, turbare, & impedire absque dubio una cum phantasmatibus cunctas operationes cognoscitinas. Nam ex corde ad cerebrum fit caloris refluxus: cerebrum autem sua dispositione frigidum, ac in suis operationibus naturaliter sedatum, male patitur exuberantem, & impatientem calorem, frequentiamque nimiam spirituum irruentium, qui vel amore, & immodica letitia dispersiuntur, vel timore constipantur, ac suffocantur. Quare sensationes internas tunc ibi elicitas circa verborum prolationem, interrupta serie prodire necesse est, aliasque ab alijs impediri, non secus ac plurimos magna vi ab hostio simul exire conantes. Ex quo fortasse accidit Demosthenem coram eodem Philippo Rege multa, & ornate, ut solebat, proferentem, quandoque voce ac sensu defecisse, sicut, & Theophrastum Eresum Athenis in Areopago, ut idem Elianus, ac Plinius referunt. Omnino enim, ut simulacra interius, quemadmodum aiebat D. Augustinus, faciliter, atque imperturbata serie sicut poscuntur, suggerantur, & cedant praecedentia consequentibus, & cedendo condantur, iterum cum voluerimus processura; magna requiritur

*a. Rhetoricarum  
cap. 2.*

*Lib. 2. de varia  
historia*

*Lib. 10. Confess.  
cap. 3.*

quiritur subiecti, spirituumq. animalium sedatio, quæ cum nimia passione lætitiæ, vel timoris, nullo modo potest consistere. Vnde nimia appetitione animus inflammatus si quando adeptus est id, quod ei fuerat concupitum, tum fertur alacritate, ait Cicero, vt nihil ipsi constet quod agat. *Tusculan. quæst. lib. 4. circa med.*

Conueniunt autem huiusmodi passionēs in causatione prædicta, quatenus ab vtraque nascitur vehemens sensus interioris & intellectus applicatio, cerebri, operationumq. turbatio: discrepant verò, quatenus reuerentia, ac timor spiritus omnes constipat, & constipando, per vnionem interiora instrumenta ex parte calefacit, imaginesq. in cerebro asseruatas exagitat: Ex parte verò eosdem spiritus suffocat, ac restringit, non secus ac operculum lumen candelæ. Sic vt ex copia, inopia aliquando procedat. Exultans autem, gestiensq. lætitiâ, tanquam effusio animi, spiritus ipsos dissipat, viresq. cunctas inordinatè dissoluit; ita vt omnia simul dicere, ac proferre quis velit: sicque conceptus cæteruatim se proruunt, vt dum aliud petitur & quæritur, aliud profiliat in medium, nec suggeratur, aut exprimat quod conuenit: Vnde Virgilius de Didone amante cecinit. *A. Aeneidos.*

*Incipit affari mediâq. in voce resistit.*

Et Seneca tragicus.

*In Hippolyto.*

*Sed ora cæptis transitum verbis negant.*

Item Ouidius in persona Phœdræ.

*Epist. 4.*

*Ter tecum conata loqui, ter inutilis hæsi*

*Lingua, ter in primo destitit ore sonus.*

## QVAESTIO VII.



VR adolescentes patriam relinquentes, & finitimas penè Ciuitates incolentes, vbi sermone parum dissimili communiter vtuntur; facilius natiuam loquelam obliuiscuntur, quàm qui ad alienas prouincias, & remotiora loca se conferunt, vbi diuerso omnino idiomate loquuntur. Quo enim formæ inter se magis differunt,



ferunt, eò magis sibi aduersantur, ac mutuo se solent expellere: potius igitur simulacra verborum in adolescente, qui verbi gratia, Romæ natus fuerit, deleri & obliterari deberent per impressionem aliorum omnino discrepantium, vt Græcorum, vel Thientonicorum, quàm per impressionem paràm dissidentium, vt alterius Ciuitatis Italæ; & tamen contrarium experimur.

Respondetur, simulacra verborum, siue similium, siue dissimilium, & omnino discrepantium, nullatenus inter se pugnare, nec vicissim se à subiecto extrudere, cum nulla dari possit in illis vera ac propria contrarietas: sed tempore duntaxat, ac dissuetudine aboleri, vel certè cum alijs confusè recondi. Vnde multi sunt, qui plures, ac distantissimas linguas, idiomaticaque callentes, ac in singulis exercitati, nunquàm patrium sermonem obliuiscuntur: vt de Mithridate fertur, qui duabus, & viginti linguis loquebatur, iuxta numerum nationum, quibus imperitabat, propriæ non oblitus: ac de Themistocle Atheniensi, qui bene loquebatur patriæ, melius autem Persicè: & Crasso, qui in Asiam profectus, quinque ibi linguas didicit, non oblitus Romanæ; & sic de alijs fieri tamen quandoque, vt vna loquela in alteram permutetur, ob totalem dissuetudinem vnius, & consuetudinem alterius diuturnam. Ad quod animaduertens Ouidius longo exilio detentus de se ait:

*Phil. lib. 7. c. 24.*

*Tristium lib. 5.  
Ælegia 7.*

*Ne tamen Ausonia perdam commercia lingua*

*Et fiat patrio vox mea tuta sono,*

*Ipsè loquor mecum, desuetaq. verba retracto,*

*Et repeto studij signa sinistra mei.*

Verum tunc facilius, ac citius hæc permutatio experitur, cum loquutiones ipsæ, affinitatè quâdam coniunctæ, non nisi circa inflexiones quasdam verborum, accentus, aut raram syllabarum, littèrarumque transpositionem, additionem, aut detractionem inter se dissident. Quoniam à simili in simile facilius est transitus; & sicut parvæ differentię difficilius discernuntur, ita facilius è memoria dilabuntur; secus ac maiora discrimina, quæ euidentius percipiuntur,

tur,



tur, ac diutius retinentur; ut patet in vultu hominum, ac situ locorum; quorum imagines si quid singulare continent, facilius memoriae tenentur, vel à pictoribus exprimantur. Cumque tam consuetudo ad imprimendas novas imagines, quam dissuetudo ad veteres dirimendas, & obliterandas, in ijs maximè valeat, qui molliorem adepi sunt cerebri substantiam; hinc est, ut praesertim in pueris, & adolescentibus communiter ita dispositis, hoc experiri dixerimus; ut scilicet facilius patrium sermonem conuertant in similem. Alioquin satis est notum quàm difficulter adulti propriam linguam, pronuntiationemque etiam ex industria ac sponte demittant, cum persimilem aliam adipisci conantur. Nam & Theophrastus Lesbium cum Athenis ageret, optimeque Atticè loqueretur, ab anicula illa in foro quidpiam vendente, tanquam aduena ex loquela depræhensus, hospes fuit appellatus. Et Ephraeus ille, qui ut Galaadites euaderet, Ephraeam se esse negabat, interrogatus ab illis, ut Sibboleth pronuntiaret, quod interpretatur spica; respondit Sibboleth, eadem littera spicam exprimere non valens: ac statim propterea iugulatus periit in ipso Iordanis transitu, ut refert Sacra historia. Quod enim pronuntiandum erat per litteram *ו*, Scin, pronunciauit per *ס*, Samech.

Cicero de Annis  
Orat. circa  
med.

Iudicium 12.

## QVAESTIO VIII.



VO pacto contingere potest, ut leſitantes, aut pleraque memoriter ad verbum recitantes, ſicut & ſidibus artiſicioſiſſimè pulſantes ſimul, & canentes; idipſum quandoque quod agunt, non omnino attendant; ſed aliud longè diuerſum cogitent, ac circa illud toto animo verſentur? Non enim alterum abſque ſenſu interioris, & intellectus coope- ratione valet obiri, nec ſimul vtrumque ſenſus ipſe, aut intellectus poteſt complecti; cum omnes voces cantantium, aut verba proferentium, omnesque nerui in ſidibus ita ſonent,

ut à motu animæ per propria instrumenta pulsantur, prænia  
sensus, & intellectus directione. Nullaque creata cognitio  
ad plura simul, ut plura sunt, se possit extendere; quemad-  
modum est doctrina D. Thomæ, & colligi videtur ex Ari-  
stotele, qui plane: Contingit, inquit, plura sciri; non au-  
tem cogitari: Semper enim, ut alibi ait, maior motus mi-  
norem depellit: propter quod delata sub oculis non sen-  
tiunt qui fuerint vehementer in aliquid intendentes, vel ti-  
mentes, vel audientes multum sonum: hæc ille. Pluribus  
ergo, ac inter se disparatis, simul, & non omnimodo inten-  
tis, quomodo erit ad singula sensus?

Respondetur neque intellectum humanum, neque ange-  
licum posse simul plura per modum plurium; & absque  
aliquo ordine inter se plenè, ac perfectè attendere, sicut  
cum singula per se seorsum, aut sub communì aliqua for-  
malitate intellectus ipse considerat; idque ex propria li-  
mitatione creatæ potentiæ: posse tamen intellectum huma-  
num in vnum quidem omnino, ac perspicuè aciem figere;  
in alia verò saltem ex parte, ac veluti obscurè intendere,  
& ad omnia simul interiorem sensum ministrare phantaf-  
mata. Constat enim quidpiam nobis quandoque deter-  
minatè cogitantibus, plura ac valde diuersa simul in  
mentem venire, ac etiam nolentes eorum cognitione ad  
motus quosdam naturales appetitus impelli. Nam plura  
contingit simul phantasmata excitari, cum multa ex di-  
uersis sensibus vno ictu quandoque soleant intus conflue-  
re, ac eodem modo postea in memoriam reuocari. Om-  
nino enim quemadmodum in rebus ipsis, ait Aristoteles,  
plures formæ simul reperiuntur in eodem subiecto, idem-  
que & vnum numero est album, & dulce; ita & in animæ,  
quæ propterea plura sentiet simul, eodem & vno, scili-  
cet sensu communi. Nihil enim prohibet sensum interio-  
rem, vel intellectum diuersis conceptibus formalibus, seu  
imaginibus expressis eodem tempore informari, cum non  
sint formæ contrariæ inter se, nec excedant vires potentiæ  
sensitiuæ, quæ sicut diuersorum species impressas simul valet  
recipere

*S. Tho. 1. par. 9.*

*53. arti. 2.*

*Arist. 2. Topic.*

*cap. 4.*

*De sensu, & sen-*

*sili c. 2.*

*De sensu, & sen-*  
*sili cap. 8. in fin.*

recipere, & conseruare, ita expressas simul valet elicere, unaq. ab ipsis informari; quod est plura agere posse, sicut & pati. Quare sic potest intellectus post applicationem, ac primam directionem naturalium instrumentorum cum phantasia, alia diuersa omnimodo meditari, vt simul ad eandem directionem continuatione quadam habitualis virtutis concurrat. Nam aptus natura est hic motus fieri post hunc, inquit Aristoteles: & ea, quæ ex habitu acquisito eliciuntur phantasmata, vel simulacra, facile & ordinatè mouentur, quamuis vel minima adhibita mentis attentione, aut reflexione. Et quia operatio, cui minus intenditur, remissior valde procedit; hinc est vt obscure admodum, ac tenues promanant imaginationes, per quas naturalia instrumenta suo etiam adiuuante habitu diriguntur: ac propterea, vel facile mentem prætereant, vel rarò percipiuntur: (quamuis animus aliud intendens, se præpediri sentiat saltem in confuso, cum alia ex habitu facere, aut proferre contingit) ita vt formaliter mens ipsa ijs tantum videatur incumbere, quibus præcipuè per maiorem conatum intendit. Quò spectat illud Lucretij:

*Cur igitur mirum est animus si cetera perdit,*

*Præterquam quibus est in rebus deditus ipse?*

Dixerat enim paulò superius,

*Nonne vides, oculos etiam cum tenuia, quæ sunt*

*Cernere caperunt, contendere se, atque parare:*

*Nec sine eo fieri posse, vt cernamus acutè?*

Multa itaque sensu sine memoria obscure leuiterque distante, lingua profert: multaque artificiosa manus, intellectus, ac phantasiæ directione ex habitu concurrente mouet, quibus nec mens, nec phantasia circa diuersa efficacius occupata videtur attendere. Nec aliud sensit Aristoteles in doctrina allegata; nam solum ait, non contingere ita nos cogitare plura, sicut contingit scire; nam tam multa, ac varia scimus, vt nullo modo simul valeamus cogitare. Scire enim denotat habitum; cogitare verò actum cognitionis. Quod autem rursus ex Aristotele affertur, verissimum est,

*Cap. 3. de mem.  
in vniu.*

*2. sopicorū c. 4.*

*De sensu, & sensu  
sili cap. 8.*

sed non semper ita contingit, quia non semper est tam vehemens applicatio mentis ad vnum, vt alterius motum omnino possit depellere. Vnde in fine eiusdem cap. concedit, plura posse simul sentiri. Quod absolutè nemo potest negare, sicut nec plures res determinatas simul posse intelligi cum aliqua imperfectione, vt diximas, si disparatæ sint; vel certè simpliciter si sint connexæ, vt plures termini, ac propositiones obiectiuæ, quæ simul ab omnibus admittuntur formaliter concurrere ad constituendum syllogisum in intellectu. Et hoc sensu explicari etiam potest doctrina S. Thomæ. Nam & de Cæsare Augusto traditur, quod legere simul, & scribere, & audire, & dictare solitus erat, & epistolas de rebus maximis quaternas alijs dictando, ipse manu propria quintam scribebat, aut si nihil aliud ageret, septenas dictabat. Quamuis hæc magna ex parte, non tam simultaneæ cognitioni, & attentioni, quàm velocitati, ac volubilitati promptissimi ingenij, & amplissimæ, firmissimæq. memoriæ mereantur adscribi.

*Plinius lib. 7.  
natural. histor.  
cap. 25.*

## QVÆSTIO IX.



VR. sæpe memoria, quæ olim multo tempore prius recondidit, modò facilius reddit, quàm quæ postea nuper apprehendit? Nonne vetustiora potius idola, seu spectra consueuerunt excidere, ceduntq. priora subsequenter iuxta temporis differentiam, ac decursum ætatis, quo tandem omnia euanescent? Quare igitur contra accidit? Quod vertè de propria memoria Annaus Seneca obseruat. Nam (inquit, quæcumque apud illam, aut puer; aut iuuenis deposui, quasi recentia, & modo audita, sine cunctatione profert. At si qua illi intra proximos annos commisi, sic perdidit, & amissit, vt etiam si sæpius ingerantur toties tanquam noua audiam.

*Lib. 1. consol.  
in proximo.*

Respondetur, non tam vetustatem, aut nouitatem imaginum iuxta temporum differentias, quibus illæ fuerunt impressæ,

pressæ, quàm efficaciam impressionis illarum in retentione, vel dilapsu memorabilium esse considerandam. Nam quæ quis siue puer, siue senex leuiter apprehendit, omnis parua vetustas obruet, facileque delebit obliuio. Contra verò cum insignes, ac profundæ; non autem superficiariæ impressiones fiunt in cerebro, omnia tanquam noua, ac recenter ingesta seruantur, nec vnquam sulcipiunt vetustatem; vt eisdem ferè verbis docet Plato in Theæteto: fiunt autem, *Longè post. med.* huiusmodi impressiones insignes, vel tenues; tum ob diuersam cerebri temperiem, magis minusuè aptam in vno, quàm in alio tempore, vel ætate; tum ob tranquillitatem, vel perturbationem animi. Siquidem volubilitate cogitationum, varijsq. discursionibus phantasmatum ita quandoque iactatur animus ex vehementi aliquo affectu, cura, vel anxietate, vt etiam si nonnullas diuersas imagines tunc in cerebro recipiat, parum tamen, aut leuiter obiectis attendat; sed per modum transeuntis, ac superficie tenus, quasi in aliud properans, illa percipiat; quæ propterea ocys euanescent, non secus ac in decurrente flumine varijs verticibus fluctuante, vel in humido, si quis vehementer moueat, cum incidunt simulacra, vt inquit Aristoteles. Contra, *De somnijs: c. 1.* verò cum animus sua tranquillitate potitur, ac naturali fititur quiete, vt docet idem Philosophus, vel si cum voluntate attendit, tunc sensus, & intelligentia hominis proprio fungitur officio, & insignes impressiones simulacrorum admittit, ac diuturnam consequenter firmat memoriam. *Sect. 10. probl. 2. 13.*

Vnde est illud Critias, qui de se olim puero apud Platonem in Timæo multa enarrans, ait: Cum voluptate, & ioco audiebam cum senex ille me doceret. Quapropter quasi quædam litterarum inustæ indelebiter notæ, ea mihi omnia infixæ memoriæ permanserunt.

*Non longe ab initio.*

## QVÆSTIO X.



VR ex ingeniosissimis viris, plurimi experiantur in humana consuetudine parum prudentes, & frequentius, qui in speculabilibus multum proficiunt, in moralibus, & agilibus magna ex parte deficiunt? Postulatne sensus. diuersas dispositiones in cerebro

ad capessendas imagines rerum moralium, ac iudicandum de illis, quàm postulet ad attingendas obiectorum veritates in vniuersum, in quibus agibilia, & speculabilia includuntur? An ex sola ordinatione cognitionis ad praxim aliquid refunditur in obiectum, ac ratione illius. constituitur diuersa capacitas cognoscentis? Vtrarumque enim intellectiuarum partium, opus (nimirum actiuæ, & speculatiuæ) veritas est, ait Aristoteles, solaq. ordinatio veritatis ad praxim non addit, nisi tendentiam appetitus in illud, cuius causa ipsa cognitio veritatis elicitur, ac talis denominatur, nempe practica, aut actiua, vt ex eodem Philosopho id apertè colligitur.

*4. ethic. 1. 2.*

*Ibidem.*

*Lib. 3. de anima  
102. 49.*

Responderetur, intellectum actiuum non nisi sine à speculatio differre, vt docet Aristoteles, ac proinde in omnibus quidem obiectis veritatem inquirere, siue speculabilia tantum illa sint, siue etiam agibilia: verum non eodem pacto veritatem ipsam in cunctis attingere, aut eodem modo erga alterutrum genus obiectorum versari. Nam circa merè speculabilia, per abstractionem vniuersalium, ac demonstrationes serè semper procedit; id quod paucioribus indiget imaginibus, vt passim propositiones æternæ veritatis efficiat, scientiamque de illis obtineat. Circa verò agibilia, licet nonnullas rationes formales præscindat; frequentius tamen non nisi experientiam obseruando, rationes particulares considerat, vel vniuersales cum singularibus circumstantijs, & conditionibus confert, in quibus penè tota posita sunt, quæ sub actionem cadunt: pluribusq. propterea indiget

indiget singularium contingentium imaginibus, ac phantasmatibus, ut omnibus perspectis, quæ agenda sunt, aptè diiudicet, atque disponat. Vnde Aristoteles, causam reddens cur experti magis id quod intendunt, consequi valeant, quàm illi, qui rationem absque experientia tenent; ait quòd experientia, singularium; ars autem, vniuersalium cognitio est. Ideoque hætenus prudentiam, dixit non esse vniuersalium tantum, sed opus esse, ut singula etiam cognoscat, cum sit actiua, actioque circa particularia versetur. Et consequenter adiecit, quòd ille, qui in demonstrationibus versatur, immobilium terminorum, & primorum; alter qui in actiuis consistit, vltimi, & eius, quod euenire aliter, atque aliter potest. Quo fit, ut cum de singularibus non detur scientia, nec determinata veritas de contingentibus; intellectus opinione, aut coniectura, magis quam demonstratione, aut scientia; ac proinde minori certitudine, quantum est ex natura sua circa moralia, & agibilia ducatur. Quamuis, ut rectè admonet idem Philosophus; Peritorum hominum, & seniorum, seu prudentum, pronuntiationibus, & opinionibus absque demonstratione, non minus quàm demonstrationibus attendendum sit; quia nimirum ex ipsa experientia visum habent, ac principia intuentur. Qui igitur ex vno capite propter agilitatem, & aptitudinem sensus, perfectionemq. phantasmatum, in quibus obiecta ipsa secundum distinctas rationes elucet; ita sunt natura, & habitu instituti, ut faciliè per abstractionem, ac demonstrationem circa obiecta versentur, scientiamque sibi valeant ex principijs certis, & euidentibus comparare: Et ex alio capite parum habent experientiæ, & obseruationis circa agibilia, & moralia, ut ad consequenda multa bona humana, augendam rem familiarem, moliendas negotiationes, instituendos mores, & similia: ij quidem partim despiciunt ipsamet commoda, & vtilia multum indagare, vel ab alijs discere ob incertitudinem coniuncturæ, vel cognitionis opinatiuæ; nam cum natura perfectiora semper intendat, intellectus magis ad scientiam, quàm ad opinionem

1. meth. cap. 1.

6. ethic. cap. 7.

Cap. 11.

6. Ethic. c. 12.



nem inclinatur. Partim verò etiam si attendant, faciliè errant in consultatione, ac perferuatione mediorum, vt media sunt ad finem, quod est præcipuum opus prudentiæ. Nam ex defectu experienciæ, & obseruationis differentiarum indiuiduantium, respectuum, ac circumstantiarum, in quibus tota penè fundatur mediorum aptitudo, & congruentia, multa ignorant vtilia, seu media, vt media ad finem proportionata; vel saltem, quæ vtiliora, & aptiora sunt, non satis in consultatione discernunt. Bona enim consultatio secundum vtilitatem, id quod oportet, & sicut, &

6. *Ethic. cap. 9.*

*Ibidem cap. 7.*

*Lib. 13. in fine.*

*Ibidem cap. 8.*

quando, rectè debet inspicere, ait Aristoteles. Quamobrem Anaxagoras, ac Thales, aliq. huiusmodi magni nominis viri, assiduè speculationibus dediti, cum circa vtilia, & agibilia multa ignorarent, quamuis difficilia admiranda, ac diuina cognoscerent, non prudentes, sed sapientes dicti sunt, vt animaduertit idem Philosophus. Et Anaxippus Comicus apud Athenæum dixit Philosophos verbis tantum sapere, gerendis autem rebus se dementes esse perspicere. Et iuuenes (inquit Aristoteles,) licet Geometrici, & Mathematici, atque in eiusmodi rebus sapientes euadant, prudentes tamen euadere non videntur, cum prudentia sit particularium, quæ experientia nobis innotescunt: iuuenes autem experti non sint, eo quòd experientiam temporis asferat longitudo.

Quibus addendum est, quòd cum maior voluptas capiatur ex his, quæ vnicuique magis innotescunt; & quæ cum delectatione fiunt, perfectius exerceantur; mirum non est, si disciplinæ mathematicæ libentius, ac perfectius, quàm morales ab adolescentibus adipiscantur, propter euidentiā, quam illæ, & non istæ in se continent.

Accedit etiam, quod passio voluntatis, vel appetitus sensitiui facilius, ac frequentius circa agibilia, quàm circa speculabilia cognitionem hominum, sensumque peruerit. Vt patet in pluribus, qui locupletissima rerum cognitione præditi, ac veracissimè circa speculabilia versando: vitij tamen mancipati imprudenter sua, aliorumq.

per-

pertractant, prauèq. vitam instituunt, vel traducunt.

Præterea, qui circa speculabilia, ac realitatem obiectorum, natura duce, magnopere vehitur, aut ex habitu veritatem semper attendit; sicut vera iugiter contemplatur, ita vera iugiter profert, veraciterq. in omnibus agit. Quo sæpe fit, vt maxima simplicitate ex se ipso cæteros iudicando, facile credat, fidemq. omnibus adhibendo decipiatur. Cum è contra prudentia, multa quidem præcipiat vera detegere, alia occultare, ac dissimulare, sagaciterque cuncta discernere, vt non semper, nec omnibus fides adhibeatur, nec omnibus omnia patefiant; nam in ore fatuorum cor illorum, ait Sapiens.

*Ecclesiast. c. 21.*

Denique ex parte quoque subiecti, seu organi eiusdem, discriminis causam inuestigando, obseruandum videtur, quòd qui circa speculabilia maxima naturæ propensione, ac facilitate versantur: ij certè cum debita primarum qualitatum temperie tenuiores, ac subtiliores partes cerebri sunt adepti, spiritumq. magis aereum, quàm sanguinis euaporatione crassatum, ac densitate aliqua materiæ consistentem. Ideoque debiliores plerumque in retentione specierum inueniuntur, paucioribus imaginibus delectantur, & omnia ad vnitatem quandam referre conantur. Quo fit, vt plures differentias singulares, conditiones, ac circumstantias simul retinere non valeant, prout opus esset ad praxim; proindeque imperfectè circa moralia, & agibilia consultando versentur, ac libentius ad meram speculationem inclinentur, quàm ad iudicium agendorum. Secus ac alij, qui crassiores adepti cerebri substantiam, spiritumque animale, euaporatione sanguinis, ac viscositate quadam magis consistentem, ad retinendas imagines circumstantiarum, firmiores redduntur, & ad cognitionem singulorum sagaciores, ac procliuiores, eo quod circa vniuersalia minus occupentur. Quod planè ita intelligendum est, vt non desit media quædam dispositio, qua ad vtrumque munus obeundum sensus facile phantasmata subministrat. Vt constare potest in pluribus, qui cum in eminentissima rerum naturalium contemplatione,

platione; tum in morum, actionumq. humanarum institutione, ac Reipublicæ administratione ab immortalitate, sua nomina vendicarunt. Vt Lucullus, amplissimus Imperator simul & Philosophus; Dionysius Siracusanus non minus physicis principijs, quàm politicis, licet iniquis præceptionibus eruditus, & alij quamplures.

## QVÆSTIO XI.



VI fieri potest, vt vni à natura detur memoria rerum, alteri verò memoria verborum, præstare, ita vt sæpe is qui rerum gestarum, aut permanentium haustas imagines firmius ac diutius retinet, sententiarum aut verborum facilius obliuiscatur. Et è contra qui lecta vel prolata olim verba, siue audita nomina cuncta valeret promptè referre, minus possit quas expertus vel contemplatus est res, cum opus fuerit in memoriam reuocare? Nonnè verba in ipsa rerum vniuersitate includuntur, sicut & voces, & soni, & motus alij non significatiui? Cur igitur hæc vna rerum species, quæ verba continet, à cæteris omnibus in recollectione memoriæ quasi genere toto disiungitur?

Respondentur inter eos, qui præclaram ac diuturnam obtinent rerum memoriam, nullum esse qui tam verborum, quàm sensus illorum facile obliuiscatur; Esse ramen aliquem qui verborum quidem nequeat sæpius meminisse, sensum eorum firmiter aliàs retinendo. Idque illi duplici ex causa contingere; Tum scilicet propter subtilitatem & acumen ingenij, quo facilius cuncta, quæ sensibus hauriuntur ad compendiosam quandam impressionem interius reducuntur, vt paucioribus similitudinibus res exactius capiantur, vnitatem conceptuum quoad eius fieri potest, natura semper optante. Non enim alia ex causa superiores intelligentiæ paucioribus vtuntur speciebus, & quæ in inferioribus dispersa sunt, in superioribus colliguntur, vt probat D. Thomas & colligitur ex doctrina Areopagitæ. Tum etiam propter imbe-

imbécillitatem quandam partium cerebri quod in ijs qui tenuiorem sunt adepti substantiam, nequit tam plura simulacra prout ingeruntur, simul retinere; sed demissis quæ minus ad rem facere videntur, vt simulacra verborum, quæ ex vbertate ad ornamentum potius quàm ad expressionem conceptus proferuntur; ea tantum custodit, quæ ad substantiam pertinent, sensumq. precisè in mentem conficiunt. Vnde propria, & explicatiua quædam verba facile mentibus hærent, ac ferè nunquam è memoria dilabuntur, secus ac si plura & ad pompam, respectu quorum quos diximus viri, in retentione deficiunt.

Vniuersalis autem ratio cur verba potius, quàm res aliæ è memoria videantur excidere, ea fortasse probatur. Nam verba cum sint ad placitum, multa q. idem ac diuersa significant, non habent necessariam connexionem, & ordinationem inter se, vel cum rebus, quemadmodum res ipsæ per illa significatæ; vt causæ, & effectus, forma & subiectum, & similia: Quæ autem ordinationem, & connexionem non habent, difficilius memoria tenentur, vt patet ex Aristotele.

*De mem. & reminisc. cap. 30*

Rursus, quia si non essent plura verba, quam res significatæ per verba, non minus fortasse verborum quam rerum recordaremur. Quoniam verò eadem res per plura verba significari potest, quorum alia sunt synonyma, alia propria, alia translata, vel æquivoca, alia communia, alia particularia, alia determinata, alia vaga: hinc est vt non tam facile eorum sonus aut imagines distinctè, sicuti rerum in cerebro perseverent. Et sicut alia intelligendi, alia dicendi disciplina constituitur, & ab alijs rerum, ab alijs verborum doctrina exquiritur, vt scribit Cicero: Ita alia ad res, alia ad verba in mente retinenda experitur habilitas, & aptitudo. Nam licet verba substituuntur loco conceptuum, vt ait Aristoteles. Et per conceptus res ipsas teneamus in mente: conceptus tamen simpliciores, ac pauciores sunt, & necessario cum rebus, quas exprimunt connexi. Verba vero plura sunt, & ad placitum significatiua, vel substituta. Ideoque

*De perfecto Oratore ad Brutum,*

*Primo Perihetionis, cap. 1.*

que sicut iuxta placitum, & institutum hominum variè sunt disponenda, ita peculiarem habent aptitudinem ad talem varietatem simul cum eisdem rebus in cerebro retinendam. Qui autem verba potius, quàm sensum, aut res more Psittacorum tenaciter servant, ij quidem minus iudicio, & ingenio pollent, ineptioremq. adepti sunt cerebri temperiem. Sicut omnes, qui seria ac scitu digna minimè capientes, nequa attendunt, ac meditantur, quæ proinde apprimè discernunt, ac recolunt.

Omnino autem, qui debitam obtinent cerebri temperiem, præstantissimamq. substantiam, cum insigniores eunctorum suscipiant impressiones imaginum, tam in retentione rerum, quàm verborum, sicut & parvarum omnium differentiarum firmi experiuntur ac diuturni. Vt de Augusto Cæsare, Annæo Seneca, Quinto Fabio Maximo, & alijs narrant historiæ. Quibus ingens quædam fuit notitia vetustatis, & ad memoriter præferendum, quæ legerant, vel audierant, admirabilis promptitudo.

Tandem ex his etiam intelligitur, cur numeri non secus ac verba difficilius memoriæ teneantur. Numerus enim quilibet per se determinatam requirit imaginem, quæ cum non habeat necessariam connexionem cum reliquis, non ita facile cum illis in memoriam subit, nec per reminiscenciam, quæ ex connexis procedit, tam facile reuocatur.

# QVÆSTIO XII.



VA ratione interrogatus quis de re aliqua gravi ad ius, aut quælibet moralia pertinente, non statim respondere, ut plurimum potest, vel debet, quantumvis eximè doctus ac iuris peritus existat: Si vero cæteris paribus de naturali aliqua difficultate interrogetur Philosophus, mox suam sententiam aperire tenetur ac præualeat. Etenim si ad ius dicendum ac dilucidandum plura sunt ex legibus ac factis, unò ex Doctorum opi-

opinionibus, quibus ius regitur, & exponitur, in memoriam reuocanda: permulta quoque rationum momenta, perpendenda sunt ad rectè philosophandum: Nec minus tempus ad eruenda abstrusissima: argumenta circa res difficiles, quàm ad textus, & auctoritates in proposito cumulandas insumitur.

Respondetur: Diutius quidem intellectum circa moralia, præsertim legalia, quàm circa naturalia perscrutando immorari: tum quia intellectus non tam cito acquiescit veritati probabili, quæ de illis haberi potest, quàm veritati demonstratiuæ, quæ de naturalibus frequentius obtinetur, & cui necessario quoad specificationem adheret: tum etiam quia veritas ipsa, ac certitudo probabilis, ex natura rei difficilis in moralibus innotescit, cum ex pluribus ac sæpe disparatis euentibus, opinionibus, statutis, ac distantissimis circumstantiis coalescat. Quæ omnia, vt singillatim in mentem occurrant, ac recto iudicio perpendantur, plura proportionaliter ac distantiori excitanda, & copulanda sunt simulacra; varijs in locis ac temporibus; varijsq. in propositionis hausta; quæ sanè tam cito sese offerre nequeunt, sicut quæ physicam connexionem habent; paucioribusq. conceptibus continentur. Nam omnis motus fit in tempore, eoque tardior, quò remotiora ac plura successiuè per modum plurium debent moueri: quapropter in moralibus ex re, & ex tempore capiendum esse consilium scribit Tullius ad Atticum, quia nimirum vel non omnia quæ hosse decet, statim suppeditantur, vel quietis cogitationibus splendidiora videntur post tempus offerri consilia.

Qua ex obseruatione sumpsere prudentes, vt licet multa repente aut citius dedemere valeant; nolint tamen tunc respondere aut propalare sententiam, nè præceps censeantur dare consilium, antequam secum eadem maturius volauerint. Vnde aiunt (inquit Arist.) cito agenda esse, quæ consultaueris, tardè vero ac diu consultandum.



## QVÆSTIO XIII.



VR studiosis viris, ac iugiter speculationibus deditis, vefcendo fæpiſſimè egregia, & eximia ſeſe offerunt argumenta, aut excogitata præclara, quæ ſi tunc paululum protrahantur, ſtatim euaneſcunt, & ſomnum, vel confuſionem mentis inducunt? Vtrumque enim non leuem videtur præſefferre difficultatem: Nam cum ſpiritus per commeſtionem incaleſcunt ac multiplicantur, facilius mens diſtrahitur à ſenſibus, & exilaratur animus, nec fixè vnum perſcrutando poteſt attendere: Quod ſi nouum quidpiam in ebullitione ipſorum inuenerit, amplius circa illud non laborat, ſed potius ſuper adepta cognitione gaudet, & vltèrius contemplando, facile videtur poſſe proficere.

Reſpondetur, Debitam & aſſiduam animi applicationem ad excogitandum acutè, non multum quippe ſenſuum oblectationibus diſtrahi in his, qui mentem libentius quàm ventrem diù conſueuerunt crebris meditationibus paſcere; Excitationemq. ſpirituū intellectui non minus, quàm ſenſibus deſeruire, iuxta propenſionem potentiæ applicantis. Nam ſumpto alimento, vires omnes corporis inſtaurantur, producantur noui ſpiritus, veteres fouentur, incaleſcit euaporatione cerebrum, multa. veluti obruta ſimulacra caloris agitatione, ac ſpirituum illuſtratione quaſi è latibulis, ac de tenebris eruuntur, quibus tandem recentia, ac perfectiora formantur phantaſmata, in eiſq. illa præcipue intellectus attendit, quæ hætenus non apparuere, vel ad rem aliquam concupitam facere maxime videntur: Et ſic corpus quandoque reſcicendo, plura contingit hominem excogitare, quibus mens ſimul expletur, & ſatiatur cupiditas perſcrutantis. Vnde S. Thomas cum apud Francorum Regem die quadam commederet, ac ſilens in cibo capiendo ſolum videretur incumbere, repente; concluſum eſt (inquit) contra Manichæos



chaos, meliori pastus pabulo mentis. Quoniam vero crebrescentibus vaporibus cibi, auctoque calore, multis reuolutionibus ac nebulis cerebrum infestatur, nequeunt eadem simulacra diu consistere, ac sensui ad elicienda eiusdem generis phantasmata amplius deferuire, donec enubiletur sedes vbi oportet illa cum ceteris imaginibus, ac vaporibus commisceri. Ac propterea subtilia tunc excogitata, statim videntur quodammodo auolare: Quod si ad ea retinenda, ac discutienda vim faciat potentia applicatiua, maiori exagitatione, maiorem obuolutionem parit, somnumque perinde magis conciliat; aut capitis dolorem inducit, mentisq. languorem.

## Q V A E S T I O   X I V .



VR quæ memoriæ tenentur, & recitari quotidie consueuerunt, deterius à nonnullis pronunciantur? Quo enim sæpius memoriæ mandata proferuntur, eò firmitus ac perfectius adhaerere deberent, distinctiusque proinde suggeri, cum pronunciantur; lingua verò circa assueta, quæ pro opportunitate expeditè suppetantur, minus potius, quàm magis hæsitare, aut balbutire in reliquis videtur.

Respondetur, quotidianis crebrisq. recitationibus celerem, promptamq. omnino reddi memoriæ, ex ipsaq. eius promptitudine, ac celeritate quandoque fieri, vt instrumenta vocis ac locutionis minus apta, ac proportionata reperiantur ad expressionem conceptuum proruentium, eo quod proprios motus æquè properè perficere nequeant, prout opus esset ad sequendam memoriæ suggestionem: ac dum sequi conantur, facile syllabam, aut litteram prætermittant, quod est balbutire, aut certè alteram alteri syllabam iungere properè non possint, quod est hæsitare, vt docet Aristoteles.

*Quæst. 32. eius-  
dem sectionis  
problematum.*

Atque omnino similis hæc passio est ei, qua melancholici nonnulli ex habitu afficiuntur, cum ad exprimendos proprios conceptus, lingua imaginationem sequi conantur, & hæsitare proculdubio coguntur, vt aduertit idem Philosophus: Impetus namque dicendi, ait, præruit, anteceditque facultatem eorum, vtpote, cum animus visa sequatur. Quod idem Balbis etiam accidere inquit, cum hos omnes membra voci accommodata tardiora habere certum sit; nec semper lingua subministrare intelligentiæ possit.

## QVÆSTIO XV.



VR validiore imaginatione, magnoque acumine præditis, præsertim circa nonnulla vehementer applicatis, vt celeberrimis Astrologis, Poetis, atque Pictoribus frequentius contingit aliquid esse admixtum dementiæ: Etenim sicut non nisi defectu imaginationis administrationisq. internarum sensationum desipit intellectus; ita quælibet perfectio imaginatiuæ, sensusque interioris in perfectionem vsus intellectus refunditur, cui natura sua ille subordinatur. Nec applicatione intellectus quantumvis nimia, & assidua, vsus rationis vnquam minuitur, nisi minuatur prius integritas, & administratio sensus, quæ ex interioribus instrumentis, ac dispositionibus pendet. In quibus igitur, tum sensus vigorem, tum applicationem supponimus, intellectus quoque seu rationis pariter vsu vigere fatendum videtur iuxta suam perfectionem.

Respondetur flexibilitatem ingenij, imaginationisq. volubilitatem ac vigorem, vnde omnis aptitudo nascitur ad effingenda, ac indaganda tam plura, vel etiam metro, aut pennicillo representanda, quæ picturis, aut carminibus exprimuntur; non nisi ex optima ac delicata organorum compositione oriri, qua sit vt simulacra rerum aut verborum  
facile

facile imprimantur, præstoque sint in opportunitatibus, vt variè copulentur, vel secernantur; & vt spiritus animales tanquam tenuiores, expeditiores, & agiliores sint ad id munus perficiendum. Quare Poetas nasci, habet prouerbum; quia nimirum fieri nequit, vt sola peritia quis excelsat in arte poetica, nisi tali nascatur compositione organorum ac temperio præditus. Quoniam vero optima ac delicata organi constitutio facile alteratur, ac læditur, vt loquendo de præstantissima oculorum compositione pronunciat Plato: hinc est vt huiusmodi homines pluribus cerebri læsionibus, vel alterationibus sint obnoxij, faciliusque propterea in quibusdam deficiant, vbi totus non adhibetur conatus; & sic in errores nonnullos, ac falsas opiniones prolabantur, verificeturq. illud Isocratis, nullum esse magnum ingenium sine mixtura dementiæ. Accedit, quod ipsamet vehemens applicatio sensus, & intellectus ad vnum, assiduitate operationis instrumenta calefacit, & exiccat, spiritumque magis, ac magis attenuat simul ac minuit; Isque ferè totus in eodem genere cognitionis, seu operationis insumitur: Vnde validæ fiunt impressiones imaginum earum rerum, de quibus assidue agitur; debiles vero aliarum, quæ hætenus non nisi per modum transeuntis obueniunt. Ex quo fit, vt illis apprimè cognitis, & inculcatis, reliqua penè tanquam despecta excidant, & ignorentur, vel non satis, nisi in ordine ad institutum, & per modum illius attendantur, ac proferantur, quasi nec loqui, nec excogitare daretur nisi de vno: Quapropter de se deditissimus Poetica Publius Ovidius ait:

*Scribere conabar verba soluta modis;  
Sponte sua carmen numeros veniebat ad aptos;  
Et quod tentabam scribere, versus erat.*

Hinc ergo patet excellentiam imaginationis, acuminis, que applicatam ad vnum, frequenter cum insipientia, circa reliqua copulari: Imo ipsum in reliquis desipere per carentiam attentionis, & applicationis ad alia, excellentiam

*Tristium lib. 4.  
Elegia 10.*

*Lu. Io. anse. med.**Soz. 30. probl.  
9. 1.**In vita Lucr-  
tij.*

cellentiam circa vnum iuuare. Et sic missis, quæ de fu-  
rore poetico retulit Plato cum omnes Poetas insignes, di-  
uino afflatu, mente captos præclara poemata canere  
ait: de Marco ciue Syracusano apud Aristotelem legi-  
mus, quod dum mente alienaretur, Poeta etiam præstan-  
tior erat: Et Lucretius, vt patet ex Petro Crinito, per  
intervalla temporum ad carmen solebat accedere, non  
sine animi quodam furore, quo tandem percitus tantus  
vir obiit. Et vt plurimum licet tam Poetæ, quàm Philo-  
sophi, ac Mathematici studijs nimium incumbentes,  
tanquam stolidi in reliquis habeantur, eo quod à com-  
munium rerum notitiâ remoti, & à populari opinione  
vulgaribusque institutis alieni, nec patriæ, nec suis, nec  
sibi ipsis viui esse valent in ijs, quæ ad hanc vitam tran-  
sfigendam necessaria indicantur: Nihilominus specialiter  
poetis, atque pictoribus tribuitur aliqua dementia, cum  
ij, circa representationem tantum, vel præcipuè versan-  
do, totum intellectum videantur in imaginationem trans-  
funderè, quam ferè solam in suis muneribus adhibent.

## Q V A E S T I O XVI.



VO pacto fieri potest, vt eximio ingenio,  
summaque prudentia viri in rebus maxi-  
mis occupati, libenter in facetijs deti-  
neantur, dictaque passim proferant tam  
ridicula, & acuta, ac si nihil aliud exco-  
gitarent? Qui enim circa seria versan-  
tur, & ad maiora, & grauiora capeßenda reperiuntur na-  
tura ac sensu expediti, vtpotè digniora, ac intellectuui  
adaquatiora adipiscendo, paruipendere potius, quàm  
attendere, ac sectari viderentur nenia, ac futilia, quæ  
in facetijs, vt plurimum continentur. Siquidem vbi  
sensus hebetudo, aut incapacitas non obßistit, non  
tam.

tam iocus verborum, quàm dignitas obiectorum oblectat;  
Et quod iocis ac diſterijs impenditur, ſubtrahitur dignita-  
ti; quia non ſine dignioris applicationis intermiſſione, ac  
ſubtili animaduerſione excogitantur, & coaptantur verba,  
quæ mouere ſolent ad riſum.

Reſponderetur huiusmodi diſteria, ſiue ridicula apophteg-  
mata ſi conſiderentur moraliter, & in ordine ad praxim,  
nihil cerre graue, nihil vtile ad honeſtatem continere, niſi  
fortè quid ſpectans ad Eutropeliæ virtutem, de qua agit  
Ariſtoteles, prout ludicra verba quandoque ad remiſſionem  
animi, & vrbaniſſimam conducunt: Si vero conſiderentur  
ſpeculatiuè, maximam continere præſtantiam, tum proprie-  
tatis verborum quibus conceptus explicantur, tum meta-  
phorici ſenſus ſub quo dicta procedunt per abſtractionem,  
& applicationem quorundam æquiuocorum, collationis, &  
contrapositionis plurium, quæ ſenſum, & intellectum de-  
mulcendo eludunt. Et hac ratione huiusmodi genus io-  
candi non proſuſum, nec immodèſtum, ſed elegans, inge-  
nioſum, vrbaniſſimum ac facetum, vt Tullius præcipiebat, ſem-  
per maximam habuit extimationem; Eoque non modo fre-  
quentiſſimè vſus eſt Cæſar Auguſtus, aliq. tum Græci, tum  
Latini magni conſilij Imperatores, ac Reges, vt videre eſt  
apud Plutarchum; ſed & Plautus, & Atticorum permulti;  
Eodemq. Philoſophorum Socraticorum, & aliorum libri re-  
ſerti ſunt; multa q. multorum facetè dicta quæque *αποφτεγ-  
ματα* vocantur, à Sene Carone fuerunt collecta, vt idem,  
Cicero ibidem teſtatur. Et quidem non modo, quæ in  
negotijs, & perturbationibus, ac vtraque fortuna emittuntur  
dicta atque reſponſa, vt ad Traianum ſcribit Plutarchus de  
Apophtegmatibus Regum, & Imperatorū; ſed quæ dam re-  
quiem capit animus, ad iocum repente proſiliunt, tanquam  
in ſpeculis vniuſcuſque mentem perſpicuè exhibent con-  
templandam; ita vt in ipſo ioco ſemper aliquod probi in-  
genij lumen eluceat. Et quia in humana conſuetudine fre-  
quentius accidit circa lenia, aut familiaria præſertim iocosa,  
quàm circa ſeria, & grauiora verſari, magnoq. ingenio viri

4. *Ethic. cap. 8.*

Et 3. *Thom. 2.*

2. *q. 72. ar. 2. et*

*q. 108. ar. 2.*

*Lib. 1. de offi.*

*poſt medium.*

propter agilitatem specierum, promptitudinemq. spirituum ad omnia se præbent parati: hinc est vt sæpius ab illis liberaliter, ac facete agentibus, acuta & iocosa dicta proferantur, vbertatemq. ingenij ac subtilitatem conceptuum, potius in illis, quàm in alijs elucere videatur, ac si studiosè, & ex professo illi, quod occurrit intendant.

## QVÆSTIO XVII.



QVAM ob causam homines statim fatentur se oblitos fuisse eorum, quæ memoria exciderunt, non autem se ignorare, quod non capiunt, aut non perceperunt? Vna enim, & eadem ratio videtur fatendi vtramque veritatem ex eodem etiam principio perita; nempe ex defectu organi, ac specierum, quæ vel tempore, aut in temperie abierunt, vel non satis adhuc eiusdem sedis ineptitudine disponuntur, & coaptantur ad formalem, ac totalem repræsentationem eius, quod obijcitur percipiendum.

Respondetur, Propria hominis excellentiæ hoc esse, vt in his, quæ illi prout homo est conueniunt, minus deficere fateatur, quàm in his, quæ illi, vt animal competunt. Si quidem minus est in minoribus, quàm in maioribus animalium perfectione discedere. Licet itaque tam defectus retentionis, quàm defectus perceptionis ab intemperie, ac praua dispositione organi oriatur: Nihilominus, quia intellectus defectum perceptionis magis, quàm memoriæ tenetur supplere, eo quod non existentiam, sed vsum specierum tantum potest corrigere, phantasmata illustrando, ac dirigendo, sensusq. tenebras sua luce discutendo: hinc est, vt quando aliquid ignoratur, secus ac in obliuione, defectus non tam sensui ac parti animali, quàm intellectui, ac parti rationali communiter tribuatur; proindeque ignorans, difficilius incapacitatem, aut ignorantiam fateatur. Rursus vero facilius conuincitur homo se oblitum esse eorum, quæ referre,

# QVÆSTIO XVII. 519

aut profertè minime potest, quam se ignorare quæ re vera omnino non capit. Porro quas iam amisit imagines, aut sepeliuit obliuio, illæ neque apparere valent, neque mouere phantasmata quibus suadeatur homo se tenere quod excidit. At vero licet quandoque quis rectè non capiat id quod illi indagandum proponitur: potest tamen aliqua ex parte id ipsum pertingere, ita vt videatur illi totum capere, quod vix attingit; Et sic difficilius cognoscit se ignorare, quod non omnino intelligit. Imò ex hoc attenditur maior intellectus præstantia, vt cum ita in se ipsum potest reflecti, vt satis cognoscat in quibus deficiat. Cuiusmodi fuit Socratis, qui idcirco omnium sapientissimus habebatur, quod illi, quæ nesciunt, scire se putant, ipse se nihil scire arbitraretur; vt videre est apud Tullium: Vnde Seneca de tranquillitate animi: Puto (inquit) multos ad sapientiam potuisse peruenire, nisi putassent se peruenisse.

*lib. 1. Academie. questionum ad Marci Terentium Varronem paulo ante med.*

# QVÆSTIO XVIII.



VA ratione idem pulchrum, non omnibus pulchrum, sed aliter alijs videtur siue apparet? Pulchritudo namque corporis (ait Cicero) apta compositione membrorum mouet oculos, & delectat, hoc ipso, quod inter se omnes partes cum quodam lepore consentiunt. Porro eadem proportio, seu consensus partium, & adæquatio obiecti cum potentia, in omnibus eundem fortiri debet effectum formalem. Cur igitur, id quod vnus visui per talem proportionem adæquatur, eandem proportionem retinens, cæterorum visibus non congruit, proindeque nec pulchrum apparet?

*lib. 1. de offic. circa med.*

Respondetur. Proportionem, seu correspondentiam partium in quibus pulchritudo formaliter constituitur, non tam à visu, quam ab interiori sensu dignosci, atque discerni, cuius est iudicare de singulis, ac ordinem materiale, & & absolutum formaliter magis percipere. Siquidem cunctas



ipsas partes obiecti simul tenet, ac potest inspicere cum ordine saltem materiali quoad inuicem disponuntur, nec cogitur successiue in vnam post aliam obtutum figere sicut visus, eo quod non valeat simul; Quare magis ad cognitionem pulchritudinis formalis, prout est intellectus, interior sensus videtur accedere. At cum sensus interior hoc ipso, quod ad plura se extendit, maiorem in diuersis indiuiduis patiatur suæ conditionis varietatem, quam quilibet sensus exterior: & id quod concipitur, non nisi ad modum concipientis repræsentetur; hinc est, vt diuersimode idem pulchrum iuxta varias hominum phantasias à diuersis hominibus concipiatur; & sic vni magis, quam alteri pulchrum videatur, aut non videatur. Quamobrem licet pulchrum prout cadit sub visum, æquè ab hominibus, ac brutis percipiatur; nullum tamen inditium in belluis obseruamus, quod illæ ad pulchrum ferri, aut pulchrum aliquid videantur sicut homines extimare, quamuis multa de Vnicornio, ac de Simijs circumferantur. Imò nec pueri pulchritudinem extimant sicut viri. Eidemque homini multa videntur pulchra adulta iam ætate, quæ dum erat paruulus pulchra minimè videbantur, vel non vt talia concipiebantur. Nec esset maior ratio, cur eadem pulchritudo eundem oculum, nunc potius, quam olim oblectaret, nisi verum esset, pulchritudinem non tam oculo adæquari, quàm phantasiæ, quæ in diuersis ætatibus, aut indiuiduis ratione organi diuersam obtinet perfectionem; nec semper adiunctum habet intellectum cum vsu rationis, qua pulchritudo vltimò discernitur ac formaliter æstimatur: Iuxta quod Tullius cum asseruisset, omnem sensum hominum antecellere sensibus bestiarum: Primum enim (inquit) oculi in ijs artibus, quarum iudicium est oculorum, in pictis, fictis, calatisq. formis, in corporum etiam motione, atque gestu, multa cernunt subtilius, colorum etiam, & figurarum, tum venustatem atque ordinem, & vt ita dicam, decentiam oculi iudicant, atque etiam alia maiora: Nam & virtutes & vitia cognoscunt, iratum, propitium, latantem, dolentem, fortem, ignauum,

ignauum, audacem; timidumque cognoscunt. In quibus omnibus proculdubio cooperationem, & adiumentum rationis inuoluit. Nam vt docet Augustinus, aliter animo imaginibus corporum figuramus, aut per corpus corpora imaginamus; aliter autem rationes artemq. ineffabiliter pulchram. 9. de Trinit. c. 6  
 talium figurarum super aciem mentis, simplici intelligentia capimus: sicut aliud dixerat esse quod imaginarium conspectum facit, cum pulchrum aliquid, quod vidimus animo reuoluimus: aliud vero mente conspicerere secundum quod opus illud placet. Quoniam vero licet ratio sit vna, vnaq. proportio secundum quam pulchra rationabiliter placent; non tamen vsus rationis omnibus æque conceditur; Nec eadem est vniuscuiusque perfectio phantasie aliarumq. potentiarum affectio: hinc est, vt siue sensus delusione, siue naturali quadam hominum propensione, sympathia, aut antipathia, multa perperam indicentur, & apprehendantur interdum pulchra pro turpibus, vel turpia ac deformia pro pulchris; vel non ita; aut tantum, prout sunt à parte rei. Nam vt docet Aristoteles, quod per se tale est, non propterea sic esse videbitur; Vnde nec omnibus (dixerat) res eadem voluptati est, nec pulchrum idem latitiae, sed quod ad vsu, aliquem suauius est, pulchrum videtur, quoniam rei, quam cupimus aspectus quoque delectat. Quo spectat illud Ciceronis de Quinto Catulo, qui Roscij pulchritudinem extollens ait.

Scilicet. 10. probl. quæst. 51.

Lib. 1. de natura Deorum post modum.

*Pace mihi liceat caelestes dicere vestra:*

*Mortalis visus pulchrior esse Deo*

Et tamen erat peruersissimis oculis; quia hoc ipsum (inquit.) Salsum, & venustum illi videbatur, & paulo ante retulerat illud:

*Nauus in articulo pueri delectat Alcæum.*

addens: At est corporis macula nauus, illi tamen hoc lumen videbatur; ac plerumque in adolescentulis etiam vitia iucunda esse docuerat. Accedit nam sæpe pulchritudo confunditur cum venustate, cum sint valde diuersa. Nam sicut pulchritudo constituitur in membrorum apta congruentia

gruentia tanquam in proportionē partium rei permanentis ita venustas, seu lepos constituitur in consensu ac proportionē partium motus, qui successivē in gestibus, in saltibus, in incessu, in nutibus, ac similibus attenditur, ac non minus delectat, ut cum quis leporem quandam, & salem in iocando, aut quomodolibet loquendo, vel gestiendo est consequutus.

## QVAESTIO XIX.



VO pacto fieri potest, ut naturalis pulchritudo non modo visum, sed simul alios quandoque sensus commoveat, alliciatq. appetitum prae omnibus perfectionibus obiectorum? Etenim pulchritudine homines quavis epistola magis commendari dixit Aristoteles,

nec apparet qua via pulchritudo tam efficaciter affectum demulceat aut alliciat. Nam iucunditas, quam affert oculis, percipi non potest ab alio sensu; cum nihil percipiatur à potentia extra latitudinem sui obiecti adequati. Quo igitur pacto, ut ait Plato, sensus omnes formosus delectatur?

Respondetur, summas obiectorum sensibilibus perfectiones hoc peculiare includere; ut quamvis ad sensus diversos ipsae pertineant; per communem tamen radicem quam sensus omnes habent in cerebro, singula proprium sensum afficiendo, reliquos etiam vel aliquos ex illis commoveant. Quod non modo verificatur in excitatione gustus, & appetitus per solam visionem pulchri commestibilis; ut cum diuino eloquio attestante, vidisset mulier quod bonum esset lignum ad vescendum & pulchrum oculis, aspectuq. delectabile, & tulit de fructu illius & comedit: sed praecipue experitur in tactu, qui, ut docet Aristoteles, è sensibus homini exquisitissimus datur, ac visum emulatur & sequitur. Tanta est enim quandoque oblectatio sensus interioris per species haustas ab aliquo sensu exteriori, tantaq. fruitio appetitus per adaequationem

*Diogen. Laert.  
in vita Arist.*

*Genes. cap. 3.*

*1. de Hist. animal.  
cap. 15. Et  
sect. 31. probl.  
quæst. 18.*

tionem quam utraque potentia consequitur cum obiecto, ut veluti liqueat ac diffundatur animus, & dilatetur cor, spiritus per vniuersum corporis habitum, cunctaq. membra, dispersiendis. Quo fit ut potissimum sensoria cetera, vel saltem aliqua ex reliquis commouéantur; ab vnoq. vnus sensus obiecto, alij pariter ad iucunditatem per species connexas pulsantes animum excitentur. Quamobrem audita tantum concinna ac sonora aliqua voce acutissime ac suauiter modulantis, tanta voluptate perfunditur animus, tantaq. commotione spiritus subleuantur, ut totus homo in gestientem letitiam rapiatur. Ideoque Cyprianus de cantu mulieris differens, & ad animi noxam, quam nimia suauitate infert, alludens, ait: Cuius cantu tolerabilius est audire basiliscum sibilantem. Quod si tanta vis conceditur voci, quae imperfectioris valde sensus (nempe aurium) constituitur obiectum; quanta erit efficacitas venustatis ac pulchritudinis, quae summa est perfectio obiecti, perfectissimi omnium sensus visus seu oculorum? Is enim sensus, ait Augustinus, maxime excelleat, & est visioni mentis pro sui generis diuersitate vicinior; eumq. pra omnibus alijs, inquit Aristoteles, ut ita dicam eligimus. Vnde non tanta alacritate animum afficere possunt simul omnia oblectamenta sensuum reliquorum, sicut solus aspectus pulchri atque decori. Nec aliud sic horere facit animum, quemadmodum turpe valde, seu informe ac monstruosum, ut patere potest in visis nocturnis, alijsq. insolitis deformitatibus, quae obijciuntur. Quia nimirum, nihil externae ad internum, ac intimum sensum & appetitum sic ducere valet, quemadmodum visus. Tum propter nobiliorem, & efficaciorum modum quo sua repraesentat obiecta, nempe per defeciores ac puriores imagines, nulla interposita mora in quacumque distantia, nullaq. obistente ipsorum obiectorum multitudine, aut molis vastitate. Tum quod sensum hic, vel maxime nos cognoscere quicquam facit: multasq. differentias manifestat (inquit Aristoteles) nimirum, ut colores tam varios, lumen luminisq. reflexiones, magnitudines, dimensiones, numeros, ordines, figuras, motus,

*Cypri. de singularitate clericorum, quod opus adscribitur potius Origeni.*

*Aug. lib. 11. de Trinit. cap. 1.*

*Primo met. c. 1.*

*Primo met. c. 1.*

tus, & actiones, distantiam & propinquitatem, proportionem denique partium, quæ pulchritudinem facit; ita ut quod attentè aspiciamus, totum per solos oculos videamur ebibere, cum animus tot simul differentias per illos combibat; secus ac per vnumquemque sensuum reliquorum. Vnde amore captis (ut Aristoteles obseruat) inspicere, est amabilissimum, magisq. illi hunc sensum, quam cæteros eligunt. Ac propterea Quintilianus: Vitijs nostris (inquit) in animum per oculos via est, cum scilicet corporum pulchritudine per oculos inuecta, ad concupiscentiam animus propensius inclinetur; ac iuxta illud: Oculus meus deprædatus est animam meam in cunctis filiabus vrbis meæ; proindeque maxime custodire debet oculos quisque ut coerceat appetitum, ne in illicita prolaturus.

6. Ethic. c. 12.

Declamations  
prima.

Thron. 3.

# QVÆSTIO XX.



VO pacto sapissime accidit, ut ex rebus in memoriæ thesauro actu asseruatis, quæ poscuntur non statim suggerantur, alia vero etiam nobis nolentibus in medium semper profiliant & importunè occurrant? Nonne simulacra rerum æquè mobilia sunt, ac pro arbitrio suppeditantur, iuxta applicationem potentiae sentientis? An hinc falso concludit Lucretius cum ait.

Lib. 4. post med.

*Propterea fit uti quouis in tempore quaque  
Præsto sint simulacra locis in quæsiq. parata.  
Tanta est mobilitas, & rerum copia tanta.*

Respondetur, Cunctationem memoriæ cum non statim suggeruntur quæ postulantur, duplici ex causa posse procedere. Primo ob tenuitatem impressionis imaginum, qua fit, ut facile cum alijs confundantur aut prætereantur, nisi maior adhibeatur attentio, & conatus potentiae secernentis aut inquirentis, iuxta illud eiusdem Lucretij de ipsismet simulacris.

*Et quia*

*Et quia tenuia sunt, nisi quæ contendit acutè.  
Cernere non potis est animus; proinde omnia quæ sunt.  
Præterea pereunt, nisi sic sese ipse parauit.*

Maiores autem attentio cum inquisitione, aut secretionem ipsarum imaginum, maiorem patitur moram, quam simplex perceptio per spontaneam veluti oblationem illarum. Secundo vero id ipsum videtur procedere ex alteratione aliqua facta in ea cerebri parte, in qua species requisitæ conduntur. Siquidem nec omnes imagines per cerebrum vniuersum necessario diffunduntur, nec omnes cerebri partes eodem iugiter sunt temperamento dispositæ; ac nisi conuenienti temperatione humorumque extrusione totum ipsum cerebrum disponatur, nullatenus pro sua naturali agilitate sensui famulari poterunt omnia simulacra; sed quædam (vt potè in expedita ac purgata cerebri parte, & insigniter impressa) protinus sese offerent cum libuerit; imo pertinaciter animum, pulsando in medium passim prosilient; quædam vero non nisi post inquisitionem, qua non modo ab alijs tanquam tenuia discernuntur, sed etiam quasi confricatione cerebri incallescunt, ac vt par est disponitur ad patiendum requisitum motum imaginum. Recte igitur talia de sua memoria prolocutus obseruat Augustinus cum ait: Ibi quando sum, posco vt proferatur quidquid volo, & quædam statim prodeunt, quædam requiruntur diutius, & tanquam de astrustioribus quibusdam receptaculis eruantur: quædam cateruatim. se prouunt, & dum aliud petitur & queritur, prosilient in medium, quasi dicentia, ne forte nos sumus? & abigo ea manu cordis à facie recordationis meæ donec enubiletur illud, quod volo atque in conspectum prodeat ex abditis.

*Lib. 10. confess.  
cap. 8.*

## QVÆSTIO XXI.

*Apud Plinarch.  
orat. 1. de Esu  
carniū non lon-  
ge à fine.*



VR viuidiore, & acriore ingenio præditi, minus Ieiunium ferunt? Nonne Bœotij stolidi habiti sunt, quia edaces? aut quid magis menti potest conferre, quàm ab infestationibus vacare vaporum, qui è ventriculo cibis referto ad cerebrum solent ascendere? Vnde post digestionem promptius quisque discurret, paruoque alimento contenti sunt, qui se speculationibus dederunt, utpotè spiritibus ad cerebrum euocatis, proindeque calore quo fouebatur ventriculus valde remisso. Quapropter non modo abstinentiam, sed & ieiunium frequenter iidem sectantur, ut in apicem contemplationis facilius eleuentur; Adeoque ieiunium interiorum sensum erigere ac mentem ipsam attollere creditur, ut etiam belluæ videantur supra se ipsas propria cognitione, & aptitudine eleuari; Quod iocandi locum præbuit Iuuenali, cum dixit.

*Graculus esuriens, si in Calum iusseris, ibit*

Item Persio quærenti.

*Quis expedituit psitaco suum Chere*

*Coruos quis olim suum concavum salutare,*

*Picasque docuit nostra verba conari?*

Siquidem respondit

*Magister artis, ingenijq. largitor*

*Venter negatas artifex sequi voces.*

Respondetur, Acre, ac viuidum ingenium, exiguas tenuesq. supponere partes homogeneas totius substantiæ corporis, ac præcipuè cerebri, vberemque spiritum, tam vitalem, quam animale cum competenti calore. Neque enim promptitudo, neque celeritas, neque volubilitas in interiori sensu dignosceretur, quibus ingenium constituitur, exagitant, atque versatile, seu acre, ac viuidum; nisi tenuis, ac exilis esset substantia cerebri; sicut & caro, & sanguis corporis vniuersi mediocri suffulta calore nativo influente, magna-  
que



que spirituum animalium copia & affluentia. Cum autem huiusmodi partes ac spiritus, quod subtiliores ac puriores sunt, eò facilius per calorem, & exagitationem, ac perennem motum iugiter deperdantur; maiorem postulant substantiæ reparationem, maiusque incrementum per assiduam generationem nouarum semper partium sibi succedentium, quæ materiam sumunt ex alimento. Quapropter Hippocrates loquendo de ijs, qui ieiunium, maximè, aut minimè ferunt, ait, minimè omnium pueros ferre ieiunium, præsertim, qui acriore, & viuidiore ingenio sunt præditi, utpotè, qui propter ætatem, & complexionem ex partibus tenuioribus, ac resolubilioribus constant; maioremque propterea indigentiam contrahunt, ut quod calore & actione resoluitur, alimento assidue sarcitur. Quod si cum Ingenio, ac naturali aptitudine copuletur etiam studium, & applicatio circa speculabilia, noua pariter aderit causa huiusmodi indigentiae. Quandoquidem per studium ac speculationem assiduam, non modo plures spiritus insumuntur, in quorum locum, alij recentisque debent substitui ac procreari; verum non parum præassantur, & exiccantur humores calorq. ventriculi remittitur ac imminuitur, spiritu ad functiones cerebri euocato; quibus omnibus malencholica inducitur dispositio, quam semper concomitatur maior ciborum exigentia. Hinc autem non inferitur, homines sic à natura institutos, edaces esse ac cibi nimium amatores; nam sicut longa inedia, sic ampla, refectio illis quammaximè aduersatur, neutraque propterea ab ipsa illorum natura admittitur. Imò si diu absque nouo alimento eorum corpora in suo robore possent persistere, sufficientesque spiritus ad sensationis munia subministrare, nulli dubium est, fore ut melius se haberent ieiuni, quam cibis vel modicum grauati. Quoniam vero tota moles animalium, ut ait Galenus in perpetuo fluore est, ni similis altera substantia pro ea, quæ defluxit per alimoniam restitueretur, non modò sensationis munia nullo pacto possent obiri, sed & vniuersum corpus euaporaretur, ac dissiparetur. Itaque iuxta defluxum, & non aliter expetunt alimentum, quod nimirum

1. Aphor. 13.

Lib. 1. de sanit. tuar. cap. 2.

nimirum vires repararet, non quod corpus prae-graueret, sen-  
 zib. 2. epist. 15. sumque obrundat, vel, ut ait Seneca, cuius copia subtilitas  
 animi impediatur.

Belluæ autem multa melius discunt ieiunio, non tanquam  
 aptiorem dispositionem adeptæ per illud, sed tanquam sti-  
 mulo urgente ad attendendum id, quod præcipitur, ac sine  
 quo cibum non consequerentur.

## QVAESTIO XXII.



VID est, quod cæcos intellectu pollere, fre-  
 quentius experiamur? Carentia enim visus  
 nihil in intellectum potest refundere. Imo  
 dum anima est in corpore, intellectus à visu  
 plurimum differentiarum cognitionem sortitur,  
 quàm ab alijs sensibus; Cur igitur ipso deficiente potius  
 quàm olfactu, vel auditu, intellectum vigere magnopere,  
 ut plurimum contingit; ita ut ad hoc nonnulli etiam oculos  
 vitro sibi eruerint, ut fama est de Democrito, alijsq. imita-  
 toribus illius.

*Petrarca de re-  
 medijs viriuf-  
 que fortuna lib.  
 2. Dialog. 96.*

Respondetur, per se quidem sensus omnes vulgatos, ac  
 præcipuè visum, ordinatos esse ad subministrandum intus  
 cognitionem sensibilem, tam phantasiæ, quam intellectui,  
 illa mediante, ideoque omnes intellectui deseruire. Per ac-  
 cidens vero, quemlibet sensum externum, & internum, ac  
 proinde intellectum in suis operationibus duplici ex capite  
 posse impedire; cum scilicet per distractionem conatus ani-  
 mi, ac nimiam applicationem circa sensibilia præsentia,  
 quæ non sinunt intus sufficienter attendere, atque abstra-  
 ctivo modo cognoscere: tum etiam per diuersionem spiri-  
 tum animalium, qui cum singulis sensibus deseruiant, tan-  
 quam communia sentiendi instrumenta, quò magis ad ex-  
 terna sensoria feruntur, magisq. suæ substantiæ impenditur  
 in illis; eò minus possunt intus ad interiora munera obeun-  
 da supplere. Quoniam vero hæc ambo maximè verifican-  
 tur in visu, quo plus, ac sæpius longe, quàm alijs sensibus  
 distra-

affrahitur animus, tanquam ad plures, ac nobiliores obiectorum differentias euocatus; & cuius sensorium, magnam ex cerebro, assidue recipit spirituum copiam per nervos opticos, ideo crassiores, & corpulentiores, ceteris à natura constitutos; hinc sit, ut sicut qui alterum oculum amiserunt, altero acutius vident, ita qui utrumque perdidit, acutissime intus videat, collectis viribus, ac restricto conatu, necnon, & affluente spirituum lumine, quod prius ad oculos confugebat. Vnde est illud Tiresiae cæci Vatis:

*Obruat ora Deus, totamq. in pectora lucem:*

*Detulit;*

Id quod in ceteris sensibus non ita contingit, cum præter tactum, & minus distrahant, minoremque postulent spirituum copiam; tactus vero nunquam deficiat. Quod si deficiente visu, deficiat interna cognitioni subministratio plurium differentiarum obiectorum præsentium, hoc non tollit cognitionem abstractiuam penes quam attenditur discursus, atque imaginatio. Vnde idem Tiresias, non modo Philosophiæ simul, ac fidibus, sed & Geometricis quoque descriptionibus operam dabat, & alienis manibus lineas protrahi iubens, suo de illis ingenio diserebat, ut narrat Petrarcha: Etenim licet de lumine, aut coloribus, qui cæci nati sunt, iudicare nullatenus valant; ceteras tamen differentias corporum, quæ visu percipiuntur, non minus tactu, alijsq. sensibus consequuntur: Ideoque Lucretius,

*De remedijs  
utriusque fortunæ  
lib. 2. de  
Cecitate dial.*

*Lib. 2.*

*Nam cum cæcigeni solis, qui lumina nunquam*

*Aspexerant, tamen cognoscant corpora tactu*

*Ex ineunte Aëuo nullo continēta colore,*

*Scire licet quoque nostra corpora posse*

*Verti innotisiam nullo circumlita fūco.*

*De disciplina  
seclorum c. 4.*



VR sanguinei colloquendo, malenholici  
verò secum cogitando, magis proficiunt, vt  
docet Boëtius? Nunquid non facilius viva  
voce quilibet eorū instruitur, illeq. præsertim,  
qui naturali quadā stabilitate, ac persistentia  
ex atra bile proueniens, semper ad audiendum  
ac discendum inuenitur paratior? An confabulatione san-  
guineus minus, quàm sua naturali alacritate distrahitur?

Respondetur, sanguineos, eadem ratione, qua ipsi facile  
distrahuntur à sensibus per sensationem vocis alterius, ad in-  
telligentiam reuocari, intusq. vires & attentionem colligere.  
Iuuatur enim animus spirituum mobilitate inconstans ad per-  
sistendum in vno, extrinseca voce ac gestu colloquentis, ac  
imagines identidem suggerentis; non modo quia magis ex-  
citatur ad cogitandum de illo, sed quia interius exteriusq.  
circa idem versando, minus ad alia distrahitur, insignioresq.  
intus promit imagines circa illud. Distrahuntur autem faci-  
lius à sensibus ipsi sanguinei, quia ad societates, & vitæ tran-  
quillitatem valde sunt natura propensi. Natura enim san-  
guinis maximè ad lætitiā & voluptatem inclinat, probè  
afficiendo cuncta sensoria, in quibus sensus omnes benè se  
habent, & operantur ad proprium finem adipiscendum, vbi  
delectatio & gaudium constituitur. Continet namque talis  
natura calorem, quo maximè corpus roboratur, ac disponi-  
tur ad operandum. Deinde cum calore nihil acre, nihil au-  
sterum habet coniunctum; sed placidum humorem. Quo fit,  
vt eius exhalatione cum affine sibi aere per respirationem  
attrahit, sicut explicat Galenus, spiritus plurimus, ac tenuis  
producatur, cuius abundantia, sensuum functiones exactissi-  
mè exercentur, & non minus laborum, ac speculationum im-  
patiens, quàm lætabundus animus redditur, assiduaq. ala-  
critate perfunditur, eo quod nouis, præsertim sensibilibus,  
semper delectemur, vt obseruat Aristoteles.

Contra verò malenholici, vt qui frigidam, & siccam

*Lib. 12. de me-  
thodo meden.  
cap. 5.*

*Lib. 10. Ethic.  
cap. 4.*

com-

complexionem habeant, proindeq. ad austeritatem, ac tristitiam potius vergant, solitarij sunt ac taciturni, valentq. potius secum agendo, & consortia fugiendo, multa addiscere & excogitare, assidue meditantes: tum quia ad intellectū potius, quam ad sensuum oblectamenta sunt natura dispositi, si ad temperandam eorum frigiditatem calor aliquis accesserit; cum in his, quæ quilibet consequi potest, delectari etiam ipsum contingat: tum etiam quia perdurare magis possunt, quoniam robur in materia densiore est, imaginesq. tenacissimè asseruantur, & applicatio naturaliter prompta & intenta est, ubi non adest distractio. Quare melancholico locis secretis, & angulosis, strepituq. carentibus, lucisq. parum recipientibus studere opportunum esse, inquit Boetius; sanguineo verò omnibus artibus, vel locis, quem ludendo (inquit) sapius novimus confoueri gravissima quaestione, quàm si obliquantibus irquis parietes solus occilaret; tamen in hoc, ait, semper non esse confidendum.

*De disciplina  
scholarum c. 4.*

## QVÆSTIO XXIV.



VR qui sublimi intelligentia pollent, tactu etiam valeant exquisitissimo? Is enim sensus materialior est omnibus, atque ignobilior; cum ratione tactilis obiecti, ac modi, quo versatur circa illud per materiale adhaesionem absq. vlla distantia; tum ratione organi, seu subiecti, cum per totum corpus, eiusq. vilissimas partes diffundatur, nec non solus in imperfectissimo, ac vilissimo quoque animali reperiatur. Quid igitur commune illi cum nobilissima facultate intellectus, aut sublimitate operationis illius, quæ vix pender à perfectissimo omnium sensu, qui intrinsecus residet, perfectissimumq. obtinet domicilium, quale statuitur cerebrū ab omni tangendi facultate solutū, longèq. diuersa, ac nobiliori dispositione munitū? Respondetur, temperamentum ac dispositionem, quæ tangendi instrumenta apta constituit ad suū munus exquisitissimè obeundum, optimam quoque indicare reperiem, dispositionemque, tū cerebri, tum omnium, quæ ad internā sensatio-

nem concurrunt. Nam vnde mollitudo carnis, sanguinis tenuitas, vberior, ac purior spiritus, nervusculorum fibre aptius disseminatae, exilis proinde cutis, patentes meatus, & similia, quæ ad exquisitam functionem tactus deseruiunt, oriri dicuntur: inde pariter, & copia substantiæ cerebri, & apta figura, decens raritas, ac mollitudo, spiritus plurimus, expeditæ nervorum soboles ad excipiendo rerum imagines, & si quæ sunt alia ad rectè sentiendum interius requisita proueniunt: cum hæc omnia sibi constans natura, virtute seminis, ac temperamenti æqualiter molitur, eademque sit materia disposita, quæ ad utrumque subministratur. Licet enim ex perfectissima natura totali, non modo sensorium commune ac sensoriam tactus; sed omnia pariter sensoria in suo genere aptè disposita oriantur; peculiaris tamen, ac necessaria est proportio dispositionis inter sensorium commune, & sensorium tactus. Etenim hoc per omnes, ac singulas partes sentientes animalis diffunditur, & cum illis cōplicatur, eademque proinde est dispositio, ac temperatio illius, ac vniuersi penè corporis animalis. Secus ac reliqua sensoria, quæ priuatam tantum partem obtinent, diuersamque adhuc dispositionem requirunt, tametsi compossibilem cum illa. Quapropter iuxta dispositionem sensorij tactus, quæ simul est dispositio totius ferè animalis; disponi etiam debet sensorium commune, quod cum singulis partibus totius corporis communicat. Eademque temperatio, & æquabilitas complexionis totius corporis animalis, quæ ad perfectam constitutionem cerebri conducit, perfectum etiam constituit organum tactus, qui vt docet S. Thomas, tanto perceptibilior est, quanto magis organum illius reductum fuerit ad æqualitatem complexionis, nempe medium, inquit, inter calidum, & frigidum, humidum, & siccum. Vnde cutis ex interiori parte manus, quæ, teste Galeno, temperatissima est omnium partium animalis, tactu pollet exquisitissimo, eaque multo melius, quàm cæteris tactilia quæcumque discernimus. Accedit, quod nervi in quibus præcipuè constituitur sensorium tactus, omnes quidem propagantur ex cerebro, eiusque naturam participant; & optimus, ac tenuissimus spiritus animalis, qui facilius

2. p. 9. 76. art. 1.

lib. 1. de temperat. c. 9.



Itus per corporis mēbra diffusus, expeditiusq. discurrēs, viua-  
 ciores tactū constituit, non nisi puriorem, ac temperatiorem  
 cerebri substantiam, vbi conficitur, apertē demonstrat. Cum  
 igitur maior, vel minor praestantia sensus interioris, vt plu-  
 rimum ex aptitudine organi oriatur, & operatio intellectus  
 in homine, ipsam sensus eiusdem perfectionem sequatur; mi-  
 rum non est, si ad excellentiam tactus correspondeat intelli-  
 gentia viri perfectior, atque praestantior; ita vt in genere  
 hominum, ait Aristoteles, secundum sensorium tactus in-  
 geniosos esse, & non ingeniosos reperiāmus; secundum au-  
 tem aliud, nullum. Siquidem reliqua priuata sensoria mi-  
 nimē valent cerebrum ad suū proportionem aliquo modo  
 disponere. Quare in alijs, ait Aristoteles, superatur homo  
 ab animalibus multis, secundum autem tactum multo quam  
 cetera excellentius operatur: Vnde infert, & prudentissi-  
 mum animalium est; omnes enim cernimus malē, si cum  
 Aquilis, & Lynce comparemur; & confusē, oblesēq. audi-  
 mus, si cum Melampode conferamur, ait Galenus. Olfactum  
 etiam hebetissimum omnium animalium habemus, vt notat  
 idem Philosophus; tactum verō certissimum aliorum ani-  
 mantium, ad quem reducit, & gustum. Quod si in genere  
 hominum, viri prudentiores sint mulieribus, in quibus ma-  
 ximē tactus vigere putatur propter lenitudinem, ac molli-  
 tiem carniū: obseruandum est, mollitudinem, quā aptam  
 dispositionem tactus praemonstrat, non esse illam, quā ple-  
 rumquē in foeminis nascitur ex abundanti humore minus  
 cocto, vel temperato, aut ex pinguefaciente pituita; neque  
 illam, quā arte, & industria quaeritur, vt ait Themistius, sed  
 illam, quā ex perfecto temperamento, ac partium subtri-  
 tate, & raritate, quā non minus in viris, quā in mulieri-  
 bus reperitur; quamuis frequentiori exercitatione, ac labo-  
 re, maior aliqua durities in viros inducatur. Quapropter  
 plures viri, quā mulieres disciplinarum capacitate, ac pru-  
 dentia praestant. Cum alioquin verum sit, quod Socrates  
 aiebat, mulierum quoq. sexum non minus esse docilem, & ad  
 disciplinas, & ad omnem virtutem, si diligenter instituantur.

2. de anima  
 tex. 94.

ibidem.

De sensu. euend.  
 lib. 1. cap. 3.

De sensu. & sensu  
 sili. cap. 4. Et  
 sect. 10 problem.  
 quasi. 20.





VR declamatores orando sapissimè cantilenam quandam efficiunt non sinentes verba, prout naturaliter sonant profuere? Nonne facilius verba suppetunt naturali, & consueto more prolata, seù cum sono, quo ab hominibus communiter consueuerunt proferri? Cur ergo tonus quidam, ac rhythmus inducitur contra pronunciationem hominibus assuetam?

Respondetur, tonum illum, seù vocationem declamatorum propter determinationem, & æquabilitatem soni, quam includit in prolatione verborum, iuuare memoriam non secus ac metrum, aut modulos cantilenæ. Cuncta enim verba, quæ musicum aliquem numerum, & proportionem continent, vt in omni concinendi genere, facilius adherent memoriæ, promptiusq. propterea sese offerunt proferenda, mouentq. nos, vt ait Aristoteles, pro sua æquabili serie ordinatè: Motus enim, inquit, familiarior naturæ est ordinatus, quàm inordinatus, ac proinde secundum naturam hic magis esse probatur. Vnde homines priusquam litteras scirent, leges cantabant, ne eas obliuioni mandarent. Quod etiam sua tempestate Agathyrsis in morem fuisse, testatur idem Philosophus. Cum igitur declamatores, & verba ipsa, quæ proferunt, & sensus verborum, pronunciationemque cogantur attendere, nempe actionem, quæ motu corporis, quæ gestu, quæ vultu, quæ vocis conformatione ac varietate, vt ait Cicero, moderanda est, si minus firmiter, quæ prolaturi sunt, teneant, statim in cantilenam incidunt; vtpotè qui tot, ac tam varias vocum inflexiones, accentus mutationes, ac similia nequeant simul attendere. Sicut enim, facilius est citharedando simpliciter deambulare, quàm iuxtà sonum choreas ducere, ac artificiosè simul saltare; ità facilius est vnisona quasi voce reddere, quæ intus in memoria sonant, quàm accurata pronunciatione iuxtà sensum

ver-

*de R. 19. probl.  
quest. 20.*

*Idem q. 28.*

*De orat. non lon-  
ge ab iniis.*

verborum, ac rerum dignitatem, vocem & actionem multiplici varietate, ex Rhetorum præcepto moderare.

QVÆSTIO XXVI.



VR mane proprio Marte facilius verba componimus, aut philosophamur; serò autem aptius aliorum scripta intelligimus, aut interpretamur? Eadem namque videtur aptitudo requiri ad iudiciũ ferendum de alijs, quo pacto procedant, vel quid sibi dicere

velint, ac ad proferendum, quæ circa aliquid nos internè sentimus. Non enim alia est occultarum rerum inquisitio naturalis, qua proprio Marte philosophamur; alia verò qua aliorum abditos sensus ex verbis indagare conamur. Sicut non est alia interpretatio naturæ ab interpretatione sensus, & vocis; & non minus aliorum interpretando, quàm nostra pangendo de rebus iudicia, placitaque, conceptus probè, vel prauè formamus.

Respondetur ad proprium conceptum intus de rebus formandum, vel promendum exterius, maiorem vtique impressarum specierum suggestionem, maioremq. promptitudinem requiri memoriæ, vt mens proximè fœcundata patriat, habeatq. intus parata, quæ suo iudicio approbare, vel refellere componendo, vel diuidendo, ac discurrendo possit, vt cum placuerit voce foris emittat, verbisque, aut scripto, significet. Nam quod in iudicio ferendo de alijs præstant eorum dicta, vel scripta: in propria compositione præstare tenetur memoria. Idem enim est proprio Marte componere, atque discurrere, ac litteras, & syllabas promendo, in libro memoriæ legere. Cum igitur mane promptior se præbeat memoria, faciliusq. suggerantur quæ in ea species asseruantur, mirum non est si aptius quoque proprio Marte, & noui conceptus formentur, & verba melius componantur.

Contra verò, quia serò, vel procedente die exiccatur magis ambiens aer, & incalescit, non minus quàm cerebrum.

*Scil. 30. probl.  
9. 4.*

agitatione spirituum, & operationum mentalium: Et quoniam, ut inquit Aristoteles, multa iam perceptauimus; propterea minus tunc deseruit memoria, minusque intellectus ex se valet promere; magis tamen de ijs, quæ offeruntur iudicium ferre, cum siccitate purgata omni labe, quæ in cerebrum fortè noctis humore deesse non poterat (nam subpingue per accidens nonnunquam redditur saltem ad tempus) aptior sensus redditur ad perspicendum ea, quæ vice memoriæ, scripta ex se offerunt contemplanda. Quamobrem Aristoteles cum exercitationes litterarias diuisisset in matutinas, ac vespertinas, ut refert Gellius; matutinis horis oculiorem philosophiam speculabatur, ac litteris tradebat; vespertinis autem, Rhetoricæ, & Poeticæ aliorum scripta enoluendo, ut Esiodi, vel Homeri, ac præcepta ab illis desumendo, operam dabat.

*Ant. Coll. lib.  
20. cap. 4.*

## QVÆSTIO XXVII.



VR acuta responsa, vel dictoria, potius illicò in promptu, quàm diù cogitando obueniunt? Nonne inquirendo, ac diutius excogitando plura inueniuntur, eaq. aptius disponuntur, vel certè melius discernuntur, ut quæ magis congruunt proferantur? Aut quid est, quod statim, non autem in tempore sese possint offerre?

Respondetur, id quod acumen, vel etiam sal nuncupatur in dictis, formaliter non nisi in quadam verborum, aut obiectorum relatione consistere, qua nimirum res, quæ significantur peculiari quadam formalitate, aut verba, resonantia quadam, vel collusionem ad inuicem comparantur. Siquidem aut in re, aut in verbo venustas dictorum posita est, & ut in grauib. sententijs, sic in facetijs, aiebat Cicero: Nam quod quibusque verbis dixeris, facetum tamen est, re continetur: Quod autem mutatis verbis saltem amittit, in verbis habet omnem leporem. At siue in verbis, siue in rebus, siue coniunctè in vtrisque, id quod peracutum, & falsum se prabet,

*Lib. 2. de oratore  
longè post mod.*

præbet, ac mirificè audientes delectat, formaliter aliud non est, nisi correspondentia illa proportionis, vel improprietatis, quæ secundum quidpiam in obiectis elucet, aut resonat in significatione, quæ concinnis, ac perpaucis verbis continetur; vt observare est in cunctis dictis, & apophthegmatibus illustrium virorum, quæ apud multos tantopere celebrantur. Quoniam verò reconditæ, ac subtilissimæ illæ formalitates abstractæ, ex quibus rerum similitudines, ac dissimilitudines, proportiones, ac improprietates, & cætera huiusmodi desumuntur, simul obijci debent ad hoc, vt ad inuicem conferantur, & quod subtiliores, ac abstractiores sunt, eò facilius evanescent, ac spontè potius oblata, quam longo studio requisitæ in mentem venire consuescunt: Hinc est, vt cum obveniunt, non nisi in promptu capiuntur, ac sicuti vnico ferè mentis intuitu ad inuicem comparantur, ita statim, ac paucissimis verbis exprimantur. Vnde acumen vno sæpè in verbo positum esse, ait Cicero, maximè respondentis. Omnino enim probabiliora esse dixerat, quæ lacessiti dicimus, quàm quæ priores, nam & ingenij celeritas maior est, quæ apparet in respondendo cum aduersariorum aculeis feritur, & ducitur animus, ipsaq. in altercatione adeò exagitantur simulacra, vt multa, quæ latebant, facillimè, ac citissimè, offerantur. Sicq. aliquando arripitur ab aduersario verbum, & ex eo in eum ipsum aliquid, qui lacessivit infligitur; vt contigit illi, qui cum Antigono exprobrasset, quod pecunias acriter exigere, dixissetque, Alexandrum, talem non fuisse: Et meritò (respondit Antigonus) nam ille Asiam demerebat, ego verò spicas lego. Alioquin lacessentes quoque nihil omnino præmeditantes, nonnunquam ita repente verba iaciant, vel emittunt, atque in dictoria erumpunt, vt ea etiam cupientes tenere nequeant, aut hætenus excogitare; simulacrorum copia tunc ad rem pertinentium confluyente, ac interiori sensu intellectui phantasmata vberimè, ac celeriter ministrante.

*Ibidem.*

*Plutarch. in Regum, & Imperatorum Apophthegm.*

## QVÆSTIO XXVIII.

*De somn. & vi.  
gil. sap. 3.*



VI fieri potest, vt nonnulli dormiendo furgent, ambulent, multaq. faciant opera vigilantium, vt obseruat Aristoteles. Si somnus in doctrina eiusdem Philosophi est occupatio, atque ligatio interni sensorij, vbi residet sensus communis, & vnde animal habet, & posse moueri, & externè sentire, ac in cunctis suis operationibus regi, & dirigi; quo pacto præoccupato principio sensus, ac motus, & palpare valent homines in somno, & videre eo modo, quo qui vigilant, vt ait Aristoteles, surgere, & arma capere, domum vniuersam lustrare, ac euertere, vel pleraque similia agere, vt de amico suo, qui ad gallinarum locum profectus fuerat, narrat Philoponus.

*Lib. 1. de generat. animal. c. 1*

Respondetur somnum esse quidem ligationem sensus communis, aut interni sensorij, quatenus per euaporationem, ascendentem in cerebrum impeditur transitus spirituum animalium ad priuata sensoria, quibus mediantibus sensus communis, vt talis est, propriam functionem exercet, proindeq. fieri, vt cessante influxu, & cooperatione sensus interioris, quiescant sensus externi: At hoc vt plurimum non verificari nisi de quatuor sensibus externis, qui sunt in facie, ac per primas neruorum coniugationes dependent ab anteriori parte cerebri in duos priores ventriculos distributa, vt animaduertit Galenus. Cum alioquin tactus, & motus, qui per cæteras coniugationes neruorum à posteriori parte cerebri ortum, ac dependentiam habent, etiam dormiente animali exerceri valeant. Quandoquidem vapores exhalantes à ventriculo, non nisi anteriorem partem cerebri, quæ maxima est, infestare solent. Ad posteriorem verò, quæ cerebellum dicitur, tanquam valde remotam, vix valent pertingere. Quare mouendi virtus, quæ ibi residet propè ortum spinalis medullæ, indeq. spiritus per neruos distribuit, soluta penè manet, ac libera, nec ab operatione interdicitur: Cumque  
ima-

*Lib. 9. de visu  
part. cap. 8. &  
sequentibus. Et  
lib. 10. cap. 1.*

imaginatione, ac extimatione regatur, quæ inter dormiendum persapere non aliter ac in vigilia procedunt, ut constat ex pluribus rationabilibus somnijs; hinc est ut etiam dormiendo, moveri possit animal præsertim homo, multaque facere opera vigilantium, imaginationis ac extimationis ductu, ac si propriè somniaret: Siquidem huiusmodi operationes non nisi in profundo somno ex nimia euaporatione cerebri penitus obumbrante impediuntur, secus ac operationes, quæ dicuntur sensus communis, quæque ferè omnes, ac semper propter adductam rationem ligantur. Verum per quascumque cognitiones somnambuli regantur, ac dirigantur, nunquam propriè dicuntur per illas vigilare, nec somniare, ut expressè patet ex Aristotele: Accidit enim, inquit, dormientibus etiam animalibus sensus, non modo, quæ somnia vocantur, sed etiam præter somnia, ut ijs, qui dormientes resurgunt, & quidem pleraque agunt sine somnio. Ratio autem est, nam quæ per somnium percipiuntur, non percipiuntur nisi solo sensu interiori abstractivè operante, ac nulla cognita reali præsentia obiecti: à somnambulibus verò multa percipiuntur intuitivè cum reali eorum præsentia per tactum, aut visum oblata, ut patet experientia, & ex eodem Aristotele. Deinde ex alio capite; nam vigilando, animal non solum uno, aut alio sensu, sed omnibus valet sua obiecta dignoscere. Quapropter meritò, ait Galenus, quod vigilia est intentio animæ à principio ad corporis partes omnes atque particulas. Vnde qui aliquibus tantum partibus potest intendere, non dicitur vigilare, ut qui cæteris sopitis sensibus tantum palpat, vel audit. Nam interrogati nonnulli dormientes, respondent, & Loth dormiendo filias cognovit sopitus à vino.

*Lib. 3. de generatione animalium. c. 6*

*Ibidem.*

*In adscriptis somniationibus medicis non longè ab initio.*

*Genes. cap. 19. Pererius ibidem disp. 7. num. 62.*

Difficile tamen est, quod adduximus ex Aristotele, nonnullos etiam dormientes videre eo modo, quo qui vigilant; sed si ita est, non aliter contingere posse censendum est, quam cum quis inter caliginem circumfusus, aut nimia ebrietate correptus, nec perspicuè aliquid videre, nec firmiter obtutum in rem determinatam figere valet: Motus enim



enim plurimus fit in dormientibus circa commune sensu-  
rium, calore intus refluyente, ac vaporibus ascendentibus,  
non secus ac in ebrietatibus. Imperfectè igitur eis quando-  
que, licet rarè videre relinquitur, cum scilicet sedatur ali-  
quantulum motus, enubilaturq. aliqua ex parte cerebrum,  
fumosa caligine circumfusum; ita vt saltem aliquibus spiriti-  
bus pateat aditus per nervos opticos ad oculos descenden-  
di: Nam simile quidpiam conceditur gustui, & auditui, vt  
hactenus notauimus ex Aristotele, qui nonnullos ait in som-  
no sentire aliquo modo, & sonos, & lumen, & saporem, &  
tactum, languidè tamen, ac veluti procul. Et rursus aliqui-  
bus ait contingere, vt melle, ac dulcibus saporibus in som-  
no perfrui videantur, minima pituita defluente. Sed quia  
de tactu, ac potentia motiua, vt vidimus, ratio est valde  
diuersa; idcirco frequentius accidit ijs tantum vt dormien-  
tes, qui dicuntur somnambuli.

*Lib. 1. stat. 3.  
cap. 3.  
De somnijs cap.  
ult. prop. fin.  
De diuinat. per  
somnia sup. 2.*

## QVÆSTIO XXIX.



*Cap. 4.*

VA ratione nonnulli, id quod apprimè ca-  
piunt, exprimere minus, aut nullatenus va-  
lent? In lingua enim sapientia dignoscitur,  
& sensus, & scientia, & doctrina in verbo  
sensati, ait Ecclesiasticus. Quo igitur pa-  
cto eos, qui nec doctrinam, nec scientiam,  
aut sapientiam in verbis valent ostendere, maximè scire, ac  
sapere comperiemus?

Respondetur mentis conceptum de quaque re distinctè,  
ac perspicuè, vel obscure, & confusè ab aliquibus explicari,  
pluribus ex causis procedere. Quarum prima est ipsa diuer-  
sitas conceptus formalis. Nam sicut idem diuersimodè for-  
maliter concipi, ita diuersimodè explicari contingit. Qui-  
dam enim res concipiunt secundum notas omnibus for-  
mas, vt sensibiles imagines, & consuetas quasdam abstra-  
ctiones distinctè, ac dispositè, veluti per cathégoriam dige-  
stas: Atque hoc modo res ipsas conceptas perquam facile,  
& aper-



& apertissime exprimunt. Alij verò, licet res in principio secundum notas omnibus formas concipiant, non tamen ibi sistunt, neque validam illarum impressionem admittunt, sed ulterius pergunt ad noua semper abstracta, nulla veluti serie ordinata, ita vt semper ad altiora, & vniuersaliora se erigant, & ex eadem vniuersalitate, ac diuersitate confusionem necessario contrahant. Et hoc pactonum ad explicandam animi sui notionem verba non suppetant, complicatè omnia prout norunt, coguntur exprimere.

Idemque deinde ex eo constat procedere, quia ad aptam explicationem, & expositionem intelligentiæ suæ, non satis est claritas, ac distinctio terminorum cum proprietate sermonis; sed opus est sæpè variare modos verbales, sub quibus idem æquè bene multifariam explicatur. Nam cum omnis vis, ratioq. exprimendi penes capacitatem eorum, qui audiunt attendenda sit, coarctandus non est conceptus nostræ mentis ad perangustam quandam, ac determinatam exprimendi formam, sed potius idem per diuersa debet significari, vt si vno modo audientem lateat, alio non aufugiat. Huic autem causæ accedit alia, quæ est series, ac methodus in explicandis, quia parum est rem apertis, ac varijs verbis amplecti, nisi à primis, & notioribus articulatum, ac dispositè ad vteriora, ac ignotiora procedatur. Denique etiam in causa esse potest tarditas, aut velocitas, quæ conceptus, & verba suppeditantur. Nam velocitas obruit sensum verborum, atque conceptuum; plura enim veniunt quàm quibus vox vna sufficiat, ait Seneca, nihilq. est ordinatum, quod præcipitur, & properat. Tarditas verò in subministratione conceptuum, vel locum admittit alienis, atque improprijs verbis, quæ substituuntur vice illorum, quæ præsto esse non possunt, nè loquutio intermitteretur, vel saltem ipsamet inopia, & exilitas minus intentum auditorem habet, vt idem Auctor adiecit, tardio interruptæ tarditatis; & sic sermo clarus, & explicatus esse nullatenus potest respectu audientis.

Ex

non debet  
quod cum  
autem de  
notis de  
vno modo

non debet  
autem de  
notis de

Epistola 40.

Ex quibus omnibus colligitur quo pacto nonnulli multa quidem, & optimè capere, siue intelligere possint, quæ tamen non satis valent exprimere; nam aliqua ex prædictis causis præpedita vel confusa, expressione non tollitur, quin intelligentia quoad substantiam suam munus perquam facile obeat. Quod ex eo planum sit, quia semper inter ipsa verba, quæ multiplici ratione confusè, ac suboscure iaciuntur, vel potius ruunt, intermicant aliqua, quæ rem ipsam, intelligentiamq. si non dilucidè, verè tamen significant, atque ostendunt. Quamvis perfectæ capacitas, atque intelligentia absolutè censenda sit ea, quæ vnà cum substantia, ac formalitatibus rerum abstractis, ordinem etiam, ac distinctionem seruat conceptuum, methodumq. in illis subministrandis, vt oratio ad exprimendos animi sensus reperta, non confusionem, sed scientiam arguat exprimentis; Etenim omnis scientia, omnisq. doctrina peculiari quodam ordine tanquam propria forma constituitur. Et hinc meritò iuxta sacrum eloquium, vtræque in verbo, ac lingua fatemur dignoscij; Etenim dicere nemo potest (ait Cicero) nisi qui prudenter intelligit. Siquidem cum verba sint earum, quæ in anima sunt passionum notæ, vt ait Aristoteles, quisque prout loquitur, ita censetur sentire, atque intelligere, talemque intus esse, qualis foris; neque enim vlla, vel breuissima syllaba in ordine suo (ait Augustinus) nisi prospecta sonuisset. Vnde loquere, dicebat Socrates, vt te cognoscam. Nec vnquam fuit valdè sensatus vir peracutus, ac prudens, qui præuè, aut confusè loqueretur, vt falsò nonnulli autumant. Nam licet non omnes abundanter, & ornate sicut Plato, vel Cicero; propriè tamen, distinctè ac illuminatè omnes loquuti sunt, vt patet ex eodem Aristotele, cui obscuritas aliqua in dicendo tribuitur: Nam præter libros in quibus de industria obscuritatem adhibuit, reliqui tanto nitore clarescunt, vt propterea Cicero ipsum Aristotelem aureum eloquentiæ flumen appellaueris; Et Socrates, sicut postea Lyfias, Hippocrates, & alij subtilissimè disputando, licet concisionem

*De claris orator. non longè ab initio.  
Lib. 1. de interpret. cap. 1.*

*Lib. 12. de Genesi ad litteram cap. 23.*

cisionem quandam in dictis seruauerint; magnum tamen, semper lumen ostendunt, nihilque clarius, aut limatius, ac breuius exprimi potest; graues enim fuerunt verbis, crebri sententijs, compressione rerum breues, sermone tandem proprijs, ac peracuti; quamquam forensi amplitudine, Rhetorumq. obseruationibus, ac vberimis illis ornamentis caruerint. Nam quæ veritati operam dat oratio, incompressa debet esse, & simplex, vt rectè ait Seneca. Verumtamen omni arte seclusa, ipsa natura (inquit Cicero) circumscriptione quadam verborum comprehendit, concluditq. sententiam, quæ cum aptis constricta verbis est, cadit etiam plerumque numerosè; Nam & aures ipsæ quid plenum, quid inane sit indicant; Et spiritus quasi necessitate aliqua, verborum comprehensio terminatur.

*Epist. 40.  
De clavis Oratoribus non longe ab initio.*

## QVAESTIO XXX.



VR qui Ecstasim patiuntur, sani alioquin mente & corpore, multa sese videre, aut audire existimant in vigilia, quæ nullo pacto vident, vel audiunt? Iudicium enim de actuali, ac præsentis sensatione externa pendet ab illius reali, & ab actuali exercitio, ex quo recens semper species resultat, qua intus trās fusa, discernit animal quod foris agnouit quadam communi particula, vt ait Aristoteles, omnium sensoriorum, nè passim decipiatur in vigilia, sicut in somnis, confundatq. cognitionem intuitiuam cum abstractiua, & apparentiam cum realitate obiecti. Quo igitur pacto Ecstatici quantumuis experrecti, nihil verè exterius sentientes, nullaq. imagine de foris adueniente, tam plura sese videre, & audire putant, nullatenus præsertim desipiendo?

*De somno, & vigilia cap. 2.*

Respondetur, Ecstasim secundum vim cognoscitiuam in multis quidem cum somniantium somno, similibusq. passionibus conuenire, ratione quorum in dignoscendis obiectis, apparentia cum realitate confunditur. Nam & dormientes quan-

quandoque sibi vigilare videntur, & multa exterius percipere, quæ non nisi imaginariè sentiunt; Et pueri in tenebris, quamvis omninò expurgati, multa simulacra tanquam oculis obiecta apprehendunt, timentesq. sibi, faciem velant ne videant. Alij, varijs passionibus decepti, vt ait Aristoteles, à modica similitudine, ille quidem videtur sibi videre hostes, hic verò dilectum. Quapropter ne in æquiuocum laboremus, sigillatim obseruandum est in quibusnam Ecstasis cum prædictis alijs passionibus conveniat, in quibus verò differant inter se, vt exindè luculentius constare possit causa vniuscuiusque deceptionis.

Supponimus autem Ecstasim aliud non esse nisi excessum quandam siue alienationem, qua quis extra suam ordinationem, & cognitionem sibi propriam ponitur, vt docet S. Thomas; vel vt docuerat Diuus Augustinus, aliud non esse, nisi auersionem mentis à consuetudine corporali ad visum quoddam contemplandum alienum à præsentibus; fieriq. huiusmodi alienationem, seu auersionem, vel passione aliqua naturali cognitionem ad vnum quippiam assumptam, quemadmodum accidit Antipheronti Oritæ, & alijs, vt refert Aristoteles, sicut etiam Epimenidi Cretensi, & Aristæ Proconesio Poetis, & Philosophis clarissimis, vt refert Purgorius; vel inspiratione aliqua diuina animum rapiente, vt pluribus sanctis viris, ac mulieribus contigisse testantur Historiæ.

In hoc igitur primo Ecstasis, vt plurimum cum somniantium somno videtur concurrere, quod vtraque passio sit alienatio mentis à sensatione externa; & conuersio ad aliquid interius intueudum. Quare Ecstasis Sanctorum à multis vocatur somnus spiritualis.

Deinde quod sicut visa per somnium aliquando sunt vera, aliquando sunt falsa, aliquando perturbata, aliquando tranquilla; ipsa autem vera aliquando futuris omninò similia, vel apertè dicta, aliquando obscuris significationibus, & quasi figuratis loquutionibus prænuntiata: sic etiam visa  
per

*De somniis c. 3.  
Et cap. 2.*

*S. Thom. 1. 2.  
q. 28. art. 3. in  
corp. Et 2. 2. q.  
175. art. 2. ad 1.  
D. Aug. super  
Psalm. 133. con-  
tione 3.*

*De mem. &  
remis. cap. 2.  
Lib. 1. cap. 9.*

per Ecstasim, vt D. Augustinus aduertit, qui propterea omnia Ecstatorum visa, visis somniantium comparauit.

Insuper sicut afflatu diuino multa per somnia reuelantur, iuxta illud, effundam de spiritu meo super omnem carnem, & iuuenes visa videbunt, & senes somnia somniabunt. Apparuit autem Dominus Salomoni per somnium nocte: Et Angelus Domini apparuit Ioseph in somnis &c. ita etiam per raptum, & Ecstasim, vt illud Apostoli, atque Ezechielis, cum vnum vsque ad tertium cœlum, alterum inter terram, & cœlum legimus eleuatum in visione Dei, multa tunc eis fuisse reuelata: Siquidem non corpore, sed spiritu, & intelligentia rapiebantur à se ipsis auulsi, & à sensibus externis omnimodo abducti, & absoluti, iuxta doctrinam D. Thomæ. Raptus enim supra Ecstasim non addit nisi violentiam quandam, quæ nonnunquam contra modum suæ naturæ animæ infertur, cum ad diuinorum inspectionem maxima celeritate eleuatur, vt docet idem S. Thomas.

Denique sicut dormientes quandoque sibi vigilare videntur, & non similia corporibus, sed ipsa corpora intueri se putant: ita similiter Ecstatici multa quoque arbitrantur se exterius percipere, quæ non nisi imaginariè sentiunt.

Differunt autem huiusmodi passionēs, nam per somnum, interior sensus ligatur respectu cooperationis, quam alias exercere posset cum sensibus externis; impedimento scilicet existente in ipso communi sensorio per obstructionem meatuum, ac viarum, quibus spiritus animales mittendi erant ad sensus externos, ac nouæ similitudines intus deberent transfundi: At in Ecstasi nullum adest impedimentum in cerebro, sed desinunt operari sensus externi per applicationem virtutis ad alia, eo modo, quo quis non videt, quia in aliud intendit. Cum enim animus limitatæ sit virtutis, determinatamque obtrineat spirituum vbertatem; statim atque intra se colligitur, ac circa aliquid fixa, vehementiq. imaginatione versatur, necessariò ab vsu sensuum externorum abducitur, tota intentione intus transfusa, totaq. spirituum

*De Genesi ad  
litteram lib. 1. c.  
cap. 12.  
Iob. cap. 2.*

*3. Reg. cap. 3.  
Matth. cap. 1.  
c. 2.  
2. Corin. 1. c. 12.  
Ezech. 3.*

*2. 2. q. 129. ar. 6.*

*2. 2. q. 175.  
art. 2.*

copia interius confluyente. Vnde & pallor, & squalor apparet in vultu, & frigus per extimos artus tunc serpit, non secus ac in timore magno, atque tremore, vel cum quis repente dilectam nimis, aut odio habitam intuetur personam. Itaque in Ecstasi vehemens occupatio interna est causa abstractionis ab omni sensu externo: in somno autem impotentia circa externa, est causa conuersionis internæ, nimirum, ut anima nonnisi, quæ interius obijciuntur attendat.

Rursus verò ex hoc, aliud apparet discrimen, quoniam visa dormientium seu somnia, naturaliter sua veluti sponte obueniunt, ac nulla adhibita industria; ante oculos mentis obuersantur & facillimè permutantur, quemadmodum in nubibus, quæ similia sunt hominibus, & Centauris (inquit Aristoteles.) At visa, quæ in Ecstasi accidunt; vel à spiritu aliquo extrinsecus suggerente, vel ab aliqua vehemente passione amoris, aut timoris, voluptatis, aut doloris, secum sensum & imaginationem abripiēte, & ad vnum determinante, proueniunt.

Item consopitis per somnum sensibus externis, membra quoque omnia, motiua sua virtute, utpotè mutuata ex cerebro, destituuntur; Vnde totum corpus prostratum quiescit; Abstracto verò animo, & per internam occupationem ab externis auulso, non propterea destituuntur membra sua, virtute motrice, & rectrice; nam & regitur totum corpus, ac sistitur à se ipso, nec moueri definit, nisi in quantum oportunitas deest, vel non adest mentis directio; cum aliòquin homo in Ecstasi constitutus, & plures edat motus, ac plausus iuxta varias cogitationes, & voces etiam illum emittere, vel suspiria, & exclamare passim contingat.

Tandem somnia ex natura sua, apparitiones sunt valde imminutæ, & imperfectæ, utpotè vaporum tunc ascendentium caligine circumfusæ, & interruptæ, quamuis per accidens exactissimè secundum partem quandoque accidere consueuerint; Carent enim correctione, quæ fit per liberum usum intellectus, & cooperationem sensus externi, ideoque  
defi-

deficiunt in circumstantijs temporis, & loci, ac plurimum coniunctorum, in quibus fundatur præsentia rei oblata, vt suo loco explicuimus. Vnde qui per somnia motus exercentur, defectu cognitionis non extimantur voluntarij. Visa verò, seu apparentiæ in Ecstasi contingentes, conspicuæ & absolutissimæ natura sua sunt, tanquam à somniantium vaporibus, & sedis infestationibus absolutæ; nam licet experientia quoque careant sensuum externorum, mentis tamen illustratione, ac directione, secus quàm in somnis fulciuntur, & corriguntur.

Ex quibus colligitur vltima differentia, nam in somnis eluditur homo ignoratione, vel confusione circumstantiarum coniunctorum, atque similium, quæ in turbida illa resolutione simulacrorum, atque phantasmatum, vt talia sunt, exprimi minus commodè possunt, & sic homo videt vt Coriscum, quod non est, nisi quale Coriscus, inquit Aristoteles, similitudinem pro vero accipiens, putatq. se oculis videre, quod sola imaginatione videt, eo quòd non aduertat circumstantias, confundatque realem præsentiam cum imaginaria, propter similitudinem, quæ est inter vtramque.

*De somnijs c. 3.*

At in Ecstasi præsertim eorum, qui sano corpore, ac mente à sensibus alienantur, aliter res se habet, cum se videre putant, quæ non vident, & phantasmata, inquit Aristoteles, vt facta, seu gesta enarrant, ac si meminissent. Etenim non impedimento, ac turbatione sensorij, sed applicationis nimietate, ac imaginationis vehementia, tanta expressione obiectum sibi repræsentant, tantaq. intentione in ipsum conantur, vt non attendant conditionem, seu circumstantiam exercitæ, ac realis præsentia, quæ tunc illi deest, sed illud tanquam præsens concipiant. Realis enim præsentia obiecti in actu exercito, nihil refundit per sensationem externam in cognitionem internam, & abstractiuam eiusdem obiecti, vt præsentis, nisi maiorem expressionem eiusdem imaginis per nouam, & actuaalem similitudinem intus impressam, à qua pendet omnis euidencia & certitu-

*De mem. & remin. cap. 2.*



do, quam homo habet de ipsa praesentia. Vbi autem, quamvis in absentia, tanta est efficacia expressionis, ac representationis obiecti tanquam praesentis, quae superat omnem representationem manantem ab actu exercito eiusdem praesentiae, non attenditur talis defectus. Imò si verè adesset obiectum, nihil ferè adderet ad expressionem suae imaginis per novam speciem, quam immitteret, quae se haberet sicut iuxta magnum ignem minor, & dolores, & voluptates parvae secus magnas, ut ait Aristoteles.

*De somniis* 1.3.

Quare in huiusmodi Ecstasi non contingit propria deceptio, ac proinde nec desipientia: nam aliud est mente, & imaginatione, non secus ac visu conspicerere; aliud verò est existimare actu se visu videre. Quapropter Ecstatici quamvis postea saepe imaginaria cum veris confundant, distinctè tamen nesciunt an talia visu, aut potius mente conspexerint: Siquidem, ut ait D. Augustinus, potest sic raptus id ignorare, si ei & hoc non ostendatur: sicut si quemadmodum raptus est à sensibus corporis, ut esset in istis similitudinibus corporum; quae imaginatione videntur; ita & ab ipsis rapiatur, ut in illam quasi regionem intellectualium, vel intelligibilem subuehatur, ubi sine vlla corporis similitudine perspicua veritas cernitur, nullis opinionum falsarum nebulis offuscata. Quò ait spectare illud Apostoli, cum siue omnino exiens de corpore, siue ita auersus, & alienatus à carnalibus sensibus, meritò nesciret, ut ipse scriptum reliquit, verum in corpore, an extra corpus fuerit, cum in illam raperetur visionem.

*Cap. 26.*

*Ibidem* 1.27.

Ex his autem omnibus patere potest in quibus nam Ecstasis cum cæteris quoque similibus passionibus conueniat, & in quibus differat; Nam siue sint passionēs animi, ut amoris, vel odij, moeroris, aut timoris; siue corporis, ut in phrenitide, aut atra bile laborantibus, cum his omnibus conuenit in quodam excessu à sensibus externis, eo quod sic affecti non omnino, nec rectè illis vtantur, sed multa putent se exterius sentire, quae sola

ima-

imaginatione apprehendunt, vt fertur de Oreste tragico fuerenti, cui Electra.

*Tuo quietus in lecto miser, mane*

*Cernens eorum, quæ cernere putas, nihil.*

*Apud Plutarch.  
de placitis Phi-  
lof. lib. 4. c. 22.*

Tamen quia in istis passionibus, nec totaliter homines abstrahuntur à sensibus, nec deest in ipsismet imaginationibus aliqua occasio externa, multum differt Ecstasis ab illis, quæ simul est conuersio ad interna. Etenim nonnisi à modica similitudine, ille quidem sibi videtur hostes videre, ait Aristoteles, hic verò dilectum, iuxta passiones odij, vel amoris; Ideoque subiungit, & febricitantibus interdum animalia, videri in parietibus à modica similitudine linearum: & magis id hominibus contingere, quanto vtique in passionibus magis fuerint.

*De somnijs c. 2.*

Itaque Ecstasis, siue naturalis, siue supernaturalis, importat omnimodam conuersionem interius, & abstractionem à sensibus absque vlla deceptione, vt dictum est. Nam vt refert Diuus Augustinus, quidam Presbyter nomine Restitutus, ad imitatas quasi lamentantis cuiuslibet hominis voces, ita se auferebat à sensibus, & iacebat simillimus mortuo, vt non solum vellicantes, atque pungentes minimè sentiret, sed aliquando etiam igne vreretur admoto, sine vilo doloris sensu, nisi postmodum ex vulnere.

*De Citir. Dei  
lib. 14. c. 24.*

Quoniam verò non est passio humana tam vehemens, sicut amor diuinus; idcirco rarò admodum naturales animi, vel corporis passionés ad huiusmodi omnimodam alienationem à sensibus sufficiunt; frequenter autem ardor charitatis ex diuina gratia, quo (vt inquit Bernardus) interdum ita exceditur, & seceditur à corporis sensibus, vt sese non sentiat anima, quæ verbum diuinum sentit. Idque fieri ait, cum mens ineffabili verbi illecta dulcedine, & abundantia internæ suauitatis potata, quodammodo se sibi furatur; imò rapitur, atque elabatur à se ipsa, vt verbo fruatur. Quo nobis frui liceat in æterna vita, postquam hic ex naturalibus contempla-

*Serm. 85. in  
Cant.*

tionibus ad supernaturalia eleuati, ipsum in quo elucet  
omnia, iugiter meditati, puro corde, totoque animo di-  
lexerimus.

## F I N I S.



# I N D E X

## R E R V M.

### Accidens



*N*VLVM accidens spirituale recipi potest in subiecto corporeo. pag. 49. 223.

Non nisi accidentia materialia, & que percipiuntur à sensu interiori. 50. & seqq.

Quæ accidentia operatiua determinatam possunt partem compositi sibi accommodatam, ut operentur. 227

### Actio

Actio non potest esse distincta, si alicui essentialiter conuenit. 139

Actiones cur ponantur distincta à terminis. 141

Actio circa particularia versatur. 505

### Actus

Actus sunt priores potentis secundum rationem. 97

Actus vitales in quo differant à non vitalibus. 131

Actus vitales necessarij, quomodo etiam dicantur voluntarij. 133

Actus vitales essentialiter, & inuariabiliter dependent à suo principio vitali. 137

### Adam

Adam quoad animam, & quoad corpus perfectior fuit, quam Eua. 290

Adam creatus est cum perfecta dispositione, item & Eua. 377

Adam scientia infusa repletus est. ibid.

Ratio magis vigebat in Adam, quam in Eua. ibid.

### Aer

Aer ambiens precipue alterat cerebri temperiem. 380

Aer ac ventus valent ad reddendos homines meliores, vel peiores. ibid.

Ex aere spiritus etiam componuntur. ibid.

Iuxta aeris affectionem, corpus variè afficitur. ibid.

Ab aere sapientiam cerebro exhiberi. Hipp. ibid.

Aer variè afficitur folijs, & aspectus varietate. ibid.

Aer ubi sit crassus. ibid.

Vbi subtilior ac siccor, 381

Situs varietate, quomodo aeris temperies varietur. ibid.

### Amor

Amor naturalis, & supernaturalis eiusdem, differunt plusquam numero. 144

Amoris vehementia ad furorem pertrahit, & quomodo. 424

Amoris passio quàm valeat vires, & facultates mentis peruertere. 447. 450

Amore, aut reuerentia vehementi impediuntur homines à loquutione. 446

Amor & timor diuerso modo sensum internum perturbant. 497

M m 4 Amore

# I N D E X.

<i>Amore captis, aspicere est amabilissimum.</i>	524	<i>abducitur.</i>	545
<i>Angelus</i>		<i>Per animi abstractionem, non destituuntur membra sua virtutis motrice.</i>	546
<i>Angelus superior quomodo illuminat inferiorem.</i>	446	<i>Vna quadam vi animæ discernimus, quæ per sensus externos ingeruntur. Plat.</i>	9
<i>Angeli superiores cur paucioribus utantur speciebus.</i>	508	<i>Animal</i>	
<i>Angeli unica apprehensio distinctissime circa plura versatur. pag.</i>	195	<i>Animalia solum perfectiora, absens obiectum percipiunt.</i>	147
<i>Anima</i>		<i>Animal secundum adequatam perfectionem suæ naturæ, non est solum substantia.</i>	219
<i>Anima concurrens, ut causa universalis cum suis potentijs vitalibus.</i>	131.220.221.226.482	<i>Animantibus cunctis competit somnus, &amp; vigilia.</i>	432
<i>Anima dicitur ab Aristotele divina, &amp; corpori immixta.</i>	223	<i>Animalia aquatilia omnia dormiunt, licet diversimode.</i>	432
<i>Animæ sunt inæquales in perfectione individuali.</i>	289.290	<i>Tota moles animalium in perpetuo fluore est.</i>	527
<i>Anima eo est nobilior, quod nobilior est corpus, ad quod destinatur.</i>	290	<i>Animantibus quibusdam imaginatiua, quibusdam memoratiua deest per Arist. 7. quomodo intelligi debet.</i>	22
<i>Anima Adami perfectior fuit, quam Eva, sicut &amp; corpus. ibid.</i>		<i>Animanti omni inest sensus, imaginatio, &amp; appetitus.</i>	10
<i>Animus valde deprimitur servitute, &amp; legum multitudine.</i>	452	<i>Animalia phantasys, ac memorijs viuunt. Arist.</i>	13
<i>Anima est ratio cur ad motum unius potentie ipsius, alia moueatur.</i>	461	<i>Animali omni quantumvis imperfecto, aliquid proportionale concedendum est cerebro, &amp; cordi.</i>	20
<i>Anima eleuat potentias ad altiora quadam supra ordinem ipsarum.</i>	482	<i>Animalia non omnia eodem modo aluntur. Eorum varietas.</i>	21
<i>Animus potest plura simul intelligere, &amp; sentire.</i>	502	<i>Inter animalia, quadam præceteris amica, quadam inimica, &amp; infesta.</i>	34
<i>Animus, qui omnia capit, sibi vni angustus est.</i>	2	<i>Animalia, quorum sanguis fibræ non obtinet, nec spissatur, sapientiora sunt. Arist.</i>	374
<i>Anima, quadam per seipsam, quadam per corporis vires apprehendit. Plat.</i>	9	<i>Quædam, quæ sanguine vacant, prudentiora sunt nonnullis sanguinem habentibus, &amp; eor. ibid.</i>	
<i>Animi deliquia unde proueniant. pag.</i>	376		Anser
<i>Animus cum intra se colligitur, ab usu sensuum externorum.</i>			

# I N D E X.

*Anser*  
*Anser puerum adamauit.* 43  
*Appetitus & Appetibile*  
*Appetitus naturalis semper tendit*  
*in bonum reale, rationalis vero*  
*in bonum apprehensum.* 455  
*Appetitus sensitivus quomodo mo-*  
*ueatur ab apprehensione sensus*  
*interioris.* *ibid.*  
*Appetitus non mouetur à cogniti-*  
*one effectiui, sed tantum tan-*  
*quam per conditionem necessa-*  
*riam.* 459  
*Combinatio diuerforum acciden-*  
*tium reddit rem, vel appetibi-*  
*lem, vel offensam.* 41  
*Cur bruta appetant quandoque,*  
*quod non est delectabile sensibus*  
*externis.* 42  
*Sicut cognitione cōfusa simul bru-*  
*ta tendunt in viam, & termi-*  
*num, sic & appetitu.* 44  
*Appetibile per sensum non solum*  
*est, quod externos sensus oble-*  
*stat, sed cum quo est sympatia,*  
*& latens connexio.* 40  
*Apprehensio*  
*Datur quadam simplex appra-*  
*hensio sensus, & hac quomodo*  
*differat à simplici apprehensio-*  
*ne intellectus.* 195  
*Apprehensio Angeli vnica, distin-*  
*ctissime circa plura versatur.*  
*ibid.*  
*Aqua*  
*Aqua maximè attenditur in ali-*  
*mento, maximamq. vim habet*  
*in efformanda corporis tempe-*  
*rie.* 389  
*Aqua cruda ac frigida à mulie-*  
*ribus hausta, sœtui variè no-*  
*cent.* 390

*Aqua in baptismo, est instrumen-*  
*tum conferens gratiam.* 483  
*Vbi sunt aqua sublimes, aer est*  
*crassus.* 380  
*Aquila*  
*Aquilarum pullis, serpentes infe-*  
*lli.* 44  
*Aquila qua arte suos pullos de-*  
*fendit ab infestatione serpen-*  
*tum.* 45  
*Penne aliarum auium cum pen-*  
*nis aquila asseruata, illis incor-*  
*ruptis, putrescunt.* 48  
*Altra*  
*Astrorum afflatus cerebro, cate-*  
*risq. corporis partibus domina-*  
*tur.* 387  
*Astrorum cessante motu, confun-*  
*derentur omnia. Plat.* 396  
*Alutia*  
*Alutia quid sit. cum calliditate*  
*conuenit.* 113  
*Attentio*  
*Sine animi attentione, non perci-*  
*piuntur sapius obiecta.* 492  
*Festina animi attentio, vel tar-*  
*dus rem consequitur, vel peni-*  
*tus aberrat.* 486  
*Aues*  
*Aues colligunt paleas ad nidum,*  
*& tamen non cognoscunt for-*  
*maliter utilitatem illarum ad*  
*nidificandum.* 44  
*Pauo virginem adamauit, & An-*  
*ser puerum.* 43  
*Aues ad notas remeant Regio-*  
*nes.* 61  
*Aues non eandem vocem emittunt,*  
*ac parentes, si praecepta, illorum*  
*careant educatione.* 210  
*Aues, Annonis Cartaginiensis am-*  
*bitionem eluserunt.* 211  
*Aues*

*Aues probarunt, Zeufim melius  
ouas, quàm pueram pinxif-  
se.* 181

## Bilis

**Q***ua flauam bilem nimis in  
corpore coaceruant.* 397

*In quibus multa, & frigida bilis  
est atra, hi stolidi sunt & igna-  
ui ex Arist.* 338

*In quibus verò atra bilis admo-  
dum incalescit, hi morbis ve-  
sanis implicantur, ex eodem  
Arist.* ibid.

*Flaua bilis, quid circa internas  
sensationes causet.* ibid.

*Quomodo intelligendum sit illud  
Galenii: Acumen, & dexteri-  
tatem à bilioso humore prodi-  
re.* 340.375

## Bonitas Bonum

*Bonitas semper est ratio appetendi  
materialiter respectu sensus,  
formaliter respectu intellectus.* 46

*Bonum, ut bonum, non percipitur  
à sensu.* 36

*Bonitas medijs, ut medium, est so-  
lum bonitas utilis.* 207

*Bonum apparens sufficit ad appe-  
titum elicatum.* 455

*Bonum dupliciter accipitur, in  
seipso, & quod alteri bonum  
est.* 32

*Perfectio bonitatis concipi non po-  
test absque negatione.* ibid.

*Bonitas non tam dicit relationem,  
quàm connotat inclinationem,  
alterius ad ipsam.* 33

## Bruta

*Bruta cibos discernunt, & appe-  
tunt, non tamen sub ratione*

*conuenientie, aut salubrita-  
tis.* 41

*Bruta cur appetant quandoque,  
quod non est delectabile sensibus  
externis.* 42

*Bruta non cognoscunt formaliter  
amicitiam, & inimicitiam. ibid.*

*Varia, quibus Bruta delectantur,  
vel abhorrent.* 43.47

*Bruta sicut cognitione complexa  
simul tendunt in viam, & ter-  
minum, sic & appetitu.* 44

*Non solum strependi, sed etiam  
significandi differentias cogno-  
scunt.* 55.183

*Bruta quomodo cognoscunt per  
partes, vel per signa, rem ali-  
quam.* 56

*Bruta notas sedes repetunt.* 61

*Bruta norunt temporum opportu-  
nitates.* 63

*Bruta presagiant plura. ibid. 166  
& quomodo.* 168

*In brutis semper extimatio falli-  
tur in imaginatione fictitia,  
non item in homine.* 165

*Bruta quamplura, non modo sunt  
memorativa, sed etiam disci-  
plinabilia. Arist.* 192

*Genus brutorum, magnam refert  
similitudinem intelligentie in  
quibusdam.* 103

*Rationes, quibus Antiqui induce-  
bant participationem rationis  
in brutis.* 204

*Mira quedam brutorum soler-  
tia.* 205.211.212

*Bruta operantur materialiter,  
non formaliter propter finem,  
ut arbores, flores propter fru-  
ctus.* 207

*Bruta memorijs, & imaginatio-  
nibus*



# INDEX.

nibus viuunt. *Arist.* 240  
*Brutis* tribuit prudentiam quam-  
dam naturalem *Arist.* 401. 410. 411  
*Brutis* quibusdam inest naturalis  
fatuitas. 426  
*Brutis* non sunt denegandi habi-  
tus acquisiti, cum sint capacia  
discipline. 438. 439  
*Bruta* quomodo sint capacia habi-  
tus acquisiti. 441  
*Bruta* sapientius, quam homines, sortus  
sibi similes generant. 467  
*Bruta* ieiunio quomodo magis di-  
sciplinantur. 528  
In *Brutis* instinctus natura, est  
loco inquisitionis. 8  
*Bruta* tendunt in finem appra-  
hensum, non tamen cognoscunt  
rationem finis, nec rationem  
boni. 35

## Calor, & Calidum

**C**Alor per quas vias, & à qui-  
bus partibus in cerebrum  
transfundatur. 378  
Ex defectu caloris in corde, fa-  
cultas irascibilis, & vitalis; ex  
defectu autem caloris in lecore,  
& testibus, facultas concupi-  
scibilis, & naturalis remitti-  
tur. *ibid.* 371  
In locis calidis, homines sapientio-  
res sunt, quam in frigidis. 382  
Frigore loci obssistente, calidiores  
reddantur cerebri sedes. 383  
Calore corpus roboratur, & dispo-  
nitur ad operandum. 330

## Camelus

Cameli insigne facinus. 192  
Eiusdem pietas. 218

## Canis

Canis multiplici argumento com-

mendatur. 213  
*Canes* in *Triuio* an discurrant.  
pag. 213

## Cantus

*Cantus* quanta voluptate animum  
perfundat. 523  
*Mulierum* cantus quam noxius.  
*ibid.*  
In pronunciando, cur cantus ir-  
repat. 534

## Caput

*Caput* animalis, radici assimilatur  
ab *Arist.* 304  
Qui caput magnum habent, ca-  
num instar sensati sunt ex  
*Arist.* 327  
Qua capitis magnitudo sit com-  
mendabilis. 329  
Qua capitis apta figura. 330  
Qua capitis dispositio apta. 368  
Sapientum capita, ut plurimum,  
imbecillia, & cur. 368

## Causa

*Causa* vniuoca nunquam produ-  
cit effectum se perfectiorem, per-  
fectione tamen essentiali, non  
verò indiuiduali. 292  
*Causa* principalis non potest esse  
effectu ignobilior, sicut instru-  
mental. 478  
*Causa* instrumentalis ignobilior,  
potest esse totale instrumentum,  
quo immediate effectus nobilior  
producat. 483

## Cerebrum

*Cerebri* descriptio quoad omnia  
ad ipsum spectantia. 312  
*Cerebro* ab *Arist.* quo pacto dene-  
getur sensus. 309  
*Cerebri* substantia perpetuo cie-  
tur motu. 318  
Omnia animalia sanguine pradi-  
cere-

# I N D E X.

- cerebrum obtinent, reliqua verò  
aliquid proportionale. 320. 321
- In ampliori cerebro, melior inest  
excogitandi vis. 327
- Sicut iuuat quantitas cerebri, ita  
iuuat macilentia capitis, & te-  
nuitas offium ad prudentiam. *ibid.*
- Plus cerebri est in graciliori capi-  
te, quàm in corpulentiori. 303
- Cerebri substantia magis apta, si  
tenuior, quàm si crassior sit. 331
- Apta cerebri temperies est magis  
calida, quàm frigida, calore  
quidem à corde proueniente. 333
- Apta cerebri temperies est humida  
aliquantulum magis, quàm  
secca, & humidior in anteriori,  
quàm in posteriori parte. 336
- Praue cerebri dispositiones per-  
penduntur. 337. 338
- Excessus caloris cerebro obest.  
*pag.* 339. 374
- Qua mollities apta cerebro. 341
- Cur in molliori cerebro obscura  
siant simulacra. 342
- Cerebrum, nec nimis rarum, nec  
nimis densum esse debet. 344
- Item sine viscositate, & pingue-  
dine. 345
- Eadem perfectæ dispositiones cere-  
bri deseruiunt ad quamcumque  
densationem internam. 347
- Non sunt alie dispositiones requi-  
sitæ ad operationes intellectus,  
quàm illæ, quæ conducunt ad  
sensationes internas. 358
- Recessus à symmetria cerebri ali-  
qualis, non aequi omni operatio-  
ni obest, sed uni magis, alijs  
minus. 365
- Cerebri generatio subsequitur cor-  
dis efformationem. 375
- Cerebri, & cordis mutua obse-  
quia. *ibid.*
- Quinam astrorum afflatus cere-  
bro propitius sit. 387
- Sicut aer, ita aqua, cerebri tempe-  
riem varie immutat. 389
- Alimenta semper ad variam di-  
spositionem cerebri faciunt.  
*pag.* 391. 92
- Quæ medicamenta cerebro conse-  
rant. 393
- Quæ vero noceant. 394
- Cerebrum concursus habet ad se-  
men. 470
- Qui cerebri substantiam obtinent  
minus rectè dispositam, etiam  
in sensationibus externis ober-  
rant. 492
- Qui crassiori aliquantulum cere-  
bro sunt, aptiores sunt circa  
agibilia. 507
- Cum cerebro maximum consen-  
tum habet ventriculus. 375
- Testes maximè valent cerebrum  
immutare. 376
- Cerebrum quammaximè sequi-  
tur vteri dispositiones. 377
- Cerebri temperies ab aere altera-  
tur. 380
- Cerebro sapientiam ab aere exhi-  
beri. Hippoc. 380
- Frigore loci obssistente, cerebri se-  
des calidiores redduntur. 383
- Substantia cerebri non est tam  
facile permutabilis. 71
- Cerebrum per nervos, sensum, &  
motum ceteris partibus distri-  
buit. 74
- Consensus cerebri ad mouendas  
partes corporis, in instanti fit  
sine ulla mora. 83

Cerebri cellula ad quid à natura  
efformata . 271. 274. 283

Si anteriores finus cerebri mor-  
bo afficiuntur, omnes sensatio-  
nes interna simul impediun-  
tur . 274. Item si postremi, &  
medij. 275

Cibus

Bruta cibos discernunt, & appe-  
tunt, non tamen sub ratione  
convenientie, aut salubritat-  
is. 41

Ex cibo & potu stomachum refri-  
gerante, animi deliquia nascun-  
tur. 376

Cibus maximè attenditur ad va-  
riam corporis temperiem, præ-  
sertim in pueris. 389

Cibi qualitas quomodo in corporis  
temperiem transeat. ibid.

Cibus non proprius, in pueris na-  
turales deuasat mores. 390

Cibus pragnantis maximè confert  
ad ingenium partus. ibid.

Cibi qui cerebro conferant. 391

Ciborum quantitas moderata ce-  
rebro confert. ibid.

Ciborum inedia nimia nocet cere-  
bro. 392

Cibus non minus necessarius fuis-  
set homini in statu innocentia,  
quàm nunc est. 435

Studiosis viris inter comedendum,  
præclara excogitata obueniunt,  
& cur. 312

Cæcus

Altero oculo cæcus acutius vi-  
det. 329

Cæcus oculis, mente acutissimè vi-  
det, & cur. ibid.

Cælum

Præter astra, ipsis calis peculiaris

afflatus in hac inferiora ab ali-  
quibus tribuitur. 388

Cogitativa, Cogitatio

Quid sit cogitativa in homine, &  
quod eius opus. 201

Quomodo Deus operetur in nobis  
sanctas cogitationes. 145

Cognitio

Noscere se, & incundum, & dis-  
ficile. 2

Per cognitionem, anima quodam-  
modo est omnia. Arist. 99

Assimilatio cognoscentis ad obie-  
ctum fundatur in expressa  
immagine ipsius, tanquam in ipse,  
culo representati. ibid.

Cognitio ex parte cognoscentis est  
attingentia, ex parte obiecti est  
apparentia. 116

Cognitio immediata solum, facit  
perfectam similitudinem cogni-  
toris cum cognito. 119

In cognitione interna non requi-  
ritur presentia obiecti. ibid.

Cognitio dependet in fieri, & con-  
servari à potentia. 131

Talis dependentia est de essentia  
cognitionis. 139

Variato principio producente, ne-  
cessario variatur cognitio. 143

Cognitio intuitiva, & abstracti-  
ua, quæ sint. 154

Quæ presentia obiecti requiratur  
ad intuitivam cognitionem. 156

Quando aliqua multa, una specie  
intelligi possunt, simul intelli-  
guntur. 154

Cognitio reflexa non datur in sen-  
su. 115

Columba

Columbe fuerunt aliquando inter-  
nuntie. 61

Con-

# I N D E X.

- Conceptus mentis  
 Conceptus mentis, ut bene explicetur, ex quibus pendet. 340  
 Vnitatem conceptuum natura semper intendit. 508  
 Continuum  
 Vnum continuum verè sensu percipitur, sicut plura discreta. 31  
 Cor  
 Cordis principatus apud Antiquos magni habitus. 296. 297  
 Cor pro mente acceptum. 297  
 A corde saltem remotè omnes sensus pendent. 306  
 Cor principatum obtinet, quia primo vivit, & vitam alijs impertitur. 307. 308. 310  
 Animalia, quæ sensu sunt hebeti, cor habent durum, & spissum; quæ sensu valent, mollius. 342  
 Cordis generatio statim tendit ad formationem cerebri. 371  
 Cor & cerebrum sibi mutuo deseruiunt. ibid.  
 Quodnam sit aptum temperamentum cordis. ibid.  
 Quò cor est calidior, eò vis irascibilis est validior, & sensus exquisitior. ibid.  
 Ex cordis subtilitate, ingenij acumen pendet. Plat. 372  
 Habet cor articulationem rimis, futurisq. capitis persimilem, & hæc ad sensum conducit. 372  
 Quibus cor grandius, pauida sunt; audientiora verò quibus minus; & huius ratio. ibid.  
 Cor per arterias calorem transfundit ad cerebrum. 378  
 Cor calidissimum est. ibid.  
 Corpus  
 Corporis instrumenta augentur, & minuuntur calore, & frigiditate. 464  
 Corporis instrumenta alterantur per imaginationem, & intellectionem. ibid.  
 Viuidum ingenium, tenues supponit totius corporis partes homogeneas. 526  
 Corpus variè afficitur iuxta aeris affectionem. 380  
 Corpora optimè constituta, non nisi in medijs regionibus sunt. pag. 383  
 Cucumis  
 Cucumis ab oleo refugit, & recuratur, ad aquam verò extenditur. 45  
 Cutis  
 Cutis est uniuersalius sensorium tactus, & propagines habet nervorum instar filorum aranea. pag. 76  
 Cutis interior manus, tactu pollet exquisitissimo. 532  
 Delirium  
 Quid sit delirium. 425  
 Delirij causa etiam ex ventriculo. 376  
 Deus  
 Deus non cognoscit creaturas in se, ut in imagine, sed immediate fertur in illas. 112  
 Soli Deo competit identificare sibi sui ipsius cognitionem. 114  
 Tota irrationalis natura comparatur ad Deum, sicut instrumentum ad agens principale. pag. 45. 169  
 Dicere  
 Dicere sumitur aliquando pro cogitare. 106  
 In-

Interiorius dicere, non est à verbo  
mentis distinctum. *ibid.*

Velocitas conceptus obruit verba  
in dicendo. 541

Dicere nemo potest, nisi qui pru-  
denter intelligit, ex Cicer. 542

### Differentia

Differentia essentialis constitui-  
ua sensus interioris in commu-  
ni. 230. & seqq.

Varia differentia essentialis, qui-  
bus sensus interior specificatur.  
pag. 255. & seqq.

In differentia indiuiduali inclu-  
di potest ratio inaequalis perfe-  
ctionis. 291

Differentia indiuidualis nullum  
conceptum distinctum addit su-  
pra naturam. 292

Quomodo differant semper solo nu-  
mero indiuidua. 291. 292

Differentia perfectionis essentia-  
lis inter vnum, & alium sen-  
sum. 266. & seqq.

### Distinctio

Non omne, quod arguit distin-  
ctionem essentialem inter ali-  
qua, dicit etiam realem distin-  
ctionem inter illa. 274. 285

### Dolor

In sensu nunquam est dolor sine  
interuenta sensibilibus quali-  
tatum. 90

Dolor, vel est à temperatura di-  
sconuenienti, vel à solutione  
continui. *ibid.*

Ab interiori sensu magis aduer-  
titur dolor, quam dolorificans.  
pag. 91

Dolorem colicum asperum exper-  
tus Galenus. *ibid.*

### Draco

Draco aquilarum pullis infestus.  
pag. 44

### Ebrius

Ebriosis assiduus vaporibus in-  
stabiles, ac tumultuosi sunt,  
varieq. opinionis. 392

Ebrius ac temulentus brassica suc-  
co statim sibi restituitur. 393

### Ecstasis

Ecstasis, quid sit, & quod duplex,  
naturalis & supernaturalis.  
pag. 544. 549

Ecstasis secundum vim cognosci-  
tiuam cum somno conuenit in-  
multis. 543. 544

Ecstasis in quo differat à somno,  
& similibus passionibus. 546  
547. 549.

Ecstasis sanctorum, vocatur som-  
nus spiritalis. 544

Ecstasticorum visa, visis somnian-  
tium comparauit August. 545

In ecstasi, & raptu multa sanctis  
reuelantur. *ibid.*

Ecstasis, & raptus in quo diffe-  
rant. *ibid.*

Ecstatici multa arbitrantur se  
exterius percipere, quae solum  
imaginariè sentiunt. *ibid.* &  
vnde hoc proueniat. 547

In Ecstasi, nullam adest impedi-  
mentum in cerebro. 545

In ecstasi pallor, & squalor in-  
vultu accidit, & frigus per ex-  
tremos artus, & cur. 546

In ecstasi vehemens occupatio in-  
terna, est causa abstractionis ab  
omni sensu externo. *ibid.*

Visa, quae accidunt in ecstasi, vn-  
de proueniant. 546

Ele-

# I N D E X:

Elephans		bustas, & è contra.	396
Elephantum mira solertia.	205	Exercitatio moderata, & vicissim debet esse, modo animi, modo corporis.	397. Ratio huius.
Elephante, nulla belluarum prudentior.	206	Exercitatio, præcipua corporum, & animorum medicina.	348
Elephantis ad Lunam exercitatio.	439	Exercitatio, & consuetudo, quàm maximè iuuet.	443
pag.		Exercitatio quandoque mala.	449
Ens		Experientia	
Ens reale, ut sic, nullo modo à sensu percipi potest.	27	Quid sit experientia, & in quo formaliter consistat.	441
Ens rationis per nullam speciem corpoream potest representari.	29	Per experientiam, artem, & scientiam in hominibus comparari.	ibid.
pag.		Experientiam in interiori sensu efficere merum habitum.	442
Nec ens rationis, nec aliquid simile enti rationis, formatur à sensu.	28	Facetie	
Ens rationis chimericum, fundamentaliter solum per sensum dignoscitur.	29	Viri prudentes, excimioque ingenio, faciles sunt in facietis, & cur.	516
Æstimatio Æstimare		Facetie, & dicteria, quid virtutis morales contineant.	517
Quinam sit actus propriè dictus extimatio.	179	Qui facietis plurimum vsi sint.	ibid.
Non contingit pro arbitrio æstimare, aut opinari.	175	In hoc genere ioci, probi ingenij lumen elucet.	ibid.
Per extimationem animalia moventur.	176	Facetie, genus iocandi elegans.	ibid.
Æstimatio potest esse vera, vel falsa, & se habet in sensu, sicut opinio in intellectu.	181	Facies	
Quando animal decipitur, nonnisi per extimationem decipitur.	183	Nervi, qui diffunduntur ad faciem, ex partibus anterioribus cerebri oriuntur.	275
pag.		Familiaritas	
Æstimatiua nobilior est imaginatiua.	268	Familiaritas quantum valeat ad habitus, sine bonos, sine malos in nobis gignendos.	450
Æstimatiua se habet ad modum iudicij, imaginatio ad modum apprehensionis.	269	Præstantium virorum familiaritas, quantum prodest etiam deterioribus.	455
Eunuchus		Ami-	
Eunuchorum ferè nullus ingeniosus: sed omnes effeminati, mulieribus imbecilliores.	378		
Exercitatio			
Exercitatio vires animi reddit ro-			

# I N D E X.

*Amicorum dilectis, & exemplis  
suadentur homines.* *ibid.*

*Fatuitas Fatuus*

*Fatuitas ex refrigeratione cere-  
bri, vel succis mordentibus cali-  
disq. in cerebro collectis oritur.*

*pag.* 419

*Fatuitas non est sola praua dispo-  
sitione organi.* 421

*Fatuitas, & insania, quomodo  
conueniant, & differant.* 425

*Quomodo differt ab hebetudine.*  
*pag.* 426

*Fatuitas quibusdam animantibus  
dicitur naturalis.* *ibid.*

*Non omnes, qui minus mente  
valent, sunt fatui, sed qui t*  
*ibid.*

*Felicitas*

*Felicitas non est qualitas, ex Arist.*  
*pag.* 101

*Idem explicatur.* 107

*Finis*

*Bruti tendunt in finem appre-  
hensum, non tamen cognoscunt  
rationem finis, nec rationem  
boni.* 35

*Bruta faciunt materialiter, non  
formaliter propter finem, ut ar-  
bores flores propter fructus.* 207

*Fœmine*

*Fœmine, mares superant ingenio,  
astutia, memoria, sed superan-  
tur prudentia, & animi ma-  
gnitudine.* 444

*Fœmina non ita abundant cere-  
bro, ut mares.* 303

*Fœmina alba ethiopem peperit, &  
ethiops albam.* 467

*Fœmine imaginatio praualeat ma-  
gis, quàm maris in fœtu effor-  
mando.* 473

*Fœmininum animal abscissis te-  
stibus, assimilatur castrato ma-  
sculo.* 377

*Fœmina minus disposita sunt,  
quàm mares ad internas opera-  
tiones.* *ibid.*

*Cur fœminam potius, quàm vi-  
rum, serpens sit aggressus.* *ibid.*

*In fœminis carniū mollities,  
unde nascatur.* 533

*Fœmina non minus dociles, quàm  
viri, rectè si instituuntur.* *ibid.*

*Fœtus*

*Fœtus, qui fiant progenitoribus  
similes.* 467

*In efformatione fœtus, quantum  
praualeat color, & figura oculis  
exposita.* 468

*Qua ratione fœtus variè efforme-  
tur iuxta figuram, & colorem  
oblatum oculis tempore conce-  
ptus.* 470

*Cur fœtus gestet imaginè rei opta-  
ta à matre uterum gestante.* 472

*In fœtu efformando, pars corporis  
matris parti fœtus, ut pluri-  
mum communicat.* 474

*Fortuna*

*Fortuna prospera, & aduersa,  
quomodo ingenia acuant, vel  
deprimant animos.* 452. 453

*Fortuna varia, variat hominum  
ingenia.* *ibid.*

*Furor*

*Furor quid, & quo nodo à reli-  
quis morbis cerebri differat.* 425

*Quibus cubiti arteria vehementer  
mouetur, furentes sunt, & ira-  
cundi.* 379

*Futura*

*Quæ animalia, futura presagire  
videantur.* 166

*N n*

*Pu-*



*Futura à sensu interiori formaliter percipi non posse, sed quomodo.* 167

*Futurum est opinabile per scientiam operativam, Arist. ibid.*

*Intellectus propter futura, concupiscentia verò propter praesens retrahit.* 167

### Gemellus

**G**emelli quidam inter se omnino similes, maximo amore se prosequuntur. 47

### Generatio

*In generatione animalium, aspectus ad Aquilonem, vel Austrum, iuvat ad procreandum marem, vel feminam.* 386

*Quenam pars animalis in ipsius generatione primum efformetur, vel conspiciatur.* 307

### Gracia

*Gracia optima terrarum. Regio habitata ad ingenta procreanda.* 383

*Ecce Graeciam nunquam praclarum ingenium, quod non a grecis superetur, quidam opinantur.* 384

*Gracorum cum alijs ingeniorum comparatio.* ibid.

*Præter Graciam, & alia sunt Regionis illius tam ingeniorum feraces.* 385

*Gracorum gentium mores diversi.* 386

### Habitus

**I**n sensu interiori datur habitus naturales, & quæ sit illorum vis. 400. 402. 427

*Nullus habitus dicitur proprius virtuti, nisi ad sit etiam recta ratio.* 400

*Habitus naturales, quomodo dicantur virtutes ab Arist.* 401

*Poni possunt habitus distincti secundum quos homo fit bene memoratius, & cogitativus.* pag. 401

*Nam propriè habitus sit in brutis, an solum in hominibus.* 405

*Habitus pravius quomodo generetur etiam in potentia sensitiva.* 423

*Quomodo omnes habitus in sensu tam boni, quam pravi dicantur naturales ab Arist.* 426. 427

*Præter habitus naturales, in interiori sensu alij comparantur usu, & experientia.* 438

*Ad propriam rationem habitus requiritur, ut subdantur imperio voluntatis.* 439. & quæ ratione. 443

*Quæ ratio constituat capacitatem habitus in potentia.* 440

*Quomodo Brutis concedi potest habitus acquisitus.* 441

*Per actus solum uniformes, in sensu generantur habitus.* 443

*Similium petulanti ratione concurrens ad productionem habitus.* pag. 444

*Quomodo ingenium, & doctrina faciunt ad productionem habitus in mente addiscentis.* pag. 445. 446

*Per passionem appetitivam parvis generantur habitus in sensu, & quomodo.* 447. 449

*Affidua hominum familiaritate habitus, sive boni, sive mali imprimuntur.* 450

*Multi habitus in appetitu consistunt.*

- sequuntur ad habitus, qui sunt in potentia cognoscitiva.* 456  
*Habitus producantur ex actibus per simplicem resultantiam.* pag. 460  
*Habitus artium ad dirigendos motus, non sunt in ipsa potentia motiva membrorum; sed in sensu interiori, & in intellectu.* 463  
*Habitus non recipitur, nisi in potentia, quæ actiua habet in differentiam.* 464  
*In membris externis non est habitus, sed alia quædam dispositio usu acquisita.* ibid.  

Hebetudo

*Hebetudo quid, & an sit positiva qualitas.* 415  
*Hebetudo est prava quædam dispositio in interiori sensu.* 416  

Homo

*Quidam sunt homines non re, sed nomine tantum.* 254  
*Homini à natura est, cum exercitatione societas.* 396  
*Homines aliquando graciles redduntur, & decolorati ob quietem.* 397  
*Peritorum hominum prænuntiationibus absque demonstratione non minus, quam demonstrationibus attendendum est.* 407  
*Omnibus hominibus, esse aliquid admixtum dementia ex Arist.* 427  
*Homines in statu innocentia somnum cepissent.* 430  
*Natura hominis augetur secundum illam partem, cuius affectus & propensiones, cognitio sequitur.* 448  
*Cur homo inter omnia animalia maxime voluptatum appetitor.* 49  
*Hominum varia temperies iuxta varietatem aeris, & regionis.* pag. 380. 381  
*Plures homines ad sapientiam potuissent pervenire, nisi putassent se pervenisse.* 519  
*Homo secundum tactum, excellentius, quam cetera alia animalia operantur, in alijs autem superatur à pluribus.* 533  

Honestum

*Honestum non percipitur à sensu.* pag. 38  

Idea

**I**dea in mente Diuina, quid sit secundum varios doctores. pag. 113  

Iecur

*A Iecore tanquam à fonte, sanguis omnis dimanat.* 373  
*A Iecore tanquam ab igne, ventriculus fouetur.* ibid.  
*Optimum Iecoris temperamentum est calidum, & humidum.* ibid.  
*Quomodo Iecur dicatur frigidum, & quæ mala pariat.* ibid.  

Imaginatio

*Imaginatio quandoque sortitur nomen intellectus.* 244  
*A quo derivatur nomen imaginationis.* 169  
*Imaginatio idem, quod phantasia.* 170  
*Qui sit actus imaginationis, proprie dictæ.* 171. 174  
*Imaginatio aliud est ab affirmatione, & negatione.* 173  
*Imaginatio differt à representatione*

# INDEX.

- tione rei sicuti est . 175  
 Imaginari & fingere, in nostra  
 est potestate . 175  
 Secundum imaginationem nos ha-  
 bemus circa obiecta, ac si in  
 pictura eadem spectaremus .  
 ibid.  
 Imaginatio fit etiam in dormien-  
 tibus . 173  
 Proprietates imaginationis . 175  
 176.  
 Imaginatio maxime differt in ho-  
 mine, & in brutis . 165  
 Quaecunque sensum habent, etiam  
 imaginationem, Arist. 22.23  
 In homine multi motus sequuntur  
 imaginationem, in Brutis om-  
 nes . 244.454  
 Actus imaginationis, & exti-  
 mationis sunt inter se forma-  
 liter, & essentialiter diversi.  
 pag. 261  
 Imaginatio obiecti nunquam co-  
 gniti, quomodo fiat . 163  
 Imaginatio potest esse vera, vel  
 falsa . 163.174  
 Ea, qua per imaginationem re-  
 presentantur, aliquando electio-  
 ne, aliquando casu, & na-  
 tura impellente consingimus .  
 pag. 164  
 Imaginatio se habet ad modum  
 apprehensionis intellectus, ex-  
 tincta vero ad modum indi-  
 cij . 269  
 Ad meliores, aut deteriores ima-  
 ginationes formandas, & cor-  
 poris, & animi dispositio con-  
 currit . 422  
 Imaginatio, & iudicium sequi-  
 tur passionem appetitus sensiti-  
 ui . 447
- Imaginatio, & intellectio, re-  
 rum habent virtutem ex Arist.  
 pag. 45.455  
 Imaginatio nullam producit qua-  
 litatem . 469  
 In imaginatione vehementi, sem-  
 per intercedit alteratio prima-  
 rum qualitatum in spiritibus  
 animalibus . 471  
 Imaginatio, si bona sit dispositio  
 organi, sequitur in somno prio-  
 rem motum circa precedentia  
 simulacra . 485  
 Individuatio Individuum  
 In rebus corporeis, subiectum  
 est principium individuationis.  
 pag. 279  
 Ab obiectis, potentia specifican-  
 tur, non individuantur . 287  
 In sola numero diversi, datur  
 maior perfectio individualis .  
 pag. 289  
 Gradus perfectionis individualis  
 non est conceptus communicabi-  
 lis, & cur . 292  
 Infans  
 Infantes primis quadraginta die-  
 bus somnia patiuntur, serò ta-  
 men per memoriam imagines  
 recolunt . 267  
 Ingenium  
 Nullum est magnum ingenium  
 sine mistura dementie . 515  
 Vividum ingenium, tenues sup-  
 ponit partes homogeneas cor-  
 poris, vberesque spiritus .  
 pag. 526  
 Optima corporis complexio ad in-  
 genij constitutionem, est calida,  
 & humida . 374  
 Aliquibus ex morbo ingenium  
 acuitur . 334

Ex cordis subtilitate, ingenij  
acumen pendet secundum Plat.  
pag. 372  
Probi ingenij lumen elucet in sa-  
cetij. 517  
Fortuna varia, variat hominum  
ingenia. 453  
Græcorum cum alijs ingeniorum  
comparatio. 384

Insania Insanus

Insanorum prava de quibusdam  
opinionibus. 423. 424  
In uno aliquo potest esse insania,  
in reliquis recta persistente ra-  
tione. 423  
In quo consistat insania. ibidem.  
pag. 424  
Insania ex amore vehementi, quo-  
modo oriatur. ibid.  
Insania saepe sanatur nulla al-  
teratione facta in cerebro, &  
quomodo verbera insanis prossi-  
ciant. 424  
Quarundam virginum insania  
quomodo sanata. ibid.  
Insania quomodo differat à fatui-  
tate, Stultitia, & similibus.  
pag. 425  
Insania, & similes prava dispo-  
sitiones differunt realiter, &  
essentialiter ab hebetudine.  
pag. 426  
Multi ob amorem insani. 447  
Plerique ob iram insaniunt. 448  
Si aqua vis ab igne superetur in  
homine, ad insaniam adijcitur.  
pag. 450

Intellectio

Nulla creata intellectio, primo  
ac directè potest esse sui intelle-  
ctio. 95. 114  
In intellectu consistit imago rei

expressa, quæ dicitur verbum  
mentis. 98. 101  
Intellectionem vocat actionem.  
Arist. 101. explicatur. 107. 130  
Intelligere, & sentire non sunt  
proprie motus, ex Arist. 101  
Scientifica intellectio habet maio-  
rem evidentiam, ac certitudi-  
nem, quam qualibet sensatio.  
pag. 241

Sicut sunt reliquæ intellectio-  
nis in mente, quæ faciunt virtua-  
lem reminisceniam: Ita ante  
intellectionem, est antecepta rei  
informatio. 490

Absque intellectu, & memoria  
nequeunt multa completè ab ho-  
minibus per solum sensum ex-  
teriorem percipi. 493

Quomodo plura possint simul intel-  
ligi. 502

Quisque prout loquitur, ita censet-  
ur intelligere. 542

Nunquam sine phantasmate ani-  
ma intelligit. 476

Intellectus

Intellectus, quamnam imaginem  
sensus interioris speculetur. 95

Intellectus est intelligibilis, sed  
non antequam intelligat. 99. 472

Intellectus specularum phantaf-  
mata, cognoscit etiam, quæ vir-  
tute in illis continentur. 162

Quando intellectus non domina-  
tur, agunt homines sicut bruta  
secundum phantasiam. 176

Explicatur Arist. cum eundem lo-  
cum dignitatis tribuit phanta-  
sia, & intellectui. 243

Discrimen inter intellectum, ac  
sensem in admittenda sui spe-  
cificatione. 262

*Intellectui, & imaginationi memoria, ut plurimum proportionatur.* 364

*Intellectus non fit perspicacior, aut obtusior secundum se; sed secundum famulatum sensus, varius demonstratur.* 408

*Intellectui insita sunt, tam principia speculabilium, quam operabilium.* 412

*Non datur intellectus agens, qui producat species intelligibiles: & hoc de mente Arist. 479. 480* 481.

*Neque intellectus humanus, neque angelicus potest perfecte intelligere plura per modum plurimum.* 500

*Potest tamen intellectus in unum aciem figere, in alia vero saltem obscure intendere.* ibid.

*Non est repugnantia ex parte conceptuum, ne possit intellectus similis plura intelligere.* ibid.

*Intellectus actiuus à speculativo, nonnisi sine differt.* 504

*Intellectus non tam cito acquiescit veritati probabili, quam demonstratiue.* 511

**Iucunditas**

*Non est in obiecto formaliter; sed in sensu.* 518

*Iucunditas ad unum sensum spectans, quo pacto alios sensus afficiat.* 523

*In adolescentulis, etiam vitia nobis iucunda sunt.* 521

**Iudaus**

*A iudeo quodam multa didicit. Arist.* 383

*Iudeorum Philosophia à Theophrasto laudata.* ibid.

**Iudicare Iudicium**

*Iudicatiua cognitio dupliciter fit.* 196

*Quodam iudicium concedatur sensui.* ibid.

*Iudicium in sensu quomodo fiat.* 197

*Iudicium negatiuum, quomodo differat ab affirmatiuo in sensu, & quomodo utrumque comparatur cum intellectiui.* 198

*In ordine ad iudicium, non ad apprehensionem, attenditur perspicacitas.* 409

*Vnde prauè de rebus iudicetur.* pag. 521

*Vesper aptior est mens ad iudicium ferendum, & quare.* pag. 536

**Lac**

**M***axima inest in lacte vis ad temperiem in pueris, moresq. efformandos.* 390

*Lacte porca, vel capra altus puer, similes est imitatus mores.* ibid.

**Lex**

*Lex membrorum est inclinatio sensus.* 88

*Legum multitudo, quam mala.* pag. 452

*Leges antequam litteris consignarentur, per modulationem in memoria firmabantur.* 534

**Litteræ**

*Interiores litteræ, quæ apud Ciceronem.* 5

**Locus**

*Loca à Brutis cognoscuntur.* 61

*Quid in locis, ad corporis temperiem requirendum sit.* 380

*Loca morum diuersitatem efficere.* Arist. 381

In locis ad orientem Spectantibus,  
qui incolunt, ad intelligendum  
sunt paratiores. *ibid.*  
Loca adita, apertaque, salubriora  
sunt. *ibid.*  
In locis calidis homines sapientio-  
res sunt, quàm qui in frigi-  
dis. 382

## Melancholia

**Q**uare & quare melancholia  
ingenio proficit. 335  
Quomodo in Study, & Speculatio-  
nis assiduitate melancholica  
inducatur dispositio. 327  
Melancholiam comitatur ciborum  
indigentia. *ibid.*  
Diversi melancholicorum mores,  
& aptitudines. 420. 530  
In melancholicis ex habitu, imagi-  
nationem lingua sequi non  
potest, unde accidit basitatio.  
pag. 514  
Melancholici frigidam, & sic-  
cam complexionem habent. 530  
Melancholici ad austeritatem, ac  
tristitiam vergunt. *ibid.*  
Melancholico, qui locus ad stu-  
dendum aptior. *ibid.*

## Mas

Mares in quo superant, & supe-  
rentur à feminis. 294  
Mares plusquam femina abun-  
dant cerebro. 303  
Mas plures iuncturas habet in ca-  
pite, quàm femina. 368

## Memoria

Memoria multiplex acceptio. 187  
Memoria vehementi afficiuntur  
homines aliquando, non secus ac  
ab ipsis obiectis. 93  
Memoria vastus sinus describi.

tur ab August.

152 168

Memoria eisdem numero Species  
retinet sensatarum rerum, &  
per eas recolit absentia. 160  
Memoria actualis, quid proprie  
sit. 188

Memoria est facti, presentis est  
sensus, futuri spes. 188

Quomodo memoria sit cognitio  
obiecti, ut prius cogniti. 189

Memoria, & reminiscencia in  
quò differant. 190. 191

Memoria datur in sensu interiori  
saltem omnium perfectiorum  
animalium. 192

Quidam memoriam penitus ami-  
sere superstitie imaginatiua, &  
extimatiua. 264. 267

Memoria inter omnes sensus in-  
ternos, est nobilissima. 266

Memoria pestilentia morbo insi-  
gniter deleta. 267

Plures in anteriori parte cerebri  
perculsi, memoria ceciderunt.  
pag. 286

Aliud est per accidens privari,  
aliud naturaliter carere memo-  
ria. 287

Quidam ob studium vehemens, &  
vigilias, memoriam amisit.  
pag. 337

Imperfecta memoria sapientis vi-  
ri, perfectior est perfectissima  
qualibet hebetis atque ignari.  
pag. 364

Qui memoriam exercent, facilius  
memoria mandant, quàm qui  
illa raro utuntur. 494

Ad retentionem memoria per se  
facit Specierum profunda im-  
pressio. 503

Facilius verba, quàm res memo-



# I N D E X.

- ria dilabuntur, & qua ratio-  
 ne. 509  
 Qua ordinationem, & connexio-  
 nem non habent, difficiliter me-  
 ria tenentur. ibid.  
 Numeri cur difficiliter teneantur  
 memoria. 510  
 Memoria cunctatio, duplici ex  
 causa procedit. 524  
 Modulatione memoria iuuatur.  
 pag. 534  
 Mane promptior est memoria.  
 pag. 535  
 Mola  
 Mola quid sit, & quotuplex.  
 pag. 21  
 Mola in utero formata, sensu in-  
 teriore omnino non caret. 21  
 Morbus  
 Morbi, nisi periculossissimi sint,  
 pharmasis non sunt irritandi.  
 pag. 334  
 In morbo comitiali, & in Apople-  
 xia, quomodo priuatio sensus, &  
 motus accidat. 78  
 In huiusmodi morbis fieri possunt  
 aliqua sensationes interna, im-  
 perfecta tamen. 80  
 Quomodo ab his morbis, obliuio  
 causetur. 81  
 In multis morbis, omni prorsus in-  
 tera sensatione priuatur ani-  
 mal. 219  
 In morbis quandoq; unus actus im-  
 peditur sine altero. 20. 264. 267  
 In Paralyfia sepe uno ventriculo  
 cerebri vitiat, nulla operatio  
 vitatur. 275  
 Apoplexia morbus, in quo consi-  
 stat. 305  
 Etiam ex animi affectibus, corpo-  
 ra morbo afficiuntur. 398
- Morbis quidam insaniunt, qui-  
 dam iuuantur in cerebro. 394  
 Ex immoderata exercitatione, vel  
 defectu ipsius, qui morbi na-  
 scantur. 397  
 Varij morbi ex ventriculi refri-  
 geratione. 376  
 Mores  
 Morum diuersitas varijs ex cau-  
 sis. 389  
 Mores maxime in pueris, alimen-  
 torum sequuntur naturam.  
 pag. 390  
 Circa mores proprie est stultitia,  
 & imprudentia. 425  
 Familiaritas amicorum valet ad  
 mores informandos. 450  
 Ad deprauandos mores, valent  
 communia ciuitatis exempla, &  
 sermones noxij. 451  
 Mores hominum diuersi pro di-  
 uersitate status, & fortuna.  
 pag. 453  
 In moralibus ex re, & tempore  
 capiendum est consilium. 511  
 Sanguinis temperies facit ad mo-  
 res. 373  
 Mores variantur per regionum  
 varietates. 380. 381  
 Mores eorum, qui temperatas,  
 vel non temperatas regiones in-  
 colunt. 382  
 Mores sanguinei, ac malencho-  
 lici. 530. 531  
 Motus  
 Ab eadem parte animalis est prin-  
 cipium sensus, & motus. 12  
 Motus est sensu perceptibilis.  
 pag. 60  
 Motus tam anima, quam corpo-  
 ris, bonus est. 396. 398  
 Ad motum unius potentia, motus  
 est



tur alia, & qua ratione. 461  
 Omnis motus voluntarius indiget  
 directione sensus. 463  
 Motus voluntarius à naturali,  
 quomodo distinguatur. ibid.  
 Motus per somnia, non extiman-  
 tur voluntarij. 547  
 Motus animalis, & mouendi vir-  
 tus, non semper impeditur per  
 somnum. 538  
 Mouendi virtus, imaginatione, &  
 extimatione regitur. 539

Natura

**N**atura interrogata respon-  
 det. 3  
 Quid sit perfecta natura habili-  
 tas, & aptitudo. 400  
 Instinctus natura in Brutis, est  
 loco inquisitionis. 8

Nervus

Medulla nervorum est simillima  
 medulle cerebri à qua ortum  
 ducit. 74, 77  
 Sexaginta nervi ex cerebro pro-  
 deantes, in quas partes desi-  
 nant. 77  
 Nervus sensorij, molliores sunt alijs,  
 qui partes mouent. 77  
 Nervus, qui ad faciem dimittun-  
 tur, & qui ad alias partes de-  
 ferunt, unde ortum habeant.  
 pag. 275  
 Ex quolibet ventriculo, duplex  
 nervus ad unumquodque sen-  
 sorium demittitur. ibid.  
 Nervos ex cerebro oriri proba-  
 tur. 304.  
 Aristoteles non posuit principium  
 nervorum in corde. 308  
 Nervus quomodo oriantur à cere-  
 bro. 313

Nervus triplici constat substan-  
 tia, & qua illarum munia. 314  
 Nervus semper retinet spiritus  
 aliquas etiam in somno. 431  
 Tota communicatio inter exter-  
 num, & internum sensum fit  
 per nervos, & spiritus anima-  
 les. 74  
 Species quomodo intus deferantur  
 per nervos. 75

Numerus

Numerare soli homini competit.  
 pag. 54  
 Numerus dupliciter cognoscitur.  
 pag. 54  
 Inter sensibilia communia, nume-  
 rus ponitur. ibid.  
 Numerus transcendentalis non  
 est sensu perceptibilis. ibid.

Nutrix

Nutricis mores, pueri facile se-  
 quantur. 390  
 Nutrix stolidi, ne lactet probibi-  
 tum est. ibid.  
 Nutricis alimentum non minus  
 attendendum, quam pueri. ibid.  
 Vina pueris non conferre, neque  
 nutricibus ex Arist. ibid.  
 Nutrices quibus moribus esse de-  
 boant. ibid.

Obiectum

**Q**ua obiecta dicantur intrin-  
 seca, & qua extrinseca. 67  
 Obiecta quomodo fiant sensu per-  
 ceptibilia. 64  
 Obiectum licet distet à sensu, ali-  
 quid in eo operatur. 65  
 Nec obiectum extrinsecum sine  
 sensatione externa, neque hæc  
 sine illo representatur interius.  
 pag. 92

Obiecti

# I N D E X.

Obiecti circumstantia quadam, sensationes internas specie diuersas constituunt. 146

Obiecta non existentia, per quam speciem represententur. 153

Quae obiecta adaequate specificant potentiam. 246. 257. 261. 264

Obiectum reale ab apparenti, materialiter saltem a sensu discernitur. 178

Oculus

Ex maiori, vel minori angulo ab obiecto in oculum, res apparet maior, vel minor. 66

Ex suffusione in oculo, quod aspicitur, fenestratum apparet. 184

Oculus nunquam decipitur, sed opinio interior circa obiecta. pag. 184

Oculi lucidi, hominem ingeniosum testantur. 379

Oculorum claritas unde proveniat. ibid.

Oculus non est ita aptus, ut sensus interior ad pulchritudinem percipiendam. 520

Humanus oculus, in quo excellat oculos brutorum. ibid.

Oculorum excellentia praeter alios sensus. 523. 524

Quam multa per oculos cognoscamus. ibid.

Oculo magis, quam alijs sensibus distrabimur. 528

Olfactus

Homo olfactum habet bebetissimum inter omnia animantia. pag. 533

Operatio

Operationes perfectiores aliquando procedunt ex maiori perfectione individuali forma ope-

rantis. 289

Operationis sensitiua perfectio, in quoniam consistat. 350

Operatio cui minus intenditur, remissior procedit. 501

Operationes facultatis irascibilis pendentes ex calore cordis: concupiscibilis vero ex calore iecoris, & testium. 378

Operationes sensus. Vide sensatio, & sensus interior, & exterior.

Omnes operationes sensus interni, in unico organo exercentur. pag. 274. 275

## Passiones

**P**assiones sunt omnium virtutum, ac vitiorum quadam communis materia. 57

Quomodo res corporea possit esse passio rei spiritualis. 224

Passiones voluntatis, vel sensus, frequentius circa agibilia, quam circa speculabilia mentem peruertunt. 506

A passionibus varijs, variè decepti homines. 544

In passione timoris, amoris, vel odij, pallor in vultu, & frigus per extimos artus serpit, & quare. 546

Passiones nonnunquam causant excessum à sensibus externis. pag. 543

Passio amoris. vide amor.

## Penna

Penna auium cum pennis Aquila asseruata putrescant, illis incorruptis. 48

## Pes

Quibus planta pedis planiusculosa

# INDEX.

laest, & versuti sunt, & fraudulenti. 378

## Phantasia

Quid propriè significet Phantasia, eiusq. vocis derivatio. 169. 170

Phantasia esse velut picturam, quandam dicebat Plato. 175

Animalia Phantasij, ac memorijs viuunt, Arist. 13

Cum Phantasia, quomodo Aristoteles aliquando intellectum confundat. 243

## Phantasma

Quid per Phantasmata intelligat Arist. 102

Phantasma est ipsa sensatio interna. 482

Non quidquid intellectus percipit in Phantasmate, representatur ab illo formaliter. 241

In Phantasmatibus multa corrigit intellectus. 242

Phantasmata effectiue, & instrumentaliter concurrant ad species intelligibiles producendas. pag. 476. 477

Quo pacto eleuentur à substantia animæ. 482

Nunquam sine Phantasmate anima intelligit. 476

Phantasmatum naturalis ordinatio plus iuuat ad intelligendum, quam inquisitio mentis. 488

Paruos motus Phantasmatum magis sentiunt dormientes, quam vigilantes. ibid.

## Phrenesis

Phrenesis, quæ propriè, & quomodo differat ab insaniam. 425

Phreneticus, læsa ratiocinatio, rectam videbatur habere memoriam, & imaginationem. 355

Phrenetici sola organi indispositione laborant. 426

## Piscis

Pisces quosdam audire, & olfacere. 20

Piscis piscium piscator. 206

## Potentia

Potentia specificantur per actus, & obiecta. 26. 97

Omnis potentia receptiua, debet habere correspondentem effectiuam, & hæc est illa nobilior. pag. 126

Omnis potentia vitalis habet concursum animæ, & illum determinat. 131

Omnes potentie, & facultates animæ, ab illa realiter differunt. 216

In potentijs, unde sumatur maior perfectio. 237

Potentia à quo obiecto adequatè specificetur. 246

Potentia ab obiectis non indiuiduatur, sed specificatur. 287

Naturalis potentialium subordinatio facit, ut ad motum unius alia moueatur. 461

## Potentia cognoscitiua

Inter potentiam cognoscitiuam, & obiectum, requiritur proportio actiui ad passiuum. 49

Potentia cognoscitiua est quid indeterminate ad operationes. 66

Cuncta animalia habent potentiam iudicatiuam, Arist. 197

Omnis potentia cognoscitiua est propter actus. 230

Quæ tendentia in obiecta variet potentiam, vide tendentia.

## Potentia motiua

Potentia motiua quomodo à sensu in.

# I N D E X.

interiori dirigatur .	464	Non omnes sapientes, prudentes simul sunt.	ibid.
Potentia motiua quomodo secundum voluntatem dirigatur.	465	Anaturali prudentia, parum differt solertia.	412
Præsentia		Prudentia, quomodo differat ab industria, astutia, & calliditate.	pag. 413
Præsentia localis de prædicamento ubi, est sensu imperceptibilis.	61	Prudentia naturalis est oculus anime.	413. 414
Præsentia obiecti dupliciter sumitur, & quomodo.	152	Prudentia mediat inter stultitiam, & versutiam.	422
Sensum interiorem verè, ac propriè attingere in obiectis præsentiam, quam attingunt sensus exteriores.	ibid.	Prudentia omnis est sanitas animi, sicut insipientia insanitas.	426
Præsentia obiecti, ut percipiatur quoad exercitum, in quolibet instanti debet percipi species illius.	155	Habitus virtutum moralium, consequuntur habitum prudentia.	456
Præsentia realis, & imaginaria obiecti, quo diuerso modo exprimitur a sensu interno.	156. 157	Ad prudentiam opus est etiam singula distinguere.	505
Quæ præsentia obiecti faciat intuitiuam cognitionem.	156	Sanguis maximè confert ad prudentiam, Hippocr.	373
Pronunciatio		Ex tactu exquisito, prudentia infertur in homine.	533
In pronuntiatione quot, & quæ attendantur.	534	Stimul prudens, & incontinens esse non potest.	413. 414
In pronuntiatione si minus firmiter, quæ proferenda sunt, teneantur, in cantilenam inciditur.	ibid.	Iuuenes licet sapientes, non verò prudentes sunt.	506
Vnisona pronuntiatio, unde pronueniat.	ibid.	Pueri	
Prudentia		Cur pueri melius, quàm senes apprehendant.	352
Prudentia definitio ab Arist.	410	Pueri facilius afficiuntur alimentorum qualitatibus.	389
Prudentia etiam latiori modo sumitur, ut sensui concedatur.	ibid.	Pueri, senes, & dormientes dicendi non sunt fatui, stulti, vel insani.	426
In quo vera prudentia consistat ex Arist.	411	Pueri in statu innocentia non habuissent perfectum usum rationis, sicut postea adulti.	436
In quo subiecto propriè constituitur prudentia.	200	Pueri cur faciliè memoria commendare præualeant.	495
Prudentia naturalis est habitus a sagacitate distinctus.	411	Pueri minimè omnium ieiunium ferunt.	527
		Pueri	

# INDEX.

Pueri pulchritudinem non as-  
mant, sicut viri. 320

Pulchritudo

Pulchritudo propriè à sensu in-  
terno cognoscitur. 319

De pulchritudine an bellus exi-  
ment. 320

Pulchritudo non tam oculo ada-  
quatur, quàm phantasia. ibid.

Pulchritudo ultimò discernitur  
per intellectum. ibid.

De pulchritudine iudicium à plu-  
ribus potest depravari. 321

De pulchritudine iudicanda, præ-  
clare dictum Arist. ibid.

Pulchritudo, & venustas, quomo-  
do conveniant, & differant. ibid.

Pulchritudine homines quavis epi-  
stola magis commendari. Arist. 322

Pulchritudo sensus omnes delectat,  
& quomodo. 322, 323

Nihil ita animum afficit, ut pul-  
chritudo. ibid.

Pulchrum non omnibus idem, &  
cur. 319, 320

Quando

Quando, quomodo sensu per-  
cipiatur. 62

Quantitas

Quantitas explicatur per exigen-  
tiam actualis, ac localis exten-  
sionis. 51

Quantitas propriè discernitur à  
sensu interiori. ibid.

Quantitas saltem imperfectè, ab  
omni sensu exteriori percipi-  
tur. ibid.

Quies

Quies quomodo sit sensu percepti-  
bilis. 60

-226

Quies ponitur inter sensibilia  
communia. 61

Quies corpori animoq. plurimum  
obest, Plat. 396, 397

Quietem naturis calidis, quomodo  
Hippocrates iniunxit. 398

Raptus

Raptus quid sit, & quid ad-  
dat supra cessatim. 395

In raptu, multa sanctis reuelan-  
tur. ibid.

Raptus Pauli, & Ezechielis, non  
fuit corporeus sed spiritus. ibid.

Regiones

Ex Regionum varietate qualiter  
varientur mores. 380, 381

Ubi regio pinguis, aer crassus, ho-  
mines vitiosi. 380

Temperatas Regiones, prudentissi-  
ma ingenia procreare. 382

Regiones, illustrium ingeniorum  
feraces. 384, 385

Reminiscencia

Reminiscencia quid propriè, & in  
quo à memoria differat. 190, 191

Reminiscencia an detur in sensu.  
page. 392

Præter formalem reminiscenciam,  
datur etiam quedam virtua-  
lis. 499

Representatio

Representatio obiecti, in quo for-  
maliter consistat. 115

Quomodo verificetur representatio  
per speciem alienam. 164

Cur viciatius represententur obie-  
cta, quorum imagines recenter  
hauimus, quàm quæ post ali-  
quod tempus memoria offerun-  
tur. 82

Ro.

Romani  
Romanorum cum Gracis compa-  
ratio, & ingeniorum emula-  
tio. 384  
Ruditas  
Ruditas quid sit, & an dicat po-  
sitivam dispositionem. 418

Sagacitas  
Sagacitas unde dicta, & an  
etiam sensui competat. 408

Sales  
Sales in dietis, quid sint, & in  
quo illorum acumen consistat.  
pag. 536

Aut in re, aut in verbo salis ve-  
nustas. ibid.

Quid in sale delectet. 537

Qui sales magis placeant. ibid.

Sales aliquot perpulchri. ibid.

Sanguis

Duplex sanguinis evaporatio, &  
ad quid conducatur. 370

Sanguinis variae temperies, variat  
et mores, & sensum. 373

Sanguis ultimum alimentum est.  
ibid.

Sanguis ad prudentiam confert.  
ibid.

Quorum sanguis non spissatur  
propter frigiditatem, sapientio-  
ra sunt animalia. 374

Sanguinis temperamentum. ibid.

Qui sanguis magis faciat ad ro-  
borem, & qui ad sentiendum, &  
intelligendum. ibid.

Sanguinis natura ad latitiam,  
& voluptatem inclinatur, & aur.  
pag. 530

Illud Galeni, a sanguine proveni-  
re soliditatem, quomodo intel-  
ligatur. 375

Sanguis Aegitibi non miscetur cum  
sanguine flori. 47

Sanguineus  
Sanguineus facile distrabitur a  
sensibus. 530

Sanguineus est spirituum mobili-  
tate inconstans. ibid.

Sanguinei ad societates, & vite  
tranquillitatem, valde sunt pro-  
pensi. ibid.

Sanguineus, laborum ac specula-  
tionum impatiens. ibid.

Sapientia  
Sapientiam cerebro exhiberi ab  
acre, Hipp. 380

Sapientiores sunt, qui in locis ca-  
lidis degunt, quam qui in fri-  
gidis. 382

Sapientiores sunt, qui sedes frigi-  
das habent. 383

Sapientia non invenitur in terra  
suauster viventium. Job. 452

Scientia

Quae scientia dicatur calliditas,  
quae vero sapientia a Plat. 413

Scientiae apud quas gentes primo  
constituta sint. 385

Omnis scientia peculiari quodam  
ordine, tanquam propria forma

constituitur. 542

Socrates se nihil scire arbitraba-  
tur. 519

Semen

Virtus formativa seminis residet  
in spiritibus animalibus. 471

In semine tale temperamentum

spiritus adipiscuntur, qualis per  
imaginationem representatur.  
pag. 472

Seminis natura similis cerebro ex  
Arist. 470



Sensatio

Sensatio quid sit . 128. 131  
 Sensatio externa ubi fiat, & quo  
 modo ad cerebrum transfunda-  
 tur . 76  
 Sensatio externa per quam spe-  
 ctem à sensu interno percipitur . 85  
 Sensatio externa, quomodo cogno-  
 scatur à sensu interno . 84. 92  
 Sensatio consistat ne in imagine  
 expressa, an in eius productio-  
 ne . 100. 101  
 Sentire, & intelligere non sunt  
 propriè motus ex Arist. . 101  
 In quo propriè consistat ratio ima-  
 ginis, quæ de interna sensatio-  
 ne dicitur . 117  
 Sentire non est tantum pati . 125  
 Sensatio per suam entitatem pen-  
 det à facultate vitali, nulla in-  
 termedia actione distincta . 137  
 Sensatio interna quod duplex sit .  
 pag. 145  
 Variatur à quibusdam circum-  
 stantijs obiecti . 146. 147  
 Sensatio obiecti extrinseci inuo-  
 luit cognitionem sensationis ex-  
 terne . 147  
 Sensationes interne variantur per  
 modos diversos attingendi obie-  
 cta . 148  
 Datur quædam simplex sensatio,  
 qua multa simul quasi leniter  
 attingantur . 194  
 Sensatio sensus externi pendet ex  
 apta cerebri dispositione, & spi-  
 rituum subministratone . 492  
 Plura posse simul sentiri, concedit  
 Arist. . 502  
 Animalia, quæ in sensationi-  
 bus externis excellunt . 533

Depravatæ sensationes sensus in-  
 terni in Stultitia, ex habitu pro-  
 ueniunt, & ex praua disposi-  
 tione . 423

Sensus

Sensus, quæ non cognoscat, quæ  
 uero percipiat . 49. 53. 56. 57  
 Sensus agit, & patitur, ut senti-  
 re dicatur . 124  
 Sensus, communionem quandam  
 animæ cum corpore, dixere An-  
 tiqui . 132  
 Sensui conueniunt etiam iudicare  
 pag. 197  
 Impossibile est sensum semper sen-  
 tire . 432  
 Sensus non omnes, omnibus ani-  
 mantibus insunt . 17  
 Sensus, quomodo percipit unita-  
 tem . 30. 31  
 Vnò sensu iucundato, quo pacto,  
 & alijs afficiantur . 323  
 Sensus exterior  
 Sensus externus à Principe parte  
 animæ enatus, instar Polyppi ace-  
 tabulorum per corpus extendi  
 dixere Stoici . 6  
 Ad operationem sensuum exter-  
 norum requiritur concursus sen-  
 sus interioris . 122  
 Sensus exterior saltem imperfectè  
 percipit inattenditè . 91  
 Percipit presentiam cum distan-  
 tia, vel propinquitate obiecti  
 materiali modo . 153  
 Sensus exterior quomodo propriè  
 non decipiat . 184  
 Sensus exterior non bene sentit, si  
 langueat sensus interior . 492  
 Per sensum exteriorem plura obie-  
 cta homo non omnino percipit  
 sine ratiocinatione . 493



# I N D E X.

*Sensus interior*  
*Sensus interioris multiplex acceptio.* 4  
*Sensus interior speculo assimilatur, & libro, ex quo scientia, & artes d'promuntur.* 2  
*Per sensum interiorem, quæ propriè discernantur.* 51. 52. 53. 54. 57.  
*Sensus interior nonnisi media specie impressa, percipit obiecta extrinseca.* 63  
*Non per eandem speciem oculis, & sensu interior, rem percipit.* pag. 71  
*Sensus interior hominis eleuatur ad supernaturaliter operandum per habitus infusos.* 127  
*Sensus interior, obiecta sensuum externorum simul cum ipsis percipit.* 150  
*In obiectis attingit presentiam, quam attingunt sensus externi.* 152. & cognitione intelluctua. 153  
*Presentiam obiecti extrinseci non potest percipere sine cooperatione sensus externi.* 155  
*Obiecta intrinseca, quomodo percipiat.* 156  
*Quomodo per speciem cuius obiecti, aliud nunquam cognitum, imaginetur.* 162  
*Quomodo possit percipere futura.* pag. 167  
*Quot modis possit versari circa existentiam rei.* 178  
*Iudicium in ipso, quomodo fiat.* pag. 197  
*Discurrere quomodo possit.* 199. 200  
*Sensus interior non percipit rationes communes, & vniuersales.* 27

*Sensus interior non format ali- quid simile enti rationis.* 28  
*Per sensum internum, fundamen- taliter solum dignoscitur ens rationis chimericum.* 29  
*Facultas sensus interioris differt realiter ab animi.* 216  
*Est propria passio anima.* 221  
*Est potentia de predicamento qua- litatis.* 222  
*Est facta uetus corporea.* 221. 223  
*Non recipitur in anima, sed in corpore.* 224  
*Est potentia vitalis.* 225. & co- gnoscitua. 226  
*Eius definitio latè explicatur.* 233  
*Totam vitam animalis admini- strat, & regit.* 240  
*Per quæ diuersificatur specie.* 255. 259. 26. 264.  
*Non multiplex, sed unicus so- lum datur.* 273  
*Omnes eius operationes in unico organo exercentur.* 274. 275  
*Sensus interiores, quomodo perse- ctione discrepent.* 288. 289  
*Sensu interior, nec etate, nec ægritudine permutatur.* 294  
*In cerebro, ut in sede locatur.* pag. 301  
*Quid senserit Arist. de locatione sensus interioris.* 302. 307  
*Nonnisi in cerebri medulla loca- tur.* 317  
*In ipso sunt habitus quidam na- turales.* 400  
*Eius perspicacia in quo consistat.* pag. 409  
*Præter habitus naturales, compa- rat sibi animi.* 418  
*Potest simul pluribus imaginibus expressis informari.* 500  
*Sensus*

# INDEX.

*Sensus interioris multiplex necessitas.* 10  
*Quæ à sensu interiori non possint attingi.* 31.36.38  
*Septentrio*  
*Populi ad septentrionem positi feris sunt moribus.* 381  
*Significatio*  
*Significationem formaliter solus intellectus potest attingere.* 36  
*pag.*  
*Bruta quomodo significandi differentias possunt dignoscere.* 183  
*pag.*  
*Situs*  
*Varij situs locorum quoad mundi plagas considerantur, & comparantur.* 381.382  
*Sol*  
*Diuersum solis aspectum mores varij, variaq. dispositio cerebri sequuntur.* 381  
*Solis radios diuersimodè excipiendo, diuersimodè aer, & loca afficiuntur.* 386  
*Solertia*  
*Solertia quid, & quomodo à prudentia differat.* 412  
*Somnium*  
*Quid propriè sit somnium, & in quo consistat.* 539  
*Quando non potest interuenire.* 219  
*pag.*  
*In somnijs, præter somnium, aliquid aliud intelligimus.* 242  
*Virtuosi meliora somnia vident.* 421  
*pag.*  
*Qui disconuenientia in somnijs videant.* 488  
*Somnambuli nec vigilant, nec somniant.* 539  
*Quomodo per somnium obiecta*

*percipiantur.* *ibid.*  
*Per somnium visa, aliquando vera, aliquando falsa.* 544  
*Afflatu diuino multa per somnium reuelantur.* 545  
*Somniorum imperfectio in quo consistat.* 546.547  
*Somnus*  
*Somnus quid sit.* 439  
*Quomodo fiat.* 304  
*Varia in somno actiones vigilantibus similes.* 58.538  
*In somno fieri aliquam sensationem externam.* 79.80.538.539  
*Varia somnum inducentia.* 430  
*In somno sensus externi ligantur, non interni.* *ibid.*  
*Non quæcumque sensuum ligatio est somnus, sed quæ à natura.* 431  
*Quomodo fiat in somno ligatio spirituum.* 431.432  
*Somnus, & vigilia cunctis animantibus competit.* 432  
*Non sunt tamen propria passionis sensus interioris.* 433  
*Somnus non est ligatio sensus communis, sed sensorij secundum Arist.* 434  
*Intellectus, & imaginatio persistit in somno in suo motu.* 485  
*pag.*  
*Quomodo in somno discere valeamus.* 486  
*In quarundam rerum inuestigatione, quandoque plus confert somnus, quàm vigilans attentio.* 487  
*Somnus profundior quid efficiat in animali.* 539  
*Cur in somno corpus prostratum quiescat.* 546

# I N D E X.

- In somnis homo eluditur, precipue ignoratione circumstantiarum.*  
 pag. 547
- Species impressa*  
*Quomodo vocentur ab Arist. 65*  
*à Plat. 68. Item ab Arist. & ab*  
*August. ibid.*  
*Quomodo plures plurium rerum*  
*sine confusione afferuntur. 69*  
*Non omnes species in fieri depen-*  
*dent ab obiecto. 71. 72*  
*Species ab una parte cerebri in*  
*aliam possunt transfundi. 71*  
*Alia sunt, quae ab obiecto extrinse-*  
*co emittuntur ad sensus exter-*  
*nos, & alia, quae per sensatio-*  
*nes interioris refunduntur. 73*  
*Dantur etiam species impressae*  
*actuum appetitus sensitivi ad*  
*hoc, ut illi ab interiori sensu*  
*dignoscantur. 93. 94*  
*Quodlibet nonnisi per propriam*  
*speciem à sensu interno potest*  
*dignosci. 94*  
*Species obiecti aliquando recipi-*  
*tur in sensu, & illud non sen-*  
*titur. 134*  
*Eadem numero specie à sensu in-*  
*terno cognoscitur obiectum pra-*  
*sens, & deinde absens. 160*  
*Nulla res à sensu percipi potest*  
*per speciem alienam. 161*  
*Species hausta ab externis, con-*  
*servantur in eodem subiecto, in*  
*quo est sensus internus. 277*  
*Ad representandam sensationem*  
*externam requiritur modifica-*  
*tio aliqua distincta à specie*  
*obiecti. 89*  
*Species impressa non determinat*  
*modum sentiendi, sed ob-*  
*iectum. 440*
- Species coloris in affirmando fortè*  
*dicuntur colore factivae. 472*  
*Species intelligibiles effectivè pro-*  
*ducuntur à phantasmatibus.*  
*pag. 476*  
*Species carent mole, & contra-*  
*rietate. 494*  
*Vt species ordinata suggerantur*  
*interius, magna requiritur spi-*  
*rituum sedatio. 497*  
*Per nullam speciem corpoream,*  
*potest representari ens rationis.*  
*pag. 29*  
*Non omnes species, & imagines*  
*per cerebrum uniuersum neces-*  
*sario diffunduntur. 523*  
*Species expressa*  
*Sensationem internam formaliter*  
*constituit in ipsa qualitate, qua*  
*dicitur species expressa, & ima-*  
*go obiecti. 101*  
*Est adeo mobilis, ut statim genita*  
*evanescat. 100*  
*Species expressa non representat*  
*obiectum, ut imago praecogni-*  
*ta. 111*  
*Species expressa est ipsa formalis*  
*representatio obiecti. 115*  
*Quomodo dicatur similitudo obie-*  
*cti. 117. 118. 120*  
*Ipsa species expressa, non autem*  
*aliqua actio, est attingentia*  
*obiecti. 129*  
*Speculatio. 131*  
*Nimia, & intenta speculatio, cor-*  
*poris viribus offert. 398*  
*Quo pacto subtilis speculatio me-*  
*lius quandoque procedat in*  
*somnis. 488*  
*In omni speculatione residet in*  
*animo prius antecepta, & ob-*  
*scura rei informatio. 490*  
*Spe-*

# INDEX.

*Speculationibus dediti, sine ver-  
sutiis cum hominibus degunt.*  
pag. 307

*Speculationibus dediti, plerumque  
debiliores sunt in retentione.*

*Specierum sensibilem, & om-  
nia ad unitatem quandam re-  
ferre conantur.* ibid.

*Qui speculationi insistant, non  
multum sensuum oblectationi-  
bus distrabuntur.* 312

*Speculationi nimium incumben-  
tes, tanquam stolidi in reli-  
quis habentur.* 316

*Per speculationem assiduam, quae  
mala dispositio corporis induca-  
tur.* 327

*Qui locus speculationi aptior pro  
melancholico, & pro sangui-  
neo.* 331

## Spiritualia

*Spiritualia ad instar corporum,  
tanquam in figura prius cogni-  
ta, a nobis cognoscuntur.* 118

*Nullum accidens spirituale reci-  
pi potest in subiecto corporeo.*  
pag. 49. 223

## Spiritus

*Spiritum vitalem, spiritum con-  
natum vocat Arist.* 307

*Spiritus animalis ex qua materia  
fiat.* 320. 370. 380

*Ex substantia, & qualitate spi-  
ritus animalis servatur vita  
cerebri.* 369

*Spiritus animales sunt prima-  
rium instrumentum ad trans-  
mittendum in partes corporis  
sensum, & motum.* ibid.

*Qua sit apta dispositio spiritus  
animalis.* 370

*Spiritus vitalis materia unde*

*sumatur.*

ibid.

*Spiritus pariores, vel crassiores  
iuxta ciborum qualitates.* 391

*Spiritus animales in somno ligantur.* 431

*Spiritus à quo emittantur, ac rur-  
sus reuocantur.* 433

*Spiritus animales alterantur in  
imaginatione vehementi, pra-  
sertim in homine.* 471. 472. 473

*Spiritus animales in semine sunt  
subiectum virtutis formatricis.*  
pag. 471

*Qui spiritibus abundant, & ap-  
prehendant intentius, & diu-  
tius retinent.* 82

*Spiritus quod subtiliores, ac pu-  
riores sunt, eo facilius per calo-  
rem ac motum deperduntur.* 327

## Stomachus

*Stomachus sensum exquisitissimum  
præter ceteras partes corporis  
obtinet.* 376

*Ex stomachi vitio varij morbi, &  
cerebri infestationes.* ibid.

*Vide Venterculus.*

## Strutio

*Strutio avis fatua ex defectu ce-  
rebri.* 329

## Subiectum

*Subiectum in rebus corporeis con-  
stituitur principium indivi-  
duationis.* 274

*Sensus interior perfectiorum ani-  
malium in cerebro, ut in su-  
biecto locatur.* 301. & in qua-  
parte cerebri. 317

## Substantia

*Substantia non est sensu cogno-  
scibilis, & quare.* 30

*Qua substantia non est immediate  
operatiua, & quomodo.* 482

Synderesis  
Synderesis quid sit, & in quo consistat. 412

Tactus  
Apta dispositio instrumentorum tactus, optimam temperiem indicat cerebri. 531

Quae ad exquisitum tactum deseruiant. 532

Tactus ad est perceptibilior, quod eius organo magis reductum fuerit ad aequalitatem completionis. ibid.

Cutis interior manus, tactu pollet exquisitissimo. ibid.

Sensorium tactus praecipue in nervis constituitur. ibid.

Ad excellentiam tactus correspondet intelligentia perfectior. 533

Telescopium  
Telescopij usus, quam utilis. 66

Qua sit eius aptitudo instrumentalis ad percipiendum. ibid.

Temperies  
Temperies optima, non corpori solum, sed intelligentia etiam prodest. 382

Corporis temperies magna ex parte dependet ab aspectu, & situ locorum. 386

Temperatas regiones habitantes, & corpore, & animi moribus praecellunt. 382

Tempus  
Tempus est explicatu difficile. pag. 52

Est numerus motus secundum prius, & posterius. ibid.

Est extensio partium motus ad non coexistendum simul. 53

A sensu interiori percipitur. ibid.

Temporis solum praesens sensu percipitur, spe futurum, memoria praeteritum. 73

Tendentia  
Quae tendentia in obiecta diuersa, variet specie potentiam. 255  
259. 261. 264.

Terra  
Vbi terra est pinguis, aer est crassior. 380

Vbi terra sterilis, & aspera, aer est subtilior, ac siccior. 381

Testes  
Testes maximam vim habent ad totum corpus, tum & cerebrum immutandum. 376

Testes quantum ad usum, ad cor accedunt. ibid.

Testes sunt altera caloris naturalis origo. ibid.

Corruptis testibus, stata forma commutatur. 377

Abscissis testibus, acumen ingenij deperditur. ibid.

In testibus locatur magna pars facultatis naturalis. 378

Testes calorem transfundunt ad cerebrum. ibid.

Quantus calor, & siccitas sit in testibus. ibid.

Timor  
Timore, sensus turbantur, ne suum munus subeant. 496  
Opposito modo, timor & amor sensum interiorem perturbat. 497

Tiresias  
Tiresias caecus Philosophiae, fidebus, & Geometricis descriptionibus simul operam dabat. pag. 529

## Vbi

**V**bi prout forma constituitur  
in spatio loci, est sensu im-  
perceptibile. 61

## Vena

Quidam à vena hausto sanguine,  
primò memoria laesus est, secun-  
dò verò restitutus. 395

Per venas Hepar, & testes ca-  
lorem transfundunt in cere-  
brum. 378

## Ventriculus

Male affecto ventriculo, per con-  
sensum patitur cerebrum. 392

Ventriculus hominibus ingenium  
dare, visus est antiquis. 376

Ventriculus pinguis cerebro obest.  
ibid.

Debet esse calidus. ibid.

Membrana illi incumbentes, quæ  
sunt, ibid.

Ipsò refrigerato, animi deliquia,  
quomodo sequantur. ibid.

Ipsò refrigerato, etiam cor, & ce-  
rebrum refrigerantur. ibid.

Varia quibus ventriculus refri-  
geratur. ibid.

À Iecore tanquam ab igne foue-  
tur. 373

## Verbum

In quo consistat verborum signi-  
ficatio. 105

Verbum non est aliquid à prola-  
tione distinctum. ibid.

Verba sunt notæ passionum, quæ  
sunt in anima. 342

## Verbum mentis

Est imago rei expressa per intel-  
lectionem. 98

Est initium omnis operis. 100

Non distinguitur ab intellectu-  
ne. 106

## Vide Intellectio

## Veritas

Veritas rei inquisita, quandoque,  
nec apparet, nec minino fugit.  
pag. 489

Difficilius in moralibus, quàm  
in naturalibus innotescit. 511

Veritas transcendens, in quo  
consistat. 31

Verum nullo pacto attingitur à  
sensu. ibid.

## Vigilia

Vigilia quid sit. 433

Principium vigilandi non di-  
uersum à principio sentiri;  
ibid.

Somnambuli propriè non dice-  
tur vigilare, nec penitus do-  
mire. 53

Cur non ita passim in vigilia de-  
cipiatur animal, sicut in som-  
no. 543

## Vinum

Immodice sumptum, quæ mala  
ferat. 392

Non solum temperamentum cor-  
poris, sed habitum mentis, &  
mores perturbat, & variat.  
pag. 421

## Vir

Vide Homo.

## Vircus, &amp; Virium

Virtutes, & vitia naturalia da-  
ri, & fieri spontanea. 400

Virtutum, & vitiorum esse in  
nobis quædam semina. 402. 403

Omnes virtutes morales esse pru-  
dentias, quomodo intelligatur.  
pag. 456

Virtutes morales sunt habitus in  
appetitu. ibid.



# I N D E X.

Visio clara Dei		A quo excutitur.	90.91
<i>Faci et perfectam similitudinem.</i>		<i>Mutatio est omnium dulcissimum.</i>	
Dei in animo Beati. Aug. 99.109		ibid.	
<i>Est formalis batitudo nostra.</i>	132	<i>Plures qualitates excitantes simul</i>	
<i>Est intuitiva</i>	151	<i>delectationem, simul sentiuntur,</i>	
<i>Per eundem actum cognitio terminatur n̄ essentiam diuinam,</i>		<i>licet non singula delectent.</i>	
<i>&amp; in craturas representatas.</i>		pag.	92
pag.	158	<i>Cur noua oblectent.</i>	189
Viuere		<i>Voluptates nimie, quàm noxia.</i>	
<i>Quid sciuere in actu secundo.</i>		pag.	452
pag.	132	<i>Voluptas maior capitur in his,</i>	
<i>In uite contemplatiua felicitatem</i>		<i>qua cuique magis innotescunt.</i>	
<i>pb̄sopbi constituerunt.</i>	ibid.	pag.	306
<i>Vit. &amp; viuere animalis, nonnisi</i>		<i>Qua cum voluptate exercentur,</i>	
<i>insu denominatur.</i>	225	<i>perfectius sunt.</i>	ibid.
Vnitas		<i>Homo voluptatum appetitor inter</i>	
<i>vtas transcendentalis, vt possi-</i>		<i>omnia animantia.</i>	40
<i>ua ratio à nobi. intelligitur.</i>		<i>Eadem res non omnibus voluptati</i>	
pag.	30	<i>est.</i>	521
<i>uomodo à sensu percipiatur.</i>		<i>Voluptas ab vno sensu haussa, quo</i>	
pag.	30.31	<i>paçto per totum corpus diffun-</i>	
Vniuersale		<i>datur.</i>	522.523
<i>Rationes vniuersales non perci-</i>		Vtile	
<i>piuntur à sensu.</i>	27	<i>Vtile formaliter non percipitur.</i>	
<i>Crassiozem adepti cerebri substan-</i>		sensu.	38
<i>tiam, circa vniuersalia minus</i>		<i>Explicantur argumenta, quibus</i>	
<i>occupantur.</i>	57	<i>utilitas à brutis percipi vide-</i>	
Voluntas		<i>tur.</i>	44
<i>Voluntatis libertas est in poss-</i>		Vulnus	
<i>agere, &amp; non agere.</i>	126	<i>Quibusdam capitis vulnus cere-</i>	
<i>Ratio voluntarij ab Arist. tradita</i>		<i>bri dispositionem meliorem at-</i>	
<i>explicatur.</i>	133	<i>tulit, quibusdam deuastauit.</i>	
Voluptas		pag.	394
<i>In sensu quid sit, &amp; in quo consi-</i>		Vulpes	
<i>stat.</i>	90	<i>Vulpis solertia in transitu flumini-</i>	
		<i>nis.</i>	106

# F I N I S.



